



გეორგიული
ქვეყნის
სსრკ-ის

ი. სეგოიანი

მეზღვეური უნებოცე

ჩვენს ლოცვებს გიორგოვი

№28

• ნაქედული •
19 თბილისი 65

8И (Амер)
82.092 [ლონდონი]
ს 859

თარგმანი ნიკოლოზ ჩოქოვსაძის

„თუ შენ სიმართლე არ აღიარე, დამალე იგი, თუ არ წამოდექი და შეკრებილობაზე სიტყვით არ გამოხვედი, თუ გამოხვედი და სრული სიმართლე არ თქვი, — შენ სიმართლეს უღალატე“.


„შემადგლებინეთ სახეში შევხედო სიმართლეს. მიაშბეთ, როგორი სახე აქვს მას“.

ჯ ე კ ლ ო ნ დ ო ნ ი

ეს ამბავი ჯეკ ლონდონის შესახებ მოთხრობილია მისივე სიტყვებით, მხოლოდ მისთვის დამახასიათებელი და განუმეორებელი კოლორიტით, ზასიათითა და დრამატიზმით. იქ, სადაც ჯეკი თვით მოგვითხრობს თავის თავზე, ვერც ერთი ბიოგრაფი ვერ მოასერხებდა უკეთესად ეთქვა რაიმე.

„მეზღვარი უნაგირზე“ ემყარება იმ მასალას, რომელიც მოიცავს ლონდონის გამოქვეყნებულ ორმოცდაათ წიგნს და ორას ათას წერილს, შავ ხელნაწერს, დოკუმენტს, დღიურს. ყველაფერი ეს თვით ჯეკია. ესაა მოთხრობა იმაზე, თუ როგორ უყვარდა მას, როგორ მუშაობდა და იბრძოდა.

ირვინზ სტოუნნი



I

1875 წლის ივნისში, დილაადრიან, სან-ფრანცისკოს მცხოვრებლებმა გაზეთ „ქრონიკლში“ გულშემზარავი ამბავი წაიკითხეს: ქალმა საფეთქელში რევოლვერი დაიხალა. თურმე ქმარს „სახლიდან გამოეგდო, რადგან ქალი არ დათანხმებოდა მოეკლა თავისი პირმშო, რომელიც ჯერ კიდევ არ დაბადებულიყო, — აი, უსულგულობისა და გაწამებული ოჯახური ცხოვრების მაგალითი“.

ქალი ფლორა უელმანი იყო, ოპაიოს შტატის ქალაქ მესლონის. მკვიდრ უელმანთა ოჯახის გზააბნეული ცხვარი; მამაკაცი კი — მოგზაური-ასტროლოგი, ირლანდიელი პროფესორი ჩანი. რაც შეეხება პირმშოს, მას წილად ზედა მსოფლიოს მილიონობით ადამიანისაოვ ცნობილი გამძღარიყო ჯეკ ლონდონის სახელით.

„ქრონიკლში“ მოთავსებული სტატია ლანძღვა-გინებით იხსენიებდა პროფესორს. თუმცა დასვენაში ავტორი აღიარებდა, რომ ეს ამბავი მას თვით ფლორამ და მისმა მეგობრებმა უამბეს. გაზეთი შრალს სდებდა პროფესორს იმაში, რომ იგი ერთ დროს სასჯელს იხდიდა ტუმსის საპყრობილეში, რომ მან რამდენიმე ცოლადაყოფი-

ლი უკვე დაასაფლავა — „მათ სასთუმალთან მწვანე ბალახი ბიბინებს, ფეხებთან კი მძიმედ ჩაწოლილა ცივი ქვა“, რომ იგი აიძულებდა ფლორას მთელი დღეები ვარცლთან წელმოზნექილი მდგარიყო, ყოფილიყო სხვისი ბავშვების გადია, და ცოლის ფულით შეძენილი ავეჯის გაყიდვასაც კი არ თაკილობდა. ბოლოს ფლორას სახლიდან გაგდება დაუპირა, მაგრამ წასვლაზე რომ ვერ დაითანხმა, ადგა და თვითონ მიატოვა.

ამ ბრალდებებიდან ბევრი რამ ისევე არ შეეფერება სინამდვილეს, როგორც თვით სტატიის სათაური — „მიტოვებული ცოლი“. ფლორა არასოდეს ყოფილა პროფესორ ჩანის ცოლი და მას ფიქრადაც არ მოსვლია სიცოცხლე თვითმკვლევლობით დაემთავრებინა. სასიკვდილო ქრილობის ნაცვლად მხოლოდ კანი აღმოაჩინდა გაფხაჭნილი და ამან პროფესორ ჩანის უფრო დიდი ზიანი მიაყენა, ვიდრე ფლორას — გაზეთებმა ეს ამბავი მთელ ქვეყანას ამცნეს. ჩანი სამუდამოდ შეურაცხყოფილი და სახელგატეხილი დარჩა. ამ შემთხვევის შემდეგ მალე გაუჩინარდა კიდევ სან-ფრანცისკოიდან და ჯექ ლონდონს მამამისი აღარასოდეს უნახავს.

იმ დროს, როცა „ქრონიკლმა“ სტატია გამოაქვეყნა, ფლორა უელმანი ოცდაათი წლის იყო. დაბალი, შეუხედავი, ულაზათოდ ჩაცმული, იგი სათვალესა და ხუჭუჭა შავ პარიკს ატარებდა, რადგან თვალეზი და თმა ტიფს დაეზიანებინა; მოყვითალო-მკრთალი სახე, დიდი ცხვირი და ასეთივე ყურები ჰქონდა. წარმოშობით ფლორა კარგი უელსური ოჯახიდან იყო. 1800 წელს მისმა ბებიამ, მისის ჯოელ უელმანმა, შუა ზამთარში ოთხი ბავშვით გადაიარა ალეგანის მთები — ნიუ-იორკის შტატში მდებარე კანანდეიგუას ტბიდან ვეინ კაუნტამდე, ოჰაიოში. ამდაგვარი მოგზაურობისთვის საჭირო იყო ენერგია, გამბედაობა და რწმენა საკუთარ თავში. მისის ჯოელ უელმანის ორთავე ვაჟს — ჰაირამსა და მარშალს (ჯექ ლონდონის ბაბუას) — შთამომავლობით დაჰყვა ყველა ეს თვისება. ერთხელ შემოდგომის მიწურულში, კლივლენდში სტუმრობისას. ამები გემით გაემგზავრნენ პუტ-ინ-ბეის ყურეში მდებარე კუნძულზე. უკან გამობრუნებისას კი — იმ წელიწადს ეს უკანასკნელი რეისი იყო — გემი რატომღაც აქ აღარ შეჩერდა და ბავშვები ულუქმაპუროდ, თავშესაფრის გარეშე დარჩნენ უკაცრიელ კუნძულზე. ზამთარი იწყე-

ბოდა. მათ, ნაჯახის ნაცვლად ქვებით შეიარაღებულებმა, ნაპირზე გამორიყული მორებისაგან ისეთი მკვიდრი ტივი შეჰკარეს, რომ მატრიკამდე კი არა, თვით კლივლენდამდე მიაღწიეს.

მარშალ უელმანის ოპაიოს შტატის ქალაქ მესლონში დასახლდა. მას აქ არხები გაჰყავდა და პატენტებსაც იღებდა თავის გამოგონებებზე, რომელთა შორის უმთავრესი იყო „უელმანის ნახშირის გათბობა“. დააგროვა საკმაოდ დიდი თანხა და აიშენა სახლი, რომელიც მესლონში ერთ-ერთ ულამაზესად ითვლებოდა. სწორედ აქ დაიბადა მისი ქალიშვილი ფლორა.

ფლორა უელმანს შესაძლებლობა ჰქონდა იმ დროისათვის შესაფერი, მრავალმხრივი განათლება მიეღო. სწავლობდა მუსიკას, დამთავრა კოლეჯი, ბევრს კითხულობდა, ჰასიამოვნო მოსაუბრე იყო, მოხდენილი სიტყვა-პასუხიც შეეძლო და საზოგადოებაში თავის დაჰქერაც. უელმანის მდიდარი ოჯახის ქალიშვილს არ გაუჭირდებოდა შესაფერ ქმარს გაჰყოლოდა და დარბაისლურად ეცხვრა ისე, როგორც მისი დები და ძმები ცხვრობდნენ. მაგრამ გამართულ ჩარხში რაღაც ბზარი გაჩნდა და დახელოვნებულმა გამოგონებელმა, მარშალ უელმანმა ვერ შესძლო დაუდევარი ქალიშვილის დამორჩილება.

მეგობრების გადმოცემით, ფლორა ცვალებადი განწყობის, ჰკვიანი, ნიქიერი, მაგრამ ნერვიული ქალიშვილი ყოფილა. ის ძნელად ეჩვეოდა წესრიგსა და მკაცრ მოთხოვნებს ვერ წაუყენებდით, რადგან ოცი წლის ასაკში ტიფი გადაიტანა და ამ ავადმყოფობის შემდეგ, როგორც იტყვიან, თავში ყველაფერი რიგზე ვერა ჰქონდა.

ოცდახუთი წელი რომ შეუსრულდა, ფლორამ თავისი ხაბაკუბაკი ჩემოდანში ჩაალაგა და მესლონიდან გაემგზავრა. ეს გაუგონარი ამბავი იყო ახალგაზრდა ქალიშვილისაგან. მშობლებთან კავშირი მას აღარაბოდე აღუდგენია. უთუოდ რაღაც უსიამოვნება მოხდა, რისი ნამდვილი მიზეზი მხოლოდ შეიძლება ვივარაუდოთ. „ქრონიკლის“ გამჭრიახი რეპორტიორის ვარაუდით: „ფლორა ჩვენს სანაპიროზე დაახლოებით იმ დროს გამოჩნდა, როცა საღვთობით დაფარული ნევადის რომანტიულ სივრცეებზე გავლით აქ სამოგზაუროდ ჩამოვიდა პროფესორი“. სინამდვილეში ფლორა მხოლოდ სამი წლის შემდეგ შეხვდა ჩანის სიეტლში.

ჯეკ ლონდონის ბიოგრაფი ბევრ რამეს დათმობდა, ოღონდ ფარდა აეხადა ფლორა უელმანის იმ სამი წლის ცხოვრებისათვის, როცა იგი ქალაქიდან ქალაქში დაეხეტებოდა და თავს მუსიკის გაკვეთილებით ირჩენდა. შემორჩენილი ცნობები გვაფიქრებინებს, რომ მისი ცხოვრების ეს პერიოდი სასიამოვნო ამბებს არ უნდა შეიცავდეს.

პროფესორი ჩანი წერს: „... იმავე სასტუმროში, სადაც ფლორა ჩემს მეუღლედ მიაჩნდათ, იგი ჩემამდე თავს ლი სმიტის მეუღლედ ეცხადებდა. ეს სასტუმრო მეტად სოლიდურ დაწესებულებად ითვლებოდა და, აი, ერთხელ შინ დაბრუნებულმა დავინახე, რომ მოზინადრეები გადასასვლელად ემზადებოდნენ და მთელი სახლი საშინელ მღელვარებას მოეცვა. ვერც კი მოვასწარი თთახში შესვლა, რომ ფლორამ კარები ჩაკეტა, ჩემს წინ მუხლებზე დაეცა და ტირილით პატიება მთხოვა. მე არც კი ვიცოდი, რა უნდა მეპატიებინა. დიდი ხნის წუწუნისა და მიღებ-მოდებით ლაპარაკის შემდეგ მიაშობ სიმართლე ლი სმიტის შესახებ. მოზინადრენიო, — მითხრა მან, — იმიტომ გადადიან, რომ მას, ფლორას, თითქმის ერთსა და იმავე დროს იცნობდნენ, როგორც მისს უელმანს, მისის სმიტს და მისის ჩანის. პირველ გულისთქმას რომ ავყოლოდი — უნდა გავცლოდი მას; ხშირ მომავალში თავს დავიზღვევდი ტანჯვისაგან. მაგრამ ჩავუფიქრდი ჩემს განვლილ, მორალურად დამახინჯებულ ცხოვრებას და ვაპატიე“.

ფლორა უელმანს ჩანი პირველად ქალაქ სიეტლის მერის, იესლერის ოჯახში შეხვდა. იესლერი წარმოშობით ოჰაიოდან იყო და უელმანების ოჯახს კარგად იცნობდა. იმ დროს ფლორა სტუმრად იყო მერსა და მის მეუღლესთან. მისტერ და მისის იესლერებმა ჩანის საიდუმლოდ გაანდვეს. რომ მათი სტუმარი მეტად საპატიო მშოშლების ქალიშვილია, მაგრამ ეტყობა, რაღაც დაუშავებია. ალბათ, ამ საიდუმლოდ დარჩენილმა „რაღაცამ“ აიძულა ფლორა სახლიდან წასულიყო. ჩანი ახლო იცნობდა იესლერებს, ხშირად დადიოდა მათთან. როცა უკვე მოგვიანებით, მან სან-ფრანცისკოში ნახა ფლორა, ერთმანეთს ისე შეხვდნენ, როგორც ძველი მეგობრები.

როგორი ადამიანი იყო ჯეკ ლონდონის მამა? მისი წარსულის შესახებ ცოტა რამ არის ცნობილი. ვიცით მხოლოდ, რომ იგი წმინდა წყლის ირლანდიელი იყო; დაბადებულია მორებისაგან ნაგებ ქოხში,

შენის შტატში. ახალგაზრდობაში მრავალი წელი გაუტარებია ზღვაზე. დაბალი იყო, მაგრამ ისეთი მძლავრი აღნაგობა ჰქონდა, რომ უკვე სამოცი წლის მოხუცმა კიბიდან გადმოაგდო ხულიგანი, რომელიც საცემრად მიუგზავნეს. რა საქმიანობას ეწეოდა? წერდა, სცემდა ჟურნალებს, კითხულობდა ლექციებს, მასწავლებლობდა და ადგენდა ჰოროსკოპებს. მის მდიდარ ბიბლიოთეკაში ნახვდით წიგნებს ფილოსოფიურ, მათემატიკურ, ასტრონომიულ და ოკულტურ საკითხებზე; იყო ენათმეცნიერი, ნიჭიერი ისტორიკოსი და ბიბლიის დიდი მცოდნე. უახლოეს მოწაფეებსა და მიმდევრებს შორის სახელი გაითქვა, როგორც შესანიშნავმა ადამიანმა, ასტროლოგებს შორის კი — ერთ-ერთმა საუკეთესოთაგანმა. ამბობენ, რომ სიბერის ეამს, როცა ჩიკაგოში ცხოვრობდა, მან მთელი თავისი არაჩვეულებრივი ნიჭი ასტროლოგიას შესწირა, რაზედაც ყოველდღე თექვსმეტ-თექვსმეტ საათს მუშაობდა. მას გატაცებითა და გულწრფელად სწამდა ასტროლოგია და ისეთივე ზუსტ მეცნიერებად მიიჩნდა იგი, როგორც ქიმია ან მათემატიკა, მეცნიერებად, რომელსაც შეეძლო ჭაობიდან ამოეყვანა კაცობრიობა.

ჩანის ყველაზე სუსტი მხარე ქალებთან ურთიერთობა იყო. როცა მეგობრები პროფესორს უსაყვედურებდნენ ხოლმე მისი მორალური შეცდომების შესახებ, იგი ჰოროსკოპზე მიუთითებდა და წამოიძახებდა: „ეჰ, მე ეს შთამომავლობით მომდევს“. სულ ადვილი იყო მისი გაჯავრება, მასთან საქმის დაჭერა კი მეტად ძნელი, რადგან ყოველთვის და ყველაფერში სურდა თვითონ ყოფილიყო წინამძღოლი, ჭკუის დამრიგებელი და ხელმძღვანელი. ცხოვრების უმეტესი ნაწილი სიღარიბეში გაატარა, ფულის ყადრი არ იცოდა. თუ მოწაფეებს არ შეეძლოთ გადახდა, უსასყიდლოდ ასწავლიდა და იმ მცირედსაც კი, რაც გააჩნდა, სხვებს უნაწილებდა.

სტუდენტები იგონებდნენ, მის ლექციებს ყოველთვის შეუწელებელი ყურადღებით ვისმენდითო. მან იცოდა, რა ეთქვა და როგორ გადმოეცა თავისი ცოდნა. ირონიით ლაპარაკში ვერავინ შეეხდრებოდა. მის მეგობრებს ბევრი რამის შეძენა შეეძლოთ მისგან, თუ ამის უნარი შესწევდათ, თუ არა და მის მეგობრად დიდხანს ვერ დარჩებოდნენ. ქალაქ პორტლენდში (ორეგონის შტატი) საყოველთაოდ ცნობილი იყო მისი ყოველკვირეული ლექციები. მსმენელე-

ბის წინ დაფაზე გამოსახული იყო ერთი მეტრის სიმაღლის ჰოროს-კოპი და ჩანი, ჯონით ხელში, აუდიტორიას უხსნიდა ვარსკვლავთა სხვადასხვაგვარი განლაგების მნიშვნელობას. საათნახევრიანი ლექციის შემდეგ, მისთვის ჩვეული, ირლანდიური ძარღვიანი იუმორით, იგი მოწაფეებს თავშესაქცევი ამბებით ართობდა.

ერთ-ერთი მისი მიმდევარი ჯო ტაუნსონი გელდზბურგიდან, შემდგომში ჯეკ ლონდონის თანამებრძოლი სოციალისტური პარტიიდან, 1909 წელს წერდა: „მე განსაკუთრებით მომწონდა, როდესაც იგი საუბრის მსვლელობისას ზოგჯერ წამოიძახებდა: „ა-ა! ამა რალაც მოსაზრება გამიჩინა...“ და იწყებდა ამ მოსაზრების განვითარებას, თანაც ბრწყინვალედ ასაბუთებდა ამა თუ იმ მეცნიერულ ქეშმარიტებას, აღწერდა ბუნების მოვლენებს, რომელთათვისაც ჯერ არავის მიუქცევია ყურადღება. განსაკვიფრებელი იყო მისი ცოდნა მათემატიკაში და ასტროლოგიაში; მან შემასწავლა ძველთაძველი წარწერების გაშიფვრის მეთოდი; ჩინებულად ერკვეოდა გრამატიკაში; ჰქონდა ღრმა შემეცნების უნარი, ნამდვილი მეცნიერის ცოდნა და განსაკუთრებული მეხსიერება; შეეძლო დღე-ღამეში თექვსმეტი საათი ეწერა და დაღლას არ იგრძნობდა; ხშირად კითხულობდა ლექციებს, რომლებშიც არკვევდა სიღარიბის მიზეზებსა და მასთან ბრძოლის საშუალებებს, ლაპარაკობდა იმაზე, რომ მდიდრები სულ უფრო მდიდრდებიან, ღარიბები კი — უფრო ღარიბდებიან; მეტად მრავალმხრივი ადამიანი იყო და მისგან უფრო მეტი ვისწავლე, ვიდრე ყველა სხვა ჩემი მასწავლებლისაგან. ერთხელ მითხრა: „მე შეგასწავლით, როგორ გამოითვალთ მზის დაბნელების დრო; საერთოდ, რა მეცნიერებასაც მოისურვებთ, იმას შეგასწავლით“. მოკლედ რომ ვთქვა, როდესაც დამკირდებოდა რისიმე გაგება, დახმარებისათვის ყოველთვის პროფესორ ჩანის მივმართავდი“.

ტაუნსონს არ დავიწყებია ჩანის უარყოფითი მხარეების ჩამოთვლაც; პროფესორს თურმე მუსიკის არაფერი გაეგებოდა, სძულდა ქალთა თანაწორუფლებიანობის დამცველები, შეეძლო ყოფილიყო ერთგული მეგობარიც და დაუნდობელი მტერიც; კამათის დამთავრების შემდეგ იშვიათად თუ აღიარებდა მოწინააღმდეგის დადებით მხარეებს. ათეისტებს ფულს ართმევდა რელიგიის საწინააღმდეგო ლექციების წაკითხვაში... და, იმავე დროს, ნებისყოფა არ ჰყოფნიდა შორს დაექირა თავი ახალგაზრდა ქვრივებისაგან.

ფლორა უელმანთან ერთ ჰერქვეშ ცხოვრების დაწყებიდანვე, ჩანი დაბინავდა პირველ ავენიუზე, როგორც მაშინ ეწოდებოდა მიშენისა და ვალენსიას შუა მდებარე ქუჩას. მან თანამშრომლობა დაიწყო ჟურნალ „სალ აზრში“, რომელსაც ერთადერთ ათეისტურ ჟურნალად ასაღებდნენ მისი მესვეურნი კლდოვანი მთების დასავლეთით. ჩანი წერდა სტატიებს ფილომატიების საზოგადოებისათვის, კითხულობდა ლექციების ციკლს სოციოლოგიაზე, შინ კი პოროსკოპების განმარტებას ეწეოდა.

„პროფესორი სან-ფრანცისკოში დასახლდა ასტროლოგიაში მუშაობის მიზნით. განზრახვა აქვს აგრეთვე ასტროლოგიის გაკვეთილები ჩაუტაროს იმათ, ვინც მოისურვებს ცის სამყაროს ამ დარგში დახელოვნებას. ასტროლოგია ესმოდათ და მას მხურვალედ უჭერდნენ მხარს ისეთი დიდი და გამჭირიანი მოაზროვნეები, როგორც იყვნენ გალილეი და ისააკ ნიუტონი. იმ პირთა გრძელ სიაში, რომელთაც ამ ქალაქში თავი ასტროლოგებად მოაქვთ, არც ერთს წარმოდგენაც არა აქვს ამ მეცნიერებაზე. ასტროლოგებად თავი მოაქვთ, ჩვეულებრივ თაღლითებს, რომელნიც ბანქოს გაშლით ან ყავის ნალექებზე მკითხაობენ. მათმა მარჩიელობამ ცუდი სახელი შეუქმნა ნამდვილ ასტროლოგიას. სამუშაო დრო განსაზღვრულია დღის 10 საათიდან 12 საათამდე და დღის 2-დან—4-მდე. საღამოს კონსულტაციებს პირადად შეთანხმებით აწარმოებს“.

ჩანი არ იყო შარლატანი. თავისი სიცოცხლის უმეტეს მანძილზე ასწავლიდა ასტროლოგიას, წერდა მასზე და ლექციებსაც კითხულობდა უფასოდ. აქედან აშკარაა, რომ ის შეგნებულ თაღლითობას როდი ეწეოდა გულუბრყვილობა შორის. აი, ერთი ანეგდოტი, რომლის მიხედვით შეიძლება დავასკვნათ, თუ რა ადგილი ეკავა მას თავის დარგში.

ერთხელ ქალაქში ხანძარი გაჩენილა. დამწვარა სახლი. დაეკვებულან, რომ ხანძარი წინასწარი განზრახვით იყო გაჩენილი. სახლის პატრონს პროფესორ ჩანისათვის უთხოვია დახმარება. პროფესორს უთქვამს, რომ ხანძრის გაჩენაში მონაწილეობას იღებდნენ სამნი, და თანაც ისეთი სიზუსტით აღწერია ისინი, რომ სახლის პატრონი დამნაშავეებთან მისულა და განუცხადებია, ჩანიმ გამხილათო. ისინი მაშინვე გამოტეხილან. თუ ჩანიმ თქვა, უარყოფას რაღა აზრი აქვსო.

კვირა საღამოობით ჩანი ლექციებს კითხულობდა ასტროლოგიაში ჩარტერ ოუკ პოლში. შესასვლელთან ბილეთებს ფლორა ყიღდა — თითოს ათ ცენტად. ერთ ხანს ლექციები კარგ შემოსავალს იძლეოდა, თუმცა ზოგიერთი იმ მიზნით მოდიოდა, რომ ლექტორი აბუჩად აეგდო.

ჩანის შეხედულებებისა და გამჭირახობის საუკეთესო დამადასტურებლად შეიძლება ჩაითვალოს ეურნალ „სად აზრში“ დაბეჭდილი მისი სტატიები: „სიღარიბე, მისი მიზეზები და მასთან ბრძოლა საშუალებები“, „როგორ უნდა მოვექცეთ ბოროტმოქმედებს?“ სტატიაში „ადამიანს უნდა შეეძლოს მომავლის წინასწარმეტყველება“, იგი წერს: „სწავლების მცდარმა სისტემამ ჩაგვიწერა, რომ მომავალი ღმერთს ეკუთვნის და ადამიანის მიერ მომავლის განჭვრეტის ცდაც ღვთისგმობაა. ეს რწმენა ადრეული ბავშვობიდანვე იწერება, და, ალბათ, ამერიკის შეერთებული შტატების მცხოვრებთა ცხრა მეათედს საეკვოდ მიაჩნია მომავლის წინასწარმეტყველების შესაძლებლობა. მათი პოზიცია ისეთივეა, როგორც გალილეიმდე ეჭირათ ადამიანებს. მათ სჯეროდათ დოგმისა, რომ ღედამიწა ბრტყელია, და ზიზლით შეკუყრებდნენ ყველას, ვინც ამტკიცებდა, ღედამიწა მრგვალიაო. როცა პაპმა და კარდინალებმა მეცნიერებისათვის ერთ-ერთი პირველი წამებული გალილეი საპყრობილეში ჩასვეს მტკიცებისათვის, ღედამიწა ორბიტაზე მოძრაობსო, უბრალო ადამიანებმა მისი დასჯა მართებულად მიიჩნიეს“.

ჩანის სტატიები კარგი ენითაა დაწერილი, არგუმენტაცია დამაჯერებელია, თხრობის მანერა — მკაფიო და ნათელი. ჩანს, ავტორი ყოველმხრივ განათლებული ადამიანია და საკმაო გამბედაობაც შესწევს, გულახდილად ილაპარაკოს; უყვარს ადამიანები და სურს ჩაუნერგოს მათ სწრაფვა სრულყოფისაკენ. აქვს თანამედროვე, მოწინავე შეხედულებანი. კრიმინოლოგიის შესახებ დაწერილ სტატიაში იგი აღნიშნავს, რომ ბოროტმოქმედს იმდენად დასჯის სიმკაცრე კი არ აიძულებს თავი შეიკავოს დანაშაულისაგან, რამდენადაც დასჯის გარდუვალობა. მეორე სტატიაში ფილომატებს უჩვენებს, შექმნან ძმური საზოგადოება, სადაც კვირაში ერთხელ შეიკრიბებიან მამაკაცები, ქალები და ბავშვები. უფროსები სხვადასხვა თემებზე დაიწყებენ ნაწარმოებთა წერასა და განხილვას, ბავშვები

კი იმეცადინებენ მუსიკაში, დაეუფლებიან კომპოზიციისა და კრიტიკის ხელოვნებას. აღამიანთა თაობა წინ წაიწევს და რამდენიმე მოდგმის შემდეგ მოისპობა მანკიერება და დანაშაულობა.

ფლორა არა მარტო ასტროლოგი, მგზნებარე, სპირიტისტიც იყო. იგი ატარებდა სპირიტისტულ სეანსებს, რომლის დროსაც შეკრებილთ უნდა გამოეძახათ ახლობელთა სულები, გაენდოთ მათთვის თავიანთი ზრახვები და შეიძლებოდნა მათგან იმის რჩევაც მიეღოთ, როგორ წარემართათ სავაჭრო ან სამიჯნურო საქმეები, როგორ ედევნებინათ თვალყური ქარაფშუტა მეუღლისათვის, ან როგორ მოეგვარებინათ სხვადასხვა უსიამოვნებები—უხილავი სულებისთვის ხომ უფრო მოხერხებულია ამქვეყნიური საქმეების მეთვალყურეობა. გასული საუკუნის 70-იან წლებში სპირიტისტიზმი დიდ მოდაში იყო. მთელ სან-ფრანცისკოში ათობით სეანსი ეწყობოდა და სპირიტისტიზმის მიმდევრები იქამდეც კი მიდიოდნენ, რომ სულებს თანხმობას გამოსთხოვდნენ ეკონომი ქალის დაქირავების საკითხშიც.

ფლორა და ჩანი რამდენიმე თვე ბედნიერად გრძნობდნენ თავს სან-ფრანცისკოში. ფლორა დიახსლისობდა, ასწავლიდა მუსიკას, აწყობდა სპირიტისტულ სეანსებს, კითხულობდა ლექციებს სპირიტისტიზმის შესახებ. ნახერხმოყრილ მიწის იატაკიან ფარდულში ჩანი ლექციებს კითხულობდა ქიმიის, ასტრონომიის, ოკულტურ მეცნიერებებში, ფლორა კი კარებში იდგა და დამსწრეებს ბილეთებს უსინჯავდა. მათ ჰყავდათ მეგობრები ასტროლოგთა შორის, კარგი სახელი ჰქონდათ გავარდნილი და თავის დარგში პირველები იყვნენ. როგორც ჩანს, ფლორას უყვარდა პროფესორი და ძალიან უნდოდა მისი ცოლი გამხდარიყო, მაგრამ ჩანი მეტად დატვირთული იყო ლექციებით ფილომატების საზოგადოებაში — „ფიზიკური, გონებრივი, მორალური და სულიერი ცხოვრების მოვლენათა შესახებ“—და არ ეცალა ისეთი საფუძსფუსო საქმეებისათვის, როგორიც ქორწინებაა.

როცა ჯექ ლონდონს ოცდაერთი წელი შეუსრულდა, ის წერილობით შეეკითხა ჩანის — არის თუ არა იგი მისი მამა. „ქრონიკლში“ სტატის გამოქვეყნების ოცდამთხი წლის თავზე, 1899 წლის 4 ივნისს, ჩანიმ საპასუხო წერილი გამოუგზავნა. ის ლონდონს „ძვირფას სერს“ უწოდებს და თანახმაა „შეასრულოს მისი სურვილი, ყოველივე საიდუმლოდ შეინახოს“; შემთხვევის შესახებ კი ატყობინებს თავის განმარტებებს:

„ფლორა უელმანთან არასოდეს ვყოფილვარ ქორწინებაში, — სწერდა ჩანი, — მაგრამ 1874 წლის 11 ივნისიდან 1875 წლის 3 ივნისამდე ჩვენ ერთად ვცხოვრობდით. იმ დროს მე არ შემეძლო მისი ქმარი ვყოფილიყავი, რადგან, მრავალ გაჭირვებასთან ერთად, სიღარიბესაც განვიცდიდი და მეტიმეტად დატვირთული ვიყავი გონებრივი მუშაობით. ასე რომ, მე თქვენი მამა არ შეიძლებოდა ვყოფილიყავი და არც ვიცი, ვინაა იგი“.

ჩანი თანახმაა, დაეხმაროს ჯეკ ლონდონს სინამდვილის დადგენაში და იმეორებს ხალხში გავრცელებულ ხმას, რომელიც 1875 წლის გაზაფხულზე ფლორას სახელს ორ სხვა მამაკაცთან აკავშირებდა. ამასთანავე გულახდილად აღიარებს, რომ „პირველი წყაროებიდან არაფერი იცის“. ამას მოსდევს ისეთი გულშემზარავი აღსარება, რაც კი ოდესმე ადამიანის ხელს დაუწერია: „თავის დროზე მე მეტად ნაზად მიყვარდა ფლორა, მაგრამ დადგა დღე, როცა იგი ისე ძლიერ შემძულდა, როგორც ეს ძალუძს მგზნებარე ადამიანს. იმ ადამიანებივით, რომელნიც მსგავს მდგომარეობაში აღმოჩენილან, მინდოდა იაიცი მომეკლა და ჩემი თავიც. მაგრამ დრომ მომიშუშა ჭრილობა და მისადმი ცუდი გრძნობა არ დამრჩენია. რაც შეგეხებათ თქვენ, მხურვალედ თანაგიგრძნობთ. წარმომიდგენია, რა დღეში ვიქნებოდით თქვენს ადგილას... გაზეთებში წერდნენ, თითქოს მე ის სახლიდან იმიტომ გავაგდე, რომ არ დამთანხმდა აბორტის გაკეთებაზე. სტატია გადაბეჭდეს და მთელ ქვეყანაში დაგზავნეს. იგი ჩემს დებსაც წაუკითხავთ მენში და ამის გამო ორი მათგანი გადამემტერა. ერთი კი იმ რწმენით გარდაიცვალა, რომ მე დამნაშავე ვიყავი. მთელი ჩემი ნათესაობა, გარდა ერთი დისა, რომელიც პორტლენდში, ორეგონის შტატში, ცხოვრობს, ჩემი მტერია და დღემდე წყევლა-კრულვას არ მაკლებს იმის გამო, რომ მე ისინი შევარცხვინე. იმ ხანებში ბროშურაც კი გამოვეცი, სადაც მოთავსებული მქონდა პოლიციის უფროსისაგან მიღებული საიდუმლო პატაკი. ამ პატაკიდან ნათლად ჩანდა, რომ მე ცილი დამწამეს, მიუხედავად ამისა, „ქრონიკლმა“ და სხვა გაზეთებმა არ მოისურვეს უარეყოთ თავიანთი მოქორილი ამბავი. ამის შემდეგ შეეწყვიტე თავის მართლებას. ცხოვრება მძიმე ტვირთად მაწვა მრავალი წლის მანძილზე. ბოლოს, როგორც იქნა, შეიცვალა ჩემდამი

დამოკიდებულება. ახლა მე უკვე მყავს მეგობრები და მათ ჩანი პატიოსან ადამიანად მიაჩნიათ. თუმცა სამოცდამეჩვიდმეტე წელში გადავდექი, მაინც ღარიბი ვარ, ამ სიტყვის სრული მნიშვნელობით“.

ამ პასუხით დაუკმაყოფილებელმა ჯეკ ლონდონმა ხელახლა მისწერა ჩანის და დაჟინებით მოითხოვა ინფორმაცია. პასუხად მისგან მიიღო უკანასკნელი წერილი, სადაც პროფესორი განაგრძობს თავისი მამობის უარყოფას: „აი, რატომ დავშორდი ჩვენ. ერთ მშვენიერ დღეს ფლორამ გამომიცხადა: იცი ყველაფერზე უფრო რა მინდა? გავხდე დედა, მაგრამ შენ მეტად მოხუცი ხარ. დაეუშვათ, მოვძებნე მამაკაცი, კარგი, სანდომიანი ადამიანი: ნუთუ შენ არ დათანხმდები, რომ მიხვან ბავშვი ვიყოლიო?“ მე ეუპასუხე, რომ დაეთანხმდებოდი იმ პირობით, თუ შემდეგ ის მამაკაცი უპატრონებდა მას. არა, მას სურდა საშუალოდ ჩემთან ეცხოვრა, რომ პროფესორ ჩანის მეუღლე ჰგონებოდათ. დაახლოებით ერთი თვის შემდეგ გამიმხილა, რომ იგი ჩემგან დაორსულდა. გაეფიქრე — ალბათ, ჩემი გამოცდა უნდა-მეთქი და არ დაეუჯერე. საშინელი აურზაური ავტეხე იმ ვარაუდით, რომ ფლორა ხელს აიღებდა თავის განზრახვაზე. მთელი დღე და ღამე გრძელდებოდა კამათი. გათენდა თუ არა, ავდექი და განეუცხადე, რომ იგი ველარასოღეს გახდებოდა ჩემი ცოლი. დარწმუნდა თუ არა ჩემი გადაწყვეტილების სიმტკიცეში, მყისვე მიყუჩდა, დაეცა მუხლებზე, ფორთხვით მომიახლოვდა და პატიება მოთხოვა გულამოსკვნილი ტირილით. შეწყნარებას არ ვაპირებდი, თუმცა, სიმატლეს გითხრათ, ჯერ კიდევ მეგონა, რომ ბავშვის მოლოდინი სახელდახელოდ მოიგონა. საერთოდ, აუტანელი ხასიათისა იყო და ადრეც მიფიქრია იმაზე, რომ მასთან განშორება მომიწევდა.

ამ ამბის შემდეგ ფლორა ექიმ რატლისთან წავიდა უკანა ეზოს გავლით და მალე დაბრუნდა ცალ ხელში რევოლვერით, მეორეში კი ვაზნებიანი კოლოფით. შუბლის მარცხენა მხარეზე ჭრილობა მოუჩანდა და სახეზე სისხლი ჩამოსდიოდა. მისის რატლის შეკითხვაზე: თუ რა დამართა, ფლორამ უპასუხა: „საწყალმა ქალმა თავის მოკვლა სცადა, მაგრამ ვერ შეძლო ამის გაკეთება ისე, როგორც საჭირო იყო“. საშინელი აურზაური ატყდა. შეგროვდა ხალხი, ასორმოცდა-

ათ კაცამდე, და დამემუქრნენ, რომ ფარნის პირველსავე ბოძზე ჩამომახრჩობდნენ“.

პროფესორის მიერ გამოცემული ყველა ბროშურა გაქრა, მაგრამ აღმოჩნდნენ მოწმეები, რომელთაც ისინი თავის დროზე წაუკითხავთ. პოლიციის საიდუმლო რწმუნებულის მოხსენებაში დადასტურებული ყოფილა, რომ რევოლვერი ძველი იყო და უკანასკნელი დახეთვის შემდეგ მას ტყვია არ გაუსვრია. ამიტომაც დენტის კი არა, თოფის ზეთის სუნი ასლიოდა. უკანა ეზოში, ფლორასაგან ათი მეტრის დაშორებით დურგალი მუშაობდა, მაგრამ გასროლის ხმა არ გაუგონია. თუ ფლორამ, როგორც ამას თვითონ ამტკიცებდა, რევოლვერი დაიხალა, სახეზე დენტის კვალი უნდა დარჩენოდა, მაგრამ ამის მსგავსი არაფერი აჩნდა.

ჩანი ცდილობდა დაემტკიცებინა, რომ თვითმკვლელობა ინსცენირებული იყო, მაგრამ გაკვირვებას იწვევს, რატომ, თვითონ არ გასინჯა ფლორას ჭრილობა, - რათა დარწმუნებულიყო, ნამდვილი იყო იგი თუ მოჩვენებითი. თუმცა მნიშვნელოვანი საფუძველი ჰქონდა, მაგრამ ამის შესახებ იგი თავის ბროშურაშიც კი არაფერს ამბობს. ფლორას რომ საფეთქელზე ნაჭრილობევი აჩნდა, ამას ადასტურებდნენ მისი გერი ელიზა ლონდონ-შეპარდი და შვილიშვილი ჯონ მილერი. ცხადია, ჩანის სურვილი იყო დაემტკიცებინა, რომ თუ ფლორამ მართლაც დაიჭრა თავი, არ შეიძლებოდა ეს ისეთი სასიკვდილო იარაღით ჩაედინა, როგორცაა რევოლვერი. ამ მიზნისათვის, მაგალითად, მას შეეძლო გამოეყენებინა უსწორმასწორო კიდეებიანი ლითონის ნაჭერი. ჩანის კიდეც რომ დაემტკიცებინა თავისი სიმართლე, ეს მას შეღავათს მაინც ვერ მოუტანდა.

რატომ არ უნდოდა ჩანის ჯეკ ლონდონის მამად გამოეცხადებინა თავი? ადვილი არაა. მამის უფლებების აღიარება სიცოცხლის უკანასკნელ წლებში. თანაც ფლორა უელმანთან კავშირმა მას ისეთი მძიმე განცდები გადაატანინა, რომ აღარავითარი სურვილი არ ჰქონდა თავიდან დაეწყო ის, რაც რამდენიმე წლის განმავლობაში სიცოცხლეს უმწარებდა. ჯეკ ლონდონი მისთვის უცხო იყო; უცნობი სახელი და ცარიელი ბგერა — მეტი არაფერი. ფლორასა და ჯეკ ლონდონისაგან ჩანის მხოლოდ ერთი რამ უნდოდა: თავი დაენებებინათ მისთვის.

თვითმკვლელობის ამოა ცდის შემდეგ, ფლორამ თავშესაფარი იპოვნა „ქრონიკლის“ თანამშრომლისა და ჟურნალ „საღი აზრის“ მეპატრონის უილიამ გ. სლოკამბის ოჯახში. იგი აქ ცხოვრობდა, ვიდრე ჯეკი არ მოევლინა ქვეყანას.

რაც შეეხება ჩანის, იგი პორტლენდში წავიდა დასთან. ეს იყო ერთადერთი ადამიანი, რომელსაც ჯერ კიდევ სჯეროდა მისი უდანაშაულობა. აქ იგი დიდხანს ცხოვრობდა, შეაგროვა ჩინებული ბიბლიოთეკა, ბეჭდავდა პამფლეტებს, უშვებდა ასტროლოგიურ აღმანახს, მოწაფეები და მიმდევრებიც გამოუჩნდნენ. უფრო მოგვიანებით გადასახლდა ახალ ორლეანში, სადაც ოკუპლტური მეცნიერებისადმი მიძღვნილ ჟურნალს უშვებდა, ხოლო პანსიონის გადასახდელის საზღაურად ორ ბიქს ამეცადინებდა მათსავე სახლში. უკანასკნელი ქალაქი, სადაც ჩანი ცხოვრობდა, ჩიკაგო იყო. სიცოცხლის ბოლო წლებში იქ დაქორწინდა, თავი გამოაცხადა ასტრონომიული კოლეჯის დირექტორად, პოროსკოპის განმარტებაში იღებდა ერთ დოლარს და ამით გაპირვებით გაპქონდა თავი. მისი ერთ-ერთი მოწაფის გადმოცემით, პროფესორს უწინასწარმეტყველეს, რომ იგი საუჯუნის დამთავრებამდე მოკვდებოდა და დაასაფლავებდნენ ქარბუქის დროს. ასეც მოხდა. დღეც კი დაემთხვა.

ფლორა უელმანი საჯარო ლექციებს კითხულობდა სპირიტისმიმნ ნესახებ და სპირიტისტულ სეანსებშიც მონაწილეობდა თვით მშობიარობის დღემდე. სან-ფრანცისკოს მცხოვრებლებს დაამახსოვრდათ, როგორ იდგა იგი ფიცარნაგზე დიდი მუცლით, უცნაურად ჩაცმული, მხრებამდე დაშვებული ხელოვნური შავი კულულებით. მათ ეცოდებოდათ ეს მარტოხელა, ყველასაგან მიტოვებული ნაზი ქალი. გულშემატკივრებმა რამდენჯერმე ფულიც კი შეაგროვეს მის დასახმარებლად.

1867 წლის 14 იანვარს „ქრონიკლი“ ისევ იხსენიებს ჩანის სახელს, მაგრამ ამჯერად რამდენადმე უფრო ლმობიერად: „სან-ფრანცისკო, 12 იანვარი. უ. გ. ჩანის მეუღლეს ვაჟი შეეძინა.“ ჯეკ ჩანის სახელით ბავშვმა მხოლოდ რვა თვე იცხოვრა, ვიდრე ფლორა ჯონ ლონდონზე არ გათხოვდა.

ჯონ ლონდონი, ინგლისური წარმოშობის ამერიკელი, დაიბადა პენსილვანიაში. სწავლობდა სოფლის სკოლაში. ცხრამეტი წლის ასაკში, პენსილვანია-ერის რკინიგზის უბნის უფროს დარაჯად ყოფნის დროს, იგი დაქორწინდა ენ ჯენ კევიტზე, რომელთანაც მეტად ბედნიერი წლები გაატარა და ათი ბავშვი შეეძინა. შემდეგ თავი გაანება რკინიგზას და ფერმერი გახდა. სამოქალაქო ომში იგი ჩრდილოელთა მხარეზე იბრძოდა, ვიდრე ტიფით არ გახდა ავად და ცალი ფილტი არ ამოკვეთეს. ომის შემდეგ მოსკოვის ახლოს (აიოვას შტატი) სახელმწიფო მიწის ნაკვეთი მიიღო და სოფლის მეურნეობას მოექცა. ამავე დროს დურგლობდა, კალატოზობდა, იყო შერიფი და მეთოდური ეკლესიის დიაკვანიც. კვირაობით, წირვის დამთავრების შემდეგ, მოძღვარს მოიპატიჟებდა ხოლმე სადილზე.

ენი ჯენ კევიტის გარდაცვალებიდან ცოტა ხნის შემდეგ, ლონდონის ერთ-ერთ შვილს ბეისბოლის თამაშის დროს მკერდზე მაგრად მოხვდა ბურთი. ექიმმა ის კი ურჩია ბავშვი კალიფორნიაში გაეგზავნა, რომლის კლიმატი ხელს შეუწყობდა მის გამოჯანსაღებას, მაგრამ იმის თქმა დააფიქსა, რომ ამ შტატში, ორი ათასი კილომეტრის მანძილზე, რამდენიმე კლიმატური რაიონი იყო. კალიფორნიაში ლონდონისათვის ცნობილი იყო მხოლოდ ერთი ქალაქი—სან-ფრანცისკო. ავადმყოფი ვაჟითა და ორი უმცროსი ქალიშვილით ჯონი დასავლეთისაკენ გაემგზავრა მატარებლით. სან-ფრანცისკოს ნისლიანი კლიმატი ბავშვმა ვერ აიტანა და ათი დღის შემდეგ გარდაიცვალა.

ამ შემთხვევის შემდეგ ლონდონმა აიოვადან კალიფორნიაში გამოიწვია ნაცნობი ცოლ-ქმარი მეურნეობისა და გოგონების მოსაველეად. ისინი რამდენიმე თვე უვლიდნენ ბავშვებს, მაგრამ შემდეგ ქმარს სამუშაო შესთავაზეს სან-ფრანცისკოდან მოშორებით და ცოლ-ქმარი წავიდა. ლონდონი ისევ მარტო დარჩა თავისი გოგონებით და იძულებული გახდა ისინი ობოლთათვის განკუთვნილ პროტესტანტულ თავშესაფარში მოეთავსებინა. ეს დაწესებულება, სადაც გადასახადი იყო დაწესებული, ჰეიტ-სტრიტზე მდებარეობდა.

ჯონ ლონდონი ამ დროს ორმოც წელზე მეტი ხნისა იყო. ყველა ვისაც ჯონი ახსოვს, ამბობს, რომ ის ფრიალ სიმპათიური, რბილი ხასიათის მქონე გულკეთილი და მიმზიდველი შესახედაობის ადამი-

ანი იყო. ჯერ კიდევ ცოლსა და შვილზე მგლოვიარობის დროს ერთ-
მა მეგობარმა ურჩია სპირიტისტულ სიანსზე წასულიყო. „წადი,
ჯონ, იქნებ შენებმა რაიმე შეგატყობინონ“. მაგრამ გარდაცვლილი
ცოლისაგან ამბის გაგების ნაცვლად ლონდონმა ახალი ცოლი შეირ-
თო.

ძნელია დანამდვილებით ითქვას, როდის შეხვდა ლონდონი
ფლორას — მშობიარობამდე თუ მშობიარობის შემდეგ; მაგრამ
ეჭვს გარეშეა — მან იცოდა, რომ ფლორა არ ყოფილა ჩანის კა-
ნონიერი ცოლი. ამის შესახებ თვით ფლორა აცხადებდა საჯაროდ,
როდესაც იგი თავის გამოსვლებში ჩარტერ ოუქ ჰოლში თავს ესხ-
მოდა ამ დროისათვის უკვე ქალაქიდან წასულ პროფესორს. ბევრი
ვერ მიმხვდარიყო, რატომ შეირთო ლონდონმა ფლორა. მართალია,
ჯონი განსაკუთრებული ჯანმრთელობით ვერ დაიკვებხნიდა, მაგრამ
ქონებრივად სრულიად უზრუნველყოფილი და თანაც სასიამოვნო
კაცი იყო. ნაცნობ ქალებს იგი მოსწონდათ, განსაკუთრებით კი
ერთ ლამაზ მსახიობს, რომელთან ერთად შაბათობით თავისი გოგო-
ნების სანახავად დადიოდა ხოლმე ობლების თავშესაფარში.

ჯონ ლონდონი სან-ფრანცისკოში მარტობას განიცდიდა. იგი
ბუნებით მეოჯახე ადამიანი იყო, დარდობდა ცოლსა და დანგრეულ
ოჯახურ მყუდროებაზე; სურდა მის გოგონებს ოჯახი ჰქონოდათ,
დედა ჰყოლოდათ. გულში ხასიათის მქონე ფლორასთან კი საუბა-
რი საინტერესო იყო. თუ შემთხვევით ლონდონი გრიპით გახდებოდა
ავად, ფლორა უვლიდა; როიალზე დაკვრით ართობდა და მარტო-
ობით განცილ მწუხარებას უქარწყლებდა. ჯონის ლოგინად ჩავარ-
დნის ორი კვირის შემდეგ, შაბათს, მშობლების ნახვის დღეს, ფლო-
რა მივიდა ობლების თავშესაფარში და გოგონებს განუცხადა, რომ მა-
მა ავად არის და ამიერიდან იგი იქნებოდა მათი ახალი დედა. გოგო-
ნებმა არ დაუჯერეს. 1876 წლის 7 სექტემბერს ფლორა უელმანმა
ქორწინების მოწმობაზე მოაწერა — „ფლორა ჩანი“ და რვა თვის
ვაჟით მუშათა უბანში, მარკეტ-სტრიტის სამხრეთით მდებარე ჯონ
ლონდონის ბინაში გადასახლდა. როდესაც ოჯახი მოეწყო, ჯონი
თავშესაფარში გაემგზავრა და ქალიშვილები შინ მოიყვანა. უფრო-
სი, ელიზა, რვა წლის ულამაზო და გულუბრყვილო გოგონა იყო,
ამასთანავე მეტად მოწიფული და უკვე დამოუკიდებელი თავის

წლოვანებასთან შედარებით. მამამ ელიზა ოთახებში დაატარა და უთხრა, რომ ბავშვი მისი ძმას. ელიზამ პირველი დანახვისთანავე შეამჩნია, რომ ბავშვის სახე ბუზებს დაეფარა. ფლორას კი აზრადაც არ მოსვლოდა, ქინქლების საწინააღმდეგო ბადის ნაჭერი ეყიდა და ბავშვისათვის ჩამოეფარებინა. ელიზამ ხმის ამოუღებლად გააკეთა ქალაღდის მარაო და ლოგინთან ჩამოჯდა ბუზების მოსაგერიებლად. ამ წამიდან წლოვანებასთან შეუფერებლად სერიოზული რვა წლის გოგონა მზრუნველობას არ აკლებდა მას იმ დღემდე, სანამ „მთვარის ხეობაზე“ გადმომდგარ ბორცვზე მიწას არ მიაბარა ჯეკ ლონდონის ნეშტი.

ფლორას არ მოეწონა დედის მოვალეობა. მოუსვენარი, ტემპერამენტიანი, განწყობილების ადვილად ამყოლი, იგი მეტად გატაცებული იყო მუსიკით, ლექციებითა და სპირიტუზმით. ბავშვის მოსაგულელად, რომელიც იმ ხანებში ავადმყოფობდა, მას არ ეცალა. ექიმის რჩევით, ოჯახი სასოფლო რაიონ ბერნალ-ჰაიტსში გადასახლდა. ფლორა ძიძის ძებნას შეუდგა. მოპირდაპირე სახლში ცხოვრობდა ზანგი მისის ჯენი პრენტისი, რომელსაც ის-ის იყო ბავშვი გარდაცვლოდა. იგი გახდა ჯეკის ძიძა, დედობილი და მეგობარი მთელი მისი სიცოცხლის მანძილზე. მალალი, დიდმკერდიანი, მსხვილძვლებიანი ძიძა ჯენი ნახშირით შევი იყო. გამრჯე და ღვთისმოსავი ქალი ამყოფდა თავისი სახლით, ოჯახით და მღვდმარეობით საზოგადოებაში. დაისვამდა ხოლმე ჯეკს მუხლებზე, უმღეროდა ზანგურ იავნანას და ისე მგზნებარედ უყვარდა, რომ საკუთარი შვილიც რომ შერჩენოდა, უფრო მეტად ვერ შეიყვარებდა. პატარა ჯეკს ელიზასა და ძიძა ჯენიზე უკეთესი მომვლელი არც ესაჭიროებოდა.

ერთი წლის შემდეგ ოჯახი ისევ დაბრუნდა მუშათა ხალხმრავალ რაიონში და ნატომა-სტრიტ 920-ში დაბინავდა. იმ დროს ჯეკი უკვე სიარულს სწავლობდა და თან პატარა წითელ ეტლს დააგორებდა. ელიზა ეტლში თავის დედოფალას ჩასვამდა ხოლმე და ჯეკი აქეთ-იქით დაასეირნებდა მას ტროტუარზე. ერთხელ, სკოლიდან დაბრუნებულ ელიზას დედოფალას ნამსხვრევებილა დახვდა; თურმე ფლორას იგი შვილისათვის მიუცია სათამაშოდ, მაგრამ აზრადაც არ მოსვლია მისი ეტლზე მიბმა.

ლონდონები ორ წელს ცხოვრობდნენ სამსართულიანი ხის სახ-

ლის გრძელ და ვიწრო ბინაში. ფლორამ მდგმური აიყვანა, მაგრამ რასაც ეს უკანასკნელი პანსიონში იხდიდა, ჩინელ ხელზე მოსამსახურის ხელფასს თუ ეყოფოდა. ჯონ ლონდონი დურგლობდა, კალატოზობდა კიდევ, მაგრამ სამუშაო ცოტა იყო: დასავლეთი ჯერ კიდევ. 1876 წლის კრიზისის კლანჭებში იმყოფებოდა. ერთხანს ჯონი რომელიღაც დიდ მაღაზიაში საქონლის შესაფუთი ყუთების გაშხნულად მუშაობდა, შემდეგ ზინგერის კომპანიის საკერავი მანქანების აგენტად მსახურობდა, სადაც თუმცა მცირე ხელფასს ღებულობდა, მაგრამ, რაც არ უნდა ყოფილიყო, მაინც ხელფასი ერქვა.

როცა სან-ფრანცისკოს ეპიდემია მოედო. ელიზა და ჯეკი ავად გახდნენ დიფთერიით. სიკვდილის პირამდე მისული ორივე ბავშვი ერთ ლოჯინში იწვა.

ცოტა ხნით გონს მოსულმა ელიზამ როგორღაც ყური მოჰკრა შეკითხვას, რომლითაც ფლორამ ექიმს მიმართა: „მითხარით, შეიძლება თუ არა ორივე ერთ კუბოში ჩაეასვენო, რომ იაფად გამოვიდე?“ სანამ ჯეკის დედა დასაფლავების ამბებზე ფიქრობდა, მამინაცვალი თავქუდმობლეჩილი დაეძებდა ქალაქში გამოცდილ მომვლელ ქალსა და ექიმს. რათა ბავშვებისათვის სიცოცხლე შეენარჩუნებინა. გაიგო თუ არა, რომ ოკლენდში, ყურეს იქითა ნაპირზე, იმყოფებოდა ექიმი, რომელიც წარმატებით არჩენდა დიფთერიას, ჯონი პირველივე ბორნით გაემგზავრა მასთან და დაიყოლია სან-ფრანცისკოში წამოსვლაზე. ექიმმა მოწვა დიფთერიის მოთეთრო მუწუკები, ბავშვებს გოგირდის ხსნარი გადააყლაპა და... წყვილის დასაფლავება აღარ შემდგარა.

ჯეკისა და ელიზას გამოჩანმრთელების შემდეგ ოჯახი სან-ფრანცისკოს გარეუბანში, მზის შუქით მოფენილ მთვლემარე ოკლენდში გადასახლდა, რომელიც სწრაფად იზრდებოდა. მათ მესამე ქუჩაზე დაიქირავეს ხუთთახიანი მოხერხებული სახლი. ფლორა უკმაყოფილო იყო ჯონის მცირე შემოსავლით, რომელიც სულ უფრო და უფრო შემთხვევით ხასიათს იღებდა, და სწრაფი გამდიდრების გეგმებით გატაცებული მთელი დღეები სახლში არ შემოდიოდა. იგი დიდ იმედებს ამყარებდა გეგმაზე, ლუდხანის მფლობელებისათვის ჯილჯილა ოქრო მიეყიდა დახლთან ჩამოკიდებული სურათების ჩარჩოების მოსავარაყებლად. თუ ლუდხანის მფლობელს ლაპარაკით

ვერ დაარწმუნებდა, რომ მოვარაყებელი ჩარჩოები გაცილებით უკეთესია, თვითონვე აღიოდა დახლზე და ავარაყებდა მათ.

ცოტა მოგვიანებით ოკლენდში უნდა ჩამოსულიყო ძიძა ჯენი, რათა უფრო ახლოს ყოფილიყო თავის „თეთრ შვილიკოსთან“. ჯერ-ჯერობით ბავშვის მოვლა ელიზას კისერზე იყო, რომელსაც სკოლაშიც კი ჯექთან ერთად უნდა ევლო, ან თვითონაც შინ მჯდარაყო. მან მასწავლებელს აუხსნა, რატომ უხდებოდა ძამიკოს თან ტარება. მასწავლებელმა ბავშვს კათედრასთან ხის ყუთი დაუდგა, აძლევდა მას სურათებიან წიგნებს და ჯექი, რომელიც ყუთთან ისე დასკუპულიყო, თითქოს მერხთან ზისო, გულმოდგინედ ათვალიერებდა მათ. ოთხი წლის ბიჭუნა სკოლის ეზოში ბავშვებთან თამაშით ერთობოდა. გოგონები ხშირად სთავაზობდნენ ელიზას ხან ვაშლს, ხან რაიმე სამკაულს, რათა მას ჯექისთვის ნება დაერთო მათთან დამჯდარიყო.

ჯონ ლონდონმა გადაწყვიტა ახალი საქმე წამოეწყო და ამ მიზნით სასურსათო საქონლის დუქანი გახსნა ოკლენდის მუშათა უბანში, მემვიდე და პერალტა-სტრიტის კუთხეში. ოჯახი მალაზიის უკან მოთავსებულ ოთხ ოთახში დაბინავდა. პირველად სწორედ აქ იგრძნო ჯექმა, რომ ოჯახში არ იყო ურთიერთგაგება. ავტობიოგრაფიის შავ ჩანაწერებში, რომელიც ჩაფიქრებული ჰქონდა სახელწოდებით „მეზღვაური უნაგირზე“, ჯექ ლონდონი მოგვითხრობს, რომ ერთსელ, ექვსი წლის ბავშვს ყური მოუკრავს, როგორ ჩხუბობდნენ მშობლები მალაზიის უკანა ოთახში. მამა დედას ჰკიცხავდა უკანონო ბავშვისათვის. „მაშინ წომ მე მეტად ახალგაზრდა ვიყავი“, — თავს იმართლებდა ფლორა.

მალაზიაში საქმე კარგად მიდიოდა. ჯონ ლონდონი ჩინებულად ერკვეოდა პროდუქტებში. შორეულ ფერმებს შემოვივლიდა ხოლმე და საუკეთესო ხილსა და ბოსტნეულს შეისყიდინდა. ფლორა და ელიზა ვაჭრობდნენ, ჯექი კი ექსკურსიებს აწყობდა მალაზიაში, რომლის დროსაც არ ავიწყდებოდა ტყბილეულითა და ნიგეზით პირის ჩატკბარუნება. ძიძა ჯენიმ ოკლენდის მახლობლად, ალამედაში, პატარა სახლი მოძებნა და იქ დაბინავდა. ჯექი მთელ დღეებს მასთან ატარებდა: თამაშობდა მის ბავშვებთან, მათთან ერთად სვამდა და ჭამდა.

კეთილი ქალი ისე უვლიდა და ზრუნავდა მასზე, როგორც საკუთარ შვილზე. ჯეკი მას მიაშურებდა ხოლმე ნუგეშისა და რჩევისათვის. სხვა ბავშვებთან ეზოში თამაშით რომ გულს მოიჭერებდა, ძიძის მუხლებზე მოიკალათებდა და ყურს უვდებდა ბავშვობიდანვე ნაცნობ იავნანასა და ზლაპრებს, რომლებიც ჯენ პრენტისს შემკვიდრობით ერგო თავისი ერისაგან.

როგორც ჩანს, ოჯახისათვის ეს ბედნიერი ხანა იყო. მაგრამ ფლორა მაინც უკმაყოფილებას გამოთქვამდა: მისი აზრით, საქმე ნელა მიიწევდა წინ. მან ჯონს გააცნო ვინმე სტოუელი და ურჩია, იგი კომპანიონად აეყვანა, რათა საქმე გაეფართოებინათ და ჩქარა გამდიდრებულიყვნენ. სტოუელის ოჯახთან ერთად ლონდონებმა მეთექვსმეტესა და ვულ-სტრიტის კუთხეში დაიქირავეს თანამედროვე სტილის დიდი სახლი. რაიონი საკმაოდ დიდი და რესპექტაბელური იყო. მალაზიასთან ერთად საქმეც ისე გაფართოვდა, რომ ჯონ ლონდონს გამუდმებით ფერმებში უხდებოდა ყოფნა საქონლის შესასყიდად. მალაზიასა და შემოსავალს სტოუელი განაგებდა. ლონდონმა უკვე აღარ იცოდა, რა ხდებოდა მალაზიაში. ერთხელ ჯონს მალაზია გამოცარიელებული დახვდა. სტოუელს პროდუქტების მარაგი და მალაზიის მთელი მოწყობილობა გაეყიდა და ამოგებულ თანხიანად მიმალულიყო.

ხელმოცარული ჯონ ლონდონი დაუბრუნდა ერთადერთ, მისთვის ნამდვილად საყვარელ საქმეს — ფერმას. მან ალამედაში იჯარით აიღო ოცი აკრი ნაკვეთი დევენპორტის სახელწოდებით და დაიწყო სიმინდისა და ბოსტნეულის მოყვანა გასაყიდად.

ჯეკისათვის ეს მოწყენილობის პერიოდი იყო. ახლომახლო ბავშვები არ იყვნენ, ვერავისთან თამაშობდა და თავისანაბარა მიშველული, უნებურად ჩუმი და გულჩათხრობილი გახდა.

ლონდონი სოფლის მეურნეობაში ჩახედული კაცი იყო. იგი საქმეს კარგადაც წარმართავდა, ფლორა რომ შეგუებოდა პრინციპს — „სიკეთისათვის სიკეთეს ნუ მოელი“. მაგრამ ეს ასე როდი მოხდა. ოჯახში ფლორას ჰქვიანი, მოხერხებული ქალის სახელი ჰქონდა მოპოვებული და ჯონმა მას მიანდო საქმეები. ლონდონს არასდროს არ ჰქონია წარმოდგენა, თუ რაში ეხარჯებოდა ფლორას ფული. როგორც ჩანს, იგი ანგარიშებს არ ანალდებდა. ფლორა ღრმად იყო

დარწმუნებული, რომ იგი არაჩვეულებრივი კეუსის პატრონია და გამდიდრების იმედით სულ ახალ-ახალ ავანტიურებს. იწყებდა: ხან ლატარიის ბილეთებს შეისყიდდა, ხან კიდევ ბირჟის აქციებს. მართალია, საუკეთესო განზრახვები ჰქონდა, მაგრამ აბსოლუტურად უპასუხისმგებლო ადამიანი იყო საქმიან ურთიერთობაში. ამასთანავე, მეურნეობის თუნდაც სრულიად უმნიშვნელო საქმეებზეც კი რჩევა-დარიგებისათვის დაჟინებით მიმართავდა გარდაცვლილთა სულებს. ქორწინების შემდეგ ლონდონი აღარ ესწრებოდა სპირიტისტულ სეანსებს. მაგრამ ფლორა მაინც იწვევდა შინ სპირიტისტებს. სეანსის დროს შუა ოთახში დადგამდნენ მაგიდას, ზედ დააწვედნენ ექვსი წლის ჭეკს, რომლისაკენ რვა წყვილი ხელი იყო გამოწვდილი, და მაგიდა ბავშვთან ერთად იწყებდა მოძრაობასა და ტრიალს ოთახში.

ამ შემზარავმა თავყრილობებმა, ოკლენდში, მალაზიის უკანა ოთახში ყურმოკვრით მოსმენილმა შემამფოთებელმა ლაპარაკმა, მშობლებისაგან მემკვიდრეობით მიღებულმა სულიერმა უწონასწორობამ, თავშეუკავებლობამ და ფლორასაგან დაყოლილმა ნერვიული სისტემის მოშლილობამ — ყველაფერმა ხელი შეუწყო იმას, რომ ბავშვი დაუღეგარი, მშფოთვარე ხასიათის გამხდარიყო. ზოგჯერ მას ნერვების სერიოზული დაავადების საშიშროებაც მოელოდა.

ფლორა პატარა ტანის ქალი იყო — ქმარს მხრებამდე ვერ წვდებოდა, მაგრამ გრანდიოზული, ტანთან შეუფერებელი სცენების გამართვა შეეძლო. ამას გარდა, მას თურქმე „გულიც“ ჰქონდა. ზოგჯერ მაგიდასთან გულის შეტევა მოსდიოდა და ბავშვებს უხდებოდათ მისი ლოგინში ჩაწენა და მოვლა. ამ დროს დიასახლისობა ელიზას ეკისრებოდა. ცამეტი წლის გოგონას უნდა მოემზადებინა საქმელი. დაესუფთავებინა ბინა და მთელი ოჯახის სარეცხიც გაერეცხა.

ჭეკ ლონდონის ბავშვობის შესახებ მრავალი მოგონებაა გავრცელებული, თუმცა უმეტესი მათგანი საეჭვოა და მეტად ფრთხილ მოპყრობას საჭიროებს. პერიოდული ნევრასთენიის შეტევებს თუ არ ჩავთვლით, ჭეკი ნორმალური, ჯანმრთელი, უწყინარი და, როგორც იტყვიან, ოქრო ხასიათის ბავშვი იყო. მას ოდნავ ხუჭუჭი ქერა თმები ჰქონდა, ლურჯი თვალები, გადატყეცილი სუფთა კანი

და მგრძობიარე ტუჩები, რომელნიც მცირეოდენი მღელვარებისა-
განაც კი აუცახცახდებოდა ზოლმე. მან აქ, ალამედაში, დაიწყო
სკოლაში სიარული. მისთვის უბედნიერესი იყო ის საათები, როდესა-
ც ჯონ ლონდონთან ერთად დაეხეტებოდა მინდვრებში — იგი აღ-
მერთებდა მაშინაცვალს.

შაბათობით ოჯახი წარმოდგენებს ესწრებოდა ოკლენდის თეატრ-
ტივოლში, სადაც დამსწრენი მოქმედების მსვლელობის დროს სენ-
დვიჩებსა და ლუდს შეექცეოდნენ. ჯონი მაგიდაზე დასვა მდა ჯეკს,
რათა ბავშვს უკეთ დაენახა, რა ხდებოდა სცენაზე. ბავშვიც
იცინოდა და ტაშს უკრავდა. ერთხელ, როდესაც ელიზა სამზარე-
ულოში იატაკს რეცხავდა, მისი მეთვალყურეობით მოთამაშე ჯეკმა
თავი ჩამოკრა წყლის ბაქნის წვეტიან ნაპირს. ჭრილობამ შუბლიდან
ცხვირამდე გადასერა სახე. ელიზას გაახსენდა, თუ როგორ მკურ-
ნალობდა მამა ცხენს გაჭრილ ფეხზე: ჯეკს ჭრილობაზე აბლაბუდა
დაადო და ზედ კუპრი წაცხო. შაბათს ჯონმა ბავშვს თავი შეუხვია
და, როგორც ყოველთვის, თეატრში წაიყვანა. მაგრამ მომდევნო
შაბათს ფლორამ უკვე უარი განაცხადა თავშეხვეული ბავშვის. თე-
ატრში წაყვანაზე და ელიზას უბრძანა, ან ჭრილობიდან კუპრი ჩა-
მოეფხვია, ანდა ორივენი შინ დარჩენილიყვნენ. ბავშვებს ძალიან
უნდოდათ წარმოდგენის ნახვა. ელიზამ ჯეკი სამზარეულოს შუა-
გულში დააყენა და კუპრი ქერქიანად ააძრო. ამის გამო ჯეკს მთელი
სიცოცხლის მანძილზე შემოარჩია ნაჭრილობევი შუბლზე.

ლონდონებმა ამ დროისათვის შეიძინეს კარგი სახლი, იყიდეს
ძროხა. ბოსტნეული თავსაყრელი ჰქონდათ. ჯონი თავის მოსაგვალს
ახარისხებდა: საუკეთესო ბაზარზე გაჰქონდა, მდარეს კი ღარიბ
მეზობლებს უნაწილებდა. იმის გამო, რომ იგი მხოლოდ უმაღლესი
ხარისხის საქონელს ჰყიდდა, დამამზადებელთა შორის ჩინებული
მიმწოდებლის რეპუტაცია დაიმსახურა. ჯონს კვლავაც შეეძლო საკ-
მალად დიდი შემოსავალი მიეღო დევენპორტიდან, მაგრამ არ გასუ-
ლა დიდი ხანი, რომ მან მიატოვა ეს კარ-მიდამო და სან-მატეოში,
სან-ფრანცისკოდან სამხრეთით, რამდენიმე მილის მანძილზე, ყუ-
რესთან მდებარე პატარა ქალაქში გადასახლდა. ოჯახის წევრთა ნა-
ამბობის მიხედვით, ისინი თურმე იმიტომ გადასახლებულან, რომ
ძველ ფერმაში აღვილი აღარ ჰყოფნიდათ ცხენების მოსაშენებლად.

საექვოა, ჯონს თვითონვე გადაწყვიტა დევენპორტის მიტოვება. შესაძლებელია, იგი ფლორამ დაიყოლია თავისი მაცდუნებელი ლაპარაკით იმაზე, თუ რა მოკლე დროში შეიძლებოდა გამდიდრებულიყვნენ ცხენთსაშენი ქარხნის მოწყობით. ან იქნებ ფლორას დავიწყდა ანგარიშების განაღდება და ოჯახი იძულებული გახდა დაეტოვებინა შეჩვეული ადგილი. ნისლში გახვეულ სანაპიროს გასწვრივ გადაქიმულ სამოცდათხუთმეტი აკრის ფართობის ნაკვეთზე ჯონ ლონდონს მოჰყავდა კარტოფილი, მწყემსავდა ცხენებს და იჯარით აძლევდა საძოვრების ნაწილს. სკოლა, სადაც ჯეკი სწავლობდა, გორაკზე იდგა და ოთხი-ხუთი კლასის სხვადასხვა ასაკის მოსწავლეებს ერთდროულად ერთი და იგივე მასწავლებელი ასწავლიდა. თავისუფალ საათებში ჯეკი და ელიზა წყალში დატყაპუნობდნენ და საკმელად ვარგის მოლუსკებს აგროვებდნენ. ირგვლივ უდაბური და უშნო მიდამო იყო, პირქუში სანაპირო ზღვას დაესერა. ჯეკმა აქ გაატარა თავისი ბავშვობის ყველაზე გაუხარელი წელი. მეგობრები არა ჰყავდა: ფერმიდან ფერმამდე, მეზობლებამდე დიდი მანძილი იყო და ისინიც ან იტალიელები იყვნენ ან ირლანდიური წარმოშობის ამერიკელები, რომელნიც ფლორას არ უყვარდა. ჯეკი ბედნიერ წუთებს მაშინ განიცდიდა, როცა ელიზას თანხლებით შორ მანძილზე მდებარე მეზობელ ფერმებში წავიდოდა ხოლმე იტალიური ქორწილის ან ცეკვების საყურებლად; და კიდევ მაშინ, როცა მალალ ორთვალაზე შემომსხდარ ჯონსა და ჯეკს კარტოფილი მიჰქონდათ სან-ფრანცისკოს ბაზარზე.

ჯეკს ეს დრო დაამახსოვრდა, როგორც ყველაზე უფრო დუხჭირი თავის ცხოვრებაში. იგი იგონებდა, თუ როგორ ამოაცალა ერთხელ ძლიერ მოშიებულმა ერთ გოგონას საუზმიანი ჩანთიდან ხორციის თხელი ნაჭერი; ხოლო როცა გამაძღარი მოსწავლეები საუზმის ნარჩენებს ყრიდნენ, მას მხოლოდ თავმოყვარეობა არ აძლევდა ნებას ნასუფრალი აეკრიფა ჭუჭყიანი მიწიდან.

როცა ჯეკს რვა წელი შეუსრულდა, ჯონ ლონდონმა ოკლენდის ნახლობლად, თბილ ხეობაში — ლივერმორში, განვადებით შეიძინა რანჩო, რომელიც ოთხმოცდაშვიდ აკრის ფართობს შეიცავდა. ოჯახი ფერმერის ძველ სახლში გადასახლდა. ჯონმა რანჩოს ირგვლივ ზეთიანხილის ხეების მწყრივი შემოავლო, ჩაყარა ვენახი, გააშენა

ხეილის ბაღი და ხელი მიჰყო მინდვრის დამუშავებას. კალიფორ-
ნიაში ჩამოსვლის შემდეგ პირველად შეიძინა საკუთარი მიწის ნაკ-
ვეთი და ფიქრობდა სამუდამოდ აქ დამკვიდრებულიყო. მეურნე-
ობაში ჭეკსაც მოუძებნეს ადვილად შესასრულებელი ვალდებულებე-
ბი: კვერცხებისა და შეშის შეგროვება და ჰილან წყლის ამოღება.
ხშირად კოფოზე მოიკალათებდა ხოლმე მამის გვერდით, როცა იგი
ოკლენდის ბაზარზე მიემგზავრებოდა საქონლის გასაყიდად. ჭეკს
მამინაცვლის სიყვარული არ განელებია და მამას ეძახდა მას
შემდეგაც კი, რაც შეიტყო, რომ მათ შორის სისხლით ნათესაობა
არ იყო. ჭეკმა ლონდონისაგან მემკვიდრეობით მიიღო სიყვარული
სოფლის მეურნეობისადმი, მაგრამ ისეთი სოფლის მეურნეობისად-
მი, რომელიც მეცნიერთა მიერ შემუშავებულ ყველა წესს დაიცავ-
და. ვიდრე ჭეკი გაიგებდა, ვინ იყო მისი ნამდვილი მამა, ეგონა,
რომ ეს მიდრეკილება შთამომავლობით ჰქონდა თანდაყოლილი.

აქვე, რანჩოში, გაიღვიძა მასში იმ დიდმა ლტოლვამ. რომელიც
მართლაც შთამომავლობით მიიღო მამისაგან, პროფესორ ჩანისა-
გან, და რომელიც მთელი სიცოცხლის მანძილზე გაჰყვა. ეს სანუყ-
ვარი თილისმა, ერთგული მრჩეველი, ცოდნის დაუშრეტელი წყა-
რო — წიგნებისადმი სიყვარული იყო. მასწავლებელმა მას წასაყი-
თხად მისცა ირვინგის „ალგამბრუ“. მეზობლებში, შემთხვევით შეგ-
როვილ წიგნებს შორის, წააწყდა პოლ დიუ შეიუს „მოგზაურობას
აფრიკაში“, გარფილდის ცხოვრების აღწერას და, რაც მთავარია,
უიდას „სინიას“ — ლირიულად დაწერილ ისტორიას იტალიელი
გლეხი ქალიშვილისა და მოხეტიალე მხატვრის უკანონო შვილის.
ცხოვრების შესახებ — ისტორიას, რომელიც ძირითადად იმეორებ-
და ჭეკის წილხვედრილ ცხოვრებას. სიღარიბესა და გაჭირვებაში გა-
მოწრთობილი წიგნის მთავარი გმირი იტალიის ერთ-ერთი გამოჩენი-
ლი კომპოზიტორი ხდება.

ჭეკი წერს, რომ „სინიამ“ გაარღვია ის მთები, რომლებიც მას
პორიზონტს უჩრდილავდა. ყველაფერი შესაძლებელი ხდებოდა ქვე-
ყანაზე, მხოლოდ საჭირო იყო გამბედაობა. ელიზა იგონებს, როგორ
უთხრა მაშინ ჭეკმა: „იცი, ლიზა, მე ორმოც წლამდე ცოლს
არ შევირთავ. შევიძენ დიდ სახლს და ერთ ოთახს მხოლოდ წიგნე-
ბით გავაჯებ.“ ორმოცი წლისას მას მართლაც ჰქონდა დიდი სახლი
და წიგნებით სავსე რამდენიმე ოთახი.

ჭეკს უყვარდა ჯონთან ერთად მინდვრებში სიარული და ელიზასთან ერთად წიგნის კითხვა, მაგრამ ლივერმორში გატარებული ორი წელი მისთვის მაინც უსიხარულო იყო. იგი არც ისეთი პატარა იყო, რომ ვერ ეგრძნო ოჯანში გამეფებული უკმაყოფილება. სახლში არ იყო სიმყუდროვე, ფლორა ყველას აწუხებდა გამუდმებული ალიაქოთით, აყალმყალით, გულის შეტევებითა და ჟინიანობით. არ შეიძლება ითქვას, რომ იგი შვილს ცუდად ეპყრობოდა. ჭეკსაც უყვარდა დედა, როგორც ყველა ნორმალურ ბავშვს. უბრალოდ, ფლორას სინაზე არ ჰყოფნიდა ჭეკისათვის. გულთბილ სიტყვასა და აღურსს ჭეკი ელიზასთან პოულობდა. ამას ისიც დაერთო, რომ ფლორამ პანსიონზე აიყვანა შდგმური — სამოქალაქო ომის ვეტერანი, ვინმე შეპარდი, შუახნის ქვრივი მამაკაცი სამი ბავშვით. თექვსმეტი წლის ელიზას ისედაც ჰყოფნიდა სამუშაო: საქმლის დამზადებისა და ოჯახის მოვლის გარდა, მას ჭეკისთვისაც უნდა მიეხედო. აბლა კიდევ ერთი საზრუნავი მიემატა: შეპარდის ბავშვების მოვლა, რომელთაგან უფროსი მხოლოდ ცამეტი წლისა იყო.

რანჩოში ცხოვრების ერთი წლის თავზე ჯონ ლონდონმა ოკლენდში ისევ მოიხვეჭა ბოსტნეულის საუკეთესო მიმწოდებლის სახელი. მის საქონელზე ყოველთვის დიდი მოთხოვნილება იყო. მომავალი ისე წარმტაცად ისახებოდა, რომ ჭეკს პირველად უყიდეს პერანგი მაღაზიაში. ბავშვი აღტაცებული იყო: აქამდე იგი უხეშ, შინ შეკერილ საცვლებს ატარებდა. და, აი, საქმის მომდინარეობის მეტისმეტად ნელი ტემპით უკმაყოფილო ფლორამ ისევ ახალი კომბინაცია წამოიწყო. მან რამდენიმეჯერ გადაიყვანა ჯონი ყურის იქითა მხარეს, სან-ფრანცისკოში, გააცნო დიდი სასტუმროს მეპატრონე და მიაღწია მასთან ხელშეკრულების დადებას: ჯონს ევალებოდა ქათმების მომრავლება, ხოლო სასტუმროს პატრონს — მთელი საქონლის — ქათმებისა და კვერცხების — შესყიდვა.

ჯონ ლონდონს სრულიად არაფერი გაეგებოდა მეფრინველეობის. მან რანჩოს შემოსავლის გირაოს ქვეშ აიღო სესხი, გააშენა დიდი საქათმეები, ბრუდერები ორთქლის გათბობით. ერთხანს სასტუმროს მეპატრონე მართლაც ყიდულობდა მისგან მთელ საქონელს. შემდეგ ჯონს ერთბაშად სამი უბედურება დაატყდა თავს: ელიზა, რომელიც ქათმებს უვლიდა, შეპარდს გაჰყვა ცოლად და რანჩოდან წავიდა.

ქათმების ნაწილი ეპიდემიამ იმსხვერპლა, ხოლო დანარჩენები კვერცხებს აღარ სდებდნენ. ლონდონს მთელი ფული ზეთის ხილის ხეებში, ბაღებსა და საქათმეებში ჰქონდა დაბანდებული. როცა გირაოს ვადა გავიდა და ვალის გადახდის შესაძლებლობა არ აღმოაჩნდათ, ბანკმა უარი უთხრა ლონდონს გამოსყიდვის უფლებაზე. კვლავ უსახლკაროდ დარჩენილმა ლონდონებმა მთელი თავისი ავლადიდება კარტოფილის საზიდ ფურგონზე დატვირთეს და გზას გაუდგნენ.

ჩეკის ტვინი იმ მგრძობიარე სეისმოგრაფს ჰგავდა, რომელიც სულ უმნიშვნელო რხევებსაც კი იჭერს, ხოლო „რხევები“ საძებარი არ იყო: უახლოესი ცამეტი წლის მანძილზე ოჯახის ხვედრი გამუდმებული სიღარიბე და წარუმატებლობა იყო. ლონდონი ხშირად ამბობდა, რომ ბავშვობა არ უგრძენია. სიღარიბემ, რომელიც ფეხდაფეხ სდევდა, მოუწამლა ყველაზე ადრინდელი მოგონებანი.

ჯონ ლონდონმა სამუდამოდ უარი თქვა მისთვის მეტად საყვარელ ფერმერულ ცხოვრებაზე და ოკლენდში დაბრუნდა. ათი წლის ჩეკი ვერ შეურიგდა ელიზასთან განშორებას და განუწყვეტლივ მასზე დარდობდა. ჯანმრთელი, მუქცისფერთვალემა ჩეკი ლამაზი ბიჭი დადგა. ჩხუბი არ უყვარდა, მაგრამ გარფილდის სკოლაში გამეფებული იყო ერთხელ და სამუდამოდ დადგენილი კალიფორნიული ჩვეულება: იმიტომაც არიან ისინი ბიჭები, რომ ერთმანეთს ეჩხუბონ. მალე ჩეკმაც აითვისა მუშტი-კრივი. ყველაფერზე მეტად მოსწონდა იხვებზე ნადირობა ან თევზაობა მამასთან ერთად, ალამედის სანაპიროზე. ჯონ ლონდონმა ბიჭუნას პატარა თოფი და ანკესი აჩუქა. დაუსრულებელი უსიამოვნებანი, ოჯახის ნაჩქარევი ადგილმონაცვლეობა, შიშისა და ზიზღის გრძნობა სპირიტისტულ სეანსებისადმი, ეჭვი, რომ მას ისეთი მამა არა ჰყავს, როგორც სხვებს, — აი, ყველაფერი, რამაც ხელი შეუწყო ჩეკს მორცხვი, მორიდებული და გაუბედავი გამხდარიყო. ორივენი — შუახნის მამაკაციც და ბავშვიც — უძღურნი იყვნენ რაიმე შეეცვალათ შექმნილ მდგომარეობაში, ერთნაირად იტანჯებოდნენ ფლორასაგან და სულ უფრო და უფრო ეთვისებოდნენ ერთმანეთს.

როგორც კი თავისუფალ დროს იხელთებდნენ, ორივენი სახლიდან გაიპარებოდნენ ხოლმე და მთელ ღღეებს: ზღვაზე ატარებდნენ. უსაზღვრო იყო სიყვარული და ურთიერთობა მამინაცვალსა და გერს შორის, თუმცა ამ სიყვარულში სევდის ანარეკლიც იგრძნობოდა.

ოკლენდის აღმოსავლეთ ნაწილში მეჩვიდმეტე ქუჩაზე ლონდონებმა ერკერიანი პატარა სახლი დაიქირავეს. იქვე, გვერდით, „კალიფორნია კოტონ მილზის“ საფეიქრო ფაბრიკა იყო, რომლის მუშა-ქალიშვილები შოტლანდიიდან ჰყავდათ ჩამოყვანილი. ქარხნის მმართველმა ლონდონს შესთავაზა მათთვის ოთახები მიექირავენინა პანსიონით. გულმოკლული, დათრგუნვილი და იმაში დარწმუნებული, რომ მიწას ვერასოდეს ვეღარ დაუბრუნდებოდა, ჯონი დაეთანხმა. ამას გარდა, ცოტაღა იყო ისეთი სამუშაო, რომლისთვისაც მას, ორმოცდათხუთმეტი წლის კაცს, შეეძლო ხელი მოეკიდა.

ფლორა გონებამახვილი ქალი იყო და ყოველთვის, როცა ახალ საქმეს წამოიწყებდნენ, შეეძლო იგი, პირველ ხანებში მაინც, სარგებლიანად წარემართა. ქმარს, რომელსაც პროდუქტების აკარგიანობაც გაეგებოდა და ფასებშიც ერკვეოდა, სურსათ-სანოვაგით მომარაგება დაევალა, თვითონ კი სამზარეულოს განაგებდა. კმაყოფილი იყვნენ შოტლანდიელი ქალიშვილებიცა და ქარხნის მმართველიც. ხოლო ლონდონებს რამდენიმე თვეში იმდენი მოგება დარჩათ, რომ შეეძლოთ ნაწილ-ნაწილ გადახდის პირობით შეეძინათ ის სახლი, სადაც ცხოვრობდნენ, და პირველად შესატანი თანხაც გადაეხადათ. როცა ქარხანამ მუშა-ქალების ახალი ჯგუფი გამოიწერა, ჯონმა, ფლორას დაეინებითი მოთხოვნით, მოსაზღვრე მიწის ნაკვეთიც შეიძინა და ააშენა კოტეჯი, სადაც ქალიშვილები მოთავსდნენ.

რამდენიმე ხანს საქმე კარგად მიდიოდა. მეორე სახლიდან კიდევ მეტი შემოსავალი მიიღეს. ამჯერად ფლორა საქმეს უფრო ფრთხილად ეკიდებოდა, ვიდრე ოდესმე. მაგრამ მალე თავი იჩინა მისთვის დამახანსათებელმა უწონასწორობამ. გული აიცრუა თავისი მოვალეობისადმი. მისი აზრით, მართალია, საქმე თანდათან უმჯობესდებოდა, მაგრამ არც ისე სწრაფი ტემპით. ამას გარდა, რა იყო საინტერესო პანსიონში? მისი კეუისა და ენერგიის პატრონისათვის განა ცოტაა ისეთი საქმეები, რომ მალე შესძლოს გამდიდრება? მან

ხელი მიჰყო ფულის ფლანგვას, მაგრამ რაში ხარჯავდა, არავინ იცოდა. როცა ორივე გირაოს მორიგი გადახდის ვადა დადგა, ფული უკვე აღარ აღმოაჩნდათ. ბანკმა ორივე სახლი ჩამოართვა. მათთან ერთად გაქრა ჯონ ლონდონის მუდმივი შემოსავლის უკანასკნელი წყაროც.

მშობლების საქმიანობის ამ კეთილდღეობის დროს, პატარა ჯექსმა აღმოაჩინა, რომ თურმე ქვეყანაზე არსებულა ოკლენდის საჯარო ბიბლიოთეკა. აი, უკვე ხუთი წელია, რაც მან კითხვა ისწავლა, მაგრამ ამ ხნის განმავლობაში მხოლოდ ხუთი ნამდვილი წიგნის წაკითხვა შესძლო. დანარჩენს შეადგენდა იაფფასიანი ბულვარული რომანები და ძველი გაზეთები — აბა, ფერმაში უკეთესი რა მოიძებნებოდა? ბავშვი ბუნდოვნად გრძნობდა, რომ არსებობს უფრო უკეთესი წიგნები, მაგრამ როგორ მოახერხოს მათი შოვნა? მას ვერც კი წარმოედგინა, რომ არსებობს საჯარო ბიბლიოთეკა — სახლი, სადაც ათასობით წიგნი ინახება, და, თუ სურვილი გაქვს, შეგიძლია უფასოდ წაიკითხო, რომელსაც მოისურვებ. ჯექსს მიაჩნდა, რომ მისი სულიერი დაბადება მაშინ მოხდა, როცა, გაოცებისაგან თვალბდაჭყეტილი, ქუდით ხელში, ბიბლიოთეკის ხის შენობის ღია კარებთან შეჩერდა. ნუთუ შეიძლება ქვეყანაზე ამდენი წიგნი იყოს? მომავალ მწერალს მძიმე განცდები ხვდა წილად. იგი იტანჯებოდა, ადგილს ვერ პოულობდა. მას მოელოდა დამარცხებები, იგი სძულდათ, გაურბოდნენ როგორც ჭირიანს, მაგრამ, ამ დღიდან მოყოლებული, მარტობა აღარასოდეს უგრძენია.

საჯარო ბიბლიოთეკაში იგი პირველად შეხვდა განათლებულ ადამიანს — ქალს, რომელიც წიგნებს შორის ისე გრძნობდა თავს, როგორც საკუთარ სახლში. კალიფორნიის შტატის პოეტი-ლაურეატი მისს აინა კულბრიტი ამჩნევდა, როგორ უბრწყინავდა ბავშვს თვალები, როცა იგი თაროებს შორის დაეხეტებოდა და სიყვარულით უფათურებდა ხელს წიგნის ყდებს. ვიდრე აინა მოასწრებდა ბავშვისათვის დახმარება გაეწია, ჯექსი უკვე წააწყდა ისეთ „მოზრდილ“ წიგნებს, როგორიცაა სმოლეტის „პერიგრინ პიკლის თავგადასავალი“ და უილკი კოლინზის „ახალი მადალინა“.

როგორც კი შეატყო, ბავშვს ყველაზე მეტად სათავედასავლო წიგნები, აღმოჩენების, ხმელეთსა და ზღვაზე მოგზაურობის ამბები აინტერესებდა, მისს კულბრიტი სპეციალურად უნახავდა ხოლმე

ასეთი შინაარსის ლიტერატურას, რისთვისაც ჭეკმა ის სულითა და გულით შეიყვარა. რასაც კი აძლევდნენ, ჭეკი ცდილობდა ყველაფერი ერთ დღეში წაეკითხა, რათა მეორე დღეს, წიგნის დაბრუნებისას, კვლავ შეხვედროდა მას.

კითხვას მოწყურებული ბიჭუნა წიგნს წიგნზე ნთქავდა. კითხულობდა ლოგინში, საკმლის ჭამის დროს, გზაში—სკოლისკენ ანდა შინისკენ მიმავალი, შესვენებისას, როცა სხვა მოწაფეები თამაშობდნენ. ნერვიულს, შთაბეჭდილებიანს, დიდი წარმოსახვის პატრონს, უბაროდა, რომ წიგნის გმირებთან ერთად შეეძლო ბედნიერების მწვერვალზეც ასულიყო და სასოწარკვეთის უფსკრულშიც ჩაძირულიყო. მოკლე დროში მან იმდენი წიგნი წაიკითხა, რომ ნერვები სულ მთლად მოეშალა და ყველას ერთსადაიმავეს უმეორებდა: „მომშორდი, ნუ მაღიზიანებ“. ძველი დროის მოგზაურობათა და მეზღვაურთა შესახებ რომანტიული სათავგადასავლო მოთხრობების წაკითხვის შედეგად მან ნაჩქარევად დაასკვნა, რომ ოკლენდი ნამდვილად შესაფერისი ადგილი იყო სხვადასხვა ქვეყნებში გასამგზავრებლად. ოღონდ ერთი გაქცევა მოეხერხებინა, შემდეგ კი, გიყვარდეს, მრავალი საინტერესო თავგადასავალი მოელოდა.

ჯონ ლონდონი იმხანად უმუშევრად იყო. ამიტომ საჭირო შეიქმნა უბრალო ბინის მოძებნა და ოჯახი ოცდამეორე ქუჩის გვერდით მდებარე სან-პაბლოს ქუჩაზე გადასახლდა. იქვე ახლო ცხოვრობდა ძიძა ჭენი და ჭეკი ხშირად მასთან გარბოდა. იცოდა, რომ იქ შეიძლებოდა ლაპარაკი თავის გასაჭირსა და სიხარულზე; იქ მას აკმევედნენ, წყლს ბაკანთან კისერს დაბანდნენ, დავარცხნიდნენ და ბეჭებზე გამამხნევებელი ხელის შემოკვრით გამოისტუმრნენ.

მამინაცვალი ბევრს ეცადა, მაგრამ მუდმივი სამუშაო ვერ იშოვა და ოჯახის მარჩენალის მოვალეობა თერთმეტი წლის ჭეკს დაეკისრა. იგი უთენია დგებოდა, თავისი კუთვნილი გაზეთების შეკვრას მიაკითხავდა და მისამართების მიხედვით დაარიგებდა.

გაკვეთილების დამთავრების შემდეგ კიდევ ერთხელ უხდებოდა ჩამოვლა.

თორმეტ დოლარს, ერთი თვის ხელფასს, იგი მთლიანად ფლორას აძლევდა. ამას გარდა, შაბათობით მუშაობდა ყინულით მოვაჭრესთან, რომელსაც თავისი სწავნილი ფურგონით დაჰქონდა. კვირა-

სადამოს კი კეგელბანში კეგლებს აყენებდა. ასლა, როცა გაზეთის სხვა დამტარებლებს ეჩიბრებოდა და თან ბარებში ატეხილ აურზაურებსა და ყოველთვის გემებით სავსე ოკლენდის პორტის კოლორიტულ სცენებს აღევსებდა თვალყურს, იგი ნელ-ნელა გაეცნო ცხოვრების სიამაღესილს ყოველგვარი შეფერადების გარეშე. პორტში თავს იყრიდნენ ექვანზე მონადირენი ყინულოვანი ოკეანიდან, უცნაურობათა მოტრფიალენი სამხრეთის ზღვებიდან, კონტრაბანდისტები თრიაქის ტვირთით, ჩინური იალქნიანი ნაგები, აფრიანი გემები ჩრდილოეთის შტატებიდან, ბერძენ მეთევზეთა ფელუკები, ჰვარტლისაგან გაშავებული სატვირთო გემები, მცურავი სახლები, შალანდები, კარკაპები, მეთევზეთა ბადრაგები. ათი წლის ბავშვი მძიმე ოჯახური მდგომარეობიდან ხსნას სათავგადასავლო წიგნებში ეძებდა, ახლა კი, ცამეტი წლის ასაკში, იგი სახლიდან ზღვისკენ გაქცევას ლამობდა.

ჯონ ლონდონმა, როგორც იქნა, დევის უორფის საწყობში დამის დარაჯის ადგილი იშოვნა. მაგრამ ეს იმას როდი ნიშნავდა, რომ ამიერიდან ჯეკს შეეძლებოდა თავისი ჯამაგირი ისე დაეხარჯა, როგორც შოესურვებოდა. მას უფლება არ ჰქონდა შეეძინა სათამაშოები, თუნდაც ბზრიალა, ბურთულები ან ჯიბის დანა. ამიტომაც ცვლიდა ზედმეტ გაზეთებს სიგარეტების პაკეტებში ჩაწყობილ სურათებზე, რომლებზედაც დოლის ცნობილი ცხენები, ლამაზი პარიზელი ქალები ან ბოქსის ჩემპიონები იყვნენ გამოსახულნი. მთელი კომპლექტის შეგროვების შემდეგ, ჯეკს შეეძლო სანაცვლოდ მიეღო ისეთი სასურველი საგანძურები, რომელთა შესაძენად მის ტოლ ბიჭებს მშობლები აძლევდნენ ფულს.

იგი ნამდვილი ვაჭარი გახდა, რაც მეტად გამოადგა შემდეგში, როცა მოთხრობებისათვის გამომცემელთაგან ფულის გამოძალვა უხდებოდა. ნივთის ღირებულების გამოცნობის ისეთი მახვილი, ალღო შეუქმნა, რომ ნაცნობი ბიჭები მას იშველიებდნენ მეძველმანისათვის ძველმანების, ბოთლების, ტომრებისა და თუნუქის ყუთების მიყიდვის დროს და საკომისიოსაც კი აძლევდნენ.

აინა კულბრიტი მოგვითხრობს, თუ როგორ მიდიოდა იმ დროს ბიბლიოთეკაში, ილიის ქვეშ გაზეთების შეკვრით, ეს ცუდად ჩაცმული, უგერავლო, უპატრონო ბიჭი და ითხოვდა „რაიმე საინ-

ტერესო წასაკითხის“ მიცემას. იგი მზად იყო მაცდური სახელწოდების ყოველ წიგნს დასწაფებოდა. თუ მისს კულბრიტს დავუჭერებთ, ჭეკი მეტად თავდაჯერებული იყო და ეჭვი არ ეპარებოდა წარმატების მიღწევაში. ამ პერიოდში მის ბუნებაში წარმოიშვა პირველი ძირითადი წინააღმდეგობა: სახლში გამეფებულმა ქაოსმა და იმის შეგრძნებამ, რომ იგი უკანონოდაა დაბადებული, ჭეკი მოკრძალებული და მორცხვი გახდა. მაგრამ, ამავე დროს, დიდი ჭკუა სიმტკიცესა და თავისი თავისადმი რწმენას უნერგავდა.

იმ მასალიდან, რაც კი მისი სკოლაში ყოფნის პერიოდზეა ცნობილი, ყურადღებას მხოლოდ ცოტა რამ თუ იმსახურებს. მისი თანაგლასელი ფრანკ ეზერტონი მოგვითხრობს: ერთხელ ჭეკმა ყური მოჰკრა, რომ ფარული საზოგადოების წევრი ჩინელები, გადამწყვეტი ბრძოლისათვის ძალ-ღონის მოსაკრებად, გარეული კატის ხორციით იკვებებიან და ამ ხორცისათვის დიდ თანხას იხდიანო. მეგობრებმა შურდულები გააკეთეს და პიედმონტის გორაკებზე გარეულ კატებზე დაიწყეს ნადირობა. ხელში ფული რომ ჩაუვარდა, ჭეკმა სკოლისათვის თავის დანებება და მწერლობის დაწყება მოთხოვნიდა.

ეზერტონის ეს მონაყოლი შემდეგდროინდელ მოვლენათა გავლენით გამოწვეულ მოგონებათა დამახასიათებელი მაგალითია. ჭეკ ლონდონის ხასიათს უფრო მეტად მეორე ეპიზოდი შეესაბამება: მეგობრებმა ნავსადგურში ნავი დაიჭირავეს და ღალღებზე სანადიროდ გაემგზავრნენ. შემთხვევით წყალში ჩაუვარდათ ჭეკის 22-კალიბრიანი რევოლვერი. ფრენკმა ცურვა იცოდა და ჭეკმა შეგობარს მოსთხოვა, ამოედო რევოლვერი ოცდაათი ფუტის სიღრმიდან. ზოდესაც ფრენკმა უარი განაცხადა, ბრავზმორეთულმა ჭეკმა ნიჩბები წყალში გადაყარა და მეგობრები ჩამდენიმე საათი ზღვაში უმწეოდ დალაცლაცებდნენ.

ყოველ დილით სკოლაში მოწაფეები ერთად მღეროდნენ. მასწავლებელი ქალის შეკითხვაზე, თუ რატომ სდუმდა, ჭეკმა უპასუხა, შენ თვითონ არ იცი სიმღერა, ხმას ურევ და ეს მე მხოლოდ სმას მიფუჭებსო. მასწავლებელმა იგი დირექტორთან გაგზავნა, რომელმაც უკანვე გამოაბრუნა ასეთი ბარათით — შეიძლება მოწაფე ლონდონი განათავისუფლებული იქნას სიმღერისაგან, მაგრამ, სამაგი-

ეროდ, ყოველ დილით თხზულება უნდა წეროს იმ თხუთმეტი წუთის განმავლობაში, როცა სხვა მოწათეები მღერიაანო. შემდგომში ჩვეი ამ დასჯას მიაწერდა თავის უნარს, ყოველ დილით ათასი სიტყვა დაეწერა.

მთელი ცხოვრების მანძილზე, წიგნებთან ერთად, მისი გატაცების საგანი ზღვა იყო. თავისუფალ დროს ყოველთვის იახტ-კლუბში ატარებდა იმედი — იქნებ, შემთხვევით, რომელიმე იალქანჯომარდობის მოყვარულს დასჭირდეს მოხმარება, და ცოტაოდენი სახარჯო ფული ვიშოვო. იახტის მფლობელებმა იგი შეიყვარეს გამბედაობისათვის: მას შეეძლო მძვინვარე ქარბუქიან ამინდში შემძვრალიყო იახტის ცხვირის ძელში და სრულებით არ მორიდებოდა თავითფეხებამდე გაწუწვას. მცირე გასამრჯელოში გემბანს არეცხვინებდნენ. სამაგიეროდ, როგორც იცოდნენ, ისე ასწავლიდნენ მომცრო გემის მართვას. მალე მას დამოუკიდებლად შეეძლო აფრის ჩამოწევა ძლიერი ქარის დროს.

ზოგჯერ ჩვეი თავს ნებას აძლევდა არ მიეცა ფლორასათვის ხუთი-ათი ცენტი. ასე შეაგროვა ცამეტი წლისამ ორი დოლარი. ამ ფულით ძველი ნავი შეიძინა, რომლითაც დელტის ყველა კლასილში დაცურავდა, ზოგჯერ კი ცოტა ხნით ყურეშიც ბედავდა გასვლას. მალე ამ ძველმანმა ჟონვა დაიწყო; თანაც ნავს გამოსაწევი კილი არ ჰქონდა, რის გამოც იგი ზოგჯერ წყლით ივსებოდა, სხვა ნაგებს ეჯახებოდა ან გადატრიალდებოდა ხოლმე. ამდაგვარი გასაჭირი და შეცდომები ჩვეისათვის კარგი სკოლა გამოდგა. იგი ნეტარებას განიცდიდა, როცა ტუჩებზე ზღვის მლაშე წყლის გემოს გრძნობდა და ხედავდა, როგორ მისრიალებდნენ ტალღები მისი ნავის ქვეშ. ნავში მარტომარტო მყოფი ჩვეი შემობრუნებისას განკარგულებას იძლეოდა: „მკვეთრად ქარისაქენ!“

ცამეტი წლისამ დაწყებითი სკოლა დაამთავრა. კლასში იგი ისტორიის მცოდნედ ითვლებოდა და უთუოდ ეს იყო მიზეზი, რომ გამოსაშვებ ცერემონიაზე სწორედ მას დაავალეს სიტყვით გამოსვლა, მაგრამ არა თუ სიტყვით ვერ გამოვიდა, ვარგისი ტანაცმლის უქონლობის გამო, ზეიმზეც ვერ გამოცხადდა. საშუალო სკოლაში შესვლაზე, ფიქრიც ზედმეტი იყო. მამინაცვლის შემოსავალს სულ უფრო და უფრო შემთხვევითი ხდებოდა. დღისით ჩვეი წინანდებუ-

რად გაზეთებს დაატარებდა, საღამოობით კი ყიდდა მათ ოკუნდის ქუჩებში; ვიხელ-პარკში ბარების დალაგებასაც არ უკადრისობდა კვირა დღეს იქ ჩატარებული პიკნიკების შემდეგ. ეს ღარიბულად ჩაცმული, მედგარი, ფიცხი, შთაბეჭდილებიანი, თეთრკბილება ბიჭუნა, რომელმაც გულგია ღიმილი იცოდა, ყოველგვარ საქმეშაოზე თანხმდებოდა.

ბავშვი ფლორასავან მალულად სავალდებულო საათებზე მეტს მუშაობდა ძთელი წლის განმავლობაში და თანდათანობით ეკვიპირდოდა ღოღარი შეაგროვა, რათა ამ ფულით, თავისუფლების მოპოვების სურვილით გატაცებულს, ნახმარი კარკაპი შეეძინა. კიდევ ღოღარი და სპოცდათხუთმეტი ცენტი დასჭირდა „გემის“ ღია, მხიარული ფერით შეღებვას. კიდევ ერთი თვის განმავლობაში ზედმეტ საათებში მუშაობით აღებული ორი ღოღარით აფრა იყიდა. საქმის დასაბოლოვებლად — წყვილი ნიჩბის შესაძენად — კიდევ საჭირო იყო ღოღარი და ორმოცი ცენტი და აი, მის წინ ფართოდ გადაიშალა ვეება მაცდუნებელი სამყარო. ჯეკი სულ უფრო შორს მიდიოდა სან-ფრანცისკოს ყურედან; ზღვის მიქცევის დროს კუნძულ გოუტ აილენდზე თევზაობდა და უკან საღამოს—ზღვის მოქცევის დროს ბრუნდებოდა, უკანასკნელი ბორნის კვალდაკვალ. ქარი თეთრი ქუდებით უშკობდა მძლავრ ტალღებს კენწეროებს, ჯეკს თავზე ავლებდა ტალღების შხეფებს და ნავსაც წყლით უვსებდა. ის კი მღეროდა მეზღვაურულ სიმღერებს: „იგი ქარმა წააღებ“ ან „ჯონ, ვისკი, ვისკი“. ხშირად ღია კარკაპით გადაცურავდა ხოლმე ყურეს სამხრეთ-დასავლეთის ძლიერი ქარის დროს, მაგრამ სათევზაო სანდალის მატროსებს ეს არ სჯეროდათ — ზღაპარს ჩმახავს, ამის გაკეთება შეუძლებელიაო.

იგი მარტო მამაცი კი არა, თავზეხელაღებული გულადიც იყო. რაც უფრო ცუდი ამინდი იდგა, მით უფრო გაშმაგებით ებმოდა ხიფათში. მუდამ იმის განსჯაში იყო, ბოლოს და ბოლოს, ვინ არის იგი; თავი წარმოედგინა ვიკინგად, ძლევაშოსილ ზღვაოსანთა შთამომავლად, ატლანტის ოკეანე ღია ნავით რომ გადაცურეს. „მე მებრძოლი ხალხის შვილი ვარ, — არწმუნებდა თავის თავს, — მე ანგლოსაქსი ვარ და არაფრისა მეშინია“. მას მართლაც არაფრის ეშინოდა და ზღვას ისე შეეფიცა, რომ ყურეს ვერაგ წყლებში ერთ-ერთ დახელოვნებულ მენავედ ითვლებოდა.

იმ წელს, გაზეთების გაყიდვისა და შემთხვევითი სამუშაოების შემდეგ, ჯეკი ყოველდღე ახერხებდა თავისი საყვარელი ნავისათვის ერთი ან ორი საათის დათმობას. მაგრამ მალე, როდესაც იგი ჯერ კიდევ თბილისში იყო, მამინაცვალის მატარებლის ქვეშ მოყვა და მძიმედ დაშავდა. ამ დროს ლონდონში სანაპიროსთან ახლოს. ძველ სახლში, ცხოვრობდნენ და მეტად დიდ სიღარიბესა და გაჭირვებას განიცდიდნენ. მახლობლად ბლომად იყო არსებობა-დასრულებული ან მარცხვანცდილი გემების ნამსხვრევებისაგან აშენებული ქოხმანები. ლონდონების ბინა მოუვლელი, დანაგვიანებული იყო. დაკონკილ ტანსაცმელში გამოხვეულ ჯეკს განუწყვეტლივ ტანჯავდა სულიერი და ფიზიკური შიმშილი. მან იშოვა მუდმივი სამუშაო კონსერვის ქარხანაში, რომელიც რკინიგზის ლიანდაგთან უპატრონოდ მიტოვებულ საჯინბოში მოეთავსებინათ. საათში ოცდასულთ ცენტს აძლევდნენ და ყველაზე მოკლე სამუშაო დღე ათ საათს გრძელდებოდა, ზოგჯერ—ოც საათსაც. ისეც ხდებოდა, რომ რამდენიმე კვირის განმავლობაში, ზედისედ დამის თერთმეტ საათზე აღრე ვერ ამთავრებდა სამუშაოს და შემდეგ, ტრამვაის ფულის უქონლობის გამო, კიდევ გრძელი გზის გავლა უხდებოდა ფეხით სახლამდე. პირველის ნახევარზე დაძინებულს, ექვსის ნახევარზე ფლორა უკვე ექაჩებოდა და ცდილობდა მძინარე ბავშვისათვის საბანი გადაეძრო. ბიჭი თავგამოდებული ებლაუჭებოდა. მოკუნტული ჯეკი მაინც ახერხებდა საბნის ქვეშ მოკალათებას. მაშინ ფლორა ძალ-ღონეს იკრებდა და მთელ ლოგინს იატაკზე გადმოათრევდა. სიცოვისაგან თავდაცვის მიზნით, ბავშვიც თან მოყვებოდა და კაცს ეგონებოდა, ეს-ეს არის უნდა წაიქცესო. მაგრამ მალე გონს მოეგებოდა, დროზე ასწრებდა წამოდგომას და ამასობაში ფხიზლდებოდა კიდევ.

ტანსაცმელს სიბნელეში იცვამდა, სიბნელეშივე ხელის ფათურით გადიოდა სამზარეულოში და ჭუჭყისაგან გაპოხილ ბაკანს მიაშურებდა. მიუხედავად ყოველგვარი ცდისა, ჭურჭლის რეცხვისაგან გარუხებული საბნის ნაღვეი არ ქაფდებოდა; ნესტიანი, ჭუჭყიანი და დაგლეჯილი პირსახოცის ბეწვები სახეზე რჩებოდა. მაგიდასთან ჩამოქადარს მოუტანდნენ ძურის ნატებს და ერთ დინჯან ბურღოს, რომელიც ყავას არაფრით არ მოგაგონებდათ. მოწმენდილი ღამე

იყო, ციოდა და ჭეკი სიცივისაგან იკრუნჩხებოდა. ვარსკვლავები ჭერ კიდევ კიაფობდნენ, ქალაქი სიბნელეს მოეცვა. ფაბრიკის ალაყათის კარებთან ჭეკი ყოველთვის აღმოსავლეთს გახედავდა: სახურავებს შუა, პორიზონტზე გარიყრაყის მკრთალი შუქი გამოკრთოდა.

1891 წლის პირველ იანვარს ჭეკმა თავის უბის წიგნაკში ცალკე ადგილი გამოჰყო სახელწოდებით: „შემოსავალი და გასავალი“. „შემოსავლის“ სვეტში აღნიშნულია თანხა თხუთმეტი ცენტის ოდენობით. 1-დან 6 იანვრამდე ხუთი ცენტი დახარჯა ლიმონში, ათი — რძესა და პურში. ეს იყო ყველაფერი, რისი ყიდვაც შეეძლო ხელფასის მორიგ მიღებამდე. ამ ხელფასიდან ათხანეგარი დოლარი გადაიხადა ბინის ქირაში, იყიდა ცხიმეული, ნავთი, ხამანწკები, ნიგოზი, კრემიანი ფუნთუშები და სხვა ხორაგი. ოცდახუთი ცენტი ფლორასათვის შეძენილ აბეგში გადაიხადა. დანარჩენ ხარჯებს შორის ჩაწერილია: „ორმოცდაათი ცენტი მრეცხავს“. ფლორა, ეტყობა, მაინცდამაინც თავს არ იწუხებდა, გაჭირვებით გაეტანა თავი.

კვირა კვირას მისდევდა, თვე თვეს, დრო ნელა, მომქანცველად გადიოდა, ჭეკი კი ოჲვე თავის ჭაპანს ეწეოდა. ბიბლიოთეკაში სიარულს უკვე ვეღარ ახერხებდა, ღამდამობით კითხვის დროს წიგნზე ეძინებოდა. დატანჯული თავის თავს ეკითხებოდა: ნუთუ სიცოცხლის აზრი მხოლოდ ის არის, რომ მუშა საქონელი გახდე? ღონიერსა და ჯმუხს შეეძლო შავ მუშასავით ემუშავა, მაგრამ მისი ინტელექტი, ტემპერამენტი, წარმოსახვა — ყველაფერი ეურჩებოდა მექანიკურ შრომას.

ახსენდებოდა ნავსადგურში უქმად მდგარი მისი კარჭაპი, იგი თანდათან ნიჲარით იფარებოდა; აგონდებოდა აბობოქრებული ყურე, შზის ამოსვლა და ჩასვლა, რომელთაც ახლა უკვე ვეღარ ხედავდა; იხსენებდა სილამწვრის მსგავს შეგრძნებას, როცა მწვავე, მარილიანი წყალი ტანზე ეხებოდა გემბანიდან თავდაყირა გადახტომისას. ზღვაში გასვლა მისთვის ნიშნავდა უაზრო, ერთფეროვან იწუშაობისაგან თავის დაღწევას, ამასთან ისე, რომ ოჯახსაც დახმარებოდა. ჭეკის სიტყვებით, ეს იყო მისი აიჭაბუკის გაფურჩქვნის დრო, როცა იგი შეიპყრო სახიფათო თავგადასავალთა წყურვილმა, თავისუფალ, მაგრამ ხიფათებით აღსავსე ცხოვრებაზე ოცნებამ.

კვირაობით, როცა კარჭაპით სასეირნოდ გამოსული, ნაპირის ახლომახლო დაეხეტებოდა, ხანდახან ხვდებოდა ხოლმე ხამანწყებზე შეკობრეებს. ესენი ქეიფის მოყვარული ავანტურისტები იყვნენ, რომელნიც იოლი გზით ფიქრობდნენ გამდიდრებას. ყურეს შესართავთან თავს ესხმოდნენ ხამანწყებზე მონადირეთა ნაგებს და ნადავლს კარგ ფასებში ყიდდნენ ოკლენდის ნავსადგურში. ჭეკმა იცოდა, რომ ისინი დამეში ოცდახუთ დოლარზე ნაკლებს არ „შოულობდნენ“. საკუთარი ნავით კი ყოველ „გასვლაზე“ ორასი დოლარის ამოღებაც შეიძლებოდა. გაიგო თუ არა, რომ ერთ-ერთი ძველი შეკობრე, მეტსახელად „ფრენჩ ფრენკი“ („ფრანგი“) თავის კარჭაპს — „რეზლ-დეზლს“ („ნადიმს“) ყიდდა, ჭეკმა მყისვე გადაწყვიტა: „ვიყიდი“. მას აღარ შეეძლო გულისყურით მოჰკიდებოდა დისციპლინის მკაცრ განსჯას, რომელიც მის მეგობრებს აიძულებდა დამქანცველი, მაგრამ პატიოსანი შრომით ეცხოვრათ.

მაგრამ ბიჭუნას, თითოეულ გროშს რომ დაჰკანკალებდა, სად უნდა ეშოვა სამი დოლარი? დახმარებისათვის მან ძიძა ჭენის მიაშურა, რომელიც მოწყალეების დად მუშაობდა. შეუძლია ძიძას, ფული ასესხოს თავის თეთრ ვაჟიშვილს? რასაკვირველია. ყველაფერი, რაც კი ძიძას გააჩნია, ჭეკს ეკუთვნის.

უახლოეს კვირას ჭეკმა მოუსვია ნიჩბებს და თავისი წინადადებით გამოცხადდა „რეზლ-დეზლზე“, სადაც ამ დროს მხიარულ ღრეობას უმადლესი წერტილისათვის მიედწია. მეორე დღეს, დილაადრიან, იგი „ლასტ ჩანსის“ ლუდხანაში შეხვდა ფრენჩ ფრენკს, რათა მისთვის ძიძა ჭენის ოცდახუთდოლარიანი ბრჭყვიალა ოქროს ფულები ჩაეთვალა. ჭეკმა აღნიშნა „რეზლ-დეზლის“ შეძენა — ვისკის გემო მაშინ პირველად იგემა და ნავსადგურისაკენ გაიქცა. თვალის დახამხამებაში ამოიღო ლუზა, ქანდარა ისე მოაბრუნა, რომ აფრებს მკვეთრად აეღოთ ბეიდევიინდი და სამმილიანი ჰალსით გაჰყვა ქარას მიმართულებას ყურეში გასასვლელად. მძაფრი ბრიზი მაჩვენებელი ნიშნებით შემოფარგლულ გზას აჭავლებდა, იჭრებოდა ფილტვებში, მიერეკებოდა სათევზაო სანდალებს, რომელნიც საყვირით ნიშანს იძლეოდნენ, ხიდები გახსენითო. ელვის სისწრაფით ჩაუჭროლებდნენ ხოლმე წითელსაკვამლემილიანი ბუქსირები და მათ მიერ გაკვალული წყლის ნაკადი აკვანივით არწევდა „რეზლ-დეზლს“.

შაქრით დატვირთული ორჩხომელი ზღვას მიაპობდა. მზის სხივებზე წყალზე კიაფობდნენ, ირგვლივ ცხოვრება ჩქეფდა. აი, ის, რომანტიკისა და სახიფათო თავგადასავალთა მძებარი, მშფოთვარე, ბობოქარი სული!

ხვალღან იგი ხამანწკებზე მეკობრე იქნება, ზღვის ყაჩაღი, თავისუფალი, როგორც ქარი, თუკი ეს შესაძლებელია მისი წლოვანების ყმაწვილისათვის ამ მუხანათურ წყლებში.

დილიდანვე მოიმარაგებს წყალსა და სანოვაგეს, აღმართავს დიდ გროტ-აფრას და ზღვის უკანასკნელი მიქცევის დახმარებით გასწევს წინ ქარის შესაზვედრად. მოქცევის დაწყებისთანავე აფრებს ოღნავ დაუშვებს, მიმართულებას აიღებს ყურის ქვემოთ მღებარე კუნძულ ასპარავუს აილენდისაკენ და იქ ლუზას გამლილ ზღვაში ჩაუშვებს. ბოლოს და ბოლოს აღსრულდება მისი ოცნება: ღამეს ზღვაზე გაათევს.



ჯეკმა განცვიფრებით აღმოაჩინა, რომ ფრენჩ ფრენკისაგან სამაჲა დოლარად შეძენილ „რეზლ-დეზლთან“ ერთად მიიღო ხამანწყებზე მეკობრეთა „დედოფალიც“. მემი ფრენჩ ფრენკის მეგობარი იყო; მაგრამ აი, „რეზლ-დეზლზე“ გამოჩნდა ჯეკი შესყიდვის პირობების წესათანხმებლად და მას ერთი შეხედვით შეუყვარდა ეს ნათელი სახის, ლამაზი ყმაწვილი. ლამაზი, თავნება, უთვისტომო გოგონა მემი მხოლოდ თექვსმეტი წლისა იყო. ჯეკი მოგვეთხოვს, რომ იგი კეთილი და გულისხმიერი ყოფილა. „რეზლ-დეზლის“ პატარა კაიუტაში მან ჯეკს ნამდვილი ოჯახი შეუქმნა — მის ცხოვრებაში პირველი მყუდრო საკუთარი კერა. არც ერთ სხვა გემზე ქალი არ იყო და მეკობრეთა შორის ყველაზე უმცროსს — ჯეკს არა მარტო მუშტით მოუხნდა თავისი მეგობრის გემზე დატოვების უფლების მოპოვება, არამედ კინაღამ სიცოცხლესაც გამოასალმა იგი ეჭვიანმა ფრენჩ ფრენკმა.

იმ დამეს ჯეკი პირველად გავიდა „საშოვარზე“. მის ეკიპაჟს შე-

ადგენდა ნავსადგურის ავანჩაუნის მცოდნე, შავუღვაშა მეზღვაური მეტსახელად „სპაიდერი“ („ობობა“), რომელიც წინათაც მუშაობდა „რეზლ-დეზლზე“ და დათანხმდა მის ახალ მფლობელთანაც დარჩენილიყო. შეგროვდნენ მეკობრენი: დიდი ჯორჯი, სატანა ნელსონ-უმცროსი, ხამანწყა, ვისკი ბობი, ნიკი ბერძენი და კიდევ თორმეტი კაცი, რომელთაგან ზოგიერთი პატიმრობაშიც იყო ნამყოფი. ამ ახოვან, ბრგე ვაჟკაცებს საზღვაო წაღები და სათევზაო ტანსაცმელიც კათ და ყოველი მათგანი რევოლვერით იყო შეიარაღებული. მოქმედების გეგმის დასახვის შემდეგ ფლოტილიამ სიბნელით ისარგებლა და გზას გაუდგა. ივნისის სავეს მთვარე ანათებდა. ლოვერბეიში, ყურეს ქვედა წელში, ნაეები ჩაუშვეს და მანამდე მიცურავდნენ, ვიდრე ნავის ძირი რბილ შლამს არ შეეხო. ჭექმა თავისი კარკაპი ნაპირთან დიდ მეჩეჩზე შეაყენა და ხამანწყის შეგროვებას შეუდგა. ტომარა ისე სწრაფად გაავსო, რომ გემიდან მეორის მოტანა დასჭირდა. განთიადისას სწრაფად გამოსწია ოკლენდისაკენ. დილის ბაზრობისათვის უნდოდა მიესწრო, სადაც ლუდხანებისა და სასტუმროების მეპატრონეები ხამანწყებს ყიდულობდნენ. გაყიდვის შემდეგ გამოირკვა, რომ ჭექმა ერთ ღამეში იმდენივე აიღო, რამდენსაც სამ თვეში იღებდა კონსერვის ქარხანაში. განა ეს მარჯვე თავგადასავალი არ არის და ისიც თხუთმეტი წლის ყმაწვილისათვის! ძიძა ჯენის ვალის ნაწილი დაუბრუნდა, დანარჩენი კი ფლორას მისცა. სსხარჯოდ.

რამდენიმე კვირაში ჭექმა მტკიცედ მოიდგა ფეხი ყველაზე უფრო თავზეხელაღებულ მეკობრეებს შორის. ფრენჩ ფრენკმა სცადა თავისი სანდალით თავს დასხმოდა „რეზლ-დეზლს“, ჩაეძირა იგი და მემი წამოეყვანა, მაგრამ „რეზლ-დეზლის“ გემზანზე ფრენჩ ფრენკისაკენ მიმართული ფილათოფით ხელში იღვა ჭექი, რომელსაც ფეხი თან რუმპელზე დაედგა, რათა გემს აღებული კურსიდან არ გადაეხვია. ორმოცდაათი წლის მეტოქეს ძალაუნებურად მოუხდა საქონ მობრუნება და საერთოდ ხელის აღება ასეთ განზრახვაზე. როგორ შეიძლება ჭექს დაავიწყდეს ის დღე, როცა მან ამაყად მიაყენა „რეზლ-დეზლი“ ნაპირს ისე დიდი ტვირთით, როგორზე ოცნებაც კი თითქმის შეუძლებელია, თუ ეკიპაჟი მხოლოდ ერთი კაცისაგან შედგება! ან ის ღამე, როცა მეკობრეები ლოვერბეიში წავიდნენ და მხოლოდ ჭექის გემმა მოასწრო უკვე განთიადისას

ლუზაზე მდგარიყო ასპარაგუს აილენდში! ანდა ის ღირსსახსოვარი ხუთშაბათი, როცა ფლოტილია მთელი სისწრაფით მიჰქროდა, რათა ბაზრის გახსნისათვის მიესწრო! „რეზლ-დეზლს“ საჰე არ ჰქონდა, მაგრამ პირველი მაინც ჯეკი მივიდა და „ნალეზი მან მოხადა“: პარასკევს, დილაადრიან მთელი თავისი საქონელი უკონკურენტოდ გაყიდა.

როცა გემბანზე პოლისმენები გამოცხადდებოდნენ, ჯეკი მათ მაგიდასთან მიიპატივებდა ხოლმე, უმასპინძლებოდა ბლომდწიწაკამოყრილი საუკეთესო ხამანწკებით და თანაც სულის მოთქმის საშუალებას არ აძლევდა, ისე გამუდმებით უვსებდა ტოლჩებს ლუდით დიდი დოქიდან.

გულლია ჭაბუკს უყვარდა თავისი მეგობარი მეკობრეები და უნდოდა, რომ მათაც ჰყვარებოდათ იგი. როცა ისინი სვამდნენ, ჯეკიც სვამდა. როცა იღებოდნენ, ჯეკიც — ეს თხუთმეტი წლის ჭაბუკი — მხარში ედგა და ცდილობდა ამ გადაყოლილი ლოთებისათვის დაემტკიცებინა, რომ იგი უკვე ვაჟკაცი იყო. მას დაუნდობელი მოჩხუბრის, დახელოვნებული მეზღვაურის და თანაც მხიარული დროისმტარებლის სახელი გაუვარდა. ამიერიდან მეკობრეები მას თავისიანად თვლიდნენ და როგორც თანასწორს, ისე ეპყრობოდნენ.

შესვენებისას, როცა ფლოტილია ნემისაბმელში იდგა, ჯეკი ოკლენდის ბიბლიოთეკაში დადიოდა, იქ დიდხანს საუბრობდა მისს კულბრიტთან და შემდეგ წიგნების მთელი შეკვრა მიჰქონდა სახლში — „რეზლ-დეზლზე“; ჩაიკეტებოდა თავის კაიუტაში, რათა მეგობრები ანაზღეულად თავზე არ წამოდგომოდნენ, და ტახტზე წამოწოლილი წიგნს წიგნზე ნთქავდა. თან პირს შაქარყინულითა და წეულა-კანფეტებით იტკბარუნებდა.

მეკობრეთა ფლოტილიაში ხშირად სვამდნენ; იშვიათი არ იყო ჩხუბიც, რასაც თან მოჰყვებოდა ხოლმე დანის ტრიალი და სროლა; ხან სხვის გემს გაიტაცებდნენ, ხან იალქნიან გემს ცეცხლს წაუკიდებდნენ, ხან კიდევ კომპანიონები წაყინკლავდებოდნენ, ეკიპაჟის წევრებს შორის დაიწყებოდა ჩხუბი, რაც დანის დაკვრითა და სიკვდილითაც მთავრდებოდა. ჯეკისათვის ეს იყო ნამდვილი ცხოვრება, ყოველგვარი შელამაზების გარეშე, თავისუფალი და ველური; ამაოდ კი არ კითხულობდა იგი მოთხრობებს ზღვაზე მოხეტიალეებსა და ყაჩაღებზე, გამარჯვებულთათვის გასაძარცვავად და დასანგრევად

გადაცემულ ქალაქებზე, სიხლისმღვრელ შეტაკებებზე. სწორედ აქ, ოკლენდის დელტის ქვიშის კარიერებთან, სადაც ხამანწკებზე მეკობრენი ერთმანეთს ანგარიშს უსწორებდნენ, სადაც დანები ელვარებდნენ და მოწინააღმდეგეს თვალებში ქვიშას აყრიდნენ, იწყებოდა ჰირდაპირი გზა საგმირო საქმეებისაკენ, რომელიც ისე თვალუწვდენელი იყო, როგორც თვით სამყარო, სადაც იბრძვიან სიყვარულისათვის და მაღალი, კეთილშობილი მიზნებისათვის.

ჯეკი დიდზანს დაცურავდა თავისი „რეზლ-დეზლით“, ძიძა ჯენის ვალს უბდიდა და ოჯახს ინახავდა, მონაწილეობდა მრავალ სახიფათო ავანტიურაში და შეხმატკბილებულად ცხოვრობდა მემისთან თავისი კარქაპის კაიუტაში. რამდენიმე ხნის შემდეგ დაუპეკობრდა თავზეხელაღებულ ოცი წლის მეკობრეს, მეტსახელად სატანა ნელსონ-უმეროსს. ჯეკი აღფრთოვანებით შესცქეროდა ლურჯ-თვალუბა, ქერათმიან, ხმელ-ხმელ, პერკულესივით მძლავრ უფროს ამხანაგს. იგი ნამდვილი ვიკანგი იყო. ერთხელ სიმთვრალეში ატეხილი მუშტი-კრივის დროს, რომელშიც მეკობრეთა მთელი ფლოტილია იღებდა მონაწილეობას, სატანა ნელსონს ხელი ტყვიით გაუზვრიტეს, ხოლო მისი გემი „რეინდირი“ („ჩრდილოეთის ირემი“) შლამზე დაჯდა და თანაც უონვა დაიწყო. ჯეკი წაეჩხუბა თავას „ეკიპაჟს“, ე. ი. სპაიდერს, რომელმაც ცეცხლი წაუკიდა „რეზლ-დეზლს“ გროტ-აფრას და მიიმალა. მაშინვე გემბანზე ამოცვივდა მეკობრეთა გროვა სხვა გადამტერებულნი ეკიპაჟიდან, „რეზლ-დეზლს“ ქეჩი გაუზვრიტეს, ცეცხლი წაუკიდეს და ჩაძირეს. ამის შემდეგ ჯეკმა და სატანა ნელსონმა ერთად შეაკეთეს „რეინდირი“, პატარა სამიკიტნოს, „ლასტ ჩანსის“ მეპატრონის — ჯონი ხეინოულდისაგან ისესხეს ფული, იყიდეს სანოვავე. კასრებში სუფთა წყალი მოიმარაგეს, ასწიეს აფრა და „რეინდირი“ ხამანწკების ზაფანგებისაკენ გაემართა.

ამქვეყნად არაფერი ისე დიდ სიხარულს არ ჰგვრიდა სატანა ნელსონს, როგორც თავისი გემის ბეწვის ზედზე ტარება. მას სხვა უცნაურობაც ახასიათებდა: მაგალითად, როგორი აღელვებულები არ უნდა ყოფილიყო ზღვა. იგი აფრას არ ჩამოსწევდა. რამდენჯერ სასწაულებრივ ვადარჩენილან უქვეელი სიკვდილისაგან. აზრადაც არავის მოუვიდოდა ისეთ საოცრებათა წამოწყება, როგორსაც სატანა

ნელსონი ბედავდა. ჭეკი ცდილობდა არაფერში ჩამორჩენოდა მას, უფრო მეტიც, ისწრაფვოდა სიმამაცეში გადაექარბებინა კლდე თავისი კაპიტნისათვის. ნელსონის მსგავსად, განა ისიც უშიშარი ვიკინგი არ იყო?

ისინი დაძრწოდნენ ყველა სანაოსნო უბესა და სრუტეში, აწყობდნენ მეკობრულ თავდასხმებს. ასეულ მიღზე აყვებოდნენ ხოლმე ყურეს შენაკად მდინარეებს და ერთ ღამეში იმდენ ნადავლს აგროვებდნენ, რომლის ფასი ასოთხმოდ დოლარზე ნაკლებს არ შეადგენდა. ამის მოუხედავად, არასოდეს ფული არ ჰქონდათ: საკმარისი იყო ნაპირზე გადმოსულიყვნენ, რომ ეს გადარეული ნელსონი იწყებდა თავაშვებულ ლოთობას, ეჭებდა მძაფრ შეგრძნებებს და ისევე ტყებოდა, როგორც ზღვაზე სიკვდილთან ანდა კატორღასთან დამალობანას თამაშით. ჭეკს მიაჩნდა, რომ მეგობარს არც ხმელეთზე უნდა ჩამორჩენოდა: თუ ის ერთ ჭიქა ვისკის დაღევდა, ეს—ორს, თუმცა უნდა ითქვას, რომ დათრობის სურვილი მას არასოდეს ჰქონია.

მალე ჭეკიც მიეჩვია და უკვე ადვილად გადაკრავდა ხოლმე საზიზღარ, გაუზავებელ ვისკის. მას შეუყვარდა სიმთვრალის შეგრძნება, ველური სიცილი და სიმღერები, თავშეუკავებელი ჩხუბი, შემთხვევითი მეგობრები. მის აზროვნებაში წარმოსახული რაღაც უცნაური ფანტაზიები აიძულებდნენ, როგორც მას ეგონა, განსაკუთრებული მალაღფარდოვანი ენით ელაპარაკა. როგორც კი ეს ფანტაზიები გაუქრებოდა, ისევე დათვრებოდა. იგი მუდამ ყოველგვარი უკიდურესობის მომხრე იყო და საკუთარ თავში დაურწმუნებლობა აიძულებდა დამეტკიცებინა თავისი თავისა და სხვებისათვის, რომ იგი სხვაზე უარესი კი არა, უკეთესიცაა, რომ მისთვის შეუძლებელი არაფერია. მეკობრეთა მეფე ლოთების მეფეც უნდა გახდეს.

ოჯახი პილარიბეს განიცდიდა, მაგრამ ჭეკი მასზე აღარ ზრუნავდა და სამიკიტნოში ანიავებდა ფულს, რომელიც ასე აუცილებელი იყო საქმელ-სასმელისათვის და ბინის ქირის გადასახდელად. ბევრი რამის მომსწრე, სმის მოყვარული „მოხუცები“ სანაპიროდან, გულისწყრომას გამოთქვამდნენ იმის გამო, თუ რა გაუგონრად სწრაფად ლოთდებოდა ეს თხუთმეტი წლის მეზღვაური, რომელიც დიდი ხანი არაა, რაც მათი დამხმარე მუშა იყო. ისინი ჭეკს, დიდი-დიდი, ერთი წლხს სიცოცხლეს უწინასწარმეტყველებდნენ, მეტს არა.

ერთხელ, დამით, უფულოდ დარჩენილი, წყურვილით დატანჯული ჯეკი და სატანა ნელსონი ოვერლენდ ჰაუსის ლუდხანაში ისხდნენ იმ იმედით, რომ ვინმე თითო ჭიქას დააღვინებდა. მოულოდნელად ჯო გუსი შემოიჭრა ახალი ამბით: ჰეივარდში — პოლიტიკურ მიტინგზე, შეიძლება უსასყიდლოდ დალიოთ იმდენი, რამდენიც სულსა და გულს მოესურვებთ. მხოლოდ საჭიროა ჩაიცვან წითელი ხალათი, დაიხურონ მეხანძრის ჩაჩქანი და ჩირალდნით ხელში მონაწილეობა მიიღონ პარადში. მეტი არაფერი! პარადის შემდეგ გაიხსნა რესტორნები და ძმებიკები ოკლენდის სანაპიროდან ერთი რესტორნიდან მეორეში გადადიოდნენ, მჭიდროდ ეკვროდნენ დახლს, რომელზედაც ვისკის გუბე იდგა. მაგრამ ჯეკმა და მისმა მეგობრებმა ეს ტემპიც არ იკმარეს: მეზუფეტე განზე მიაყენეს და თვითონ დაიწყეს თაროებიდან ბოთლების ჩამოლაგება. შემდეგ მთელი ეს ბრბო ქუჩას მოედო, ტროტუარის ცემენტის ბორღურის ნაპირებზე თავებს ამტვრევდნენ ბოთლებს და ისე სვამდნენ.

ჯო გუსსა და სატანა ნელსონს ცხოვრებამ ასწავლა, რა ფრთხილად უნდა ეხმარათ გაუზავებელი ვისკი, ჯეკს კი — ვერა. რაკი ვისკი უფასოადა, მაშასადამე, შეიძლება იმდენი დალიო; რამდენიც მოგესურვება. ჯეკმა იმ ღამეს ორ კვარტზე მეტი დალია. ხოლო როცა ოკლენდში დაბრუნების დრო დადგა, იგრძნო, რომ სუნთქვა ეკვროდა, მთელი გულ-მუცელი ეწვოდა. მატარებელში ჩირალდნით ფანჯრის მინა ჩაამტვრია, რადგან ჰაერი აღარ ეყო. ეს გახდა მთვრალთა მუშტი-კრივის დაწყების ნიშანი. ჯეკს ისე სცემეს, რომ გრძობა დაკარგა. სატანა ნელსონმა იგი სანაპიროს მახლობლად, ღამის სათევში მიათრია, სადაც მხოლოდ ჩვიდმეტი საათის შემდეგ გამოფხიზლდა. იგი ისე ახლოს იყო სიკვდილთან, რომ კიდევ ერთი ნაბიჯიც და აღსრულდებოდა სანაპიროს ძველი თაობის წარმომადგენელთა წინასწარმეტყველება: ეს ყმაწვილი წელიწადსაც ვერ გაატანსო.

ჯეკი რომ ისეთი ყოფილიყო, როგორც დანარჩენი მეკობრეები, იგი გააგრძელებდა „საშოვარზე“ სიარულს და სმას, ვიდრე ტყვია სიცოცხლეს არ გამოასალმებდა და ბენიციის სასამართლოს საცხედრის სკამზე არ გააჭიმვინებდა ფეხებს, როგორც ეს სატანა ნელსონს მოუვიდა. შეიძლება ზღვაში დამხრჩვალყო ან ზურგში ჩაი-

შული დანის მსხვერპლი გამხდარიყო, როგორც მისი მეგობრები „ხამანწყა“ და ვისკი ბობი; ანდა სპაიდერისა და ნიკი ბერძენის მსგავსად მოღვაწეობა სან-კვენტინის საპყრობილეში დაემთავრებინა, სადაც თავს ამოყოფდნენ ხოლმე უფრო დიდი საქმეებისათვის, ვიდრე ხამანწყის „საშოვარი“ იყო.

მაგრამ რაღაც შინაგანი ძალა ეწინააღმდეგებოდა, რომ ასე უაზროდ არ გაეტარებინა მთელი ცხოვრება დღენიადაგ სმასა და ქეიფში. რაღაც იზიდავდა გამოუქვლეველი ქვეყნებისაკენ, უფრო შინაარსიანი ცხოვრებისაკენ. სატანა ნელსონთან გატარებული ყოველი ღრეობის შემდეგ იგი თავდავიწყებას ეძებდა „რეინდირის“ კაიუტაში; ჩაიკეტავდა კარებს და მიუჭდებოდა თავის საყვარელ წიგნებს. გონებას უმღვრევდა ვისკი, მაგრამ ამშვიდებდა წიგნები, ახალი ტომები: „სინათლე ჩაქრა“ კიპლინგის, „ტაიპი“ მელვილის, „ჟერმინალი“ ზოლასი, „მოხალისე-სოციალისტი“ შოუსი. აინა კულბრიტმა მისთვის გადაინახა ნიუ-იორკიდან მიღებული ეს ახალთახალი წიგნები, რომელთაც ჯერ კიდევ სტამბის ტენიანი საღებავის სუნი ასდიოდა.

ნელ-ნელა, ფრთხილად ცდილობდა ჯეკი შეეცვალა ცხოვრების გეზი და ახალ გზაზე გასულიყო, როცა ასეთი რამ შეემთხვა: დიდი ნადავლის შემდეგ, სამი კვირის განმავლობაში განუწყვეტლივ ლოტობდა სატანა ნელსონთან ერთად; ჯეკის სიტყვებით. რომ ვთქვათ, ხანდახან თუ გამოფხიზლდებოდნენ ხოლმე და ისიც ნაწილობრივ. ერთხელ, ღამის პირველ საათზე, ჯეკი, ისე უგრძობლად მთვრალი, რომ წაუბოროძიკებლად ერთ ნაბიჯსაც ვერ ადგამდა, ცდილობდა ბენიციის ნავსადგურთან მდგარ თავისი კარკაპის გემბანზე ასვლას, მაგრამ ამოდ: ფეხი დაუცდა და წყალში გადავარდა. იგი კარკინესის სრუტის აქაფებულმა მორევმა ჩაითრია და დინებამ გაიტაცა. ჯეკი შემდეგ იგონებდა, როგორ გადაწყვიტა სასოწარკვეთილებაში ჩავარდნილმა, რომ დახრჩობა იქნებოდა მისი ხანმოკლე, მაგრამ ბობოქარი კარიერის ბრწყინვალე დასასრული. წყალქვეშ დამკვიდრება თავისთავად ნეტარებაა, ამას გარდა, გმირები ხომ სწორედ ასე კვდებიან!

როცა დინებამ სალანოს ხალხმრავალ, გაკაშკაშებულ სანაპიროზე ჩაატარა, მოახერხა უჩუმრად ემოძრავა, რათა ვერ შეემჩნიათ;

საშიშროებამ განვლო და მან უკვე პანაშვიდიც შესთხოვა შორეულ ვარსკვლავებს. შეჭაროდა ყველასა და ყველაფრისადმი გამოთხოვების ელვას. ზურგზე იწვა ვარსკვლავების სხივებით განათებული და შესცქეროდა, როგორ მიცურავდნენ ნაცნობი სანაპიროს წითელი, მწვანე, ყვითელი ლამპიონები და თითოეულ მათგანს სევდიანად უზღვნიდა სენტიმენტალურ „მომტივეს“. ამასობაში ჭეკი ცივმა წყალმა გამოაფხიზლა და მან დაასკვნა, რომ სიკვდილი მაინც არ ღირდა. ტანისამოსი გაიძრო და დინების გარდიგარდმო ხელების მძლავრი მოსმით ნაპირისაკენ იბრუნა პირი. განთიადისას კუნძულ მერ აილენდის წყლებში აღმოჩნდა, სადაც ერთმანეთს გაშმაგებით ეჯახებოდა კარკინესისა და ვალიეხოს სრუტეების მძლავრი დინებები. ძალ-ღონე გამოეცალა და სიცივიზაგან გაითოშა. ქარი ნაპირიდან ჰკვლს ურეკებოდა, პირი წყლით ევსებოდა. კიდევ რამდენიმე წამი და შესანიშნავი რომანები: „წინაპართა ძახილი“, „ზღვის მგელი“, „რკინის ქუსლი“, „მარტინ ილენი“, „მთვარის ხეობა“, „დრო-არ-იცდის“, „ვარსკვლავთა შორის მოხეტიალე“ და მათთან ერთად ასი საუკეთესო მოთხრობა ჩაიძირებოდა სან-პაბლოს ყურეს ტალღებში. საბედნიეროდ, იგი შენიშნეს ბერძენ მეთევზეთა ნავიდან, რომელიც ვალიეხოს წყლებში თევზაობის შემდეგ უკან ბრუნდებოდა, და გრძნობადეაქრჯული გემბანზე აათრიეს. თავაშვებულ ლოთობას დიდი ხნით მოელო ბოლო.

რამდენიმე დღის შემდეგ, როცა ჭეკი და სატანა ნელსონი ხამან-წყით დატვირთულნი ბენიციის ნავსადგურისაკენ მიდიოდნენ, ისინი საბაჟოს მოხელემ შეაჩერა და ურჩია, თავი დაენებებინათ ხამან-წყებზე მეკობრეობის საეჭვო საქმიანობისათვის და სათევზაო პატრულის სამსახურის აგენტებად დაეწყით მუშაობა. სან-ფრანცისკოს ყურე სავსე იყო ორაგულის ჰერაში დახელოვნებული ბერძენი ბრაკონიერებითა და კრევეტებზე მონადირე ჩინელებით, რომელნიც თევზჭერის სახელმწიფო კანონებს არღვევდნენ. დანაშაულზე წასწრებისას დაპატიმრების ნაცვლად აჯარიმებდნენ. სამუშაოს პირობები ასეთი იყო: ჭეკი მიიღებდა დამრღვევებისაგან ჩამორთმეული თანხის ნახევარს. „პოლიციელები და ქურდების“ თამაშობანას ერთი მხარე ჭეკმა ჩინებულად იცოდა; იგი სიხარულით დაეთანხმა და დანიშნეს პატრულის სამსახურის აგენტად.

მისი პირველი დავალება ასეთი იყო: ალყა შემოერთყა კრე-
ვეტებზე მონადირე ჩინელებისათვის, რომელნიც ისეთ წმინდა ბა-
დეებს: ხმარობდნენ, საიდანაც ლიფსიტაც ვერ დაიძვრენდა თავს.
ჩამოზნელებისთანავე ჯეკი, სატანა ნელსონი და კოდევ ოთხი აგენტი
„რეინდირითა“ და სათევზაო შალანდით ზღვაში გავიდნენ. ღუზა
ჩაუშვეს პინოლის კონცხთან ციცაბო კლდის ძირში და გარიყრაჟზე,
დილის ნიავთან ერთად, ირიზად გადასერეს ყურე. წინ, სამი მილის
მანძილზე, ნახევარმთვარისებურად, კრევეტებზე მონადირეთა
ფლოტილია განლაგებულიყო. თითოეული ჯონკა მაგრად იყო და-
მაგრებული კრევეტების დასაჭერად ჩადგმული ბადის ლივლივებზე.
ჩინელებს ტროუმებში ეძინათ.

ჯეკს ნაბრძანები ჰქონდა, ერთ ჯონკაზე სატანა ნელსონი გადაეს-
ვა, მეორეზე — პატრული ჯორჯი, თვითონ კი მესამეზე დარჩენი-
ლიყო. მიუახლოვდა თუ არა ქარის მიმართულების მხრიდან პირველ
ჯონკას, გაშალა გროტ-აფრა და ისეთი ნელი სვლით წავიდა
კიჩოს გასწვრივ, რომ სატანა ნელსონი სრულიად ადვილად გადავიდა
ჯონკას გემბანზე. მაგრამ მოულოდნელად ჩაბერეს ზღვის ნიჟარა-
ში და ატყდა განგაში; გემბანზე ამოცვივდნენ ნახევრად შიშველი
ჩინელები. ჯეკმა „რეინდირი“ მეორე ჯონკას მიაყენა და ჯორჯს
საშუალება მისცა მის გემბანზე გადამხტარიყო. შემდეგ აუშვა გროტ-
შტოკი და მთელი სისწრაფით, ქარის საწინააღმდეგო მიმართულე-
ბით, პირდაპირ წინ, ქარის მიმართულებით მდგარ ჯონკას, მიაშუ-
რა. გემები ტკაცანით დაეჯახნენ ერთმანეთს. ჯონკას მარჯვენა ფერ-
დის ნიჩბები დაილეწა. აბრეშუმის ყვითელი ნაჭრით თავწაკრულ,
ავბედითი შესახედობის ჩოფურა ჩინელს გააფთრებისაგან გულშეშ-
ზარავი ყვირილი აღმოხდა. წვეტიანი ჭოკით მიაწვა „რეინდირის“
ქიმს და ერთმანეთზე გადაბმული ნავეების განთავისუფლებას შეუდგა.
ჯეკს წამით შეაგვიანდა, ვიდრე კლიფერფალს ჩამოუშვებდა, და სწო-
რედ იმ დროს, როცა „რეინდირი“ ჯონკას უნდა გასცლოდა, გადახტა
მის გემბანზე თოკით, რომელიც იქვე დაამაგრა.

უიარაღოდ, მარტოდმარტო მდგარ ჯეკს მუქარით უახლოვდებო-
და ხუთი ჩინელი. თითოეულ მათგანს ქამარში გაჩრილი ჰქონდა
გრძელი დანა. ჯეკმა ადგილიდან გაუნძრევლად, მრავალმნიშვნელოვ-
ნად ჩაიყო ჯიბეში ხელი. ჩინელებმა უკან დაიხიეს. ჯეკმა მოითხო-

ვა, ჯონკის ქიმიდან. ლუზა ჩაეშვათ. ჩინელებმა უარი თქვეს. მაშინ ჯეკი თვითონ მივიდა ქიმთან, ლუზა ჩაუშვა და, ცარიელი ჯიბიდან ხელის ამოუღებლად, აიძულა ისინი „ჩინდირზე“ გადასულიყვნენ. შემდეგ მეორე ჯონკასთან მივიდა, სადაც ჯორჯის რევოლვერის შიშით ჩინელები ერთ გროვად შეჯგუფულიყვნენ.

ყვითელთავსაფრიანმა ჩინელმა თითქოსდა უცაბედად გვერდი გაჰკრა ჯეკს, დარწმუნდა, რომ მას იარაღი არ ჰქონდა და თავისიანებს წაქეზება დაუწყო — გაქაჩეთ პატრულის ორივე მუშაკი და გემბანიდან წყალში გადაადგეთო. ჯორჯი, რომელსაც, მართალია, რევოლვერი ჰქონდა, მაინც დაფრთხა და ჯეკს მოსთხოვა, ჩინელები პედროს კონცხის წაფერდებულ ნაპირზე გადაესვა. ჯეკმა უარყო ეს წინადადება. მაშინ ჯორჯმა რევოლვერი მისკენ მიმართა და შესძახა: — აბა, ახლაც არ გაუხვცე ნაპირისაკენ?

რევოლვერი და დანებით შეიარაღებული თექვსმეტი ჩინელი... ნუთუ უნდა გაუშვას დანაშაულზე წასწრებულნი? ვაი, სირცხვილო! ჯეკმა ანაზღუელად ასწია ხელები და თავი ჩაქინდრა. გასროლა ისე მალე მოხდა, რომ ტყვია არავის შეხებია. ჯეკმა მოულოდნელად მაჯაში სტაცა ხელი ჯორჯს. ამის დანახვაზე ჩინელები მისკენ გამოქანდნენ. მაგრამ ჯეკმა მოასწრო მკვეთრად შემოებრუნებინა ჯორჯი, ისე, რომ მუშტები მას მოხვედროდა, გამოსტაცა რევოლვერი და ყოფილი ამხანაგი ისეთი სიმძლავრით დააჯახა ყვითელთავსაფრიანს, რომ ჩინელი წაბორძიკდა, თავი ვერ შეიმავრა და ჯორჯთან ერთად გემბანზე დაენარცხა. ჯეკმა ამ მომენტით ისარგებლა და მოწინააღმდეგენი რევოლვერით დაიმორჩილა.

ამჯერად ჯარიმიდან მას თითქმის ასი დოლარი ერგო.

მრავალი ამდაგვარი თავგადასავალი გადახდა მომდევნო თვეებშიც. იყო შემთხვევა, როცა სიცოცხლის შენარჩუნების მიზნით, თავქუდმოგლეჯილი გარბოდა მარტინისის სანაპიროს გასწვრივ, უკან კი ღრიალით მისდევდა მეთევზეთა ბრბო. თურმე ჯეკს დანაშაულზე წაუსწრია მათთვის და ორი მეთევზე დაუპატიმრებია. მეორედ ორ ბრაკონიერს წააწყდა ზუთხის ჰერის წესების დარღვევისას და მათ დევნაში დიდხანს უარა გარშემო ხორბლით დატვირთულ გემს. ისეც მოხდა, რომ ვერ შეიპყრო აკრძალული თევზსაკერი ხელსაწყოებით შეიარაღებული ორი მეთევზე. ისინი თითქოს ნება-

ღართული წესით — ანკესით — იჭერდნენ ზუთხს, მაგრამ ფაქტიურად ათას გირვანქაზე მეტი თევზი ამოჰყავდათ კაუჭებით.

წელიწადზე მეტი დაჰყო ჯეკმა საპატრულო სამსახურში. ამ ხნის განმავლობაში ყოველდღე, ზღვასა თუ ხმელეთზე ხვდებოდა პატროსან, უშიშარ მეპატრულებს, ბანქოს მოთამაშეებს, მეზღვაურებს, ბარების მეპატრონეებს, მეთევზეებს, ნავსადგურის მტკირთავეებს, საოკეანო გემების შტურმანებს. ამ ხალხს ბევრი რამ გადაეტანა და ენახა. არ დარჩენოდათ მსოფლიოს არც ერთი ნავსადგური, ისინი რომ არ ყოფილიყვნენ. ყველგან ახალ-ახალი ქალები ჰყავდათ და ახალ არაჩვეულებრივ შემთხვევებს ელოდნენ. მათთვის უცნობი არ იყო სისხლიანი ცემა-ტყევა და არც საიდუმლოებით მოცული მკვლელობა. ყოველთვის, როცა „რენდირით“ ყურეში გადიოდა ან უკან ბრუნდებოდა, ჯეკი ახლოს ჩაუვლიდა ხოლმე „ოქროს კარიბჭის“ სრუტეს, საიდანაც წყნარ ოკეანეში გადიოდა გზა. ამ კარიბჭის იქით უგულებლობა საიდუმლოებითა და სახიფათო შემთხვევებით აღსავსე აღმოსავლეთი, რომლის შესახებ ასე აღტაცებით ჰყვებოდნენ ბევრის მნახველი ადამიანები. თითქოს თვალნათლივ ხედავდა ბიბლიოთეკის წიგნების ფურცლებზე ამოკითხულ სახიფათო შემთხვევებს. თუმცა ჯეკი მხოლოდ ჩვიდმეტი წლისა იყო, მაგრამ ტანადსა და ღონიერს ვაჟკაცური შესახედობა ჰქონდა და თვითონაც დავაჟკაცებულად გრძნობდა თავს. მას სწყუროდა ქვეყნიერების შემოვლა და ამ მაცდუნებელი მიზნისაკენ მხოლოდ ერთადერთი გზა მიიმართებოდა.

სწორედ იმ წუთიდან, როცა ოთხი წლის წინათ ორ დოლარად დანჯღრეული კარკაბი შეიძინა და ყურეში გავიდა, ჯეკის ბედი გადაწყდა: ზღვით მოგზაურობა ხომ მისი ბედისწერაა შთამომავლობით. სან-ფრანცისკოს ღოკებში მრავლად იყრიდნენ თავს სანდალები, სატვირთო და სამგზავრო გემები: ასარჩევი აქ ბლომად იყო. ჯეკმაც ყველაზე რომანტიული, ერთ-ერთი უკანასკნელი გამოშვების იალქნიანი გემი შეარჩია, რომელსაც ზღვის მწავეებზე სანადიროდ ჰქონდა აღებული კურსი კორეის, იაპონიისა და ციმბირისაკენ. ამოდ არ ჩაუვლია მისთვის მეღვილის რომანის „მოზი დიკის“ მრავალჯერ წაკითხვას.

„სოფი საზერლენდი“ ოთხმოცი ტონა წყალწყვის სწრაფმავალი სანდალი იყო. მისი იალქნის თვალუწვდენელი კალთები ასეულ ფუტზე იყო გადაჭიმული — გემბანიდან ანძის თეფშამდე. ზევითა კაიუტაში, სადაც ჭექმა თავისი ბარგი-ბარხანით სავსე კიდობანი დასტოვა, ორივე მხარეზე საწოლები იყო გამართული ქიმამდე; კედლებზე საშტორბოები. ზღვის ჩექმები და ფარნები ეყიდა.

ჯეკი „ოქროს კარიბქეს“ არასდროს ვასცილებოდა, მაგრამ მაინც პირველი კლასის მატროსად ჩაეწერა, რათა მეტი ხელფასი მიეღო. ეკიპაჟის სხვა წევრებს მთელი წლები ჰქონდათ გატარებული ზღვაზე: სახომალდე საქმეს ისინი დიდი და მძიმე განსაცდელის გამოვლის შედეგად დაუფლებოდნენ. ძირითადად ესენი იყვნენ სკანდინავური წარმოშობის გულცივი, ხმელ-ხმელი ვაჟკაცები. ზღვაოსნობა მათ ჯერ კიდევ მოზარდის ასაკიდან დაეწყოთ და ახლა, უკვე მეზღვაურებს, მიაჩნდათ, რომ მოზარდები მათ უნდა მომსახურებოდნენ. ისინი აღშფოთებული იყვნენ იმით, რომ ამ ცინგლიან ბაღს თავი ნამდვილ მეზღვაურად მოჰქონდა. ცუდი დღე დაადგებოდა ჯეკს, თუ ვერ დაამტკიცებდა; რომ იცოდა თავისი საქმე! სანდალში, ღია ზღვაზე მყოფს, საიდანაც ვერსად გაიქცეოდა, შვიდი თვის განმავლობაში მას სიკვდილის პირამდე მიიყვანდნენ!

მაგრამ ჯეკი დიდი ხანია ტრიალებდა მეზღვაურთა შორის და კარგად შეისწავლა მათი მარტივი ფსიქოლოგია. მან მტკიცედ გადასწყვიტა ისე ემუშავა, რომ მის ნამუშევარს გადაკეთება არ დასჭირვებოდა. როცა გემსაბმელს ეწეოდნენ, იგი მოჩვენებით კი არა, ნამდვილად, მთელი ძალ-ღონით მუშაობდა. მან იცოდა, რომ ამხანაგები, რაიმე შარის მოდების მიზნით, ფარულად თვალს ადევნებდნენ მის მუშაობას. ამიტომაც გაიხადა წესად, მისი მორიგეობის დროს პირველ მორიგეებთან ერთად გასულიყო და ქვედა კუბრიგში უკანასკნელი ჩასულიყო. ამავე დროს, არასოდეს არ ტოვებდა დაუმაგრებლად საიალქნე ბაგირს და სხვა ტაკელაჟს. იგი მუდამ მზად იყო ვანტებზე ასასვლელად, რათა შეერჩია და დაებოშებინა მარსელის საიალქნე ბაგირი; ძალიან მალე აითვისა ზოგიერთი, აქამდე მისთვის უცნობი ახალი მოწყობილობის დანიშნულება და კომპასის ყველა რუმბის დასახელება.

მოგზაურობის მესამე დღეს, საჭესთან მისი მორიგეობის დროს,

„სოფი საზერლენდი“ შტორმში მოხვდა. კაპიტანი დაექვედა — შეს-
ძლებს თუ არა ჩვიდმეტი წლის მეზღვაური გემი კურსს არ ააცდინოს
გაშმაგებული ქარისა და დიდი ღელვის დროსო. მაგრამ საჰის მარ-
თვაზე ხუთი წუთის დაკვირვების შემდეგ გამამხნეებლად დაუქნია
თავი და სავანშპოდ ძირს ჩავიდა. ჯეკი შტორმს ებრძოდა. გემბან-
ზე აღარავინ იყო. ქარი საბეში სცემდა, ჩამოწეწილი თმები თვალე-
ბში ებლანდებოდა. მაგრამ სიხარულით ცას ეწეოდა იმის გამო, რომ
მთელი ეკიპაჟის ბედი მას მიახდევს. მთელი საათი მიჰყავდა გემი
კურსით. თავისი ცხოვრების მანძილზე არც ერთი გამარჯვებით არ
ყოფილა იგი ასე ამაყი და კმაყოფილი!

ქარი ჩადგა. „სოფი საზერლენდი“ სწრაფად მიიწევა წინ და
ჯეკმა თავისი ამხანაგების სახეზე წინანდელი მტრული განწყობილე-
ბის კვალიც ვეღარ ამოიკითხა. მართალია, ზოგჯერ შეხლა-შემოხ-
ლაც ხდებოდა: კუბრიგში სივიწროვის გამო ხშირი იყო ფეხის ფეხ-
ზე დადგმა, რასაც ჰირვეული ხასიათის პირველი კლასის მეზღვაური
ვერ იტანდა. მიუხედავად ასეთებისა, მოგზაურობა ძალიან კარგად
დამთავრდა. შტორმის შემდეგ გამოიღარა და ორმოცდაათი დღის
განმავლობაში ღრუბლის ნატამალიც არ უნახავთ. დამლამობით
ჯეკი, თავქვეშ ხელეხამოდებული, ზურგზე წამოწეებოდა ხოლმე
თავის კაიუტაში. ვარსკვლავები ისე ახლოს ეახეებოდა. თითქოს
ვინმეს იალქანზე დაეკერებინოს და ეს იალქანი ხომალდზე ტენტი-
ვით გადაეჭიმოს. თბილ დღეებში მატროსები სულ მთლად ტიტვლ-
დებოდნენ და ერთმანეთს მარილიან წყალს ასხამდნენ ვედროთი. ჯე-
კი დაუმეგობრდა დიდ ვიქტორსა და აქსელს; ამ რეისზე მათ განუყ-
რელ სამეფულს ეძახდნენ. სასიამოვნოა თავისუფალი საათების გატა-
რება გემბანის ზედა კაიუტაში, როცა ამხანაგები ზღაპრებს ჩმახავენ
საშინელი ქარიშხლებისა და თევზის გაუგონარი რაოდენობით დაქე-
რის შესახებ. თუ მოგწყინდება, შეგიძლია კიჩოსკენ გაიარო, სადაც
შონადირეებს კუბრიგის კედლებზე თოფები ჩამოუკიდიათ და თა-
ვიანთ საწოლებზე წამოწოლილან. მათ არასოდეს შემოეღევათ არა-
ჩვეულებრივი ამბები, მუშტებზე კი უამრავი შეხლა-შემოხლის და-
ლი აჩნიათ. გვიან ღამით, როცა მორიგეობა თავდებოდა და გემბა-
ნის ზედა კაიუტაში გოლიათური ხვრინვა იმართებოდა, ჯეკი ისევე
ფრთხილად და შეუმჩნეველად გადაირთვებოდა სხვა ცხოვრებაში, რო-

გორც ხამანწყებზე მეკობრედ ყოფნის დროს. წიგნით ხელში მოიკალათებდა გემის ცხვირზე ცრუქიმთან, ერთ ხელში ლამბაქზე ანთებულ პატრუქს დაიპერდა, მეორეთი წიგნს გადაფურცლავდა და მთელი ღამეები კითხულობდა ავანსით შეძენილ მეღვილისა და ჭეკობის მოთხრობებს, მისს კულბრიტის პირადი ბიბლიოთეკიდან წამოღებულ ფლობერის „მადამ ბოვარსა“ და ტოლსტოის „ანა კარენინას“.

„სოფი საზერლენდი“, როგორც იქნა, გასცდა ბონინის არქიპელაგის ვულკანურ რიფებს, მათ შორის გავლით შევიდა დახურულ ნავსადგურში, სადაც ორ ათეულამდე ასეთივე, ზღვაში მოხეტიალე გემი დახვდა, და ლუზა ჩაუშვა. ყურეში ცხვირწაწვეტილი კანონებით მიდი-მოდოდონენ ადგილობრივი მცხოვრებლები, წრეს უვლიდნენ იაპონელები სამპანებით.

ჭერ კიდევ შეიდი წლის ბიჭუნამ, როცა „აფრიკაში მოგზაურობა“ წაიკითხა, უკვე დაიწყო ოცნება. განვლო ათმა წელმა და, აი, მან გზა გაიკაფა ცხრა მთას იქით: ახლა საკუთარი თვალით შეუძლია ნახოს ის, რის შესახებაც წინათ მხოლოდ წიგნებში თუ წაიკითხავდა. მოუთმენლად ელოდა, როდის გადავიდოდა ნაპირზე, აპყვებოდა გზას, რომელიც მწვანითმოსილ ხეობაში იკარგებოდა, შემდეგ კი ლავის შიშველ ფერდობებზე გავლით პალმებსა და ყვავილებს შორის მიიკლაკნებოდა ზევით, ადგილობრივი, უცნობი სოფლების ახლოს. მოუთმენლობისაგან ცახცახებდა. როგორც იქნა, აღსრულდა, სამპანით ითევზავებს!

ვანუყრელი სამეული ნაპირზე გადავიდა. ჩაკი ჭეკი მათი მეგობარია, მაშასადამე, ორივემ — დიდმა ვიქტორმა და აქსელმა — იგი პურ-მარხილზე უნდა დააბატიყონ. მაგრამ ორივენი ხომ მისი მეგობრებიც არიან, მაშასადამე, თვითონაც ერთი ბოთლი უნდა ჩამოღგას. დახლთან შეხვდნენ ნაცნობებს სან-ფრანცისკოს სანაპიროდან, სხვა რეისების თანამგზავრებს, მეგობრებს ხამანწყებზე მეკობრეობის დროიდან. ყოველი შეხვედრა ისევ პურ-მარხილთ უნდა აღენიშნათ — განა რამე სჯობია კარგ ამხანაგს ამქვეყნად?

„სოფი საზერლენდი“ ბონინის არქიპელაგში ათი დღე დარჩა, მაგრამ ჭეკმა მაინც ვერ მოახერხა აპყოლოდა იმ გზას, რომელიც ყვავილებს შორის მიიკლაკნებოდა სოფლების გასწვრივ. სამაგიეროდ, ასობით მეგობარი შეიძინა ვეშაპებზე მონადირეთა შორის,

მოსმინა უამრავი სათავგადასავლო ამბავი; გული იჭერა მეგობრებთან ქეიფით, მონაწილეობა მიიღო ადგილობრივ მცხოვრებთა სოფელზე გამანადგურებელ თავდასხმაში, ღამდამობით ღია ცის ქვეშ მღეროდა ხოლმე მატროსების საგუნდო დარღიმანდულ სიმღერებს; ერთხელ ბავშვებმა, გამოქცეულმა იუნგებმა, გაძარცვეს კიდეც — ერთი სიტყვით, ისე იქცეოდა, როგორც ზღვის ძველი მგელი.

„სოფი საზერლენდის“ კასრები წყლით გაავსეს და სრული სვლით გასწიეს ჩრდილოეთისაკენ. ჯექმა, რომელსაც მენიჩეობა ევალებოდა, რამდენიმე დღე მოანდომა ნიჩბებზე ტყავის გადაკვრასა და ნიჩბის პალოების შემოწვნას, რათა უჩუმრად მიჰპარვოდნენ ზღვის მწავებს. იმ დღეს, როცა მზვერავმა იაპონიის სანაპიროებს მოჰკრა თვალი, ისინი ზღვის მწავეების დიდ ჯოგს წააწყდნენ. ამ ჯოგთან ერთად ისინიც ჩრდილოეთისაკენ მიიწევდნენ, მისდევდნენ ციმბირის ნაპირებამდე და თან გზადაგზა უმოწყალოდ ხოცავდნენ. გატყავებულ მწავებს ზვიგენებს უყრიდნენ, ხოლო ტყავს ამარილებდნენ და ინახავდნენ. როცა მონადირეს სანდალზე დააბრუნებდა, ჯეკი აიღებდა გრძელ საყასბო დანას და მარჯვედ ატყავებდა მწავებს. ყოველდღე უხდებოდა მუშაობა ქონითა და სისხლით გალიპულ გემბანზე, რომელიც ტყავებითა და გატყავებული მწავებით იყო გავსებული. გემბანის წყალსაწრეტებიდან სისხლი ალისფერ ნაკადად მიედინებოდა. ეს მკაცრი, უხეში სამუშაო იყო, მაგრამ ჯეკს იგი სასიამოვნო თავგადასავლად ეჩვენებოდა. იგი ყოველი წუთით ტკებოდა.

სამი თვის შემდეგ მწავები უკეთესი ადგილისაკენ გაემართნენ, ხოლო „სოფი საზერლენდმა“, რომლის ბაქანზე მთებივით იყო დაყუდებული ზღვის მწავეების ტყავები, დიდი შემოსავლის მოლოდინით სამხრეთისაკენ — იოკოჰამასაკენ — აიღო კურსი. იოკოჰამაში ჯეკი იმათთან ერთად სვამდა, რომლებიც სიკვდილს თვალეში ჩასცქეროდნენ, და უჩუმრად იღიმებოდა იმის მოგონებაზე, რომ ჯერ კიდევ ხუთი თვის წინ ისინი მას ისეთ ბავშვად თვლიდნენ, რომელსაც მეზღვაურის სახელის ტარების უფლებააც არ ჰქონდა.

სან-ფრანცისკოში დაბრუნებული ჯეკი მეგობრებს თითო ბოთლი ვისკით გაუმასპინძლდა, შემდეგ დაემშვიდობა და ბორჩით შინისაკენ, ოკლენდისაკენ გასწია.

ოჯახი ყელამდე ვალებში იყო ჩაფლული. მათ სარჩოს მხოლოდ ის რამდენიმე დოლარი შეადგენდა, რომელსაც ჯონ ლონდონი იღებდა ბრუკლინის რაიონში პოლიციელის თანამდებობაზე მუშაობისათვის. „სოფი საზერლენდზე“ სამსახურისათვის მიღებული თანხიდან ჯექმა ვალები გადაიხადა, თავისთვის იყიდა ნახმარი ქუდა, პალტო. ორი პერანგი ორმოც-ორმოც ცენტად და ორი წყვილი საცვალი — თითო ორმოცდაათად. დანარჩენი ფული ფლორას ჩააბარა. ოკლენდის სანაპიროთი მხურვალე გატაცება გაქრა, გაუნელდა მაწანწალის ცხოვრებისადმი მისწრაფებაც. რამდენიმე დღე ნეტარებდა წიგნებს შორის და შემდეგ საქმეს შეუდგა.

მძიმე დრო იყო: 1893 წლის ფინანსურმა პანიკამ ქვეყანა მძიმე დეპრესიამდე ჩააგდო; რვა ათასმა საწარმომ კრახი განიცადა, მათ შორის მრავალმა ბანკმაც. მეტად აუცილებელი საწარმოების გარდა ყველა დაიხურა. რამაც უმუშევართა ზრდა გამოიწვია. ბედნიერად თვლიდნენ იმათ, ვისაც რაღაც სამუშაო შემორჩა. ათი ცენტი, აი მაქსიმუმში, რისი მიღებაც შეეძლო ჯანმრთელ მამაკაცს ოკლენდში. მუშები იფიცებოდნენ, კაპიტალისტები ლოკაუტით პასუხობდნენ და სამუშაოს შოვნა დღითიდღე ძნელდებოდა.

ერთადერთი, რაც ჯექმა შეძლო, იყო ის, რომ ჯუთის ქარხანაში იშოვა ადგილი: საათში ათი ცენტი, ერთი დოლარი დღეში ათი საათის მუშაობისათვის. დაზგები უსასრულო გრძელ მწკრივებად იდგა ქარხანაში. სწრაფად ტრიალებდა თითისტრები. თბილ, ნესტიან ჰაერში ნაძენძის სქელი ფანტელები დაფრინავდა. განუწყვეტელ ხმაურში მთელი ხმით უხდებოდათ ყვირილი, რათა მეზობლისათვის რაიმე გაეგებინებინათ. დაზგებთან, რვა წლიდან მოყოლებული, ყველა ასაკის ბავშვს ნახავდით. გამუდმებული შიმშილისაგან დაუძლურებულნი, მანქანებისაგან დასახიჩრებულნი, რაჭიტითა და ქლეკით დაავადებულნი, კვირაში 60 საათს მუშაობდნენ, რათა ორი დოლარი მიეღოთ.

დაახლოებით ამ პერიოდში ჯექს აღელვებდა, როგორც თვითონ უყვარდა თქმა, „იღუმალი მისწრაფებანი და ახალგაზრდული ძალ-ღონე“. ეს საკმაოდ იჩხიბი ფრაზა ასე უნდა გავიგოთ: იგი დაინტერესდა ქალიშვილებით. „რეზლ-დვზლზე“ მეში იყო მისი ცოლი. ბევრის მნახველ სხვა ქალებსაც იცნობდა სან-ფრანცისკოს ყურედან. ახლა, ჩვიდმეტი წლის ყამაწვილს, უკვე ესირცხვე-

ზოღა გაუთლელი მეგობრებისაგან გადმოღებული უხეში ჩვევებ-
სა და ჩვეულებრივი, ზრდილობიანი ქალიშვილის საზოგადოებაში
ადარ იცოდა, როგორ მოქცეულიყო. წინათ ცდილობდა, რაც
შეიძლება მალე გამხდარიყო მამაკაცი, და ამით ისე იყო გატაცე-
ბული, რომ ქალიშვილების შესახებ სრულიად არაფერი იცოდა.

იგი „იქითა მხრიდან“ იყო და ამიტომ ცოტა შანსი ჰქონდა გაც-
ნობოდა კარგ, მიმზიდველ, პატიოსან ქალიშვილებს. რომელნიც
ახლა უკვე მოსწონდა. მას ახალი მეგობარი გამოუჩნდა, მკედლის
ქარგალი, ვინმე ლუის შატოვი. ჯეკის თქმით, იგი სხვადასხვა უწყი-
ნარი გასართობების შეუდარებელი გამომგონებელი იყო და გამოც-
დილ, ბევრის მნახველ მოქალაქედ მოქმენდა თავი. ლუისი მისი
აღმზრდელი გახდა. მუშაობის დამთავრების შემდეგ, ახალგაზრდები
ვახშმად შინ მიდიოდნენ, შემდეგ დაიბანდნენ და სუფთა პერან-
გებში გამოწყობილნი სიგარეტებსა და ტკბილეულობას იყიდდნენ
საკონდიტროში. რომელიმე ქალიშვილთან სტუმრად მისვლას ერი-
დებოდნენ, იცოდნენ, სახლში არ შეუშვებდნენ. საცეკვაოდ წასუ-
ლიყვნენ? ესეც არ შეეძლოთ. ორივეს საკმელ-სასამელის ყიდვა და
ბინის ქირის გადახდა უხდებოდა და ამიტომ ჯიბის ფულად მხოლოდ
სამოცდათხუთმეტი ცენტი რჩებოდათ. გართობის სხვა შესაძლებლო-
ბას მოკლებულნი, საღამოობით ქუჩებში დასეირნობდნენ. ლუისი
სულ იმის ცდაში იყო, მეგობრისათვის ეჩვენებინა, თუ როგორ შე-
ეხედა მრავლისმოქმელი თვალებით. როგორ გაეღიმა ან მოეხადა
ქუდი მისალმებისას. შეხედავ და შენც შეგამჩნევენ: აი, მოგესმის
გაუბედავი სიცილი; ამით უნდა ისარგებლო და გამოელაპარაკო.
მაგრამ ჯეკი შორცხვი და გაუბედავი იყო. ქალიშვილები რალაც სა-
ოცრად მიუდგომლად ეჩვენებოდა; გადამწყვეტ მომენტში მხნე-
ობა დალატობდა, ჰკარგავდა თვითდაჯერებულობას და გაუბედავი
ხდებოდა. ხოლო მოურიდებლობა, რაც აუცილებელია ასეთ შემთხვე-
ვებში, უკვალოდ ქრებოდა.

ზოგიერთებთან მაინც გააბა ნაცნობობა, მაგრამ იშვიათად თუ
დაპატიებდა რომელიმე მათგანს ბლერ-პარკში. ტრამვაის ოცი ცენ-
ტი სჭირდებოდა, ორ ულუფა ნაყინს—ოცდაათი... შემდეგ კი მთელი
კვირა ცარიელი ჯიბით უნდა ევლო. მას განსაკუთრებით ირლანდი-
ელი ქალიშვილები მოსწონდა და, აი, მის უბის წიგნაკში გაჩნდა

ქარხანაში მოჭეშავეე გოგონების: ნელის, დოლის და კეტის მისამართები. გოგონებს მოსწონდათ, რომ ჭეკი არ იღლებოდა ცეკვისაგან, აგრეთვე მისი ოხუნჯობა და გადამდები სიცილი. ყველაზე მეტად ჭეკს მოსწონდა ლიზი კონელონი, რომელიც ოკლენდის ერთ-ერთ სამრეცხაოში მუშაობდა. ლიზის სანდომიანი სახე და მეტად მოსწრებული ენა ჰქონდა: პასუხის გაცემა არ გაუჭირდებოდა. მან ჭეკს თავისი ქამეიანი ოქროს ბეჭედი აჩუქა, რათა ყველას დაენახა, ვინ იყო მისი მეგობარი.

ბოლოს სიყვარულიც ეწვია. მას ჰეიდი ერქვა. ხსნის არმიის პატივსაცემად გამართულ კრებაზე შემთხვევით ერთმანეთის გვერდით აღმოჩნდნენ ჭეკი და ეს თექვსმეტი წლის გოგონა, შოტლანდიურ ბერეტსა და კაბაში, რომელიც მაღალყელიან ფეხსაცმელებამდე სწვდებოდა. მას თხელი ოვალური სახე, ლამაზი თაფლისფერი თვალები, წაბლისფერი თმები და ნაზი ტუჩები ჰქონდა. ჭეკს იგი პირველი დანახვისთანავე შეუყვარდა.

ისინი მალულად ხვდებოდნენ ერთმანეთს სულ ნახევარი საათით და ჭეკმა ბოლომდე იგემა ახალგაზრდული სიყვარულის ყველა უცნაურობა. შეიძლება ჭეკი დარწმუნებული არც იყო ამ სიყვარულის მარადიულობაში, მაგრამ ეკვი არ ეპარებოდა, რომ ეს იყო ნეტარებით აღსავსე სიყვარული. მას ხამანწყებზე მეკობრეთა მეფეს უწოდებდნენ, რომელსაც ნამდვილი მამაკაცების თანაბრად შეეძლო წასულიყო ყველგან, თუნდაც ცხრა მთას იქით; იცოდა გემების მართვა, ნამყოფი იყო ნავსადგურების ყველაზე ბნელ და გარყვნილ ბუნაგებში, შეეძლო გემბანზე დარჩენილიყო შტორმსა და უამინდობაში, თავი დაეცვა ყველაზე ხელაღებულებისაგან მაგარი ცემა-ტყეპის დროს, ხელში აეყვანა გემის მთელი რაზმი. მაგრამ არ იცოდა, როგორ დაეჭირა თავი ამ სუსტ გოგონასთან, რომელსაც იმდენადვე არაფერი გაეგებოდა ცხოვრებისა, რამდენადაც, როგორც ჭეკს ეგონა, თვითონ იყო გამობრძმედილი და გამოცდილი. მათსულ ათჯერ თუ მოახერხეს შეხვედრა და ამდენჯერვე თუ უძღვნეს ერთმანეთს ეოკლე, გულუბრყვილო და არაჩვეულებრივი კოცნა. ისინი დილის წარმოდგენაზეც კი არ ყოფილან ერთად. ჭეკი თავს იიმედებდა, გოგონასაც ვუყვარვარო: თვითონ რომ შეყვარებული იყო, ამაში ეკვი არ ეპარებოდა. ჭეკი წელიწადზე მეტხანს

ოცნებობდა ჰეილიზე ცხადსა თუ სიზმარში და იგი ძვირფას მოგონებად დარჩა სამუდამოდ.

ერთ საღამოს ფლორა, რომელსაც კარგად ახსოვდა, რომ ჯეისი მამა წიგნებს თხზავდა, შეილთან შევიდა გაზეთ „სან-ფრანცისკო-კოლის“ ხომართ და სთხოვა, რამე დაეწერა გაზეთის მიერ გამოცხადებული კონკურსისათვის. ჯეი წამით შეყოყმანდა, მაგრამ მაშინვე გადასცა ტაიფუნი, რომელთანაც „სოფი საზერლენდს“ მოუხდა შებმა იაპონიის ნაპირებთან; სამზარეულოს მაგიდას მიუჯდა და მოთხრობის წერას შეუდგა. წერდა ჩქარა, თავისუფლად, თითქმის ძალდაუტანებლად. მეორე დღეს მოთხრობა უკვე დამთავრებული იყო, დახვეწა რამდენადაც შეეძლო და „კოლის“ რედაქციაში გაგზავნა. მოთხრობას პირველი პრემია — ოცდახუთი დოლარი ერგო. მეორე და მესამე პრემია მიიღეს კალიფორნიისა და სტანფორდის უნივერსიტეტების სტუდენტებმა.

მოთხრობის გამოქვეყნებიდან ორმოცდახუთი წელი გავიდა, მაგრამ „ტაიფუნი იაპონიის ნაპირებთან“ დღესაც ახლებურად, ხალისით იკითხება და დიდ შთაბეჭდილებას ტოვებს. თხრობის რიტმში თითქოს ჩაგვსმის ზღვის მწყობრი სუნთქვა, დაძაბული ყურადღება წუთითაც არ დუნდება, პერსონაჟები ცოცხლად წარმოგვსახება. მუსიკა ეღერს საშუალოსკოლადაუმათავრებელ ამ ჩვიდმეტი წლის მოზარდის წინადადებებში. „კოლი“ წერდა: „განსაცვიფრებელია გაქანება, ცოდნის სიღრმე, აზრის მკვეთრად გამოსახვა და სიმძლავრე. ყველაფერში იგრძნობა ახალგაზრდა ხელოვანი“. რა წინასწარმეტყველური სიტყვებია!

აიოვადან წამოსვლის შემდეგ ჯონ ლონდონის ცხოვრებაში ყველაზე ბედნიერი იყო ის დღე, როცა ეს სტატია გამოქვეყნდა. თავისი გამოგონებით კმაყოფილი ფლორა მხოლოდ ჩუმად იღიმებოდა, ჯეი კი მაშინვე სამზარეულოს მაგიდას მიუჯდა და ნაოსნობის ახალი ამბის წერას შეუდგა. მაგრამ გაზეთი „კოლი“ ლიტერატურულია. ჟურნალი როდი იყო და ხელნაწერი უკანვე დაუბრუნეს. ამ პერიოდის უბის წიგნაკში ჯეის ხარჯების სვეტში შეტანილი აქვს საფოსტო მარკებისა და ქალაქის საფასური — ოცდაათი ცენტი; მაშასადამე, იგი განაგრძობდა წერას და ხელნაწერებს ჟურნალების რედაქციებს უგზავნიდა.

ჩვეს რომ წინანდებურად, როცა კონსერვის ქარხანაში მუშაობდა, თვითონ ეწარმოებინა „ფინანსების, ე. ი. შემოსავალ-გასავლის“ რეგულირება, შეიძლება ოჯახს რიგიანად ეცხოვრა. მაგრამ ვაი, რომ მთელ ხელფასს იგი ფლორას აძლევდა. ოკლენდის მცხოვრები ტომას ე. ჰილი იგონებს, როგორ მოსთხოვა მისმა დამ ლონდონებს. მასთან ნაჭირავეები ბინა დაეცალათ, რადგან ფლორას ორი თვის ქირა არ ჰქონდა გადახდილი.

ჩუთის ქარხანაში ჩვეს ხელფასის მომატებას დაპირდნენ — დღეში მეოთხედ დოლარს. მაგრამ რამდენიმე თვის მუშაობამ იგი დაარწმუნა. ქარხნის პატრონები პირობის შესრულებას არ აპირებდნენ. ჩვემა მუშაობას თავი დაანება. იგი დარწმუნდა, რომ ვერასოდეს საათში ათ ცენტზე მეტს ვერ მიიღებდა, თუ შავ მუშად დარჩებოდა, ვერასოდეს ვერ გაიმართებოდა წელში. ამიტომ გადაწყვიტა, სპეციალობას დაუფლებოდა. მომავალი თითქოს ახალ აღმოჩენას — „ელექტრობას“ — ეკუთვნოდა და ჩვემაც მოისურვა ელექტრომონტორი გამხდარიყო. მივიდა ოკლენდის ტრამვაის პარკის ელსადგურში და ღირექტორს განუცხადა. რომ არავითარ სამუშაოს არ შეუშინდება, მზად არის თუნდაც ანბანიდან დაიწყოს. ღირექტორმა იგი სარდაფში დააყენა ნახშირის მტვირთავად და თანაც თვეში ოცდაათი დოლარი და ერთი დასვენების დღე დაუნიშნა. მას ნახშირის მიწოდება უხდებოდა გამუდმებით მომუშავე ცეცხლ-ფარეშებისათვის როგორც დღის, ისე ღამის ცელაში. მუშაობდა შესვენების დროსაც და ცხრა საათზე ადრე იშვიათად თავისუფლდებოდა ხოლმე. საშუალოდ დღეში ცამეტი საათის მუშაობა უწევდა. ამრიგად, ხელფასი საათში რვა ცენტამდე შეუმცირდა. ეს იმაზე ნაკლები იყო, რასაც თოთხმეტი წლის ასაკში იღებდა კონსერვის ქარხანაში. საცეცხლურებისაგან საშინელი სიცხე იყო. ოფლად გაღვარული ჩვეი თუჩის მაზიდას ნახშირით გაავსებდა, აწონიდა, წაიღებდა საცეცხლურთან და მის წინ დაფენილ რკინის ფურცლებზე დაყრიდა. როცა ცეცხლფარეშები ჩამორჩებოდნენ მუშაობაში, ჩვეი ნახშირის მთელ გორას დააყენებდა და, რომ არ ჩამონგრეულიყო, მაგარ ფიცრებს შემოუყენებდა.

იგი ისევ მუშა საქონელი გახდა.

გვიან ღამით ბრუნდებოდა შინ. დაქანცულს ქამის თავი აღარ

ჰქონდა. დაბნა და ლოგინში ჩავდებო — აი, ერთადერთი, რისი უნარიც კიდევ შესწევდა. წიგნებისათვის, კარგი ქალიშვილებისათვის და, საერთოდ, ცხოვრების სიამისა და სილამაზის შეგრძნებისათვის აღარც დრო ჰყოფნიდა და არც ძალ-ღონე. იგი ხომ კვირადღესაც მუშაობდა. თანდათან გახდა, რადგან მთელი დღე შეუსვენებლივ, როგორც კომპარში, ისე მოძრაობდა ნახშირის ცხელი, სულისშემნუთველი მტკრის ბურუსში. მაინც ვერ გაეგო, რატომ იყო ეს სამუშაო მისთვის ასე აუტანელი; იგი ხომ უფრო რთულ საქმეებსაც ართმევდა თავს, ხომ მუშაობდა მასზე უფროსებისა და უფრო ღონიერების თანაბრად. ბოლოს ერთ ცეცხლფარეშს შეეცოდა იგი და გაუხილა, რომ მათ ყოველთვის ორი დამხმარე მუშა ჰყავდათ: ერთი დღის ცვლაში მუშაობდა, მეორე — საღამოსაში. თითოეული მათგანი ორმოც დოლარს იღებდა თვეში. მაგრამ აი, შემთხვევით გამოჩნდა ახალგაზრდა, სწავლის სურვილით გატაცებული ჯეკი და დირექტორმაც ამით ისარგებლა — ორივე დამხმარე მუშა დაითხოვა და მთელი სამუშაო მას დააკისრა. ჯეკმა-ჰკითხა: „რატომ აქამდე არ მითხარი?“ „იმიტომ, რომ დირექტორი დამემუქრა, კისრის ტეხვით გაგადგებო“, — უპასუხა ცეცხლფარეშმა.

რამდენიმე დღის შემდეგ იმავე ცეცხლფარეშმა ჯეკს უჩვენა ოკლენდის გაზეთში მოთავსებული ცნობა: ნახშირის მზიდავმა დამხმარე მუშამ, რომლის ადგილიც ჯეკმა დაიკავა ისე. რომ ამის შესახებ არაფერი იცოდა, სიცოცხლე თვითმკვლელობით დაამთავრა: ვერ შეძლო ემოვნა სამუშაო, რათა ცოლი და სამი ბავშვი გამოეკვება. ჯეკმა ნიჩაბი გადააგდო.

გამძაფრებული მუშაობის დღეები იმით დამთავრდა, რომ ჯეკი სიძულვილით განიშკვეალა ფიზიკური შრომისადმი. ან მონა უნდა იყო, ან მაწანწალა — საშუალოს ვერ იპოვნი! იგი ახალგაზრდა იყო, ღონიერი; სწყუროდა სიცოცხლე, თავმეუჯავებლად იტაცებდა ხიფათით აღსაესე საშიშროებები და სათავგადასავლო შემთხვევები... განა არ სჯობია თავის სიამოვნებაში, აურზაურში, ერთიდან მეორე ადგილზე ხეტიალში გაატაროს ცხოვრება. ვიდრე გაუშაძლარ ადამიანთა კეთილდღეობას შესწიროს ახალგაზრდობა და ჯანმრთელობა?

ასეთ დასკვნამდე ჯეკი 1894 წლის აპრილში მივიდა. მაშინ შეერთებულ შტატებში უმუშევრობამ წარმოუდგენელ მასშტაბებს.

მიადწია. ფლორას სამშობლოში, ოპიოს შტატის ქალაქ მესლონში, ვილაც კოკის უმუშევართა არმიას აგროვებდა, სურდა ისინი ვაშინგტონში წაეყვანა, კონგრესისაგან ხუთი მილიონი დოლარი მოეთხოვა ახალი დიდი გზების გასაყვანად და, ამრიგად, ხალხისათვის საძუშაო მიეცა. გაზეთები ისე დიდ ყურადღებას უთმობდნენ კოკის ფედერაციულ არმიას, რომ ამერიკის მთელ რიგ ქალაქებში სტიქიურად იქმნებოდა რაზმები. ოკლენდში ვინმე კელიმ უმუშევრებისაგან სამხედრო ასეულები შეადგინა და რკინიგზელებს შეუთანხმდა ხალხის უფასოდ გადაყვანაში სატვირთო რონოდებით.

გაიგო თუ არა კელის არმიის შესახებ, ჯეკმა უმაღლესად გადაწყვიტა ჩაწერილიყო მის რიგებში და ვაშინგტონისაკენ გაპყლოდა. ცდუნება მეტად დიდი იყო. ფლორასა და ჯონ ლონდონს ამით ცუდ მდგომარეობაში აყენებდა, მაგრამ მას ეს არ აკავებდა. ამგვარადვე მოიქცა იგი მაშინაც, როდესაც ხამანწყებზე მეკობრეობის საექვო შემოსავალი ამჟობინა კონსერვის ქარხანაში მუშაობას. ამაში გასაკვირიც არაფერი იყო. მისი მშობლები თვით არ იყვნენ მკაცრი დისციპლინის, თავგანწირვის ან მორალურ ვალდებულებათა თავგამოდებული დამცველები.

გენერალ კელის არმია ოკლენდიდან პარასკევს, 6 აპრილს უნდა დაძრულიყო. როდესაც დღის მეორე ნახევარში ჯეკმა და მისმა მეგობარმა ფრენკ დევისმა დაახარისხებულ ადგილს მიადწიეს, სადაც სატვირთო რონოდები უნდა ჩამოეყენებინათ. გამოირკვა, რომ არმია უკვე ადრე დილით წასულიყო. მაშინ ჯეკმა წამოიძახა:

—ფრენკ, მოდი, წავიდეთ! მაწანწალობა ხომ ჩემი ხელობაა; უბრლეთოდ ვიმგზავროთ სატვირთო რონოდებით აღმოსავლეთისაკენ, ვიდრე კელის არმიას არ დავეწვეით.

ერთი საათიც არ იყო გასული, რომ მან უკვე მოძებნა მატარებლის მზა შემადგენლობა. უჩუმრად გააღო სატვირთო რონოდის გასაწევი კარები, ჯერ ფრენკი შეუშვა, მერე თვითონაც აძვრა და კარები მოიხურა. გაისმა ორთქლმავლის სტვენა. ჯეკი სიბნელეში იწვა და იღიმებოდა.

ჯეკმა უთხრა ფრენკ დევისს, ჩემთვის უცხო არ არის მაწანწალობა, და ეს სრული სიმართლე იყო. იგი პირველად როდი მი-

დიოდა სახეტილოდ. სამი წლის წინათ, როცა იგი თბუთმეტი წლის აყო, ხამანწყებზე საქმიანობა დროებით შენედა. ჯეკის კარკაპი ბენიციის ნავსადგურის ბოლოში იდგა, თვითონ კი გუმბანზე იჯდა და შხეზე თბებოდა. გრილი ნიავეი საჩეზე უბერავდა. იქვე ახლოს, მძვინვარედ მიექანებოდა მოქცევით ატაცებული ტალღები. ჯეკმა დინების სიჩქარის გასაგებად ფერდს იქით გადაათურთხა წყალში და გამოარკვია, რომ მიქცევით შეიძლებოდა თითქმის საკრამენტომდე მიეღწია. აღმართა იალქანი და გემი ახსნა.

საკრამენტოში მისვლისას იგი მდინარეზე წავიდა საბანაოდ და იქ წააწყდა მოზარდთა ჯგუფს, რომელნიც ქვიშიან მეჩეჩზე წამოწოლილიყვნენ გასაშავებლად და ჯეკისათვის უჩვეულო, რაღაც განსაკუთრებულ ენაზე ლაპარაკობდნენ. ესენი „მოხეტიალე ბიჭები“ იყვნენ. მათ თავგადასავლებთან შედარებით ხამანწყებზე მეკობრეობა ბავშვურ გასართობს ჰგავდა. თითოეული მათგან ვაგონილი სიტყვა ჯეკს ახალი სამყაროსაკენ, ვაგონების ღერძებისა და პლანშირების, „ბრმა“ სატვირთო ვაგონებისა და „სატვირთო პულმანების“, „ხარებისა“ და „ფარაონების“, „ნაყარ-წყარასა“ და „მძორის“, „მეძებრების“, „გაქცეულების“, „მეთუთუნეების“, „ხარბების“, „კატების“, „მოხუცების“, „მწვანე პიჯონების“ სამყაროსაკენ იზიდავდა; იგი ამ „თავშეკრების“ ანუ ხროვის წევრი გახდა.

მას მეტსახელად „სეილორ კიდი“ — „ახალბედა მეზღვაური“ — შეარქვეს. ხროვის მეთაურმა, ბობმა, იგი ხელში ჩაიჭირა და „აბრამის ბატკანი“ ანუ „ღედის აზიზი ბიჭუნა“ ბევრისმნახველ „პიჯონად“, ნამდვილ „გზის ბიჭად“ გაწვრთნა. წარმატებით შეასწავლეს მათხოვრობა ცენტრალურ ქუჩებში; აჩვენეს, როგორ უნდა „გაასეირნოს“ ლოთი, „გაასუფთაოს გატენილი ბოხჩა“, „აწაპნოს“ თავიდან სტეტსონის ხუთდოლარიანი მაგარფარფლიანი ქუდი მდიდარ ჩინელს საკრამენტოს ხეობიდან. ერთხელ ქუჩაში გამართულ ტემა-ტყეპაში მონაწილეობისათვის იგი პოლიციაში წაიყვანეს და სამი დღის პატიმრობა მიუსაჯეს.

მაღე ჯეკს აუხსნეს, რომ „გზის“ კანონის თანახმად, ნამდვილი „გზის ბიჭი“ მანამ ვერ გახდებოდა, ვიდრე შუაში კარგბდატანებული „ბრმა“ ვაგონის ბაქნით სიერა-ნევადას არ გადასერავდა. სწორედ ამ პირობის განხორციელების მიზნით, ერთხელ, ღამით, ჯეკი და

ხროვასთან ახლად მიკედლებული ფრენი კიდი ცენტრალურ საკონტინენტთაშორისო ლიანდაგთან სიბნელეში ექსპრესს უცდიდნენ. როცა მატარებელი გაუსწორდა, მეგობრები ჩამოებლაუჭნენ გაქანებული მატარებლის „ბრმა“ ვაგონის ბაჭნის კიდეც. ფრენი კიდი ბორბლების ქვეშ ჩაეარდა და ორივე ფეხი დაკარგა.

ჯეკი წინასწარ გააფრთხილა ბობმა: ვიდრე როუზვილს არ გასცდები, სადაც ძალივით ავი პოლისმენი დგას, „გემბანიდან“, ე. ი. ვაგონის სახურავიდან, არ ჩამოხვიდე; შეჰდეგ კი საფოსტო რონოდის უკანა, „ბრმა“ ბაჭანზე ჩამოცოცდიო. მაგრამ, აი, ექსპრესი უკვე სიერა-ნევედაზე მიჰქრის, უკან ჩამოიტოვა თოვლის ნამქერის საფარები, გასცდა გვირაბებსაც, მაგრამ ჯეკმა ვერა და ვერ გაბედა მთელი სისწრაფით მიმავალი მატარებლის სახურავიდან ჩამოსვლა. მთელი ღამე „გემბანზე“ ძაგძაგებდა, ვიდრე მატარებელმა ქედი არ გადალახა და სადგურ ტრეკთან არ გაჩერდა. „შეეშინდა!“ ხროვის ბიჭებისათვის არ გაუმხელია ეს სამარცხვინო ამბავი და საკრამენტოში დაბრუნებულ ჯეკს ხვევან-კოცნით შეხვდნენ; ახალი ნეტსახელი — „ფრისკო კიდ“ შეარქვეს და ნამდვილ მაწანწალად აღიარეს.

რამდენიმე კვირის შემდეგ ჯეკს მოებზრდა საკრამენტო; სატვირთო ვაგონში შეიპარა და ოკლენდში დაბრუნდა. სამმა წელმა განვლო და, აი, ახლა ისევ „აედევნა ქარს, რომელიც მთელ ქვეყანაზე დაბორიალებს“.

ჯეკსა და ფრენკ დევისს ტყუილად მოუხდათ „სატვირთო პულნანიდან“ ჩამოსვლა საკრამენტოში: კელის არმია დღის ოთხ საათზე ოგდენში წასულიყო. ბედი ეწვიათ და „ტრანსკონტინენტალური“ ტრეკამდე მიაღწიეს, მაგრამ აქ კი გამოაძევეს რონოდიდან. იმ ღამეს ერთხელ კიდეც სცადეს გაჰყოლოდნენ აღმოსავლეთისაკენ მიმავალ ექსპრესს. ფრენკს ბედმა გაუღიმა; ჯეკი კი ჩამორჩა. სამაგიეროდ, ჯეკმა სატვირთოში მოიკალათა. ვაგონში ციოდა, მაგრამ მაინც ისე მაგრად ჩაეძინა, რომ მაშინაც ვერ გამოიღვიძა, როცა რენოში რონოდა სათადარიგო ლიანდაგზე გადაიყვანეს. ის დღე რენოში გაატარა და თვალყურს ადევნებდა, თუ როგორ იკრიბებოდნენ ყოველ კუთხესა და გზაჯვარედინზე უმუშევართა რაზმები და აღმოსავლეთისაკენ გასამგზავრებლად ემზადებოდნენ. მთელ ხაზზე

ასეული უმუშევარი კვალდაკვალ მისდევდა კელის მუშათა არმიის მოწინავე რაზმს.

ჯეკმა გადაწყვიტა, რაღაც უნდა დაჯდომოდა, დასწოვოდა ფრენკს. არ დაუცადა უმუშევართა ასეულის შედგენას და გზას გაუდგა. მთელი დღეები იმგზავრა სატვირთო ვაგონით. შემდეგ, ვოდსვორდის დეპოში იმდენ ხანს ეძინა ფრთქლმავლის ჯიხურში, ვიდრე დილის ოთხ საათზე ერთი ფეხით არ გაასწრო ვაგონების მრეცხავს; პირველივე სატვირთო მატარებლის „ბრმა“ ტენდერში შეძვრა და გზა განაგრძო. უეცრად პალტოს ჯიბეში ორთქლმავლის საცეცხლურიდან გამოტყორცნილი ნაპერწკალი ჩაუვარდა. იფეთქა ალმა, რომლის ჩაქრობა არც ისე ადვილია, როცა მატარებელი ორმოცი მილის სიჩქარით მიჰქრის. პალტო და პიჯაკი იმდენად დაუზიანდა, რომ იძულებული შეიქმნა ორივე გადაეგდო.

უკვე ღამე იყო, როცა ფრენკს დაეწია ვინემუქში. გადაწყვიტეს დალოდებოდნენ რენოდან მომავალ რაზმს და გზა მათთან ერთად განეგრძოთ. მაგრამ უეცრად სატვირთო მატარებელს წააწყდნენ და ცდუნება იმდენად დიდი აღმოჩნდა, რომ მეგობრები ვაგონში შეძვრენ და აღმოსავლეთისაკენ გასწიეს. ორი დღის შემდეგ ისინი კვლავ განშორდნენ ერთმანეთს და ჯეკმა ნაჩქარევი, ბავშვური ხელით შემდეგი სიტყვები ჩაწერა თავის უბის წიგნაკში:

„ფრენკისათვის გზამ დაჰკარგა მთელი თავისი მშვენიერება. გაქრა სათავეგადასავლო რომანტიკა და დარჩა მხოლოდ უღმობელი სინამდვილე, რომელიც ღალატებდა: „გიჭირს — მოითმინე!“ ასე იყო თუ ისე, ფრენკმა დასავლეთისაკენ იბრუნა პირი. რას იზამ, მან ბევრი რამ ნახა, რაც მისთვის სასარგებლო იქნება. მისი მსოფლმხედველობა გაფართოვდა. ახლა იგი უკეთ ერკვევა იმაში, თუ რას წარმოადგენს ჩვენი საზოგადოების „ქვედა ფენები“. მომავალში როცა გაჭირვებას თავს დაადწევს, რასაკვირველია, უფრო ღმობიერად, მეტი გულისხმიერებით განიმსჯელებს მაწანწალებსადმი. ამ საღამოს ის დასავლეთისაკენ გასწევს, მე კი — აღმოსავლეთისაკენ და ორთქლმავლისათვის ნახშირის მტვრევა მომიწევს თვით კარლინამდე“.

ჯეკისათვის მაწანწალური ცხოვრების მშვენიერება მის მრავალფეროვნებაში მდგომარეობდა: „ხობოს სამყაროში“, ამ მაწანწალა-

თა სამეფოში, უცნაური ცხოვრება მულამ ცვალებადია; ყოველ ნაბიჯზე შეიძლება წააწყდე შეუძლებელ რამეს, ყოველ მოსახვევში ჩასაფრებულია ახალი მოულოდნელი შემთხვევა. ერთი დღე მეორეს არა ჰგავს და თითოეული მენსიერებაში განუმეორებელ სურათებს ტოვებს! დამდამობით ჯეკი მოგზაურობდა სატვირთო ან სამგზავრო მატარებლით, ხოლო მოაღწევდა თუ არა სადილობის დრო, ეზო-ეზო ან მთავარ ქუჩებში მათხოვრობას იწყებდა. ასეულ თავისავე მსგავს „ხობოს“ ხვდებოდა გზადაგზა, მათთან ერთად მოგზაურობდა რკინიგზებზე უბილეთოდ და საერთო ჯამში შეჰქონდა თუთუნის და ფული, „დულდა“ — ჩხუბობდა, „ჯუნგლებში“ — მაწანწალათა ბუნაგებში — მაწანწალათა ტრადიციულ კერძს — „მალიგანს“ ამზადებდა, მათხოვრობდა, აგებდა ბანქოში, ისმენდა და თვითონაც ჩმახავდა წარმოუდგენელ ამბებს, იძენდა ყველაზე ჩქარი მატარებლით მოგზაურობის უფლებას, ასრულებდა „პროფესიონალთა“ ბრძანებებს.

ერთხელ, ნევადას უდაბნოში იგი „თხრილში ჩააყუდეს“ — მატარებლიდან ჩამოაგდეს, მთელი ღამე ფეხით იხეტიალა, ვიდრე მახლობელ სადგურს არ მიაღწია. შუა ზამთარი იყო. მაღალ იალაღებზე უკვე ციოდა, მწვევრვალეებზე თოვლი იდო. ქარი შემაწუხებლად ზუზუნებდა; ჯეკმა, როგორც გაქნილმა მაწანწალამ, კობტაობის გამო საბანიც კი არ წამოიღო. ხშირად საათობით დაეხეტებოდა ერთი სამზარეულოს კარიდან მეორემდე და მათხოვრობდა, მაგრამ პირში ჩალაგამოვლებული ბრუნდებოდა. ანდა, ნაშუალამეცს, უცნონ ქალაქში უკაპიკოდ ჩამოსული, მთელი ღამე სიცივისაგან ძაგძაგებდა რკინიგზასთან მდებარე „ჯუნგლებში“. ისეც ხდებოდა, რომ როგორმე მოიკალათებდა ცხელი ნაცრის წვიმის ქვეშ ორთქლმავლის ჩარჩოზე ან პირუტყვის. გადმოსაყვან კიბეზე და ოცნებობდა, იქნებ ცოტა ხნით მაინც ჩავიდნოო ორთქლმავლის ქშენასა და ბორბლების გულის გამაწვრილებელ ჰერიალში. ერთხელ, შიმშილით კუჭგამხმარს, გაზეთის ქალაღში გახვეული, ვეება შეეკრა მოწყალეება გადმოუგდეს. სირბილით მიაშურა მახლობელ მყუდრო ადგილს, რათა მოეღხინა. შეეკრაში აღმოჩნდა ოჯახში გამომცხვარი ტკბილი ნამცხვრის ნარჩენები. ჯეკი მიწაზე დაეშვა და ატირდა.

სწორედ მათხოვრობით მიაღწია სრულყოფას ხელოვნებაში — სწრაფად შეეთხზა მომენტისათვის შესაფერისი ამბავი. შედეგი ხომ

იმაზე იყო დამოკიდებული, როგორ უქრიადა ენა! გაიღებოდა თუ არა უკანა კარი, იქვე უნდა გამოეცნო თავისი მსხვერპლის ხასიათი და შიღვენილება და ამის შესაბამისი ამბავი შეეთხზა. ერთხელ, რენოში უკანა კარები გაუღო ხანშიშესულმა გულკეთილმა „დედილომ“ და ჯექმა უმალ მოიკატუნა თავი სპეტაკ, უმანკო ყმაწვილად. მას უმძიმს ლაპარაკი... თავის დღეში არ გაუწვდია ხელი ლუკმაპურისათვის, მხოლოდ მწვავე შიმშილმა აიძულა ასეთი სულმდაბალი და უღირსი საქციელისათვის მიემართა. მოწყალებას ითხოვს, მოწყალებას! გულკეთილ დიასახლისს სხვა რაღა დარჩენოდა, გარდა იმისა, რომ ასეთი სასოწარკვეთილი შეცბუნების გასაქარწყლებლად იგი სამზარეულოში შესვლასა და „დასვენებაზე“ დაეთანხმებინა. ეს ხომ მაწანწალისათვის ნამდვილი ბედნიერება იყო.

რამდენიმე ხნის შემდეგ, პარისბურგში (პენსილვანიის შტატი) ჯექმა ერთი სახლის უკანა კარებზე სწორედ იმ დროს დააკაკუნა, როდესაც დიასახლისები — ორი შინაბერა — სასაუზმოდ ემზადებოდნენ. იგი სასადილოში შეიბატიყეს და სთხოვეს, მათთან ერთად გაესინჯა კარაჭიანი „გრენკები“ და თოხლო კვერცხები. ხანშიშესულ ქალწულებს წარმოდგენაც არ ჰქონდათ სათავგადასავლო შემთხვევებზე. კეთილშობილი მაწანწალების სიტყვებით რომ ვთქვათ, „ისინი მუდამ ერთ ცვლაში მუშაობდნენ“. ჯექს შიოდა: მთელი დამე ტენდერით მოგზაურობდა. მოსამსახურე ქალს რამდენჯერმე მოუხდა კვერცხების, „გრენკებისა“ და ყავის შემოტანა, ქალები კი სულგანაბულნი უსმენდნენ ჯექის მონაყოლს ველური და თავისუფალი ცხოვრების შესახებ. მათ მყუდრო, განსაზღვრული ჩარჩოებით შემოფარგლულ სამყაროში შეიჭრა მძაფრი ოფლის სუნით გამაჰკვალული, ბრძოლითა და ხიფათებით აღსავსე ნამდვილი ცხოვრების მძლავრი ქარბუქი. ჯექს მთელი ცხოვრების მანძილზე დაამახსოვრდა ეს საუზმე. შეიძლება დაბეჯითებით ვივარაუდოთ, რომ მოხუც შინაბერებსაც არასოდეს დაავიწყდებოდათ „სტუმრის“ მდიდარი ფანტაზიის ნაყოფი — განსაკვიფრებელი ამბები.

როცა მოგზაურობა აღარ შეეძლო, როცა შეძლებულ მასპინძელთა კარები ჭიუტად არ იღებოდა, როცა მდიდართა სახლებში საკმელზე უარს ეუბნებოდნენ, ხოლო შიმშილი სულ უფრო აუტანელი ხდებოდა, ჯექი ღარიბებთან მიდიოდა. ქოხმანებში, სადაც ჩამტკრე-

ულ ფანჯრებში მინების ნაცვლად ჩერები ჩაეტენათ, დაღლილი, მუშაობისაგან ჯანგატეხილი დიასახლისი ყოველთვის მოძებნიდა ხოლმე მისთვის რაიმე საკმელს. ღარიბები არასდროს უარს არ ეუბნებოდნენ იმაზე, რაც თვითონვე აკლდათ. ამაში დარწმუნებული ჭეკი შემდგომ ამბობდა, რომ მოწყალება ძალისათვის გადაგდებული ძვალი როდია. მოწყალება ეს ის ძვალია, რომელიც ძალს იმიტომ გაუნაწილე, რომ თვითონ ძალზე არანაკლებ მშვიერი ხარ.

ჭეკს ყველაზე მეტად უყვარდა თავშესაქცევი და სახიფათო შეჩიბრი მატარებლის მომსახურე ბრიგადასთან; მან ხომ მიზნად დაისახა დემტციეებინა, რომ იგი უდიდესია „გზის“ კეთილშობილ რაინდთა შორის, „ხობოთა“ მეფეა. ღამით, ვიდრე საუცხოო ტრანსკონტინენტალური ექსპრესი „ოვერლენდი“ დეპოდან გამოვიდოდა. ჭეკი ჩვეულებრივ წინ გაიქცეოდა და როცა მატარებელი ახლო ჩაუვლიდა, პირველ „ბრმა“ ვაგონს შეახტებოდა. მაგრამ აი, იგი შეამჩნია ბრიგადამ. მატარებელი შეაჩერეს. ჭეკი ბაქნიდან ხტება და სიბნელეში წინ მირბის. ამჯერად „ბრმის“ ბაქანზე მემუხრუქე კონდუქტორი ზის, მაგრამ „ბრმა“ ბაქნიდან ვაგონში შესვლა შეუძლებელია. ამიტომ, ვიდრე მატარებელი სიჩქარეს აიღებდეს, კონდუქტორი უნდა გადმოხტეს და უკანა ვაგონს შეახტეს. ჭეკი იმდენად შორს იდგა წინ, რომ როცა მატარებელმა ჩაუარა, კონდუქტორი „ბრმაზე“ უკვე აღარ იყო. მას დამშვიდებით შეეძლო შეხტომა, მაგრამ არ უნდა ჩამოვარდნილიყო, თორემ დაიღუპებოდა. მას ეგონა საშიშროებამ ჩაიარაო, მაგრამ იმავე წუთში მატარებელი შეჩერდა და მასთან მივიდა ორთქლშავალზე, მყოფი კონდუქტორი. ჭეკი კვლავ ჩახტა ბაქნიდან და წინ გაიქცა. როცა მატარებელი გაუსწორდა, დაინახა, რომ პირველ „ბრმაზე“ კონდუქტორი იჯდა. ჭეკი მეორეს შეახტა. კონდუქტორმაც დატოვა პირველი და მეორეზე გაჩნდა. ახლა ჭეკი მეორე მხრიდან ჩახტა ძირს და მთელი ძალით გაიქცა, რათა გაესწრო მატარებლისათვის და ისევ პირველს შეხტომოდა... კონდუქტორიც მისდევდა. მაგრამ ამასობაში მატარებელმა უკვე აიღო სიჩქარე და ვეღარ დაეწია. ჭეკმა იფიქრა, საშიშროება აღარ მომეღლისო, მაგრამ... მოულოდნელად ცეცხლფარეშმა ტუმბიდან წყლის ნაკადი გადაასხა... მატარებელმა სვლა შეანელა და ჭეკი ისევ გაიქცა წინ, სიბნელეში...

ასეთი შემთხვევებით იგი მეტისმეტად ამაყობდა. ოღონდაც ვინ არის იგი? საწყალი მაწანწალა! მის გამო კი ოთხჯერ შეაჩერეს „ოვერლენდი“ — უამრავი მგზავრი, ბრწყინვალე ვაგონები, მთავრობის ფოსტა და ორი ათასი ცხენის ძალა, რომელიც მოუთმენლობისაგან ტორებსა სცემდა ორთქლმავლის საცეცხლურში. ასე დაუსრულებლად გრძელდებოდა ეს თამაში მთელი ღამე გათენებამდე. ყველგანმყოფი კონდუქტორისაგან თავის დაძვრენის მიზნით ჯეკი აღიოდა „გემბანზე“, ისევ ჩამოდიოდა, ფართოდ გაშლილი ლაჩებით დგებოდა ხოლმე მომიჯნავე ვაგონების ბუფერების ძელებზე, შეძვრებოდა მატარებლის ქვეშ და „ჯოხს მიაჭენებდა“, ე. ი. ვაგონის ღერძზე შემჯდარი მგზავრობდა. ამჯერად უკვე ორი კონდუქტორი, ცეცხლფარეში, გამცილებელი და მემანქანე იღებდნენ მონაწილეობას დევნაში. თვრამეტი წლის ყმაწვილი სიამაყისაგან მეშვიდე ცაზე იყო: მან „პროფესიის“ უმაღლესი მწვერვალები გადალახა და მერე როგორ! რა უშავს, თუ წაგების შემთხვევაში ძვირად დაუჯდება ეს თამაში! მთელი მომხიბლაობა ხომ სწორედ ამაშია!

იგი წარმოუდგენელ რისკს ეწეოდა. ხტებოდა. მთელი სიჩქარით მიმავალი მატარებლიდან. ერთხელ, ამდაგვარი გადმოხტომის დროს ისეთი სისწრაფით გაიჭროლა პაერში, რომ წააქცია და გააბრუა პოლისმენი, რომელიც გზაჯვარედინზე იდგა და მიმავალ მატარებელს თვალყურს ადევნებდა. „ჯოხს მიაჭენებდა“ ცუდ გზებზე — გზებზე, სადაც კონდუქტორები ბრძოლას სხვანაირად ეწევიან: მსხვილ გადასაბმელ ტაბიკს მოაბამენ ბაგირს, წაელენ იმ ვაგონის წინა ბაქნისაკენ, რომლის ქვეშაც მაწანწალაა ჩამოკიდებული, და ვაგონის ქვეშ ისვრიან ტაბიკს. წნელი ლიანდაგზე დაცემისას სხლტება და... მაწანწალა ან კვდება ან სასიკვდილოდ იჭრება. მაგრამ ჯეკს ამის არ ეშინოდა. რამდენადაც უფრო სარისკოა, იმდენად უფრო საინტერესოა. ვიკინგია იგი თუ არა? განა ის არ იყო, სან-ფრანცისკოს ყურე რომ გადასცურა სამხრეთ-დასავლეთის მძვინვარე ქარში?

ლიზი კონელონის ბეჭედი კი ერთმა ფულის მოყვარულმა კონდუქტორმა გამოცანცლა, რომელმაც იგი სატვირთო ვაგონში აღმოაჩინა. ეს მთებში მოხდა. ირგვლივ თოვლიანი ქარბუქი მძვინვარებდა და ასეთ დროს მეტი რა გზა ჰქონდა!

თუ ღამით ძალიან ციოდა, ჯეკი დეპოში შეიპარებოდა და ორ-

თქლმავლის ჯიხურში იძინებდა. ღამის გათევა ელექტროსადგურის ქვაბებზედაც უხდებოდა, სადაც არაჩვეულებრივი სიცხისაგან სული ეხუთებოდა. დღისით ბიბლიოთეკაში დადიოდა და კითხულობდა, ღამდამობით კი ცდილობდა ჩქარი მატარებლის „ბრმა“ საბარგოში მოეკალათებინა. აი რა აღფრთოვანებით წერს თვითონ ამის შესახებ:

„მტკიცედ მქონდა გადაწყვეტილი, მთელი ღამე მატარებელში დავრჩენილიყავი. მატარებლის ბრიგადის დევნისაგან თავი რომ დამეცვა, გვიან ღამით ვმოგზაურობდი „ბრმებზე“, ორთქლმავლის ტენდერზე, პირუტყვის გადასაყვანი ვაგონებით, ორორთქლმავლიანი შემადგენლობის „ორთავას“ ჩარჩოზე, „გემბანზე“ და მატარებლის შემადგენლობის ცენტრალური ნაწილის ბაქნებზე“. ღამდამობით ისე ძლიერად ციოდა, დღისით კი — ცხელოდა, რომ სახეზე კანი დაუსკდა. მისივე აღწერით, იგი ხანძრისაგან შეტრუსულადამიანს ჰგავდა.

ყველა ასეთი წვრილმანი და ათასი ამდაგვარი ჯეკს დაწვრილებით აქვს აღწერილი თავის უბის წიგნაკში. თავზეხელაღებული, უხეში მეგობრების წრეში ყოფნისა და მის მიერვე მრავალჯერ ჩადენილი საკმაოდ უხამსი საქციელის მიუხედავად, ამ პერიოდის სამოცდაცამეტგვერდიანი დღიურიდან იგი წარმოგვესახება, როგორც რბილი ხასიათის, გამჭრიახი ჰკუის გულკეთილი ყმაწვილი. დღიურში მრავალი სახასიათო ჩანახატია — შემთხვევით გაცნობილთა პორტრეტები, ყურმოკრული საუბრის ნაწყვეტები, შენიშვნები იმის შესახებ, თუ რამ მოიყვანა გზაზე ეს სხვადასხვა ჯურის ხალხი, მაწანწალებისა და რკინიგზებზე უბილეთოდ მოგზაურთა უარგონული გამოთქმები, ქალაქების, სხვადასხვა შემთხვევებისა და თავგადასავალთა აღწერები. მიუხედავად იმისა, რომ ეს ფანქრით ჩანაწერები გაკეთებულთა სატვირთო ვაგონებში, დეგოში, გარყვნილთა ბუნაგებსა და სამიკიტნოებში, ისინი გვნიბლავს პოეტური სიტყვის ბუნებრივი მშვენიერებით. ყოველ სტრიქონში იგრძნობა მწერლის თანდაყოლილი ნიჭი. ყოველი გვერდი გამსჭვალულია მხნე ჰაბუის ჯანსაღი სიხარულით, რომელიც შეყვარებულთა თავბრუდამხვევ, მუდამ ცვალებად, წარმტაც, საინტერესო ცხოვრებაზე.

თუმცა მომეტებული სიხარულით აღსავსე ეს ტონი ზოგჯერ ეცვლება. ყოველთვის როდი გაისმის უცვლელი, თავდაჯერებული „მე.

მომხრე ვარ!“ სულიერ წონასწორობას უცებ უგუნებობა ცვლის და დღიურში ჩნდება მსჯელობა თვითმკვლელობის უფლების შესახებ. ამ ადგილის კითხვის დროს უნებურად გვახსენდება ის ღამე, როდესაც ბენიციის ნავმისადგომებიდან ჭეკი წყალში გადავარდა და დაწყვიტა, რომ თავის დახრჩობა გმირის ცხოვრების ღირსეული დაბოლოება იყო. მთელი სიცოცხლის მანძილზე მას გამუდმებით ესმოდა ეს სიკვდილის მოწოდება.

ერთხელ, როცა კლდოვანი მთების მწვერვალზე თოვლის ქარბუქი მძვინვარებდა, ჭეკი კინალამ გაიყინა „ბრმის“ ღია ბაქანზე, მაგრამ გულკეთილმა კონდუქტორმა აცნობა, რომ მეორე ლიანდაგზე სატვირთო ვაგონში იმყოფებოდნენ უმუშევრები რენოდან — ეს კელის არმიის ერთ-ერთი ნაწილი იყო. ვაგონში შესულმა ჭეკმა დაინახა, რომ სიცვიისაგან აკანკალებული ოთხმოცდაოთხი კაცი ერთმანეთს ისე მჭიდროდ მიკვროდა, ნემსიც არ ჩავარდებოდა; ფეხის დასადგმელი ადგილიც აღარსად იყო. ჭეკმა ვილაცას ხელზე ფეხი დაადგა და... თითქოს „სალეწ მანქანაში“ მოხვდაო, დაუწყეს ვაგონის ერთი კუთხიდან მეორეში გადასროლა; ასე გრძელდებოდა, ვიდრე ჩალადაგებულ თავისუფალ ადგილს არ წააწყდა. ამ თავისებური წესით აღინიშნა მუშათა არმიის რიგებში მისი შესვლა.

არმია შესანიშნავი ადამიანებისაგან შედგებოდა: ზოგნი უმუშევრები იყვნენ, რომელთაც ნამდვილად სჭეროდათ, კონგრესი ღამეშაოს მოგვეცემსო, ზოგნიც — მაწანწალები, რომელნიც კელის არმიას მხოლოდ იმიტომ მოეტმასნენ, რომ მათთან ერთად უმგზავრათ. ისეთი ახალგაზრდებიც იყვნენ, როგორც ჭეკი იყო, თავგადასავალთა ხარბი მაძიებლები. მატარებელი თოვლის ქარბუქში ზიპქროდა, ვაგონში კი რაღაც „ათას ერთი ღამის“ მსგავსი გაიმართა: დაადგინეს, თბილანა ვაგონის ამ ოთხმოცდახუთი მგზავრიდან თითოეულს ეამბნა პირველხარისხოვანი, ე. ი. მეტად საინტერესო ამბავი. წარუმატებლობის შემთხვევაში, მორიგ შეპერეზადას „სალეწ მანქანაში“ მოხვედრა მოელოდა. ჭეკი წერს, რომ ეს იყო ჩინებული ამბების ორგია, რომლის მსგავსი შემდგომ აღარ უნახავს.

ვიწრო ვაგონში გამოკეტილი, რენოდან მომავალი ეს რაზმი ოცდაოთხი საათი უცდიდა ქარბუქის ჩადგომას. ლუკმა პური არავის

გადაუყლაპავს. როცა მატარებელმა ნებრასკის ველს მიაღწია, რაზმის წევრებმა ფული შეაგროვეს და პატარა ქალაქ გრანდ აილენდის ადგილობრივ ხელისუფალთ დაახლოებით ასეთი შინაარსის დეპეშა გაუგზავნეს: „ოთხმოცდახუთი ჯანსალი, მშიერი მამაკაცი ჩამოვა სადილობის დროს. დააპურეთ“. ზუსტად შუადღით მატარებელი გრანდ აილენდთან გაჩერდა. ქალაქის პოლიცია და „სტუმრების“ მიძღები სპეციალური კომისიის წევრები ჩამოსულებს წაუძღვნენ სასტუმროებსა და სასადილოებში, ასადილეს და უკანვე მოიყვანეს რკინიგზის სადგურში, სადაც მატარებელი მათ დაბრუნებას ელოდა.

ღამის პირველ საათზე ომახაში ჩავიდნენ. აქ მათ პოლიციის სპეციალური რაზმი დახვდათ, რომლის მეთვალყურეობის ქვეშ იყვნენ, ვიდრე მისურზე, კაუნსილ ბლაფსში, არ გადაიყვანდნენ. შატოკვას პარკში დაბანაკებულმა გენერალმა კელიმ ბრძანა, მას შეერთებოდნენ. ამ ბრძანების შესასრულებლად ხუთი მილი კოკისპირული წვიმის ქვეშ უნდა გაეკოთ. ჭექმა და მისმა ახალმა მეგობარმა, ორი მეტრის სიმაღლის ქერათმიანმა ახმახმა, მეტსახელად „შვედმა“, პოლიციელების რკალს თავი დააღწიეს და ღამის გასათევის საძებრად გაემართნენ. მალე უზარმაზარ, საყრდენ მორებზე წამოდგმულ ცარიელ მოძრავ ბარს წააწყდნენ. ჭექმა თავისი ცხოვრების მანძილზე ყველაზე საშინელი ღამე აქ გაატარა. ნაგებობა მალალ საბჭენებზე იდგა, მის ფარღალღებში ქარი ყოველი მხრიდან თავისუფლად და ზუზუნებდა. თავით ფეხებამდე გაწუწული ჭეკი დახლის ქვეშ შეძვრა და მთელი ღამე ყველა წმინდანს ევედრებოდა, მალე გათენებულიყო. სიცივისაგან გალურჯებული, ცოცხალმკვდარი ხუთ საათზე ომახაში დაბრუნდა სატვირთო მატარებლით და წაჩანჩალდა სპუზმის საპათხოვროდ. შემდეგ მიათვალ-მოათვალიერა იქაურობა და კელის ბანაკისაკენ გასწია. ხიდზე ბაჟის ამკრეფმა შეაჩერა. ვიდაც გულშემატკივარმა ოცდახუთი ცენტი — „მეოთხედი“ გაუწოდა შატოკვას პარკამდე მატარებლის ბილეთის საფასურად. როგორც ჩნა, ბანაკამდე მიაღწია და გენერალ კელის წარუდგა. იგი არიერგარდის უკანასკნელ მწკრივში გაანაწილეს.

ომახა-ჩიკაგოს რკინიგზის ხაზის მეპატრონეები მეგობრულად არ ეყვნენ განწყობილნი და ვერ გადაეწყვიტათ არმიის აღმოსავლეთი-

საკენ გასამგზავრებლად სატვირთო შემადგენლობის უფასოდ დათმობის საკითხი; ეშინოდათ, ვაითუ სხვებმაც მოითხოვონო. მათ მატარებლებს კელისა და მისი ბიჭებისაგან შეიარაღებული პინკერთონელი მძებრები იცავდნენ. არმია ლიანდაგის გასწვრივ განლაგდა. ხალხსა და მასთან ერთად ჭეკსაც ორი დღე და ღამე აწვიმდა, აყრიდა სეტყვას, ბოლოს კი სველი თოვლის ფანტელებიც წამოვიდა. მაშინ კაუნსილ ბლაფსის ახალგაზრდა ქალებმა შეაგულიანეს ერთი ყმაწვილი, წაეყვანა ორთქლმავალი, რომელზედაც მამამისი შემანქანედ მუშაობდა, ხოლო თანამგზავნობთა ომასას კომიტეტმა ძლივძლივობით შეძლო სატვირთო მატარებლის პატარა შემადგენლობის შეკოწიწება. მაგრამ, როცა მატარებელი არმიის განლაგების ადგილთან ჩამოდგა, გამოიჩევა, რომ იგი ყველას ვერ დაიტევდა, და ამიტომ შემადგენლობა ქალაქში დაბრუნდა.

ხელისუფლებასთან რამდენიმე წარუმატებელი შეტაკების შემდეგ: კელიმ გადაწყვიტა გენერალ კოკსისთან შესაერთებლად არმია ლაშქრული წესით დაეძრა ვაშინგტონისაკენ. ომასასა და კაუნსილ ბლაფსის მცხოვრებლებისაგან შემოწირული სურსათ-სანოვაგე და ბანაკის ინვენტარი მათსავე ნაჩუქარ თორმეტ ფურგონში ჩატვირთეს და არმია გზას გაუდგა. კოლონას კელი მიუძღოდა, რომელიც კაუნსილ ბლაფსის ადფრთოვანებული მცხოვრებლების ნაჩუქარ შავ ცხენზე იჯდა. დროშებითა და ალმებით მიმავალ არმიას მეტად შთამაგონებელი შესახედაობა ჰქონდა. ორი დღის შემდეგ ჭეკს ფეხსაცმელი გაუცვდა. მან ინტენდანტს მიმართა, მაგრამ განუცხადეს, ჩექმები არა გვაქვს, ყოველ შემთხვევაში თქვენთვის მაინცაო. სხვა გზა არ იყო. წინდებით უნდა ევლო. მეორე დღეს ფეხები ისე გადაეყვლიდა, რომ ძლივძლივობით მიაბიჯებდა. გადაწყვიტა, პროტესტის ნიშნად ფეხშიშველი ევლო. მხოლოდ ამის შემდეგ გამოუძებნეს სასწრაფოდ ინტენდანტებმა რაღაც ფეხსაცმელი.

აიოვას შტატის მცხოვრებლებმა ისინი მეგობრულად, სიხარულით მიიღეს. რომელ ქალაქშიაც არ უნდა შესულიყვნენ, მთელი მოსახლეობა ალმებით ეგებებოდა. როგორც კი დაბანაკდებოდნენ კელის ჯარისკაცები, ადგილობრივი მცხოვრებნი ჭგუფ-ჭგუფად გაემართებოდნენ მათკენ, რათა ერთად ემღერათ, მოესმინათ პოლიტიკური შინაარსის სიტყვები ანდა ენახათ, როგორ იბრძოდა ბეისბოლის ად-

გილობრივი გუნდი არმიელთა წინააღმდეგ. „ქალთა წყრიალა ხმას, — წერს დლიურში ჯეკი, — უერთდებოდა მუშათა არმიის ჯარისკაცთა უამინდობისაგან ჩახლუჩილი ხმა“. ჯეკი სიამაყით აღნიშნავს, არმია ჩინებულ შთაბეჭდილებას სტოვებდა ყველაზე, ბევრს უყვირდა, რომ ჯარისკაცებს შესანიშნავად ეჭირათ თავი, რომ თითოეულ მათგანს კეთილი, სანდომიანი სახე ჰქონდა.

ჯეკის თვითნებობამ აქაც იჩინა თავი: მკაცრ დისციპლინას ვერ ეგუებოდა, ყველაფერი ისე უნდოდა გაეკეთებინა; როგორც თვითონ სურდა, და ისწრაფვოდა რაც შეიძლება მეტი შეეტყო იმ მხარის შესახებ, სადაც მოგზაურობდა. როგორც კი შელამდებოდა, უჩუმრად გაეპარებოდა გუშაგებს და ქალაქის დასათვალიერებლად გარბოდა. ფეხები ისევ გადაეყვლითა და მტკიცედ გადაწყვიტა მგზავრობა სატვირთოთი განეგრძო: ადგილობრივმა შერიფებმა არმიას ფურგონები მისცეს იმათთვის, ვისაც ფეხით სიარული აღარ შეეძლო. ასე იყო თუ ისე, ვერც კი მოაწერეს ქალაქ ღე მონამღე ჩასვლა, რომ სასიამოვნო მგზავრობას ბოლო მოეღო. ჯეკმა დაიფიცა — საბურობილეშიც რომ ჩაესვათ, ერთ ნაბიჯსაც აღარ გადადგამდა დასიებული ფეხებით. როგორც იქნა, სადგურამღე მიაღწია, სადაც „საზოგადოების გულჩვილობით ისარგებლა და ბილეთის საფასური მოაგროვა“.

როცა ქალაქ ღე მონიში შევიდნენ, კელის ჯარისკაცებმა განაცხადეს, რომ ფეხები ყველას გადაეყვლითა. ეშმაკსაც წაუღია ყველაფერი, კმარა! ისინი აღარსად არ წავლენ. ორი ათასმა მლოცვარმა აავსო ქალაქი. გაჭირვებაში მყოფმა ქალაქმა ჯარისკაცები გაუქმებულ ღუმელების ქარხანაში მოათავსა და მათ ღლეში ექვსი ათას ულუფას უგზავნიდა. ამავე დროს, ადგილობრივი ხელისუფალნი რკინიგზის ადმინისტრაციასთან მოლაპარაკებან აწარმოებდნენ, რათა არმია შემდეგ სადგურამღე გადაეყვანათ, მაგრამ რკინიგზელები ვერ დაიყოლიეს. ჯეკი ისვენებდა, თამაშობდა ბეისბოლს, გამოჯანმრთელდა და გამოიძინა კიდევაც. ქალაქში შემოწირულება შეუტროვეს, არმიამ ტივები შეკრა და მდინარე ღე მონის დაუყვა.

ახალგაზრდა მეზღვაურმა სეილორ-ჯეკმა და კიდევ ცხრა კაცმა მისი ასეულიდან, მისივე სიტყვებით, ყველა ენერგულმა და საქმოსანმა ბიჭმა — პატარა, მაგრამ კარგი გემი აირჩია და მდინარის

დინებას დაჰყენენ. ისინი არმიას ყოველთვის წინ უსწრებდნენ ერთი დღით, ხოლო ზოგჯერ დღე-ღამითაც. გამოჩნდებოდა თუ არა ქალაქი, ამერიკულ დროშას ასწევდნენ, თავს მოწინავე გემად, ავანგარდად გაასაღებდნენ და ითხოვდნენ ანგარიშის ჩაბარებას, თუ რა ღონისძიებანი გაატარეს არმიის მოსამარაგებლად. ფერმერებს სურსათ-სანოვავე მოჰქონდათ, სეილორ-ჯეკი და მისი მეგობრებნი ყველაფერს საუკეთესოს თვითონ იტოვებდნენ: თუთუნს, რძეს, კარაქს, შაქარსა და კონსერვებს. იმის თქმაც არ შეიძლება, რომ მთლად უსინდისოდ იქცეოდნენ, სრულიადაც არა! არმიისათვის ცალკე გადააწყობდნენ ფქვილს, მარცვლეულს ტომრებით და საქონლის ხორცს. თავიანთის კი იმდენი ჰქონდათ გადამალული, რომ უღარდელად ეცხოვრათ. ასე გასინჯეთ, ისინი ყავასაც არ ხარშავდნენ წყალში. რა გასაჭირი ადგათ? რძე ხომ უამრავი ჰქონდათ! ჯეკს ეჭვი არ ეპარებოდა იმაში, რომ არმიელებს უჭირდათ, მაგრამ რას იზამ? მათ ათეულში ფხიანი, ყოჩალი ბიჭები იყვნენ და, თავისთავად გასაგებია, ისინი იმ ანდაზას მისდევდნენ, რომელიც ღალატებს: „ჯერ თავო და თავო და მერე ცოლო და შვილო“.

აღმფოთებულმა გენერალმა კელიმ პატარა კარჭაპი დააწინაურა, რათა „ავანგარდის“ ეს საქმიანობა აღეკვეთა. მაგრამ ვერაფერს გახდა. მაშინ ორი ცნენოსანი გავზავნა ახლომდებარე მოსახლეობის გასაფრთხილებლად. ამის შემდეგ ჯეკსა და მის მეგობრებს, რომ არ გავაზვიადოთ, გულგრილად იღებდნენ და მათაც, ნებსით თუ უნებლიეთ, არმიასთან ერთად მოუხდათ მგზავრობა. ილინოისის შტატში ჩავიდნენ. კუინსში, რომელიც შეერთებული შტატების პატარა ქალაქებს შორის ყველაზე მდიდარ ქალაქად ითვლებოდა, ჯეკი მთელი დღე მათხოვრობდა და იმდენი საცვლები, წინდები, პერანგები, ფეხსაცმელები, ქუდები და კოსტუმები მოიტანა, რომ ნახევარ ასეულს ეყოფოდა. კუინსის მცხოვრებლებმა მისგან ერთმანეთზე უკეთესი მრავალი ამბავი მოისმინეს. შემდგომში, როდესაც წერა დაიწყო, ჯეკი წუხდა, რომ ოდესღაც ასე უთავბოლოდ ანიავებდა თავისი შთავონების უხვ მოსავალს.

მაგრამ ვაი რომ კმაყოფილებისა და სიმამძრის დღეები გაქრა! ოცდათექვსმეტი საათის განმავლობაში ფერმერებმა არმიას უფასოდ ლუკმა ჰურიც არ მისცეს. მზის სხივებს სიმხურვალე თანდათანო-

ბით ემატებოდა, გაზაფხული კარზე იყო მომდგარი; ჰაერი გამაბრუ-
ებელი სურნელებით ივსებოდა... მუშათა არმია კი ნელ-ნელა, ჭგუფ-
ჭგუფად იშლებოდა, იფანტებოდა.

თავის უბის წიგნაკში ჭეკმა ნაჩქარევად ჩაწერა: „ხვალ დილით
ბარგი უნდა ავიკრა. აუტანელი შიმშილობაა“. მასთან ერთად დე-
ზერტირი გახდა მდინარის საქმოსნობაში შეძენილი ცხრავე ვაჟკა-
ცი. გენერალი კელი ჭიუტად მიიწევდა წინ ერთი მუჭა ხალხის თან-
სლებათ. ბოლოს, როგორც იქნა, ვაშინგტონში ჩააღწია, მაგრამ...
გენერალი კოკსი საპყრობილეში დაუხვდა. კოკსმა თავის ეპოქას გა-
უსწრო — იგი ფედერალური მთავრობისაგან უმუშევართა უზრუნ-
ველყოფას ითხოვდა. რამდენიმე მთავრობის გამოცვლა შეიქნა სა-
ჭირო, ვიდრე სხვებიც ამავე აზრამდე მივიდოდნენ: და ეს კაცი კაპი-
ტოლიის დაცვის პოლისმენებმა გაზონებზე სიარულისათვის დააპა-
ტიმრეს!

ჭეკსონვილამდე ჭეკმა ექსპრეს „კანონბოლით“ („ზარბაზნის ყუმ-
ბარა“) იმგზავრა კანზას სიტისა და მესონ სიტის შუა ხაზზე მოძრა-
ვი სამგზავრო მატარებლით. შემდეგ კი საქონლის გადასაყვან შემა-
დგენლობაში მოიკალათა და მთელი ღამე ჩიკაგოსაკენ მიჰქროდა.
იქ, ფოსტაში მას ელოდებოდა წერილები სახლიდან და ელიზას გამო-
გზავნილი ოთხი თითო დოლარიანი მომწვანო ფერის ქალაღი. ნახ-
მარი ტანსაცმელების მაღაზიაში ჭეკმა შეიძინა ფესხაცმელები, ქუდი,
წყვილი შარვალი, პიჯაკი და პერანგი. საღამოს თეატრში იყო, და-
ათვალეირა ქალაქი და ოკლენდიდან წამოსვლის შემდეგ თხუთმეტ
ცენტად პირველად გაათია ღამე საწოლში. მეორე დღეს კი ბორნით
ტბის მეორე მხარეზე, მიჩიგანის შტატში—ქალაქ ჭოზუფში გადავიდა,
სადაც ფლორას და, მერი ევერგარდი ცხოვრობდა. ევერგარდების
კარგად მოწყობილ სახლში ჭეკმა რამდენიმე კვირა დაჰყო. დღიურის
ფურცლებს შენიშვნებით ავსებდა, ისვენებდა. და ნელ-ნელა უბ-
რუნდებოდა შიმშილობის დროს თანდათანობით დაკარგული ჯან-
ღონე. ზოგჯერ ბაღში მიწასაც ჩიჩქნიდა. დეიდა მერი ანებივრებ-
და და გემრიელ საჭმელებს სთავაზობდა, ჭეკი კი ნათესაებს „გზის“
არაჩვეულებრივი ამბებით ართობდა. შუა ზაფხული იქნებოდა, როცა
უბილეთოდ იმგზავრა ნიუ-იორკამდე. ჩვეულებისამებრ დილით მათ-
ხოვრობდა, შემდეგ, პაპანაქებისაგან თავის დასაცავად, სიტი პოლ-

თან--ქალაქის თვითმმართველობის წინ მდებარე პატარა ბაღს მიაშურებდა. იქ იგი, ბალახზე წამოწოლილი, გატაცებით კითხულობდა იაფფასიან წუნდებულყდებიან ახალ წიგნებს და თან ყელს ყინულივით ცივი რძით ისველებდა, რომლის ყოველ კი-ქაში თითო ცენტს იხდიდა.

ერთ მშვენიერ დღეს ჭეკი უსაქმურთა გროვას მიუახლოვდა, რომელიც გარს შემორტყმორდა კენჭაობის თამაშით გართულ ბავშვებს. უცებ საშინელი ყვირილი გაისმა: „ხარები! თავს უშველეთ!“ უსაქმურთა გროვა გაიფანტა. ჭეკი, იღლიაში ამოჩრილი წიგნით, აუჩქარებლად გაემართა თავისი ბაღისაკენ. მალე შეამჩნია, რომ მისკენ პოლისმენი მოდიოდა. ჭეკი, თითქოს მას ვერ ამჩნევსო, გზას განაგრძობდა. პოლისმენი გაუხწოვდა თუ არა, თავში ჯოხი უთავაზა და წააქცია. გაბრუებული და ტკივილისაგან დაბრმავებული ჭეკი ძლივ-ძლივობით წამოდგა და მოკურცხლა. ადგილზე რომ დარჩენილიყო, ერთი თვით ჩააყუდებდნენ ბლექუელ აილენდის საპყრობილეში პოლისმენისადმი წინააღმდეგობის გაწევისათვის.

ორი დღის შემდეგ ჭეკი სატვირთო ვაგონით ქალაქ ნიაგარა ფოლსში ჩავიდა და მაშინვე ჩანჩქერს მიაშურა. თვალი ვერ მოაცილა ამ არაჩვეულებრივ სანახაობას და მთელი დღე მოჯადოებულივით შესცქეროდა ისე, რომ ჭამა არც გახსენებია. ღამის თერთმეტ საათზე ისევ ჩანჩქერთან იჯდა და ტკბებოდა იმის ყურებით. თუ როგორ კიაფობდა მთვარის შუქი მუქ წყალში. შემდეგ ქალაქგარეთ გასწია, გადაძვრა მაღალ ღობეზე და ვილაციის მინდორში დაიძინა. დილის ხუთ საათზე გამოეღვიძა და ისევ ჩანჩქერისაკენ გაემართა. ქალაქს ჯერ კიდევ ეძინა. უცებ შეამჩნია, მისკენ სამნი მოემართებოდნენ: ორი „ხობო“, ხოლო შუაში „მექებარი“ — პოლიციის აგენტი. „რომელ სასტუმროში გაჩერდით?“ საკმარისი იყო რომელიმე სასტუმროს დასახელება, მაგრამ ჭეკი დაიბნა. იგი დააპატიმრეს, როგორც მაწანწალა, და ქალაქის საპყრობილეში გაგზავნეს. მეორე დღით თექვსმეტი პატიმარი საბრალდებულს სკამზე დასვეს. მოსამართლე, რომელიც „შეთავსებით“ მდივნის მოვალეობასაც ასრულებდა, მაწანწალებს ერთიმეორეზე იძახებდა და თვალის დაუხამხამებლად თითოეულს ოცდაათ-ოცდაათი დღით გამასწორებელ სახლში მუშაობას უსჯიდა.

ჩემს გვერდზე ვილაც აყლაყულა ზანგი ამოუყენეს და ხელბორ-
კილით ერთმანეთს გადააბეს, შემდეგ ხელბორკილების ნახვრეტებში
ფოლადის ჩაქვი გაატარეს და რვა წყვილი ტუსალი ერთმანეთზე გა-
დაბმული აღმოჩნდა. ისინი ნიაგარა ფოლსის ქუჩებზე გაატარეს
და სადგურში მიიყვანეს. მატარებელში ჩემმა თუთუნის მიაწოდა მის
უკან მჭდომ ტუსალს. ლაპარაკის დროს გამოირკვა, რომ ახალი ნაც-
ნობი უკვე რამდენიმეჯერ მჭდარა სხვადასხვა სატუსალოში და კარ-
გად იცოდა იქაური ზნე-ჩვეულებები. ისინი დამეგობრდნენ. პატიმ-
რები ერის ოლქის გამასწორებელ საპყრობილეში მიიყვანეს. ჩემი
სუფთად გაპარსეს და მიღებული წესის თანახმად, ტუსალის ზოლე-
ბიანი ტანსაცმელი ჩააცვეს. დილით ადრე ტუსალები ერთმანეთის
მიყოლებით მკიდროდ დააწყვეს და, საპყრობილის ეზოს გავლით,
არხში მდგარი გემის დასაცლელად წაიყვანეს.

სამუშაო მეტად მძიმე იყო. ტუსალები კი მხოლოდ პურსა და
წყალზე ჰყავდათ. მართალია, კვირაში ერთხელ ხორციან საჭმელს
აძლევდნენ, მაგრამ მისი ქამა თითქმის შეუძლებელი იყო. გავიდა
ორი დღე და, აი, ჩემს მხსნელად მოევლინა მატარებელში გაცნო-
ბილი ტუსალი. ზედამხედველთა შორის თურმე მისი მეგობრება,
საპყრობილის „ძველი ვირთაგვები“, აღმოჩენილან და იგი მაშინვე
დერეფნის მამასახლისად დაუნიშნავეთ. ჩემსაც უშოვა ასეთივე თა-
ნამდებობა. დერეფნის მამასახლისის მოვალეობას შეადგენდა ტუ-
სალებისათვის ულუფის დარიგება და წესრიგის დაცვა. პურის ზედ-
მეტ ნარჩენებს ჩემი წიგნებზე, თუთუნზე, საბეჭურებზე ან ინგლი-
სურ ქინძისთავებზე სცვლიდა, რომელთაც შემდეგ გრძელვადიანებს
ზორცზე უცვლიდა.

„უფროსი“ ნათლად ხედავდა, რაც ხდებოდა დერეფნის საკნებ-
ში. ჩემი მოწმე იყო, როგორ ეხეთქებოდნენ იატაკზე ეპილეპსიით
დაავადებულები, როგორ ირყეოდნენ ჰკულიდან ტუსალები. მის
თვალწინ ხალხი ცემით სიკვდილის პირამდე მიჰყავდათ, ხოლო ერთი
მათგანი რვა მალიანი ქვის კიბიდან გადმოუშვეს და კიბის თითოეულ
საფეხურზე სეტყვასავით აყრიდნენ მუშტებს. საპყრობილე სწო-
რედ რომ წამების საკანი იყო, სადაც უმწეოდ დარჩენილებს აუწე-
რელი საშინელებანი მოელოდათ. ჩემი ზედამხედველების გარ-
და დაუახლოვდა დაცვის მუშაკებსაც, მოკლე და გრძელვა-

დიან ტუხალებს. ყურს უგდებდა მათ ნაამბობს, იმახსოვრებდა განსაკუთრებულ გამოთქმებს. ქვეყანას მათი თვალთახედვით შეჰყურებდა და, საერთოდ, შეეთვისა კიდევ მათ. მთელი ამ ხნის განმავლობაში ჯექს თავის მეგობართან კარგი განწყობილება ჰქონდა. ისინი მრავალ საათს ატარებდნენ ტკბილ, მეგობრულ მუსიკაში, აწყობდნენ გეგმებს, თუ რა „საქმეები“ მოეკვარახქინებინათ ქურდობაში, როცა თავისუფლებას ეღირობოდნენ.

როგორც იქნა, სასჯელის მოხდის ვადა გავიდა. მეგობრები გაანთავისუფლეს. ბუფალოს მთავარ ქუჩაზე „ცოტა რამ გაიკრეს ჯიბეში“ და ლუდხანას მიაშურეს, რომ თითო ტოლჩა გადაეკრათ. ლუდისათვის ჯერ ხელი არ ეხლოთ, როცა ჯექმა რაღაც მოციმიზეზა, მეგობარი ტოლჩებთან დატოვა და თვითონ უკანა კარებიდან გარეთ გამოვიდა, გადაახტა ზღუდეს და, რაც ძალი და ღონე ჰქონდა, მოკურცხლა სადგურისაკენ. ცოტა ხნის შემდეგ სატვირთო შემადგენლობა მას უკვე დასავლეთისაკენ მიაქროლებდა.

რამდენიმე თვე დასჭირდა, რათა კანადის რკინიგზებით სამი ათასი მილი გაეელო. რამდენჯერმე იგი მხოლოდ მისმა ტალანტმა იხსნა საპყრობილისაგან. შეეძლო ისეთი ამბავი გამოეგონებინა, როგორი პოლისმენიც არ უნდა ყოფილიყო, დააჯერებდა, რომ მის წინ მაწანწალა არ იდგა. შიმშილობაც ბევრჯერ გადაიტანა. ფრანგული ენა არ იცოდა, ხოლო კანადელ ფერმერებს მაწანწალებისა საერთოდ ეშინოდათ. ისეც ხდებოდა, რომ მთელი ღამის განმავლობაში, ვაგონ-რეფრეჟერატორით მგზავრობის შემდეგ, დილით ძლივ-ძლივობით ახერხებდა გარეთ გამოძვრომას საკმლის საშოვნელად.

მიუხედავად ყოველივე ამისა, მაინც მოსწონდა სათავგადასავლო შემთხვევები. განსაკუთრებით კარგი იყო ნახშირით დატვირთული საბარგო ვაგონით ათასი მილის გავლა. ყოველ გაჩერებაზე ჯექი ქალაქში გადიოდა საკმლის „გასაიძმასქნებლად“. ნადავლით დაბრუნებული ზეიმობდა თავის ნახშირის ბუნაგში და თვალს ადევნებდა, როგორ მიქროდნენ კანადის ტყეები და ჯელები. ბოლოს მიაღწია ვანკუვერს, იქ მატროსად მოეწყო „უმატილაზე“ და სან-ფრანცისკოში დაბრუნდა.



III

რამდენიც არ უნდა ქექოთ საბუთები და ჩანაწერები ჯეკ ლონდონის შესახებ, მთელი ძიება ამას იქნება: ლატაკებიდან ულატაკეს-თა შორის, რომელთაც სოციოლოგები „დათრგუნვილ მეთედს“ უწოდებენ, ცხოვრების ფსკერზე გატარებული იმ ერთი წლის წინ ჯეკი არც ფიქრობდა სოციალიზმზე. როგორც შემდეგში თვითონვე აღიარებს, იგი თავგამოდებული ინდივიდუალისტი იყო. ამ ინდივიდუალისტმა თავის მეგობრებთან ერთად უყოყმანოდ, მოტყუებით მშვიერი დატოვა თავისი ამხანაგები — კელის არმია, იმიტომ, რომ „ინიციატივა ჩვენს ხელში იყო და ჩვენ კი მტკიცედ გვწამდა, რომ „სურსათი“ იმისია, ვინც პირველი მიასწრებს“. როცა იგივე ინდივიდუალისტი „გამასწორებელში“ დერეფნის მამასახლისად იყო, არც უფიქრია ზედმეტი პური საცოდავი ტუსაღებისათვის დაერიგებინა; პირიქით — აიძულებდა მათ, იმ მცირე მარაგიდან, რაც გააჩნდათ, ნატურითვე მიეცათ თუთუნის, ლუდის, ხორცი. სახარბიელო ჯანმრთელობა, მაგარი კუნთები და ისეთი კუჭი ჰქონდა, რომ, როგორც იტყვიან, ლურსმნის მონელებასაც შესძლებდა. შმაგად შეჰ-

ხაროდა თავის ახალგაზრდობას და არავის ეპუებოდა არც მუშლიად ში და არც ცემა-ტყეპაში. ჟგონა, მუდამ ასე მძვინვარე ქაორე ქივით იქროლებდა ამქვეყნად და თავისი ძალ-ლონითა და უპირატესობით ყველასა და ყველაფერს დაიმორჩილებდა. ამაყობდა, რომ ბუნებამ მას ძლევამოსილი რჩეულის ბედი არაგუნა.

შემდგომში ჭეკმა გაიგო, თუ როგორ ივსებოდა „დათრგუნვილი მეათედის“ რიგები. ამან გააოცა და ამანვე აუხილა თვალები. აქამდე ჟგონა, რომ „გზაზე“ თავისი ნებით, ხეტიალის სურვილით გატაცებულნი მიდიოდნენ, რათა სათავგადასავლო შემთხვევების ძებნაში ჩაეხშოთ პასუხისმგებლობის გრძნობა. ზოგიერთი მაწანწალა მართლაც უსაქმური, გონებადახშული, ზარმაცი. ან ლოთი იყო, განსაზღვრული ნაწილი კი — ნამდვილი ნაძირალა, რომელთა მიმართ უძღლური იყო ყოველგვარი სოციალური სისტემა. ჭეკს კარგად ესმოდა ეს; მაგრამ, როგორც ძალიან მალე დარწმუნდა, მათი უმრავლესობა „ქერათმიანი საქმოსნები“ იყვნენ, ისეთივე ჩვეულებრივი ადამიანები, როგორიც თვითონ მუშები და მატროსები. გაჭირვებამ, მძიმე შრომამ და უბედურებამ ისინი სულიერად დაამახინჯა, შემდეგ კი „გზაზე“ გარიყა, როგორც ბებერი, ჯანგამოცლილი ჯაგლაგები. აი, ახლა, მაწანწალებად ქცეულებს, არც საქმიელი აქვთ, არც ჩასაცემელი და არც თავშესაფარი უამინდობის დროს. ჭეკი მათთან ერთად ზელდა ტალახს გზებზე, მათთან ერთად ითხოვდა მოწყალებას კარდაკარ, სიცოცხსაგან კბილებს აკაწკაწებდა სატვირთო ვაგონებში და ბულვარის სკამებზე მჭდარი და ყურს უგდებდა იქ გაგონილ ამბებს. ისინი ისევე იწყებდნენ, როგორც თვითონ და თავის სიცოცხლეს სანაგვე ყუთში — სოციალური უფსკრულის ფსკერზე ამთავრებდნენ.

აქ იყვნენ ქარხნის მფლობელების მიერ დათხოვილი, უსაფრთხოების წესების დაცვის გარეშე დადგმული მანქანებისაგან დასახიჩრებული ადამიანები. ადამიანები, რომელთაც ჯანმრთელობა ქარხანაში თოთხმეტ-თოთხმეტი საათის უპაერო მუშაობის შედეგად დაეკარგათ, ახლა კი დაეთხოვათ შრომის უუნარობის გამო; ადამიანები, რომელნიც დაბერებულიყვნენ ქაპანწყვეტაში და ახლა, სხვებს, ძალ-ლონით სავსე ახალგაზრდებს, გამოედევნათ; აქ იყვნენ შინამრეწველები, რომელთაც ახალ დროში ვერ გამოეყენებინათ თავისი

ა, ადამიანები, რომელთა შრომას მანქანები ასრულებდნენ, კავაქაცები, რომლებიც ქალებმა და ბავშვებმა შეცვალეს, რადგან მათ მცირე ხელფასს აძლევდნენ. ზოგს სამუშაო კრიზისის გამო დაეკარგა და ვერსად მოწყობილიყო. აქ ისეთი მუშებიც იყვნენ, რომელთაც არ ჰყოფნიდათ კვალიფიკაცია, რათა ახალი, ტექნიკურად სრულყოფილი მანქანების მართვას დაუფლებოდნენ; სეზონური მაწანწალები, რომელთაც თვით პროფესია აიძულებდა წლის განმავლობაში ოთხი-ექვსი თვე უქმად ეხეტიალათ. იყვნენ უნიჭო, საშუალო და დეჟინილი მუშებიც, რომელნიც კონკურენციის შედეგად ქოტიური წარმოების წიდა გამხდარიყვნენ. ისინი ჯურღმულებში ყოფნას მაწანწალობას არჩევდნენ; აქ იყვნენ უზომოდ დიდი სამუშაო დღისა და მცირე ხელფასის წინააღმდეგ გაფიცვის მონაწილენიც; საწარმოთა მფლობელებს ისინი შავ სიაში შეეტანათ და მათი ადგილი შტრეიკბრეხერებს დაეკავებინათ.

ჩვენს დღინახა, რომ ხუთი, ათი, ოცი წლის შემდეგ მის ადგილსაც უფრო ღონიერი, უფრო ახალგაზრდა დაიკავებდა და ის, ძალაუნებურად, მაწანწალა ან ჯურღმულების მკვიდრი გახდებოდა. მან ორი რამ შეითვისა: პირველი — საჭიროა განათლების მიღება, რათა იმუშაოს ჰქუამ და არა კუნთებმა, რომლებიც მალე ცვდება და რომელთა შეცვლაც ადვილია; მეორე — თუ ეკონომიური სისტემა ადამიანს ცხოვრების საუკეთესო წლებს ართმევს და შემდეგ კი სანაგვეში ისერის, რათა იქ ცოცხლად გაიხრწნას ან შიმშილით სული ამოხდეს, ასეთი სისტემა მანკიერია, იგი ადამიანისათვის, ოჯახისათვის ტრაგიკულ სიტუაციას ქმნის და საზოგადოებას სიმკაცრესა და მფლანგველობას აჩვენებს.

ოკლენდში დაბრუნებისას ჩვენი დარწმუნდა, რომ მისი მსოფლმხედველობა და ცხოვრებისადმი დამოკიდებულება შეიცვალა. იგი გაიტაცა რაღაც ახალმა, მაგრამ სახელდობრ რამ, ამაში ჯერ თვითონაც ვერ გარკვეულიყო. სად ეპოვა პასუხი? ისევ წიგნებს ჩაუჭდა. მუშებისა და „გზის“ სხვა თანამგზავრებისაგან, რომელთა შორის განათლებული და ნაკითხი ხალხიც ერია, მან ბევრი რამ გაიგო პროფესიული კავშირების, სოციალიზმისა და მუშათა სოლიდარობის შესახებ. ასე იპოვა მან ძიების გეზი.

უპირველეს ყოვლისა, გაიგო, რომ თანამედროვე სოციალიზმს

რადაც სამოცდაათი წლის ისტორია აქვს. მაშასადამე, ეს სრულიად ახალი მოძღვრებაა, რომელიც დედამისზე რამდენიმე წლით ადრე გაჩენილა ამქვეყნად. ჭეკმა იგრძნო, რომ ბედი არაჩვეულებრივად სწყალობდა. იგი ამ მოძღვრების თანამედროვე, თითქმის მისი ჩასახვის მოწმეა და, ასე ვთქვათ, მხოლოდ ცოტა შეაგვიანდა, რომ მისი ერთ-ერთი მოთავეც გამხდარიყო. ეს საკმარისი აღმოჩნდა. აღფრთოვანებულყო. განაგრძო ამ საკითხის შესწავლა, და უეცრად: სდექ! თურმე რევოლუციას ადამიანები კი არ ჰქმნიან, არამედ ეკონომიური პირობები. თანამედროვე სოციალიზმის აკვანი, საფრანგეთი, ამხედრდა, რათა მოეცილებინა საზიზღარი უღელი — დამპალი მონარქია; მაგრამ წელში გამართვა ვერც კი მოასწრო, რომ მას წინანდელზე არანაკლები სიმძიმის ტვირთი — ბურჟუაზია — აჰკიდეს. წარმოებაში მანქანების დანერგვას თან მოჰყვა სამუშაო დღის გადიდება, ხელფასის დაკლება და ციკლური უმუშევრობა; მშრომელები იმაზე უარეს პირობებში აღმოჩნდნენ, ვიდრე ეს თავაშვებული, უთავბოლოდ მფლანგველ მეფეების დროს იყო. წამოიჭრა ახალი რევოლუციის აუცილებლობა, ამჯერად უკვე ეკონომიურისა და არა პოლიტიკურის. აუცილებლობამ წარმოქმნა სოციალ-უტოპისტები, რომლებმაც აღნიშნეს: მხოლოდ უმცირესობაა ფუფუნებაში ჩაფლული, უმრავლესობა კი მუდამ შრომობს და სიცოცხლეს სიღარიბეში ატარებსო. ამ დაკვირვებამ ისინი სოციალიზმადღე მიიყვანა.

ჭეკი დაეწაფა ბაბეფის, სენ-სიმონის, ფურიესა და პრუდონის შრომებს. მათ პირველებმა აიმაღლეს ხმა კერძო საკუთრების წინააღმდეგ და პირველივე იყვნენ იმათ შორის, რომელთაც განსაზღვრეს ეკონომიური კლასები, წამოაყენეს დებულება, რომ კერძო საკუთრება ემყარება ადამიანის შრომას; მოითხოვეს არაშრომითი შემოსავლისა და სიმდიდრის მემკვიდრეობით გადაცემის გაუქმება, წამოაყენეს რევოლუციური კონცეფცია, რომ სოციალური რეფორმა მთავრობის ფუნქციას უნდა შეადგენდეს.

საკანცელარიო ნივთების მაღაზიაში ჭეკმა ხუთ ცენტად იყიდა მიხაკისფერფურცლებიანი ბლოკნოტი და დაუდევარი, გაკრული ხელით დაიწყო ჩაწერა, თუ რა მიზანს ისახავდნენ სოციალიზმის ეს პიონერები, რომელნიც ცდილობდნენ წარმოედგინათ

წარმოების ისეთი სისტემა, როცა შრომა ყველასათვის სავალდებულო გახდებოდა, ხოლო სამუშაოთი ყველა იქნებოდა უზრუნველყოფილი. მას აღნიშნული აქვს, რომ მათ ნიადაგი კი მოუშადადეს რევოლუციას. მაგრამ არ მიუთითეს სოციალისტური სახელმწიფოს შექმნის საშუალებებზე, რადგან იმედოვნებდნენ, ქრისტიანული გულშემატკივრობით გამსჭვალული კაპიტალისტებო თვით შექმნიდნენ სოციალიზმს მუშებისათვის.

ერთხელ „გზაზე“ მან როგორღაც ყური მოჰკრა ვიღაც მოხეტიალე ფილოსოფოსის საუბარს „კომუნისტური მანიფესტის“ შესახებ. ჯეკმა მონახა „კომუნისტური მანიფესტი“ და ხარბად დაეწაფა მის სტრიქონებს. ისეთი შეგრძნება ჰქონდა, თითქმის ამ ფურცლებზე — მოულოდნელად და სასწაულეშრივად — მისი ნათქვამი და ნააზრევი ალაპარაკებულის. უსიტყვოდ მოიხარა ქედი კარლ მარქსის დებულებათა წინაშე, რადგანაც სწორედ იქ იპოვა ის მეთოდი, რომელიც, არათუ შესაძლებლობას აძლევდა კაცობრიობას — შეექმნა სოციალისტური სახელმწიფო, არამედ ისტორიული და ეკონომიური აუცილებლობის გამო აიძულებდა მას მიედო სოციალიზმი. ჯეკმა ნაჩქარევად ჩაწერა თავის ბლოკნოტში:

„კაცობრიობის მთელი ისტორია — ექსპლოატატორებისა და ექსპლოატირებულთა ბრძოლის ისტორიაა; კლასობრივ შეჯახებათა ეს ისტორია ისევე წარმოსახავს ეკონომიური ცივილიზაციის განვითარებას, როგორც დარვინის მოძღვრება — ადამიანის ევოლუციას. მსხვილი მრეწველობისა და კონცენტრირებული კაპიტალის დანერგვის შედეგად მიღწეულია ის საფეხური, რომელზედაც ექსპლოატირებულ კლასებს შეუძლიათ მმართველი კლასებისაგან განთავისუფლდნენ და ერთხელ და სამუდამოდ სავსებით ღაანთავისუფლონ საზოგადოება ყოველგვარი ექსპლოატაციის, დაბეჩავეების, კლასობრივი უთანასწორობისა და კლასობრივი ბრძოლისაგან“.

„კომუნისტური მანიფესტიდან“ ჯეკმა გაიგო, რომ მეცნიერული სოციალიზმი მოითხოვს მიწაზე კერძო საკუთრების გაუქმებასა და შემკვიდრების უფლების სრულ მოსპობას. ქარხნები, წარმოებისა და კავშირგაბმულობის საშუალებანი და ტრანსპორტი სახელმწიფოს საკუთრებას წარმოადგენს; ამასთანავე, ყოველგვარი დოვლათი, მოხმარების საშუალებებს გარდა, კოლექტივის საერთო სა-

კუთრებას შეადგენს. „მანიფესტში“ მან მსხვილი ხაზი გაავლო სოციალისტებს მოწოდებას მთელი ქვეყნის მუშებისადმი:

„კომუნისტებს სამარცხვინოდ მიაჩნიათ დამაღონ თავიანთი შეზღუდულებანი და განზრახვანი. ისინი აშკარად აცხადებენ, რომ მათი მიზნების მიღწევა შესაძლოა მხოლოდ მთელი არსებული საზოგადოებრივი წყობილების ძალდატანებით დამხოვის გზით. დაე, გაბატონებული კლასები ძრწოდნენ კომუნისტური რევოლუციის შიშით. მასში პროლეტარები არაფერს დაკარგავენ, გარდა თავიანთი ბორკილებისა. შეიძენენ კი მთელ ქვეყნიერებას.

პროლეტარებო ყველა ქვეყნისა, შეერთდით!“ ამრიგად, ჯეკი მივიდა იმ დასკვნამდე, რომ სოციალიზმზე უფრო დიადი ამქვეყნად არაფერია.

ჯეკმა გადაწყვიტა, ფიზიკური შრომის ნაცვლად გონებრივი შრომით ეცხოვრა და შეუდგა კიდევ ამ გადაწყვეტილების განხორციელებას.

„გზაზე“ გატარებული მთელი წლის განმავლობაში იგი დღე-ღამე აწარმოებდა და ახლა უკვე ნამდვილად სჯეროდა, რომ ცხოვრებას მხოლოდ მაშინ ექნებოდა აზრი და იგი ბედნიერებას იმ შემთხვევაში მოუტანდა, თუ შესძლებდა დაეწერა ყველა ის მოთხრობა, რომელთაც თავი ველარ იტყვდა.

მან სასწავლებელიც კი ამოირჩია, სადაც განათლება უნდა დაესრულებინა. ეს იყო კალიფორნიის უნივერსიტეტი, რომელიც, თუ ტრამპით ივლიდა, მისი სახლიდან სულ ახლოს, ბერკლში, მდებარეობდა. მაგრამ ჯერ საშუალო სკოლა რომ არ ჰქონდა დამთავრებული მიღებული წესის თანახმად, ჯეკს უნივერსიტეტში შესვლამდე სამი წელი კიდევ უნდა გაეტარებინა სკოლის მეზობან.

ოკლენდის საშუალო სკოლის ახალი მოსწავლე ცხრაშეტი წლისა იყო. მას ცუდად მორგებული და ცუდად დაუთოებული მუქი-ლურჯი კოსტუმი და საყულოვანადკეცილი შალის პერანგი ეცვა. ჩათსკვნილი, მზემოკიდებული და, როგორც ჩანს, საკმაოდ ჯანმრთელიც, იგი წამდაუწუმ აიბურძგნიდა ხოლმე თავის ისედაც მუდამ აწვეწილ მოქალაქე-წაბლისფერ ქოჩორს. „გზაზე“ შეჩვეოდა თუ-

თუნის ღეჭვას და ოკლენდში დაბრუნებულს ჯერ კიდევ ვერ დაეთ-
ნო ეს ჩვეულება; თანაც ყველა კბილი გაფუჭებული ჰქონდა და
თუთუნის კბილის ტკივილს უყუჩებდა. ელიზამ ძმას შესთავაზა,
რომ გადაიხდიდა კბილის ექიმის გასამრჯელოს, რომელიც დაუპ-
ლომბავდა კბილებს, უფარგისის ნაცვლად კი ახალს ჩაუსვამდა, მაგ-
რამ იმ პირობით, თუ იგი თუთუნის ღეჭვას თავს დაანებებდა. ჯეკო
სიამოვნებით დათანხმდა. მშვენიერი, ახალი კბილებით კმაყოფილ-
მა ჯეკმა თავის სიცოცხლეში პირველად შეიძინა კბილის ჯაგრისი.

წელში მოხრილი სიარულიც იმ დროიდან შემორჩა, როდესაც
ჯარდაჯარ სამათხოვროდ დადიოდა. მერხის ზურგზე გადაწოლილი,
ფეხებს მთელ სიგრძეზე გაჭიმავდა, ხელებს ჯიბეში ჩაიწყობდა,
ფიქრებით კი სულ სხვაგან იყო. თავს ხან აქეთ შიბარუნებდა, ხან
იქით, თან სახეზე წამდაუწუმ ბინდი გადაეკვროდა ხოლმე. შემდეგ
უცებ გონს მოვიდოდა, შეირხეოდა და ისევ მოლიმარი სახით იჯდა.
როცა გამოიძახებდნენ, ნამდვილად უჭირდა წამოდგომა, ხელებით
მერხზე დაეყრდნობოდა და ნახევრად წამომდგარი დაბალი, ძლივს
გასაგონი ხმით, რაც შეიძლება მოკლედ პასუხობდა. დაამთავრებდა
თუ არა პასუხის გაცემას, მაშინვე სკამზე ისე დაეხეთქებოდა, თით-
ქოს მუხლები მოეკვეთათ.

მას თოთხმეტ-თხუთმეტი წლის გოგო-ბიჭებთან უხდებოდა ყოფ-
ნა, რომელთა უმრავლესობა, თუმცა შეძლებული ოჯახებიდან იყო,
მაგრამ სან-ფრანცისკოს გარდა ჯერ არაფერი ენახათ. ჯეკს ისინო
ბალღებად მიაჩნდა. საერთოდ, განათლება რომ გზას ხსნის უკეთე-
სი ცხოვრებისაკენ, ეს ჭეშმარიტებაა, მაგრამ ფრანგული ენის,
რომის ისტორიის, ალგებრის გაკვეთილები, რომლებზედაც დასწ-
რება სავალდებულო იყო, მას სათამაშოდაც არ ჰყოფნიდა. იგი
არც ცდილობდა დაემალა თავისი თანაკლასელებისათვის, რომ ასეთ
უბრალო საქმიანობაზე ტყუილად ჰქარგავდა დროს; რომ მას მო-
წიფული ადამიანების შესაფერისი საქმეები აინტერესებდა; თუმცა
ისინი ხომ ჯერ ვერ გაერკვევიან ამდაგვარ საკითხებში.

მას სურდა ყველაფერში ამხანაგებს გატოლებოდა, მაგრამ სწო-
რედ ამას ვერ ახერხებდა. შეეძლო გულდასმით ესმინა საერთო
საუბრისათვის, მაგრამ საკმარისი იყო რომელიმე თანაკლასელი
თვით მას გამოლაპარაკებოდა — გაგულისდებოდა და მაშინვე გაეც-

ლებოდა იქაურობას. აქ ისევ იჩინა თავი მისი ნატურის იმ ძირითად-მა წინააღმდეგობამ, რომელიც პირველად ანა კულბრიტმა შენიშ-ნა: უკიდურესი თავდაჯერებულობა და, იმავე დროს, მორცხვობა, შებოჭილობა და საკუთარი თავის არასრულფასოვნების შეგრძნება. მოწაფეებს ეგონათ, ალბათ, რაღაცით უკმაყოფილოა და იმიტომაც ჯავრობს, როცა ცდილობენ საერთო საქმეში ჩააბან. მათ იმდენი გამოცდილება არ გააჩნდათ, რომ გაეგოთ მისი სულისკვეთება. ჟე-კის თანაკლასელი, ჯორჯია ლორინგ ბემფორდი ამბობს: ზოგჯერ ღიმილით გაბრწყინებულ მის სახეზე ამოიკითხავდით, რომ მას კარგი ბავშვის ჩვევები ჰქონდა; ზოგჯერ კი იყო მომენტები, რო-დესაც მას მაწანწალის გამომეტყველება ჰქონდა და, გეგონებო-დათ, ამით თავიც მოაქვსო. ქუდს ჯიბეში ჩაიტენიდა, გაკვეთილების შემდეგ კი ამოათრევდა, თავზე ჩამოიფხატავდა და მატროსივით ხელების ქნევით ქუჩისაკენ გაიქცეოდა.

ოკლენდის საშუალო სკოლის მოსწავლეებს იგი კიდევაც რომ მი-ეღოთ თავის წრეში, ჟეკი მათთვის ერთ წუთსაც ვერ გამონახავდა. მართალია, რკინიგზელთა გაფიცვის დროს ჯონ ლონდონი დეპოს დაცვის სპეციალურ რაზმში მოეწყო სამუშაოზე, მაგრამ მას მაინც არ შეეძლო ჟეკის შენახვა. შაბათობითა და კვირაობით ჟეკი შო-ულობდა რაიმე შემთხვევით სამუშაოს: გაზონების ვადაკრეჭა, ნო-ხების გაბერტყვა, სხვადასხვა დავალების შესრულება. ელიზამ, გარდა იმისა, რომ საქმლისა და წიგნების შესაძენ ფულს აძლევდა: თავისი მცირედი სახსრებით ველოსიპედიც უყიდა, რათა სკოლაში სიარული შესძლებოდა. ჟეკს ფული ყოველთვის უჭირდა. როცა ოკლენდის საშუალო სკოლის კარისკაცს თანაშემწე დასჭირდა, ელი-ზამ ამ სამუშაოზე ჟეკი მოაწყო. მეცადინეობის დამთავრების შემდეგ ჟეკი სკოლაში რჩებოდა ოთახების დასაგველად და საპირფარეშო-ების იატაკის გასარეცხად. მრავალი წლის შემდეგ იგი სიამაყით სწერდა თავის ქალიშვილს, რომ მისი სკოლის ყოველი ფანჯარა საკუთარი ხელებით ჰქონდა დარეცხილი

ერთხელ თანაკლასელმა გოგონებმა დაინახეს, როგორ შედიოდა იგი ლუდხანაში ორი მაწანწალის — „გზის“ დროინდელი მეგობრე-ბის თანხლებით. დაიწყო მითქმა-მოთქმა, რომ იგი ცუდ წრესთან მეგობრობს, უყვარს ცემა-ტყეპა... ამას ისიც დაერთო, რომ ჟეკმა

სკოლის დალაგება დაიწყო, და კედელი, რომელიც მას დანარჩენი მოსწავლეებისაგან თიშავდა, კიდევ უფრო მიუღდგომელი გახდა.

ჩვემა შემთხვევით გაიგო, რომ სკოლაში გამოდიოდა არც თუ ისე ცუდი ლიტერატურული ჟურნალი „ეგიდა“. როცა იქ ჩვეის ნარკვევი „ბონინის კუნძულები“ მიიღეს, მან დაასკვნა, სკოლაში ყოფნა არც ისე ცუდი ყოფილაო. ნარკვევი, რომელიც 1895 წლის იანვრისა და თებერვლის ნომრებში მოათავსეს, ნიჭიერად, ახლებურად და ცოცხლად იყო დაწერილი — აი, რატომაა, რომ იგი ახლაც სიამოვნებით იკითხება. ავტორი მკვეთრი შტრახებით გვიხატავს სარეწაო ფლოტილის ცხოვრებისა და კუნძულების სურათებს; დიდი სითბოთი და სიყვარულით აღწერს ადამიანებს, მაგრამ ყველაფერს ჩრდილავს მწერლის ენა, რომლის თითოეული სიტყვა მუსიკასავით ჟღერს. პრესაში საკუთარი ნაწარმოების გამოქვეყნებამ ჩვეს უფრო მეტად შეუწყო ხელი გარკვეულიყო სამწერლო ხელობის ავკარგია-ნობაში, ვიდრე ინგლისური ენის მასწავლებლის ჟამრავმა კრიტიკულმა შენიშვნამ. იგი ზიზლით უარყოფდა ჩვეის თავისუფალ: ლალ მანერას, მის მძაფრ აღტყინებას, ბუნებით აღტაცებას. მარტში „ეგიდამ“ გამოაქვეყნა მოთხრობა „საკეჩო ხონა აზი და ხაკა-დაკი“, შემდეგ კიდევ ორი მოთხრობა, რომლებიც „გზაზე“ გადატანილი შემთხვევებისადმი იყო მიძღვნილი. ისინი გვაოცებს სპეციფიური გამოთქმების სიმდიდრითა და „ხობოს ქვეყნის“ მცხოვრებთა ფსიქოლოგიის ღრმა ცოდნით. ერთს ეწოდება „ფრისკო კილი“, მეორეს — „ფრისკო კილიც უკან დაბრუნდა“.

რკინიგზელთა გაფიცვა შეწყდა და მასთან ერთად ჯონ ლონდონის მუშაობასაც მოელო ბოლო. ახლა მთელი ოჯახი ჩვეზე ამყარებდა იმედს. ის იძულებული გახდა გარეშე სამუშაოები ეძებნა და მეტრადამბვით ემუშავა. თავისთვის სრულიად აღარაფერი რჩებოდა. ამხანაგებმაც შეამჩნიეს, რომ იგი თანდათანობით სულ ცუდად და ცუდად იცვამდა. გამუდმებული გადაღლის, უჭმელობისა და უძილობის შედეგად, ნერვიული და გულფიცხი გახდა. თავის თავგადასავალს გულანდრღად ჰყვებოდა და მოსწავლეებმაც გაიგეს, რომ წარსულში მატროსი და მანანწალაც იყო. გოგონებს არ სურდათ მასთან რაიმე საერთო ჰქონოდათ. მწერლობის დაწყების ფაქტმა არამც თუ არ შეარჩია გარეშენი მის უცნაურობებთან, პირიქით,

აიძულა უფრო მეტად მორიდებოდნენ. მას უყვარდა წერა ღამღამობით, როცა მუშაობიდან თავისუფალი იყო; ამ დროს იგი ტკბებოდა წიგნებით, რომლებიც ლონდონების ოჯახის ექვსივე წევრის აბონემენტით გამოქპრნდა თავისთვის ბიბლიოთეკიდან. ამ პერიოდში მას აკლდა სწორედ ის, რაც ასე აუცილებელია ადამიანის ბედნიერებისათვის: მეგობრობა, სიყვარული, თავისი კუთხის გამოძებნა ამქვეყნად... ყოველივე ამას კი იგი მოკლებული იყო. ამ დროს შედის იგი ჰენრი კლეის სახელობის სადისკუსიო კლუბში.

ჰენრი კლეის კლუბი ერთადერთი ადგილი იყო, სადაც ოკლენდის ინტელიგენცია იკრიბებოდა. ამ კლუბის წევრები იყვნენ ახალგაზრდა მასწავლებლები, ექიმები, იურისტები, მუსიკოსები, სტუდენტები, სოციალისტები. ამ ადამიანებს ერთმანეთთან აკავშირებდათ საერთო ინტერესები გარე სამყაროსადმი. ისინი, ოკლენდის სხვა მცხოვრებთაგან განსხვავებით, ადამიანს ჩაცმულობით კი არა, ჰკუთნებდნენ. ჯეკი ერთ-ორ კრებაზე ჩუმად იჯდა, შემდეგ კი ისიც ჩაება კამათში. კლუბის წევრებს მოსწონდათ მისი აზრის მკაფიოდ ჩამოყალიბებისა და ლოგიკური მსჯელობის უნარი, მისი ძარღვიანი ირლანდიური იუმორი. ნათლად დაწერილი ზღვისა და „გზის“ მოთხრობები; მასში დაინახეს მხიარული და საინტერესო თანამოსაუბრე. შთაბეჭდილებას აძლიერებდა არა მარტო მისი მგზნებარე რწმენა სოციალიზმისადმი, არამედ მის მიერ ამ სფეროში დაგროვილი საფუძვლიანი ცოდნის მარაგიც. ჯეკისათვის კი იმ პერიოდში ყველაფერზე მთავარი ის იყო, რომ იგი მოეწონათ, რომ როგორც მეგობარი და თანასწორი, ისე მიიღეს. ასეთმა გულთბილმა დამოკიდებულებამ ჯეკს შეაძლებინა განთავისუფლებულიყო მოუქნელობისა და შებოჭილობისაგან; მისი დაღვრემილი გამოშეტყველებაც ნიავივით გაქრა, წელში გაიმართა, აზრს თავისუფლად და ამომწურავი სისრულით აყალიბებდა. მან მონახა თავისი ადგილი.

კლუბის წევრებს შორის ჯეკს ყველაზე უფრო მოეწონა თავლისფერთვალეობა, გამხდარი ყმაწვილი ელუარდ ებლგარტი. ჰკვირავნი, ენამახვილი და გამჭრიახი ელუარდი, ოკლენდში ჩამოსახლებული ინგლისური ინტელიგენტური ოჯახის შთამომავალი იყო. ის

და ჭეკი ერთი ხნისა იყვნენ; მთელ თავისუფალ დროს ერთად სეირ-
ნობასა და მეგობრულ მუსაიფში ატარებდნენ და ერთმანეთს ეხმარე-
ბოდნენ ნათელი, ლოგიკური აზროვნების განვითარებაში. ეპლგარ-
ტისათვის ჭეკი ღარიბი, ცუდად აღზრდილი და საექვო რეპუტაციის
მქონე ყმაწვილი კი არ იყო, არამედ ჭკვიანი, დამცინავი, ქარ-ცე-
ცხლში გამოვლილი, მართალია, იმეამად მათხოვარი, მაგრამ აღმავ-
ლობის გზაზე მღვარი ადამიანი.

ეპლგარტმა ჭეკი შინ მოიყვანა და თავისი და მეიბლი¹ გააცნო.
მისი პირველი დანახვისთანავე ჭეკს თავშეუკავებელი, განუსჯელი,
ტრფობის ალი მოედო.

ზეშთაგონებული გამომეტყველების მქონე, დიდცისფერთვალე-
ბა და ოქროსფერ ფუმფულათმებიანი მეიბლ ეპლგარტი ჰაეროვანო
არსება იყო. ჭეკი მას მაღალ ყლორტზე ატყორცნილ მკრთალ ოქროს-
ფერ ყვავილს ადარებდა. ლამაზი ტემბრის ხმა ჰქონდა და მისი
სიცილი ჭეკს მუსიკასავით ჩაესმოდა. მეიბლი სამი წლით უფროსი
იყო ჭეკზე. მის საქციელში თვალთმაქცობის ნატამალიც არ შეიმჩ-
ნოდა. მეიბლი კალიფორნიის უნივერსიტეტში ინგლისური ენისა და
ლიტერატურის სპეციალობას ეუფლებოდა. ჭეკში გაცეხას იწვევდა,
რადენ ფართო ცოდნას იტევდა ეს ლამაზი, პატარა თავი. უნაკლო
მანერები ჰქონდა: ხელოვნებისა და კულტურის სფეროში აღზრდილს,
ზედმიწევნით შეეთვისებინა ტაქტის გრძნობა, საზოგადოებაში მოხ-
დენილად თავდაქერის უნარი. ჭეკს უყვარდა იგი, როგორც ღვთა-
ება, რომელსაც მხოლოდ თავყვანი უნდა სცე, ხელის შეხება კი მკრე-
ხელობად მიაჩნდა. ჭეკის აღტაცებას საზღვარი არ ჰქონდა, როცა
დაინახა, რომ მეიბლი მას მეგობრულად, როგორც თავის ტოლს, ისე
ეჭყეოდა. მაგრამ რა იცოდა, რომ ჭეკის უხეში, მამაკაცური ძალა ისე-
ვე ხიბლავდა მეიბლს, როგორც ჭეკს—მისი სინაზე.

ეპლგარტების მყუდრო ოჯახი წიგნებითა და სურათებით იყო
სავსე. ჭეკი ამ სახლის ხშირი სტუმარი გახდა. ისინი სთავაზობდნენ
მას წიგნებს და უზიარებდნენ ცოდნასა და გამოცდილებას იმ სფე-
როში, რომელიც ჭეკისათვის ჯერ კიდევ უცნობი იყო. იგი გულდას-
მით აკვირდებოდა ეპლგარტების ქცევასა და მეტყველებას. 'მისი
ლექსიკონიდან თანდათან გაჰქრა მოუქნელი სიტყვები, მაგრამ ძვე-

¹ ჩარმიან ლონდონმა თავის წიგნში „ჭეკ ლონდონის ცხოვრება“ მეიბლ ეპლ-
გარტი გამოგონილი სახელით, ლილი მეიბლით შესცვალა.

ლებური, მატროსული ქანაობით სიარული და უხეში მიხერა-მოხერა მაინც შემორჩა. მას უკვე კლების სხვა წევრებიც იწვევდნენ. მათ ოჯახებში ჯეკი გაეცნო კოჭებამდე გრძელ კაბებში ჩაცმულ ინტელიგენტ ქალიშვილებს, რომლებთანაც ჩაის შეექცეოდა და საუბრობდა პოეზიაზე, ხელოვნებაზე და გრამატიკის დეტალებზე. იგი თანდათან ლმობიერი გახდა, მისი სახის მკვეთრი, მაგრამ სწორი ნაკვთები სიცილისაგან სულ უფრო ხშირად იბადრებოდა და სულ უფრო ღრმა სიყვარულით იმსქვალებოდა თავისი ახალი მეგობრების მიმართ.

ოკლენდში აღტაცებით ლაპარაკობდნენ ჯეკ ლონდონის, როგორც მომხიბვლელი და განსაკუთრებული ნიჭით დაჯილდოებული ყმაწვილის შესახებ. მას ბრწყინვალე მომავალს უწინასწარმეტყველებდნენ. ამ გამოხმაურებამ ოკლენდის საშუალო სკოლის მოწაფეებამდეც მიაღწია. ისინი გაკვირვებით შესცქეროდნენ ამ მუდამ მოწყენილ, ცუდად ჩაცმულ თანაკლასელს და ვერ მიმხვდარიყვნენ — რამ დაუხშო გონება უფროსებს, როცა მას ასეთ ხოტბას ასხამდნენ.

წყნარი ოკეანის სანაპიროზე პირველად ოკლენდში ჩამოყალიბებული სოციალისტური პარტიის¹ წევრებმა ჯეკს სთხოვეს მათი ორგანიზაციის წევრი გამხდარიყო. აქ მან გაიცნო ისეთი ადამიანები, როგორც იყო ბრიტანეთის მუშათა სოციალისტური პარტიის თავმჯდომარე ოსტინ ლუისი, შეხვდა გამოცდილ და გამობრძმედილ გერმანელ სოციალისტებს, რომელნიც სამშობლოდან გამოეძევებინათ სოციალისტური პარტიების აკრძალვის გამო.

ამ საზოგადოებამ ჯეკის მიმართ ე. წ. საჩარხავი ქვის როლი შეასრულა; მან სიპრიალემდე გაჩარხა მისი იარაღი — გონება. ოკლენდის სოციალისტური ორგანიზაცია წარმოადგენდა ისეთ ადამიანთა ჯგუფს, რომელთაც უფრო სულიერი ინტერესები აკავშირებდათ, ვიდრე ეკონომიური. ისინი იკრიბებოდნენ საღამოობით, რათა თავი გაერთოთ მუსიკით, თითო ტოლჩა ლუდი გადაეკრათ და ენა მოეფხნათ ამა თუ იმ პოლიტიკური საკითხის გარჩევაში. ესენი იყვნენ ინტელიგენტები, თეორეტიკოსები, რომელნიც კლასობრივ ბრძო-

¹ სტონს ალბათ მხედველობაში აქვს მუშათა სოციალისტური პარტია. ამერიკის შეერთებული შტატების სოციალისტური პარტია უფრო გვიან შეიქმნა.

ლაში უშუალო მონაწილეობას არ იღებდნენ: პარტიის რიგებში ჯერ კიდევ არც ერთი მუშა არ ირიცხებოდა. როგორი მადლობელიც არ უნდა ყოფილიყო ჯეკი მეცნიერული ცოდნის შეძენისა და სასიამოვნო შეხვედრებისათვის, იგი ვერ დაიჭერებდა, რომ სოციალიზმი ინტელიგენციის კუთვნილებას შეადგენდა. სოციალიზმი ეკუთვნის მუშებსა და მათ კავშირებს — იმათ, ვინც ისტორიის მსვლელობით მოწოდებულია კლასობრივი ბრძოლა აწარმოოს, მონაწილეობა მიიღოს რევოლუციურ ბრძოლებში და შექმნას საერთაშორისო სოციალისტური სახელმწიფო, რომელიც, როგორც კარლ მარქსი გვასწავლიდა, ცივილიზაციის განვითარების შემდეგი საფეხური იქნებოდა.

იგი ესწრებოდა მუშათა მიტინგებს, საუბრობდა პროფესიულ კავშირებში სოციალიზმზე და უსმენდა სხვების გამოსვლებს სიტყვით პარკში. ერთხელ ჯეკი სკამზე შეხტა და სიტყვით მიმართა ხალხს. იგი აღელვებით ლაპარაკობდა, რომ კაპიტალიზმი ორგანიზებული ძარცვის სისტემაა. მუშის ზურგზე წამომჭდარი კაპიტალისტი სუქდება მისი შრომით შექმნილი დოვლათით, ყვლფეს მას უკანასკნელ გროშამდე, შემდეგ კი აგდებს, როგორც ძველმანს... ათი წუთიც არ ელაპარაკა ჯეკს, რომ ბროდვეის ქვაფენილზე ცხენების თქარათქური გაისმა. პარკის ზღუდესთან სატუსალოს შავი კარეტა შეჩერდა და ჯეკთან ორი პოლიციელი მიიქრა. ხალხის თვალწინ იგი კარეტისაკენ წაიყვანეს, ფოლადის კარები გადარაზეს, ოკლენდის ქუჩები გაატარეს და საპატიმროში შეაგდეს. ჯეკმა პროტესტი განაცხადა, რომ ის იმყოფებოდა ამერიკაში, სადაც ხალხს სიტყვის თავისუფლება აქვს, სოციალიზმზე ლაპარაკი კი დანაშაული არ არის. უბნის მორიგე პოლიციელმა უპასუხა: შეიძლება სოციალიზმი არა, მაგრამ საჯაროდ სიტყვით გამოსვლა — კანონით ისჯება.

ეს ისტორია ოკლენდის გაზეთებმა დიდი სათაურით გამოაქვეყნეს, სადაც ჯეკს „ბავშვი-სოციალისტის“ სახელწოდებით იხსენიებდნენ. ეს სახელწოდება მას დიდხანს შემორჩა.

როგორ გახდა ჯეკ ლონდონი სოციალისტი? იგი სიღარიბეში გაიზარდა, შიმშილიც გამოიარა და გაჭირვებაც, მუშა კაცის ხვედრის მწარე სინამდვილეც განიცადა. მაგრამ შიმშილსა და სიცივეში

აღზრდილ მის თანამედროვე ასიათასობით ამერიკელს ხომ მოსწონდა კაპიტალისტური სისტემა და ცდილობდა როგორმე ხელში ჩაეგდო თავისი წილი სიმდიდრე. ჯეკს თავის დროზე იმდენი გამჭრიახობა კი ჰქონდა, მიმხვდარიყო, რომ ყოველგვარი ცივილიზაციის დროს ლატაკი ხალხის განსაზღვრული ნაწილი მაინც რჩება სამუშაოსა და ცხოვრებისაგან გარიყული. ამასთან ერთად, მისთვის უკვე აშკარა გახდა, სიძნელებიდან, რომლებიც მას წილად ხვდა ახალგაზრდობაში, მხოლოდ რამდენიმე თუ იყო ამერიკული კაპიტალიზმის ანტისოციალისტური არსის შედეგი, ხოლო შიმშილობდნენ უმთავრესად დედამისის თავდაუტყერელი. უაზრო წამოწყებების გამო; ამავე მიზეზით ჯონ ლონდონი დღენიდაც ხელცარიელი რჩებოდა.

გახდებოდა თუ არა ჯეკ ლონდონი სოციალისტი, ფლორა რომ არ ჩარეოდა ჯონ ლონდონის საქმეებში და ოჯახს უზრუნველი ცხოვრება ჰქონოდა? ალბათ—კი. აქვე უნდა აღინიშნოს, რომ ასეთ შემთხვევაში მისგან დადგებოდა სოციალისტი-თეორეტიკოსი ანდა უტოპისტი, და არა სოციალისტ-პროლეტარი, მოქმედების ადამიანი. მას დააკმაყოფილებდა სოციალიზმის თანდათანობით — საუკუნეების მანძილზე — დანერგვა პარლამენტური რეფორმების საშუალებით. იგი ვერ აღიგზნებოდა საბრძოლო მოწოდებით: „პროლეტარებო, შეერთდით! დაამსხვრიეთ ბორკილები! ძალით აღვგავთ პირისაგან მიწისა მძარცველებისა და მტაცებლების მმართველი კლასი!“

ჯეკი სოციალიზმში ხედავდა მწარმოებლური და სოციალური ურთიერთობის ისტორიული განვითარების ლოგიკით ნაკარნახევ და გამრავლების ცხირილივით ურყევ სისტემას. მის მიერ შექმნილი ცოდნის მარაგი ჯერ კიდევ შემოფარგლული იყო, მაგრამ მას ხელთ ჰქონდა გასაღები, რომელსაც აზროვნების მეცნიერული მეთოდის ათვისებისაკენ მიჰყავდა. მას შეეძლო ჯიუტად, გზიდან გადაუხვევლად გაჰყოლოდა შეხედულებათა განსაზღვრულ სისტემას, და ვაჟკაცურად მიეღო ყველა მისი შედეგი, თუნდაც იგი მისი თავდაპირველი მრწამსის საწინააღმდეგოც ყოფილიყო.

ამას გარდა, მას სხვა საფუძველიც გააჩნდა უკმაყოფილო ყოფილიყო გარემომცველი სამყაროსი — ეს იყო მისი ქორწინების გარეშე წარმოშობა. მას არ შეეძლო ამის გამო დედისადმი მტრული

ჯანწყობილება ჰქონოდა, რადგან უბედურებას ეს ვერაფერს უშველიდა. ვერც საქვეყნოდ აღიარებდა თავის განაწყენებას, რომელიც ჯულის კუნძულში ჩამალულიყო და იზრდებოდა მისი შეგნების ზრდასთან ერთად. გარე სამყაროში იგი მხოლოდ ერთ კონფლიქტს ხედავდა, რომელიც თავისი მასშტაბით მის შინაგან უთანხმოებას ეთანაბრებოდა, სახელდობრ — გაბატონებული კლასის დამხობა დაჩაგრული კლასის მიერ, რომლის წარმომადგენელიც თვითონ იყო.

სავაჭრო პალატის წევრები და ოკლენდის საზოგადოების გავლენიანი წრეების წარმომადგენლები აღშფოთებული იყვნენ. ვილაცამ გაბედა არსებული წყობილების დამხობის იდეის წამოყენება და ისიც ქალაქის თვითმმართველობის ბაღში! დაატუსაღეთ იგი! მაგრამ, სასამართლოში საქმის გარჩევის დროს მოსამართლემ მხედველობაში მიიღო ბრალდებულის წლოვანება. ჭკვი გაანთავისუფლეს და გააფრთხილეს — თუ მომავალში ამდაგვარ რამეს გაიმეორებდა, მას სატუსაღოში ჩასვამდნენ.

აღსანიშნავია, რომ ჭკვ ლონდონის გარდაცვალების შემდეგ, ოკლენდის მერმა დევისმა, მის პატივსაცემად სიტი ჰოლ პარკში მუხის ზე დარგო იმ ადგილის მახლობლად. სადაც ჭკვი დააპატიმრეს პირველი მგზნებარე სიტყვისათვის.

დაპატიმრებამ და მის გარშემო ატეხილმა განგაშმა მეტად შეარყია ჭკვის მდგომარეობა. მას მხარში ამოუდგნენ მხოლოდ ოკლენდის სოციალისტები, ედუარდ და მეიბლ ეპლგარტები და ჰენრი კლეის კლუბის ზოგიერთი სხვა წევრი. იმ დღეებში ჭკვი ჩიოდა, რომ ნამდვილ ადამიანებსაც კი, რომელთაც მასთან საუკეთესო დამოკიდებულება ჰქონდათ, დაუშვებლად მიაჩნდათ, რომ მათი დები მასთან ერთად ხალხში გამოჩენილიყვნენ. კლუბის წევრების მეშვეობით გაცნობილი ოჯახების კარი მისთვის დაიხურა. რაც შეეხება ოკლენდის დანარჩენ მცხოვრებლებს, ისინი იმ აზრისა იყვნენ, რომ ჭკვი მეტად არასასიამოვნო პიროვნება, მაწანწალა და კანონის გარეშე გამოცხადებული ადამიანია; იმ დროს, როცა ჭკვი ხამანწყებზე მეკობრეობას ეწეოდა, ვინ მოთვლის, რამდენჯერ უნახავთ სანაპიროზე მთვრალი და ისიც ცუდი ამხანაგების წრეში. შთამომავლობითაც ღარიბი ოჯახიდან იყო, რომლის მდგომარეობა

სულ უფრო გაუარესდა და ახლა ქალაქის ყველაზე ცუდ უბანში ცხოვრობდნენ. ოკლენდის მცხოვრებლები დარწმუნებული იყვნენ, თუ სოციალისტი ხარ, მაშასადამე, ჯერ ერთი, ზნედაცემული ადამიანი ხარ, მეორეც — თავში ყველაფერი რიგზე არა გაქვს. სოციალისტობა იმდენად არაჩვეულებრივ მოვლენად მიაჩნდათ, რომ ჯექს გაზეთების კორესპონდენტებიც კი მიუგზავნეს. როცა მან გაბედულად განაცხადა, კომუნალური ნაგებობები ქალაქის თვითმმართველობის საკუთრებაში უნდა გადაიცეს, იგი ანარქისტად, შფოთისთავად, წითელხალათიანად მონათლეს. ინტერვიუ პრესაში გამოაქვეყნეს პათოლოგიური გამოკვლევის სახით, რომელიც არანორმალური ადამიანის ახირებულ თვისებებს მიეძღვნა. ჯექს ურუანტელმა დაუარა, როცა წარმოიდგინა, რას დაწერდნენ გაზეთები მის შესახებ, თუ გაამხელდა, რომ მას სწამს წარმოების ყველა საშუალებათა განსაზოგადობა.

მეიბლ ეპლგარტი შეცბუნებული და თან უკმაყოფილო იყო ჯექსის დაპატიმრებითა და გაზეთებში გამოაქვეყნებული უხამსი ინტერვიუთი. მიუხედავად ამისა, ამ ეპიზოდს არაფერი შეუტყველია მათ დამოკიდებულებაში. ისინი შესანიშნავად ავსებდნენ ერთმანეთს: ჯანმრთელი, სიცოცხლით სავსე, ცოტა არ იყოს, ტლანქი ჯეკი და ნაზი, ნატიფი, ინტელექტუალური მეიბლი. ისინი ხან ველოსიპედით სეირნობდნენ, ხან პიკნიკებს აწყობდნენ ოქროსფერ, მაღალი ყაყაჩოებით დაფარული ბერკლის გორაკების ფერდობებზე, საიდანაც მთელი ყურე მოჩანდა; ხან დიდი ხნით მიდიოდნენ სასეირნოდ ჯექსის კარჭაპით. ერთხელ, ზაფხულის დასაწყისში, კვირა დილით ისინი ნელა მიტურავდნენ ქვევით, ყურეს შესართავისაკენ. მეიბლი ლამაზი თეთრი კაბითა და ფართოფარფლიანი ქუდით დინჯად იჯდა ნავის ცხვირთან და სუინბერნის სევდიან ლექსებს ისეთი მშვიდი და წყნარი ხმით უკითხავდა, რომ ჯექს ჩაეძინა. დაიწყო უკუქცევა და ნავი თავთხელზე დაჯდა. მეიბლმა ჯეკი არ გააღვიძა; მან იცოდა, რა ცოტა დრო რჩებოდა ჯექს დასვენებისათვის. გამოღვიძების შემდეგ ჯეკი იძულებული გახდა მუხლს ზევით აეკაპიწებინა თავისი ერთადერთი გამოსასვლელი შარვალი და მწებარე შლამიდან ნაპირზე ხელით გადაეყვანა თავისი თანამგზავრი: ეს პირველი შემთხვევა იყო, როცა მისი სატრფო მასთან ასე ახლო იმყოფებოდა.

სკოლაში ჭეკმა პირველი სემესტრი კარგად — „ბ“ შეფასებით დაამთავრა¹. ის მთელი ზაფხული მუშაობდა, რომ ოჯახსაც დახმარებოდა და სასკოლო ხარჯების დასაფარავლად რამდენიმე დოლარზე შემოენახა, ახლა კი იგი ოკლენდის საშუალო სკოლაში დაბრუნდა. „ეგიდაში“ წინანდებურად გამოჩნდა მისი სტატიები და მოთხრობები. უკვე ზუსტად ათი! — არც მეტი, არც ნაკლები. პატარ-პატარა მოთხრობებში, როგორცაა, მაგალითად, „კიდევ ერთი უილბლო“ და „ვის სწამს მოჩვენება?“ — კომპოზიციის უტყუარი ბუნებრივი ალლო შეიმჩნევა. „კიდევ ერთი უილბლო“ ახალგაზრდა მუსიკოსის ისტორიაა, რომელზედაც დიდ იმედებს ამყარებდნენ. უიდა სინიეს გმირის მსგავსად, ამ ახალგაზრდასაც სურს მთელი მსოფლიო თავისი მუსიკით დაიპყროს. მაგრამ წლების მანძილზე მიღებული გამოცდილებით იგი რწმუნდება, რომ მას სრულიად ჩვეულებრივი ტალანტი აქვს; იგი სიხარულით აწრიბინებს ვიოლინოს. სულ უბრალო ლუდხანაშიც კი, თავის უკანასკნელ თავშესაფარში. ერთ ღამეს კი თავს იკლავს, რადგან რწმუნდება ბავშვობის ოცნების მიუწვდომლობაში.

მოთხრობა „შტორმში“ — შექმნილია „სოფი საზერლენდზე“ ყოფნის დროინდელი საზღვაო თავგადასავალთა საფუძველზე. ავტორს ახარებს ბუნების სილამაზე, რომელიც ყოველ წუთს იცვლება; თვალს ადევნებს თოლიების დახვეწილ, გრაციით აღსავსე ნავარდს, ტყება ზღვაზე მზის ჩასვლის მშვენიერების ცქერით, აკვირდება დელფინთა გუნდებს, ვეშაპებს, რომელნიც შადრევნებს უშვებენ გემის საქარო მხრიდან, ხედავს, როგორ ბუნდოვნად გამოკრთის წინ მესაჰის ლანდი, აფრები კი ცის მწუხრ კამარაში იკარგება. ყოველ ხმაურში თავისებური ჰარმონიაა. მუსიკის უღერად ეჩვენება ბლოკების ჰრიალი, საიმედოდ აღმართული, დაჭიმული აფრების კვნესა, წყლის ტლაშუნი ტალღებზე მოცეკვავე გემის ცხვირზე, იალქანზე მფრინავი თევზის დანარცხების ხმა. იგი ზეიმობს, როცა ბუნება იღუშება, როცა შტორმის შავი ღრუბლები ცას გადაეკვრის, ხოლო ირგვლივ ღმუის ჰაერი, როგორც უხილავი

¹ შეფასება „ბ“ დაახლოებით შეესატყვისება ჩვენებურ „კარგს“, შეფასება „ა“ — „ფრიადს“.

ავი სული და გემბანის ნაცვლად ფეხქვეშ აქაფქაფებულ წყლის ნაკადს გრძნობ. ბრძოლის სიხარული სისხლს უჩქევებს, როცა სძლევს გამობერილ იალქნებს, როცა იმორჩილებს ურჩ მოწყობილობას და ბრწყინვალე სიმფონიად ჩაესმის მეზღვაურული სიმღერები — სიმღერა ადამიანისა, რომელიც სიცოცხლისათვის გაშმაგებულ ბრძოლაში ამარცხებს ბუნებას.

მას ნაზად უყვარდა ბუნება მისი სილამაზისათვის, მაგრამ უპირველესად უყვარდა მისი ურყევი სიმძლავრე, რომელთან შედარებითაც ადამიანები ქონდრისკაცებად მოჩანდნენ.

ოკლენდის საშუალო სკოლის ლიტერატურული ჟურნალის რედაქცია მხარს უჭერდა ლიბერალურ მიმართულებას. ამას ადასტურებს ის ფაქტი, რომ „გვიდაში“ მოათავსეს ჯეკის სოციალისტური სტატია „ოპტიმიზმი, პესიმიზმი და პატრიოტიზმი“, სადაც იგი ამხელდა შეძლებულთა ხელისუფლებას, ხალხთა მასებს გზას რომ უზობდა განათლებისაკენ. რატომ? იმიტომ, რომ განათლებას აიძულებს მათ აჯანყდნენ მონური მდგომარეობის წინააღმდეგ. იგი მძიმე ბრალდებას უყენებდა კაპიტალიზმს: მეტად გრძელი სამღაურო დღე, პატაგონური სისტემა, ხელფასის განუხრელად შემცირება; რასაც შეიძლება შედეგად მოჰყვეს საზოგადოების სოციალური და მორალური დაქვეითება. „ამერიკელებო, პატრიოტებო და ოპტიმისტებო, გაიღვიძეთ! — მოუწოდებს იგი. — გამოგლიჯეთ მმართველობის სადავეები გამყიდველ მბრძანებლებს და შეიტანეთ განათლება მასებში“.

სკოლაში იცოდნენ, რომ ჯეკს შეეძლო მქვერმეტყველურად და თანაც დამაჯერებლად ლაპარაკი. სწორედ ამიტომ შესთავაზეს მას მონაწილეობა მიეღო საშობაო არდადეგების დაწყებისადმი მიძღვნილ საზეიმო დისპუტში. დარწმუნებით შეიძლება ითქვას, რომ დისპუტის თემას საერთო არაფერი ჰქონდა სოციალიზმთან. მაგრამ; აი, სიტყვა აიღო ჯეკმა და ხუთი წუთიც არ გასულიყო, რომ მორთულ-მოკაზმულ საზოგადოებას — მოწაფეებს, მათ მშობლებსა და მეგობრებს — ჯეკი თავს დაესხა მკაცრი, მამხილებელი კრიტიკით სოციალიზმის პოზიციიდან. ერთ-ერთი დამსწრე მანდილოსანთაგანი თავის მოგონებებში წერს, რომ მსგავსი რამ მას არასდროს მოესმინა. ჯეკი ლაპარაკობდა, რომ უკვე დადგა დრო არსებული

საზოგადოებრივი წყობის ნგრევისა და რომ თვითონაც მზად არის ებრძოლოს მას ყოველნაირი საშუალებითა და ძალით. იგი არაჩვეულებრივი გატაცებით ლაპარაკობდა. თითქოს დაავიწყდა კიდევ, სად იმყოფებოდა და ხელები უკვე კლასობრივი მტრის ყელისაკენ მიჰქონდა. ზოგიერთებს შეეშინდათ, სხვებს ეგონათ, რომ ეს ხუმრობა იყო; ნაწილმა კი სანახაობა შესაბრალისად ჩასთვალა; ისინი ამტკიცებდნენ, რომ ყმაწვილი პასუხს არ აგებს თავისი საქციელისათვის, რომ იგი ფარული ფორმის განდიდების მანიითაა შეპყრობილიო. განათლების კომიტეტის წარმომადგენლები მკაცრი ზომების მიღებას მოითხოვდნენ.

საესებით დასაშვებია, რომ ჭეკმა ისარგებლა ამ ერთადერთი შესაძლებლობით: ამ შემთხვევის შემდეგ იგი აღარ დაბრუნებულა ოკლენდის საშუალო სკოლაში. სკოლის დამთავრებას კიდევ ორი წელი სჭირდებოდა, იგი კი უკვე ოცი წლის გახდა და დასაკარგავი დრო აღარ ჰქონდა.

ოკლენდის საშუალო სკოლისათვის თავის დანებების შემდეგ, იგი მოსამზადებელ კურსებზე შევიდა ალამედაში, რათა მომზადებულიყო უნივერსიტეტში საშემოდგომო მისაღები გამოცდებისათვის. ფული ელიზამ მისცა. ჭეკმა კურსებზე მხოლოდ ხუთ კვირას იარა. მან იმდენად სწრაფად მიაღწია წარმატებას, რომ სასწავლო დაწესებულების პატრონმა ფული უკანვე დაუბრუნა და წინადადება მისცა კურსებისათვის თავი დაენებებინა; როგორ შეძლებდა იგი კარგი რეპუტაცია შეენარჩუნებინა, თუ უნივერსიტეტში გაიგებდნენ, რომ მომზადების ორწლიანი კურსი შეიძლება ოთხ თვეში გაიარო?

კურსებზე გატარებულ ხუთ კვირას ფუჟად არ ჩაუვლია. ფაქტიური მასალის გარდა, იგი გაეცნო მუშაობის მეთოდს. მომდევნო სამი თვის განმავლობაში ჩაკეტილი იყო თავის ოთახში და დღე-ღამეში ცხრამეტ საათს წიგნებს ჩაჰკირკიტებდა; „ზუთხაედა“ მათემატიკას, ქიმიას, ისტორიასა და ინგლისურს. უარი თქვა ჰენრი კლეის კლუბზე, სოციალისტთა შეკრებებზე, მეცადინეობას შესწირა ის ძვირფასი საათებიც კი, რომელთაც ედუარდ და მეიბლ ეპლგარტების სახლში ატარებდა. დადლილობამ თავისი გაიტანა: თავი ძველებურად ველარ მუშაობდა, მთელ ტანში ტეხდა, დადლილობისაგან

ქუთუთოები უთრთოდა, მაგრამ ნებისყოფა ერთი წუთითაც არ შესუსტებია.

აქ განვლო თორმეტმა კვირამ; შემდეგ კი ტრამეაით გაემგზავრა ბერკლიში და რამდენიმე დღე დაჰყო იქ გამოცდების ჩასაბარებლად. დაამთავრა გამოცდები და სავსებით დარწმუნებულმა, რომ უეჭველად ჩაირიცხებოდა, ითხოვა ნავი, კაიუტაში შეიტანა ლოჯინი, პაკეტები, ქილები საკმლით და დილით ადრე, მიქცევასთან ერთად, ყურედან გავიდა. ზვირთცემის პირველ ტალღებთან ერთად აჰყვა ყურეს და ზურგის ქარის ხელშეწყობით წინ გასწია. კარკინესის სრუტეზე ჯერ მხოლოდ ბურუსი იფანტებოდა, როცა კიჩოს უკან დარჩა სანაპიროს ნაცნობი ნიშნები. ისინი პირველად მაშინ ნახა, როცა სატანა ნელსონთან ერთად „რეინდირზე“ დაჰქროდა. ისიც გაახსენდა, რომ სატანა იალქანს ძირს არასდროს არ ჩამოუშვებდა. ბენიციაში ჯექმა ნავი მისადგომთან მიაბა და კარჭაპებს მიაშურა. იქ ძველი მეგობრები დახვდნენ მეთევზეთა პატრულიდან. როცა ნავმისადგომში ჯექ ლონდონის დაბრუნების ხმა დაიბნა, თავი მოიყარეს მეთევზეებმა, რათა მოეგონებინათ ძველი დრო და მეგობრის სადღეგრძელო შეესვათ. წელიწადნახევარი იყო, რაც ჯექს მაგარი სასმელი არ დაეღია და იმ დღეს მაგრად დათვრა.

გვიან საღამოს მისმა ყოფილმა უფროსმა პატრულის სამსახურიდან. ორავლუმებზე სანადირო ნავი მისცა. ჯექმა თავის მოწყობილობას დაუმატა სათევზაო მაყალი, ყავადანი, ტაფა, შეიძინა ყავა, ხორცი, ცოცხალი თევზი და ნავი მისადგომიდან ახსნა. მოქცევა დამთავრებულიყო და მძლავრმა მიქცევამ, რომელიც მძვინვარე ქარს ებრძოდა, დიდი ღელვა გამოიწვია. ჯექმა მიმართულება აიღო სასუნის ყურესაკენ, რომელიც აბობოქრებული ნაკადებისაგან გათეთრებულიყო. ყალყზე შემდგარი ზვირთების ნაკადი შალანდაში მუხლებამდე აღწევდა, ტალღა ნავს ზედ ევლებოდა და აქეთ-იქით დააქანებდა. ჯექი კი ხარხარებდა და ხმამალა მღეროდა: „ნუ დაჩაგრავ ჩემს ქალიშვილს!“ და „აქეთ, მოთამაშე მაწანწალებო!“ იგი ზეიმობდა იმ სამყაროში შესვლას, სადაც იღვწის და იმარჯვებს აღმიანის გონება.

შვიდი დღის ნაოსნობის შემდეგ, იგი გამოცოცხლებული დაბ-

რუნდა უნივერსიტეტში მეცადინეობის დასაწყებად. ჯემს ჰოპერი იგონებდა, როგორ გამოიყურებოდა იმ დროს ჯეკი. იგი სკანდინავიელი მატროსისა და ძველი საბერძნეთის კერპთაყვანისმცემელთა ღმერთის არაჩვეულებრივი შეხამების განსახიერება იყო. ჩამტვრეული წინა ორი კბილი, რომელიც უღარდელად შეეწირა სადღაც ცემა-ტყეპას, სავსებით ბავშვურ შესახედობას აძლევდა. ჰოპერი ამბობს, რომ უნივერსიტეტის ეზოში მისმა პირველმავე დანახვამ თვალეში თითქოს მზის შუქი მომაფრქვია — მისი ტალღისებური გრუზა თმები „მზის ოქროს სხივებისაგან მოქსოვილს ჰგავდა“. ღრმად ამოჭრილი რბილი პერანგიდან მზისაგან გარუჯული, ბრინჯაოსფერი ღონიერი კისერი მოუჩანდა; თვალეში კი ისე ბრწყინავდა, როგორც ზღვა—მზის სხივებისაგან. დაუდევრად, თავისუფლად იყო ჩაცმული; სიარულის დროს განიერი ბეჭები ოდნავ ერხეოდა, რაც სახსოვრად შემორჩენოდა გემბანზე გატარებული დროიდან. თავშეუკავებელი ენთუზიაზმითა და გოლიათური განზრახვებით იყო გატაცებული. სურდა მოკლე დროში დაემთავრებინა ინგლისური ენისა და ლიტერატურის მთელი კურსი და აგრეთვე საბუნებისმეტყველო მეცნიერებათა, ისტორიისა და ფილოსოფიის კურსების უდიდესი ნაწილი. ბოლოს ჰოპერი ამბობს, რომ ჯეკი იყო უშიშარი ახალგაზრდა, პატიოსნებითა და მჩქეფარე ენერგიით აღსავსე.

ჯეკი აქ შეხვდა ოკლენდის საშუალო სკოლის ყოფილ მოსწავლეს გოგონას, რომელზედაც ერთი წლის წინ მისმა საქციელმა და გარეგნობამ საზიზღარი შთაბეჭდილება დატოვა. გოგონას განცვიფრებას საზღვარი არ ჰქონდა, როცა დაინახა ეს სუფთა, ფაქიზი და ბედნიერი ყმაწვილი, რომელიც თავისუფლად გრძნობდა თავს ახალ გარემოცვაში. სად გაჰქრა მისი მოუქნელობა და მოღუშული შესახედობა? მორცხვობა, რომელიც სულს უხუთავდა სკოლის წვრილფეხა საზოგადოებაში, თითქოს არც არასოდეს განეცადოს! უნივერსიტეტში იგი დღის უმეტეს ნაწილს მეიბლ ეპლგარტთან ერთად ატარებდა. აქვე იყვნენ მისი ამხანაგები ჰენრი კლეის კლუბიდან. სტუდენტთა შორის ჯეკს უკვე დაუმკვიდრდა თავზებელაღებული, რომანტიული განწყობის ადამიანის სახელი. მან ბევრი ამხანაგი შეიძინა, რომელთა შორის პატივისცემითა და სიყვარულით სარგებლობდა.

კალიფორნიის უნივერსიტეტში მცოდნე მასწავლებლებთან ერთად კარგი ბიბლიოთეკაც იყო. ჯეკი სულითა და გულით ტკებოდა მუშაობით. ეკონომიური და პოლიტიკური საკითხებისადმი მიძღვნილი მისი წერილები იბეჭდებოდა ოკლენდის გაზეთ „ტაიმსში“, ხოლო მოთხრობები ისეთ ადგილობრივ ჟურნალებში, როგორც იყო „სალამოები საკუთარ კერასთან“ და „ბოქმის მოყვარული“. უნივერსიტეტის ლიტერატურულ ჟურნალ „დასავლეთს“ კი იგი, როგორც ეტყობა, არაფერს აწვდიდა. ძველებურად ხან აქ, ხან იქ შემთხვევით სამუშაოს შოულობდა, ხოლო როცა უფულოდ დარჩებოდა, ორმოც დოლარს სესხულობდა ლუდხანა „ლასტ ჩანსის“ მეპატრონე ჯონ ჰეინოლდისაგან, სწორედ იმისაგან, რომელთანაც „რეზლ-დეზლის“ შესყიდვისას პირველად იგემა ვისკიცხოვრებაში.

მართალია, ჯეკმა უკვე ექვსი წლის ასაკიდან იცოდა, რომ ჯონ ლონდონი მისი მამინაცვალი იყო, მაგრამ გადაკრული სიტყვითაც კი არავისგან გაუგონია, ვინ იყო მისი ნამდვილი მამა. ახლა როგორღაც გაიგო, რომ ეს ადამიანი ჩანი იყო. საიდან გაიგო? შესაძლებელია, თვით ჯონ ლონდონმა აღსასრულის მოახლოების წინ უთხრა ჯექს სიმართლე — ეს ხომ ხელს შეუწყობდა მას გაერკვია თავისი მდგომარეობა. შესაძლოა, თვით ჯეკმა მოჰკრა ყური ოკლენდის ან სან-ფრანცისკოს ძველ მაცხოვრებელთა მითქმა-მოთქმას: ბევრი მათგანისათვის ხომ ცნობილი იყო მისი წარმოშობის ამბავი. როგორც ვიცით, დედამისისა და პროფესორ ჩანის შესახებ სტატიაც დაიბეჭდა გაზეთში; ვინ იცის, ეგებ შემთხვევით თვითონ წააწყდა „ქრონიკლში“ ამ წერილს. შეიძლება ვინმემ ჩააგონა, თვალი გადაეწვლია გაზეთის იმ ნომრისათვის, სადაც მოთავსებული იყო ცნობა მისი დაბადების შესახებ, და ჯეკმა აქედან დაასკვნა, რომ ქვეყნიერებას თურმე ჩანის სახელით მოევლინა. კიდევ ერთი ვარაუდი: „ქრონიკლში“ ცნობის მოთავსებიდან რვა თვის შემდეგ გაცემულ ქორწინების მოწმობას „ფლორა ჩანის“ ხელმოწერით ფლორა ყოველთვის საკეტ-გატეხილ ყუთში ინახავდა!

ჯეკმა თავისი აღმოჩენა ედუარდ ეპლგარტს გაანდო. თბილი, შზიანი დღე იყო. შეგობრები წმინდა მარიამის ძველი კოლეჯის მახლობლად ბროდვეიზე მისეირნობდნენ. ედუარდი მოგვითხრობს,

რომ ჭეკი საშინლად დაბნეული იყო და ნებართვა ითხოვდა, ჩანისათვის ეპლგარტების მისამართი გაეგზავნა. მან გადაწყვიტა დედისათვის არ შეემჩნევიინებინა, თუ რაიმე იცოდა მისი ცხოვრების ბო-ბოქარი წარსულის შესახებ. ჭერ ერთი, ეშინოდა მისთვის გული არ ეტკინა, და მეორე — სულაც არ სურდა, ფლორას ხელში ჩავარდნოდა ჩანის საპასუხო წერილი. ჭეკი სთხოვდა ჩანის, გაეფანტა მისთვის ის ეჭვი, რომელიც მთელი ცხოვრების მანძილზე გულს უღრღნიდა: „ვინ არის მამაჩემი? მართალია თუ არა, რომ დედაჩემს ცუდი, ზნედაცემული ქალის სახელი ჰქონდა გავარდნილი? იყო თუ არა იგი სულით ავადმყოფი?“

პირველი სემესტრი მან „ა“ და „ბ“ ხარახისის შეფასებებით დაასრულა, საშობაო არდადეგები მუშაობაში გაატარა და უნივერსიტეტში დაბრუნდა; რამდენიმე კვირის შემდეგ იგი დარწმუნდა, რომ განათლების მიღების ყველა ცდა განწირული იყო. დიდხანს დადიოდა ხმა, თითქოს მან უნივერსიტეტს თავი დაანება ინგლისური ენის ერთი პროფესორის მიზეზით, რომელმაც ჭეკის მიერ გადაცემული მოთხრობის ხელნაწერის კიდზე მიაწერა სიტყვა „უვარგისიას“ ბერძნული სინონიმი. ნამდვილი მიზეზი უფრო პროზაული იყო. ჯონ ლონდონი ალამედაში კარდაკარ დადიოდა და სხვადასხვა წვრილმანით ვაჭრობდა, რის უფლებაც მან მიიღო, როგორც სამოქალაქო ომის ვეტერანმა. მაგრამ იმდენად დასუსტებული იყო, რომ ძალ-ღონე არ ჰყოფნიდა თავისი თავისა და ფლორას გამოსაკვებად. ეს მოვალეობა ჭეკს დაეკისრა. ხელმოკლეობა რომ არა, შეიძლება ვივარაუდოთ, რომ ჭეკი გააგრძელებდა უნივერსიტეტში სწავლასა და უურნალ „დღაავლეთში“ ნარკვევებისა და მოთხრობების ბეჭდვას. ვინ იცის, ეგებ ჰყოფნოდა მოთმინება, რომ შეესრულებინა სასწავლო პროგრამით გათვალისწინებული ყველა მოთხოვნა და უნივერსიტეტი დაემთავრებინა.

მიუხედავად იმისა, რომ ოჯახს მეტად უჭირდა, გადაწყვიტა ერთხელ კიდევ ეცადა ბედი, ვიდრე ახალი სამუშაოს ძებნას შეუდგებოდა. მან ასე დაასკვნა: სულ ერთია, ადრე თუ გვიან იგი გახდება მწერალი. მაშ, რაღას უცადოს, უკეთესი არაა ახლავე ჩაუჭდეს და წერა დაიწყოს? ეგებ რაიმე გამოვიდეს? იქნებ შესძლოს ოჯახის შენახვა? გამოიმუშაოს დღეში არა ერთი დოლარი, როგორც ეს

შრომის ბაზარზეა დამკვიდრებული — არამედ მეტი? ხუთი წელია რაც კითხულობდა, მსჯელობდა და კამათობდა სხვადასხვა თემებზე, ავითარებდა, ამდიდრებდა გონებასა და წარმოსახვას. იგი ხედავდა ბუნებასა და მის დაუვიწყარ სურათებს შტორმისა და ავდრის დროს, მთელი თავისი სილამაზით. მას უმუშავია სხვადასხვა ეროვნების ადამიანთა მხარდამხარ, ბევრჯერ ყოფილა საშიშროების პირისპირ. ახლა კი დროა თავისი საუნჯე სხვებსაც გაუზიაროს.

ჩვენი ისევ ჩაიკეტა ოთახში. იგი ჯიუტად, გამუდმებით მუშაობდა დღე-ღამეში თხუთმეტი საათის განმავლობაში. ყოველგვარი ძალდატანების გარეშე, თავისუფლად წერდა საკმაოდ დიდ ნარკვევებს, მეცნიერულ და სოციალისტურ ტრაქტატებს, მოკლე მოთხრობებს. იუმორისტულ ლექსებს, ტრაგიკულ იამბიკოებსა და ეპიკური პოემების სპენსერისებურ მძიმე სტილის სტროფებს. იგი ისე გაიტაცა შემოქმედებითი ციებ-ცხელების პირველმა შეტევამ, რომ ჭამაც კი დაავიწყდა; ჩვენი შემდეგ ამბობდა ხოლმე, რომ ყველასაგან განსხვავებით, ვინც კი შემოქმედებითი წვით ოდესმე ასე მძლავრად ყოფილა შეპყრობილი, მხოლოდ მან შესძლო საბედისწერო დასასრულის თავიდან აცილება.

დაამთავრებდა თუ არა ხელნაწერების ბეჭდვას, უკანასკნელ გროშებსაც არ იშურებდა საფოსტო მარკებისათვის, რათა ისინი აღმოსავლეთისაკენ გაეგზავნა. როცა მათ უკანვე დაუბრუნებდნენ, წიგნებსა და ნივთებს იათად გაყიდდა, ისე სხებდა ფულს ვისგანაც კი შეეძლო და განაგრძობდა წერას. მაგრამ როცა სახლში უკანასკნელი ცენტრიც კი გამოილია, ჩვემა ფანქარი გადასდო და მუშაობა დაიწყო ბელმონტის აკადემიის სამრეცხაოში, სადაც თავის დროზე ფრენკ ნორისი სწავლობდა. საჭმელ-სასმელსა და ბინაში არაფერს იხდიდა, ასე რომ, მთელი თვის ხელფასი — ოცდაათი დოლარი (თუ-თუნის საფანჯრის გამოკლებით) შეეძლო ფლორასათვის მიეცა. მის მოვალეობას შეადგენდა სტუდენტების, მასწავლებლებისა და მათი ნეუღლეების თეთრი პერანგების, საყულოების, მანქეტების, თეთრი შარვლების დახარისხება, გარეცხვა, გახამება და დაუთოება.

მთელი კვირების განმავლობაში ოფის ღვრიდა თეთრეულის ულევ გროვანზე, მუშაობდა დამლამობითაც ელექტრონის შუქზე, რათა ჭუჭყიანი თეთრეული არ დაგროვილიყო. წიგნებით გატენი-

ლი სკივრი, რომელიც სახლიდან დიდი იმედით წამოიღო, გაუხსნელი დარჩა: სამუშაოს დამთავრების შემდეგ ივანეშვიძემ აკადემიის სამზარეულოში და დასაძინებლად მიეგდებოდა. მთელი კვირის განმავლობაში ოთხმოცი საათის მუშაობით ქანცამოლეულს და უძინარს, კვირაობით სიგრილეში წამოწოლისა და რაიმე კომიკურის წაკითხვის თავილა ჰქონდა. ხანდახან, თუ მეტისმეტად დაქანცული არ იყო, კვირა დღით ოკლენდში მიემგზავრებოდა ველოსიპედით, რათა რამდენიმე საათი მეიბლ ეპლგარტთან ერთად გაეტარებინა. მან იცოდა, რომ ჩინში იყო გამომწყვდეული, მაგრამ სად გაქცეულიყო? სხვა სამუშაო ეძებნა? სულ ერთი არ არის, სად იმუშავენ, თუკი დასვენების, კითხვის, ფიქრისა და ცხოვრებისათვის დრო აღარ დარჩება და იძულებული იქნება ლუკმაპურისათვის იმუშაოს? იგი სწორედ რომ სტანდარტული მანქანაა, რომელსაც იმდენ საქმელს აძლევენ და ძილისათვის იმდენ დროს უთმობენ, რომ მეორე დღეს მუშაობა შეძლოს. დიდხანს უნდა შეაკლას თავი ამ უაზრო მუშაობას? როგორ იპოვოს გზა ისეთი ცხოვრებისაკენ, როგორიც მას სურს? პასუხი ბედისწერამ გასცა. კლონდაიკში აღმოაჩინეს ოქრო და, როცა 1896 წლის გაზაფხულზე იქითკენ დაიძრა ოქროსმადიებელთა გიგანტური ტალღა, ჭეკი პირველთაგანი იყო მათ შორის. ფლორა და ჯონ ლონდონი მისი ოცდაათი დოლარის იმედით ცოცხლობდნენ. ეს ოცდაათი დოლარი რომ ეშოვნა, მან თავი დაანება უნივერსიტეტს, წერას, მაგრამ ახლა მშობლების მდგომარეობამაც ვეღარ შეაჩერა. მას თავგადასავალთა იღუმალი ხმა იზიდავდა.

გაჭირვების ტალღეებსად ისევ ერთგული ელიზა მოველინა. მისი ქმარი სამოც წელს უკვე გადაცილებულიყო, მაგრამ კლონდაიკის ციებ-ციხელებას ვერც იგი გაექცა. ელიზამ ათას დოლარად დააგირავა სახლი, ხუთასიც დანაზოგიდან აიღო და მამაკაცები გზას გაუყენა. ჭეკი და შეპარდი სან-ფრანცისკოსაკენ გაემგზავრნენ, სადაც ფართოდ გაეშალათ ალასკაში მოგზაურობისათვის საჭირო აღჭურვილობათა ხელსაყრელი ვაჭრობა. ჭეკმა და შეპარდმა შეიძინეს ბევრგამოდებული ქურთუკები, ბეწვის ქუდები, წითელი ფლანელის პერანგები, საბნები, კარავი, პატარა ლუმელი, მარხილის კავები,

ღვედები და ხელსაწყოები ნარტებისა და ნავების ასაკებად; ამას დაუმატეს კიდევ ათას-ათასი გირვანქა სანოვაგე თითოეულისათვის.

1897 წლის 12 მარტი¹ ისინი „უმატილათი“ გზას გაუღდნენ. ეს სწორედ ის გემი იყო, რომლითაც ჭეკი სან-ფრანცისკოში დაბრუნდა „გზაზე“. ხეტილის შემდეგ. სხვადასხვა ჯურის ხალხთა ამ შეკრებილობაში ყველაზე ახალგაზრდა ისევ ჭეკი იყო. ეს კუნთმაგარი ყმაწვილი საუკეთესოებს არ ჩამორჩებოდა არც კამათში, არც ცემატყევაში და არც მუშაობაში. მასში სიეშმაკისა და სიბოროტის ნატაბალიც არ იყო; ყველა მოსწონდა და მინადმიც ყველა კარგად იყო განწყობილი. „უმატილაზე“ ჭეკი დაუმეგობრდა ფრედ თომპსონს, მუშახტე ჭიმ ჰუდმანს და დურგალ სლოუპერს. იმ გაჭირვების დღეებში, რომელიც მათ წინ ელოდათ, ეს ოთხეული განუყრელ მეგობრად დარჩა.

გამბედავი ოქროსმადიებლებით სავსე „უმატილა“ არხში შევიდა და ლუზა ქალაქ სკეგვეისთან ჩაუშვა. აღგზნებული, მოუთმეხლობით შეპყრობილი მოგზაურები კარქაპებით გადაყავდათ და დაიის ნაპირზე სვამდნენ. იქ არქტიკული ზამთრისაგან თავდაცვისათვის განკუთვნილი სურსათ-სანოვაგით, ინსტრუმენტებითა და ტანსაცმლით გატენილ მრავალფუთიან ტომრებს შორის ათასობით მომავალი ოქროსმადიებელი გაფაციცებით ვაჭრობდა, ქირობდა ინდიელ მებარგულებს. როცა ჭეკი და შეპარდი სან-ფრანცისკოდან მიემგზავრებოდნენ, მათ უთხრეს, ჩილკუტის უღელტეხილზე ყოველი გირვანქა ბარგი ინდიელებს ექვს ცენტად გადააქვთო. მაგრამ იმ დროისათვის, როცა მათ დაიის ნაპირებს მიაღწიეს, მებარგულებმა ფასები ოცდაათ-ორმოც ცენტამდე ასწიეს. საკმარისი იყო გაოგნებული ოქროსმადიებელი წამით შეყოყმანებულიყო, რომ ფასი ორმოცდაათ ცენტამდე ავიარდებოდა.

თუ ჭეკი და შეპარდი ასეთ ფასს გადაიხდიდნენ, ერთი დოლარიც აღარ დარჩებოდათ და იუკონიდან მათ უკან დააბრუნებდნენ „ყვითელფეხებიანები“—ჩრდილო-დასავლეთის ცხენოსანი პოლიცია, რომელიც მოითხოვდა, გარდა ათასი გირვანქა სანოვაგისა, თათოეულ ოქროსმადიებელს ხელზე ნაღდად ხუთასი დოლარი ჰქო-

¹ ჩარმიან ლონდონი მეორე თარიღს, 1897 წლის 25 ივლისს, ასახელებს.

ნოდა. ბევრს საშუალებაც არა ჰქონდა ასეთი გასამრჯელო გადაეხა-
და მებარგულებისათვის და არც ღონე შესწევდა ჩილკუტის უღელ-
ტეხილის მეტისმეტად მომქანცველ გზაზე ზურგით გადაეტანა თა-
ვისი ბარგი. ასეთებმა თავი დამარცხებულად სცნეს და „უმატილას“
უკან დაბრუნებისას თან გაპყვნენ სან-ფრანცისკოში, მათ შორის
იყო შეპარდიც. ჭეკი დარჩა; დარჩნენ აგრეთვე თომასონი, ჰულ-
მანი და სლოუპერი.

ჯერ მხოლოდ აპრილი იყო, წინ თვეობით მძიმე მუშაობა მოე-
ლოდათ: უნდა გადაელახათ ჩილკუტი, ოცდახუთი მილის მანძილ-
ზე გადაეზიდათ თავიანთი ბარგი ლინდერმანის ტბამდე, გადასუ-
ლიყვნენ მის მეორე მხარეზე, გადაელახათ ჰორომები, ასეულ მილ-
ზე აპყლოდნენ ზევით მდინარე იუკონს დოუსონამდე და ოქროს
შემცველ მდინარე კლონდაიკამდე მიეღწიათ. ყველაფერი ეს უნდა
მოესწროთ მანამ, ვიდრე ყინვები დაიწყებოდა და ზამთარი გზებს
შეკრავდა. ჭეკმა, როგორც საზღვაო საქმის სპეციალისტმა, ნავი
შეიძინა; დატვირთეს იგი სანოვაგით და მეგობრები მას ბაგირით
ეზიდებოდნენ მდინარე დაიის, ანუ სხვანაირად რომ ვთქვათ, ლი-
ნის არხის საწინააღმდეგო დინებით. შვიდი მილის გავლის შემდეგ
შიაღწიეს ჩილკუტის უღელტეხილის დასაწყისს. ნავიდან ბარგი
გადმოიღეს და მოფარებულ ადგილას დამალეს, თვითონ კი ისარ-
გებლეს მდინარის საგაზაფხულო ბობოქარი დინებით და დაიოში
დაბრუნდნენ ბარგის მორიგი ნაწილის გადასატანად. მეგობრებს
რამდენიმე კვირა მოუხდათ მუშაობა, ვიდრე თოკგამობმული ნავით
რვა ათას გირვანქა ტვირთს უღელტეხილის დასაწყისამდე გადაზი-
დავდნენ.

როგორც ცნობილია, ჩილკუტის უღელტეხილი ერთ-ერთი უძნე-
ლესია ბარგის გადატანის მხრივ; მისი კლდოვანი კალთები თითქმის
ვერტიკალურადაა აღმართული. ჭეკმა ასობოცდაათი გირვანქა
ტვირთი მხარზე გაიღო და აღმართს შეუდგა. უღელტეხილის ძირი-
დან მის მწვერვალამდე, ექვსი მილის მანძილზე, თოკივით გაიჭიმა
ადამიანთა ნაკადი. ხანშიშესულები და ფიზიკურად სუსტები, ვინც
სათანადო გამბედაობა ვერ გამოიჩინა, ვისაც მთელი სიცოცხლე
თავის კანტორაში გაეტარებინა და ფანქარზე უმძიმესი ტვირთი ზელ-
ში არ აეღო, ახლა აქ ველარ გამოდგა და ქანცგამოლეულნი გზის

პირას წაიქცნენ. ასეთი ხალხი პირველივე გემით შტატებში დაბრუნდა.

ზაფხულის მზე სულ უფრო მხურვალედ აცხუნებდა. შუა გზაზე ჯექმა გაიხადა პალტო და ქურთუკი და გარკვეულნი ენერგიით გასწია წინ. მისი ალისფერი ფლანელის პერანგი აღიზიანებდა ინდიელთა წარმოსახვას. თითოეული მწვერვალის გადალახვას ერთი დღე სჭირდებოდა. ჯექმა, ჰუდმანმა, თომპსონმა და სლოუპერმა ოთხმოცდაათი დღე მოანდომეს რვა ათასი გირვანქა ბარგის უღელტეხილზე გადატანას. მის მიერ დაწერილ არც ერთ წიგნს იმაზე მეტი სიამოვნება არ მიუნიჭებია ჯეკისათვის, რაც იმ ფაქტს, რომ მან ინდიელ-მებარგულთაგან ბევრი უკან ჩამოიტოვა, მიუხედავად იმისა, რომ მისი ტვირთი არც ერთი მათგანის ტვირთზე ნაკლებს არ იწონიდა.

ლინდერმანის ტბასთან ოქროსმადიებლებს კიდევ ახალი ჯგუფი გამოეყო და უკან დაბრუნდა იმის გამო, რომ ტბაზე გადასასვლელი ნავი ვერსად იშოვეს. ჯექმა და მისმა მეგობრებმა ისევ საიმედო ადგილას ჩამალეს თავიანთი სურსათ-სანოვაგე და ყოველ დილით რვა მილის მანძილზე მიუყვებოდნენ ხოლმე ფეხით ტბის ნაპირს აღმა, სლოუპერის მიერ სახელდახელოდ გამართული ხე-ტყის სახერხისაკენ. რამდენიმე ხე მოჭრეს, დაამაგრეს და ხელის ხერხით ფიცრებად დახერხეს. ახლა სეილორ-ჯეკს ორი ბრტყელძირა ნავის გაკეთებისათვის უნდა ეხელმძღვანელა. ერთ მათგანს მან „იუკონის მზეთუნახავი“ დაარქვა, მეორეს — „მზეთუნახავი იუკონა“ და წყალში ჩაშვების დღეს თითოეულ მათგანს პოემა უძღვნა.

ჯექმა ბრუნენტიისაგან იალქნები გამოჭრა და შეკერა კიდევ. სარეკორდო სისწრაფით ნავი ტბის მეორე მხარეზე გადაიყვანა. ამრიგად, ყინვების დაწყებამდე დოუსონში ჩასვლის იმედიც გარკვეულა. მეგობრებმა უკან ჩამოიტოვეს ლინდერმანი, იუკონის სათავეს მიაღწიეს და გადამწყვეტი ნახტომის სამზადისს შეუდგნენ. ეგრეთ წოდებული „თეთრი ცხენის“ ჯორომებთან მგზავრებმა დაინახეს უამრავი ნავი, რომელთა გარშემო ათასობით ადამიანი ირეოდა. მათ გეგმები ჩაშლოდათ: ყველა ნავი, რომელიც კი ჯორომზე გადასვლას შეეცდებოდა, ეკიპაჟიანად იძირებოდა. თომპსონმა თქვა:

— წადი, ჯეკ, დაათვალიერე, განა ასეთი რა ჯორომებია. და თუ მეტიმეტად სახიფათოა...

ჩვენმა ორივე ნავი ნაპირთან მიაბა. მას გარს შემოეხვიენენ. ბევრი მათგანი თავის სიცოცხლეში ნავში არ მჯდარიყო, მაგრამ მაინც ერთხმად არწმუნებდნენ, კორომებზე გადასვლის ცდა სასიკვდილოდ თავის განწირვააო. ჩვენმა დაათვალიერა „თეთრი ცხენი“ და მეგობრებთან დაბრუნებულმა განაცხადა:

— არაფერია! თითოეული მათგანი ცდილობდა დინებას შებრ-
ეოლებოდა, რათა წყალქვეშა კლდეთა მწკრივებს არ დაჯახებოდა. ჩვენ კი დინებას გავყვეთ და გვერდს ავუვლით მათ.

ტვირთს ბრეზენტის იალქანი გადაათარა და ნავის კიდეებზე და-
ამაგრა. სლოუპერი ნიჩბით ნავის ცხვირთან დააყენა ჩაჩოქილი, თომასონი და ჰუდმანი ცენტრში დასვა, თვითონ კი კიჩოზე მოთავ-
სდა საქესთან. ნაპირიდან გამამხნევებელი შეძახილები გაისმა. ნავი წყლის ძირიფად მასას გაჰყვა, მშვიდობით გადაეწვლო კორომს და ხელსაყრელ ადგილას ნაპირს მიაღწა. მეგობრებმა ახლა მეორე ნავს მიაშურეს.

ჩვენს მრავალი მუშტარი გამოუჩნდა — ყველანი ნავის კორომზე გადაყვანას სთხოვდნენ. მან ფასი დააწესა: ოცდახუთი დოლარი თითოეული ნავის გადაყვანისათვის. რამდენიმე დღეში სამი ათასი დოლარი დააგროვა თავისი ჩვეულისათვის. შეიძლებოდა კიდევ ხუთი ათასის აღება, მაგრამ უკვე სექტემბრის მეორე ნახევარი იყო — ისედაც მეტად დიდ ხანს შეჩერდნენ აქ.

მდინარე სტიუარტის შესართავთან, დოუსონიდან სამოცდაათორ-
მეტი მილის მანძილზე, მოულოდნელად ზამთარი წამოეწიათ და გზის გაგრძელება შეუძლებელი გახდა. ოთხი მეგობარი ერთ ცარი-
ელ ქოხს დაეპატრონა იუკონის ნაპირზე; მოიმარაგეს შეშა და გრძე-
ლი ზამთრის შემოტევისათვის მოემზადნენ. სტიუარტის შესართავ-
თან ზამთარმა ორმოცდაათ-სამოცდაათამდე კაცს მოუსწრო, რომელ-
თა შორის იყო ექიმი, მოსამართლე, პროფესორი და ინჟინერი. მდინა-
რის ნაპირისაკენ ეშვებოდა ოდნავ დაქანებული მაღალი ბორცვე-
ბი, რომლებიც აქა-იქ ნაკადულებს დაესერა. ირგვლივ ნაძვის ტყე-
ები გადაჰქიმულიყო. მიწას ერთ მეტრზე მეტი სისქის თოვლის საბუ-
რავე შემოეფუთნა. დოუსონისაკენ მიმავალი გრძელი გზა უთუოდ
ჩვენს ქოხთან მიგიყვანდათ. საკვამლე მილიდან ზანტად მიიკლაკნე-
ბოდა მაღლა მაცდური თეთრი კვამლი, რომელიც სითბოს, სიმშ-

ვიდესა და მყუდროებას მოასწავებდა. სწორედ ამ კვამლმა მოიყვანა ქოხში დრო-არ-იცდის, ლუი სავოი, პიკოკი, პრუტი, სტივენსი, მეილმუტ კიდი, დელ ბიშოპი, მონადირეები, ინდიელები, „ყვირთელფეხებიანები“, ჩეჩაკოები, გამობრძმედილი მკვიდრი მაცხოვრებლები, სხვადასხვა ჯურის ხალხი, რომლებმაც უკვდავება პპოვეს ჯეკ ლონდონის მიერ ალასკაზე შეთხზულ წარმტაც მოთხრობებში.

ჯეკმა აქ ჩინებულად გაატარა ზამთარი მრავალფეროვან, სასიამოვნო საზოგადოებაში; ბანაკში რამდენიც სურდა, იმდენი წიგნი იშოვებოდა. თვითონ ჯეკმა ჩილკუტის უღელტეხილზე გადმოიტანა დარვინის „სახეთა წარმოშობა“, სპენსერის „სტილის ფილოსოფია“, მარქსის „კაპიტალი“ და მილტონის „დაკარგული სამოთხე“. ერთხელ, ადგილობრივი ოქროსმძიებელი ქარბუქში მოხვდა და ცოცხალ-მკვდარმა ქოხამდე ძლივს მოაღწია. ოთახი ხალხით იყო გაჭედილი. თამბაქოს სქელი ნისლი იდგა და ყველანი ერთად ყვიროდნენ, ხელებს იქნევდნენ. როცა გაიგო, რაზეც კამათობდა ასე გააფთრებით ეს შეკრებილობა, ოქროსმძიებელმა იფიქრა, ალბათ თოვლიან ქარბუქთან ბრძოლაში მე თვითონ დავკარგე გონებაო. რაზე კამათობდნენ? სოციალიზმზე.

ერთ საღამოს, მომიჯნავე ქოხის პატრონმა ვ. ბ. ჰარგრეივმა შემთხვევით ყური მოჰკრა ცხარე კამათს დარვინის თეორიის შესახებ. კამათობდნენ: მოსამართლე სალივანი, დოქტორი ბ. ფ. ჰარვი და ჯონ დილონი. ჯეკი საწოლზე წამოწოლილიყო; ისიც ყურს უგდებდა კამათს და რაღაცას იწერდა. როცა მეგობრებმა რომელიღაც საკითხს თავი ვერ გაართვეს, ჯეკმა შესძახა:

— მეგობრებო, ის ადგილი, რომლის ციტირებას ვერ ახერხებთ, დაახლოებით ასე უნდა ჰქონდეს ავტორს...

და მან საჭირო ციტატის ნაწყვეტი მოიყვანა. მაშინ ჰარგრეივი მეზობელი სახლისაკენ გაეშურა, სადაც „სახეთა წარმოშობა“ წაეღოთ, და წიგნით ხელში დაბრუნებულმა ჯეკს მიმართა:

— აბა, ჯეკ, გაგვიმეორე ის ადგილი და შევამოწმოთ ორიგინალში:

ჰარგრეივის გადმოცემით, ჯეკმა სიტყვა-სიტყვით გაიმეორა ის ნაწყვეტი.

ჰარგრეივი იგონებს, როცა პირველად მივედიო ჭეკთან, იგი საწოლზე ჩამოძვარიყო და თუთუნს ახევედა. ჰუდმანი საჭმელს ამზადებდა, სლოუპერი რაღაცას დურგლობდა. ჭეკი თურმე ჰუდმანის ორთოდოქსალურ შეხედულებებს აკრიტიკებდა და ახლა ჰუდმანი ჯიუტად ცდილობდა გაეზავლებინა მეგობრის ბრალდებები. ჭეკმა საუბარი შეწყვიტა და ახლად შემოსულ ადამიანს ისეთი ნათელი ღიმილითა და გულთბილი სტუმართმოყვარეობით მიეგება, რომ ყოველგვარი უხერხულობა მყისვე გაქრა. სტუმარი მაშინვე ჩააბეს კამათში.

ჰარგრეივი ადასტურებს, რომ ჭეკი ბუნებით კეთილი აყო, განუსჯელად ხელგაშლილი, ჭეშმარიტი მეგობარი მეგობართა შორის და თვით ბრწყინვალე ახალგაზრდებს შორის მზექაბუკივით გამოირჩეოდა. შინაგანი სისათუთე, რომელიც მას გააჩნდა, როგორ უხეშ გარემოცვაშიც არ უნდა აღმოჩენილიყო, შეუბღალავი, წმინდა რჩებოდა, ხოლო თუ კამათის დროს მოწინააღმდეგე თავს ვეღარ გაართმევდა მის მიერვე დახლართულ მსჯელობათა ქსელს, ჭეკი თავს უკან გადასწევდა და გადამდები სიცილი აუტყდებოდა. დახასიათება, რომელსაც ჰარგრეივი გამომშვიდობების დროს აძლევს ჭეკს, იმდენად გულწრფელია, რომ მასში ერთი სიტყვის შეცვლაც არ არის საჭირო.

„როცა ირგვლივ ყველას ძილი მოერეოდა, ჩვენ, მე და ჭეკი, დანებების განმავლობაში ვიჭეპით ხოლმე ნაძვის ხის მოგიზგიზე ნაპობებთან და საათობით ვსაუბრობდით. ნახევრადმიწოლილი იჯდა იგი უხეშად აგებულ ღუმელთან; სახეზე დასთამაშებდა ცეცხლის ანარეკლი და მის ვაჟკაცურ, ლამაზ ნაკეთებს ანათებდა. ადამიანთა მოდგმის რა არაჩვეულებრივი ეგზემპლარი იყო ჭეკი! მას სპეტაკი, სიხარულით აღსავსე, ნაზი, კეთილი, გული ჰქონდა, გული, რომელსაც ახალგაზრდული ეგოიზმის ნატამალიც არ გააჩნდა. ჯერ მხოლოდ ოცი წლისა იყო, მაგრამ უფრო მეტი. ხნისად გამოიყურებოდა: მოქნილი და ღონიერი ტანი ჰქონდა, ფართო, გახსნილი საყელოდან მძლავრი კისერი მოუჩანდა, აბურღული გრუზა თმა შუბლზე ჩამოშლოდა და, ბაასით გატაცებული, წამდაუწყუმ უკან გადაიყრიდა ხოლმე; მგრძნობიარე ტუჩებს შეეძლო ზოგჯერ მკაცრი, მბრძანებლური მოხაზულობაც მიეღო; ჰქონდა გასხივოს-

ნებული ღიმილი, გამოხედვა, რომელიც ხშირად სადღაც შორს, მისივე არსების სიღრმეში იკარგებოდა; მხატვრისა და მუცნების სახისგან, რომელიც მკვეთრი შტრიხებით იყო მოხაზული, ნებისყოფა და უსაზღვრო ენერჯია გამოსჰქვიოდა. კარჩაკეტილი ბინადარი კი არა, უსაზღვრო ხალვათობის მოტრფიალე ადამიანი იყო; ერთი სიტყვით, ნამდვილი ადამიანი, ვაჟაკი. იგი სიმართლის ძიების წყურვილით იყო შეპყრობილი. რელიგიას, ეკონომიკასა და, საერთოდ, ყველაფერს ქვეყნიერებაზე, ერთი საზომით უღგებოდა: „რა არის სიმართლე?“ მის აზროვნებაში ღიმილი იღვებოდა იბადებოდა. მასთან შეხვედრისას არ შეიძლებოდა მთელი სიძლიერით არ გეგრძნოთ არაჩვეულებრივი ინტელექტის ზემოქმედება. იგი ცხოვრებას ურყევი რწმენით შესჰქვიროდა და სიკვდილის პირისპირ მდგარი, სიმშვიდესა და თავდაპყრილობას არ ჰკარგავდა“.

ფრედ თომპსონმა მარხილი და ძაღლის აღკაზმულობა შეიძინა და ჯეტან ერთად ოქროს საბადოების დასაზღვერად აპყვა მრავალრიცხოვან ნაკადულებს, მდინარე იუკონის შენაკადებს. თომპსონის გადმოცემით, ჯეკი საგზაო ცხოვრების სპეციალისტი იყო. შეეძლო ქარბუქის დროს ცეცხლი გაეჩაღებინა, მშვენიერი კვერები გამოეცხო გემრიელად მოეხრაკა ლორი, ისე გაემართა კარავი, რომ ოცდაათგრადუსიანი სიცივის დროსაც კი თბილად ჩაგძინებოდა. ამდაგვარებზე ჯეკი უთუოდ იტყოდა, რომ ეს ადვილი საქმეა მაწანწალად ნამყოფი კაცისათვის, რომელიც მთელი წლის განმავლობაში ღია ცის ქვეშ იძინებდა ყოველგვარი საბნის გარეშე და სადღაც, რკინიგზასთან ახლოს, მაწანწალის „ჯუნგლებში“ კოცონთან მიმჯდარი, საჭმელს კონსერვის ქილაში ხარშავდა.

ჯეკმა და თომპსონმა თავიანთი ძიებანი ჰენდერსონზე დაიწყეს, რომელიც იუკონს სტიუარტის ბანაკიდან ერთი მილის ქვემოთ უერთდებოდა. იქ, სადღაც ჩქარი დინების გამო წყალი არ იყინებოდა, ხომინჯი ჩაასვეს და როცა უკან ამოაძვრეს, მასზე მიკრულ ქვიშაში ბრჭყვიალა ნამცეცები შეამჩნიეს. მღელვარებისაგან სუნთქვაშეკრულებმა ნაკვეთი შემოფარგლეს და ძაღლები სტიუარტისაკენ გამორეკეს, რათა სასიამოვნო ამბავი ემცნოთ. ბანაკის მკვიდრნი უკლებ-

ლივ, ზოგი ქვეითად, ზოგი ძალღებით გაეშურნენ ნაკვეთების დასაკავებლად.... „შევიძლია დარწმუნებული იყო, რომ ჩვენ მეოთხედი მილიონი ოქრო ჯიბეში გვაქვს“, — უთხრა თომპსონმა ჯექს. როგორ შეიძლებოდა ამ დროს ჯექს არ ეოცნება: ოქროთი გატენილი ტომრებით დაბრუნდება ოკლენდში; ფლორა და ჯონი ზელგამლილად იცხოვრებენ; ელიზას გადაუხდის კეთილი საქმეებისათვის გაწეულ ხარჯებს და ცოლად შეირთავს მეიბლ ეპლგარტს; ახლა მას საკმაოდრო ექნება, რომ წეროს, რამდენიც მოესურვება.

ოცნება დიდხანს არ გაგრძელებულა. ადგილობრივი მაცხოვრებლები, რომლებმაც აგრეთვე სასწრაფოდ მიაშურეს ჰენდერსონის ნაკადულს, სიცილ-ხარხარით დაბრუნდნენ უკან. ის, რაც ჯექს წმინდა ოქროს ნამცეცებად მოეჩვენა, უბრალოდ ქარსი აღმოჩნდა. თომპსონის დაკვირვებით, ჯექს მაინცდამაინც მწვავედ არ განუცდია იმედის გაცრუება; იგი ჯერ კიდევ „უმატილაზე“ ყოფნისას ეუბნებოდა თომპსონს, რომ ალასკაში ქვიშის საჩიჩქნად კი არ მიდის, არამედ წიგნებისათვის მასალის შესაგროვებლად. მაინც შეუძლებელია მასზე არ ემოქმედა ამ „უეჭველი“ მეოთხედი მილიონის დაკარგვას.

იმათ შორის, ვინც ჯექს ალასკაში იცნობდა, მის შესახებ ყველაზე უკეთ წერს ემილ ჯენსენი, რომელიც ჯექსა მეილმუტ კიდის პირველსახედ გაჰოიყენა. მწერალი შემდგომში მას იგონებდა, როგორც „კეთილშობილ ადამიანს“. ჯენსენი წერს, რომ ცივი, მივარდნილი მდინარის პირას პირველი გულთბილი სალამი ჯექსისაგან გაიგონა.

— შეუცდომლად შეიძლება ითქვას, რომ თქვენ მეზღვაური ხართ და ისიც სან-ფრანცისკოს ყურედან, — მითხრა ჯექსა. — ეს თუნდაც იქიდან ჩანს, რომ თქვენ მოხდენილად, ყოველგვარი ბიძგის გარეშე, მიაყენეთ ნავი ნაპირს, ძლიერი დინებისა და მცურავი ყინულის მიუხედავად.

ჯენსენი დასძენს, რომ ამ სიტყვებს თან სდევდა ბავშვური, მეგობრული ღიმილი და პირდაპირი, მხიარული გამოხედვა. ყოველთვის ალერსიანი ჯექსი სულით არასოდეს არ ეცემოდა; იგი მუდამ საიმედო მეგობარი იყო. როცა ვინმე არ გაიზიარებდა მის სოციალისტურ მრწამსს, ჯექსი ეტყოდა:

— მოითმინეთ, თქვენ ჯერ საამისოდ არ მომწიფებულხართ; თავის დროზე ყველაფერი იქნება.

ჯენსენის გადმოცემით, ჯეკის სახლი ყოველთვის საერთო ინტერესის ცენტრს წარმოადგენდა: ფართო და მრავალმხრივი ნატურის მქონე ჯეკს ვერავინ შეედრებოდა მსმენელთა ყურადღების დაპყრობაში. ხანდახან, როცა ვისიმე მონაყოლი ამბავი მსმენელებში ექვს გამოიწვევდა, მოსაუბრენი მხრებს უნდობლად აიჩიქავდნენ და დაიშლებოდნენ. ჯეკი კი რჩებოდა; მთქმელს ჭიუტად გამოჰკითხავდა ყველაფერს და ყოველ წვრილმანს ათქმევინებდა. ბანაკის ყოველდღიურ ცხოვრებაში მისთვის ყველაფერი ღრმა აზრს შეიცავდა და ამართლებდა მისი იქ ყოფნის თითოეულ საათს. იგი ყველგან პოულობდა რაიმე ახალს, მნიშვნელოვანს — იქნებოდა ეს ვისტის პარტია, კამათი ანდა გორაკების სამხრეთის კალთებზე მოციმციმე ნაშუადღევის მზის ცივი შუქი; როცა ღამლამობით, საიდუმლოებით მოცული ცის ქვეშ გაოცებული მოწიწებით და დუმილით შესცქეროდა თოვლის ბრწყინვას, ან როცა თავდავიწყებამდე აღელვებული თვალყურს ადევნებდა, როგორ ივსებოდა მძლავრი მდინარე წყალდიდობის დროს, იგი წინასწარ სიამით თრთოდა, როცა გაიფიქრებდა, რას უქადდა მომავალი.

ჯენსენი მოგვითხრობს ერთ სასაცილო ამბავს იმის შესახებ, თუ როგორ მისცა ჯეკმა მას „სახეთა წარმოშობა“. როცა ჯენსენმა შესჩივლა, რომ წიგნი მისთვის მეტად ძნელად გასაგები ენით არის დაწერილი, ჯეკმა უფრო ადვილად წასაკითხი ჰეკელის „სამყაროს საიდუმლოება“ შესთავაზა. მაგრამ მისთვის ესეც მიუწვდომელი აღმოჩნდა. მაშინ ჯეკმა საბნების გროვიდან გამოაძვრინა თავისი ყველაზე სანუკვარი საუნჯე — მილტონის „დაკარგული სამოთხე“. ჯენსენი გამოუტყდა, ლექსები არ მიყვარსო. ჯეკი დაუყვა იუკონს, მიაღწია იმ ქოხამდე, სადაც კიპლინგის „შვიდი ზღვა“ ჰქონდათ, მოუტანა ჯენსენს და შეევედრა მეგობარს, რამდენიმე გვერდი მაინც წაეკითხა, რათა ეგრძნო პოეზიის სიმშვენიერე. როცა ჯენსენმა იგი მთლიანად, უკანასკნელ სტრიქონამდე ჩაიკითხა, ჯეკმა ეს თავის უდიდეს გამარჯვებად ჩათვალა.

ჯენსენის ის სტრიქონები, რომელიც ჯეკის სამართლიან შეფასებას იძლევა, ღირსია იმისა, რომ მთლიანად იქნეს მოყვანილი:

„ჩვეყთან ნაცნობობა გამაცოცხლებელი, სასარგებლო და ნაყოფიერი იყო. იგი არასდროს ვარაუდობდა: ღირს თუ არა კიდევ თავის საფრთხეში ჩაგდება, რა სარგებლობას უნდა გამოელოდეს ამისგან? მოკლედ რომ ვთქვათ, იგი ყოველთვის ყველგან იყო; მთელ ბანაკს შემოვივლიდა, თუ წასაკითხი არაფერი ჰქონდა. არ დაიზარებდა მარხილით შეშის მოტანაში მიხმარებას; თუ დაინახავდა, რომ ჩვენ სულ უბრალო რამეზეც კი ვლიზიანდებოდით. მაგალითად, თუთუნის უქონლობის გამო, იგი მზად იყო ორი დღე ეძებნა თუთუნის ერთი შეკვრა. ვისიმე თხოვნით, ან თავისი სურვილით გაწეული დიდი თუ უმნიშვნელო დახმარებისათვის არათუ საკუთარ თავს, მთელ თავის ქონებასაც არ დაინანებდა. სახეზე მუდამ გაუქრობელი ღიმილი უკრთოდა“.

საწოლზე წამოწოლილ ჯეკს მრავალი საათი გაუტარებია წიგნების კითხვასა და ალასკურ შთაბეჭდილებათა ქაღალდზე გადატანაში. ყველაფერს იწერდა: გაგონილ ამბებს, პაექრობებს, რომლებშიაც თვითონაც იღებდა მონაწილეობას, მოსწრებულ გამოთქმებს, შეხედულებებს, მის სახლში ნამყოფ ადამიანთა პორტრეტებსა და დახასიათებებს. თომპსონი 1937 წელსაც კი ბუზღუნით იხსენებდა, რომ ზოგჯერ ჯეკზე არავითარი თხოვნა არ მოქმედებდა, დაეპო შეშა, ჩადგან, წარმოიდგინეთ, იგი თურმე მეტად დაკავებული იყო სოციალიზმის ქადაგებით. ალასკის ძველი მცხოვრებლები ადასტურებენ, რომ 1896 წლის ზამთარში სტიუარტის ბანაკში სოციალიზმი საყვარელ თემას წარმოადგენდა. ჯეკი მარტოხელა როდი იყო თავის რწმენაში; ბევრი იზიარებდა სოციალიზმის ეკონომიკის დებულებებს. ოქროს მაძიებლები ვეღარ ამჩნევდნენ სიტუაციის კომიზმს: ეს მეზობლო ინდივიდუალისტები, რომელნიც პირადი გამდიდრების მიზნით ოქროს საძებრად გამოჰკრილიყვნენ, თავისუფალ საათებს სოციალიზმის — კოლექტივიზმის ფილოსოფიის — ქებაში ატარებდნენ. ამაზე ჯეკი საწინააღმდეგო მოსაზრებას წამოაყენებდა, აქ გასაკვირი არაფერიაო: პიონერები, გულადი ადამიანები, ისევე არ შეუშინდებიან გამოიკვლიონ უცნობი, ხიფათით აღსავსე ქვეყნები, როგორც უცნობი, საშიშროებით აღსავსე თეოზიები.

ბოლოს, როცა გაზაფხული დადგა, ჯექს თავხედური განზრახვა შოუვიდა თავში — თავისი პაპის ნაკვალევს გაპყოლოდა: მარშალ უელმანმაც ხომ თავის დროზე ტივი შეჰქრა და გასცურა პუტინ-ბეის ყურედან კლიველნდამდე — საზღვრიდან საზღვრამდე. ჯექმა და ექიმმა პარვიმ დაშალეს ექიმის ქოხი, მორებისაგან ტივი შეჰქრეს და დოუსონამდე მდინარით იმგზავრეს, სადაც მორები ექვსას დოლარად ფაპყიდეს.

დოუსონი ძალიან მხიარული, კარვებიანი ქალაქი აღმოჩნდა ხუთიათასი მაცხოვრებლით: გაუფალტალახიანი მთავარი ჭუჩის ორივე მხარეზე სამიკიტნოები იყო ჩამწყკრივებული, სადაც არა მარტო სვამდნენ, არამედ ეძინათ, ყიდულობდნენ სურსათს, დებდნენ შეთანხმებებს, ცეკვავდნენ დანსინგების მოცეკვავე ქალებთან და პროფესიონალ-მოთამაშეებთან აგებდნენ ოქროს ქვიშას. სურსათ-სანოვაგე ცოტა იყო; ერთი ულუფა ლორიანი ერბო-კვერცხი სამნახევარი დოლარი ღირდა, მუშას კი დღეში ერთ უნცია ოქროს უხდიდნენ — დაახლოებით ჩვიდმეტნახევარ დოლარს. ქვეყნიერების ყოველი კუთხიდან ჩამოსულიყვნენ აქ დიდი ავანტურისტები. ცხენოსანი მილიციის მეთვალყურეობით უამრავი მეძავე ქალი მდინარის მეორე მხარეზე, ეგრეთ წოდებულ ლუს ტაუნში, გადაიყვანეს. მდინარის ნაპირებს აერთებდა ერთი კვარტალის სიგრძეზე გადაჭიმული, თოკებზე კიდული ხიდი. ჯექი აღნიშნავდა, რომ ოქროს მაძიებელთა შორის ცოტანი იყვნენ ისეთები, რომელნიც ამ ხიდზე გადასვლას ერიდებოდნენ.

თომპსონი მოგვითხრობს, ჯექს დოუსონში თითი თითზე არ დაუქარებიაო. მართალი რომ ვთქვათ, მან რამდენიმე დღე წაიმუშავა მდინარეში მორების დაჭერასა და ნავზე გამოზმული ბაგირით სახერხ ქარხნამდე მითრევაზე. მაგრამ, კაცმა რომ თქვას, რაღა საჭიროა მუშაობა, თუკი უფულოდ შეგიძლია შეხვიდე სადაც კი მოგესურვება? იგი სასურველი სტუმარი იყო დახლთან; ოქროს მაძიებლებს სასახლოდ მიაჩნდათ მისი მიპატიჟება, ოღონდ ჯექს ყური დაეგდო მათი უსასრულო საუბრისათვის. ჯექმა იცოდა, როგორ უნდა გამოეწვია ადამიანი სალაპარაკოდ, გაეგო მისგან ამბები, რომლებიც უვარგისი ვისკის დაღვევაზე უფრო აინტერესებდა. ქალებს იგი მოსწონდათ, რადგან, ჯერ ერთი, ლამაზი იყო და, მეორეც, იცოდა

მათთან საუბრის გაბმა. ფული რომ არა აქვს? მერე რა? სამაგიეროდ, მასთან არ მოგეწყინება! როცა მოსაუბრე არავინ ჰყავდა, ქუჩაში მოხერხებულ ადგილას გაჩერდებოდა და თავმოყრილ ხალხს თვითონ ართობდა საკუთარი მოთხრობებით. საღამოებს სათამაშო სახლებში ატარებდა, სადაც აკვირდებოდა და ჩანაწერებს აკეთებდა. ყურს უგდებდა სახელდობრ იმათ, ვინც სჭირდებოდა: მონადირეებსა და ალასკის მკვიდრ მცხოვრებლებს. რომელნიც იქ კლონდაიკის ოქროს საბადოს აღმოჩენამდე დასახლებულიყვნენ. ჯეკმა ნაწილ-ნაწილად, მაგრამ პირველმა ალაღვინა ამ ადგილების უტყუარი ისტორია. მან ისიც იცოდა, რა მასალა სჭირდებოდა, და ისიც, როგორ უნდა შეეგროვებინა ის: თავისი მომავალი სამუშაოსათვის ძვირფასი მასალების შესაგროვებლად გამოკითხვას აწარმოებდა განსაკუთრებული, მის მიერვე გამომუშავებული მეთოდით.


ალასკაზე ცოცხალი მწვანელი უღობა არ იშოვებოდა და ჯეკს სურავანდი დაემართა. სახეზე გამოაყარა, რამდენიმე შემორჩენილი კბილიც მოერყა. იგი მოათავსეს კათოლიკეთა ჰოსპიტალში, სადაც თომპსონმა, მისივე გადმოცემით, მცირეოდენი გადასახდელი შეიტანა ხარჯების დასაფარავად. აქ მას მანამ მკურნალობდნენ, ვიდრე ისე არ მოღონიერდა, რომ მგზავრობა შესძლებოდა. იენისში კენტუეელი ტეილორი, ჯონ ტორნსონი და ჯეკი დანჯღრეული ღია ნავით დოუსონიდან გაემგზავრნენ. მათ ათას ცხრაასი მილი გაიარეს იუკონის დაყოლებით ბერინგის ზღვის გასწვრივ. ნავი ჯეკს მიჰყავდა. შუადღის პაპანაქებაშიც კი განაგრძობდნენ გზას და ნაპირს მხოლოდ დაღამებისას თუ მიადგებოდნენ ხოლმე ღამის გასათევად. ისინი მიცურავდნენ იუკონის დაბლობების გასწვრივ, სადაც უთვალავი კოლო გასწიოდა; ჭორომებს გასცდნენ. გზადაგზა თვალს ადევნებდნენ, 'თუ როგორ ცეკვავდნენ ანგლო-საქსები ადგილობრივ სოფლებში ინდიელ ქალიშვილებთან.

მართალია, სურავანდმა სისხლნაყლენით მთლიანად დაუფარა ჯეკს ტანის ქვედა ნაწილი, ხოლო მარცხენა ფეხი ისე გაუჟავა, რომ გაშლა არ შეეძლო, მაგრამ ღამღამობით, როცა ამხანაგებს ეძინათ, იგი მაინც გარეულ ფრინველებზე ნადირობდა. ყოველდღიურად უბის წიგნაკში ახალ ჩანაწერებს აკეთებდა იმაზე, თუ როგორ შაქრდებოდა ყოლო ბარდით დაფარულ კუნძულებზე,

როგორ ტკრციალებდნენ მწყრები, როგორ ხმაშეწყობილად გაპკიოდნენ თოლიები და ბატაინები, მიფრინავდნენ გარეული იხეები, აფრთხილდებოდნენ ხოლმე დალღები; რა ლამაზია ღამე, როცა წყნარად მიცურავ მდინარის დაყოლებით. შემდეგ კი იქვე, უბის წიგნაკის კიდეებზე, აღნიშნავდა: ეს მასალა კარგია ჟურნალისათვის „სუფთა ჰაერზე“, ის — „აბალგაზრდობის თანამგზავრისათვის“.

ათას ცხრაასი მილის გასაველელად ჯეკსა და მის მეგობრებს ცხრა-მეტი დღე დასჭირდათ. მშვიდობიანად იმგზავრეს ბერინგის ზღვის სანაპიროების გასწვრივ და წმინდა მიხეილის ფორტთან ნავი ნაპირს მიაყენეს. ჯეკი ნახშირის გადამრჩეველად მოეწყო წმინდა მიხეილის ფორტიდან ბრიტანეთის კოლუმბიაში მიმავალ გემზე, იქიდან სიეტლამდე კი მეოთხე კლასით იმგზავრა. გაქნილი მაწანწალისათვის სიძნელეს არ წარმოადგენდა სატვირთო მატარებლებით სიეტლიდან ოკლენდამდე ჩასვლა.

შინ დაბრუნებულს ჯიბეში ერთი გროშიც არ მოეძეოდა. მიუხედავად ამისა, სწორედ მან, რომელმაც ალასკაში ერთი უნცია ოქროც ვერ იშოვა, ოქროს ციებ-ციხელებით უფრო მეტი მოიგო, ვიდრე რომელიმე იქაურმა ძველმა მცხოვრებმა, რომელმაც ოქროს შემცველ ნაკადულ ბონანზაზე ნაკვეთი შემოფარგლა.



IV

შინ, აღმოსავლეთის მხარის მეთექვსმეტე ქუჩაზე № 962-ში დაბრუნებულმა ჯექმა შეიტყო, რომ ჯონ ლონდონი გარდაცვლილიყო. მისთვის ეს დიდად სამწუხარო ამბავი იყო. გარდა სიკეთისა და მეგობრული თანაგრძნობისა, ჯექს მაშინაცვლისაგან არაფერი ახსოვდა.

აქამდე თავისთავად იგულისხმებოდა, რომ ოჯახის მეთაური ჯონ ლონდონი იყო. ყოველდღიურ ლუქმაპურზე სწორედ ის ზრუნავდა, რამდენადაც ხანდაზმულობა და ჰუსტი ჯანმრთელობა ამის საშუალებას აძლევდა. ახლა ოჯახის მეთაური ჯექი გახდა. მას კიდევ ერთი საზრუნავი მოემატა: ფლორამ იშვილა ჯონი მილერი, ჯონ ლონდონის შვილისშვილი უმცროსი ქალიშვილისაგან, რომელიც მან თან ჩამოიყვანა კალიფორნიაში. ხუთი წლის ბიჭუნამ ფლორას სანით შეიძინა თავდადებული დედა, რომელიც მისთვის არ იშურებდა სინაზუს, რაც ასე აკლდა ჯექს ბავშვობის სევდიან წლებში.

ჯექს მხოლოდ ერთი მისწრაფება ჰქონდა: გამხდარიყო მწერალი. ეს გადაწყვეტილება ახირებულობით, განდიდებისა და გამდიდ-

რების წყურვილით, ანდა პრესაში თავისი სახელის გამოჩენის სურვილით კი არ იყო გამოწვეული. იგი მისი შინაგანი არსიდან მომდინარეობდა და ნაკარნახევი იყო მთელი მისი მბრძანებლური ბუნებითა და ტალანტით. უბის წიგნაკი სავსე იყო „გზის“ დროინდელი სახასიათო ჩანახატებით, ალასკური ყოფის სცენებით, დიალოგების ნაწყვეტებით, სიუჟეტური კომპოზიციებით, რომლებიც ძალდაუტანებლად, თავისთავად ისახებოდა ფურცლებზე. ჯეკი ბუნებით იყო დაჯილდოებული ნიჭით — მწვავედ აღქვა, ღრმად შეეგრძნო და თავის შთაბეჭდილებები თავისუფლად გადმოეცა სიტყვებით.

თითქმის ორი ათასამდე მილის მანძილზე გემით მგზავრობისას, იუკონის დაყოლებით წმინდა მიხეილის ფორტიდან სიეტლამდე, ჯეკმა უკვე მოხაზა გეგმები და მასალები შეარჩია იმ მოთხრობებისათვის, რომელთა დაწერასაც აპირებდა შინ დაბრუნების შემდეგ. კლონდაიკში იგი ისეთი შეხლა-შემოხლისა და შეტაკებების მოწმე იყო, რომ თავი ვგლარ იტევდა მათ და თავისთავად მოითხოვდა ქალაქებზე გადატანას.

მოვალეობის გრძნობა ჯეკში დროგამოშვებით იღვიძებდა. გაზეთების გამყიდველად და საკონსერვო ქარხანაში მუშაობის დროს იგი ხელფასს მთლიანად საკმეღსასმელზე, ბინის ქირასა და ფლორას წამლებზე ხარჯავდა. შემდეგ უარი თქვა მუდმივ ხელფასზე და ხამანწყებზე დაიწყო მეკობრეობა. მეკობრეობიდან ამოგებული მთელი ფული ისევ ოჯახის საჭიროებისათვის იხარჯებოდა, ვიდრე ჯეკმა მისი განიავება არ დაიწყო თავშეუკავებელ ლოთობაში. „სოფი საზერლენდზე“ ნაწინობიდან დაბრუნების შემდეგ, მან ზოგჯერამ შეიძინა ტანზე ჩასაცმელი, მაგრამ ისიც ნახმარი; დანარჩენი, რაც გემზე მუშაობისათვის მიიღო, უქლებლივ დედას გადასცა. ჯუთის ქარხანაში, ელექტროსადგურზე, ანდა სამრეცხაოში მუშაობის დროს, თავისთვის იგი კვირაში მხოლოდ სამოცდათხუთმეტ ცენტს იტოვებდა. ასეთი სამაგალითო ყოფაქცევა რამდენიმე თვე გრძელდებოდა, რაც მას მეტად მოსაწყენად და ერთფეროვნად ეჩვენებოდა; შემდეგ „ზამბარა“ შეჩერდებოდა, მოვალეობის გრძნობა სადღაც გაპქრებოდა და ჯეკიც გაიპარებოდა თავგადასავალთა საძებრად „გზაზე“ ან კიდევ კლონდაიკში. ახლა, ოცდაორი წლის ასაკში, იგი დაუოკებელმა სურვილმა შეიპყრო, რაღაც შე-

ექმნა, სიცოცხლე შეეწირა შემოქმედებითი მუშაობისათვის, ყური არ ეგდო მოვალეობის გრძნობისათვის და, პირველად ცხოვრებაში ექნებოდა კიდევ სერიოზული მიზეზი.

ამის ნაცვლად მან მტკიცედ გადაწყვიტა ჯერჯერობით უარი ეთქვა თავის განზრახვაზე. მოთხრობები დაიცდის. თექვსმეტი თვის განმავლობაში თავისუფალი ცხოვრების შემდეგ იგი გაორკეცებული ძალით შეიპყრო მოვალეობის გრძნობამ. „ზამბარა“ ისევ ამუშავდა. იგი ვერ დატოვებს დედასა და მის შვილობილს გაჭირვებაში. მოთხრობები ჯერ უნდა დაიწეროს, მერე გაიყიდოს! ამას კი თვეები დასჭირდება. არა. ახლობლებს აკლიათ თვით ყველაზე აუცილებელიც კი. მაშასადამე, დაუყოვნებლივ უნდა იშოვოს სამუშაო.

მძიმე დრო იყო. შორეული დასავლეთი ჯერ კიდევ განიცდიდა 1893 წლის კრიზისის შედეგებს, რომელმაც ხუთი წლის უკან ჯეკი აიძულა ჯუთის ქარხანაში დაეწყო მუშაობა, საათში ხუთ ცენტად. იმით გულმოსული, რომ კაპიტალისტურ, ძვალარბილში ანგარებაგამძღარ საზოგადოებაში ყოველთვის მძიმე დროა, ჯეკი სამუშაოს ძებნას შეუდგა. დიდხანს დაეხეტებოდა ქუჩებში და ნავსადგურების სანაპიროებზე — ამაოდ. ახლა თვით ყველაზე ჭკუყიანი, ყველაზე შავი სამუშაოს შოვნაც კი შეუძლებელი იყო. ოკლენდის ყველა სამრეცხაოში სცადა ბედი — მას ხომ ჰქონდა გამოცდილება ამ დარგში. უშედეგოდ. უკანასკნელი სახსრებიდან ორი დოლარი გაზეთებში გამოცხადებაზე დახარჯა. თვითონაც აკითხავდა ღრმად მოხუცებულ ინვალიდთა განცხადებებს, რომელნიც კომპანიონებს ეძებდნენ; დადიოდა კარდაკარ და საკერავ მანქანებს ყიდდა, როგორც ჯონ ლონდონი სან-ფრანცისკოში ოცი წლის უკან. იგი გრძნობდა, რომ მუშახელის ბაზარზე ხელსაყრელი საქონელი იყო: ღონიერი, ჯანმრთელი, წონით ას სამოცდახუთი გირვანქა. ყოველივე ამის მიუხედავად. ვერაფერი იშოვა, გარდა ისეთი შემთხვევითი სამუშაოებისა, როგორსაც ოკლენდის საშუალო სკოლის მოწაფედ ყოფნის დროს ეწეოდა: აქ გაზონების გათიბვა, იქ ცოცხალი ღობეების გაკრეპა, თანჯრების გარეცხვა, უკანა ეზოში ნოხების გაბერტყვა, მაგრამ იშვიათად თუ მოახერხებდა დღეში ერთი დოლარის შოვნას.

მეიბლ და ედუარდ ეპლგარტებმა სადილი გამართეს მისი დაბრუნების აღსანიშნავად. მოწვეულთა შორის იყვნენ ჭეკის ძველი მეგობრები ჰენრი კლეის სადისკუსიო კლუბიდან. ყველა გულითადად ესალმებოდა, ზოგი მაგრად ართმევდა ხელს, ზოგიც ბეჭებზე უტყაპუნებდა — ყველა მოხარული იყო, რომ იგი ისევ მათთან, ოკლენდში დაბრუნდა. გულითადი მიღებით გულაჩუყებული ჭეკი უხვად გაუმასპინძლდა მათ კლონდაიკის ამბებით და... თან თითოეულს ჩუმად ეკითხებოდა: „სამუშაო ხომ არ გეგულებათ სადმეო?“ ამაოდ.

თექვსმეტი თვის განშორების, სტიუარტის ბანაკისა და დოუსონის ოქროს მაძიებელთა შორის ცხოვრების მკაცრი პირობების შემდეგ, ჭეკს შეიბლი კიდევ უფრო ნაზი და მშვენიერი მოეჩვენა. როცა კლუბის წევრთაგან, როგორც იქნა, უკანასკნელი გამოემშვიდობა მათ და წავიდა, ედუარდმა კი ტაქტიკურად თავის ოთახს მიაშურა, მეიბლმა ზედა სინათლე ჩააქრო, ჭეკს ნაზად გაუყარა ხელი, რომალთან მიიყვანა და სიმღერა დაიწყო თავისი აკომპანემენტით. ეს ის სიმღერა იყო, რომელიც მაშინ მოისმინა, როცა პირველად მოვიდა ამ ოჯახში; მეიბლმა იგრძნო, როგორ იზიდავდა და თანაც როგორ აშინებდა ჭეკის უხეში ვაჟკაცური ძალა. მის პირდაპირ იდგა მუსიკითა და სუნამოს ნაზი სურნელებით გაბრუებული, რომალზე დაყრდნობილი ჭეკი. მეიბლი ხედავდა, როგორ ელვარებდა მისი თვალები და გრძნობდა, რომ მასაც—მასაც უყვარდა ჭეკი! განა ამიტომ არ ჟღერს მთელი სისრულით მისი მელოდიური პატარა ხმა? სენტიმენტალური ბალადის სიტყვებით მეიბლი მას სიყვარულს უმყლავნებს. ჭეკი გრძნობს ამას, მაგრამ გულის გახსნა ჭერ ადრეა; მას უფლება არა აქვს წაიყვანოს იგი ამ ფაქიზი გემოვნებით მორთული სახლიდან, ჩამოაშოროს წიგნებს, სურათებს, მუსიკას. რა შეუძლია მას შესთავაზოს ამის ნაცვლად? რაღაც ძონძები და ნახევრადმშვიერი არსებობა?

მეორე დილით ჭეკმა ოკლენდის გაზეთში თვალი მოჰკრა განცხადებას: ფოსტის მუშაკის თანამდებობაზე ტარდებოდა შესარჩევი გამოცდები. ჭეკი ისარნაკრავივით გაიქცა მთავარ ფოსტამტში, ჩააბარა გამოცდა და 85,38 ქულა შეაგროვა. მაშინვე რომ გამოძებნილიყო თავისუფალი ადგილი, ჭეკს ახლო მომავალში მოუხდებოდა

თავისი მარშრუტით სირბილი ოკლენდის ქუჩებში, ფოსტალიონის ჩანთით მხარზე.

შემთხვევითი სამუშაოები, რომელთაც ჯეკი ასრულებდა, მისგან, მართალია, მთელ დღეს არ მოითხოვდა, მაგრამ, სამაგიეროდ, აღებულნი ფული არ ჰყოფნიდა ოჯახის საჭიროებებს. სან-ფრანცისკოში გამომავალ გაზეთ „ექზამინერის“ საკვირაო დამატებაში ჯეკმა წაიკითხა, რომ ჟურნალებში მოთავსებული ყოველი ათასი სიტყვისათვის მინიმალური განაკვეთი ათი დოლარი იყო. მას მზად ჰქონდა საინტერესო მასალა და გრძნობდა კიდევ, თუ როგორ ითხოვდა მოთხრობები ქალაქში გადატანას.

იგი მიუჯდა თავის პაწაწინა — ორნახევარი-სამ მეტრზე ფართობის — ოთახში ფლორას მიერ გამართულ უხეშ მაგიდას, დაწერა ათასსიტყვიანი მოთხრობა ღია ნავით იუკონის დაყოლებით მოგზაურობის შესახებ და გაუგზავნა „ექზამინერის“ რედაქტორს სან-ფრანცისკოში. ჯეკს აზრადაც არ მოსვლია, რომ ასე იწყებოდა მისი ლიტერატურული კარიერა — მისი სურვილი იყო ათი დოლარის შოვნა, რათა ბინის პატრონის გულიც მოეგო და როგორმე თავიც გაეტანა ფოსტალიონის ადგილის განთავისუფლებამდე. მან ხომ გადაწყვიტა ლიტერატურულ სიმაღლეებზე შეტევა მანამდე გადაედო, ვიდრე რამდენიმე ასეულ დოლარს არ შეაგროვებდა. ან, უკიდურეს შემთხვევაში, ოჯახის ერთადერთი მარჩენალი არ შეიქნებოდა.

მაგრამ რაკი ერთხელ იგემა შემოქმედების სიხარული, ვეღარ შესძლო თავის შეკავება და, დაუყოვნებლივ, მთელი მონდომებით შეუდგა დაახლოებით ოციათასსიტყვიანი მოთხრობის წერას „ახალგაზრდობის თანამგზავრისათვის“. ამ ჟურნალს ბიბლიოთეკაში კითხულობდა ხოლმე და მასში მოთავსებულ ნაწარმოებებზე თვალი გაჩვეული ჰქონდა. თითოეული ქვეთავის სიდიდეს სტანდარტის გათვალისწინებით ანგარიშობდა. ვერც კი მოასწრო გარკვევა, რა ხდებოდა, რომ უკვე მზად იყო შვიდი მოთხრობა ალასკის სერიიდან. ისინი უკვე დიდი ხანია მოფიქრებული ჰქონდა და რაბების უმნიშვნელო აწევაც კი საკმარისი აღმოჩნდა, რომ ოდნავ შესამჩნევი ჰქუტანტიდან მძლავრ ნაკადს გადმოეხეთქა. მისი შეკავება უკვე შეუძლებელი გახდა.

ფოსტიდან არაფერი ისმოდა თავისუფალი ადგილის შესახებ. „ეკზამინერმა“ არაპო თუ ათი დოლარი არ გამოუგზავნა, არც კი შეატყობინა ხელნაწერის მიღების ამბავი. უგროშოდ, ულუკმაპუროდ დაჩენილმა ჯექმა ველოსიპედი დააგირავა, რომელიც ელიზამ აჩუქა ოკლენდის საშუალო სკოლაში სასიარულოდ. ამას მოჰყვა სახლის პატრონის კატეგორიული მოთხოვნა: „ან გადაიხადე, ან გაეთრიე აქედან“; ჯექმა დააგირავა შეპარდის, ელიზას ქმრის, ნაჩუქარი საათი. დააგირავა მაკინტოშიც, ერთადერთი ნივთი, რაც ჯონ ლონდონის მემკვიდრეობისაგან ერგო.

ჯექი შემთხვევით შეხვდა ნავსადგურის ძველ მეგობარს, რომელსაც გაზეთში გახვეული ფრაკი და შარვალი ეჭირა. აწანე? პასუხი მაინცდამაინც დამაჯერებლად არ ჟღერდა. ჯექმა შეკვრა ჩამოართვა და, სამაგიეროდ, ალასკიდან ჩამოტანილი ორი ცალი სუვენირი გადასცა, ხოლო ფრაკი და შარვალი ხუთ დოლარად დააგირავა. ამ ფულის დიდი ნაწილი მარკეტსა და კონვერტებში დაიხარჯა: ხელნაწერები დაგროვდა და საჭირო იყო ჟურნალების რედაქციებში მათი დაგზავნა. იგი წინანდებურად ანგარიშს არ უწევდა იმას, რომ პროფესიონალური მწერალი ხდებოდა. უბრალოდ, ადამიანი მეტად მძიმე მდგომარეობაში ჩავარდა, სამუშაო ვერსად იშოვა, დახმარებასაც არსაიდან ელოდა, ამიტომაც თავგამოდებით ცდილობდა რაიმე ხეივი ენახა თავისი აუღიარებელი ტალანტისაგან: რაღაც არ უნდა დაუჯდეს, უთუოდ უნდა იშოვოს ყოველდღიური საზრდო. შემდეგ კი ადგილი განთავისუფლდება და მუშაობას დაიწყებს.

ზამთარი დადგა, ჯექი კი ისევ საზაფხულო თხელი კოსტუმით დადიოდა. კუთხეში მოვაჭრე ბაყალი საქონელს ნისიად აძლევდა, ვიდრე დავალიანებამ ოთხ დოლარს არ მიაღწია, შემდეგ კი უარი უთხრა და თავის სიტყვას მტკიცედ იცავდა. მოპირდაპირე საყასბოს პატრონი უფრო გულკეთილი აღმოჩნდა, მაგრამ ხუთ დოლარზე მეტი არც იმან ანდო. ერთგული მეგობარი — ელიზა — ლონდონებს უზიდავდა ყველაფერს, რასაც კი თავის ოჯახს ჩამოარჩენდა; ჯექსაც წვრილ ფულს შეაჩეჩებდა ქალადისა და თუთუნისათვის, რომელთა გარეშე მას არსებობა არ შეეძლო. ჯექი გახდა, ლოყები ჩაუცვივდა, დროდადრო ნერვებიც აწუხებდა. მუშახელის ბაზარზე იგი უკვე აღარ გამოდგებოდა უმაღლესი ხარისხის საქონლად. კვირაში

მხოლოდ ერთხელ, მეიბლთან, თუ შესვამდა ხორცს მაძღრისად. ოლივიძლივობით იოკებდა მადას სუფრასთან, რადგან არ უნდოდა საყვარელ ქალიშვილს შეემჩნია, რომ შიმშილობდა. მომავლის ნათელი იმედები არ უქარწყლდებოდა. ჟურნალები ათ დოლარს იხდიდნენ ათას სიტყვაში — ეს მას მტკიცედ ახსოვდა. თითოეული გაგზავნილი ხელნაწერი ოთხიდან ოც ათასამდე სიტყვას შეიცავდა. ერთიკ — რომ აიღონ — ოჯახი გადარჩენილია. გულის სიღრმეში კი მაინც უღვივოდა იმედის ნაპერწკალი: ვინ იცის, რა არ ხდება, ეგებ ორი ან სამი მოთხრობაც აიღონ, მაშინ იგი უკვე შესძლებს ლიტერატურით ფულის შოვნას; აღარ დასჭირდება გამოუვალი მდგომარეობის გამო ფოსტალიონად მუშაობა. იგი ოქროს მთებზე არ ოცნებობდა; ათას სიტყვაში — ათი დოლარი, მეტის იმედიც არ ჰქონდა. ამრიგად, თუ ყოველ გაგზავნილ სტრიქონს დაბეჭდავენ, იგი თვეში სამას დოლარზე მეტს მაინც ვერ მიიღებდა, უფრო სწორედ, ას ორმოცდაათს ან კიდევ უფრო ნაკლებსაც!

ოცნებით დაიმედებული — იქნებ დაბეჭდონ? — იგი ისე ღრმად ჩაეფლო თავის მოთხრობებში, რომ მაგიდას მაშინაც ძლივს სცილდებოდა, როცა გაზონები უნდა გაეკრიჭა ან ნოხები გაებერტყა. ოჯახი უკიდურეს გაკვირებას განიცდიდა. ფლორასათვის ტყუილად არ ჩაუვლია ოცი წლის მანძილზე თითქმის გამუდმებით შიმშილს. იგი გამოწრთობილი იყო და სწორედ ეს შველოდა. უჭმელობისაგან ჯეკი დასუსტდა, შემდეგ კი სულ მთლად დავარდა. ახლა მისთვის აზრების მოკრებაც კი თითქმის შეუძლებელი იყო. ტანსაცმელიც ისე დაეხა, რომ იძულებული გახდა ხელი აეღო კვირაში ერთადერთი საღამოს მეიბლთან გატარებაზე. ბოლოს იქამდეც მივიდა, რომ ხინარულით დაუბრუნდებოდა ნახშირის მაზიდას ელექტროსადგურში და თვეში ოცდაათ დოლარს დასჯერდებოდა. დღედაღამე სულ უფრო და უფრო ცუდად ხდებოდა. სხეულს შიმშილი სტანჯავდა, სულს კი — მომავლისადმი უიმედობა. ისევ გაუელვა თავში თვითმკვლელობის აზრმა, ისევე, როგორც იმ სამახსოვრო ღამეს ბენიციის ნავსადგურში, როგორც „გზაზე“ ყოფნის მკვუხვარე დღეებში. ფლორასი და პაწაწინა ჯონის ბედის ანაბარად დატოვების რომ არ შეშინებოდა, ჯეკი თავს მოიკლავდა. მისი ბავშვობის მეგობარი, ფრენკ ეზერტონი წერს:

„ჩვენი უკვე გამოსამშვიდობებელ წერილებსა წერდა, როცა მასთან გამოსათხოვებლად მივიდა ერთი მეგობარი — თურმე იმასაც გადაეწყვიტა თავის მოკვლა და აღარ სურდა გადაედო.“ როგორც ეტყობა, მიღებული გადაწყვეტილების გადასათქმევინებლად ჩვემა მეგობარს ისეთი მკვერამეტყველური მოსაზრებანი წაუყენა, რომ თვითონაც შეეცვალა აზრი.

სწორედ იმხანად, ნოემბრის ბოლოს, ერთ უსიხარულო დილას, ლიტერატურულ ჟურნალ „ტრანსკონტინენტური ყოველთვიურიდან“ ჩვეის სახელზე მოვიდა მოგრძო კონვერტი. ეს საქვეყნოდ ცნობილი ჟურნალი ბრეტ-გარტმა დააარსა 1868 წელს სან-ფრანცისკოში. ერთ-ერთი მოთხრობა ალასკის შესახებ მიიღეს! ჩვეს იქ გაგზავნილი ჰქონდა „იმათთვის, ვინც გზავია“. მოთხრობას დაბეჭდავენი მან ელვის სისწრაფით გამოიანგარიშა: ხელნაწერში ხუთი ათასი სიტყვაა, ათას სიტყვაში ათი დოლარი, მაშასადამე, აქ ორმოცდაათი დოლარის ჩეკი იქნება. გადავჩჩი! შეიძლება წერა განვაგრძო! წარმოსახვამ თრთოლვით ჩამოგლიჯა საბურველი, რომელიც მომავლის ბრწყინვალე პერსპექტივებს გადაჰფარებოდა. იგი საწოლის ნაპირზე დაეშვა და აკანკალებული თითებით კონვერტი გახია.

ჩეკი არ აღმოჩნდა. კონვერტში მხოლოდ რედაქტორის ოფიციალური წერილი იყო, რომელიც ატყობინებდა, რომ მოთხრობა „მიჩნეულია ვარგისად“. გამოქვეყნების შემდეგ ავტორი ხუთ დოლარს მიიღებს. ხუთ დოლარს! ხელნაწერს მან ხუთი დღე მოანდომა! ისევ ერთი დოლარი დღეში, როგორც საკონსერვო ფაბრიკაში, ჯუთის ქარხანაში, ელექტროსადგურში, სამრეცხაოში! შეძრწუნებული, განძრევის უნარდაკარგული, ციებიანივით აცახცახებული ჩეკი გარინდული იჯდა და ერთ წერტილს მიშტერებოდა. იგი გაასულელეს, გულუბრყვილო რეგენი! დაუჯერა საკვირაო დანამატს! თურმე ჟურნალებიც თაღლითობენ — ერთ სიტყვაში კი არ იხდიან ცენტს, არამედ ათში! ასეთი გასამრჯელოთი ვერ იარსებებს. ოჯახის შენახვაზე ხომ ფიქრიც ზედმეტია, თუნდაც შედევი შექმნას, ყველაფერი დაბეჭდოს, რასაც კი ქალაღზე გადაიტანს მისი მსხვილი ფანქარი. გაჰკრა იმედი! მდიდრებს, მხოლოდ მდიდრებს შეუძლიათ წერონ. იგი ისევ გაზონების გასაკრეჭად წაეთრევა, ისევ ნოხების ბერტყვას განაგრძობს. საჭიროა როგორმე გაძლოს, ვიდრე ფოსტაში ადგილი განთავისუფლდება.

იმავე დღეს ჭეკის სახელზე კიდევ ერთი თხელი მოგროძო კონ-
ვერტი მოვიდა. თუ არა ეს დაძახებულა, თვით ჭეკი იმ დღეს როგორ-
მე გადაიტანდა, მაგრამ მისი შემოქმედება კი ვერა. ამჟერად წერი-
ლი მოვიდა აღმოსავლეთ შტატებიდან, ჟურნალ „შავი კატადან“.
„შავ კატას“ მიეღო მოთხრობა. იგი ჭეკმა კალიფორნიის
უნივერსიტეტში მეცადინეობისა და ბელმონტის აკადემიის ორთქ-
ლის სამრეცხაოში დაძახებული მუშაობის შუალედ პერიოდში დაწე-
რა. „შავი კატას“ მეპატრონე და გამომცემელი იყო ვინმე უმსტე-
ტერი, რომელსაც ცოტა რამ როდი ჰქონდა გაკეთებული ახალგაზრდა
ამერიკელი მწერლების წასახალისებლად. უმსტეტერი ჭეკს წერდა,
რომ მოთხრობა „იმდენად ძლიერი კი არაა, რამდენადაც გრძელი“,
მაგრამ თუ ჭეკი დათანხმდება, ოთხი ათასი სიტყვის შემცველი
ხელნაწერი ორჯერ შემცირდეს, იგი, უმსტეტერი, დაუყოვნებლივ
გამოუგზავნის ორმოცი დოლარის ჩეკს.

დათანხმდებო? ეს თანხმობა ხომ ოც დოლარს ნიშნავს ათას
სიტყვაში, ესე იგი ორჯერ მეტს, ვიდრე მოელოდა. თურმე სუ-
ლაც არ უფიქრიათ მისი გასულულება და გაბრძოლება. იგი ნამდვი-
ლად შესძლებს ოჯახის რჩენას და ამავე დროს საყვარელ საქმესაც
გააკეთებს. ჭეკმა უმსტეტერს მისწერა, რომ თანახმაა მოთხრობის
ორჯერ შეკვეცაზე, ოღონდ ფული გადმოუგზავნოს. მომდევნო
ფოსტით უმსტეტერმა გადმოუგზავნა ორმოცი დოლარი. აი, სწო-
რედ ასე და ამრიგად, — ამბობდა ჭეკი, — მან მაინც გაიმარჯვა.

პირველად ლომბარდისაკენ გასწია და გამოისყიდა ველოსიპე-
დი, მაკინტოში და საათი. შემდეგ ვალუბი გადაიხადა: ბაყალს
ოთხი დოლარი მისცა, ყსაბს ხუთი. უამრავი სურსათ-სანოვაგე
მიზიდა სახლში, შეიძინა ნახმარი საზამთრო კოსტუმი, ქაღალდი,
ფანქრების ერთი შეკვრა და ქირით აიღო საბუქდი მანქანა. საღამოს
პატარა წვეულება გადაიხადა სამზარეულოში, დილით კი მიეზღ.
ეპლგარტთან წავიდა ველოსიპედით. მათ ერთმანეთის გვერდიგვერდ
ველოსიპედებით გადაჰკვეთეს ქალაქი და თავიანთ საყვარელ გორაკს
წვერზე მოექცნენ. მშვენიერი მოწმენდილი დღე იდგა. მზეს ნის-
ლი გადაჰკვროდა, ზოგჯერ ნიავი დაუბერავდა. გორაკებშუა, ხეებ-
ში, მსუბუქი ქსოვილის მსგავსად დაწნული, გაშვკირვალე სოსანის-

ფერი ნისლი ჩამალულიყო. გამდნარი ლითონისფერი მკრთალი ელ-
ვარება გადაჰკრავდა ყურეს; მდორე დინებას მინებებული იალქნიანი
გემები ადგილზე ირწოდნენ ან ნელა მიცურავდნენ. მეორე მხა-
რეზე ბუნდოვნად ლივლიგებდა სან-ფრანცისკოს კონტურები. შო-
რიდან ძნელად თუ გამოიცნობოდა ვერცხლისფერ მირაჟში გახვე-
ული ტჰამალპაისის მთის ლოდი, უფრო იქით კი, პორიზონტზე,
წყნარი ოკეანის ზედაპირიდან ციცაბო კლდეებივით აზიდული დრუ-
ბლები ნაპირისაკენ მიიწევდნენ.

აქ, მაღალ ბალახებში, თავისი პირველი საყვარელი ქალის გვერ-
დით წამოწოლილმა ჯექმა უამბო მას, რომ „ტრანსკონტინენტურმა
ყოველთვიურმა“ და „შეშემა კატამ“ მისი მოთხრობები მიიღეს. მე-
ობლმა სიხარულისაგან შეჰყვირა. დიდ წარმატებას მიაღწია ჯექმა
ამ რალაც სამი წლის განმავლობაში! იგი ბედნიერად გრძნობს თავს
მისი მიღწევებით. მოკრძალებით გაწვდილი ჯექის ხელი მეიბლს
შემოეხვია და იგი ნაზად, ალერსიანად მიიზიდა. ქალიშვილის მკლა-
ვები მის ცხელ, გარუჯულ კისერს შემოეჭდო; მეიბლს მოეჩვენა,
თითქოს გრძნობდა, როგორ მიედინებოდა მის სუსტ სხეულში ჯე-
კის ძალა.

მეიბლ ეპლგარტი და ჯექი სრულიად საწინააღმდეგო ხასიათისანი
იყვნენ. ჯექი ჭანმრთელი იყო, ღონიერი, მეიბლი — სუსტი, ფაქიზი.
ჯექი უგულვებელყოფდა ყოველგვარ პირობითობას, მეიბლი — მხო-
ლოდ იმით ცოცხლობდა. ჯექი ვაჟკაცური, ძნელი გზით მიდიოდა,
არაფერი არ იფარავდა უღმობელი გარემოსაგან; მზრუნველობითა
და ყურადღებით გარშემორტყმული მეიბლი კი საიმედოდ იყო და-
ცული. ჯექი ამსხვრევდა ტრადიციებს, მეიბლი მისი ყურმოჭრილი
მონა იყო. ჯექში მშფოთვარე სასიცოცხლო ძალა ბობოქრობდა, მე-
იბლს მყუდროება, განმარტოება იზიდავდა. ჯექი არავის არ ემორ-
ჩილებოდა, მეიბლი კი თავკერძა, მბრძანებლური ხასიათის დედის
გავლენის ქვეშ იყო, რომელიც ფხიზლად უთვალთვალებდა ყოველ
მის ნაბიჯს. ჯექმა იცოდა, რომ მისის ეპლგარტი დიდ იმედებს ამ-
ყარებდა მეიბლის მომავალზე, ცდილობდა შეძლებული კაცისათვის
მიეთხოვებინა, და ამით ოჯახის საქმე გამოეკეთებინა — თურმე მის-
ტერ ეპლგარტის მიერ ინგლისიდან ჩამოტანილი კაპიტალი ხელსა-
ჭრელად ვერ დააბანდეს: საწარმო გაკოტრდა.

ჯეკს მისის ეპლგარტის არ ეშინოდა. უკიდურეს შემთხვევაში, მისი დამორჩილება იმაზე უფრო ძნელი არ იქნებოდა, ვიდრე შტორმის დროს აფრააწყული „რეინდირის“ ან „სოფი საზერლენდის“ შტურვალისა, ტრანსკონტინენტური ექსპრესის „ბრმა“ ვაგონების ან კიდევ „თეთრი ცხენის“ კორომებისა.

შეყვარებულებმა მიირთვეს ჯეკის მიერ წინა საღამოს გამზადებული ბუტერბროდები და თან გადაწყვიტეს, რომ ერთი წლის განმავლობაში ნიშნობას მოაწყობდნენ; მანამდე კი ჯეკი მტკიცედ დადგება ფეხზე და დაქორწინებასაც შესძლებენ. ექნებათ პატარა სახლი, თაროები წიგნებით, კედლებზე სურათები, როიალი, რათა მეიბლმა შეძლოს დაუკრას და იმღეროს ჯეკისათვის; სამუშაო ოთახი, სადაც იგი შექმნის პირველხარისხოვან მოთხრობებსა და რომანებს. ცოლს კი ხელნაწერების გადათვალეირება მოუხდება, რათა შემთხვევით გრამატიკული შეცდომები არ გაიპაროს; ექნებათ საკმაო ფული და ეყოლებათ ბევრი საინტერესო და კვიციანი მეგობარი. ორივენი ერთად აღზრდიან ბავშვებს, იმოგზაურებენ და ძალიან, ძალიან ბედნიერები იქნებიან!

კაშკაშა დღე ილეოდა, ისინი კი ისევ ისხდნენ სიყვარულის დიადი სასწაულითა და ბედის უცნაური ახირებულობით განცვიფრებულნი, რომელმაც ისინი ერთმანეთს შეახვედრა. ჩამავალი მზე ჰორიზონტამდე ბოლქვებად დამდგარ ღრუბლებში ჩაიმალა და ცის გუმბათს ვარდისფერი გადაეკრა. მეიბლმა, რომელიც ჯეკს გულში ჩაეკრა, დაბალი ხმით სიმღერა წამოიწყო — „მშვიდობით, მშვენიერო დღევ“. როცა სიმღერა დაამთავრა, ჯეკმა ერთხელ კიდევ აკოცა მას, შემდეგ თავიანთი ბედი ერთმანეთს მიანდეს, ხელიხელჩაკიდებულნი გორაკიდან ძირს დაეშვნენ და ველოსიპედებით ოკლენდში დაბრუნდნენ.

„შავი კატიდან“ გამოგზავნილი ორმოცი დოლარიდან ჯეკს მხოლოდ ორიღა დარჩა. ამ ფულით შეიძინა მარკები, რათა აღმოსავლეთის ყურნალებიდან დაბრუნებული ხელნაწერები ხელახლა დაეგზავნა. უწინ ისინი მაგიდის ქვეშ შეჰყარა, რადგან მარკების შესაძენი ფული არ მოეძეოდა. ახლა ისევ ჩაეფლო მუშაობაში და როგორც კი მოათავებდა ხელნაწერის მანქანაზე დაბეჭდვას — დაუყოვნებლივ აგზავნიდა. მაგრამ ერთმა მერცხალმა მას გაზაფხული ვერ მო-

უყვანა: სხვა ხელხაწერები უკანვე უბრუნდებოდა უარის ჩვეულებრივი ფორმულირებით. სამზარეულო თაროებზე სურსათ-სანოვაგე თანდათან დნებოდა. საათი, ველოსიპედი, მაკინტოში და, ბოლოს, ზამთრის თბილი კოსტუმიც ისევ ლომბარდს დაუბრუნდა. დაე, ჟურნალებმა ერთი ცენტი ან თუნდაც ერთი დოლარი იხადონ სიტყვაში, მას რა — თუკი თვითონ ერთ სტრიქონსაც ვერ გაყიდის?

1899 წლის 16 იანვარს ჯექმა წერილი მიიღო საფოსტო უწყებიდან: სამუშაოდ იწვევდნენ მუდმივ ადგილზე; მთელი სიცოცხლის მანძილზე უზრუნველყოფდნენ სამუშაოთი — თვეში სამოცდახუთ დოლარად. ყოველდღე შეეძლო ესადილა, რიგიანი კოსტუმი შეეძინა — ახალი და არა ნახშიარი: ასეთი ფუფუნების უფლება აქამდე არ შეეძლო მიეცა თავისი თავისათვის აგერ უკვე ოცდასამი წლის ასაკში. შეეძლო წიგნები და ჟურნალები შეეძინა — მერედა როგორ ენატრებოდა ისინი! ფლორასა და ჯონისაც შესანიშნავად უზრუნველჰყოფდა. თუ მეიბლი დათანხმდება ჯერჯერობით მათ ოჯახში ცხოვრებაზე, ახლავე შეიძლება დაქორწინებაც.

ჯექმა და ფლორამ ყოველმხრივ განსაჯეს საქმის ვითარება, აწონდაწონეს როგორც დადებითი, ისე უარყოფითი მხარეები. თუ ჯექი წერას განაგრძობდა, მათ წლების მანძილზე ისევ გაჭირვებაში მოუწევდათ ყოფნა. მაგრამ დავუშვათ, იგი ფოსტალიონი გახდა. რისი მაქნისი იქნება მაშინ გემრიელი სუფრა, ახალი ტანსაცმელი, წიგნები და ჟურნალები? ნუთუ იგი იმისათვის ცხოვრობს ამქვეყნად, რომ გემრიელი საჭმელებით ინებოვროს და კითხვიერ გაერთოს? არა. იგი მხოლოდ იმისათვის ცხოვრობს, რომ შექმნას. მზად არის გადაიტანოს ყოველგვარი გაჭირვება, როგორსაც კი ხელოვანი თავის თავს განუმზადებს. სანოვაგე? მატერიალური კეთილდღეობა? რარიგ უღიმღამოდ და წვრილმანად ეჩვენება ყველაფერი ეს ადამიანს, რომელიც ფლობს ზღვა სიხარულის იდუმალ წყაროს. — ტალანტს! მაგრამ ფლორას რა ეშველება — რა შეუმსუბუქებს მძიმე მდგომარეობას? მას რომ სცენები გაემართა, გულის შეტევა წარმოესახა, თვალცრემლიანი შევედრებოდა, ჯექს შეიძლება ფოსტაში დაეწყო მუშაობა. მაგრამ იმავე დღეამ, რომელმაც იგი ქორწინების გარეშე დაბადა, არ აღირსა დედობრივი სიყვარული და სინაზე, მოუწამლა ახალგაზრდობა გაჭირვებით, აურზაურითა და

მწარე შეურაცხყოფით — ახლა მტკიცედ განუცხადა, რომ საჭიროა წეროს, იმუშაოს მოთხრობებზე, ვინაიდან იგი დაჯილდოებულია ტალანტით და, მამასადამე, გამარჯვებასაც მიაღწევს. რა ვუყოთ, თუკი ეს მოკლე ხანში არ მოხდება. მტკიცედ სწამდეს, რომ დედა მას მხარში ამოუდგება, ვინაიდან სამწერლო ასპარეზზე ჯეკის წარმატება მესლონელ უელმანთა ოჯახის გზააბნეული ცხვირის, ფლორა უელმანის დღესასწაულიც იქნება.

ახლა, როცა საბოლოო გადაწყვეტილება უკვე მიღებული იყო, ჯეკი მისთვის ჩვეული სიმტკიცითა და მხურვალე გატაცებით შეუდგა საქმეს. მწერალი რომ გახდეს, ორი რამ სჭირდება — ცოდნა და წერის უნარი. მან იცოდა, რომ გასაგებად წერს ის, ვინც ნათლად აზროვნებს. თუ იგი ნაკლებ განათლებულია, თუ აზროვნებაში უთავბოლობა და უწესრიგობაა, როგორ შეიძლება კარგი ხტილის იმედი ჰქონდეს? მხოლოდ ღირსეული აზრები პოულობენ ღირსეულ გამოთქმას. მან იცოდა, რომ მოუხდებოდა ცხოვრების შინაგანი პულსის მოსინჯვა; მთელი მისი აქტიური ცოდნის ჯამი უნდა გახდეს მისთვის სა მუ შ ა ო ფ ი ლ ო ს ო ფ ი ა. ამ პრიზმით უნდა განსაჯოს სამყარო, რათა შესძლოს ყველაფრის გაზომვა, აწონ-დაწონა, შეჯამება და განმარტება. უკეთ უნდა შეისწავლოს ისტორია, გაეცნოს ბიოლოგიას, დედამიწაზე სიცოცხლის წარმოშობისა და განვითარების თეორიებს, ეკონომიკასა და ცოდნის სხვა მრავალ ღირსშესანიშნავ დარგს. ისინი გააღრმავებენ მის გონებრივ პორიზონტს, მისცემენ პერსპექტივას, გაათავსებენ იმ დარგის საზღვრებს, რომლის სფეროშიც მას სურს იმუშაოს; მოამარაგებენ სამუშაო ფილოსოფიით, რომლის მსგავსი არავის არ ექნება; შეასწავლიან დამოუკიდებელ აზროვნებას, დაეხმარებიან იმ ახლის, არსებითის მოძებნაში, რომელსაც ანგარიშს გაუწევენ. იგი არც ფიქრობს წეროს ბანალურ თემებზე, რათა ტკბილი ამბები მიართვას უგუნურ ადამიანებს.

მაშ ასე, იგი ჩაუჯდა წიგნებს და დაეწაფა მათში მოთავსებულ სიბრძნეს. იგი მოწაფე როდი იყო, გამოცდების წინ ამა თუ იმ ადგილს რომ იზეპირებს, ანდა შემთხვევითი გამვლელი, გზაზე რომ შეჩერებულიყო და ცოდნის დიდ კოცონთან ხელი მოეთხო. იგი შეუვარებულისათვის დამახასიათებელი ქინით მიისწრაფვოდა ცოდნი-

საკენ; ზეიმობდა, როცა ახალ ფაქტს დაადგენდა, ახალ თეორიას შეითვისებდა, როცა ამსხვრევდა ძველ თვალსაზრისს, რათა ახალი დამკვიდრებულიყო: კიდევ ერთი მორიგი გამარჯვება! იგი იკვლევდა, არჩევდა, ცნობისმოყვარეობით აანალიზებდა წაკითხულს. ავტორთა სახელების ბრწყინვალეობა არ აბრმავებდა და აზრ მოწიწებდას უნერგავდა. დიდი მოაზროვნეების მიმართ გულგრილი რჩებოდა, თუკი ისინი დიდ იდეებს არ ჩააგონებდნენ, ტრადიციული შესჯელობანი არაფერს ნიშნავდა ამ კაცისათვის, რომელიც ფეხქვეშ თელავდა ყველა ტრადიციას. კერპებს თვითონ აცამტვერებდა; არ აშინებდა და არც ეჯავრებოდა სხვისი მოსაზრებანი, რომელნიც საყოველთაოდ აღიარებული რწმენების წინააღმდეგ იყო მიმართული. იგი პატიოსანი და გულადი იყო, ჰეშმარიტებისაკენ პირდაპირი გზით მიდიოდა და ყველაფერზე მეტად სიმართლე უყვარდა — სწორედ ეს იყო ოთხი აუცილებელი პირობა სამყაროს შესაცნობად.

განათლებლაში არსებული ხარვეზების მიუხედავად, იგი მაინც საკუთარ თავში მეცნიერის ბუნებრივ მონაცემებს გრძნობდა. ცოდნის სამყაროში ჭეკი იმაზე ცუდად როდი ერკვეოდა, ვიდრე შტურმანის ჭიხურში. არც უცნობი წიგნებისა ეშინოდა: იცოდა, რომ ძნელი იყო მისი გადაცდენა იმ გზიდან, რომელზედაც საკმაო დრო დაჰყო, რათა გაერკვია, რომელ სამყაროს დაუფლებოდა. ჭეკი არ ეკუთვნოდა იმათ, რომელნიც წიგნს გასაღებით უდგებიან. ბოქლომს ფრთხილად ტეხენ და უჩუმრად იპარავენ შიგ მოთავსებულს. როცა ჭეკ ლონდონი უღრან ტყეში ბილიკის გაკაფვის დროს ახალ წიგნს წააწყდებოდა, მას იმ მშვიერი მგელივით ეცემოდა, რომელიც მიწაზეა გაკრული ნახტომისათვის. კბილებით ყელში წასწვდებოდა და გაშმაგებით ებრძოდა წიგნს, ვიდრე იგი არ დანებდებოდა; მაშინ კი ხარბად გამოსწოვდა სისხლს, შესანსლავდა ხორცს, ძვლებს ისე დალრღნიდა, რომ მათი ყოველი უჯრედი მისი საკუთარი არსების ნაწილი ხდებოდა და მის ძალას ითვისებდა.

მან უკან დაიხია; დაიწყო ეკონომიური მეცნიერების მამით—ადამ სმიტითა და მისი „ხალხთა სიმდიდრით“ და თანმიმდევრულად გასწია წინ; გულდასმით შეისწავლა მალთუსის „მოსახლეობის თეორია“, რიჩარდის „განაწილების თეორია“, ბასტიას „ეკონომიური ჰარმონიის თეორია“, ადრინდელი გერმანული თეორიები ღირებულებისა და მოგების შესახებ, ჯონ სტიუარტ მილის „მონაწილეობა

შემოსავალთა განაწილებაში“ და ასე შემდეგ, ისტორიული თანმიმდევრობით, ვიდრე მეცნიერული სოციალიზმის ფუძემდებლებამდე არ მივიდა; აქ კი უკვე ნაცნობი ნიადაგი იგრძნო ფეხქვეშ. პოლიტიკურ მოძღვრებათა გაცნობა მან არისტოტელედან დაიწყო, გიბონთან ერთად განიცდიდა რომის იმპერიის გაფურჩქვნასა და დაცემას, აკვირდებოდა, თუ როგორ წარმოიშვა და ღვივდებოდა კონფლიქტი ეკლესიასა და სახელმწიფოს შორის შუა საუკუნეებში; რა გავლენა მოახდინა ლუთერისა და კალვინის რეფორმაციებმა პოლიტიკურ სტრუქტურაზე; ინგლისელი მოაზროვნეების — ჰობსის, ლოკის, იუმის და მილის წიგნებში გაეცნო თანამედროვე პოლიტიკური კონცეფციის საწყისებს; გაიგო, თუ როგორ წარმოიშვა ცხოვრებისადმი ეკონომიური რევოლუციით გამოწვეული რესპუბლიკური მმართველობის ფორმა. შეისწავლა ფილოსოფოსების—ჰეგელის, კანტის, ბერკლის, ლაიბნიცის და ანთროპოლოგების ბოასის, ფრეზერის შრომები. დარვინი, ჰექსლი და უოლესი ადრეც ჰქონდა წაკითხული, მაგრამ ახლა მათ გაცილებით უფრო ღრმა გაგებით დაუბრუნდა. სოციოლოგიაში ყველაფერს ეტანებოდა, რასაც კი წააწყდებოდა: შრომებს უმუშევრობის, წარმოებისა და კრიზისის ციკლოზობის, სიღარიბის მიზეზისა და ლიკვიდაციის ხერხების, ჯურღმულეებში ცხოვრების პირობების, კრიმინოლოგიისა და ქველმოქმედების შესახებ. გულმოდგინედ შეისწავლა ტრედ-უნიონიზმის თეორია. ყველაფერ წაკითხულს გულდასმით აკონსპექტებდა. შეადგინა კარტოთეკური კატალოგი, რათა საჭირო მასალა სწრაფად ეპოვნა. მაგრამ ადამიანთა აზროვნების სხვადასხვა მიმართულებათა შორის კავშირის დადგენის მეთოდი, რომელიც ჯეკმა თავისი სამუშაო ფილოსოფიისათვის გამოქმენა — ეს დიდი ხნის ნანატრი მეთოდი — მან მხოლოდ მას შემდეგ იპოვა, რაც ჰერბერტ სპენსერის „ძირითადი საწყისები“ აღმოაჩინა. ეს აღმოჩენა, შეიძლება ითქვას, ყველაზე ღირსშესანიშნავი იყო თავგადასავლებით აღსაყვამის ცხოვრებაში. ერთხელ, საღამოთი, ჯეკმა დიდხანს იკითხა უილიამ ჯემსისა და ფრენსის ბეკონის ნაწარმოებები, შემდეგ, სახელდახელოდ დაწერა სონეტი და „ძირითადი საწყისების“ წიგნით ხელში საწოლს მიაშურა. გათენდა, ის კი ისევ კითხულობდა. კითხულობდა მთელნი დღე. დროდადრო, როცა წოლით დაიღლებოდა, იატაკ-

ზე ჩამოცოცდებოდა. იგი მიხვდა, რომ აქამდე მხოლოდ ზედაპირ-ზე ტივტივებდა, ამჩნევდა ცალკეულ შემთხვევებს და ზერელე განზოგადებას აწარმოებდა. სამყაროში ყველაფერი უწესრიგოდ და ცვალებადად ესახებოდა, ეგონა, რომ ყველაფერი შემთხვევათა ახირებულობის გამო ხდებოდა, რომ მოვლენებს ერთმანეთთან არაფერი აკავშირებდა. მაგრამ აი, წააწყდა სპენსერს. ამ ადამიანმა მთელი მისი ცოდნა სისტემაში მოიყვანა, გააერთიანა და განცვიფრებულს თვალნათლივ დაანახვა სამყარო, სადაც ყველაფერი ისე გარკვეულია და ისე კონკრეტული, რომ შუშის ქილის ქვეშ მდგარ გემის მოდელსა ჰგავს — ასეთების გაკეთება მატროსებს უყვართ ხოლმე. არავითარი შემთხვევითობა არ არსებობს; ყველაფერი გარდაუვალ კანონს ემორჩილება. ჭეკუბე ამ აღმოჩენამ უფრო მეტად იმოქმედა, ვიდრე ოქროს აღმოჩენამ ჰენდერსონის ნაკადულთან: დაეჭვებაც კი არ შეიძლებოდა, რომ სპენსერის მონიზმი მას შეეცდომაში არ შეიყვანდა, მაშინდელივით ქარსი არ აღმოჩნდებოდა.

ჰერბერტ სპენსერმა თვალუბი აუხილა მას, გააბრუა, გაუმკლავნა იღუმალის საიდუმლოებანი. ხორცის ნაჭერში, რომელიც მის წინ თეფშზე იდო, ჭეკი ახლა მზის ენერჯიის მოელვარე შენადედს ხედავდა. ამ ენერჯიის ხორცად გარდაქმნის ყველა საფეხურის შეზღუდვები წესით აწონ-დაწონისას მან მილიონობით მილი გაიარა, ვიდრე საწყისს მიაღწევდა. შემდეგ იგი წარმოიდგენდა ამ გარდაქმნის შემდგომ მსვლელობას: აი, იგი თანდათან მისი მკლავების კუნთების ენერჯიად იქცევა, როცა ხორცს სჭრის, მაგრამ კუნთები ზომ ტვინის განკარგულებებს ემორჩილება და ჭეკი უკვე წარმოდგენით ხედავს თავის ტვინში ენერჯიის მოელვარე შენადედს. მისი ტვინი და მზე ერთი და იგივე მატერიისაგან შედგება, თანაზიარად აღწევენ ერთმანეთში. ჰერბერტ სპენსერმა დაანახვა, რომ სამყაროში ყველა ნივთიერება ურთიერთ დაკავშირებულია — დაწყებული შორეული ვარსკვლავებიდან სამყაროს სივრცეში, და დამთავრებული ფეხქვეშ მოხვედრილი მტკრის ნამცეცის უკანასკნელი ატომით. კაცობრიობა, ადამიანი, პიროვნება — ყველაფერი ეს პროტოპლაზმის არსებობის ერთ-ერთი, ძალზე თავისებურად ცვალებადი ფორმაა.

დარვინი, სპენსერი, მარქსი და ნიცშე—აი, ჭეკ ლონდონის სულიერი მამები. მისი სამუშაო ფილოსოფია უშუალოდ გამომდინა-

რეობს მეცხრამეტე საუკუნის ინგლისისა და გერმანიის ამ ოთხი უდიდესი მოაზროვნის გავლენისაგან. სულის მცირეოდენი სიმტკიცე როდი სჭირდებოდა ამ რევოლუციონერთა¹ შრომების შესწავლას. 1899 წელს, როცა ისინი საყოველთაო გაკილეისა და გაკიცხვის საგანი იყო. მათ გაგებას ნათელი და გამჭვირავი გონება ესაჭიროებოდა. ჯეკი სწორედ იმას ფლობდა, რაც აუცილებელი იყო: გამბედაობა და გონება; ამ ოთხმა მასწავლებელმა გაამდიდრა მისი ცხოვრება, უფრო სრულყოფილი გახადა მისი ფილოსოფია, გააღრმავა მისი ჯანსაღი სკეპტიციზმი და სიყვარული ქეშმარიტებისადმი თვით-ქეშმარიტებისათვის. მათ ერთი ხელის მოსმით აღგავეს საუკუნეობრივი სქოლასტიკის ნაგავი და ჯეკი შეემეცნების უღმობლად ლოგიკური მეცნიერული მეთოდით შეაიპარაღეს. ჯეკიც ვალში არ დარჩენილა: მან მხატვრულ ნაწარმოებთა სახით ხალხს გადასცა მათი თეორია.

მაგრამ, ჯეკზე ალბათ ყველაზე დიდი შთაბეჭდილება მაინც ფრიდრიხ ნიცშემ² იქონია, რომლის ბედი მისას ენათესავებოდა. ნიცშე პასტორის შვილი იყო და ღვთისმოსაობის აულაგმავი გატაცებისაგან ნაკლებად როდი დაიტანჯა, ვიდრე ჯეკი დედამისის თავშეუკავებელი გატაცებისაგან სპირიტისტული სენსიბილურობის ავბედითი რიტუალით. აი, რატომ ილაშქრებდა ჯეკი რელიგიურ გრძნობათა ყოველგვარი გამოვლინების, ზებუნებრივი ძალისადმი რწმენის, იმპევენიური ცხოვრების, სამყაროს გამგებლის — ღმერთის წინააღმდეგ: „მე მწამს, რომ სიკვდილის შემდეგ ჩემგან იმაზე მეტი არაფერი დარჩება, ვიდრე ადამიანის ხელით გასრესილი სრულიად უმნიშვნელო მუშლისაგან“. ქრისტიანულ რელიგიას იგი წმინდა წყლის მონაპორად თვლიდა, რომელშიც უამრავი ფუჭი წეს-ჩვეულებები იყო თავმოყრილი. იგი დარწმუნებული იყო, რომ ყოველ-

¹ სიტყვა „რევოლუციონერი“ სტოუნს აქ ფართო გაგებით აქვს ნახმარი: ყველა, ვინც ტრადიციული შეხედულებებისა და წესების წინააღმდეგ იბრძვის.

² ი. სტოუნი მერად აზიადებს ფ. ნიცშეს გავლენას ჯეკ ლონდონზე. ნიცშეს თხზულებებს იგი გვიან გაეცნო. თავის მასწავლებლად ჯეკი მარქსსა და სპენსერს ასახელებს, გერმანელ რეაქციონერ ფილოსოფოსს კი — არა. პირიქით, მის იდეებს ებრძოდა, რის შესახებ სიკვდილისწინა ჩანაწერებში ნათქვამი აქვს: „მარტინ იდენი“ და „ზღვის მგელი“ იერიშია ნიცშეს ფილოსოფიაზე...“

გვარი სახის რელიგია ადამიანის უმძვინვარესი მტერია, ვინაიდან აჩლუნგებს გონებას, აბრუებს დოგმებით, აიძულებს ბრმად, განუსჯელად ირწმუნოს ყველაფერი, არ აძლევს დამოუკიდებელი აზროვნების საშუალებას. რელიგია ადამიანში ანშობს შესაძლებლობას თავი პლანეტის ბატონ-პატრონად იგრძნოს — მაშასადამე, ხელს უშლის მას ცხოვრების გაუმჯობესებაში. ნიცშესთან ჭეკმა იპოვა ყველა თავისი მოსაზრების დადასტურება რელიგიის მოჩვენებითი ელვარების, პირმოთნეობისა და სიყალბის შესახებ. ყველაფერი ეს ნიცშეს ისე ბრწყინვალედ ჰქონდა გადმოცემული, რომ უკვე ეჭვად არავის ეპარებოდა მის მიერ ქრისტიანობის დასამარებაში.

ჭეკმა იქვე. ნიცშესთან აღმოაჩინა თეორია ზეკაცისა — არსებისა, რომელიც თავის თანამომძეებს აღემატება ჰკუთით, სიმაღლით, ღონით, ყოველგვარი ზღუდეების გადალახვისა და ბრბოზე მბრძანებლობის უნარით. ზეკაცის ფილოსოფია ჭეკს ჰკუთაში დაუჯდა. თვით მასაც თავი ზეკაცად, გიგანტად მიაჩნდა, რომელიც გადალახავს ყოველგვარ ზღუდეს, რათა ბოლოს და ბოლოს ბრბოს წინ წარუძღვოს. მას ალბათ, სულაც არ აცბუნებდა ის ფაქტი, რომ ფილოსოფია, რომელიც ზეკაცის ბატონობას აცხადებდა, მის შემქმნელს ზიზღს უნერგავდა სოციალიზმისადმი, როგორც უსუსურთა და უნიჭოთა ხელისუფლებისადმი და რომ ამ ფილოსოფიამ შიკშე ტრედ-უნიონთა დაგმობამდე მიიყვანა. — ეს უკანასკნელნი მუშებს თავისი ბედისადმი უკმაყოფილებას შთააგონებდნენ. ჭეკმა გადაწყვიტა, ერთდროულად ნიცშეს მოძღვრებაც ელიარებინა და სოციალიზმიც, თუნდაც მათ ერთმანეთი გამოერიცხათ. მთელი თავისი სიცოცხლის მანძილზე ჭეკი ინდივიდუალისტიც იყო და სოციალისტიც. ინდივიდუალიზმი მას თავისთვის სჭირდებოდა. იგი ხომ ზეკაცია, გამარჯვებული, ქერათმიანი გაიძვერა, სოციალიზმი კი — იმათთვისაა, ვინც სუსტია და დაცვას საჭიროებს — მასებისათვის. ჭეკი მრავალი წლის მანძილზე დაჰქროდა ამ ორი ფილოსოფიის რაშებით, თუმცა ისინი სხვადასხვა მხრისაკენ მიიწვედნენ.

განათლება უპირველესი ამოცანა იყო. მაგრამ ჭეკს მოსვენებას არ აძლევდა მეორე, უფრო გადაუღებელი ამოცანაც: როგორ იშოვოს ყოველდღიური საზრდო. საათობით იჯდა იგი ბიბლიოთეკასთან არსე-

ბულ უფასო სამკითხველო დარბაზში, ჰირვეულად, დაწვრილებით არჩევდა ჟურნალებს, სხვის მოთხრობებს თავისას ადარებდა და თავს იმტკრევდა — რაშია საიდუმლოება? როგორ შესძლო ავტორმა ამ უხალისო, უღიმღამო, უფერული ლეშის დაბეჭდვა? საიდანაა ეს უამრავი მოკლე მოთხრობა! ისინი მსუბუქად და, ეტყობა, გამოცდილი ხელითაა დაწერილი, მაგრამ, საოცარი! მათში არც სიცოცხლის ნიშანწყალი ჩანს, არც სიმართლის ნატამალი. ცხოვრებაში იმდენი უცნაურობა და სიმშვენიერება, ცხოვრება სავსეა გრანდიოზული ამოცანებით, ზრახვებით, მიღწევებით! ეს საეჭურნალო მონაჩმახი კი მთლიანად ბანალურ წუწუნს წარმოადგენს. ო, არა! ეს მის გემოვნებას არ ეგუება! იგი გრძნობს ცხოვრების დაუოკებელ ტემპს, მის აღზნებულ მაჯისცემას, მის დაძაბულობას, მის ბობოქარ სულს — აი რაზე უნდა იწერებოდეს! მისი სურვილი იყო ხობტა შეესხა სამკვედრო-სასიცოცხლო ლაშქრობათა ბელადებისათვის; შეყვარებულებისათვის, რომელნიც მზად არიან სიყვარულის სახელით ყოველგვარი სიგიჟე ჩაიღინონ; ბუმბერაზი ადამიანებისათვის, რომელნიც სტიქიათა ჯიბრზე უშიშრად იკაფავენ გზას უბედურებათა და საშინელებათა შორის ისე, რომ ქვეყნიერება ზანზარებს მათი ძლევამოსილი ნაბიჯების ქვეშ. ხოლო ჟურნალის მჯღაბნელები? რიჩარდ ჰარდინგ დევისი („ბედის ჯარისკაცები“, „თავადის ასული ალინი“), ჯორჯ ბარ მაკაჩინი („გრაუსტარკი“), სტენლი ვეიმანი („საფრანგეთის კავალერი“, „მეთის მანტიის ქვეშ“), მარგარეტ დელანდი („ჯონ უორდი, ქადაგი“), კლარა ლუიზა ბერნჰეიმი („ექიმი ლატიმერი“, „ბრძენი ქალი“) — როგორც ეტყობა, ყველა მათ და მათ მსგავსებს ეშინიათ უფრო ღრმად ჩაიხედონ ცხოვრებაში და შეულამაზებლად აღწერონ სიმართლე. ისინი ნაჩქარევად თხუზნიან ვარდისფერი ფერებით, თავს არიდებენ სიმართლეს, თავის გმირებს ცრუ რომანტიკის საბურველში ახვევენ, გაურბიან ყველაფერს, რასაც კი შეუძლია გულისწყრომა გამოიწვიოს.

კარგად აწონ-დაწონის შემდეგ ჯეკი იმ დასკვნამდე მივიდა, რომ ასეთი პოზიციის საფუძველს შიში წარმოადგენს. მართლაც საშინელება იყო, ვაითუ გაანაწყენო გამოძეგმელი, ან არ მოეწონო მას, უგულვებელპყო მკითხველთა გემოვნება, აიხვედრო პრესისა და აქციების მფლობელები, დაჰკარგო კაპიტალის გავლენის ქვეშ მყოფი

ეკლესიისა და სკოლის კეთილგანწყობილება. უფერულნი და უძლურნი არიან ეს მჭლახნელები, უხერხემლო დოყლაპიები, ლიტერატურის საკურისები; მათ ეშინიათ სუფთა ჰაერის, უხეში სიმათლის, მაგრამ ყველაზე მეტად იმისა, რომ საწყენი არ შეხვდეთ. ორიგინალურობა, სამუშაო ფილოსოფია, ცხოვრების ცოდნა? არავითარი! მათი მრწამსი რეცეპტია — როგორ შეითხნონ რომანი საქარინზე. მოკლე ჰკუთა, უბადრუკი ლიტერატურა. ქონდრისკაცები! მხოლოდ ტიტანების ხვედრია ნამდვილ ლიტერატურასთან შებმა. არა, მისმა მკითხველებმა და რედაქციებმა უნდა მიიღონ მისი პირობები.

ჯეკი მიუბრუნდა იმ მწერლებს, რომელნიც ლიტერატურაში, როგორც თვითონ ფიქრობდა, საკუთარი, განუმეორებელი გზით მიდიოდნენ: სკოტს, დიკენსს, პოს, კიპლინგს, ჯორჯ ელიოტს, უიტმენს, სტივენსონს, სტივენ ჯრეინს. გატაცებით კითხულობდა შექსპირს, გოეთეს, ბალზაკს — გენიათა ამ ტრიუმფირატს, როგორც მან შეარქვა. სპენსერმა, დარვინმა, მარქსმა და ნიცშემ ასწავლეს მას აზროვნება, სულიერმა მამებმა ლიტერატურაში — კიპლინგმა და სტივენსონმა კი — წერა. ახლა, როცა მან მეცნიერული დეტერმინიზმის სამუშაო ფილოსოფია აითვისა, რათა უზადო, ორგანული სახეები დაეხატა, როცა მან მიაღწია სტილის სიცხადეს, იგი შექმნის ჯანსაღ, ახალ, მართალ წიგნებს.

ამქვეყნიური, ერთ-ერთი უდიდესი სასწაულთაგანი ჯეკისათვის იყო მშვენიერი, ელერადი, ბასრი, გესლიანი და გულში ჩამწვდომი სიტყვები. ძნელად გასაგებ ფოლიანტებს ყოველთვის ლექსიკონის დახმარებით კითხულობდა, ყველაფერ გაუგებარს ქალაღლის პატარა ფურცლებზე იწერდა და მათ კარადის სარკის ჩარჩოებში ჩრიდა, რათა წვერის პარსვის ან დილის ტუალეტის დროს ზეპირად ესწავლა. ამ სიტყვების სიებს სარეცხის თოკზე ამაგრებდა სარეცხისავე სარკებით, რათა ყოველთვის, როცა თავს ასწევდა ან ოთახში გაივლ-გამოივლიდა, დაენახა ახალი სიტყვები მათი მნიშვნელობის განმარტებებით. ამ სიებს ჯიბეებში ჩაიჩრიდა ხოლმე და იზეპირებდა გზაზე ბიბლიოთეკაში ან მეიბლთან მიმავალი, სადილობისას და თვით დაწოლის დროსაც კი. სამაგიეროდ, როცა მოთხრობაზე მუშაობისას რაიმე სხარტი სიტყვის მოძებნა დასჭირდებოდა და ქა-

ღალღის ასობით ნაკუწს შორის იპოვიდა სწორედ იმ ერთადერთ სწორ გამოთქმას, იგი უდიდეს სიხარულს განიცდიდა.

მაგრამ როგორ გაარღვიოს ის ქვის ბარიკადი, რომელიც რედაქტორებმა აღმართეს, რათა „სპეტაკი“ საზოგადოება დასავლეთელი ველურების შემოსევისაგან დაეცვათ? დამხმარე ან რჩევის მომცემი არავინ ჩანდა. იგი მარტოღმარტო იბრძოდა, ალაღბედზე. მხოლოდ თავისი თავის — საკუთარი ძალის, გამბედაობის, ლიტერატურული გემოვნების იმედი უნდა ჰქონოდა. სხვა დასაყრდენს ვერ ზედავდა. ჯეკი ნარკვევებსა და მოთხრობებში აქსოვდა მთელ თავის გულისნადებს. როცა ნაწარმოებს დაამთავრებდა, ლამაზად დაკეცავდა, ჩადებდა მოგრძო კონვერტში, თანაც არ დაავიწყდებოდა პასუხისათვის საჭირო მარკების ჩაწყობა, გარედანაც რამდენიმეს დააკრავდა და საფოსტო ყუთში ჩაუშვებდა. კონვერტი მთელ ქვეყანას შემოივლიდა და განსაზღვრული დროის შემდეგ ფოსტალიონი უკანვე მოუტანდა. შესაძლოა გზის იმ თავში არავითარი რედაქტორი არ არსებობს და მის მაგივრად დადგმულია კბილოვანი კბილანას გონებამახვილური მოწყობილობა, რომელსაც შეუძლია ხელნაწერთი კონვერტიდან მეორეში გადააწყოს და მარკებიც დააკრას?

დრო! დრო! აი, რა არ ყოფნიდა მას ყოველთვის — დრო, რომ ესწავლა, რომ დახელოვნებულიყო, ვიდრე უსახსრობა ხელიდან კალამს არ გააგდებინებდა. დღე-ღამეში მეტად ცოტა დროა იმისთვის, რომ გააკეთოს ის, რაც მას სჭირდება. თავს ვერ ანებებდა მოთხრობაზე მუშაობას, რათა მეცნიერულ შრომას ჩაჯდომოდა; ძლივძლივობით ანებებდა თავს სერიოზულ მუშაობას, რათა ბიბლიოთეკაში წასულიყო ჟურნალების წასაკითხად; სინანულით ტოვებდა სამკითხველო დარბაზს, როცა მეიბლთან მიდიოდა, თუმცა მასთან გატარებული საათის გარდა, ერთი წუთითაც არ აძლევდა საკუთარ თავს დასვენების უფლებას.

ყველაზე საწყენი მაინც ის იყო, რომ აღგზნებული თვალები უნდა მოეშორებინა წიგნებიდან, გადაედო ფანქარი და დაეძინა. შემოქმედებითი ყინით გატაცებულმა, ძილის ხანგრძლიობა ხუთ საათამდე შეამცირა, მაგრამ ამ მცირე ხნითაც საშინლად ენანებოდა ცხოვრებისაგან გამოთიშვა. ერთადერთ ნუგეშად ისლა რჩებოდა, რომ ხუთი საათის შემდეგ მალვიძარას მკვეთრი ხმა გამოაღვი-

ძებდა და წინ ისევ ცხრამეტი საათი დრო ექნებოდა, როცა შეიძლებოდა მუშაობით გული ეჭკრა. ეს აკვიატებული აზრით შეპყრობილი ადამიანი, ეს მოხიბლული სული მხოლოდ მუშაობით ტკბებოდა.

და აი, როგორც იქნა, დადგა სანატრელი დღე: „ტრანსკონტინენტურ ყოველთვიურში“ დაიბეჭდა მოთხრობა „იმათთვის, ვინც გზაშია“. ეს იყო ჭეკის, როგორც პროფესიონალი მწერლის, პირველი გამოსვლა. სხვათაშორის, რედაქტორმა არათუ ხუთი დოლარი არ გადაუხადა, ისიც კი ვერ მოიფიქრა, რომ ჟურნალის თუნდაც ერთი ეგზემპლარი გამოეგზავნა. ოკლენდის ბროდვეიზე ჭეკი დაღონებული შეაცქერდა ვიტრინას — სად იშოვოს ათი ცენტი, რათა შეხედოს მაინც, როგორ გამოიყურება ჟურნალში მისი მოთხრობა? რა ქნას. წავიდეს ეპლგარტებთან? ათი ცენტი ისესხა ედუარდისაგან, დაბრუნდა ჭიხურთან და მაინც იყიდა ჟურნალი.

ოკლენდელმა მეგაზეთეებმა ეს ნომერი მალე გაყიდეს. ჭეკის მეგობრებმა ჰენრი კლეის კლუბიდან წინასწარ თადარიგი დაიჭირეს და მოთხრობაზე ხალხში კარგი ხმა გაავრცელეს. ოკლენდის სწორედ იმ გაზეთმა, რომელმაც თავის დროზე არც ქირდვა და არც დაცინვა არ დააკლო „ბიჭ-სოციალისტს“, ახლა სტატია მიუძღვნა მისტერ ჭეკი ლონდონს, სადაც პატივისცემითა და სიამაყითაც კი აცხადებდა, რომ „ნორჩმა მწერალმა“ მოთხრობა მოათავსა ისეთ საპატიო ჟურნალში, როგორიც არის „ტრანსკონტინენტური ყოველთვიური“. ჭეკი კი წინანდებურად გაჭირვების მკაცრ კლანჭებში იყო გამომწყვდეული, ისევ ძველმანები ეცვა, ისევ მშვიერი კუჭით უხდებოდა სიარული. მაგრამ მისდამი დამოკიდებულებაში უკვე ნათლად შეიმჩნა გარდატეხა. თუ იგი მართლაც ნამდვილი მწერალი ხდება, მაშასადამე. ეპატიება კიდევ უცნაურობანი შეხედულებებში, საქციელსა და ჩაცმის მანერაში.

„იმათთვის, ვინც გზაშია“ არ შეიძლება მიეკუთვნოს ჭეკ ლონდონის საუკეთესო მოთხრობებს ალასკაზე — გმირების ხასიათისა და ბუნების აღწერალობათა საზიანოდ, იქ მეტად დიდი ყურადღება ექცევა სიუჟეტს. განსაკუთრებით იმ მომენტიდან, როცა მეილმუტ კიდი ტოლჩით ხელში წამოდგება, შეხედავს უინულის სქელი ფენით დაფარულ სარკმელზე გაკრულ გაქონილ ქალაქს და იტყვის: „იმა-

თი სადღეგრძელო იყოს, ვინც ამაღამ გზაშია ვესურვოთ, რომ ჰყოფნოდეთ სანოვაგე, შეძლებოდეთ ძალების შებმა მარხილში და ასანთის მშრალად შემონახვა!“ — ამ მომენტიდან ბოლომდე, მოთხრობა მთლიანად იმორჩილებს ყურადღებას და რწმუნდება, რომ ამერიკულ ლიტერატურაში ახალი, კაბუკური და ძლევამოსილი ხმა აუღერდა.

„ტრანსკონტინენტურმა ყოველთვიურმა“ მართლაც მეფური გასამრჩელო აღუთქვა: შეიდნახევარი დოლარი თითოეულ ნაწარმოებში. ჯეკი არ დაელოდა ხუთი დოლარის გამოგზავნას მოთხრობისათვის და უურნალს „თეთრი მღუმარება“ გაუგზავნა. მოთხრობის მიღება არ დააყოვნეს და თებერვალში დაბეჭდეს კიდეც. ჯეკს ექვიც არ ეპარებოდა, რომ ეს ერთ-ერთი საუკეთესო ნაწარმოები იყო და მასში სულ მცირე ორმოცდაათი დოლარი მაინც ერგებოდა, მაგრამ სხვადასხვა მოსაზრებამ აიძულა მოთხრობა ჩალის ფასად — შეიდნახევარ დოლარად — დაეთმო. ჯერ ერთი, იმედი ჰქონდა, რომ მოთხრობა თვალში მოხვდებოდათ და მოეწონებოდათ აღმოსავლეთის კრიტიკოსებსა და უურნალების რედაქტორებს, მეორე, იგი სულ იმის ცდაში იყო შეიბლისათვის დაემტკიცებინა, რომ ამაოდ არ შრომობდა; მესამეც, თუ შესძლებდა უურნალისათვის შეიდნახევარი დოლარის გამოცანცვლას, მამასადამე, დაახლოებით ერთი თვე ოჯახი მაძლარი იქნებოდა.

თუ მოთხრობამ — „იმათთვის, ვინც გზაშია“ ოკლენდის საზოგადოება იმ დასკვნამდე მიიყვანა, რომ შესაძლოა ჯეკ ლონდონი მწერალი გახდეს, „თეთრმა მღუმარებამ“, ამ უკვდავმა კლასიკურმა ნაწარმოებმა ყინულოვანი ქვეყნის შესახებ, უკვე თვალეზი აუხილა ოკლენდს. დიახ, ამ ადამიანს შეუძლია წერა. ამბავი, რომელიც განსაცვიფრებელი რელიეფურობით, სინაზით, ღრმა გრძნობით არის დაწერილი, ერთსადამიანე ღროს იწვევს სიბრალულსაც, შიშსაც, აღტაცებასაც და ყველაფერს, რასაც კი ადამიანი განიცდის ხელოვნების სრულყოფილი ნაწარმოების კითხვისას. ჯეკი ყოველდღიურად ასობით ლექსს კითხულობდა და გადასწერდა, რათა ჟღერადი, მწყობრი სტილი გამოემუშავებინა და, ამას გარდა, იმიტომაც, რომ მის აზროვნებაში სიტყვებს ისევე ეფლერა, როგორც მელოდებს კომპოზიტორის აზროვნებაში. ძნელად თუ ვინმე და-

იჭერებდა, რომ მის პირობებში აღზრდილი ყმაწვილი ნამდვილი პოეტი დადგებოდა, მაგრამ სწორედ ასე კი მოხდა: „თეთრი მღუმარება“ პოეტის ნაწარმოებია.

„ადამიანს რომ თავისი არაარობა დაუმტკიცოს, ამისათვის ბუნება უამრავ მოულოდნელობას ფლობს — ზღვის მოქცევანი და უკუქცევანი, რომელნიც გამუდმებით ენაცვლებიან ერთმანეთს მძვინვარე ქარიშხლებში, მძლავრი მიწისძვრები. მაგრამ არაფერი შეედრება თეთრი იღუმალეების შემადრწუნებელ საშინელებას. არავითარი მოძრაობა; ცას სპილენძისფერი ელვარება გადაჰკრავს და ღრუბლის ნატამალიც არ მოჩანს. ოდნავ გასაგონი ჩურჩული, საკუთარი ბგერაც კი აშინებს, შეურაცხყოფს სმენას. მკვდარი სამყაროს მოჩვენებით სივრცეებში ეული ქვიშის მარცვალი მოძრაობს. ეს ადამიანია. თავისი კადნიერება მას შიშის ზარსა ჰკერის. ნუთუ არ ესმის, რომ მისი სიცოცხლე ჭიაყელას სიცოცხლეზე უფრო უმნიშვნელოა? უცნაური, დაუბატიყებელი აზრები ებადება თავში: აი სადაცაა მისთვის ცნობილი გახდება ყოფიერებრს საიდუმლოება“.

ამბობენ, რწმენა მთებსაც კი დასძრავსო. მაგრამ ჭეკი იმედებს უფრო გულმოდგინეობაზე ამყარებდა. მან თავის თავს დაუწესა ულუფა — ათასხუთასი სიტყვა დღეში — და მუშაობას მხოლოდ მაშინ წყვეტდა, როცა გაკრული ხელით მათ ჭერ ქალღმერთზე გადაიტანდა, შემდეგ კი მანქანაზე გადაბეჭდავდა. ვიდრე თავის აზრს ქალღმერთს გაანდობდა, კარგად აწონ-დაწონიდა მას გონებაში და შემდეგ უკვე არავითარ ძალას აღარ შეეძლო აეძულებინა, რაიმე გადაეკეთებინა, თუ არ ჩავთვლით ერთი სიტყვის მეორეთი შეცვლას; ველოსიპედი, საათი, მაკინტოში და საზამთრო კოსტუმი დიდი ხანია გამსესხებულ სავაჭროში ჰქონდა წაღებული. ოჯახს კარგახანია ლობიოსა და კარტოფილის გარდა არაფერი ენახა. მენიუში ცვლილება ხანდახან ელიზას თუ შეჰქონდა, როცა იგი თავისი ოჯახის კერძიდან ცოტა რამის მიტანას ახერხებდა. სასოწარკვეთილებაში ჩავარდნილმა ჭეკმა იუმორისტული ლექს-ტრიოლეტებისა და სალაღობო მოთხრობების წერა დაიწყო იმ იმედით, იქნებ ისინი, თუნდაც თითო დოლარად მიეყიდა იუმორისტული ჟურნალებისათვის.

ამ გაზაფხულზე ჭეკი ორჯერ გამოიძახეს ფოსტაში სამუშაოდ;

ოჯახში არც ერთი გროში, პურის ერთი ნამცეციც არ მოეპოვებოდათ. „ტრანსკონტინენტური ყოველთვიური“ პასუხსაც არ იძლეოდა მუდარით აღსავსე მის წერილებზე და ჭიუტად არ უგზავნიდა ხუთ დოლარს მოთხოვნაში „იმათვის, ვინც გზაშია“ და შვიდნახევარს „თეთრი მღუმარებისათვის“. ჭეკმა ელიზას სესხად გამოართვა ბორნით გადასვლის საფასური; მისი წარმოდგენით, მთელი თავისი „რაინდული აღჭურვილობით“ შემოსილმა გადასცურა ყურე და რედაქციას მიაღვა. შედგა თუ არა რედაქციის ზღურბლზე ფეხი, იგი მიხვდა, რომ ეს ყურნალი არ იყო საერთოსაქვეყნო მნიშვნელობის ბრწყინვალე ყურნალი, როგორაც ეს ჭეკს წარმოედგინა. ყურნალის ფინანსური მდგომარეობა მეტად მძიმე იყო. მართალია, იგი ჭერ კიდევ სუნთქავდა, მაგრამ მხოლოდ იმიტომ, რომ რედაქტორი როსკო ეიმსი და გამომცემელი ელუარდ პეინი შიმშილით არ დახოცილიყვნენ. ამ შემთხვევითი შეხვედრის შემდეგ ორივენი შეიჭრნენ ჭეკის ცხოვრებაში, რათა სამუდამოდ მასთან დარჩენილიყვნენ. ეიმსი და პეინი მეტად მოხარული დარჩნენ ჭეკ ლონდონთან შეხვედრით, მაღალფარდოვანი ფრაზებით შეამკეს მისი ტალანტი... და დაპირდნენ, რომ მეორე დღით, პირველივე ფოსტით გადაუგზავნიდნენ ხუთ დოლარს. მაგრამ დამშეული ავტორის ზორბა მუშტებმა ისეთი ეფექტი მოახდინა, რომ ამ ორმა ლიტერატურულმა ჭენტლმენმა იკადრა და მაშინვე ჭიბიდან ამოიღეს ხუთი დოლარი.

ვალეზით წელგაწყვეტილმა ჭეკის ოჯახმა ხუთი დოლარით მარტში თავი გაიტანა. „ტრანსკონტინენტურმა ყოველთვიურმა“ ითხოვა, აპრილის ნომრისათვისაც გაეგზავნა რაიმე. ჭეკმა უპასუხა, ვიდრე რედაქცია „თეთრი მღუმარებისგან“ კუთვნილ გასამრჯელოს არ გადაუხდის, ახალი ნაწარმოების გაგზავნაზე ლაპარაკიც ზედმეტიაო. მრავალგზის დაბეჯითებითი მოთხოვნის შემდეგ „ყოველთვიურმა“, როგორც იქნა, ვალი გადაუხადა და ჭეკმა რედაქციას „მგლის შვილი“ გაუგზავნა. სწორედ იმ დროს, აპრილში, სან-ფრანცისკოს ყურნალმა „საქალაქო თემებზე“ დაბეჭდა ერთ-ერთი მისი იუმორისტული ლექსი-ტრიოლეტი „იგი სიცილით დაიხრჩო“. ფლორასა და მის შვილს კრედიტორებმა და სახლის პატრონმა იმდენად მოაბეზრეს თავი, რომ ჭეკი თანახმა იყო ხუთიაფას სიტყვიანი მოთხოვნები ერთ დოლარად დაეთმო — მზად იყო ყვე-

ლაფერზე, ოღონდ როგორმე ორიოდე ცენტი ეშოვა. მუშაობა სა-
კუთარ თავში რწმენას უნერგავდა, მაგრამ დროდადრო ნერვები
ღალატობდა; სადღაც, გულის სიღრმეში მიყუჟული მერყეობა იღვი-
ძებდა და ჩასჩურჩულებდა, რომ წარმატების შანსი მეტად უმნიშვნე-
ლოა, რომ იგი გამარჯვებას ვერასოდეს ვერ მიაღწევს.

პირველი ნამდვილი წარმატება მაისმა მოუტანა. ჟურნალმა „სა-
ქალაქო თემებზე“ დაბეჭდა პოემა „ერთი საათით ღმერთი რომ
ვიყო“, ხოლო „ტრანსკონტინენტურმა ყოველთვიურმა“ — მეოთხე
მოთხრობა ალასკის შესახებ — „მეორმოცე მილის მამაკაცები“, რო-
მელიც ძარღვიანი სტილით, გამსკვალავი, უხეში იუმორითა და ირ-
ლანდიური მებრძოლი სულით იყო დაწერილი. მისტერ უმსტეტერმა
თავის „შავ კატაში“, როგორც იქნა, დაბეჭდა „ათასი დუჟინი“, ხოლო
„ორინჯ ჯოდ ფარმერმა“ — მოთხრობა „თავისიანების მოსანახუ-
ლებლად“. ბედნიერებისაგან თვალეზაბრწყინებული ჯეკი იჭდა
თავის ვიწრო, ცუდად განათებულ პატარა საძინებელ ოთახში, თითე-
ბით ჩასკიდებოდა აბურძენილ ბლუჯა თმებს, გადაეშალა ოთხივე
ჟურნალი და თავის პირმშობებს დასცქეროდა. სახლში ცივა, შეშა
გაუთავდათ, საკუქნაო გამოცარიელებულია, მაგრამ რა ბედენაა!
უბები ჩაუცვივდა, კოსტუმიც ისე დაუძველდა, რომ ეპლგარტების
ოჯახში ველარ გამოჩნდება, ვაითუ დედამისმა შენიშნოს. არა-
ფერია! ის და ფლორა შეჩვეულები არიან; ისინი ძარღვიანი ხალხია
და ისეთსაც გადაიტანენ, სიფაფუკეს შეჩვეულ ოჯახს წელში რომ
გასტეხდა. დიახ, ცხოვრება მას ფიანდაზად არ ეგება ფეხქვეშ — აკ-
ვნიდან როდი დაჰყვა რკინისებური მტკიცე ხასიათი. ადრიდან-
ვე მიეჩვია იგი საშიშროებისათვის თვალის გასწორებას და გამოუ-
ვალ მდგომარეობაში ჩავარდნისას სულის სიმტკიცის შენარჩუ-
ნებას. მერე რა, რომ მოწიფულია, განა ამიტომ ახლა ვიკინგი
იღარ არის? მან თავისთავს დაუსახა ამოცანა, რომელზეც უფრო
ძნელს ვერც მოისაზრებს ადამიანი. მაშასადამე, უფრო მეტი მი-
ზეზებიც ექნება მის დასაძლევად: გამირული იერიშის ღირსი ხომ
მხოლოდ ყველაზე მოუდგომელი მწვერვალეებია. ჯერ კიდევ მოზარ-
დი იყო, როცა საგანგებოდ ეძებდა საშიშროებას და სიამოვნება-
საც მათში ხედავდა, მაგრამ ამით ხასიათი სულაც არ ეცვლებოდა.
იგი გულადი ადამიანი იყო, ამ სიტყვის სრული მნიშვნელობით,

თუმცა ზოგჯერ რომანტიულ საბურველში უხდებოდა ამ გულადობის გახვევა. ყოველ შემთხვევაში, იგი ასე ფიქრობდა, როცა თავის ლიტერატურულ ნადავლს დასცქეროდა თავისი დადუმებული სენაკის მყუდროებაში.

იენისში მისი ნაწარმოები უკვე აღმოსავლეთის პრესაშიც გამოჩნდა: ბუფალოს გაზეთმა „ექსპრესმა“ მოათავსა „დოუსონიდან ზღვამდე“ — ნამდვილი ამბავი თითქმის ორი ათასი მილის მანძილზე მდინარე იუკონზე ღია ნავით მოგზაურობის შესახებ. ჟურნალმა — „საკუთარ კერასთან“ — მოათავსა ნარკვევი „კლონდაიკის გზაზე უფსკრულებზე გავლით“, ხოლო „ტრანსკონტინენტურმა ყოველთვიურმა“ ჩრდილოური სერია შეავსო მოთხრობით „შორეულ მხარეში“. ივლისში ჯექმა მტკიცედ მოიკალათა პროფესიონალურ მწერალთა შორის. ერთ თვეში მისი ნარკვევები და მოთხრობები ხუთ პერიოდულ გამოცემაში დაიბეჭდა. ეს მართლაც სასწაული იყო ოცდასამი წლის ყმაწვილისათვის, რომელმაც წერა მხოლოდ ცხრა თვის უკან დაიწყო. რამდენად ბევრის შეძენა მოასწრო მან თვითგანვითარებით, ეს ნათლად ჩანდა ჟურნალ „განათლებაში“ მოთავსებული ორი სტატიიდან: ერთი მათგანი ეხებოდა ენის საკითხებს, მეორე — ზმნების გამოყენებას. მისი მოკლე მოთხრობები გამოქვეყნდა ჟურნალებში „ბუ“, „ტრანსკონტინენტური ყოველთვიური“ და „ტილოტსონის სინდიკატი“.

ჟურიგო არ იქნებოდა ამ თვის სასიხარულო ამბების ზეიმით აღნიშვნა. ჯექმა ლომბარდიდან ველოსიპედი გამოიხსიდა, მეიბლს გაუარა და ორივენი გორაკებისაკენ გაემგზავრნენ. ჯექმა წინანდებურად ფესქვეშ ფიანდაზად გაუგო მას თავისი წარმატებები, მაგრამ შენიშნა, რომ მისი საცოლე ამჯერად მხიარულად არ გამოიყურებოდა. მეიბლის კითხვაზე, თუ რამდენი მიიღო ხუთივე დაბეჭდილ ნაწარმოებში, ჯექი გამოუტყდა, რომ ჯერჯერობით მხოლოდ ხუთი დროლარი გამოუგზავნეს და იმედი აქვს, რომ დანარჩენი ორი მოთხრობისათვის შვიდნახევარს მიიღებს „ტრანსკონტინენტური ყოველთვიურიდან“. მეიბლმა თავი ვეღარ შეიკავა, მის მუხლებზე დაემხო და მწარედ აქვითინდა. მათი დანიშვნის შემდეგ უკვე ნახევარმა წელმა განვლო და, მეიბლის აზრით, ის მცირე შემოსავალი, რომელიც მან კარგ ჟურნალებში მოთავსებული მოთხრობებისათვის

მიიღო, მხოლოდ იმას ადასტურებს, რომ ისინი ვერასოდეს ვერ შეძლებენ ლიტერატურული გასამრჯელოთი ცხოვრებას. თვით იგი მზადაა მასთან ჭირი და ლხინიც გაიზიაროს, მაგრამ დედამ, მისის ეპლგარტმა, კატეგორიულად და არაორაზროვნად განაცხადა, რომ ვიდრე ჭეკი არ მიაღწევს მნიშვნელოვანი თანხის გამომუშავებას, მეიბლი მისი ცოლი არ გახდება.

ჯექმა ახალი ხელნაწერები წაუკითხა — როგორმე ხომ უნდა დაუმტკიცოს, რომ აღმოსავლეთის მდიდარი გამომცემლობებიც დაიწყებენ მისი ნაწარმოებების ბეჭდვას, ეს მხოლოდ დროს მოითხოვს. იგი სულ უფრო და უფრო რწმუნდება, რომ ქმნის მძლავრ, ნამდვილ ნაწარმოებებს, რომლებიც არ წააგავს იმათ, ახლა რომ ამერიკაში წერენ. ამ მტკიცე თავდაჯერებულობის საპირისპიროდ მეიბლმა გამბედაობა მოიკრიბა და უპასუხა, რომ მისი მოთხრობები მას არ მოსწონს. ისინი დაუხვეწავია, არ არის სიტყვაკაზმული ენით დაწერილი, მხატვრულადაც დაბალ დონეზეა: ყველა ეს აღწერები პრიმიტიული, უხეში ცხოვრების შესახებ, ეს ტანჯვა-წამებანი, სიკვდილი... მკითხველი მათ არ მიიღებს. მას უყვარს ჭეკი, უყვარს, როგორც არასოდეს... ამის დასამტკიცებლად მეიბლი მოეხვია და მხურვალედ აკოცა. მას იგი ყოველთვის ეყვარება. მზადაა ახლავე გაჰყვეს ცოლად... მხოლოდ გამოიჩინოს გონიერება და ფოსტაში დაიწყოს მუშაობა. ანდა, განა არ შეიძლება, გაზეთის რედაქციაში მუდმივ ადგილზე მოეწყოს? აი, თუნდაც კორესპონდენტად?

ჯექს ეწყინა, რომ მეიბლს მისი არ სჯეროდა, მაგრამ ამის გამო წინანდელზე ნაკლებ როდი უყვარდა. აღმოსავლეთის ჟურნალების რაფინირებული ბატონების მსგავსად, მეიბლიც სათუთად იზრდებოდა: სათბურის ატმოსფეროში. კეთილი, იგი მათ უჩვენებს! შესძლებს მათი პირგაცვეთილი თვითკმაყოფილების გაზიარებებს. ისინი გაიგებენ, რა არის ნამდვილი მოთხრობა!

აი, ის კვლავ მიუჯდა ცუდად შეკრულ ხის მაგიდას. მოიმარაგა უამრავი სქელტანიანი პაპიროსი და კიდევ უფრო გაშმაგებით შეუდგა მუშაობას. საწერი მანქანიდან ძლივს ასწრებდა გადმოსვლას კლასობრივი ბრძოლის შესახებ დაწერილი გესლიანი სტატიის უკანასკნელი სიტყვები, რომ კლავიშები უკვე ბეჭდავდა სათავგადასავლო მოთხრობას ბავშვებისათვის; წარმტაც მოთხრობებს იმის შესახებ,

თუ როგორ ებრძვის ბედს და როგორ ხედება სიკვდილს ჩრდილოეთის ხალხი, სცვლიდა იუმორესკები ჟურნალისათვის „საქალაქო თემებზე“. გაორკეცებული ენერგიით ჩაკირკიტებდა იგი წიგნებს, მთელ გვერდებს ვადმოიწერდა ხოლმე ომის, მსოფლიო ვაჭრობის, ხელისუფლებასა და სასამართლოებში მოსყიდვის სისტემის, კონკურენციათა გამო საწარმოთა დანაკარგების, გაფიცვების, ბოიკოტების, ქალთა თანასწორუფლებიანობის შესახებ; წერდა შენიშვნებს თანამედროვე მეცნიერებისა და ტექნიკის მიღწევებზე, თანამედროვე სამედიცინო კრიმინოლოგიაზე. ამდაგვარი ცნობებით შევსებულ ბარათს ადრე შევსებულ ბარათებს უმატებდა და უნაკლო სიზუსტით ალაგებდა მათ თავის საცნობარო კარტოთეკაში. არ იყო დღე, რომ მას თექვსმეტი საათი არ გაეტარებინოს წიგნებსა და მანქანასთან, ხოლო თუ შეატყობდა, რომ მეტის ატანაც შეეძლო, ცხრამეტ-ცხრამეტ საათს მუშაობდა დღე-ღამეში; ასე გრძელდებოდა კვირის შევიდივე დღეს. გულმოდგინეობას ისეთი მთების დაძვრა შეუძლია, როგორიც რწმენას არც კი დასიზმრებია, რომ იტყვიან, სწორედ ამ შემთხვევაზეა ნათქვამი.

დაძაბული მუშაობის შედეგად ჰქვს ცოტა დრო რჩებოდა მეგობრებისა და საზოგადოებრივი საქმიანობისათვის. მეიბლი და დედაძისი სანტა-კლარას ხეობაში მდებარე პატარა ქალაქ სან-ხოსეში გადასახლდნენ. მარტოობამ თავისი გაიტანა: ჰქეკი მეტად გაემიჯნა ზალხს, თუმცა მეგობრებთან ყოფნა და საინტერესო თანამოსაუბრეებთან შეხვედრა მისთვის აუცილებელი მოთხოვნილება იყო. ამიტომ იგი სიხარულით დათანხმდა შესულიყო ახლად დაარსებულ რიოსკინის კლუბში, სადაც ადგილობრივი ლიბერალური ინტელიგენციის საუკეთესო წარმომადგენლები იკრიბებოდნენ. რამდენიმე დღის შემდეგ იგი გაუფრთხილებლად მივიდა ოკლენდის სოციალისტების მიტინგზე. სადაც მას გულითადი შეხვედრა მოუწყვეს და ჩააცვიდნენ, სიტყვით გამოსულიყო. ჰქეკი ტრიბუნაზე ავიდა და ლაპარაკი დაიწყო „მაქსიმუმის საკითხზე“. მისი სიტყვის დედაზარი იმაში მდგომარეობდა, რომ განვითარების მაქსიმალური დონის მიღწევისას კაპიტალიზმი გარდუვალად გადაიზრდება სოციალიზმში. ერთი კვირის წინ ჰქეკმა ამ თემაზე დაწერა სტატია, რომელიც თუმ-

ცა, შეიძინა ერთმა აღმოსავლურმა ჟურნალმა, მაგრამ არ დაბეჭდა. სტატიისაში „მაქსიმუმის საკითხისათვის“¹ ჯეკი მსჯელობს, როგორც უკვე ჩამოყალიბებული ეკონომისტი. იგი ჩინებულად ფლობს ისტორიული ფაქტების ეკონომიკის ენით გადმოცემის უნარს. უფრო მეტიც: სტატიიდან ჩანს, რა დიდი გამოკვლევა ჩაუტარებია ავტორს პოლიტიკური ეკონომიის დარგში.

იმით კმაყოფილი, რომ კარგად მიიღეს მისი გამოსვლა, ჯეკი დათანხმდა მონაწილეობა მიეღო ზოგადსაგანმანათლებლო საკვირაო ლექციების ციკლში, რომელიც სოციალისტური პარტიის ინიციატივით იმართებოდა. რაოდენ უსაზღვრო იყო მისი განცვიფრება, როცა პირველი ლექციის შემდეგ ოკლენდის პრესაში სერიოზული და მეგობრული ტონით დაწერილი შეფასებები გამოქვეყნდა! ესეც ახალი ამბავი, თურმე ჯეკ ლონდონთან ერთად სოციალისტებიც მიუღიან საზოგადოებაში.

სექტემბერში, ოქტომბერსა და ნოემბერში კიდევ სამი ციხესიმაგრე დაეცა: ჟურნალები „კონკიზი“, „გამომცემელი“ და „ახალგაზრდობის თანამგზავრი“. რიოსკინის კლუბელ მეგობრებსა და თანამომძე სოციალისტებს მიაჩნდათ, რომ ჯეკმა, როგორც მწერალმა, უკვე მიაღწია წარმატებას. კვირაობით, როცა ლექციებისაგან თავისუფალი იყო, ჯეკი ოკლენდიდან ორმოცი მილის მანძილზე მდებარე სან-ზოსეში მიდიოდა ველოსიპედით შეიბლის სანახავედ. კვირაში რამდენიმე საღამოს მიტინგებზე, ლექციებსა და დისპუტებში ატარებდა. ერთ ასეთ საღამოს ჯეკი ყოფილ მოქადაგესთან, იმჟამად კი მწერალ ჯიმ ვაიტეკერთან და მტკიცე ანარქისტ სტრონ-ჰამილტონთან ერთად ყურეს მეორე მხარეზე გადავიდა, რათა ტერჯ სტრიტ ტემპლში ოსტინ ლუისის ლექცია მოესმინა სოციალისტების შესახებ. აქ იგი შეხვდა მგზნებარე სოციალისტს ანა სტრუნსკაიას, რომელსაც ჯეკი „გრძნობათა გენიას“ ეძახდა. იგი უთუოდ ყველაზე ბრწყინვალე ქალი იყო იმათ შორის, რომელთაც ჯეკი თავის ცხოვრებაში შეხვედრია.

შთაბეჭდილებიანი, მორცხვი ქალიშვილი, მუქთაფლისფერთვა-

¹ ეს სტატია ადრე იყო დაწერილი, სახელდობრ — 1898 წელს, და პირველად 1905 წელს გამოქვეყნდა კრებულში „კლასთა ბრძოლა“.

ლება, შავხუჭუჭთმიანი, ტანადი ანა სტრუნსკაია სტანფორდის უნი-
ვერსიტეტის სტუდენტი იყო. ჩამომავლობით იგი სან-ფრანცისკოს
ერთ-ერთ პირველმოსახლე ოჯახს ეკუთვნოდა¹, რომელიც ამავე
დროს, ქალაქის კულტურულ ცენტრადაც ითვლებოდა. მას ვილა-
ცამ დაანახვა ჯეკი და უთხრა, რომ იგი ოკლენდელი სოციალისტი
და პროფესიული მწერალია და ქუჩებში გამართულ მიტინგებ-
ზეც გამოდისო სიტყვით. ლექციის შემდეგ ისინი ერთმანეთს გააც-
ნეს; ანას მოეჩვენა, თითქოს ახალგაზრდა ლასალს, ახალგაზრდა
მარქსს, ანდა ბაირონს შეხვდა. როგორც თვითონ მისს სტრუნ-
სკაია წერს, მას მყისვე უგრძვნია, რომ მის წინ ისტორიული პიროვ-
ნება იდგა. ხოლო რაც შეეხება სინამდვილეს, იგი ანა სტრუნსკაიას
წინ წარმოსახა ახალგაზრდა კაცის სახით, რომელსაც მუქი წარბე-
ბის ჩარჩოში ჩამჭდარი დიდი ცისფერი თვალები და ლამაზი ბაგეები
ჰქონდა, და რომელსაც გაღიმებისას ორი ჩამტვრეული წინა კბილი
მოუჩანდა. შუბლი, ცხვირი, ლოყების კონტური და მასიური კისერი
კი მას ანტიკურ ქანდაკებას მოაგონებდა. წარმოსადეგი იყო,
თავისუფალ მიხვრა-მოხვრაში ათლეტური ძალა იგრძნობოდა. ჯეკს
ნაცრისფერი კოსტუმი და თეთრი რბილი პერანგი ეცვა მისაბნევი-
საყელოთი და შავი ყელსახვევით.

ჯეკ ლონდონსა და ანა სტრუნსკაიას შორის მეგობრული და თა-
ნაც მეტად მგზნებარე ურთიერთობა დამყარდა; რაღაზე არ კამა-
თობდნენ ისინი და მერე როგორი გააფთრებით! საზოგადოებრივ
საქმეებზეც, ეკონომიკაზეც და ქალთა საკითხებზეც! მისს სტრუნ-
სკაია აღაშფოთა ჯეკის განცხადებამ, რომ თუმცა იგი სოციალის-
ტია, მაგრამ განზრახული აქვს კაპიტალისტები მათსავე წამოწყებულ
თამაშში დაამარცხოს. სოციალისტებს უიღბლო, სუსტი ნებისყო-
ფის მქონე, უნიჭო ადამიანებად სთვლიან. ჯეკი კი დაამტკიცებს,
რომ სოციალისტი არაფერში არ ჩამოუვარდება კაპიტალისტთა შო-
რის ყველაზე რჩეულსაც კი. ეს იქნება სოციალიზმის ყველაზე უკე-
თესი პროპაგანდა. ანა სტრუნსკაიამ აღშფოთებით განაცხადა, რომ:

¹ მისი მშობლები წარმოშობით რუსეთიდან იყვნენ.

წამდვილი სოციალისტისათვის სავსებით მიუღებელია ამდაგვარი ზრახვები. როგორ! მიზნად დაისახოს დიდება და სიმდიდრე? ის, ვინც ძველი წყობის სიუხვით სარგებლობს, თვითონაც ხომ, ასე თუ ისე, მხარს უჭერს ამ წყობას და სულიერად მას უნათესავდება. ჯეკმა გულკეთილად გადაიხარხარა. არა უშავს! მართალია, აღმოსავლეთის ჟურნალების გამომცემლები ახლა მას შიმშილით სულსა ხდიან, მაგრამ მოვა დრო და ისინი ფულს არ დაზოგავენ, ოღონდ მისი მოთხოვნები შეიძინონ. შეგიძლიათ დარწმუნებული ბრძანდებოდეთ, რომ იგი კაპიტალიზმიდან ყველაფერს ამოქაჩავს, რასაც კი შესძლებს, თვით უკანასკნელ დოლარსაც კი.

თუ ვალებსა და მატერიალურ საზრუნავს არ ჩავთვლით, ჯეკი ახლა ცუდად არ ცხოვრობდა. თვეში ათ-თხუთმეტ დოლარს შოულობდა. იმ ჟურნალების რიცხვიც, რომლებიც მის ნაწარმოებებს ბეჭდავენ, თანდათან იზრდებოდა. ჯეკს უყვარდა წერა, მოსწონდა ჩაფიქრება, კვლევა-ძიება, შედარება, მიღწევა. კვირა საღამოს სოციალისტთა ადგილობრივ ორგანიზაციაში კითხულობდა ლექციებს ისეთ თემებზე, როგორცაა, მაგალითად, „ექსპანსიონისტური პოლიტიკა“; სადილებსაც ესწრებოდა რიოსკინის კლუბში, სადაც ახლა მას უამრავი მეგობარი ჰყავდა: ახალგაზრდა მასწავლებლები კალიფორნიის უნივერსიტეტიდან, პროფესიული ლიტერატორები, ოკლენდის ახალი ბიბლიოთეკარი. შაბათობით ეპლგარტებს ეწვეოდა ხოლმე სან-ხოსეში. მათ ახალ ხელნაწერებს აცნობდა და თანაც დიდ მნიშვნელობას ანიჭებდა მეიბლის აზრს წაკითხულის შესახებ; ზოგჯერ, ტყეში სეირნობისას, ანდა სასტუმროში მარტოდ დარჩენილნი, სავარძელში ჩუმად ჰკოცნიდნენ ერთმანეთს. ხომ ასე ძლიერ უყვარდა მეიბლი, მაგრამ ფიქრადაც არასოდეს მოსვლია ადგილი მოეძებნა მისთვის იმ მჩქეფარე, ხმაურთან ცხოვრებაში, როგორსაც იგი ოკლენდში ეწეოდა. სოციალისტურ მიტინგებზე თუთუნის ბოლსა და ღრიანცელში მეიბლზე ფიქრიც კი მკრეხელობა იქნებოდა. იგი მისთვის ისევ ისეთ უშფოთველ, წყნარ ქალღმერთად რჩებოდა, რომელიც მაღლა ცაში დაფრინავდა ამქვეყნიურ მღელვარებათა და ამაოებრისაგან შორს მყოფი. როცა ისინი დაქორწინდებიან, მეიბლი ალერსიანად, თავაზიანად მიიღებს ჯეკის მეგობრებს, პაექრობაში მის მოწინააღმდე-

გეებს. მაგრამ ჭიუტ, გამოუსწორებელ მოწინააღმდეგეებს კი არა-
არამედ იმათ, ვინც უფრო მშვიდი იქნება. ხოლო როცა ჭეკი მწვავე-
კამათში გატარებული კრებიდან შინ აფორიაქებული და გაცხარე-
ბული დაბრუნდება, იგი მის ალერსში ჰპოებს იმ წყნარ ნაფსაყუდელს,
სადაც დაშოშმინებულს შეეძლება მოისვენოს და დაწყნარდეს. მას-
ყოველნაირი მონაცემები გააჩნია, რომ ზეადამიანის მეუღლე გახდეს.

ბოლოს, როგორც იქნა, საუკუნის მიწურულში ჭეკ ლონდონმა
წამდვილ, დიდ წარმატებას მიაღწია; იგი ამაში წინასწარ იყო დარ-
წმუნებული. ჭეკს სწამდა, რომ წარმატება იმათი გარდუვალი ხვედ-
რია, ვისაც „რწმენა, გულმოდგინეობა და ტალანტი“ აქვს. წინა-
კვირებში მან დიდი მოთხრობა დაწერა „ჩრდილოეთის ოდისეას“
სახელწოდებით და სხვას კი არა, პირდაპირ ბოსტონის ჟურნალ „ატ-
ლანტიკის ყოველთვიურს“ გაუგზავნა. ეს მისი მხრივ მეტისმეტი
თავდაჯერებულობა იყო. „ატლანტიკის ყოველთვიური“ იყო
თეთრი ძვალი, შეერთებული შტატების ყველაზე თავდაპირილი,
მიუდგომელ-არისტოკრატიული ლიტერატურული ჟურნალი. ლო-
გიკურად თუ ვიმსჯელებთ, „ატლანტიკის ყოველთვიურს“ ხელნა-
წერი უკანვე უნდა დაებრუნებინა მოკლე, ავტორის ღირსების შე-
ურაცხმყოფელი უარით. ამის ნაცვლად ჭეკმა სწორედ ის გრძელი
და თხელი კონვერტი მიიღო, რომლის ერთი დანახვითაც კი სინა-
რულისაგან თავბრუ ესწმოდა. რედაქტორი მოთხრობას აქებდა, ამას-
თანავე სთხოვდა, პირველი ნაწილი სამიათასი სიტყვით შეემცირე-
ბინა და მისი გამოცემის უფლებებისათვის ას ოც დოლარს სთავაზობ-
და. სწორედ ისე, როგორც იმ დილას, როცა „ტრანსკონტინენ-
ტური ყოველთვიურიდან“ თხელი კონვერტი მოუტანეს, აცახცა-
ხებული და თვალგამტერებული ჭეკი საწოლის კიდეზე დაეშვა. ას
ოცი დოლარი თავისუფლად ეყოფა, რომ ვალები გადაიხადოს, ლომ-
ბარდიდან ნივთები გამოისყიდოს, საკუჭნაო სანოვაგით გამოტენოს
და სახლის პატრონსაც ექვსი თვის ქირა წინასწარ გადაუხადოს! შლე-
გიანივით წამოვარდა ლოგინიდან, ფეხით ფართოდ გააღო კარები,
სამზარეულოში შევარდა. ფლორა ხელში აიტაცა და გიჟივით დატ-
რიალდა:

— დედა! შეხედე! ამას შეხედე! საქმე გაიჩარხა! „ატლან-
ტიკის ყოველთვიური“ მოთხრობას ბეჭდავს. აღმოსავლეთის ყვე-

ლა გამომცემელი წაიკითხავს მას, ყველას მოუხდება მოთხოვნების მიღება. ახლა კი გავვეხსნა გზა მწვერვალებისკენ!

ფლორა უელმანმა თავი დაუქნია და, ფოლადისჩარჩოიანი სათვალეების ვიწრო შუშების მიღმა ჩამალული მკაცრი ღიმილით აკოცა თავის ერთადერთ ვაჟს.

სინამდვილემ ყოველგვარ მოლოდინს გადააჭარბა. „ტრანსკონტინენტურ ყოველთვიურში“ ალასკის შესახებ მოთხოვნების გამოსვლის შემდეგ, ჰაფტონ მიფლანის საგამომცემლო ფირმა, რომელიც კავშირში იყო ბოსტონის „ატლანტიკის ყოველთვიურთან“, გაეცნო „ჩრდილოეთის ოდისეას“ ხელნაწერს და დათანხმდა საგაზაფხულოდ გამოეცა მოკლე მოთხოვნების კრებული. უნდა ვიგულისხმოთ, რომ ფირმის შეფასება, რომელიც მაშინაა შედგენილი, როცა კრებულის გამოცემის საკითხი წყდებოდა, ჯეკ ლონდონის თხზულებათა სერიის პირველი პროფესიული კრიტიკული მიმოხილვა იყო. „მართალია ავტორი მეტისმეტად თავისუფლად იყენებს ოქროს საბადოში გავრცელებულ ჟარგონს და საერთოდაც არ გამოირჩევა დახვეწილი სიტყვაჯამულობით, მაგრამ მის სტილს სიახლე, მჩქეფარე ძალა ახასიათებს. იგი ცხოველი ფერებით ხატავს შიმშილის, სიცივისა და წყვიადისაგან გამოწვეულ ტანჯვა-წვალებას; სიხარულს, რომელსაც საშიში სტიქიით გარემოცული ადამიანები პოულობენ მეგობრობაში. ნამდვილ ადამიანურ ღირსებებს, რომელნიც ბუნებასთან მკაცრ ბრძოლაში მკლავნდება. მოთხოვნა მკითხველს არწმუნებს. რომ ავტორმა თვითონ განიცადა ის ცხოვრება, რომელსაც აღწერს“.

ახლა უკვე შეეძლო აღარ გაეყიდა მოთხოვნები შეიდნახევარ დოლარად, რომელთა მიღება ასე ძლიერ ჰქირდა „ტრანსკონტინენტური ყოველთვიურიდან“. 1899 წლის 21 დეკემბერს ხელი მოაწერეს ხელშეკრულებას, რომელიც ბოსტონს, ამერიკული კულტურის ამ პროინგლისური ჯალათების საყრდენს, ავალდებულებდა ყოფილიყო ამერიკულ ლიტერატურაში მომხდარი რევოლუციის ნათელია, რევოლუციისა, რომელიც ადგილობრივ ნიადაგში — კალიფორნიისა და ალასკის მიწაზე ჩაისახა. ახლა, როცა ჯეკ ლონდონის გაბედულ ახალ სიტყვას ლიტერატურაში მხარს უჭერდა ბოსტონის კონსერვატიული გამომცემლობა, მწერალს შეეძლო იმედი ჰქონოდა,

რომ მის ნაწარმოებებს ანგარიშს გაუწევენ და უფრო მეტად მათ ღირსებებს მიაქცევენ ყურადღებას, ვიდრე საყოველთაოდ აღიარებული ნორმებისაგან გადახრას.

რამდენიმე დღემ განვლო. ახალი წლის წინა საღამოს ჭეკი იჭდა თავის ოთახში, რომელიც სავსე იყო ხელნაწერებით, ბარათებით, წიგნებითა და ათობით ჩაფიქრებული მოთხრობის მონახაზებით. რამდენიმე საათის შემდეგ ახალი — მეოცე საუკუნე დაიბადებოდა. ჭეკის ისეთი გრძნობა ჰქონდა, თითქოს ამ ღამით დაიბადებოდა ხელახლა და ახალ საუკუნესთან ხელიხელჩაკიდებული გავიღოდა შარავზაზე.

ასი წლის წინათ, სწორედ ასეთსავე ღამეს, ადამიანი ამღვრეული გონებით დაეხეტებოდა შუა საუკუნეთა მომწამვლელ ბურუსში. მას სამყაროში ყველაფერი ურყევად, ღვთისაგან წინასწარ განსაზღვრულად წარმოედგინა; ნდობით აღსავსეს მიაჩნდა, რომ მმართველობის ფორმები, ეკონომიური სტრუქტურა, მორალი, რელიგია და სხვა საზოგადოებრივი მოვლენები, ერთხელ და სამუდამოდ მამა ღვთისაგანაა დადგენილი უცვლელი ნიმუშის მიხედვით, რომლის სულ უბრალო წვრილმანიც კი ურღვევი, შეუვალი დოგმაა. მეამბოხე გერმანელმა ფილოსოფოსმა ჰეგელმა ააფეთქა ეს ურყევი წარმოდგენა, რომელიც მეფეებისა და სამღვდლოების მიერ იყო ძალად თავსმოხვეული. უმეცრების, შიშის, პირმოთნეობისა და სიყალბის იმავე წყვილადში აიდგეს ფეხი დარვინმა და სპენსერმა, რომლებმაც ადამიანი გაანთავისუფლეს რელიგიის ბორკილებისაგან. ხოლო კარლ მარქსმა მას ხელში მისცა იარაღი, რომლითაც შეეძლო ნაცარტუტად ექცია თავისი ბორკილები და შეექმნა საზოგადოება, რომელიც მის მოთხოვნებს დააკმაყოფილებდა. ასი წლის უკან, ასეთსავე ღამეს ადამიანი მონა იყო; იქნება თუ არა იგი ასი წლის შემდეგ, ასეთსავე ახალწლის ღამეს, საკუთარი თავის ბატონ-პატრონი? ახლა იგი ფლობს განთავისუფლებისათვის საჭირო საშუალებებსაც და იარაღსაც; თვით მასზეა დამოკიდებული იმ სამყაროს შექმნა, რომელიც მას ესაჭიროება. ნებისყოფა აი, ერთადერთი, რაც ახლა მას აკლია. იგი, ჭეკ ლონდონი, ვალდებულია მონაწილეობა მიიღოს ამ კოლექტიური ნებისყოფის შემუშავებაში.

დაკვირვებით, აუჩქარებლად წონიდა იგი თავის ძალას, აფასებდა საკუთარ თავს, თავის მუშაობას და ეპოქას, თავის მომავალსაც.

ესაში მეტად ძლიერაა განვითარებული ჯოგური გრძნობა; იგი კარგად გრძნობს თავს მისსავე მსგავსთა შორის, ეგრეთ წოდებულ „საზოგადოებაში“ კი — როგორც ნაპირზე გარიყული თევზი. მშობლიურმა წრემ ასწავლა მას უნდობლად, მტრულად მოეკიდოს პირობითობას. იგი მიეჩნევა ალიაროს ის, რასაც ფიქრობს — არც მეტა, არც ნაკლები. ათი წლის ბიჭუნამ მწვავედ განიცადა გაჭირვების ბასრი კლანჭები, რომელმაც თუმცა გრძნობიერება მოუსპო, მაგრამ გრძნობას ვერაფერი დააკლო. გაჭირვებამ იგი პრაქტიკული და ფხიზელი გახადა, ასე რომ, ზოგჯერ გულქვა, გრძნობადაკარგული, უკმეხიცი გეგონებოდათ. გაჭირვებამ განუვითარა რწმენა, რომ გონება უფრო მძლავრია, ვიდრე წარმოსახვა, რომ ცოდნა გრძნობაზე უფრო მაღლა დგას. „შემთხვევითი სტუმარი, ზღვის მლაშე წყლით ფრთებგაწუწული გადამფრენი ფრინველი, ცოტა ხნით, ხმაურით შემოიჭრა თქვენს ცხოვრებაში, — სწერდა იგი ანა სტრუნსკაიას გაცნობის პირველ დღეებში; — წარმოიდგინეთ გარეული, მაღალ, ლაღსა და გაშლილ სივრცეებს ზიხვეული, მოუქნეული ფრინველი, რომელმაც ვიწრო გალიაში ვერ შეითვისა თავაზიანი მოპყრობა. ასეთი ვარ მე და ასეთად მიმიღეთ“.

მოჩვენებითს, ნაძალადევს ვერ ეგუებოდა. დაე, იწამონ იგი ისეთი, როგორიც არის, ან საერთოდ თავი დაანებონ. უფრო ხშირად სვიტერს ატარებდა, სტუმრად წასვლისას საველოსიპედო კოსტუმს იცვამდა. მეგობრებს, როცა იგი ახლო გაიცნეს, აღარაფერი უკვირდათ, რაც არ უნდა გაეკეთებინა, მხოლოდ იტყოდნენ: „რა გიკვირთ, ეს ხომ ჩვეია“.

არავის არ ეპირფერებოდა, ხასიათს არავის უწყობდა, ვისიმე გულის მოგებასაც არ ცდილობდა და მიუხედავად ამისა, მაინც სიყვარულითა და პოპულარობით სარგებლობდა, რადგან, ანა სტრუნსკაიას სიტყვებით რომ ვთქვათ: „მასთან გაცნობა იმას ნიშნავდა, რომ მყისვე მხურვალე ინტერესი გაგდვიძებოდათ ადამიანებისადმი“. მისი სიცილი, მისი ლაპარაკი და გამოხედვა ცხოველმყოფლად მოქმედებდა გარშემომყოფებზე; საკმარისი იყო მისი გამოჩენა, რომ ყველანი გამოცოცხლებულიყვნენ. თითქოს იგი ელექტროდენს აფრქვევდა; ოთახში მისი შესვლისთანავე იქ მყოფნი შეირხეოდნენ, რათა ძილის მომგვრელი სიზარმაცე მოეშორებინათ.

შეიძლება ითქვას, რომ ჭეკის ყველაზე ცხოველ გატაცებას შეადგენდა სწრაფვა ზუსტი ცოდნისადმი. „ფაქტები მომეცით, უცილობელი ფაქტები!“ — ასეთი იყო მთელი მისი სიცოცხლის, მთელი მისი მუშაობის ლეიტმოტივი. მას სწამდა, რომ ცხოვრება მატერიალურ საფუძველს უნდა ეყრდნობოდეს; რადგანაც მას შესაძლებლობა ჰქონდა თვალნათლივ დარწმუნებულიყო, რა უგუნურება, პირმოთნეობა და უსინდისობა იყო დამალული სულიერ საფუძველებს მიღმა. განუსჯელი თვითრწმენის ნაცვლად ილტვოდა მეცნიერული ცოდნის დანერგვისაკენ; მხოლოდ მკვირცხლი, გამჭრიახი გონება შესძლებს განდევნოს ადამიანთა აზროვნებიდან შავ-ბნელი შუა საუკუნეების ღმერთი, დაამხოთ იგი და მის ტახტზე კაცობრიობა დაამკვიდროს. როგორც აგნოსტიკოსი, ადამიანის სულის გარდა, იგი სხვა ღმერთს თაყვანს არ სცემდა. საკუთარ თავზე გამოსცადა, თუ რა ღრმა წუმპეში შეიძლება ჩაეფლოს ადამიანი, მაგრამ იმაშიც დარწმუნდა, რა მიუწვდომელ მწვერვალს შეიძლება მიაღწიოს. „რა პატარაა ადამიანი და იმავე ღროს რა ბუმბერაზი!“ — ამბობდა ჭეკი.

ვაჟაკობა, აი, უწინარეს ყოვლისა, რას ითხოვდა ჭეკ ლონდონი ადამიანისაგან. „ფუჰ, რა კაცია ის, რომელსაც წარბმეუხრელად შეუძლია აიტანოს დარტყმა ან შეუღაცხყოფა და სამაგიერო არ გადაუხადოს. ისინი რომ თუნდაც გულდასმით ღალატდებნენ ამადლებულ გრძნობებზე — მე მათთან საერთო არაფერი მაქვს; ასეთები საშინლად მეზიზღება“. სიმხდალე მის თვალში ზიზღს იწვევდა. „მტერია? მერე რა! გაარტყი როგორც შეფერის, თუ საქმე აქამდე მივიდა; შეიძლება იმან გაჯობოს, მაგრამ გულისწყრომა არ დამალო. მორიგდით? — მორჩა და გათავდა, აპატიე, დაივიწყე წყენა“. მეგობრებთან ჭეკი დიდსულოვანი და ხელგაშლილი იყო; იმათთვის, ვინც უყვარდა, თავს არ დაზოგავდა; მათ მაშინაც არ გაუურბოდა, როცა შემთხვევით გაანაწყენებდნენ ანდა შეცდებოდნენ. „მე ვკიცხავ მეგობრების ნაკლს, მაგრამ განა ეს იმას ნიშნავს, რომ ისინი არ მიყვარს?“

მისი ცხოვრების საფუძველს სოციალიზმი წარმოადგენდა. სწამდა, რომ სახელმწიფო სოციალისტური უნდა გახდეს და ამ რწმენაში პოულობდა ძალას, სიმტკიცესა და სიმხნევებს. იგი არ ელო-

და, რომ კაცობრიობა თანდათან, რამდენიმე დღის განმავლობაში აღორძინდებოდა, არ ფიქრობდა, რომ საჭიროა ადამიანის ხელახლა დაბადება, რათა მან ააშენოს სოციალიზმი. იგი ამჯობინებდა სოციალიზმის თანდათანობით, რევოლუციისა და სისხლისღვრის გარეშე დამყარებას. შეძლებისდაგვარად ცდილობდა ესწავლებინა ხალხისათვის. თუ როგორ დაპატრონებოდა მრეწველობას, ბუნებრივ რესურსებსა და სახელმწიფოებრივ აპარატს. მაგრამ თუ კაპიტალისტების მიზეზით ევოლუციური გზა შეუძლებელი გახდება, ჯეკ ლონდონი მზად იყო ბარიკადებზე ებრძოლა სამართლიანი საქმისათვის. რომელი ახალი ცივილიზაცია არ იყო მონათლული სისხლიან ემბაზში?

სოციალისტურ მრწამსთან ორგანულად იყო დაკავშირებული მისი ფილოსოფიური შეხედულებებიც, რომელიც — ჰეკელის მონიზმის, სპენსერის მატერიალისტური დეტერმინიზმისა და დარვინის ევოლუციის თეორიის შეხამებას წარმოადგენდა. „ბუნებისათვის უცხოა მგრძნობიარობა, შემბრალებლობა და გულკეთილობა. მართალია, ჩვენ მხოლოდ მარიონეტები ვართ ძღვევამოსილი სტიქიის ძალების ჰიდოლში, მაგრამ შეგვიძლია ჩავწვდეთ ამ ძალთა კანონებს და მათთან შეთანხმებით გავიკაფოთ გზა. ადამიანი რასათა შორის ბუნებრივი შერჩევის ბრმა იარაღია. ბეკონის კვალდაკვალ მეც ვამტკიცებ, რომ ადამიანის მთელი შემეცნება გრძნობადი აღქმის სამყაროდან გამომდინარეობს. ისევე, როგორც ლოკი. მეც ვაღიარებ, რომ ადამიანის იდეები წარმოიქმნება გრძნობათა ორგანოების ფუნქციათა მეშვეობით. ისევე, როგორც ლაპლასს, მეც მიმაჩნია, რომ ჰიპოთეზა შექმნელის შესახებ არ გვესაჭიროება. კანტთან ერთად. მეც დარწმუნებული ვარ სამყაროს მექანიკურ წარმოშობაში, იმაში, რომ სამყაროს შექმნა ბუნებრივი ისტორიული პროცესია“.

რაც შეეხება მუშაობას, იგი ცდილობდა თავისი მასწავლებლის — კიპლინგისათვის¹ მიეხადა. „კიპლინგი თვით მოვლენათა არსს ეხება. იგი უშრეტო, უსაზღვრო ცოდნის წყაროა. მან აღმოაჩინა გონებ-

¹ ჯეკ ლონდონი კიპლინგისაგან უმთავრესად სამწერლო ხელოვნებას სწავლობდა. კაპიტალისტური წყობის შეურიგებელი მტრის, ლონდონისათვის უცხო იყო ინგლისური იმპერიალიზმის ამ ბურღოს რეპრეზენტორი იდეები.

რივი და ლიტერატურული განვითარების ახალი პორიზონტები¹. ჯე-
კი არ მალავდა, რომ მას ეზიზღებოდა „ახალგაზრდა ამერიკელი
ქალწული, რარიგადაც არ უნდა ეხამუშოს, ანდა ეწყინოს ეს საბ-
რალოს. იგი ხომ უმარილო ცხენის რძის მაგვარი კერძით უნდა კვე-
ბო, უფრო ცხარესაგან კი ღმერთმა დაიფაროს“. ეს ათწლედი —
მისი მომწიფების ხანა, — საუკუნის უკანასკნელი ათწლედი, როცა
ვიქტორიანობის კოჰორტები დამკვიდრდნენ და ყველაფერი თავის
ნებას დაუმორჩილეს, — დაქვეითების პერიოდი, სიცარიელისა და
უნაყოფობის წლები იყო. ლიტერატურა შუადასავლეთური მორა-
ლის მტკიცე ვიწრო ჩარჩოებით შემოიზღუდა; წიგნებსა და ჟურ-
ნალებს უშვებდნენ იმიტომ, რომ ეაშბნათ იმ საზოგადოებისათვის.
რომელსაც ლუიზა ალკოტი და მარია კორელი დიდ მწერლებად
მიაჩნდა. ძნელი იყო რაიმე თვითმყობადის შექმნა; წერა შეიძლე-
ბოდა მხოლოდ წესიერი ბურჟუებისა და მილიონერების შესახებ;
სათნობას აუცილებლად უნდა გაემარჯვა, ბიწიერება კი — დაგმობი-
ლიყო. ამერიკელ მწერლებს ნაბრძანები ჰქონდათ ემერსონის მსგავ-
სად ეწერათ, ცხოვრების მხოლოდ სასიამოვნო მხარეები შეემჩნი-
ათ, ხოლო ყოველივე ხორკლიანის, დუხჭირის, ჭუჭყიანისა და უტ-
ყუარისათვის გვერდი აეველოთ. იმათ შორის, რომელნიც ამერიკულ
ლიტერატურას ედგნენ სათავეში, ჯერ კიდევ გაისმოდა პოლმსის,
უიტტიერის, ჰიგინსონის, უ. დ. პოუელსის, ფ. მარიონ კროუფორ-
დის, ჯონ მურის, ჯოელ ჩანდლერ ჰარისის, ჯოაკინ მილერის მე-
ლოდიურ-პოეტური ხმები. გაუზნობელი, გამთოშავი ატმოსფეროს
მოუწვდომელ სიმაღლეთა მცხოვრებნი — ამერიკელი გამომცემლე-
ბი — გაუგონარ თანხებს იხდიდნენ ბარის, სტივენსონისა და ჰარდის
ნაწარმოებებისათვის; ისე შორსაც კი მიდიოდნენ, რომ ფრანგე-
ბისა და რუსი მწერლების¹ მიერ გულახდილად აღწერილ საჩოთირო
ადგილებსაც კი ბეჭდავდნენ (რასაკვირველია, მათი წინასწარი გა-
მოფიტვის შემდეგ), მაგრამ თავისიანებისაგან, ამერიკელებისაგან,
ისევ იმავე მოჩვენებით-რომანტიული რეცეპტით შეთითხნილ ნა-

¹ მაგალითად, ლ. ნ. ტოლსტოის რომანი „ადღომა“ ამერიკის შეერთებულ შტა-
ტებში იცემოდა ზოგიერთი „საჩოთირო“ (რასაკვირველია, გამომცემლობის აზ-
რით) ადგილების გარეშე. თეოდორ დრაიზერის რომანი „კერი“ საერთოდ აკრძა-
ლული იყო „ზნედაცემული“ შინაარსის გამო.

წარმოებებს მოითხოვდნენ; თუმცა ნებას რთავდნენ, დეკორაციებში ცოტაოდენი ცვლილებები შეეტანათ.

ლიტერატურაში რევოლუციური გადატრიალება რუსეთში ტოლსტოიმ და რეალისტებმა მოახდინეს, საფრანგეთში — მოპასანმა, ფლობერმა და ზოლამ; ნორვეგიაში — იბსენმა, გერმანიაში — ზუ-დერმანმა და ჰაუპტმანმა. როცა ამერიკელ მწერლებს კითხულობდა და მათ ჰარდის, ზოლასა და ტურგენევის ადარებდა, ჯეკს უკვე აღარ უკვირდა, თუ რატომ სთვლიდნენ კონტინენტზე ამერიკას ველურებისა და ყრმათა ნაციად. ამერიკული ლიტერატურის უდიდესი ქურუმი — „ატლანტიკის ყოველთვიური“ — კეტ დუგლას ვიგინისა და ფ. გოპკინსონ სმიტის ნაწარმოებებს აქვეყნებდა. „მშვიდი, სავსებით უწყინარი ნაწარმოებები, უკვე ღრმად და საიმედოდ დასამარებულნი“. მაგრამ არა უშავს, რამდენიმე დღის შემდეგ „ჩრდილოეთის ოდისეა“ გამოვა და „ატლანტიკის ყოველთვიური“ და ამერიკული ლიტერატურაც დიდხანს ვეღარ იბოგინებენ. მან გადაწყვიტა, მშობლიური ლიტერატურისათვის იგივე გააკეთოს, რაც მხატვრული პროზისათვის გააკეთეს რუსეთში — გორკიმ, საფრანგეთში — მოპასანმა, ინგლისში — კიპლინგმა. ჰენრი ჯემსის მაღალი წრის სალონიდან იგი ლიტერატურას სამზარეულოში შეიყვანს, სადაც შეიძლება ზოგჯერ სუნიც აუვიდეს, მაგრამ ყოველ შემთხვევაში, იმ ცხოვრებისეული მაინც იქნება.

იმდროინდელი ამერიკული ლიტერატურისათვის სამი „ტაბუ“ არსებობდა, სამი აკრძალული თემა — ათეიზმი, სოციალიზმი და ქალის ფეხები. იგი თავის როლს შეასრულებს ორგანიზებული ექსპლესიისა და ორგანიზებული კაპიტალიზმის დანგრევაში; ხოლო თუ მამაკაცისა და ქალის დამოკიდებულება რაღაც ქვენა, ბილწ და სამარცხვინოდან მეცნიერულად დასაბუთებულ ბუნებრივი შერჩევის მამოძრავებელ ძალად გადაიქცევა, ძალად, რომელიც ადამიანის მოდემის გამრავლებისაკენ იქნება მიმართული, ამ გარდაქმნაში მისი წვლილიც იქნება. იგი მხოლოდ პოლიტიკური სტატიების წერას როდი ფიქრობს, არა; იგი უწინარეს ყოვლისა მწერალია, ლიტერატურის შემქმნელი და შესძლებს, ისე წარმართოს თხრობა, რომ პროპაგანდა თვით ნაწარმოების ქარგაში იქნეს ჩაქსოვილი. ხელოვნებასთან.


ამ ოთხწახნაგოვანი ჩანათეჰრის განსახორციელებლად საჭირო იქნება იგი ახლადჩასახული საუკუნის ერთ-ერთი ყველაზე განათლებული ადამიანი გახდეს. ბევრი რამის გაკეთება კი შეძლო მან ამ ტიტანური ამოცანის გადასაწყვეტად? შემფასებლის გამოხედვით მიმოავლო ჟეკმა თვალი წიგნებს, რომლებიც მაგიდასა და ლოგინზე ეწყო და რომელთაც ახლა გულდასმით სწავლობს, აკონსპექტებს, შენიშვნებს უკეთებს. დიახ, იგი სწორ გზას ადგას: სენტამანის „1848 წლის რევოლუცია“, ბრიუსტერის „ნარკვევები სტრუქტურისა და სტილის შესახებ“, ჟორდანის „შენიშვნები ევოლუციის შესახებ“. ტირელის „წინაპოლარეთი“, ბომ ბავერკის „კაპიტალი და მოგება“, ოსკარ უაილდის „ადამიანის სული სოციალიზმის დროს“, უილიამ მორისის „სოციალისტური იდეალი — ხელოვნება“, ლილიამ ოუენის „მომავალი ერთიანობა“.

დედის ოთახში საათმა თერთმეტი ჩამოჰკრა. კიდევ ერთი საათი და საუკუნე მიიწურება. როგორი იყო იგი ამერიკისათვის, ქვეყნისთვის, რომელიც 1800 წელს ერთ მუჰა, ერთმანეთთან მცირე ჯავშირის მქონე სასოფლო-სამეურნეო შტატებს წარმოადგენდა? პირველი ათწლედი უკაცრიელი, მიყრუებული ადგილების გამოკვლევასა და ათვისებას მოუღდა; შემდეგი — მანქანებისა და ფაბრიკების შექმნასა და კონტინენტის დაპყრობას; ხოლო უკანასკნელი, დასკვნითი ათწლედეები — უდიდესი დოვლათის დაგროვებას, რომლის მსგავსი ოდესმე თუ იცოდა სამყარომ, ტექნიკურ პროგრესსა და იმას, რომ ხალხი მანქანებისა და სილარბისათვის მიეჯაჭვათ.

სამაგიეროდ, ახალი საუკუნე — ოჰ, რა კარგი იქნება ეს ახალი დრო! აი როდის იქნება ცხოვრება საამური! მანქანები, მეცნიერული მიღწევები, ბუნებრივი სიმდიდრენი კი არ დათრგუნავენ ადამიანს, არამედ მას მოემსახურებიან. ადამიანი დაეუფლება ბუნების კანონების შეცნობას, უცილობელი ფაქტებისადმი თვალის გასწორებას. იმის ნაცვლად, რომ თავი გააბრუებინოს სუსტებისათვის შექმნილ რელიგიასა და სულელების დასამონებლად მოგონილ მორალს. ტოლმნიშვნელოვანი შეიქნება ლიტერატურა და ცხოვრება. ადამიანის ნამდვილი სულიერი არსი განსახიერდება ხელოვნებაში, ლიტერატურასა და მუსიკაში, რომლებიც ჯერ კიდევ აკვანში ჩაახრჩო სამთავიანმა გველეშაპმა — რელიგიის, კაპიტალიზმისა და უბადრუკი მორალის ვიწრო ჩარჩოებმა.

ჩაოდენ მშვენიერებით აღსავსე წარსდგება ამერიკა თავის შვილისშვილთა წინაშე; როცა ისინი ასი წლის შემდეგ, ახალი წლის დამით თვალს გადაავლებენ მიმავალ საუკუნეს. დაეხმაროს ამ ახალი ამერიკის აშენებაში — ესაა მისი ხედრი! იგი დაამსხვრევს სიბნელით მოცული, დრომოკმული საუკუნის უღელს; ვერავინ ვერ აიძულებს მას გაიკეთოს უღრეკი, უშნო, მაღალი საყელოები, რომელიც ტანში ერჭობა; სწორედ ასევე გადაისვრის იგი მკაცრ, უმსგავს, მაღალფარდოვან იდეებს, რომლებიც იჭრება ადამიანის აზროვნებაში და ამახინჯებს მას. ზურგს შეაქცევს მეცხრამეტე საუკუნის მოძველებულ იდეოლოგიას და უშიშრად, მტკიცე ნაბიჯით შეეგებება მეოცე საუკუნეს, რაც არ უნდა მოუტანოს მან. იგი იქნება თანამედროვე ადამიანი, თანამედროვე ამერიკელი. ასი წლის შემდეგ კი მისი შვილები და შვილისშვილები სიამაყით მოიგონებენ მას ახალი წლის დამეს.

ფლორასთან საათმა თორმეტი დაჰკრა. ძველი საუკუნე წავიდა, იწყებოდა ახალი. ჭეკი მაგიდიდან წამოხტა, სვიტერი და შარვალი ჩაიცვა, ველოსიპედი გამოიტანა, პედალს ფეხი დააჭირა და უკუნდამეში ორმოც მილზე მდებარე სან-ხოსეს გზას გაუდგა. დაქორწინდე ახალი საუკუნის პირველსავე დღეს საყვარელ ქალიშვილზე — უკეთეს დასაწყისს ვერაფერს მოიგონებ! თუ მას სურს, მისმა შვილისშვილებმა და შათმა შვილებმა სიამაყით მოიგონონ იგი ასი წლის შემდეგ ახალი წლის დამეს — წამის დაკარგვაც არ შეიძლება.



Y

მისის ეპლგარტი სულაც არ იყო მოწადინებული, ჯეკი მისი სიძე გამხდარიყო. დანიშვნისათვის მაინც და მაინც ხელი არ შეუშლია, რადგან იცოდა, ქორწინება მანამდე არ მოხდებოდა, ვიდრე ჯეკი ლიტერატურული პონორარით ცოლის შენახვას არ შესძლებდა; მისი აზრით კი, ეს საფრთხე მათ არ მოელოდათ. როცა ჯეკი ელმისა და ესბერის ქუჩების კუთხეში მდებარე მათ კოტეჯში გამოცხადდა და მასა და მეიბლს ბედნიერი ახალი წლის მახარობლის — „ჩრდილოეთის ოდისეას“ — საავტორო ეგზემპლარი აჩვენა, მისის ეპლგარტმა მაშინვე შეცვალა ტაქტიკა. კეთილი, იგი თანახმაა, რომ დაქორწინდნენ. დღესვე? სიამოვნებით... მაგრამ ერთი პირობით. მისტერ ეპლგარტი ზომ გარდაცვლილია, ედუარდი კი აქ არ ცხოვრობს, ამიტომ ჯეკი ან ამ ოჯახის მეთაური შეიქნება, ან არა და ცოლთან ერთად სიდედრიც თან უნდა წაიყვანოს ოკლენდში და პირობა დადოს, რომ ქალიშვილს არასოდეს დააშორებს.

სულ რამდენიმე დღის წინ ჯეკი ერთ თავის მეგობარს სწერდა: „ოჯახის შენახვა უკვე მაწევს კისერზე. ეს კი თურმე საშინლად

ძნელი ყოფილა, როცა ჭერ ყრდევ ახალგაზრდა ხარ“. მოუხედავად ამისა, იგი კიდევ ერთი ოჯახის ზურგზე წამოკიდების პერსპექტივამ იმდენად როდი შეაშფოთა, რამდენადაც იმ არაორკოფულმა მანერამ, რომლითაც მისის ეპლგარტმა თავისი რკინის კლანჭები ჩაასვა ამ საქმეს. გაიმართა სცენა. მისის ეპლგარტმა ჭეკს განუცხადა, რომ მეიბლი მორჩილი ქალიშვილია, რომ იგი მადლობელია ყველაფრისათვის, რაც დედამ მისთვის გააკეთა და სიბერის დროს არ მიატოვებს. ყოველივე ეს სინამდვილეს ეწინააღმდეგებოდა, რადგან მისის ეპლგარტი ქალიშვილზე უფრო მტკიცე ხასიათისა იყო; იგი სტანჯავდა მეიბლს. აიძულებდა მისთვის ელოლიავნა და იმასაც კი მოათხოვდა, საუზმე ლოგინში მიერთშია.

გაფითრებული, დაბნეული და ჩხუბისაგან გაოგნებული იჭდა მეიბლი მათ შორის. ორივე უყვარდა და არ შეეძლო, რომელიმე მათგანი აერჩია. ეს ნაზი, სუსტი ნებისყოფის არსება დედის თანდასწრებით სიტყვის ამოღებასაც ვერ ბედავდა. საკვირველია, მას ნებისყოფა მხოლოდ იმისათვის ჰყოფნიდა, რომ ჩუმად მჭდარიყო და ეცქირა, როგორ უმსხვრევდნენ ცხოვრებას, ასამარებდნენ მის ოცნებებს სიყვარულზე, ოჯახზე, შვილებზე.

ხასიათწამხდარმა და დაღვრემილმა ჭეკმა საღამოთი ოკლენდამდე მიადწია, იქ კი ახალი უსიამოვნებანი დაატყდა თავს. ფლორამ განუცხადა, რომ „ატლანტიკური ყოველთვიურიდან“ მიღებული ფული უკვე მთლიანად შემოეხარჯა. დილით ჭეკმა მაკინტოში ველოსიპედს დააკრა და ნაცნობი გზით ლომბარდისაკენ გასწია. რამდენიმე დოლარი კი მოიტანა, მაგრამ შინ უკვე ფეხით მოუხდა დაბრუნება. თითქოს არ კმაროდა მისის ეპლგარტის ულტიმატუმში, რომ უფულობაც თან არ დართვოდა. გამოუვალი მდგომარეობა შეიქმნა. თუ მეიბლი მათთან იცხოვრებდა, ამით ხარჯი თითქმის არ მოემატებოდათ. სიყვარული შეაძლებინებდა მათ გაჭირვების გადატანას. მაგრამ რამდენმა წელმა უნდა განვლოს, ვიდრე მისი შემოსავალი სიდერსაც ეყოფა. მისის ეპლგარტისა და ფლორას ერთად ცხოვრებაზე ხომ ლაპარაკიც ზედმეტი იყო; ერთი დღეც არ იქნებოდა გასული, რომ ისინი უკვე წაიხზებებოდნენ. იმდენიც რომ იშოვნოს, რაც ორ ოჯახს ეყოფა, განა შეიძლება დარწმუნებული იყოს, რომ ოდესმე იგი ოჯახის უფროსი იქნება? განა მისის ეპლგარტი არ

დაიწყებს ბატონობას მის ოჯახსა და მის ცოლზე? მეიბლი მძულე-
ბული იქნება პირველ რიგში შვილის მოვალეობა შეასრულოს, შემ-
დეგ კი — ცოლისა. ეს აუტანელია!

ჩეკი სიბრაზისაგან ცახცახებდა. ამ ქალმა ჩაფუშა მისი ოცნებე-
ბი. უცებ წარმოიდგინა, თუ რა უმწუთაა მეიბლი ამ ორ ცეცხლს
შუა; მძლავრი ნებისყოფის მქონე ეს ორი ადამიანი სპობდა მას,
გულს უკლავდა. სიბრაზემ თანდათან გადაუარა, გული სინაზითა
და მზრუნველი თანაგრძნობით აღევსო. არა, როგორც არ უნდა შე-
უშალონ ხელი, იგი მეიბლს დედის ანაბარად არ მიატოვებს. ისინი
დაქორწინდებიან, რაც შეეხება ნიდედრს, მას როგორმე მოუყ-
ვლის, თუკი საჭირო იქნება. ჩეკი დაწყნარდა; ყველაფერი უთუოდ
მოგვარდება. მას დაუბრუნდა საღი აზროვნების უნარი. ნორმალური
ოჯახი რომ შექმნას, უნდა შეებრძოლოს მისის ეპლგარტს, მაგრამ
აშკარაა, რომ ყოველი გამარჯვება მეიბლის ნაზი ჯანმრთელობის
ასწილ საფასურად იქნება მოპოვებული.

ჩეკი თავს ირწმუნებდა, რომ იგი არ დაუშვებს, მეიბლმა თავი
გასწიროს; ცალკე ოჯახს შექმნის, როგორც კი ჰონორარის ოდენო-
ბა ამის საშუალებას მისცემს. დაე, მართვა-განმგებლობის სადა-
ვეები მისის ეპლგარტმა დაისაკუთროს. სიდედრის დესპოტიზმის
ატანა უფრო ადვილია, ვიდრე მისი და მეიბლის ასეთ ტანჯვაში
ყოფნა. ყველაფერი ისევ თავიდან დაიწყო; კვლავ დაუბრუნდა
მომქანცველი ფიქრები: საკმარისია მეიბლის დედას დაემორჩილოს.
რომ ისინი დაიღუპებიან. განა შეიძლება ოჯახი ბედნიერი იყოს,
როცა ცოლი სულითა და ხორციით დედისადმი მონურ მოჩილება-
შია?

ჩეკი მეტად გულგატეხილი იყო. მეიბლისადმი მისი სიყვარული
უფრო დარბაისლური გახდა, ჩამოყალიბდა, მომწიფდა; ისინი ბედ-
ნიერები იქნებოდნენ. მეიბლი ფლობდა კარგი ტონის ყველა წერი-
ლმანს, სწორედ იმას, რაც ჩეკს აკლდა. იგი აღტაცებული იყო მე-
იბლით, პატივს სცემდა მას. მეიბლი ჰაეროვანი, ნაზი, სუსტი არ-
სება იყო; ჩეკი მზრუნველობით გაუფრთხილდებოდა და დაიცავდა,
ეცდებოდა არასოდეს არ შეეღახა მისი თავმოყვარეობა და არც ეწ-
ყენინებინა. ჩეკამდე მეიბლს არავინ ჰყვარებია და არც აღარავინ
შეუყვარდებოდა. იგი ერთგული ცოლი იქნებოდა და სწორედ ისეთ

ოჯახს შექმნიდა, როგორცედაც ჯეკი მთელი თავისი ახალგაზრდობა ოცნებობდა. იგი უაღრესად უბედურად გრძნობდა თავს მარტო იმიტომ კი არა, რომ ინგრეოდა მისი ოცნება ცოლზე, ოჯახზე, ბავშვებზე. ქალიშვილი, რომელიც მას უყვარდა, უაზრო ტრაგიკულ ენდგომარეობაში ჩავარდა, მას კი ძალა არ ჰყოფნიდა გამოსავალი მოეძებნა. ეს ტრაგედია დალუპავს არა მარტო მათ ურთიერთობას, არამედ შეიბლსაც.

თუმცა იანვარი წარმატებათა თვე იყო, მაგრამ დიდების ამომავალ მზეს ჯერჯერობით მცირე ფინანსური სითბო მოჰქონდა. „ატლანტიკურმა ყოველთვიურმა“ დაბეჭდა „ჩრდილოეთის ოდისეა“; ეს მაშინ, როცა უურნალი თვეში ერთ ან ორ მოკლე მოთხრობაზე მეტს არ აქვეყნებდა, „მიმოხილვათა მიმოხილვამ“ — „ეკონომიკა კლონდაიკში“, ხოლო „ახალგაზრდობის თანამგზავრმა“ — მოთხრობა „გამბედაობა და სიჯიუტე“. „ჩრდილოეთის ოდისეა“ მოთხრობაა ნაასზე, აკატანის ბელადზე, ჩვენი დროის ულისზე, რომელიც მთელ სამყაროში დაეძებს ყვითელთმიანი ვიკინგის მიერ ქორწინების დამეს გატაცებულ ცოლს, უნგას. „თეთრი მღუმარების“ მსგავსად, ამ მოთხრობასაც მკითხველი ტრაგიკულ აღტაცებაზე მიჰყავს. აღმოსავლეთში ყველა დიდი ქება-დიდებათ შეხვდა. მას — ერთის ვაჟაცობა სხვებსაც დიდ გაზბედაობას უნერგავს. ოკლენდის ერთ-ერთ გაზეთში გამოქვეყნდა სტატია იმის შესახებ, რომ ოკლენდი სულ უფრო მნიშვნელოვან ადგილს იჭერს მშობლიური ლიტერატურის შექმნაში, და რომ ამაში დიდი დამსახურება მიუძღვის მისტერ ჯეკ ლონდონს. მეგობრებს, რომელთაც ახსოვდათ, თუ რა ტანჯვა-წვალება გამოიარა ჯეკმა, სულაც არ შურდათ მისი, როგორც ეს ზოგჯერ ემართებათ ხოლმე მეგობრებს, როცა ერთს ბედი გაუღიმებს. მათ ჯეკს ზეიმი მოუწყვეს და სულითა და გულით უხაროდათ მისი წარმატება.

თვის ბოლო რიცხვებში ჯეკმა ერთი მეგობრისაგან ხუთი დოლარი ისესხა, ლომბარდიდან ველოსიპედი გამოისყიდა და სან-ხოსეში გაემგზავრა. მთელი ეს დღეები სულ იმის ფიქრში იყო, როგორ დაესაბუთებინა შეიბლისთვის თავისი მოსაზრებანი მკაფიოდ და ნათლად, რათა მას წინააღმდეგობა არ გაეწია და დამოუკიდებლობისათვის მიეღწია. მაგრამ საეჭვოა, საერთოდ დადიოდა თუ არა მე-

ბლის შეგნებამდე მისი სიტყვები. გაოგნებული, თითქოს რაღაც ტრანსშიაო ჩავარდნილი, იგი ერთსა და იმავეს იმეორებდა:

— მე დედას ვპირდები. დედა უჩემოდ ვერ იცოცხლებს. არ შემძლია, დედას თავს ვერ დაკანებებ.

საკმაოდ დიდი ხნის შემდეგ, 1937 წელს ედუარდ ეპლგარტი ნაღვლიანად ამბობდა:

— დედაჩემი ყოველთვის ეგოისტი იყო. მეიბლმა მთელი სიცოცხლე მის მოვლა-პატრონობას შეაღია.

მიუხედავად ამისა, ჯეკი საბოლოოდ მაინც არ ჰკარგავდა იმედს: მას მეიბლი წინანდებურად უყვარდა. მაგრამ ახლა სხვა ქალებთანაც დაიწყო შეხვედრა. მაგალითად, ანა სტრუნსკაიასთან, რომელთანაც სასაღილო მაგიდაზე მუდამ ორ-სამ ზედმეტ ჭურჭელს აწყობდნენ — ეგებ შემთხვევით ვინმემ შემოიაროსო. მათთან ჯეკი ხშირად შეივლიდა ხოლმე. ანაც წერდა მოთხრობებსა და აჯრეთვე ნარკვევებს სოციოლოგიაზე. ის და ჯეკი ერთად არჩევდნენ თავიანთ ნაწარმოებებს და ერთმანეთს მრავალ ნაკვზე მიუთითებდნენ. ხმის ჩახლეჩამდე კამათობდნენ სხვადასხვა საკითხებზე და ერთმანეთით ორიენენი აღტაცებული რჩებოდნენ. „ანა, ნუ წაართმევ თქვენს თავს ქვეყანას, იცოდეთ ამაში თქვენ თვითონ იქნებით დამნაშავე“. ანას გარდა იყო კიდევ ვინმე ერნესტინა, სან-ფრანცისკოს გაზეთის თანამშრომელი, რომელსაც, ფოტოსურათებით თუ ვიშაჟელებთ, მშვენიერი პროფილი ჰქონდა და თვალები ეშმაკურად უბრწყინავდა. ქორებისაგან თავის დასაზღვევად ჯეკი მასთან ერთად შორ მანძილზე დადიოდა სასეირნოდ.

იანვარში საქმეები დიდებულად წარიმართა, სამაგიეროდ თებერვალში ერთი სტრაქონიც ვერსად დაბეჭდა. „ანტლანტიკური ყოველთვისურიდან“ მიღებული ახალი ჰონორარი ვალების გადახდას, ფლორასათვის რიგიანი კაბის, თავისთვის კოსტუმის, წიგნებისა და საჭირო ყურნალებისა. ხოლო ჯონისათვის პატარ-პატარა რაღაცეების შეძენას მოუხდა. სახლში ისევე აღარაფერი რჩებოდა. ყველაფერმა ამათ ჯეკს მეთისმეტად მოაბეზრა თავი. დამამცირებელმა მატერიალურმა გაჭირვებამ იგი დაარწმუნა, რომ სიღატაკე ისევე დაუშვებელია, როგორც კოლოსალური სიმდიდრე. უთუოდ არ ვარგა, როცა ადამიანი იძულებულია მოითმინოს ის, რასაც ჯეკ

ლონდონი ჯერ კიდევ ბავშვობაში გაეცნო. ჯეკი იმ დასკვნამდე მივიდა, რომ იქ, სადაც საქმე ფულის საკითხს ეხება, — იგი თანმიმდევრული და ცინიკი იქნება. ფულს მხოლოდ სულელები უკადრისობენ. „ფული — აი, რა მჭირდება მე, უფრო სწორედ ის, რისი ყიდვაც შეიძლება ფულით. რამდენი ფულიც არ უნდა მქონდეს, იგი ჩემთვის მაინც ცოტა იქნება. გროშებით თავის გატანა? ჩემი სურვილია რაც შეიძლება იშვიათად მომიხდეს ეს.“ აღამიანს აკმაყოფილებს სახელდობრ პური ჩვენი არსობისა. რაც უფრო მეტი ფული გექნება, მით უფრო უკეთესია ცხოვრება. ფულის შოვნა ჩემს გატაცებას არ შეადგენს, მაგრამ ხარჯვა — ოო, ღმერთო შემინდე! ამაში ყოველთვის ცოდვილი ვიქნები. თუ ფული დიდებასთან ერთად მოდის, მომეცით დიდება; დიდების გარეშე — ამაზეც თანახმა ვარ“.

ამ სიტყვებით წიგნების, ჟურნალებისა და თავისი ახალი, საამაყო კოსტუმის დასაგირაველად გასწია. უკან გამობრუნებისას აუცილებლად ფოსტაში უნდა შეევლო: მარკები იყო საქირო. რათა ხელნაწერებისათვის გზა დაელოცა. როცა ჟურნალმა „გამომცემელმა“ ათასშვიდას სიტყვიან ნარკვევში ხუთი დოლარი შესთავაზა, ჯეკმა იწყინა, მაგრამ ფული მაინც აიღო. გაორკეცებული გულმოდგინებით შეუდგა მუშაობას. წინათ იგი კვირაში ექვს დღეს მუშაობდა; ყოველდღე ათას სიტყვასა წერდა და ამასთანავე, როგორც წესი, წინა დღის ჩამორჩენას მფორე დღესვე ანაზღაურებდა. ახლა ყოველდღიური დავალება ათასხუთას სიტყვამდე გაზარდა. შემდეგ — ორი ათასამდე აიყვანა, მაგრამ აქ შეჩერდა.

„მე დაბეჭითებით ვამტკიცებ, რომ შეუძლებელია ხარისხიანი შემოქმედებითი მუშაობა, თუ დღიური ნორმა სამი-ოთხი ათასი სიტყვა იქნება. კარგ ნაწარმოებს სამეღნიდან ვერ ამოწუწნი: იაე როგორც ლამაზ შენობას. მასაც სულ აგურ-აგურ უნდა შეეკოწიწებო.“ ჯეკს ბევრი ფული სჭირდებოდა და თანაც, რაც შეიძლება მალე. მაგრამ ამის გამო იგი ნაკლებ გულმოდგინებას, მეთოდურობასა და დაკვირვებას როდი იჩენდა და არც უკვე ჩაფიქრებული მოთხრობის სქემას სცვლიდა. იგი თანახმაა, თუ სურვილი აქვთ, სულიან-ზორცია-ნადმიეყიდოს ჟურნალებს, ოღონდ კარგი საფასური გადაუხადონ. მიუხედავად ამისა, მთელ თავისუფალ დროს გულდაპაპით სწავ-

ლობდა დრამონდის ევოლუციას, ჰლდონის შრომებს ფსიქოლოგი-
აზე და ყველაფერს, რასაც კი იშოვიდა ანთროპოლოგიის საკით-
ხებზე. სრულებით არ უწევდა ანგარიშს იმ უცილობელ ფაქტს,
რომ ევოლუციასა და ანთროპოლოგიის საკითხებზე თუნდაც ერთი
ტონა ნაშრომი დაწეროს, მათში ჟურნალები გახვრეტილ გროშს
არ გაიმეტებენ.

მიუხედავად იმისა, რომ ფული ისევე უნდოდა, როგორც ავბედნით
მონობისაგან განთავისუფლება, იგი მაინც სოციალიზმის შესახებ
წერდა მგზნებარე სტატიებს. თუმცა წინასწარ იცოდა, რომ მათ
ვერსად გაასაღებდა. ალამედაში, სან-ხოსესა და სხვა ქალაქებში
უფასოდ კითხულობდა ლექციებს სოციალისტებისათვის. უფულო-
ბისაგან სული ეხუთებოდა, მაგრამ, როგორც მეგობრები ამბობდ-
ნენ, მზად იყო ცხრა მთას იქით წასულიყო, ოღონდ ისეთ წრეში მო-
ხვედრილიყო, სადაც გულს იჯერებდა ანთროპოლოგიის საკითხებზე.
კამათით. გაეცნო თუ არა ვაისმანის რადიკალურ თეორიას, რომელიც
ამტკიცებდა, შექმნილი თვისებები მემკვიდრეობით არ გადაეცე-
მაო, აღეგებულმა ჯეკმა ყველა საქმეს თავი მიანება და მეგობ-
რებს ჩამოუარა დაშლილი წიგნით, რათა მათთვის გაეზიარებინა
ეს შესანიშნავი აღმოჩენა. მან, რომელიც ამტკიცებდა, რომ მზა-
დაა ყოველგვარ სისულელეზე წეროს, ოღონდ კარგი საზღაური
მისცენ, ახლა საოცარი არათანმიდევრულობა გამოიჩინა: მხოლოდ
იმაზე წერდა, რაც სწამდა — რევოლუციური ხასიათის სტატიებსა
და მოთხრობებს, მიუხედავად იმისა, რომ მათი მსგავსი სხვა ნაწარ-
მოებები დღემდე მაგიდის ქვეშ, იატაკზე, განისვენებდა. მას ფუ-
ლი ესაკიროებოდა, მაგრამ საზღაური, რასაც გამომცემლები მო-
ითხოვდნენ ამ ფულის გასაცემად, მისთვის საშინლად დიდი იყო.
„მე მტკიცე ხასიათის ადამიანი ვარ. ის, ვისაც შესაძლებლობა
ჰქონდა ახლო გამცნობოდა, შეამჩნევდა, რომ ყველაფერი ისე
ხდება, როგორც მე მსურს, თუნდაც ამას წლები დასკირდეს. ერ-
თხელ არჩეულ გზას ვერაფერს გადაამაცდენს, თუ მხედველობაში არ
მივიღებთ ყოველდღიურ წვრილმანებს. უაზრო ჭიუტი არა ვარ —
სრულიადაც არა; განსაზღვრული მიზნისაკენ ვისწრაფვი, ისე რო-
გორც კომპასის ისარი ჩრდილოეთისაკენ. გინდ აშკარა, გინდ ფა-
რულ დაბრკოლებათა შექმნით რამდენადაც არ უნდა ეცადოთ გზიდან

ჩემს გადაცდენას, სულერთია, მე მაინც ჩემსას გავიტან. ცხოვრება ბრძოლაა, მე კი მისთვის მომზადებული ვარ. ლოგიკურად მოაზროვნე მეტყველი ცხოველი რომ არ ვყოფილიყავი, აქამდე რომელიმე ფზისპირა ქაობის ფსკერზე ვეჯდებოდი ან სადმე კისერს მოვიტებდი⁸.

თებერვალში, ერთიმეორის მიყოლებით, რამდენიმე დღის განმავლობაში, ერთი შეხედვით უმნიშვნელო, მაგრამ ორი ისეთი შემთხვევა მოხდა, რომლებმაც ჯეკის ცხოვრების მთელი ფზა განსაზღვრა. პირველი: იგი სან-ფრანცისკოში საუზმეზე მიიწვია „ტრანსკონტინენტალური ყოველთვიურის“ საქმეთა მმართველის ცოლმა მისის ნინეტა ეიმსმა. მეორე: მისი უნივერსიტეტელი ამხანაგი ფრედ ჯეკობსი, რომელიც სამხედრო ტრანსპორტით ესპანეთ-ამერიკის ომის ფრონტზე მიემგზავრებოდა, თურმე ხორციის იმ კონსერვებით მოიწამლა, რომლითაც ჯარს ამარაგებდნენ უჩინმაჩინის ქუდით მოსილი, ომით გამდიდრებული სპეკულანტები. მიცვალებული ოკლენდში ჩამოასვენეს.

პირველმა შემთხვევამ — საუზმემ მისის ეიმსთან — ნაყოფი უფრო მოგვიანებით გამოიღო, სამაგიეროდ, მისი გავლენა დიდხანს გაპყვა.

მისის ნინეტა ეიმსი მეტისმეტად პრანჭია, უშვილო, ორმოცი წლის მანდილოსანი იყო. „საბრალო ნეტა“, როგორც მას ეძახდნენ, ეშმაკი და გამჭრიახი გახლდათ. ჭკუას არასდროს ჰკარგავდა და ღმობიერებისა და სენტიმენტალობის საბურველქვეშ სასიკვდილო, მკვიდე, ფოლადისებური ჰანგის გაკვრაც ემარჯვებოდა. მისი ქმარი სუსტი ნებოსყოფის, ტრაბახა კაცი იყო და ოჯახის მთელ საქმეებს მისის ეიმსი განაგებდა. გასული საუკუნის 80—90-იანი წლების სხვა ქალების მსგავსად, მასაც უხდებოდა საკუთარი მიზნების განსახორციელებლად ქვეშქვეშ, ფარულად ქმრის წაქეზება და მისთვის გეზის მიცემა ისე, რომ გარეშეს არაფერი შეემჩნია.

საუზმის მიზანი იყო ჯეკისაგან ინტერვიუს მიღება, რადგან მისი ეიმსი „ყოველთვიურში“ სტატიის მოთავსებას აპირებდა ჯეკ ლონდონზე. საუზმეზე მან თავისი ძმისწული და აღზრდილი კლარა ჩარმიან კიტრეჯიც მოიწვია, რომელიც მამიდის ზუსტი ასლი იყო. კლარა ჩარმიან კიტრეჯი ჩინებული, მოსაზრებელი თანამოსაუბრე აღმოჩნ-

ნდა; გამხდარი, მაგრამ მოხდენილი გარეგნობის კლარა, მიუხედავად თავისი ოცდაცხრა წლისა, გაუთხოვარი იყო. შესაძლოა მისი ეიმსს ახალგაზრდების ურთიერთდაახლოების განზრახვაც ჰქონდა.

ასე იყო თუ ისე, მისს კიტრეჰმა აგდებულად ჩაიცინა ჯეკის გაქუცული კოსტუმის დანახვაზე და აღშფოთდა იმის გამო, რომ დანახარჯი მამიდას უნდა გადაეხადა. მართალია, მან ცოტა არ იყოს ქედი მოიღრია, როცა მისის ეიმსმა ჯეკს უთხრა, ჩემი ძმისწული მემანქანედ მუშაობსო იქვე მახლობლად, კანტორაში. კლარამ მაგიდის ქვეშ უმაღლე ფეხი გაჰკრა მამიდას: რად უნდა იცოდეს ამ ყმაწვილმა, რომ მას საკუთარი შრომით უხდება თავის შენახვა?

20 თებერვალს ჯეკმა დაამთავრა „მგლის შვილის“ კორექტურის წაითხვა და გულის ფანქალით გაუგზავნა რედაქტორს. ეს მისი მოთხრობების პირველი კრებული იყო. მეორე დღეს ფრედ ჯეკობსის გასვენებაზე გაიცნო მიცვალებულის საცოლე — ბესი მადერნი, იუნონასავით ლამაზი, ტანადი ირლანდიელი ქალიშვილი. ჯეკი მას შორიდან იცნობდა, ოკლენდიდან. მეგობრებს იგი უყვარდათ და დიდად აფასებდნენ. ახლა კი თანაუგრძობდნენ მის მწუხარებას. მეორე დღით ჯეკმა წერილი მიიღო მეიბლ ეპლგარტისაგან, სადაც იგი სთხოვდა, მისულიყო ბესისთან, მის ძველ მეგობართან და ენუგეშებინა რითაც კი შესძლებდა. საღამოს ჯეკი მადერნებს ეწვია.

ბესი მადერნმა, ცნობილი მსახიობი ქალის მინი მადერნ ფისკის ბიძაშვილმა, სან-ფრანცისკოს ქალთა საშუალო სკოლის დამთავრების შემდეგ ორი წელი პედაგოგიურ სასწავლებელში დაჰყო, ხოლო შემდეგ სამი წელი მასწავლებლობდა ალამედის დაწყებით სკოლაში. ახლა კერძო გაკვეთილებს აძლევდა მათემატიკაში დაწყებითი სკოლის ჩამორჩენილ ბავშვებს და ამასთანავე, საშუალო სკოლის მოსწავლეებს ამზადებდა უნივერსიტეტში შესასვლელად. მძლავრი აგებულების დინჯ და ფლეგმატურ ბესის, უამრავი გაკვეთილები ჰქონდა ადებული და მთელი დღე ალამედისა და ოკლენდის ერთი სახლიდან მეორეში გადადიოდა. იგი ჯეკზე ცოტათი უფროსი იყო. სხივოსანი და თან სევდიანი თვალები ჰქონდა, არწივისებური ცხვირი, დიდი, მაგრამ ლამაზი ტუჩები, ძლიერი ნებისყოფის გამომხატველი ნიკაბი და უკან გადავარცხნილი შავი თმა, რომელსაც ვიწრო ზოლად გასდევდა ჭალარა, სახსოვარი იმ უბედური შემთხვევის

მოსაგონრად, რომელიც ჯერ კიდევ თერამეტი წლისას გადახდენოდა. მას ყოველთვის დინჯად და ღირსეულად ექირა თავი; ამასთანავე არაჩვეულებრივად პირდაპირი ადამიანი იყო.

მისს მადერნი ფრედ ჯეკობსის დაკარგვას დასტიროდა, ჯეკი კი მეიბლ ეპლგარტთან თავის უიმედო დაწინდვას. ერთმანეთთან ყოფნა მათ თითქოს ჰკურნავდა, სიამოვნებას ჰკვრიდა. ისინი სიმშვიდეს მაშინ ფრძნობდნენ, როცა ერთად იყვნენ. მალე ჯეკმა შეამჩნია, რომ თითქმის ყოველ საღამოს იგი ბესისთან ატარებდა. ბესი მას მათემატიკასა და ფიზიკაში ეხმარებოდა, რომლებშიც იგი მოიკოჭლებდა, ჯეკმა კი პირველი ინგლისელი მწერლების თხზულებებიდან დააწყებინა მას ლიტერატურის ისტორიაში მეცადინეობა. კვირაობით ხელს დაავლებდნენ ველოსიპედებს, გადავიდოდნენ ყურეს გადაღმა მარინ კაუნტის ოლქში, დაეხეტებოდნენ მიურსის ტყეში, რქვე აჩალებდნენ ცეცხლს და ნაკვერცხლებზე ამზადებდნენ სადილს — სწვავენენ ხორცს, ბატატებს, ხარშავდნენ კიბოსა და ყავას. თუ ჯეკს ცოტაოდენი ფული ეგულებოდა ჯიბეში — საღამოს, ჩრდილოეთის პლაჟზე მდებარე იტალიურ რესტორანში ისადილებდნენ და შემდეგ ოპერის თეატრში მიდიოდნენ.

ყოველ კვირას ჯეკი ძველებურად სან-ხოსეში მიდიოდა, მაგრამ მეიბლთან შეხვედრები მასში მხოლოდ უსიამოვნო გრძნობასა და გულგატეხილობას იწვევდა. შვებას მხოლოდ მაშინ გრძნობდა, როცა ყოველთვის მშვიდ, უპრეტენზიო ბესისთან ბრუნდებოდა. ამიერიდან ყველა მის ხელნაწერს ბესი უკეთებდა კორექტურას. ასწორებდა იგუმართავ გამოთქმებს. მას მოსწონდა ჯეკის ნაწარმოებები და ღრმად სწამდა, რომ იგი მსოფლიოში ერთ-ერთი უდიდესი მწერალი გახდებოდა; ეს რწმენა მას მთელი სიცოცხლის მანძილზე გაჰყვა.

მეთექვსმეტე ქუჩაზე მდებარე ლონდონების მინა თავშეყრის ბუნდშივ ადგილად გადაიქცა. ნაცნობები რაღაც დიდი გულმოდგინებით ცდილობდნენ, რომ ჯეკთან ყოფილიყვნენ. „მეგობრების შექმნის გასაოცარი უნარი მაქვს, მაგრამ ვერ დავიტრახებ მათი ჩამოცილების საშუალების ცოდნით“. ჯეკს ისე არაფერი არ მოსწონდა, როგორც სტუმრების მიღება, მაგრამ კარებთან უკვე მეტიმეტად ხშირად გაისმოდა ველოსიპედების ზარის ხმა. ზოგჯერ მას მაშინ უხდებოდა წერა. როცა თუთუნის ბოლით სავსე ოთახში

ლოგინზე ჩამომსხდარი სამი-ოთხი კაცი საუბრობდა წარსულზე და კამათობდა იმაზე, მაგალითად, ნამდვილად მიეყავართ თუ არა მატერიალისტურ რწმენას პესიმიზმამდე. ჯეკს არ შეეძლო სტუმრების უპატივეცემლოდ გაშვება. „ტრანსკონტინენტური ყოველთვიურიდან“ სტატიისათვის „რატომაა შეუძლებელი ომი“, ან ჟურნალ „ნეშნლ მეგეზინიდან“ „პერალდიკის გაკვეთილისათვის“ მიღებულ უმნიშვნელო გროშებით იგი ყიდულობდა და, ყოველ შემთხვევისათვის, საყინულეში ინახავდა ბევშტექსებსა და შემწვარ დაბეგვილ ხორცს.

საბაასოდ ანდა სივარეტის მოსაწყევად შემოივლიდნენ ხოლმე მეგობრები რიოკინის კლუბიდან, მოინახულებდნენ ამხანაგები სოციალისტური პარტიიდან და სთხოვდნენ შეკრებაზე სიტყვით გამოსულიყო; არ იფიწყებდნენ ძველი მეგობრებიც იუკონიდან, მეთევზეთა ბადრაგიდან, ხაძანწყებზე მეკობრენი, მაწანწალა ძმობილები „დიდი ზვიდან“. „პირდაპირ უბედურებაა ამ ბინაში ცხოვრება: ვინ არ გინდა აქ არ შემოდრიოდეს, მე კი ფამბედლობა არ მყოფნის ისინი გარეთ ფავყარო“.

ეს სახლი მართლაც აღარ იყო საკმარისი ყველა წიგნის, მეგობრისა და მუშაობისათვის. ჯეკმა, „მგლის შვილის“ გაყიდვის შემდეგ მისაღები საავტორო ჰონორარის იმედით, გადაწყვიტა უფრო დიდ, ხალვათ ბინაში გადასულიყო. ახლოს, სულ რამდენიმე კვარტლის იქით, აღმოსავლეთის მხარის მეთხუთმეტე ქუჩაზე №1130-ში მან და ფლორამ მოძებნეს ორსართულიანი პატარა სახლი. აქ იყო დიდი სასტუმრო ოთახი, საკმაოდ დიდი, შუშაბანდიანი საძინებელი ოთახი, რომელიც შეიძლებოდა სამუშაო ოთახად გამოეყენებინა. შვიდივე ოთახი ძირითადად ელიზამ მოაწყო, მაგრამ სიმყუდროვე და სილამაზე ჯეკის ოთახში ბესი მადერნმა დაამყარა. ახალ ბინაში ჩასახლების წინა საღამოს ელიზა და მისი მადერნი სამუშაო ოთახში ფარდებს ჰკიდებდნენ, ნოხზე წამოწოლილ ჯეკს კი თავქვეშ შემოეწყყო ერთმანეთზე გადახლართული თითები სწორედ ისე, როგორც „სოფი საზერლენდის“ ქიმზე წამოწოლისას იცოდა ხოლმე საღამოობით. ფარდის ჯოხის ასაღებად შემობრუნებულმა ელიზამ შეამჩნია, რომ ჯეკი რაღაც უცნაური დაძაბული ყურადღებით შესცქეროდა ბესის. ამ გამოხედვამ ელიზა მაშინვე მიახვედრა, რომ ჯეკმა

უკვე გადაწყვიტა. ჭეკ ლონდონის დამ — უფრო დედამ, ვიდრე დამ — შეამჩნია ეს და ამიტომ სულაც არ გააკვირვებია, როცა შეორე დღეს ჭეკმა გამოაცხადა, ბესი მადერს ვირთავო ცოლად.

ჭეკი მეიბლ ეპლგარტის ხელს ისე დაჟინებით მხოლოდ იმიტომ კი არ ითხოვდა, რომ იგი უყვარდა; მას დიდი ხანია გადაწყვეტილი ჰქონდა ცოლის შერთვა. ჭეკმა გაცილებით მეტი გადაიტანა, ვიდრე ეს ოცდასამი წლის კაცს შეეფერებოდა. მასში მეტად იყო განვითარებული მამობის ინსტინქტიც. ჭერ კიდევ „გზაზე“ ხეტიალის დროინდელი ჩანაწერები უბის წიგნაკში ადასტურებდნენ, რომ იგი შვილებზე ოცნებობდა. „ეს გადაწყვეტილება სულ სხვადასხვაგვარი და ღრმა სურვილების გამო მივიღე. როგორც არ უნდა იყოს, დაქორწინების საწინააღმდეგო ერთი მოსაზრებაც კი, სახელდობრ ის, რომ იგი ბოჭავს ადამიანს — არ შეიძლება ჩემს მიმართ იქნეს გამოყენებული. მე ისედაც შებოქილი ვარ. მე ხომ უცოლშვილოსაც შიხდებოდა ოჯახის შენახვა. ჩინეთში წასვლაც რომ მომენდომებინა, გინდ მყოლოდა ცოლი გინდ/არა, სულ ერთია, ჭერ ოჯახის უზრუნველყოფაზე უნდა მეზრუნა. ასე კი უფრო დავდინჯდები და მუშაობისათვისაც მეტ დროს გამოვნახავ. ბოლოს და ბოლოს ადამიანი ხომ ერთხელ ცხოვრობს და რატომ არ უნდა გაატაროს სიცოცხლე ისე, როგორც საქირაო? უმიზნო და თავაშვებული ხეტიალის ნაცვლად, სპეტაკი და მტკიცე ადამიანი შევიქნები“.

ჭეკი და ბესი არ თვალთმაქცობდნენ, რომანტიკული ტრადიციის მსგავსად, ვნებით აღმოდებული შეყვარებულების როლს არ თამაშობდნენ. მათთვის საიდუმლოებას არ წარმოადგენდა, რომ ბესის წინანდებურად უყვარდა ფრედ ჭეკობსი, ხოლო ჭეკს — მეიბლ ეპლგარტი. მაგრამ ქორწინებას ორივენი ესწრაფვოდნენ. ისინი კარგად გრძნობდნენ თავს ერთად, მოსწონდათ ერთმანეთი, ერთმანეთს პატივისცემით ეპყრობოდნენ და გრძნობდნენ, რომ შეუძლიათ კარგი, მტკიცე ოჯახი შექმნან და კარგი შთამომავლობა აღზარდონ. ორივეს კარგად ესმოდა, რომ თუმცა ლექსიკონში სიტყვა „სიყვარულს“ დიდი განმარტება არ ჰქონდა, მაგრამ შესაძლებელია მისი განვრცობა და მრავალნაირად განმარტება. მისს მადერს რამდენიმე დღე დასჭირდა წინადადების ასაწონ-დასაწონად და ბოლოს დათანხმდა.

ჭეკი უხერხულად გრძნობდა თავს იმის გამო, რომ ატარებდა

გვარს, რომლის ტარების უფლება მას ფორმალურად არ ჰქონდა. ვაითუ ამით ქორწინების შემდეგ თავისი მომავალი შვილები ყალბ მდგომარეობაში ჩააყენოს? იგი მოუყვამად მადერნებს, თუ რა ვითარებაში მოველინა ამ ქვეყანას. ჭეკმა და ბესიმ მიმართეს მადერნების მეგობარ, ოკლენდის ერთ-ერთ მოსამართლეს. მან ახალგაზრდები დაარწმუნა, რომ ჭეკს უკვე კანონიერად დაუმკვიდრდა ლონდონის გვარი. მან ხომ მთელი თავისი სიცოცხლე ამ გვართ გაატარა და მისი ნაწარმოებებიც ამ გვართვეა ცნობილი.

კვირას, სწორედ ერთი კვირის თავზე მას შემდეგ, რაც ჭეკმა ხელი სთხოვა ბესის, ისინი ჩუმად დაქორწინდნენ. შვილის „ღალატით“ გაშმაგებულმა ფლორამ უარი იფანაცხადა ცერემონიას დასწრებოდა. ახალგვარდაწერილები სამი დღით საქორწილო მოგზაურობაში გაემგზავრნენ ქალაქარეთ ველოსიპედებით. შემდეგ კი, ოჯახის მოსაწყობად და სამუშაოდ ისევ ოკლენდში დაბრუნდნენ. როოსკინის კლუბში მათ პატივსაცემად ბანკეტი მოეწყო. ოკლენდის გაზეთმა „ცნობების მომწოდებელმა“ ქორწინებისათვის მიძღვნილ შენიშვნაში აღნიშნა, რომ პატარძალი „ლამაზი და ღირსეული ქალიშვილია“ და მთელი ოკლენდი დაეთანხმა ამ სავსებით დამსახურებულ კომპლიმენტს.

დღისით ბესი ძველებურად ავარჯიშებდა ჩამორჩენილ მოწაფეებს; მისი გასამრჯელო ყოველდღიური ხარჯებისათვის ყოფნიდათ ხოლმე. როცა ჭეკის შემოსავალი ამოიწურებოდა. საღამოობით ბესი ასწორებდა და ბეჭდავდა ქმრის ხელნაწერებს; კითხულობდა იმ წიგნებს, რომლებიც ჭეკს აინტერესებდა. მერე ერთად მსჯელობდნენ მათ შესახებ. გადაწერა ასობით ლექსი, რომლებიც ჭეკს მოსწონდა, შემდეგ აკინძა ისინი და წითელი მუყაოს ყდაში ჩასვა; აგროვებდა ყურნალებიდან სტატიებს პოლიტიკურ და ეკონომიურ საკითხებზე; ბნელ ოთახში ფოტოლაბორატორია მოაწყო და ჭეკს გამოჰქვდავებდა და სურათების დაბეჭდვა ასწავლა. კვირაობით დიდხანით მიდიოდნენ ველოსიპედებით სასეირნოდ სან-ლევანდროს ნაყოფიერი ხეობის გაყოლებით. იქ ჭეკი უამბობდა ბესის ჯონ ლონდონის რანჩოში გატარებული ბავშვობის წლების ამბებს. ერთხელ მათ „უიკ-ენდი“¹ სანტა-კრუსში გაატარეს. შორ მანძილზე გავიდნენ

¹ „უიკ-ენდი“ — კვირის დასასრული, კვირა დღე.

ცურვით ზღვაში, ცელქობდნენ პლაჟზე... მართალია, ნეტარების მწვერვალს ვერ აღწევდნენ, მაგრამ არც მოწყენას გრძნობდნენ. ისინი ერთგული, საიმედო მეგობრები იყვნენ. როგორც ეტყობოდა, ჭეკი კმაყოფილი იყო თავისი არჩევანითა და ოჯახური ცხოვრებით, 1937 წელს კი ბესიმ განაცხადა:

— როცა ცოლად მივყვებოდი, ჭეკი არ მიყვარდა, მაგრამ ძალიან მალე შემიყვარდა.

ქორწინებამ ჭეკს წარმატებაც მოუტანა. მაისში, როგორც იქნა, გზა გაიკაფა მამაკაცებისათვის განკუთვნილ მაკ-კლურის აღმოსავლურ ქუჩრალში, სადაც იბეჭდებოდა მოკლე მოთხრობები შრომისა და საგმირო საქმეებზე. ჭეკ ლონდონისა და გამომცემლის ურთიერთობაში, თუ შეიძლება ასე ითქვას, თავლობის თვე დაიწყო. გამომცემელმა მაკ-კლურმა თავისი სახელი იმით უკვდავყო, რომ დიდ ჰონორარს აძლევდა ჭერ კიდევ უცნობ მწერლებს: „ყმაწვილებს ხომ სარჩო სჭირდებათ“. ჭეკისაგან აიღო „ქალის თავდადება“ და „ცხოვრების კანონი“. თანაც წერილით შეატყობინა: „ჩვენ მეტად დაინტერესებული ვართ თქვენი ნაწარმოებებით და ამასთანავე გვინდა იცოდეთ, რომ აქ, ნიუ-იორკში, თქვენ მეტად გულმხურვალე მეგობრები გყავთ. ჩვენი სურვილია, ამიერიდან ლიტერატურის საკითხებში ჩვენ ჩაგვთვალოთ თქვენს მფარველად. თუ თქვენ შეძლებთ გამოგვიგზავნოთ ყველაფერი, რაქაც წერთ, შევარჩევთ, რისი გამოცემაც შეგვეძლება; დანარჩენი კი, შევეცდებით, თქვენთვის მეტად ხელსაყრელ პირობებში გავყიდოთ“.

ამაზე უფრო იმედის მომცემი წერილი და ისიც დამწყები მწერლისათვის წარმოუდგენელია. ჭეკმა ხელი ჩასჭიდა ამ წინადადებას: მთელი ყუთი ხელნაწერებით გაავსო, გაგზავნა და მაშინვე ახალი მოთხრობების წერას ჩაუჭდა, რომელნიც დიდი ხანია მოფიქრებული ჰქონდა. მაკ-კლურმა სამი ნაწარმოები აიღო, მათ შორის „საკითხი მაქსიმუმის შესახებ“, და სამასი დოლარი გაუგზავნა. ამდენი ფული ჭეკს თავის სიცოცხლეში არა ჰქონია. თავისი ქურნალისათვის შეუფერებელი ნაწარმოებები მაკ-კლურმა სხვა ქურნალებს შესთავაზა, ხოლო როცა იმდენი ხელნაწერი დაგროვდა, რომ თვი-

თონ თავი ვეღარ გაართვა, ისინი ლიტერატურის სოლიდურ აგენტს გადასცა. მაკ-კლურის¹ მიერ გამოცემულმა ნაწარმოებებმა და მის-
მა მფარველობამ ნიუ-იორკის ლიტერატურული სამყაროს გამომცემ-
ლებს შორის ჯეკ ლონდონს საქვეყნოდ გაუთქვეს სახელი.

„მგლის შვილმა“, რომელიც 1900 წელს გამოვიდა, კრიტიკის
ერთსულოვანი მოწონება დაიმსახურა. წიგნი შენელებული მოქმე-
დების ყუმბარას წააგავდა, რომლის აფეთქებამ ახალი საუკუნის
დაწყება აუწყა. თუ ორ-სამ მოძველებული ყაიდის წინადადებას არ
ჩავთვლით, მას არაფერი არ აკავშირებდა ღრმომკმულ მეცხრამეტე
საუკუნესთან. მოკლე მოთხრობებში მკაფიოდ გაისმოდა სიახლის
ზმა, ევოლუციისა და სახეობათა შორის ბრძოლის მეცნიერული გან-
ხილვა; ტრადიციული მორალის გამო იმათი ღირსებების მიუღებ-
ლობა, ვისაც ეკლესიისაგან განკვეთაც არ აშინებს; მშვენიერებისა
და სიკეთის ასახვის თანაბრად სიმკაცრის, სიმახინჯისა და საბედის-
წეროს გაბედული აღწერა; ლიტერატურაში მთელი რიგი ისეთი კა-
ტეგორიის გმირების გამოჩენა, რომელთათვისაც წინათ გზა დაკეტი-
ლი იყო „მოკლე მოთხრობის“ დარბაისლურ საზოგადოებაში; თავ-
შეუკავებელი ღრეობა, სამკედრო-სასიცოცხლო ბრძოლა, ნაძალა-
დევი სიკვდილი — მე-19 საუკუნის ლიტერატურისათვის მიუღებე-
ლი ყველა ეს დარგი სამგლოვიარო ზარის გუგუნით იუწყებოდა
ყოველივე უსიცოცხლოს, სენტემენტალურის, ორქოფულისა და
ფარისეველურის აღსასრულს.

ბევრმა იმდროინდელმა კრიტიკოსმა მხარი დაუჭირა ჯეკის ამ
გამოწვევას. აი, რას წერდნენ ჟურნალები: „ბოსტონის ლიტერა-
ტურული სამყარო“ — „ავტორი თვალწინ გვიშლის მოვლენათა ნამ-
დვილ არსს“; „ატლანტიკური ყოველთვიური“: „წიგნი მკითხველს
რწმენას უნერგავს ადამიანური ვაჟკაცობისადმი“; სხვები: „გრძნო-
ბითა და ცეცხლითაა აღსავსე“... „მწერლადაა დაბადებული“,
„...ყველაფერი ვაჟკაცობითა და სიძლიერითაა გამსქვეალული“;

¹ სტონი გადაქარბებით აფასებს მაკ-კლურის როლსა და მის ჯანზრახვათა
ჟანგარობას. გაქნილი საქმოსანი ცდილობდა ხელში ჩაეგდო ახალგაზრდა, ნიქი-
ერი მწერალი, რათა რაც შეიძლება მეტი სარგებელი მიეღო მისი ნაწარმოებ-
ებისაგან. შემდგომში ლონდონი სიამაყის გრძნობით წერდა, რომ მას ეყო ძალ-
ღონე ღრულად შეეწყვიტა კავშირი ამ გაიძვერა გამომცემელთან.

„თვალწინაა დიდი ტალანტის ყველა ნიშანი“, „დიდი, ძლიერი მხატვარია“. ერთმა კრიტიკოსმა აღნიშნა: „მისი მოთხრობები პოეზიითა და დიდი ჩრდილოეთის საიდუმლოებითაა გაჯღენილი. ბედნიერ სტანდარტულობათა საპირისპიროდ მის მოთხრობებში უფრო ტრაგიკული ინტონაციები სწარბობს. ისინი ყოველთვის იქ გაისმის, სადაც ადამიანი ბუნების სტიქიურ ძალებს ებრძვის. კლონდაიკის ცხოვრების ამსახველ კომედიებსა და ტრაგედიებში ბევრგან შეიცნობა კიპლინგისებური წარმოსახვის ძალა და დრამატული სიმძლავრე. მაგრამ ავტორს ნაზი სული აქვს და მასში გმირობის მეტად უმნიშვნელო ნიუანსიც კი ცხოველ გამოხატულებას ჰპოვებს, ხოლო კიპლინგთან ამას იშვიათად თუ შევხვდებით“.

ჯერ მხოლოდ პირველი წიგნი გამოვიდა, მას კი უკვე მისი საყვარელი მასწავლებლის გვერდში აყენებდნენ. შეფასებით ფრთაშესხმულმა მაინც არ დააყოვნა გესლიანი სტატიით მიემართა კრიტიკოსებისათვის. კიპლინგის უღაო დიდების შეუფასებლობა — ეს ხომ უმსგავსობაა!

„მგლის შვილის“ გამოსვლით აღინიშნა თანამედროვე ამერიკული მოთხრობის საწყისი. მართალია, მას წინამორბედები ჰყავდა: ედგარ ალან პო, ბრეტ ჰარტი, სტივენ კრეინი და ამბროზ ბირსი — მათაც ყოველგვარი კავშირი გაწყვიტეს დადგენილ ტრადიციებთან, რათა ნამდვილი ლიტერატურისათვის მოეკიდათ ხელი. მაგრამ ჯექ ლონდონმა პირველმა მიიყვანა მოთხრობა უბრალო ადამიანებამდე და ის უაღრესად გასაგები გახდა, სიხარულის წყაროდ გადააქცია. აქამდე მოთხრობებს უმთავრესად ინტელიგენტი შინაბერებისათვის ვარაუდობდნენ; ჯექის მოთხრობები კი ამერიკული საზოგადოების ყველა ფენისათვის იყო ფანკუთვნილი, გარდა ინტელიგენტი შინაბერებისა, რომლებიც ამ მოთხრობებს მალულად, ფარდებჩამოშვებულ და კარჩაკეტილ ოთახში კითხულობდნენ. ყველა ამის გარდა, ჯექ ლონდონის ნაწარმოებებში მხატვრული ფორმა პირველად შეერწყა მეოცე საუკუნის მეცნიერულ შეხედულებებს—აი, საიდან წარმოიშვა მასში სასიცოცხლო ძალა და ენერჯია, ისეთივე ძალა და ენერჯია, რომლითაც ამერიკელები იბყრობდნენ კონტინენტს და აგებდნენ თავიანთი ინდუსტრიის გიგანტურ ნაგებობას.

უკვე დიდი ხანი იყო, რაც მას რომანი ჰქონდა ჩაფიქრებული.

რომანს მთელი თუ არა ნახევარი წელი მაინც დასჭირდებოდა; ამ ხნის მანძილზე არავითარი შემოსავალი არ იყო მოსალოდნელი. ამის გამო, ჭერჭერობით ძნელი იყო ისეთი წარმატების მიღწევა, რომ შესძლებოდა ამდენი ხნით ჩასჯდომოდა დიდ ნაწარმოებზე მუშაობას. მან თავისი მდგომარეობა წერილით აცნობა მაკ-კლურს: რომელმაც დაუყოვნებლივ უპასუხა: „მზად. ვართ სესხი მოგცეთ თქვენს რომანში თქვენივე პირობების მიხედვით. ხუთი თვის განმავლობაში ყოველთვიურად გამოგიგზავნით ჩეკს 100 დოლარზე, ხოლო თუ დაინახავთ, რომ 125 გჭირდებათ, ჩვენ ამაზეც თანახმა ვართ. დარწმუნებული ვარ, რომ თქვენ შესძლებთ ძლიერი რომანის დაწერას. როცა არ უნდა დაგჭირდეთ დახმარება, გთხოვთ შეგვატყობინოთ“.

სწორედ ამ დროს, როცა იგი, როგორც „რეზლ-დეზლი“, გაშლილი იალქნით მიისწრაფვოდა თავისი მიზნისაკენ, ბესიმ ახალი ამბავი შეატყობინა: იგი ფეხმძიმედაა. ჭეკი აუწერელმა სიხარულმა შეიპყრო: რასაკვირველია, ბიჭი იქნება! ამაში ეჭვი არ ეპარებოდა. იგი აქამდეც გულკეთილი იყო ცოლის მიმართ, ახლა კი მით უმეტეს. როგორც ბავშვს, ისე უვლიდა, ნაზ მზრუნველობას არ აკლებდა მის ჯანმრთელობასა და კეთილდღეობას. შემოქმედებითმა ცეცხლმა მთელი სიმძლავრით იფეთქა მასში იმ შეგრძნების გამო, რომ მალე მამა გახდებოდა; ორ საათსაც არ გაევილო, რაც ბესიმ გაანდო თავისი საიდუმლოება, რომ ჭეკი უკვე შეუღდა თავისი პირველი რომანის — „თოვლის ქალიშვილის“ წერას.

თავის დროზე ჭეკმა ყველაფერი, სულ უმნიშვნელო წვრილმანიც კი, საქმის ღრმა ცოდნით მოიფიქრა და ისიც გაითვალისწინა, რომ იგი უკვე შეზღუდულია და ასე თუ ისე. ოჯახის შენახვა უხდება, მაგრამ ამასთანავე დაუშვა ერთი, წმინდა მამაკაცური დაუდევრობა: ვერ გაითვალისწინა, რომ დედამიწის ზურგზე არ არსებობს ისეთი სამზარეულო, სადაც ორი ქალისათვის საკმარისი ადგილი შეიძლება აღმოჩნდეს. ფლორა შეუპოვრად ეჩხუბებოდა რძალს.

ფლორას მეტად ეწყინა ის, რომ შვილმა სწორედ მაშინ „ულა-ლატა“, როცა რიგიანი შემოსავლის მიღება დაიწყო. განა იგი არ იყო; რომ თვეობით უყოყმანოდ ითმენდა გაჭირვებას? მას უფლება

აქვს მოითხოვოს, მიუზღან ის, რასაც იმსახურებს. ამის ნაცვლად კი ჭეკმა უცხო ქალი შემოიყვანა სახლში. იგი, მისი დედა, მისთვის იღვწოდა, გამოზარდა იგი და ახლა კი ინებეთ, დიასახლისობა ბესის სურს! წინათ ჭეკის მეგობრებს თვითონ იღებდა, ახლა კი ბესია დიასახლისი! შვილის გული უცხო ქალს დაუთმოს? ფლორას ეს არ მოეწონა; მან გადაწყვიტა, რომ მისი თავიდან მოშორება სურდათ. მოშლილი, ნერვიული, ნახევრად ავადმყოფი ფლორა ყველაფერზე და ყოველგვარი მიზეზის გარეშე ეჩხუბებოდა ბესის. ჭეკის გარდაცვალებიდან ოცი წლის შემდეგ ბესი ამბობდა:

„—ფლორას გული რომ მომეგო, მოვფერებოდი და მელოლიავა, ჩვენ შეხმატკბილებულად ვიცხოვრებდით. მაგრამ მე ხომ ახალგაზრდა ვიყავი და მინდოდა ქმრისათვის ყველაფერი თვითონ გამეკეთებინა. ამისთანაზე იტყვიან: მოვიდა სეტყვა — დახვდა ქვაო“.

მაშინ, როცა ჭეკი ცდილობდა მთელი გულისყური პირველი რომანის კომპოზიციურ სიძნელეებზე გაემახვილებინა, ვინ იცის მის სამუშაო ოთახში რამდენჯერ შემოჭრილა გაანჩხლებული ქალების ხმები და „თოვლის ქალიშვილი“ გონებიდან ქრებოდა. იგი ითმენდა, ითმენდა, ვიდრე შეეძლო, შემდეგ კი გამოვარდებოდა სახლიდან, მიიჭრებოდა ელიზასთან და ემუდარებოდა — ღვთის გულისათვის, იქნება დააშოშმინო ისინიო, თვითონ კი ორი-სამი საათის შემდეგ ბრუნდებოდა სახლში. ამ ხნის განმავლობაში, ელიზას წყალობით, ყველაფერი უკვე მოგვარებული იყო და ჭეკიც თავის სამუშაოს უბრუნდებოდა.

ახლა, როცა მეგობრების მიღების მეტი შესაძლებლობა ჰქონდა, ჭეკის ირგვლივ ფრიად საინტერესო ადამიანთა წრე შეიკრიბა; იგი მათ შაბათ საღამოობით იწვევდა. სტუმრებს შორის გამოირჩეოდა მაღალი, ათლეტური აგებულების ჯორჯ სტერლინგი, მეტად სათუთი სულის მქონე ადამიანი, რომლის შესახებ ჭეკი წერდა: „მე ღყავს მეგობარი, ყველაზე უფრო საინტერესო ადამიანი ქვეყნიერებაზე“. კათოლიკე მღვდლის ბედი სტერლინგმა პოეტის ხვედრზე გაცვალა. იგი ერთ-ერთი იმ იშვიათ პოეტთაგანი იყო, რომლის შემოქმედებაც აღსავსეა სილამაზით, სინაზითა და სიმართლისადმი მგზნებარე სიყვარულით. კლასიკოსების ნაწარმოებებზე აღზრდილი ესთეტი—

სტერლინგი გაორებული პიროვნება იყო: ერთი მხრივ, იგი სოციალიზმს იზიარებდა, მეორე მხრივ, ერთგულად იცავდა ამბროზ ბირსის მიერ შთაგონებულ პრინციპს — „ხელოვნება ხელოვნებისათვის“. ჭეკი ბირსის მარცხმოსურნეობითი ფილოსოფიის საშინელი მოწინააღმდეგე იყო. მდიდარი წარმოსახვის მქონე სტერლინგი იმავე დროს ენის ჰარმონიასაც ფლობდა. მისმა უმწიკვლო მეგობრობამ, მგზნებარე ტემპერამენტმა, კრიტიკოსის ჭირვეულმა და ფხიზელმა თვალმა ბევრი რამ შესძინა ჭეკს. ჭეკს ახლო ურთიერთობა ჰქონდა ჭემს ჰუპერთანაც. ამ ახოვან, ღონიერ ფეხბურთელს იგი ჭერ კიდევ უნივერსიტეტიდან იცნობდა. ჭემსიც თავის ძალ-ღონეს ცდიდა მოკლე მოთხრობების სარბიელზე. ახალ მეგობრებს შორის იყვნენ ჭიმ უაიტეკერი, შვიდი შვილის მამა. მან თავი დაანება მოქადაგის კათედრას, რათა რომანები ეწერა; ქსავიარ მარტინესი, მხატვარი, ნახევრად ესპანელი, ნახევრად ინდიელი. მოდიოდა ხოლმე წაგრძელებულ ესპანურწვერიანი, საღვთო მეცნიერებაში დიდად განსწავლული, ოკლენდის ბიბლიოთეკის უმცროსი ბიბლიოთეკარი, რიოსკინის კლუბის დამაარსებელი ფრედერიკ ბემფორდი. სან-ფრანცისკოდან ჩამოდიოდნენ: ანა სტრუნსკაია, ფილოსოფოსი-ანარქისტი სტრონ-ჰამილტონი, სოციალ-დემოკრატი ოსტინ ლუისი და სხვა რადიკალები სან-ფრანცისკოს ყურეს სანაპიროებიდან. არ იფიწყებდა მისის ნინეტა ეიმსიც, რომელსაც მეგობარი ლიტერატორები მოჰყავდა და თან ახალი ამბები მოჰქონდა იმის შესახებ, თუ როგორ მიმდინარეობდა მესი ძმისწულია მოგზაურობა ევროპაში. ყველანი ვახშმის დროს იყრიდნენ თავს; შემდეგ კითხულობდნენ თავიანთ ნაწარმოებებს, კამათობდნენ ახალ წიგნებზე და პიესებზე. ბოლოს მამაკაცები პოკერს ან „წითელ ძალს“ ჩაუჯდებოდნენ. გატაცებით, აზარტით თამაშობდნენ და წამდაუწუმ თავშეუკავებლად ხარხარებდნენ. ოთხშაბათობით ჭეკთან გამართული ეს საღამოები მალე ცნობილი გახდა. „ღია კარების ოთხშაბათების“ სახელწოდებით.

სამხრეთ კალიფორნიიდან ერთი კვირით ესტუმრა სასიამოვნო, ლამაზი გარეგნობის ყმაწვილი კლაუდსლი ჯონსი, რომელსაც მიეტოვებინა თავისი მშობლიური პატარა ქალაქიცა და სამსახურიც საფოსტო განყოფილებაში. ჯონსი პირველი იყო, რომელმაც აღფრ-

მოვანებული წერილი მოსწერა, ჯეკს, როცა „ტრანსკონტინენტურ უოველთვიურში“ გამოქვეყნდა მოთხრობა „მათთვის, ვინც გზაშია“. მას შემდეგ მათ მიმოწერა არ შეუწყვეტიათ. ყველა მაწანწალა „გზიდან“, მატროსები, სანაპიროელი „ძმაბიჭები“ სიხარულით მოინახულებდნენ ხოლმე ჯეკს, რათა იტალიური მომკავო ღვინო გადაეკრათ და თან გულახდილად ესაუბრათ. „შემოივლის რომელიმე ძველი ნაცნობი მატროსი. შეჰყვება ლაპარაკს და ბოლოს იმით ამთავრებს, რომ ეს-ესაა დაბრუნდა შორეული ნაოსნობიდან, რომ დღე-დღეზე დიდძალ გასამრჯელოს ელის...

— ჯეკ, ჩემო ძველო მეგობარო, ხომ ვერ მასესხებ ხვალამდე ორ დოლარს?

— ნახევარი არ გეყოფა?

— თანახმა ვარ ნახევარზეც“.

მასპინძელი ხელს ჯიბისაკენ გააცოცებდა და სტუმარიც ამის შემდეგ დიდხანს აღარ აყოვნებდა. ჯეკი ბედნიერად გრძნობდა თავს, რომ ხალხის პატივისცემა შეეძლო; იგი ყოველთვის მოხარული იყო, თუ სამუშაო დღის შემდეგ მასთან მეგობრები შეიკრიბებოდნენ.

მაკ-კლურისაგან ყოველთვის, დაუგვიანებლივ ღებულობდა ასოცდახუთ დოლარს, მაგრამ ახლა ესეც აღარ კმაროდა! უფრო ხელგაშლილი ცხოვრება, ახალი მეგობრები და ოჯახი მეტს მოითხოვდა... ჯეკმა გააორკეცა სამუშაო დრო: დილის საათებს უფრო სერიოზულ სამუშაოს უთმობდა, დღის მეორე ნახევარს — ხალტურას. ამგვარი მუშაობის შედეგად მან ბოსტონის ქურნალ „ასლში“ მოათავსა ნარკვევი იმის შესახებ, თუ როგორ გაათია ღამე ერთხელ მიყრუებულ, უკაცრიელ ადგილას, როგორ უჩმახავდა რალაცეებს იაპონიის შესახებ მის დასატრუსალებლად მისულ პოლიციელს, რათა იგი საპყრობილეში არ წაეყვანა. „ჰარპერის ყოველკვირეულში“ მოათავსა ნარკვევი „ჯირკუტანა“ ალასკურ შესაბამელ ძალზე, სან-ფრანცისკოს „ტალღაში“ — სტატია „ექსპანსია“, რომელიც მოწინავე წერილად გამოქვეყნდა. ოჯახური ცხოვრების თემზე დაწერილი ორი მოთხრობიდან ერთი, სათაურით — „იმათი სარეცელი“ დაბეჭდა „ქალის საოჯახო თანამგზავრმა“, ხოლო მეორემ — „მეოჯახეობა კლონდაიკში“ — მას გზა გაუხსნა „ჰარპერის ბაზრისაკენ“. ქურნალში „საქალაქო თემებზე“ გაგზავნა ტრიოლეტი:

მეზობელი შემოვიდა,
 ფული უნდა გამოძალოს.
 გაეიპარე სხვა კარიდან —
 ვერ მოგართვეს, მეგობარო.
 მომაკითხა, მოლახლახდა,
 მაგრამ სახლში არვინ დახვდა.
 და ცარიელ-ტარიელი
 გატრიალდა მეზობელი!

აღებული ჰონორარებით ჯექმა ცოტა სული მოითქვა!

წიგნებსა და საბეჭდ მანქანას იგი ისე ბეჭითად უჯდა, რომ ზოგ-
 ჯერ ზედიზედ რამდენიმე დღე გარეთაც არ გაიხედავდა, თუ არ ჩაე-
 თვლით სადარბაზო კარებთან დატოვებული საღამოს გაზეთის ასაღე-
 ბად გასვლას. იგი გახდა, მოეშვა და დარწმუნდა, რომ კუნთების.
 სიმკვრივის პროპორციულად სულის სიმტკიცესაც ჰქარავდა. რასაც ;
 ფიქრობდა, იმის დაწერის ეშინოდა; ვარაუდობდა — მიიღებენ თუ ;
 არა იმ ხელნაწერს, მოიწონებს თუ არა ამას ხალხი. იგი ყოველთვის
 იმ აზრისა იყო, რომ ჯანმრთელ ტანში — ჯანმრთელი სულია. ამ ;
 პრინციპის გავლენით შეიძინა ჰანტელები და ყოველ დღით ღია ;
 ფანჯარასთან ვარჯიშობდა. იშვიათად — ექვს საათზე გვიან დაეწყო
 მუშაობა. მუშაობის დამთავრების შემდეგ კი სანადიროდ მიდიოდა ;
 ბერკლის გორაკებს გადაღმა, ანდა ყურეში თევზაობდა. ძალ-
 ღონის აღდგენასთან ერთად კვლავ დაუბრუნდა ენერჯია და სიმ-
 შვიდე. განახლებული ენერჯიით ამთავრებს თავის პირველ იუმო-
 რისტულ მოთხრობებს კლონდაიკზე — „მოუნანიებელი ჯანი“ და ;
 „სახენაიარევი კაცი“. ორივე მოთხრობა დაწერილია ირლან-
 დიელი ოხუნჯის მეტად მოსწრებული იუმორით, რომელიც მიცვა-
 ლებულსაც კი არ ინდობს მისსავე ქელეხზე.

პრესაში კარგი შეფასების მიუხედავად, „მგლის შვილი“ უფრო
 ნაკლებად იყიდებოდა, ვიდრე ეს მოსალოდნელი იყო. უურნალებიც,
 მაკ-კლურის გარდა, მხოლოდ ერთდროულ ჰონორარს უხდიდნენ.
 საავტორო ანარიცხების გარეშე, და მადლობა უნდა ეთქვა, თუ
 ხელნაწერში ოც დოლარს მისცემდნენ. მკითხველთა ფართო მასა-
 მას ჯერ კიდევ არ იცნობდა. საჭირო იყო წერა და კიდევ წერა,
 ვიდრე არ დადგებოდა ის მომენტი, რთცა ერთი გადამწყვეტი ნახ-

¹ ლექსები თარგმნა იორამ ჭემერტელიძემ.

ტომით შეძლებდა მიზნის მიღწევას! მანამდე კი უნდა დაკმაყოფი-
ლებულიყო იმით; რაც ხელში მოხვდებოდა. ასე, მაგალითად: „შავ-
მა კატამ“ გამოაცხადა კონკურსი საუკეთესო მოთხრობაზე. პირ-
ველხარისხოვანი სიუჟეტი, რომელიც პირველ პრემიას დაიმსახუ-
რებდა, რაღაც ვერ გამოსდიოდა. ერთ-ერთმა სადამოს გაზეთმა
ჩვეს ბიძგი მისცა და მან დაწერა თავწესაქცევი მოთხრობა „Semper
Idem“, რომელშიც პატარა პრემია მიიღო. შემდეგ ჟურნალმა „კოს-
ნოპოლიტენ მეგეზინმა“ გამოაცხადა კონკურსი თემაზე — „რას
ჰკარგავს ის, ვინც მარტოდმარტო მოქმედებს“. მილიონიდან მხო-
ლოდ ერთი შანსის იმედით ჩვემა რევოლუციურ თემაზე დაწერა
სტატია სახელწოდებით „რას კარგავს საზოგადოება კონკურენციის
ბატონობის დროს“. მას პირველი პრემია — ორასი დოლარი მია-
კუთვნეს. ამან საფუძველი მისცა ჩვეს ეთქვა: „მე ერთადერთი ადა-
მიანი ვარ ამერიკაში, რომელმაც სოციალიზმზე ხელის მოთბობა
შესძლო“.

გადიოდა თვეები. ფლორა და ბესი კვლავ გამუდმებით ჩხუბობ-
დნენ. ჩვემა იქვე, ახლოს პატარა სახლი დაიქირავა და ფლორა
ჯონთან ერთად იქ ჩაასახლა. ამ „ეკლესიიდან განკვეთამ“ ფლორა
მთლად გააშმაგა. შეიღმა იგი სახლიდან გამოაგდო! ამ ტაქტიკური
ფანდით ჩვემა მხოლოდ იმას მიაღწია, რომ ხარკები მოემატა. გარ-
და იმისა, რომ ფლორა ახალ-ახალი ჰირვეულობით მოდიოდა მას-
თან, იგი მეზობლებშიც ეძებდა სამართალს თავისი შეურაცხყო-
ფისათვის. დაიწყო ჭორაობა და მითქმა-მოთქმა... ფლორამ ძველე-
ბურად დამოუკიდებლად წარმოიდგინა თავი და ხელი მიჰყო რაღაც
საეჭვო საქმეებს; ფული, რომელსაც შეილი აძლევდა, თოვლივით
უღნებოდა ხელში. დაედო ვალები, რომელთა გადახდა ჩვეს უხ-
დებოდა.

მთელი ზაფხული და შემოდგომა ჩვემა რომანზე მუშაობაში გა-
ატარა; ამავე დროს ლექციებს კითხულობდა სან-ფრანცისკოში
სოციალისტური პარტიის მიერ მოწყობილ საჯარო მიტინგებზე; სხვა
ორატორების გამოსვლებსაც ესწრებოდა, ჩაეწერა იბსენის წრეში;
სწავლობდა ბოქსსა და ფარიაობას თავისი სახლის უკანა ეზოში,
შაბათობით კი მეგობრებს ლებულობდა. ჩვეი სრულებითაც არ იყო
ამელანქოლიური ინტელიგენტი; იმ შემოდგომაზე მას ყველაზე დიდი

სიხარული აგრძნობინა ფეხბურთის მატჩმა, სადაც კალიფორნიის-
ნაკრებმა მიწასთან გაასწორა სტანფორდის გუნდი. მაგრამ მაინც
ყველაზე დიდ მოვლენად მის ცხოვრებაში დიდ ნაწარმოებებთან
გაცნობა რჩებოდა. მას ისინი ახლაც ისეთივე თავდავიწყებითა
და მთელი არსებით იტაცებდა, როგორც ოდესღაც, ამ თოთხმე-
ტიოდე წლის წინათ, როცა ჩამოკონკილი, უსახლკარო გაზეთის-
დამტარებელი ბიბლიოთეკაში შევიდა და მისის კულბრიტს
სთხოვა „რაიმე საინტერესო წიგნი“ მიეცა წასაკითხად. ანა სტუნს-
კაიასადმი მიწერილ ერთ წერილში ვკითხულობთ: „ახლახან ვი-
ჩქეი და პატარა ბავშვივით ვტიროდი: ეს-ეს არის დავამთავრე „უჩი-
ნარი ჯუდი“. ჯუდისა და ტესის შექმნით ჰარდის შეუძლია დამშვი-
დებით განისვენოს“. იგი ფიცს სდებდა, რომ თვითონაც დამშვი-
დებით მოკვდებოდა, თუ შეძლებდა ერთი-ორი ისეთი წიგნის დაწე-
რას, რომელიც ღირსი იქნება იმ წიგნების გვერდით დაიკავოს ად-
გილი თაროზე, რომლებმაც ასე დაამშვენეს მისი ცხოვრება.

უცნაური დამოკიდებულება დამყარდა ჯეკსა და ანა სტრუნსკაიას
შორის. მათთვის საბოლოოდ ცხადი გახდა, რომ ჰკუთისა და ხასიათის
მიხედვით ისინი ერთმანეთისათვის იყვნენ შექმნილნი. ეს გარემო-
ება მათ სრულებით არ უშლიდა ხელს ძველებურად გაცხოველებუ-
ლი კამათი. განეგრძოთ ბიოლოგიაზე, მატერიალიზმსა და სოციალი-
ზმზე. ივლისიდან მოყოლებული ჯეკის წერილები მისადმი სინაზი-
თაა გამსკვალული: „მიუხედავად ჰიქა წყალში ატეხილი ქარიშხლი-
სა, რომლითაც აღინიშნა ჩვენი ნაცნობობა, სინამდვილეში ჩვენს
შორის არასდროს ყოფილა უთანხმოება. გულის სიღრმეში ნამდ-
ვილად თანავუგრძნობდით ერთმანეთს, ნამდვილად შეხმატკბილებუ-
ლები ვიყავით. გემი უკვე ჩაშვებულა წყალში; იგი ზღვისაკენ
ისწრაფვის; მორები აღშფოთებით ღრქიალებენ და კვნესიან,
მაგრამ ზღვასა და გემს მათი არ ესმით. ჩვენც იგივე დაგვემართა,
როცა ერთმანეთის ცხოვრებაში შევიქვით“.

ყველა თავისი სერიოზული ნაწარმოები ჯეკს ახლა ანა სტრუნს-
კაიას სამსჯავროზე გაჰქონდა. ამ ქალის შეფასებებში ფხიზელი და
ნათელი ჰკუა გამოსჭვივის. თავის მხრივ ჯეკი არწმუნებდა მას წე-
რა დაეწყო: „ეჰ, ანა, თქვენ რომ ქალადს გაანდობდეთ თქვენს
მგზნებარე გულსა და ცვალებად სულიერ განწყობას! ისეთი გრძნო-

ბა მაქვს, თითქოს სამყაროში გადმოსროლილ ჩაღაც უხილავ ენერჯიას ენათესავენით. იკითხეთ თქვენი კლასიკოსები, მაგრამ არც ის დაივიწყოთ, რაც ჩვენს დღეებს ეკუთვნის — ახალი ლიტერატურა. თქვენ უნდა შეითვისოთ თანამედროვე ხერხები; ფორმასაც თავისი უნდა მიეზღოს. თუ ხელოვნება მარადიულია, ფორმა ხომ თაობასთან ერთად იბადება. ო, ანა, ნუ მომცემთ იმის საბაბს, რომ თქვენში მოვტყუვდე“.

1900 წლის ბოლოს იგი წერდა: „წმინდა, უმშვენიერესი მეგობრობა? ისიც მამაკაცსა და ქალს შორის? ასეთი რამ სამყაროს არც კი შეუძლია წარმოიდგინოს, მას ისევე მიუწვდომლად ჩათვლიან, როგორც მარადიულობას“. ჯეკს თვითონაც არ მიაჩნდა ეს შესაძლებლად, თორემ როცა მეიბლ ეპლგარტის შერთვის იმედი დაჰკარგა, შეეძლო სან-ფრანცისკოელ ქალიშვილს გაარწიებოდა და არა ოკლენდელს. მას აზრადაც არ ჰქონია ღალატი, მაგრამ ანა სტრუნსკაიას გამჭირაობამ მოაჯადოვა. ბესისთან მას ბევრი რამ აკავშირებდა — მეგობრობა და ახლადჩასახული სიცოცხლე, იგი ამისთვის უყვარდა კიდევ, ანასთან კი სხვა რამ აკავშირებდა — სულისა და გონების ერთობა — ამიტომაც უყვარდა იგი.

გაფუებული და დამძიმებული ბესი ბავშვს ელოდებოდა, ჯეკს კი ანა სტრუნსკაიაზე ფიქრი არ ასვენებდა, „ამ რუს ებრაელზე და თანაც გენიალურზე“, როგორც თვითონვე წერდა. მაგრამ როგორც არ უნდა ყოფილიყო მათი გრძნობა ერთმანეთის მიმართ, ხმამაღლა ერთი სიტყვაც არ წარმოთქმულა. „ართქმული, დამიჯერეთ, ანა, ყველაზე უფრო მაღლა დგას. ბედნიერება — მე? ძვირფასო, ჩემი ბედნიერება ხომ თქვენა ხარ, ბედნიერება და სულის დღესასწაული!“ მან ცოლი შეირთო, რათა დადინჯებულიყო, მყარი, საიმედო ადგილი დაეკავებინა საზოგადოებაში, მაგრამ... „ჩემს თვალწინ ეს-ესაა გაიელვა თავისუფლებამ, მე კი უკვე ვგრძნობ, თუ როგორა ვარ შებოკილი, როგორ მჭიდროვდება რკალი. ახლა მახსენდება ჩემი თავისუფლების ხანა, როცა არაფერი არ მაკავებდა და უფლება მქონდა გულისთქმას აეყოლოდი“.

ექვს გარეშეა, იგი მისს სტრუნსკაიასადმი ჰუმბარტი გრძნობით იყო გამსჭვალული, მაგრამ ამ გრძნობას მარტო შიში კი არ სდევდა თან, არამედ სინანული თავისუფლებაზე იმ ახალგაზრდა

კაცისა, რომელიც ეს-ეს არის მამა უნდა გახდეს და ამის გამო კიდეც უფრო მაგრად შეიბოჭება, ამჯერად უკვე სამუდამოდ. ვინ იცის, როგორ წარიმართებოდა მოვლენათა მსვლელობა მისის ეპლგარტს რომ დაეყოვნებინა თავისი ულტიმატუმი და იგი მაშინ წამოეყენებინა, როცა ჯეკი ანას სწერდა: „ბედნიერება—მე? ძვირფასო, ჩემი ბედნიერება ხომ თქვენა ხართ, ბედნიერება და სულის დღესასწაული!“

ენის დახვეწის მიზნით, ჯეკი განაგრძობდა ლექსების წერას; იგი განურჩევლად კითხულობდა ყოველგვარ თანამედროვე ბელეტრისტიკას, რათა კარგად შეეგროძო სიახლე. ეს იყო ცდა, ძიება, მაგრამ პრესისათვის კი არა, არამედ უბრალოდ თავისთვის, თავის შესაძლებლობათა გასაფართოებლად. დიდ კრიტიკულ სტატიებს წერდა, მაგრამ არ ყოფილა შემთხვევა, რომ თავის ნამუშევრებში გვერდი აეგლო ისეთი დისპარმონიული, დაუხვეწავი ფრაზისათვის, რომელიც ყურს ეხამუშებოდა. როცა მოეჩვენებოდა, რომ მეტად მაღლა ასწია ცხვირი თავისი მოთხრობებით, ძველი წიგნების შეკვრას გამოქექავდა და უმალ ცხვარივით მშვიდი გახდებოდა. კლაუდსლი ჯონსი, რომელსაც კლასიკური განათლება მიეღო, და ჯეკი ხელნაწერების კიდეებზე მწვავე კრიტიკული შენიშვნებით უმასპინძლებოდნენ ერთმანეთს. ჯონსმა, რომელიც „გზის ფილოსოფიაზე“ მუშაობდა, ჯეკს გამოუგზავნა იგი სარედაქციოდ. ჯეკის შენიშვნა ამ ნაწარმოებზე მის ლიტერატურულ კრედოს წარმოადგენს: „თქვენ საინტერესო თემას მოჰკიდეთ ხელი: დაძაბული ცხოვრება, რომანტიკა, ადამიანთა ბედი, მათი დაღუპვა, კომიზმი და პათოსი. დალანგროს ეშმაკმა, მაშ მოექექციოთ მათ ისე, როგორც საჭიროა! თავი დაანებეთ მკითხველისათვის „გზის“ ფილოსოფიის მოყოლას. ის თქვენს ავე გმირებს მიანდეთ, რათა იგი თვით მათ გადმოსცენ საქმით, საქციელითა და სიტყვით. აბა, ყურადღებით წაიკითხეთ სტივენსონი და კიპლინგი: თვითონ როგორ გაუჩინარდებიან ხოლმე, როგორ ჩამოსცილდებიან, მათი ნაწარმოებები კი ცოცხლობენ, სუნთქავენ, გიტაცებენ და დილამდე ლამფის ჩაქრობის საშუალებას არ გაძლევენ. თვით წიგნის არსი მოითხოვს, რომ შემოქმედი იქ არ ჩანდეს. შეიმუშავეთ მტკიცე, ნათელი, მეტყველი, ახალი სტილი; სწერეთ

აზრიანად, მოკლედ, ნუ მოჰყვებით გრძელ და დაწვრილებით აღწერას. საჭირო არაა მოყოლა — საჭიროა დახატვა, აღწერა სახოვნად, შენება, შექმნა! უმჯობესია ერთმანეთთან შეხამებული ათასი სიტყვა, ვიდრე უფერული, ვრცელი, აბდაუბით სავსე მთელი წიგნი. მიაფურთხეთ თქვენს თავს! დაივიწყეთ იგი! მაშინ მსოფლიო თქვენ არ დაგივიწყებთ!”

როცა „თოვლის ქალიშვილის“ დასრულებას ბევრი აღარაფერი უკლდა, ჯეკი მიხვდა, რომ იგი არ გამოუვიდა. ამ ნაწარმოებში იმდენი ვარგისი მასალა ჰქონდა თავმოყრილი, რომ ორ კარგ რომანს ეყოფოდა და მესამე, უფრო მდარესთვისაც მორჩებოდა. „თოვლის ქალიშვილში“ თავი იჩინა ღრმა, ბეტად სერიოზულმა სისუსტემ. ისინი ჯერ კიდევ წიგნის დასაწყისში ჩაინიღბენ და მკვეთრად იჩინეს თავი, როცა ჯეკმა უკვე თავის ნაწარმოებთა ორმოცი ტომი გამოსცა: ჯერ ერთი, მან უპირატესობა მიანიჭა ანგლო-საქსურ რასას და, მეორე, ვერ შეძლო სისხლი და ხორცი შეესხა და რეალურად წარმოესახა ქალი, რომელიც უშათა კლასს არ ეკუთვნოდა.

ჯეკის ჩანაფიქრის მიხედვით, ფრონა უელსი მეოცე საუკუნის ქალის ტიპიური წარმომადგენელია, მეცხრამეტე საუკუნის ქალის სრულიად საწინააღმდეგო: ღონიერი და ღმობიერი; ჰქვიანი, და გულთბილი; მამაცი, რომელსაც ამავე დროს შენარჩუნებული აქვს ქალური მიმზიდველობა. მოკლედ რომ ვთქვათ, ქალი, რომელსაც შეუძლია მუშაობა, აზროვნება, ცხოვრება, ბრძოლა და მამაკაცთა საუკეთესო წარმომადგენლებთან თანაბრად სიარული ცხოვრების უკლან გზაზე. მას არ ახასიათებს ის თვისებები, რომელთაც ავტორი ვერ იტანდა ქალებში: სენტიმენტალობა, ულოგიკობა, კეკლუცობა, სისუსტე, შიში, უეცრობა, პირმოთნეობა, მსხვერპლზე შემოჭობილი მცენარე-პარაზიტის მჭიდვ სიფაფუკე. მეოცე საუკუნის გმირისათვის შესაფერი მეგობრის სახის შექმნის სურვილით გატაცებულს მერყევი, უცნობი ნიდაგის გაკაფვა უხდებოდა. სულ ცოტაც და შეიძლება ფრონას სახე ცოცხალი, ნამდვილი გამოსვლოდა. ასეთივე განწყობით რომ განეგრძო, შეიძლება შეექმნა კიდევ ახალი ქალის სახე.

ფრონა ყველაზე უფრო ცუდად იქ გამოიყურება, სადაც იგი

ლონდონის სოციოლოგიური ნარკვევების ენით იწყებს ლაპარაკს შოვინისტურ აბლაუბდაზე — თეთრკანიანთა რასის უპირატესობაზე, იმის შესახებ, რომ მათ უფლება აქვთ მუდამ მბრძანებლობდნენ წითელ, შავ და ყვითელკანიანებზე. ეს ბოდვა ჯექს კიპლინგის ნაწარმოებებში წაეკითხა და განუსჯელად მიეღო. ძნელი მისახვედრი არაა, თუ რატომ მიიღო ჯექმა ასე ადვილად და ხალისით ყოველივე ეს. იგი ხომ ამის გარეშეც გატაცებული იყო თავისი ვიკინგებით. „წვრილქიმიანი საბრძოლო ვალერები მზადაა, კუნთმაგარმა და მკერდგანიერმა, სტიქიით შობილმა, ხმლით მებრძოლმა ნორმანებმა ზღვას მიაშურეს... ჩრდილოეთის შვილთა გაბატონებული რასაა... დიდი რასა! მსოფლიოს ნახევარი და ყველა ზღვა მათია! კიდევ სამოცი თაობა და ის სამყაროს ბატონ-პატრონი შეიქმნება!“

ამ ანგლო-საქსური სიბეცის მიზეზით შეექმნა მას დამახინჯებული წარმოდგენა სოციალიზმზეც, სწორედ იმ სფეროზე, რომელშიც ყველაზე მეტად ისწრაფვოდა დაეცვა პატიოსნებისა და სიმართლისადმი ერთგულება. ამ ჩრდილოეთიდან გადმოსახლებული, გაბატონებული რასისადმი მიძღვნილი სტრიქონების დახვეწის პერიოდში ჯექი კლაუდსლი ჯონსს სწერდა: „სოციალიზმი — მთელი კაცობრიობის ბედნიერებისათვის გათვალისწინებული იდეალური სისტემა როდია; ის განკუთვნილია მხოლოდ განსაზღვრული, ურთიეთმონათესავე რასების კეთილდღეობისათვის. მისი დანიშნულებაა ამ რჩეული რასების ძლიერების განდიდება იმ ვარაუდით, რომ შეავიწროონ უფრო სუსტი და მცირერიცხოვანი რასები მათ სრულ მოსპობამდე და მთელ მსოფლიოს დაეპატრონონ“. ასე დაამახინჯა კიპლინგით შეზავებულმა ნიცშემ კარლ მარქსის მოძღვრება.

სამწერლო საქმიანობაში ხელი რომ არ შეშლოდა, ჯექმა თავის დროზე დაუფიქრებლად უარი თქვა ფოსტაში სამსახურზე და მატერიალურ კეთილდღეობაზე. ახლა უკვე ას ორმოცდაათი დოლარიც აღარ ჰყოფნიდა თვეში, თუმცა ერთი წელიც არ გასულიყო მას შემდეგ. რაც ასეთი თანხა წარმოუდგენელ სიმდიდრედ მიაჩნდა. ვიდრე მორიგ ჩექს მიიღებდა, უკვე გრძელი სია დგებოდა. აი, საფინანსო „ოპერაციები“, რაც მან ჩაატარა შობიდან ახალწლამდე: ჯიმ უაიტეკერს მისცა სესხი; გაჭირვებაში ჩავარდნილი იმ ამხანაგის ან-

გარიში გაანადღა, რომელმაც ორივე ფეხი მოიტეხა; ღრმოცდაერთი დოლარი გადასდო ფლორას ვადაგადაცილებული ვალის გასანადღებლად; ძიძა ჯენის მისცა ფული, რათა მას გირაოს პროცენტები გადაეხადა და უსახლკაროდ არ დარჩენილიყო. მასვე გადაუხადა გადასახადებიც და მხოლოდ ერთი არასასიამოვნო ოპერაცია ჩაატარა — უარი უთხრა კლაუდსლი ჯონსს ფულის სესხებაზე, რათა მას შემძლებოდა თავი დაენებებინა დაჩიავებულ ფოსტაში სამსახურისათვის. სხვათაშორის, უარი იმიტომ უთხრა, რომ თუ ფულს მისცემდა, თვითონ სესხად უნდა აეღო ოჯახის სარჩენად საჭირო ფული. ერთი კვირის შემდეგ კი ბესი ბავშვს ელოდა!

ბესი მოგვითხრობს, რომ მან გაკვეთილები ჩაატარა თვით იბდილასაც კი, როცა ბავშვი დაებადა. ჯერ ეგონათ, რომ ბავშვი 12 იანვარს, ჯეკის ოცდახუთი წლის თავზე, დაიბადებოდა, მაგრამ მშობიარობა მხოლოდ თხუთმეტში დილით დაიწყო. იგრძნო თუ არა მონენტის მოახლოვება, ბესიმ ექიმში გამოაძახებინა, რომელსაც სიჩქარეში საღეზინფენქციო საშუალება დაეიწყებოდა. ჯეკი გაგზავნეს ერთი შუშა ქლოროფორმის საყიდლად, მაგრამ უკან მობრუნებული ისეთი სისწრაფით მოჰქროდა, რომ ველოსიპედიდან გადმოვარდა, შუშა გაუტყდა და ხელიც გაიჭრა. ბესიმ მშვიდობიანად იმშობიარა — ცხრაგირვანქანახევრიანი გოგონა შეეძინა, მაგრამ გამოუცდელი ექიმის დაუდევრობის გამო შემდეგ დიდხანს იავადმყოფა. ჯეკმა კი ვერ შეძლო ცოლისათვის არ შეემჩნევიანებინა იმედის გაცრუება, რომელსაც იგი გოგონას დაბადებით განიცდიდა.

მაკ-ლურმა თავის ეურნალში არ დაბეჭდა „თოვლის ქალიშვილი“, მაგრამ, ამის მიუხედავად, ჯეკს ყოველთვიურად უგზავნიდა ას ოცდახუთ დოლარს. „მე თვითონ ოჯახის პატრონი ვარ და ვიცი, რომ კარტოფილს უფულოდ არ იძლევიან და ამიტომ გიგზავნი...“ რომანის დამთავრების შემდეგ ჯეკმა მოკლე მოთხრობათა სერიის წერას მიჰყო ხელი. რამდენიმე კვირის შემდეგ სასოწარკვეთილების გრძობამ რამდენადმე გადაუარა. შეეჩვია თავის გოგონას, მით უმეტეს, რომ პატარა ჯოანი ძალიან ჰგავდა მას. ლონდონებთან გადმოსახლდა ძიძა ჯენი, რათა ჯოანისათვის მოეელო ისევე, როგორც ოცდახუთი წლის წინათ მამამისს უვლიდა ბერნალჰაიტსში.

ჯეკის აღიარებით, მისი დაცოლშვილების ერთ-ერთი მიზეზი იყო ზწმენა, რომ ბესი ჯანმრთელ შთამომავლობას შესძენდა; ამაში რგი არ შემცდარა. გულისთქმას აყოლილმა ცოლი შეირთო, რათა ამით ორივეს ცხოვრების სიცარიელე შეევსოთ და იმედოვნებდა, რომ ისევ ჩაებმებოდნენ ცხოვრებ-ს ჩქარ დინებაში. ბესიმ გაამარ-თლა ეს იმედები: იგი თავდადებული, ერთგული, ნაზი, ჭკვიანი ცო-ლი იყო, ამასთანავე მუდამ მზად იყო, ქმრის მხარდამხარ ემუშავნა და გაეზიარებინა მისი ტანჯვა და ვაება. ჯეკს უხაროდა, რომ იგი მამა გახდა; ბესის მეტად ემადლიერებოდა, მაგრამ ზოგჯერ, დალ-ლილი, შინაგანად ეწინააღმდეგებოდა მის სწორედ იმ თვისებებს, რომელთაც აფასებდა და რისთვისაც მეუღლედ აირჩია. ვერცხლის-წყალივით დაუდგრომელსა და მჩქეფარე სისხლის პატრონს, უყ-ვარდა წვატა და დაღბინებაც. თივდავიწყებით, მშფოთვარედ ცხო-ვრება; სიხარული უსაზღვრო სწამდა, მწუხარება — თავშეუკავებე-ლი. ასეთ ორგიებს ბესი არ იზიარებდა, იგი თავდაჭერილი, მშვი-დი, აუღელვებელი, დინჯი ადამიანი იყო. მუშაობის დროს, როცა ჯეკი ჩანაფიქრის ხორცშესხმით იყო გატაცებული, იგი ბესის ემად-ლიერებოდა, მაგრამ დაამთავრებდა თუ არა სამუშაოს, მზად იყო ამბოხებისათვის, უნდოდა დაეთმო გულისგამაწვრილებელი სურვი-ლისათვის, თავი აეშვა და პირველსავე მიქცევას ზღვაში შეჰყოლო-და. აი მაშინ შემოაწვებოდა ბოლმა წინანდელ თავისუფლებაზე, და-კარგულ უფლებებზე, როცა შეეძლო სადაც სურდა და რომელ ქალ-თანაც, იქ წასულიყო. პირველი შემთხვევა იყო, რომ აღარ, შე-ეძლო უგულვებლეთყო თავისი მოვალეობანი და თავგადასავალთა სამყაროში გადაშვებულყო.

ასეთ მომენტებში იგი ანა სტრუნსკაიას სწერდა: „იჯდე აქ და აგროვებდე მონაცემებს, ახარისხებდე, აკოწიწებდე, წერდე მო-ზარდი თაობისათვის მოთხრობებს და თანაც გულდასმით ნიღბავდე ზნეობრივ მოძღვრებებს; ყოველდღე მანქანაზე ათას სიტყვას ბეჭდავდე, დელდებოდე ბიოლოგიის ზოგ საკითხებზე კრიჭაში ჩადგომის შედეგად; გაწვდიდეთ უმნიშვნელო, გასართობ რაიმეს სიცილის გამოსაწვევად, რათა ქვითინი არ წაგსკდეთ და ეს, რასაკ-ვირველია, ჯერ კიდევ ყველაფერი როდია! ორი არსება ერთმანე-

თისათვის არის შექმნილი, მაგრამ მათი ბაგეები სდუმან — ასეთი შეუსაბამობა განა მომხდარა სადმე!”

მათ გადაწყვიტეს წიგნი მიეძღვნათ თავიანთი სულიერი სიახლოვისა და დიდი მეგობრობისათვის, სახელწოდებით „კემპტონისა და უეისის მიმოწერა“; უეისი იქნებოდა ჭეკი, კემპტონი — ანა. ანა სიყვარულის პოეტურ და სულიერ საწყისებს დაიცავს ჭეკისაგან, ჭეკი მას თავს დაესხმის ბიოლოგიისა და მეცნიერული ევოლუციის პოზიციიდან. ისინი არავის აწყენინებენ, არც არავითარ ნორმებს არ დაარღვევენ. ხოლო თვითონ მგზნებარე, პოეტური სულიერი სიახლოვით დატკბებიან. ამრიგად, ჭეკი დაამტკიცებს, რამდენად გონივრულია მისი და ბეისის ქორწინება, თანაც ამ მიმოწერით შეძლებს დროებით თავი დააღწიოს ამავე ქორწინების უღელს.

თუმცა ჭეკი ორ ცვლად მუშაობდა საწერ მაგიდასთან, მაგრამ ლექციების წასაკითხ დროს მაინც პოულობდა: ალამედის სოციალისტური პარტიისათვის — თემაზე: „მაწანწალობა“, სან-ფრანცისკოს მეცნიერებათა აკადემიისათვის „კონკურენციით გამოწვეული ზარალის შესახებ“. ადგილობრივი პრესა პატივისცემით იხსენიებდა ამ მოხსენებებს. როცა ქალაქ ოკლენდის მერის თანამდებობაზე კანდიდატის დასახელების მომენტი დადგა, ახალგაზრდა სოციალისტურმა პარტიამ გაბედა მონაწილეობა მიეღო ამ კამპანიაში და თავისი კანდიდატურა წამოეყენებინა. ვის უნდა რგებოდა ეს პატივი, თუ არა მათ რიგებში ყველაზე ცნობილს — მისტერ ჭეკ ლონდონს! თავის კანდიდატურაზე თანხმობის მიცემასთან ერთად ჭეკმა განაცხადა:

— საზოგადოებაში აღმოცენდა და საფუარივით იზრდება რწმენა მუნიციპალური საკუთრების დიადი პრინციპისადმი. ეს ჩვენი დამსახურებაა. საფუარი ეს ჩვენი ვართ, სოციალისტები. უკმაყოფილების დასაშოშმინებლად ძველ პარტიებს ძალაუვნებურად უხდებოთ მოწყალეობასავით გადაუგდონ ხალხს განსაზღვრული პრივილეგიები. ეს ჩვენი პროპაგანდის შედეგია და ეს ჩვენ, სოციალისტებმა, გავაკეთეთ.

ოკლენდის წინასაარჩევნო კამპანიაში იგი იცავდა პოზიციას, რომ სოციალიზმი კაპიტალიზმის ტანზე — ეს არის ძაძა,

ჯამაღიზიანებელი საშუალება, რომელიც კაპიტალისტებს აიძულებს ისეთ დამამშვიდებელ მალამოს მიმართონ, როგორცაა, მაგალითად, ხელფასის გაღიდება, სამუშაო დღის შემცირება, სანუშაო პირობების გაუმჯობესება. იგი არწმუნებდა პროფკავშირის წევრებსა და აგრეთვე იმათ, ვინც არც ერთ კავშირს არ ეკუთვნოდა, ხმა მიეცათ სოციალისტებისათვის, ეჩვენებინათ თავისი ძალა და, ამრიგად, ახალი კოზირი მიეღოთ მეწარმეთა წინააღმდეგ საბრძოლველად.

მუშებმა ყურად არ იღეს მისი ეკონომიური მოსაზრებანი. ოკლენდისა და ალამედის მცხოვრებთაგან მხოლოდ ორას ორმოცდახუთმა მისცა ხმა მისი ზომიერი უტოპიის სასარგებლოდ.

მაისში ეურნალ „პირსონსში“ დაიბეჭდა „მიდასის საყვარელი ხალხი“. მასში იგი არანაკლებ რევოლუციურად სცილდება ამერიკული ლიტერატურის ტრადიციებს, ვიდრე ერთი წლის წინ გამოქვეყნებულ „ჩრდილოეთის ოდისეაში“. მწერალი-სოციალისტი? შეერთებულ შტატებში ასეთს ჯერ კიდევ არავის იცნობდნენ. მაგრამ ჯეკი არასოდეს არ ცდილობდა მიემართა ნაცადი ანდა შემოწმებული ხერხისათვის; მას მტკიცედ ჰქონდა გადაწყვეტილი მწერალი-სოციალისტი გამხდარიყო. ეს გადაწყვეტილება მაშინ მიიღო, როცა მწერალ-სოციალისტად თავის გამოცხადებას იმდენივე გამბედაობა სჭირდებოდა, რამდენიც ჩვენს დღეებში — მის უარყოფას. ამ მოთხრობაში მან პირველად წამოაყენა ისეთი მძლავრი მსოფლიო პროლეტარული ორგანიზაციის შექმნის იდეა, რომელსაც ვერ დაძლევა ვერც პოლიცია, ვერც არმია და ვერც მთავრობა; ორგანიზაციისა, რომელიც ძალით ჩაიგდებს ხელში მსოფლიო სიმდიდრეს. თუ „მიდასის საყვარელი ხალხი“ პირველი მოთხრობა არაა, რომელიც ამერიკაში დაიბეჭდა პროლეტარიატის შესახებ, სამაგიეროდ, ის პირველი მოთხრობაა, რომელიც საერთო-სახელმწიფო მასშტაბის უტრნალში დაიბეჭდა. არ შეიძლება იმაზე ფიქრი, რომ „პირსონსმა“ ეს მოთხრობა მისი სოციალისტური მიმართულების გამო შეიძინა — მის რედაქტორს აზრადაც არ ჰქონია ასეთი რამ; უბრალოდ, ჯეკი მოთხრობების უბადლო ოსტატი იყო და ეურნალი დახარბდა თავშესაქცევ „საშინელებებს“ იმ ვარაუდით, რომ მკითხვე-

ლი მას მიიღებდა ყიულ ვერნის ფანტანტიკის თანაბრად, სოციალისტურ მოტივებს კი ვერ შეამჩნევდა.

„მიდასის საყვარელ ხალხს“ მოჰყვა „დების ოცნება“ და „რკინის ქუსლი“. პირველში ნაწინასწარმეტყველვეი იყო სან-ფრანცისკოს 1934 წლის საყოველთაო გაფიცვა, ხოლო მეორეში — ფაშიზმის საყოველთაო ტერორი და თარეში. მწერლის სიკვდილის შემდეგ კრიტიკოსები სხვადასხვა შეხედულებისანი იყვნენ მისი მუშაობის შესახებ, მაგრამ ერთი რამ კი უთანხმოებას არ იწვევს: ჯეკ ლონდონი პროლეტარული ლიტერატურის მამამთავარია ამერიკაში. 1929 წელს ჟურნალმა „ახალმა მასებმა“ უბრალოდ და მართლად გამოხატა ეს მოსაზრება:

„საკმარისი არაა, რომ ნამდვილი პროლეტარული მწერალი მხოლოდ მუშათა კლასისათვის წერდეს, საჭიროა მუშათა კლასი მას კითხულობდეს. ნამდვილმა პროლეტარულმა მწერალმა პროლეტარიატის ცხოვრება უბრალო მასალად კი არ უნდა გამოიყენოს თავისი ნაწარმოებებისათვის; მისი ქმნილებანი რევოლუციის ცეცხლით უნდა სუნთქავდეს. ჯეკ ლონდონი პირველი და, ჯერჯერობით ერთადერთი, დიდი ტალანტის მქონე ნამდვილი პროლეტარული მწერალია ამერიკაში. მუშა მკითხველი კითხულობს ჯეკ ლონდონს. ეს ის ავტორია, რომლის ნაწარმოებების ერთხელ წაკითხვას არ სჯერდებიან და ხელმეორედ კითხულობენ ქარხნის მუშები, ფერმების მუშაკები, მატროსები, მეშახტეები, გაზეთის გამყიდველები. იგი მათ აერთიანებს ლიტერატურის საშუალებით; იგი მუშათა კლასის ყველაზე პოპულარული მწერალია ამერიკაში“.

შაბათის შეკრებები წინანდებურად მთელი კვირის სადღესასწაულო მოვლენად რჩებოდა, იმ განსხვავებით, რომ მეგობრები ახლა უფრო ადრე, დაბინდებამდე იკრიბებოდნენ. ჯეკი ყოველგვარ თავსატეხ გასართობთა თავგამოდებული ტრფიალი იყო. რა არ მოჰქონდათ მასთან: რებუსები, თავსატეხები, რაღაც საიდუმლოებათა შემცველი მექანიკური სათამაშოები, ყველა სახის ჩინური ბილიარდები. ბესი გულმოდგინედ ათვალეირებდა ჟურნალებს და აგროვებდა სათამაშოების რეკლამასთან დართულ კუბონებს, თავსატეხებსა და სახუმარო ამოცანებს. ვახშმად თხუთმეტი-ოცი კაცი გროვ-

დებოდა; მართავდნენ ცოცხალ სურათებს, აწყობდნენ პანტომიმებს, შარადებს; თავს იტეხდნენ ფოლადის გადაჭდობილი რგოლების გახსნაზე. სვამდნენ ძირგახვრეტილი ჭიქიდან, საიდანაც წყალი შადრევანივით ეღვრებოდათ ყელსახვევებზე; ჯიბეში ხელის ჩაყოფისას ამოჰქონდათ ხოლმე რალაც ბეწვიანი პატარა თაგუნას მსგავსი. ისმოდა გაუთავებელი სიცილ-ხარხარი. მხიარულების სულის ჩამდგმელი ჯეკი იყო: მას უყვარდა სიცილი; იცინოდა მთელი სულითა და გულით, გულმოჭრებით, ვიდრე არაქათი გამოელეოდა: მას უსინარულო ბავშვობა ჰქონდა და უნდოდა დაკარგული აენაზღაურებინა. თუნდაც აი, ასეთი გულუბრყვილო გართობებით.

გაცხარებული კამათის უცვლელი სარბიელი იყო მრგვალი მაგიდა, რომელზედაც ვახშობდნენ ხოლმე. მასპინძელმა კარგად იცოდა, რითი შეიძლებოდა თითოეული მათგანის გამოწვევა; მოჩვენებით-სერიოზული რუბლიკებით მოთმინებიდან გამოჰყავდა სტუმრები, ვიდრე მათთან გენერალურ შეჯახებას არ მიაღწევდა. ამ შეკრებებზე ნელ-ნელა ჩნდებოდნენ ახალგაზრდა ქალებიც: ჟურნალისტები, მუსიკოსები, მწერლები; ვახშმის შემდეგ ცეკვავდნენ, მღეროდნენ და დაკვრიოთაც უერთობოდნენ. ევროპიდან დაბრუნდა ნისის. ნინეტა ეიმის ძმისწული, პირველხარისხოვანი პიანისტი კლარა ჩარმიან კიტრეჯი. ჯეკი მის გვერდით ჩამოჯდებოდა ხოლმე პატარა სკამზე და სიამოვნებით უსმენდა, როგორ უკრავდა და მღეროდა იგი.

როცა მუსიკალური ნაწილი დამთავრდებოდა და ყველანი უფრო მშვიდ განწყობაზე დადგებოდნენ, ჯეკი გამოიტანდა რაც იმ კვირაში დაეწერა და ბუნხართან მდგარ ტყავგადაკრულ სავარძელში ჩაჯდებოდა. ოთახში სინათლეს ჩააქრობდნენ და ხელნაწერის ფურცლებს მხოლოდ ბუნხარში მოლაპლაპე ალი ანათებდა. იგი კითხულობდა, მეგობრები კი გულდასმით უსმენდნენ და შემდეგ თავიანთ შეხედულებებს უზიარებდნენ ერთმანეთს. ერთი, ზოგჯერ ორი საათიც კი გრძელდებოდა სჯა-ბაასი ლიტერატურაზე; შემდეგ ჯეკი რაიმე ახალ თავშესაქცევს წამოიწყებდა: გამოიტანდა ბანქოს და საზოგადოება განგებ ისეთ თამაშს ჩაუჯდებოდა, რომელიც უფრო მეტ სიცილსა და მხიარულებას გამოიწვევდა. გამარჯვება ან დამარცხება განა სულ ერთი არ იყო! ჯეკი ქანცის გამოლევამდე იცინოდა;

ფსონის მოგებისა თუ წაგების დროს ბავშვივით ღელავდა. ყველა, ვისაც კი შესაძლებლობა ჰქონდა დასწრებოდა ამ „ოთხშაბათობათა ღია კარებს“, დღემდე იხსენებს მათ, როგორც ცხოვრებაში ყველაზე საუკეთესო და ამოღელვებელ სადამოებს.

მსურველთათვის სახლში ყოველთვის ჰქონდათ ერთი გალონი წითელი, მეჯვე იტალიური ღვინო, ვისკი კი — არც ერთი წვეთი. აი, უკვე რვა-ცხრა წელი იქნებოდა. რაც ჭეკი აღარ სვამდა. როცა კლონდაიკში მიდიოდა, ჩილკუტის მწვერვალებზე გადასვლისას თან წაიღო ერთი კვარტი შოტლანდიური ვისკი და მხოლოდ ნახევარი წლის შემდეგ გახსნა იგი პირველად, რათა ნარკოტიულ საშუალებად გამოეყენებინა: ნახევარი ხახაში ჩაასხეს ერთ ოქროს მაძიებელს; რომელსაც ექიმმა პარვიმ ფეხი მოკვეთა; მეორე ნახევარი კი თვით ექიმმა შთანთქა. ავადმყოფი გადარჩა. . .

მაკ-კლურმა ჯერ კიდევ წლის დასაწყისში ურჩია ჯეკს ალასკის შესახებ მოთხრობების მეორე კრებულთ გამოეშვა. მასალა უკვე საკმაოდ ჰქონდა დაგროვილი. კრებულთ გამოვიდა მაისში სახელწოდებით „მისი მამების ღმერთი“. უნდა აღინიშნოს, რომ თუმცა ამ წიგნში მოთავსებულ მოთხრობათაგან ვერც ერთი ვერ შეედრება „ჩრდილოეთის ოდისეას“, მაგრამ შემოქმედებითი ოსტატობის საერთო დონე აქ უფრო მაღალია, ვიდრე პირველ კრებულში. ჯეკი განაგრძობს თხრობის მანერის რევოლუციურად გარდაქმნას; დაუნდობლად აძევებს მოთხრობიდან ყოველივე არაარსებითს, გარეგნულს, მოჩვენებითს, ფორმას ზიზილ-პიპილებს აცლის, რათა ხელი არ შეუშალოს მოქმედების განვითარებას. ამ მოთხრობებით მან დაამტკიცა, რომ ლიტერატურაში სიკვდილის თემა უფრო ძლიერია, ვიდრე სიყვარულისა. ზოგიერთ კრიტიკოსს მეორე კრებულში ისე არ მოეწონა, როგორც პირველი, მაგრამ, უმეტეს შემთხვევაში, პრესის შეფასება ენთუზიასმით იყო აღსავსე. აი, ერთი ამონაწერი „კომერციული განცხადებებიდან“: „მოთხრობები ღირს იმად, რომ მკითხველთა ფართო საზოგადოება ჰყავდეს და ჰყავს კიდევაც. მათში ხორცშესხმულია თანამედროვე ამერიკული ლიტერატურის ყველაზე უფრო საიმედო მიმართულებანი“. 1901 წლის ივლისში ჟურნალი „ნაცია“ ასე გამოეხმაურა ამ კრებულს: „მისი მამების ღმერთში“ მოთავსებული მოთხრობები ხასიათდება მკაფი-

ობით, სიმოკლითა და დრამატულობით. ზოგჯერ ენა ცოტა არ იყოს უხეშია, არც მაინც და მაინც სასიამოვნო. ცინიკური, კილო თავ-შეუკავებელი სითამამით. აღსავსე, მაგრამ თუ თქვენ გსურთ წაიკითხოთ რაიმე საინტერესო, რომელიც გაგიტაცებთ და სულსა და გულში ჩაგწვდებათ — ამაზე უკეთეს წიგნს ვერც მოიფიქრებთ“. სხვები წერდნენ: „პოს შემდეგ ჩვენი ყველაზე უფრო ძლიერი მწერალია...“, „ახალი კიბლინგი დასავლეთიდან...“, „ალასკისათვის იგივე გააკეთა, რაც ბრეტ-ჰარტმა კალიფორნიისათვის...“, „გასაოცარი შთაბეჭდილებაა...“, „წარმადობა და ძალა... გულახდილად; ცოცხლად... სიტყვის პირველხარისხოვანი ოსტატი... მწერლად და ბადებულად... მახვილი დაკვირვების უნარი, რეალისტურობა... სიფაქიზე, სწრაფი ტემპი, სიმამაცე... ჯანსაღი ოპტიმიზმითაა აღსავსე... განაახლებს რწმენას ჩვენი რასის ძლიერებისადმი“. უკმაყოფილების ხმებიც გაისმოდა: მოთხრობები ვულგარულია, სიმკაცრითაა აღსავსე, მეტისმეტად არასასიამოვნოა, აკლიათ ელვარება, დახვეწილობა და სიტყვაკაზმულობა.

ფელიქს პიანოს განსაცვიფრებელ სახლში, სადაც რამდენიმე ხნის წინათ ჯეკის ოჯახი გადასახლდა, სან-ფრანცისკოს გაზეთმა „ეკზამინერმა“ რეპორტიორი და ფოტოგრაფი გამოგზავნა დავალებით — შეეგროვებინა მასალები ვრცელი კორესპონდენციისათვის, რომელსაც თან დაერთვოდა ჯეკისა და მისი სამუშაო ოთახის ფოტოსურათები. ექსცენტრულმა იტალიელმა მოქანდაკემ ფელიქს პიანომ თავისი სახლის ფასადი თაბაშირის არაბესკებით, ლარნაკებით, ფავნებით, ანგელოზებით, ეშმაკებით, ფერიებით, კენტავრებით, ქერუბიმებითა და ვენახის ჩრდილში წამოწოლილი შიშველი ქალების ქანდაკებებით მორთო. ეს იყო როკოკოს სტილში შესრულებულ მორთულობათა მთელი კომპლექსი, სწორედ ის, რის წინააღმდეგაც იბრძოდა ჯეკი ლიტერატურაში. მძიმე დრო იყო და პიანომ თავისი სახლის დიდი ნაწილი უსასყიდლოდ დაუთმო ჯეკს მხოლოდ იმიტომ, რომ მდგმურების კმაყოფაზე ყოფილიყო. მართალია, სახლს გარედან რაღაც წარმოუდგენელი შესახედაობა ჰქონდა, მაგრამ შიგნით ბინა ხალვათი და მოხერხებული იყო.

„ეკზამინერში“ მოთავსებული სტატიის შემდეგ ჯეკმა იგრძნო, რომ სან-ფრანცისკოს ყურეს რაიონში მან უკვე საყოველთაოდ მო-

იხვეჭა სახელი, მაგრამ ადგილობრივი მნიშვნელობის დიდებას არავითარი მატერიალური სარგებლობა არ მოჰქონდა. მრავალ წერილს იღებდა მისი ტალანტის თაყვანისმცემლებისაგან; ბევრი მათგანიდან ირკვეოდა, რომ მისი მოთხრობები და წერილები ყველაზე უფრო მოსწონდათ ქალებს. ისინი მას მრავალი სხვადასხვა სახის თხოვნით მიმართავდნენ. ერთ-ერთი ასეთი მანდილოსანი, თავისი მღვდლის რჩევით, ჯექს სთხოვდა ეკისრა მისი ბავშვის მამობა: ბავშვი უზრუნველყოფილი იქნება შესანიშნავი სულიერი და ფიზიკური მემკვიდრეობით, — სწერდა იგი. ჯექმა სულითა და გულით მოიწონა ამ ქალის წინადადების დარბაისლური ბიოლოგიური ბაზა, მაგრამ მაინც მოახერხა მისი თავიდან აცილება.

ჯექი დიდ ვალებში ჩაეარდა. ვისი არ გინდათ, რომ არ ემართა: შალაზის, გამსესხებელი დუქნისა და მეგობრების. „მისი მამების ღმერთის“ საავტორო ანარიცხებით დაიფარა მაკ-კლურისაგან მიღებული ავანსი; მომავალში კი გასამრჩელოს მიღების ძალიან ცოტა იმედი ჰქონდა. თუკი ჩიკი საიდანმე კიდევ მოდიოდა, მისი თანხა უკვე ერთი თვით აღრე იყო დახარჯული; მრავალი ნარკვევი და მოთხრობა გადასცა ჯექმა უურნალებს, მაგრამ ფულის მიღებას ვერა და ვერ ეღირსა. არა ღირს ლიტერატურული საქმიანობა! თვეობით უნდა უცალო, ვიდრე გამომცემელი გადაწყვეტს, გამოადგება თუ არა შენი მოთხრობა. თუ აიღებს, რამდენიმე თვე კიდევ უნდა უცალო, ვიდრე დაბეჭდავს და შემდეგ კიდევ, ვიდრე ფულს მოგცემს. აღშფოთებული ჯექი ცოფებს ჰყრიდა ასეთი სისტემის წინააღმდეგ. თუკი როცა ფეხსაცმელს ან ბოსტნეულს ყიდულობ, მაშინვე, ნაღდად უნდა გადაიხადო, რატომ გამომცემლები მაშინვე არ იხდიან საფასურს? რა უმართებულო დამოკიდებულებაა ადამიანისადმი, რომლის განამრჩელო ასე ესაჭიროება ოჯახის საარსებო მოთხოვნილებათა დაკმაყოფილებას! ჯექმა კიდევ უფრო მტკიცედ გადაწყვიტა, ბოლოს და ბოლოს აეძულებინა გამომცემლები მეტ ფასად აენაზღაურებინათ მისთვის.

ზაფხულში, როცა ჯექმა ვალების გადახდის იმედი დაკარგა, იგი „ეკზამინერის“ რედაქციაში გამოიძახეს და სპეციალური წერილების წერა შესთავაზეს საკვირად დამატებისათვის. ეს სწორედ ის განყოფილება იყო, რომლისთვისაც ოთხი წლის წინათ თავისი პირველი


ნარკვევი დაწერა, რათა ათი დოლარი ეშოვა ფლორას, ჯონი მილერისა და თავისი თავის გამოსაკვებად, ვიდრე ფოსტაში ადგილი განთავისუფლდებოდა. იგი წერდა სპორტულ მიმოხილვებს ბოქსზე; გემ „ორგონის“ მოსვლაზე დაწერა ისტერიული სტატია, რითაც ადგილობრივი ლიტერატორების გულისწყრომა დაიმსახურა; შეთხზა წერილები „ქალიშვილთა დუელების“ შესახებ, ცივილიზაციის წიაღში ინდიელთა ტომის, უოშუს მოსვლაზე და ბოლოს, მთელი ათი დღე მოანდომა წერილებს გერმანულ „Schuetzenfest“-ის შესახებ. იგი ცდილობდა, სტატია ისეთი გესლიანი და გაბედული ყოფილიყო, როგორსაც „ეკზამინერი“ შეპირდა თავის მკითხველებს. წერილები რაღაც ნაძალადევი და ყალბი გამოუვიდა, სამაგიეროდ, რა რეალური იყო ეს საკვები, რომელსაც მისი ოჯახი ღებულობდა!

ავვისტოში ჯეკს უბედურება ეწვია. რამდენიმე თვის მანძილზე მის მიერ დაწერილი მოთხრობების გადაკითხვისას, მაკ-კლურმა ბევრი მათგანი უარჰყო, მათ შორის „მრგვალპირსახიანი“ და „ნამ-ბოკი — ტყუილების გულა“; ჯეკის ტალანტში იმედგაცრუებული მაკ-კლური წერდა: „როგორც ეტყობა, თქვენი მუშაობა ისეთ მიმართულებას იღებს, რომელიც მიუღებელია ჩვენი ჟურნალისათვის. მე, რასაკვირველია, მესმის, რომ თქვენ თქვენი ტალანტის კარნახით მოქმედებთ, მაგრამ თუ შესაძლებლად არ სცნობთ მოგვაწოდოთ ჩვენთვის ვარგისი მასალები, როგორ ფიქრობთ, ხომ არ აჯობებდა შეგვეწყვიტა თქვენთვის ჯამაგირის გაცემა, ვთქვათ ოქტომბერში ან ნოემბერში?“ ეს მაშინ, როცა ექვსი სული სარჩენი ჰყავდა; შრებოდა შემოსავლის ერთადერთი საიმედო წყაროც!

მაკ-კლურმა აგრძნობინა, რომ თუ ძველებურად განაგრძობს წერას, ჟურნალი კარგ გასამრჯელოს გადაუხდის. თუ იგი მაკ-კლურს დაუჭერებს და შეეცდება კეთილსინდისიერად მიბაძოს თავის აღრინდელ ნაწარმოებებს, ანდა წინასწარ მიცემული სქემით იმუშავებს, შეიძლება კარგი საფასური მიიღოს. ხოლო, თუ იგი თავის ცნობისმოყვარე გონებას დაემორჩილება და შემდეგშიც განაგრძობს ადამიანთა მოქმედებისა და მხატვრული ფორმის ახალი, რევოლუციური სფეროების გამოკვლევას, მაშინ მას და მასთან ერთად იმათაც, ვინც მის კმაყოფაზეა, სანახევროდ მშვიერი არსებობა მოელოთ. ამ ადამიანისათვის, რომელმაც ფიცი დადო, „აშკარა და თან-

შიმდევერული ცინიკი ყოფილიყო იქ, სადაც საქმე ფულს შეეხებოდა“, მხოლოდ ერთი გადაწყვეტილება შეიქმნა მისაღები. იგი გულში დაემშვიდობა მაკ-კლურს და განაგრძო წერა იმაზე, რაც მის ნულსა და გულს ეგუებოდა, რაზედაც, მისი რწმენით, საჭირო იყო წერა.

კიდევ ორი თვეც და მაკ-კლური შეწყვეტს ას ოცდახუთი დოლარის გადმოგზავნას. თუ ჭეკი გააფთრებით, თავგამოდებით იმუშავებს, ნუთუ ვერ შეძლებს რისიმე დაბეჭდვას, გამომცემლობათა სამყაროში ახალი გზების გამონახვას?



VI

„ახალი წელი ჩემთვის ღელევალებით, საზრუნავითა და იმედის გაცრუებით დაიწყო“. ვალებმა სამი ათას დოლარს მიაღწია. ისიც უბედურება იყო, რომ ხალხში სიმპათიითა და ნდობით სარგებლობდა და ამის გამო ყველა მეტად ხელგაშლილად აძლევდა სესხს. იმდენის შოვნა არ შეეძლო, რომ ყველა მის კმაყოფაზე მყოფი ერჩინა. მათი რიცხვი კი თანდათან მატულობდა. მუშაობა და სულ უფრო მზარდი დიდება ჭეკში კმაყოფილებას აღარ იწვევდა; მისი აზრით, როგორც ერთი, ისე მეორე, მეტად ნელა მიიწვევდა წინ. მწუხარებას უმთავრესად გულგატეხილობის გამუდმებითი შემოტევები უორკეცებდა, რომელიც ჭერ კიდევ ადრე, ახალგაზრდობიდანვე აწუხებდა ხოლმე პერიოდულად. „გუშინ სადილად მოგვართვეს კუს წვნიანი და ნანადირევი, შამპანური და სხვა მრავალი საუკეთესო ღვინო, რომლებიც მე ჭერ არ მიგემნია. ისინი გულს სითბოს მატებენ და აზროვნებას — სიცხოველეს. გამახსენდა, ჩემი ახალგაზრდობის უბადრუკი ქეიფები (როცა ნაკლებ დამძიმებულ

გუნებაზე იყო, ეს ქეიფები მას რომანტიულად ეხატებოდა). ცუდად ჩაცმულნი და ცუდად აღზრდილნი ხარბად ვსვამდით იაფფასიან, უფარგისსა და გულსამრევ სითხეს. თავი სიზმარში მეგონა და წუმპედან კუს წვენსა, ნანადირევსა და შამპანიურამდე ამობობლებული, მივხვდი, რომ იმასა და ამას შორის ერთადერთი სხვაობა — ეს არის მომწიფების პროცესზე ხელოვნების ზემოქმედების ხარისხი“.

წუთიერ განცდათა გავლენით ნათქვამი მწარე, არაჯანსაღი სიტყვებია, არაფერხ იმაზე მეტი, ვიდრე კმუნვის რეციდივი, გულზე რომ შემოწოლია დაუოკებელ ინდივიდუალისტს, რომელიც უფრო იმითაა დაკავებული, თუ როგორ დაიპყროს მსოფლიო. აი, რასა წერს თვითონ, გულზე შემოწოლილ მწუხარებას აყოლილი:

„რაში მდგომარეობს ამ ქიმიური ფერმენტის, ეგრეთ წოდებული, სიცოცხლის აზრი? გასაკვირი არაფერია, რომ საუკუნეთა მანძილზე პატარა, უმწეო ადამიანები ამ კითხვაზე პასუხის ძებნაში ღმერთებს ქმნიდნენ. პატარა ღმერთი — სიმპათიური შენაძენია. ყველაფერს ახსნის, მაგრამ რა გვეშველება ჩვენ? რა ვუყოთ იმათ, ვისაც ღმერთი არა სწამს? მატერიალისტური მონიზმი? საცესებით მიუღებელია“.

საქმეთა მიმდინარეობის თვალსაზრისით, ჯეკს მაინცდამაინც არ გააჩნდა სულით დაცემის მიზეზი. 27 დეკემბერს მან წერილი მიიღო ამერიკის ერთ-ერთი ყველაზე აქტიური გამომცემლობის, მაკმილანის კომპანიის პრეზიდენტის ჯორჯ რ. ბრეტისაგან. ბრეტი სწერდა, რომ ჯეკის ნაწარმოებები ყველაზე უკეთესია იმათ შორის, რაც ამერიკელ მწერლებს შეუქმნიათ ამ ქანრში და, რომ კომპანიის მხურვალედაა მოწადინებული ჯეკ ლონდონის თხზულებები გამოსცეს როგორც ამერიკაში, ისე ევროპაში. ამ წერილის პასუხად ჯეკმა ბრეტს მრავალი მოთხრობა გაუგზავნა ალასკისა და ინდიელების შესახებ „ყინვის შვილების“ საერთო სახელწოდებით. სულ რაღაც ხუთი დღის შემდეგ, რაც „ქიმიური ფერმენტის, რომელსაც სიცოცხლე ეწოდება“ — მელანქოლიური სენტეციები გაუჩნდა, მაკმილანმა მიიღო „ყინვის შვილები“ და დათანხმდა ორასი დოლარი გადმოეგზავნა აენსის სახით. აბატია გაჰქრა! „არ ვიცი, — სწერდა იგი ბრეტს, — „ყინვის შვილები“ არის თუ არა წინ გადად-

გმული ნაბიჯი ადრინდელ ნაწარმოებებთან შედარებით; ვიცი მხოლოდ, რომ ჩემს გულში ბევრი მნიშვნელოვანი წიგნია ჩამარხული. როცა მე ჩემს თავს ნამდვილად ვიპოვნი, ისინი ქვეყანას მოველინება“.

თებერვალში დაიწყო „ხალხთა დიდი გადასახლება მთებში“. პინდემონტში ჩვემა მოძებნა სახლი, ხუთი აკრი მიწის ფართობით; ნახევარზე მსხმოიარე ხეხილის მბალი იყო გაშენებული, მეორე ნახევარი — ოქროსფერი ყაყაჩოებით იყო დაფარული. გარს შესანიშნავი ფიჭვნარი ერთყა. სასტუმროს დიდი ოთახი ჰქონდა დათმობილი, სასადილო სექციოიას მოწითალო ხით იყო მოპირკეთებული; ფიჭვნარის შუაგულში პატარა კოტეჯი იდგა ფლორასა და ჯონი მილერისათვის. ჩვენ „აქ შესანიშნავი ვერანდა გვაქვს — განიერი, გრილი, და მერე რა შესანიშნავი ხელია აქედან! ოცდაათ-ორმოცი მილის მანძილზე ყველაფერი ხელისგულივით მოჩანს: სან-ფრანცისკოს მთელი ყურე, მთელი მოპირდაპირე სანაპირო — მარინ კაუნთი, ტამალპაისის მთაც, რომ აღარაფერი ვთქვათ, „ოქროს კარიბჭესა“ და წყნარ ოკეანეზე. და ყველაფერი ეს თვეში 35 დოლარად!“

სახლი მუდამ სავსე იყო სტუმრებით. ზედმეტი ლოგინები იშვი-ათად თუ დარჩებოდა თავისუფალი. თუ აღმოსავლეთიდან რომელიმე მწერალი ჩამოვიდოდა, მას მაშინვე ჭეკს მიუყვანდნენ; გზადგამვლელი სოციალისტი ლექტორი იქნებოდა, თუ მსახიობი მუსიკოსი, საინტერესო მეგობრები თუ მეგობართა ნაცნობები — აქ ყველას გულთბილი მიღება ელოდა. ყველა გრძნობდა, რომ მისი მოსვლა უხაროდათ. ნაცნობთა წრე ფართოვდებოდა და ხარჯებიც მატულობდა... „ეკზამინერი“ ისევ ძველებურად აძლევდა ჭეკს სპეციალურ დავალებებს — ასე მაგალითად, ინტერვიუს აღება ფილიპინებიდან დაბრუნებული გუბერნატორის, ტაფტისაგან. „ღმერთო ჩემო, იძულებითი ნათითხნის რა გორებია დაგროვილი; როდის უნდა დავაღწიო თავი ვალებს?“ — ბუზღუნით შესჩიოდა ჭეკი კლაუდსლი ჯონსს. ერთმა ოკლენდელმა ბაყალმა ჭეკს სთხოვა, გადაეხადა ვალი, რომელიც ასოციატხუთმეტ დოლარს შეადგენდა. ჭეკი აენტო და მრისხანე ტონის წერილით მოითხოვა, თავი არ მოებეზრებინათ შეურაცხმყოფელი შეხსენებებით; ვაჭარს მართებს ზრდილობა დაიცვას, დაიცადოს; როცა მისი ვალის გადახდის რიგი მოად-

წევს, გადაუხდიან; არ გაბედოს მისი გაკორტრებულ მოვალედ გამოცხადება, ანდა რაიმე უსიამოვნების მიყენება, თუ არ უნდა, რომ კრედიტორთა რიგის ბოლოში თავისი ადგილი დაკარგოს.

ბაყალმა იფიქრა, რომ ეს წერილი მისთვის ცუდი რეკლამა არ იქნებოდა და იგი ვაზეთების რედაქციებს გადასცა, რომლებმაც ის უდიდესი სიამოვნებით მოსდეს მთელ ქვეყანას სათაურით: მოვალე, რომელიც კრედიტორს რიგს უწესებს! არა, ასეთი დიდებული სურათის წინ თავის შეკავება შეუძლებელია! ამ შემთხვევიდან ჯეკს კარგი გაკვეთილი უნდა მიეღო და მომავალში წერილები უფრო თავშეკავებული ტონით დაეწერა, მაგრამ მან ეს მაინც ვერ შეითვისა.

ერთხელ წინადადება მისცეს გამოსულიყო ქალაქ სან-ფრანცისკოს ქალთა პრესის ასოციაციაზე. ჯეკი დათანხმდა ლექცია წაეკითხა კიბლინგზე, რომელსაც ამერიკელ მკითხველთა მნიშვნელოვანი ნაწილი ჯერ კიდევ ვულგარულ-გაუთლელ ბარბაროსად თვლიდა. ლექციას ფართო რეკლამა გაუკეთეს; დიდი აუდიტორია შეგროვდა და თანაც არა ვილაც-ვილაცეები, არამედ ღირსშესანიშნავი ხალხი: მეტად მაკედუნებლად გამოიყურებოდა ჯეკ ლონდონის შეხამება რედიარდ კიბლინგთან. ჯეკი სცენაზე გამოვიდა და განაცხადა, რომ, სულბედუროდ, კიბლინგის შესახებ სტატია გაგზავნილი აქვს ერთი ინგლისური ჟურნალის რედაქციაში, რომელმაც შეიძლება იგი დაბეჭდოს. ვინაიდან ლექციის წაკითხვა არ შეუძლია, თუ მასალები ხელთ არ იქნება. იგი კიბლინგის ნაცვლად ლექციას წაიკითხავს „მაწანწალის“ თემაზე. ჯეკის ნაცვლად რომ ვინმე სხვა, უფრო ხათრიანი კაცი ყოფილიყო, მას ალბათ გაჰყინავდა სიცივის ტალღა, რომელიც მოედინებოდა დაძაბულ, უმოძრაოდ გაქვევებულ სან-ფრანცისკოელ მანდილოსანთაგან. მაგრამ ლექციის დასასრულს მათ თავის შეკავების უნარი დაკარგეს იმის გამო, რომ ჯეკი მაწანწალას ამართლებდა და მისი ამ მდგომარეობამდე მისვლის ბრალდებას საზოგადოებას აკისრებდა. გამძვინვარებული ქალები ისეთი გამეტებით დაესხნენ თავს ლექტორს, რომ თავმჯდომარე, ხელჩართული ჩხუბის თავიდან აცილების მიზნით, იძულებული შეიქნა კრება შეეწყვიტა. ვაზეთებმა, რასაკვირველია, სრული ანგარიში მოათავსეს მომხდარი შემთხვევის შესახებ.

ყურესა და მის მიდამოებში ჯეცი უკვე დიდი ხანია ყურადსაღებ კოლორიტულ ფიგურად ითვლებოდა. ახლა მთელი ამერიკის მასშტაბით დაუმკვიდრდა მას განსაკუთრებული, არაჩვეულებრივი ადამიანის რეპუტაცია. აი რასა წერს უფროსი „მკითხველისაგან“ ჯეკთან ინტერვიუს მისაღებად გამოგზავნილი რეპორტიორი:

„იშვიათია, რომ ვინმეს ისე ადვილად დაუახლოვდე, როგორც ჯეკ ლონდონს. იგი გულისხმიერი და გულწრფელია, ყოველგვარი პირობითობა მისთვის უცხოა; სამაგალითო მასპინძელია. თავისუფლად უქირავს თავი, ბევრი რამ აქვს ბავშვური; კეთილშობილია, განუსაზღვრელად უბრალო, ორიგინალური და განსაკუთრებულად მიმზიდველი: სტუმარი თავიდანვე გრძნობს, რომ მას როგორც მეგობარს, ისე უხვდებიან“. როგორც გადმოგვცემენ, თვითონ ჯეკი ამბობდა: „თუ მე რაღაც საკუთარი სტილი გამაჩნია, იგი ოფლის ღვრითაა შექმნილი, რკინის ქალამანი უნდა ჩაიცვა და ისე ეძებო შენი სტილი და თუ ზუსტად მას ვერ მიაღწევ, რაღაც მაინც შეგრჩება“. სან-ფრანცისკოს „ქრონიკლმა“, რომელმაც როგორც ცნობილია, ჯერ კიდევ მის დაბადებამდე, პირველმა დაიწყო ჯეკის რეკლამირება, მისი ფოტოსურათი მოათავსა და მთელი ორი გვერდი დაუთმო პიედმონტის ლიტერატურული კოლონიის აღწერას, რომლის ცენტრად დასახელებული იყო ფიჭვებით გარშემორტყმული ჯეკის სახლი.

ყოველდღიურ ლიტერატურულ მუშაობას გარდა, ჯეკი წერდა მოთხრობას ახალგაზრდობისათვის „მოგზაურობა. „თვალწარმტაცზე“, სათავგადასავლო მოთხრობათა სერიას „ახალგაზრდობის თანამგზავრისათვის“ „სათევზაო პატრულის მოთხრობების“ ზოგადი სახელწოდებით. აგრეთვე სერიოზულ მოთხრობებს ალასკის შესახებ და „კემპტონისა და უეისის მიმოწერას“ ანა სტრუნსკაიასთან ერთად.

ეს უკანასკნელი წარმოადგენს რეალისტურ და რომანტიულ შეხედულებათა შედარებით ფილოსოფიურ ანალიზს. ავტორები უწინდებურად მიმოწერას მიმართავდნენ, როგორც თავისებურ საშუალებას ურთიერ სიყვარულში თავიანთი პოზიციის დასაცავად. ჯეკი, თავისივე თქმით, ბესიზე დაქორწინდა, როგორც „გონივრულ საწყისზე“. იგი წერდა: „ბიოლოგიური თვალსაზრისით, ქორწინება ეს არის დაწესებულება, რომელიც საჭიროა შთამომავლობის გა-

საგრძელებლად. რომანტიკული სიყვარული — გამოგონილი რამაა, რომელიც ადამიანის მიერ მოუფიქრებლადაა შემოღებული ბუნებრივ ურთიერთობაში. ერთიველი ლიტერატურა, თქმულებები დიდ სიყვარულსა და დიდ საყვარლებზე, სასიყვარულო სიმღერებისა და ბალადების ყვავილწნულები, სასიყვარულო ისტორიათა და თავდასაგაღთა ზეპირგადმოცემანი, — ყველა ამათ იგარეშე ადამიანი, მისთვის ჩვეული მანერით. უთუოდ ვერ შესძლებდა სიყვარულს“. ბუნებით პოეტი ანა სტრუნსკაია კი დაჟინებით ამტკიცებდა: „განთიადის ვარდისფერი ნათელი ცის კაბადონზე, ხელის შეხება, ნაყოფთა ფერი და ფორმა და იღუმალი მწუხარების ცრემლები უფრო მნიშვნელოვანია, ვიდრე ყოველივე ის, რაც გაუშენებიათ და გამოუგონიათ პირველი სოციალური ხელშეკრულების დადების შემდეგ. განა შეიძლება ახსნა ცხოვრების ყვავილობა, მისი სიმშვენიერე და ხალისი, ყველაფერი, რაც სულსა და გულს მზის შუქით გივსებს, ყველაფერი. რაც გვეუბნება: გქონდეს იმედი, ეს ნიშნავს გაგაჩნდეს ცხოვრებისეული სიბრძნე?“

მარტისათვის მათ უკვე ორმოცდაათი ათასი სიტყვა ჰქონდათ დაწერილი და ჯეკი დარწმუნებული იყო, წიგნი გასაღდებოდა. სამუშაოების საჩქაროდ დამთავრების მიზნით, ჯეკმა ანა თავისთან მიიპატიჟა. ორი წლის შემდეგ, გაზეთების რეპორტაჟორთა დაჟინებით მოთხოვნაზე ანა სტრუნსკაიამ ამ ეპიზოდის შესახებ განაცხადა: „მისტერ ლონდონისაგან მივიღე წერილი, რომელშიც იგი მოთხოვდა მასთან ჩავსულიყავი პიედმონტში ხელნაწერების დასახეწად. ამ თხოვნას შეუერთდნენ მისი დედა და ცოლი. ვიზიტის პირველ დღეებში მისის ლონდონი ჩემს მიმართ გულთბილად იყო განწყობილი და დიდ ინტერესს იჩენდა ჩვენი სამუშაოსადმი. მაგრამ ხუთი დღის შემდეგ დავრწმუნდი, რომ იგი თანდათან მტრულად მეპყრობოდა.

მას ისეთი განსაკუთრებული არაფერი გაუკეთებია, რომ მე თავი ზედმეტად მეგრძნო, მაგრამ ზოგიერთი ოდნავ შესამჩნევი ნიშნების მიხედვით დავასკენი, რომ უკეთესი იყო წამოვსულიყავი. ცოლ-ქმარ ლონდონების შეგონებათა მიუხედავად, ასედაც მოვიქეცი. მისის ლონდონი და მე ერთმანეთს გამოვემშვიდობეთ, როგორც კარგი, გულითადი ნაცნობები. მეგობრული დამოკიდებულების გარ-

და, ჩემსა და მისტერ ლონდონს შორის არაფერი ყოფილა. ყველაფერს რომ თავი დაეანებოთ, არა მგონია მისტერ ლონდონი ისეთ ადამიანთა რიცხვს ეკუთვნოდეს, რომელთაც სინდისი ნებას აძლევთ ხოლმე საკუთარ სახლში სხვა ქალს ეარშიყონ. მას ჩემთან მუდამ უადრესად წინდახედულად ეჭირა თავი. რაც ვნახე, იმის მიხედვით შეიძლება დავასკვნათ, რომ იმ დროს ჯეკი ცოლზე ჰკუთას ჰკარგავდა“.

ნამდვილად უმწიკვლო ანა სტრუნესკაია ჰეშმარიტ სიმართლეს ამბობს, ამას ჯეკიც ადასტურებს: „არა ქალურმა, არამედ მისმა ინტელექტუალურმა ღირსებებმა მომხიბლა. უპირველეს ყოვლისა, მასში იგრძნობოდა ინტელექტი და ნიჭიერება. საერთოდ, ნეტარებას განვიციდი, როცა ადამიანის სულში ვიქექებ; ამ მხრივ კი ანა უშრეტ წყაროს წარმოადგენდა. „მრავალსახოვანი“—ასე შევარქვი მას. რა სააღერსო სიტყვა შევუტრჩიე მას ჩვენი ახლო ურთიერთგანწყობის დასადასტურებლად? მისი ჰკუთის ამსახველი, წმინდა ინტელექტუალური ტერმინი“.

„თოვლის ქალიშვილის“ გამოცემის უფლება მაკ-კლურს ეკუთვნოდა. მაგრამ მას ეს ნაწარმოები იმდენად არ მოსწონდა, რომ გამოექვეყნებინა, თუმცა ყოველი ღონე იხმარა, ის სხვა გამომცემლობას ცალკე წიგნად გამოეცა, რასაც კიდეც მიაღწია. „თოვლის ქალიშვილი“ გამომცემლობა „ლიბინკოტმა“ გამოსცა, რომელმაც სააგტორო ანარიცხების ანგარიშში შევიდას ორმოცდაათი დოლარი გადაუხადა ავანსად; ამ თანხიდან მაკ-კლურმა გამოქვეითა რაც ჯერ კიდევ ერგებოდა ჯეკისაგან და დარჩენილი ას სამოცდახუთი დოლარი გადაუგზავნა. ჯეკს უნდოდა ხელნაწერი უკანვე დაებრუნებინა, მაგრამ უძლური იყო. თანაც, მართალია, ავანსი ცოტაა, მაგრამ ამით შეძლებს ყველაზე გულისგამაწყალებელი კრედიტორების გასტუმრებას. როცა ანაბექტი კორექტურისათვის გამოუგზავნეს, გული მოუკვდა: უარესს ვერც კი წარმოიდგენდა კაცი. ანაბექტებს კიდეც ახლები ემატებოდა. ბოლოს დარწმუნდა, რომ უიმედოდ ჩავარდნილი ნაწარმოების შესწორების ცდა უნაყოფო იქნებოდა.

21 ივლისს ჯეკმა დეპეშა მიიღო „ამერიკული პრესის“ ასოციაციისაგან. წინადადებას აძლევდნენ სამხრეთ აფრიკაში წასულიყო კორესპონდენტად ინგლის-ბურების ომში. იმ დროს ჯეკის ვალი სამი

ათას დოლარს შეადგენდა. ბესი კვლავ ორსულად იყო, მაშასადამე, ხარჯები თავისთავად გაიზრდებოდა. მაგრამ მთავარი ეს კი არ იყო, არამედ ის, რომ მას ისევ უხმობდა თავგადასავლები. ერთი საათიც არ გასულიყო დეპეშის მიღებიდან, რომ თანხმობის პასუხი უკვე გაგზავნილი ჰქონდა. იმავე საღამოს მოემზადა, ხოლო მეორე დილას ოკლენდის იმ მიწაყრილთან, სადაც რვა წლის წინათ კელის მუშათა არმიის დაწევის მიზნით ცარიელ სატვირთო ვაგონში შეიპარა, ცოლი და ქალიშვილი გადაჰკოცნა და ჩიკაგოსაკენ გაემგზავრა. მატარებელში ერთმა შემთხვევითმა შეხვედრამ დააჩქარა მისი ცხოვრების მოვლენათა განვითარება. „ნება მომეცით მოგიყვეთ პატარა ეპიზოდი ჩემი ცხოვრებიდან, რათა თქვენთვის ნათელი გახდეს, რა ადვილად მიმონებს გრძნობა. გახსოვთ, სამხრეთ აფრიკაში რომ მივემგზავრებოდი? ჩემთან ერთად. იმავე ვაგონში მგზავრობდა ერთი ქალი ბავშვითა და მისი ძიძით. მგზავრობის დასაწყისშივე ჩვენ დავუახლოვდით ერთმანეთს და ჩიკაგომდე არ დავცილებივართ. ეს მხოლოდ წმინდა ფიზიკური ლტოლვა იყო და მეტი არაფერი. გარდა იმისა, რომ იგი მიწიბდიველი ქალი იყო, ჩემთვის საინტერესო მასში ვერაფერი აღმოვაჩინე. ვნება არ შეხებია გონებას. უფრო მეტიც, იმასაც ვერ ვიტყვი, რომ ერთიანად დაიპყრო ჩემი გრძნობა. გავიდა სამი დღე-ღამე და ჩემში არაფერი არ დარჩენილა“.

არაფერი, გარდა რაღაც სასიამოვნო მოგონებისა. ქალში იგი ყოველთვის აფასებდა სიხარულის მინიჭების უნარს. „ჩემი თვალსაზრისით, სხეული უმნიშვნელო რამაა. მთავარია სული. სხეული მე ისევე მიყვარს, როგორც ის ძველ ბერძნებს უყვარდათ. და მაინც სიყვარულის ეს ფორმა, არსებითად. სავსებით თუ არა, ნაწილობრივად მაინც, მხატვრულ ნაწარმოებს ენათესავენა“.

იგი წერს: „იმ დღეებში მე თავისუფლად გადავაბიჯე ნებადართულის საზღვარს.“ მაგრამ ქორწინებიდან ორი წლის შემდეგ ალბათ ეს პირველი შემთხვევა იყო, როცა მან თავის თავს ამის ნება მისცა. რაც შეეხება ამ პატარა ეპიზოდის ფსიქოლოგიურ შედეგებს. „საიდანაც ჩანს, თუ რა ადვილად მიმონებს გრძნობა“, ისინი მთელი სიძლიერით მხოლოდ მაშინ გამოვლინდა, როცა ჯეკი ინგლისიდან დაბრუნდა.

და, აი ზატხულის პაპანაქებაში იგი ისევ ნიუ-იორკშია; ამჯერად მთავარ ქუჩებზე კი არ მათხოვრობს ცივი რძისა და წუნდებული ახალი წიგნების შესაძენად, არც სიტი ჰოლ პარკში წამოწოლილა მღელღოზე; მან პირდაპირ მაკმილანის გამომცემლობას მიაშურა, სადაც პირველად შეხვდა ეურნალის მფლობელს. ლიბერალსა და პატიოსან ადამიანს, რედაქტორის საქმის ოსტატს ჯორჯ პ. ბრეტს ძლიერ უყვარდა ლიტერატურა და ამავე დროს ერთგული მეგობრობაც შეეძლო. ქარიშხლისა და მღელვარების წლებში მას წილად ხვდა ჯეკ ლონდონის მფარველი ანგელოზი ყოფილიყო და მისი მგზნებარე თავყანისმცემელი დარჩა მთელი თავისი სიცოცხლის მანძილზე. ჯეკს გემზე მიერქარებოდა და ამიტომ სჯა-ბაასის დრო არ ჰქონდა, მაგრამ ერთზე კი მაინც შეთანხმდნენ: სამხრეთ აფრიკიდან დაბრუნების შემდეგ ჯეკი მუდმივ ურთიერთობას დაამყარებს გამომცემლობასთან და ყველა მის ნაწარმოებსაც მაკმილანის კომპანია გამოსცემს. გაიგო თუ არა ჯეკისაგან „კემპტონისა და უეისის მიმოწერის“ შესახებ, ბრეტმა მაშინვე თანხმობა განაცხადა წიგნის გამოცემაზე.

განზრახული იყო, რომ სამხრეთ აფრიკაში გამგზავრებამდე ჯეკი რამდენიმე ინტერვიუს აიღებდა ინგლისელი გენერლებისაგან ტრანსვალის მომავლის გარკვევის მიზნით. მაგრამ ინგლისში ჩასულ ჯეკს დეპეშა დახვდა: შეიტყო, რომ მთელი ეს წამოწყება გადაიდო. იქითა და აქეთა გზის ხარჯები წინასწარ იყო გადახდილი. ცოტაოდენი ავანსი კი უკვე შემოხარჯოდა. გამოუვალი მდგომარეობა შეიქმნა! იგი აღმოჩნდა ლონდონში — სახლიდან შვიდი ათასი მილის მოშორებით, ყოველგვარი სახსრისა და სამუშაოს გარეშე.

მაგრამ ჯეკი რის ჯეკია. თუ უცებ ვერ შეეგუება შექმნილ მდგომარეობას? სოციოლოგიის შესახებ წაკითხული შრომებიდან მან იცოდა, რომ ძნელია დასავლეთში უფრო საზარელი ჯურღმული მოიძებნოს, ვიდრე ლონდონის აღმოსავლეთის მხარე — ისტ-ენდია — ეს ნამდვილი მიწიერი ჯოჯოხეთი. ჯეკმა გადაწყვიტა, შეაღწიოს ისტ-ენდის სიღრმეში და გამოიკვლიოს მის ბინადართა ცხოვრების პირობები. მას დიდხანს არ უფიქრია იმაზე, რომ, არსებითად, ეს მეტად თავხედური და ძნელი წამოწყებაა — გაიაზრო და ანალიზი გაუკეთო სახელმწიფოს ერთ-ერთ ურთულეს ეკონომიურ პრობლემას იმ მიზ-

ნით, რომ შემდეგ შეარცხვინო და შეაძრწუნო ეს სახელმწიფო. გადა-
მთიელს, რომელსაც სულ რამდენიმე დღეა, რაც ინგლისის მიწაზე
დაედგა ფეხი, ასეთი საქმისთვის უგუნურება თუ არა, გამბედაობა
მაინც სჭირდებოდა. იმავე დროს, ინგლისში უკვე გამოსული იყო
მისი მოკლე მოთხრობების პირველი კრებული. უცნაურია, რომ
კონსერვატულად განწყობილმა პრესამ ეს მოთხრობები კარგად
შეაფასა; გამომცემლები მისადმი კარგად იყვნენ განწყობილნი. ამი-
ტომ, სრულიად თავისუფლად შეეძლო ორ-სამი კვირა, თითქოსდა
არდადეგებიაო, ინგლისელ ლიტერატორთა საინტერესო საზოგად-
ოებაში გაეტარებინა. ამის ნაცვლად პეტიკოუტ ლეინში მოძებნა
ნახმარი ტანსაცმლების სავაჭრო, შეიძინა საკმაოდ გაცვეთილი შარ-
ვალი, ცუდი პიჯაკი ერთადერთი ღილით. ნახშირის მტვირთავის
მიერ დიდხანს ნახმარი ტლანქი ფეხსაცმელი, წვრილი ქამარი. მეტის-
მეტად გაქონილი კეპი და ისტ-ენდის შუაგულში გადაეშვა. ჭურ-
ღმულის ერთ-ერთ ყველაზე მჭიდროდ დასახლებულ კვარტალში და-
იქირავა ოთახი და თანდათანობით, სხვების შეუშინველად შეუდგა
მდგომარეობის გაცნობას. გამომცემლები შეძრწუნდნენ. ეს წარ-
მოუდგენელია! მას თავისსავე ბუნაგში მოუღებენ ბოლოს! ჭეკს კი,
ამ ხალხის შვილს, ეს შიში მხოლოდ სიცილს ჰგვრიდა.

იგი სამსახურიდან გამოგდებულ ამერიკელ მატროსად ჩათვალეს.
მეზღვაური ჭეკი ისე ადვილად შეიჭრა თავის როლში, თითქოს მას
არც კი განშორებოდეს. არც გარეშედ მიაჩნდათ და არც აკადემი-
ური სიმალღეებიდან ქედმაღლურად მაყურებელ მკვლევარად; იგი
ისტ-ენდის ერთ-ერთი მაცხოვრებელთაგანი იყო. ადამიანს ყოველ-
თვის როდი სწყალობს ბედი. მუშაობდა კაცია ზღვაზე, არ გაუმარ-
თლდა, უბედურება ეწია... მათ იგი თავის წრეში მიიღეს, ნდობა
გამოუცხადეს და მასთან ერთად ბჭობდნენ კიდევ... ის, რაც ჭეკმა
ამ დაღუპული ადგილის შესახებ გაიგო, ცოცხლად ალალმართლად
აღწერა წიგნში „ჭურღმულის ადამიანები“. ეს წიგნი დღესაც ცო-
ცხლობს და იგი მსოფლიო ლიტერატურის ერთ-ერთ იმ კლასიკურ
ნაწარმოებად ითვლება, რომელიც დამცირებულებსა და შეურაცხ-
ყოფილებს მიეძღვნა. „მე უბრალოდ მივუღეკი საკითხს: ის, რაც
სიცილს ახანგრძლივებს, სულიერსა და ფიზიკურ სიჯანსაღეს
გვმატებს — კარგია, ხოლო ყველაფერი, რაც ამოკლებს, ასახიჩ-

რებს, ამახინჩებს ცხოვრებას და ტანჯვას იწვევს — ცუდია“. ასეთი „უბრალო საზომით“ მიუდგა იგი და დაადგინა, რომ ჯურღმულებში ცხოვრება, სადაც ლონდონის მოსახლეობის ერთი მეათედია დაბინავებული, ნიშნავს ნელსა და თანდათანობით სიკვდილს შიმშილისაგან. მთელი ოჯახები — მამა, დედა, ბავშვები — დღის უდიდეს ნაწილს მუშაობაში ატარებენ. მიუხედავად ამისა, ხელფასი ძლივს ყოფნით ბინის ქირის გადასახდელად. ერთადერთ ოთახში საკმელსაც ამზადებდნენ, ჭამდნენ, ეძინათ და, საერთოდ, მიმდინარეობდა ცხოვრების ყველა ინტიმური მხარე. ავადმყოფობა, სასოწარკვეთილება და სიკვდილი — აი, ჯურღმულის ბინადართა განუყრელი თანამგზავრები. ჯეკი ხედავდა უსახლკარო კაცებსა და ქალებს, რომელთა ერთადერთი დანაშაული მხოლოდ სიღატაკე და ცუდი ჭანმრთელობა იყო. მათ ყველა იბრაცებდა, აბუჩად იგდებდა და ისე უყურებდა, როგორც რომელიმე უხამს ქმნილებას. ჯეკმა ისიც მალე დაადგინა, რომ მათ შორის იყვნენ თანდაყოლილი უსაქმურები და არაფრისმაქნისი ლოთებიც; მაგრამ, ისევე როგორც ამერიკის გზებზე, იგი იქაც დარწმუნდა, რომ ისტ-ენდელთა ოთხმოცდაათი პროცენტი კეთილსინდისიერად შრომობდა, ვიდრე მოხუცებულობა, ავადმყოფობა ანდა საწარმოთა შეჩერება სამუშაოს ხელიდან არ გამოაცლიდა. ახლა უმუშევრები, ან უკეთეს შემთხვევაში შინ მომუშავენი, რომელნიც თავიანთ სენაკებში მუშაობდნენ პატაგონური სისტემით, ქალაქმა ბედისანაბარა მიატოვა განაჩენით: გაიხრწენით ნელ-ნელა, ვიდრე სიკვდილი ბოლოს არ მოგიღებთ და ამაზეც მადლობა თქვითო.

„ლონდონის უფსკრული — ეს უზარმაზარი სასაკლაოა. ამაზე უფრო სევდის მომგვრელ სანახაობას ვერც მოძებნით. ცხოვრება აქ ერთნაირად ნაცრისფრადაა შეღებილი; ყველგან ტალახია, იმედის ნიშანწყალი ან ნაპერწყალი არსაიდან მოჩანს. აბაზანა მათთვის აბსოლუტურად უცნობი საგანია; სისუფთავის დაცვის ყოველგვარი ცდა აქ სასაცილოდაც არ პყოფნით. მყრალ ჰაერში რაღაც უცნაური სუნი ტრიალებს; უფსკრულიდან მოედინება დამაჩლუნგებელი, ინერტულობამდე მიმყვანი ატმოსფერო, რომელიც გარს ეკვრის და ჰკლავს ადამიანს. წლიდან წლამდე ინგლისის სასოფლო რაიონებიდან აქეთ მოედინება ახალგაზრდა, ჯანსაღი ცხოვრების ნაკადი, რო-

მელიც მესამე თაობას ვერც კი აღწევს. მგლის ორმოს ძირში, რომელსაც „ლონდონს“ უწოდებენ, როგორც ყოველთვის, ისე დღესაც. ყოველწლიურად ოთხას ორმოცდაათი ათასი ადამიანი იღუპება რაიმე სარგებლის მოტანის გარეშე“.

ელუარდ მეშვიდის მეფედ კურთხევის დღეს ჭეკი ტრაფალგარის მოედნისაკენ გაემართა, რათა ეს შუა საუკუნეობრივი ბრწყინვალე, დიდებული, მაგრამ არაფრისმაქნისი მსვლელობა ენახა. მას თან გაჰყვნენ მტვირთავი, ღურგალი და უმუშევარი მოხუცი მატროსი. ჭეკი მოწმე იყო, როგორ იყრიდა პირში ეს ხალხი მოლიპული ტროტუარიდან აღებულ ფორთოხლის ქერქს, ვაშლის ნაფტკვენს, მარცვლებგაცლილ ყურძნის მტევანს, ვაშლის გაშავებულ, ჭუჭყიან ნაღრღნებს, ბარდას მარცვლისოდენა პურის ნამცეცებს. „დაჟინებით გაიძახიან, თითქოს ჩემი კრიტიკა ინგლისში არსებული მდგომარეობის შესახებ მეტიმეტად პესიმისტურია. თავის გასამართლებლად უნდა მოგახსენოთ; რომ თუ სადმე არსებობს ოპტიმისტი — ეს მე ვარ. კაცობრიობის შესახებ მე არა იმდენად პოლიტიკური გაერთიანების მიხედვით ვმსჯელობ, რამდენადაც ცალკე აღებულ ადამიანთა მიხედვით. წინასწარ ვგრძნობ, რომ ინგლისელ ხალხს ბედნიერი, დიადი მომავალი ელის; ხოლო იმ პოლიტიკური მანქანისათვის, რომელსაც დღესდღეობით არ ძალუძს შეასრულოს თავისი ფუნქციები, მომავალში, სანაგვე ორმოს გარდა, ვერაფერს ვხედავ“.

ლონდონის მაძებარი პოლიციის ერთი აგენტისაგან ჭეკმა დაიჭირა. ოთახი, თავშესაფარი, სადაც შეეძლებოდა აბაზანის მიღება, ტანსაცმლის ფამოცლა, კითხვა და წიგნზე მუშაობა რაიმე ეჭვის გარეშე. სამი თვის განმავლობაში შეისწავლა ასობით ბროშურა; წიგნი და მთავრობის ანგარიშები ლონდონის ღარიბთა შესახებ; ესაუბრა უამრავ ქალსა და მამაკაცს; იღებდა ფოტოსურათებს და ფეხით შემოიარა ლონდონის მრავალი ქუჩა; ცხოვრობდა მუშათა სახლებში და ღარიბთა თავშესაფრებში, ხშირად რიგშიც იდგა უფასო სურსათ-სანოვავისათვის; იძინებდა ახალ მეგობრებთან ერთად ქუჩებსა და პარკებში. ყოველივე ამის შედეგად შექმნა ნაწარმოები, რომელიც ნამდვილად შეიძლება ენერჯის, ორგანიზებულობისა და თემით მგზნებარედ გატაცების ზეიმად ჩაითვალოს.

ნოემბერში ჭეკი ნიუ-იორკში ჩამოვიდა და ჩემოდნით ხელნაწე-

რი ჩამოიტანა. მას იმედი ჰქონდა, მაკმილანი „ჯურღმულის ადამიანებს“ დაბეჭდავსო, მაგრამ თან დარწმუნებული იყო, რომ სოციოლოგიის საკითხისადმი მიძღვნილ წიგნში ბევრს ვერაფერს აიღებდა, განა ის არ იყო, ანა სტრუნსაქიას რომ განუცხადა, განზრახული მაქვს ნაწარმოებებში მივიღო ყველაფერი—თვით უკანასკნელ დოლარამდეც კი? იგი არ იყო, კლაუდსლი ჯონსს რომ სწერდა — კარგ ფასში მზადა ვარ ჟურნალებს სულიან-ხორციანად მივეყიდო? ფაქტიურად ეს კაცი საქმით უარყოფდა იმას, რასაც ქადაგებდა. უპირველეს ყოვლისა, იგი მწერალი იყო, შემდეგ სოციალისტი და უკვე ყოველივე ამის შემდეგ, დიდი თანხის შოვნის სურვილით შეპყრობილი საქმოსანი ყმაწვილი.

მეგობარი, რომელიც მას ნავსადგურში დაუხვდა, წერს:

„მას სრული, დაქმუნილი ჟურთუყი ეცვა, რომლის ჯიბეები წერილებითა და ქაღალდებით ჰქონდა გამოტენილი. შარვალი მუხლებთან ამობეროდა, პერანგს ეტყობოდა, რომ დიდიხანი იყო არ გაერეცხათ, ყილგტი კი — საერთოდ არ ეცვა. წელზე ტყავის ღვედი ჰქონდა შემორტყმული, რომელიც შარვლის აქიმის მაგივრობასაც სწევდა; თავზე პატარა კეპი ჩამოეფხატა“. რაც შეეხება ჯორჯ პ. ბრეტს, მას არაფერი არ შეუწრუნავს — მისთვის მხოლოდ ხელნაწერი არსებობდა; მან „ჯურღმულის ადამიანებში“ დაინახა ღრმა, ნამდვილი ნაწარმოები და სოციოლოგიური ხასიათის რამდენიმე გესლიანი კრიტიკული შენიშვნის შემდეგ, ხელნაწერი მაშინვე მიიღო გამოსაცემად.

„მინდა კლონდაიკს თავი დავანებო, — ეუბნებოდა მას ჯეკი, — ამ თემაზე დაწერილ ნაწარმოებებში უკვე ყველაფერი წერილმანამდე ამოვწურე. დროა ძალ-ღონე უფრო მნიშვნელოვანზე მოვსინჯო; ვფიქრობ, ახლა ამის გაკეთებას შევძლებ. ექვსი ნაწარმოები მაქვს ჩაფიქრებული — ყველა რომანი. ორ წელი გავიდა ჩემი პირველი რომანის დაწერიდან. მას შემდეგ ცოტა როდი ვიმუშავე, გადავსინჯე ჩემი შეხედულებანი და დარწმუნებული ვარ, რომ შემძლია რაღაც მნიშვნელოვანის შექმნა“.

ამაში არც ბრეტს ეპარებოდა ეჭვი. ჯეკის თხოვნაზე, ორი წლის განმავლობაში მაკმილანს ყოველთვიურად ას ორმოცდაათი დოლარი ეძლია მისთვის, გამომცემელი დათანხმდა. თავის მხრივ, კომპანიამ

უფლება მიიღო გამოეცა ყველაფერი, რასაც ჭეკი ამ ხნის განმავლობაში დაწერდა. გამომშვიდობებისას ბრეტმა მხოლოდ ერთი რჩევა მისცა, რომელიც მართლაც ყველაზე უკეთესი იყო, რაც ჭეკს ოდესმე ვინმესგან მიეღო:

„იმედი მაქვს, ამიერიდან შესძლებთ დახელოვნებას და შომავალში თქვენი ახლანდელი ნაწარმოებები საწინდარი იქნება ისეთივე წარმატებისა, როგორც ოდესღაც თქვენს პირველ ნაწარმოებებს ხვდით წილად. უკანასკნელ ნაწარმოებებში ეს წინსვლა ისე შესამჩნევი არ არის, მათ სიჩქარის კვალი აჩნიათ. ლიტერატურის სამყაროში მხოლოდ ყველაზე საუკეთესოს უნდა დაეთმოს ადვილი, რისი შექმნაც ადამიანს შეუძლია“.

„ჩემს მიზანს არ შეადგენს, რაც შეიძლება მეტი დავწერო, — უპასუხა ჭეკმა. — ოღონდ როგორმე შევძლო ფეხზე წამოდგომა, შემდეგ კი წელიწადში საკმარისი იქნება ერთი, სამაგიეროდ, კარგი ნაწარმოები. მე ახლაც არა ვთვლი თავს ნაყოფიერ მწერლად. საერთოდ, ძალიან ნელა ვწერ, ხოლო თუ უკვე ბევრი მოვასწარი, ეს იმიტომ, რომ ყოველდღე დაუსვენებლად ვმუშაობ. დღევანდელ მუშაობაზეა დამოკიდებული, გვექნება თუ არა ხვალ საქმელი. ენერგიას ვხარჯავ ყოველგვარ დღიურ სამუშაოზე. როცა ვითარება შეიცვლება და შემეძლება აუჩქარებლად, გულმოდგინედ დავხვეწო და შევარჩიო საუკეთესო, მაშინ დარწმუნებული ვარ, ნამდვილად კარგად დავწერ“.

მატარებლის პულმანის ვაგონში, რომელიც მას დასავლეთისაკენ მიაქროლებდა, ჭეკმა სავარძელზე დააწყო სამი წიგნი — „თოვლის ქალიშვილი“, „მოგზაურობა „თვალწარმტაცზე“ და „ყინვის შეილები“, რომელნიც ნიუ-იორკში, მის დაბრუნებამდე რამდენიმე კვირით ადრე, ოქტომბერში, გამოეცათ. თუ რაღაც ერთ თვეში ერთი ავტორის სამი ნაწარმოები გამოდის, ცხადია, ეს იმდენად რეკორდი არაა, რამდენადაც სწორედ ის განუსჯელი სიჩქარე, რომლის შესახებ სავსებით მართებული და საქმისათვის სასარგებლო იყო ბრეტის საყვედური. ახლა, გადაწყვიტა მან, „როცა რომელიღაც ერთ გამომცემლობასთან კავშირი დამყარებულია“, თავის საქმეებს უკეთ წარმართავს. წიგნების გვერდით გაზეთების ამონაჭრები დაგროვდა. საჭიროა გაიგოს, როგორ გამოეხმაურა პრესა მის ნაწარმო-

ებებს. ლიბინკოტის გამომცემლობის მიერ გამოშვებულ „თოვლის ქალიშვილზე“ ბევრი მკვეთრი კრიტიკული შენიშვნა იყო. ავტორს უსაყვედურებდნენ, რომ მან ვერ შეძლო რომანის აგება, რომ ფრონა უელსი დამაჯერებლად არაა მოცემული. კრიტიკოსების სხვა შენიშვნები საკვებით მოსათმენი იყო; აღფრთოვანებით აღნიშნავდნენ ნაწარმოების ქმედით, თვალსაჩინო სტილს და წინასწარმეტყველებდნენ, რომ მეორე რომანი უკეთესი გამოუვიდოდა. ჭეკმა, თავისუფლად ამოისუნთქა: იგი მოელოდა, რომ ნაცარტუტად აქცევდნენ! „სენჩური კომპანის“ მიერ გამოცემულ წიგნზე — „მოგზაურობა „თვალწარმტაცზე“ — კრიტიკა უფრო ზომიერ ტონებში იყო მოცემული. რომანი ხომ ახალგაზრდობისათვის იყო განკუთვნილი და იგი მეტს არც მოელოდა, ამ სამიდან ყველაზე მნიშვნელოვანმა — „ყინვის შვილებმა“ — ალასკელი ინდიელების შესახებ (ეს ჭეკის პირველი ნაწარმოებები იყო, რომელიც მაკმილანმა გამოსცა) — ჭეკს ამერიკაში ცენტრალური ადგილი დაუმკვიდრა მოკლე მოთხრობების ჟანრში.

უკან გადაწოლილი, ხილვადაკარგული გამოხედვით აცილებდა სარკმელში გაელვებულ ადგილებს. ჭეკი კმაყოფილებით იგონებდა მდიდარი მოვლენებით აღსავსე იმ წლებს, როცა მიზნად დაისახა ამერიკულ ლიტერატურაში მოთხრობების ჟანრი აღედგინა. მოგონებები უნებლიეთ გადაიხლართნენ ქება-დიდებით აღსავსე სტრიქონებში, რომელთაც კრიტიკოსები არ იშურებდნენ „ყინვის შვილების“ შეფასებაში. „თხრობის ოსტატი, რომლის ბადალი მეტად მცირეა... დარგი, რომელიც მას გამარჯვებულის უფლებით ერგო... განსაცვიფრებელი ლიტერატურული მიღწევაა... იგი ურყევად დარჩება... ფართო აღიარებას მოიპოვებს და საუკუნეებს შემორჩება“. ჭეკო ბედნიერებასა და სიამაყესთან ერთად ნათლად გრძნობდა, რომ ეს მხოლოდ პირველი საფეხურია, რომ ბრძოლა მხოლოდ ახლა იწყებოდა. იგი ფიქრობდა და გეგმებს აწყობდა. რაც უკვე გაკეთებული აქვს მოთხრობისათვის, იმასვე გააკეთებს რომანისთვისაც. ეს იყო აღთქმა. მეღვილის შემდეგ ამერიკულ ლიტერატურას არ შემატებია სერიოზული რომანი ზღვის თემანზე. იგი კი ამ ხარვეზს შეავსებს. ამერიკულ ლიტერატურას ჭერ კიდევ არ მოეპოვება დიდი პროლეტარული რომანი. იგი შექმნის ასეთ რომანებს. ისინი მოეწონებათ

კრიტიკოსებსა და მკითხველებს — ამაზე თვითონ იზრუნებს! უფრო მეტიც — იგი შეეცდება დააჩქაროს სოციალისტური რევოლუცია. სამუშაო უამრავია; ყველა ამ ჩანაფიქრის განხორციელებას თუ მეტი არა, ოცი წელი მაინც დასჭირდება. ვიდრე მის მიწიერ ცხოვრებას ბოლო მოეღებოდეს, იგი, რაღაც არ უნდა დაუჯდეს, შეასრულებს, ჩაფიქრებულ პროგრამას.

პიედმონტში ჩასულ ჯეკს იქ ელიზა დაუხვდა; თურმე უკვე ექვსი კვირა იყო, რაც ელიზა მათთან ცხოვრობდა და ფლორასა და ბესის შორის მშვიდობიანობას ამყარებდა. ოჯახში ჯეკის დაბრუნება სასიხარულო ამბავი იყო; 1902 წლის 21 ნოემბრის თარიღით ბრეტისადმი მიწერილ წერილში ჯეკი მოკლედ ჰყვება, თუ როგორ ცხოვრობს. „ვინაიდან, შექმნილი მდგომარეობის გამო, ოჯახი ისედაც მაწვა კისერზე, — წერდა ის, — გადავწყვიტე ბოლომდე მეგემნა ოჯახური სიხარულიც და ცოლი შევირთე. მართალია, ოჯახური უღელი დამძიმდა, მაგრამ ამის გამო ერთხელაც არ მიკბენია თითზე, პირიქით, ჭარბად, ერთიორად ვარ დაჯილდოებული“.

სამუშაო ჯეკს იმაზე მეტი ჰქონდა, ვიდრე ოდესმე: ახალ ნაწარმოებებს გარდა, „კემპტონისა და უეისის მიმოწერის“ ანაბეჭდებიც ელოდებოდა; „ჯურღმულის ადამიანების“ ხელნაწერსაც შესწორება და დამატება ესაჭიროებოდა. წიგნებისა და მოთხრობათა გამოცემების მოსამზადებელი სამუშაოების გამო თავის მოსაფხანნი დროც აღარ ჰქონდა. იგი ისე ნეტარებდა ამ არეულ-დარეულობაში, რომ წინანდელ დღის რეჟიმს დაუბრუნდა: ცხრამეტი საათი მუშაობას, ზუთი—ძილს. ისვენებდა მხოლოდ ოთხშაბათობით, „ღია კარების“ საღამოებზე, როცა თავს იყრიდნენ ძველი მეგობრები (მათთან ერთად ახლებიც), პოკერს თამაშობდა და მეგობრებს აცნობდა ინგლისურ ეშმაკურ თავსამტკრევეებს, რომელნიც სახელდახელოდ ეყიდა წამოსვლის წინ და თავის ერთადერთ ჩემოდანში ჩაეჩარა.

ბესიმ მოიმშობიარა და თავის მეუღლეს კიდევ ერთი ქალიშვილი შესძინა. ამჯერად ჯეკს ხელები არ გადაუჭრია, მაგრამ გადაჭრილი აღმოჩნდა იმ იმედის ძაფი, რომ ოდესმე ვაჟი ეყოლებოდა, რომელსაც გადასცემდა არა მარტო სახელს, არამედ ლიტერატურულ ტრადიციებსაც. იგი ისე განიცდიდა და წუხდა, რომ დარდისაგან

ავად გახდა. ამის შემხედვარე ბესიმ ველარ გაუძლო ჭეკის ასეთ მდგომარეობას და თვითონაც ჩაწვა.

დღე დღეს მისდევდა, მაგრამ ჭეკმა ვერაფრით ვერ შესძლო თავი ენუგეშებინა, ვიდრე ახალმა იღეამ არ გამოიყვანა ინდიფერენტულობისაგან. ჩაიფიქრა, დაეწერა სამი-ოთხი ათასსიტყვიანი მათხრობა ძალღზე, რომელიც ჩამოგავდა ერთი წლის წინათ ამავე თემაზე დაწერილ ამბავს. ოთხი დღის შემდეგ ჩაფიქრებული ოთხი ათასი სიტყვა უკვე დაწერილი ჰქონდა, მაგრამ თავისსავე განსაცვიფრებლად, ჭეკმა შენიშნა, რომ ეს მხოლოდ დასაწყისი იყო. მოთხრობა იზრდებოდა და მასში ისეთი ნოტები აქლერდა, რომლებზე ჭეკს არც უფიქრია. გადაწყვიტა მისთვის „წინაპართა ძახილი“ ეწოდებინა; დაე, რამდენიც გამოვა — გამოვიდეს: ახლათვით ნაწარმოებია მისი ბატონი, ჭეკი კი — მოსამსახურე, მისი საქმეა წეროს და წეროს. აქამდე არც ერთ ნაწარმოებს არ გაუტაცნია იგი ასეთი სიძლიერით. ჭეკი მეტად კმაყოფილი იყო ამ ოცდაათი დღით: იმდენი სამუშაო ჰქონდა, რომ თავის ასაწევადაც არ ეცალა. უხემ ქალღღზე წერდა თავისი მსხვილი ფანქრით, მხოლოდ ზოგ ადგილას ორ-სამ სიტყვას თუ შეეცვლიდა და ფურცელს ფურცელზე აწვდიდა მემანქანეს. გადაავიწყდა ყველა და ყველაფერი: მეგობრები, ოჯახი, ვალები, ახლახან დაბადებული ბავშვი და ანაბეჭდებიც კი, რომელთაც შეეკრას შეეკრაზე უგზავნიდა ყოველდღე მაკმილანი. მისთვის მხოლოდ მისი ბეკი — სენბერნარისა და შოტლანდიური ჯიშის ნაგაზის ნარევი — არსებობდა; ძალი მანამდე ცხოვრობდა სანტა-კლარას ხეობაში მდებარე რანჩოში განცხრომით, როგორც აზნაური თავის ადგილ-მამულში, ვიდრე ერთხელ ხელი არ სტაცეს და გემით კლონდაიკის პირველყოფილ თოვლის უდაბნოსაკენ არ გაუყენეს გზას.

მაგრამ, აი დადგა „ღია კარების ოთხშაბათი“ და მეგობრებმა ერთიორად აინაზღაურეს გაცდენილი ოთხშაბათები. იმ საღამოს არავის ეცალა ბანქოსათვის, არც თავშეუტყავებელი მხიარულებისა და ხუმრობისათვის. სტუმართაგან ზოგმა ფანჯარასთან მდგარ სავარძლებში მოიკალათა, ზოგმაც იატაკზე მიმოყრილ ბალიშებზე; მასპინძელი კი ბუხართან მდგარ მოხერხებულ სავარძელში ჩაჯდა და კითხვას შეუდგა. მონაცრისფრო-ლურჯმა თვალებმა მკაცრი გა-

შომეტყველება მიიღო. თითებით ჩვეულებისამებრ თმებს იბურძგნიდა. კითხულობდა ბეკის, კეთილშობილი ძაღლის ისტორიას, რომელსაც ერთგულად უყვარდა ადაიანი, ვიდრე ტყის ძახილმა და ბუნდოვანმა მოგონებამ წინაპრების — გარეული მგლების — შესახებ, იგი პირველყოფილ ცხოვრებას არ დაუბრუნა. ჭეკი კითხულობდა, ოთახში ბუზის გაფრენის ხმას გაიგონებდით. ღამის პირველ საათზე კითხვა დაამთავრა. ლაპარაკის მოყვარულმა სტუმრებმა, როგორც იქნა, რამდენიმე სიტყვის თქმა ძლივს მოახერხეს, მაგრამ გაბრწყინებულ თვალებში ჭეკმა ადვილად ამოიკითხა მათი აზრები. როგორც იქნა! მაშასადამე, ტყუილად როდი წერს სამი წლის განმავლობაში ალასკაზე; დადგა მომენტი, როცა მან ისე უმწიკვლოდ და სრულყოფილად შეძლო თავისი ჩანაფიქრის მხატვრულ ფორმაში ჩამოყალიბება, რომ მსმენელებმა ამ მოკლე დროში მასთან ერთად განიცადეს მისი შთაგონება.

დილით ხელნაწერ კონვერტში ჩადო, შიგ მეორე ცარიელი კონვერტიც ჩაატანა, იმ შემთხვევისათვის, თუ უკანვე დაუბრუნებდნენ, მარკები დააკრა და ყველაზე პოპულარული ჟურნალის — „სატერდეი ივინგ პოსტის“ რედაქციას გაუგზავნა. მისი მესვეურნი უფრო მეტს უხდიდნენ ავტორებს, ვიდრე სხვები. ამ რედაქციაში ჭეკი არავის იცნობდა; მის ნაწარმოებებს იქ გულთბილად არასოდეს ღებულობდნენ და ამიტომ დიდი იმედიც არ ჰქონდა, რომ რომანს ჟურნალში მოუთავსებდნენ. მაგრამ „ხელნაწერების ერთი კონვერტიდან მეორეში გადასალაგებელი ის გონებამახვილური მენტანიზმი“, რომელსაც ისე ვაშმაგებით ესხმოდა თავს ამ ოთხიოდე წლის წინ, როცა ჭერ მხოლოდ ახალბედა იყო, ამჯერად არ ამუშავდა. „სატერდეი ივინგ პოსტმა“ ავტორის მიერ გაგზავნილი სუფთა კონვერტით არ ისარგებლა; მის ნაცვლად ჟურნალმა სხვა, თხელი და მოგრძო კონვერტი გამოუგზავნა, რომელშიაც ორი ათასი დოლარის ჩეკი იყო. თანაც წერილით ატყობინებდნენ, რომ ნაწარმოებს სიამოვნებით ღებულობენ.

ორი ათასი ერთი თვის მუშაობაში! იგი ყოველთვის ამბობდა, რომ სერიოზული ლიტერატურა ნაზღაურდებოდა, რომ წერას განაგრძობს თავისებურად და აიძულებს გამომცემლებს აღიარონ მისი ნიჭი. ორი ათასი დოლარი... ყველაფერს და ყველას ეყოფა: უმ-

კროსი ქალიშვილის ეჭიმს, ბესის და ჯონი მილერის დედას, ფლო-
რას ეჭიმებს; ანგარიშები ხომ უკვე დაგროვდა; საჭიროა გადაუხა-
დოს დამზღვევ კომპანიას, უნივერსალურ მაღაზიას, ყასბებს,
შეაფთიაქეებს, მკერავს, საკანცელარიო ნივთების მაღაზიას —
ყველაფერ ამას ხომ ასობით დოლარი სჭირდება. გაჭირვებაში მყოფ
მეგობრებსაც უნდა დაეხმაროს! ამას გარდა, მას სჭირდება მინებ-
ჩასმული ახალი წიგნების კარადა! და კიდევ, აღმოსავლეთიდან უნდა
გამოიწეროს ორმოცი წიგნი სიის მიხედვით... ამასაც ეყოფა! ასეთი
დიდი სიხარული მას არ ახსოვს „ჩრდილოეთის ოდისეას“ დასაბეჭ-
დად მიღების დღიდან. ესეც არაა გამარჯვება? სამოცი დღეც არ
გასულა მას შემდეგ, რაც ნიუ-იორკიდან მომავალმა მატარებელში
მიიღო გმირული გადაწყვეტილება, და აი, დაიწყო კიდევ ამერი-
კული რომანის აღორძინება. მასთან თავი მოიყარა ყველა იმ მეგო-
ბარმა, ვინც „წინაპართა ძახილის“ კითხვას დაესწრო: ყოველი
შათგანის სურვილი იყო მიელოცა, ხელი ჩამოერთმია და მხარზე შე-
შოეკრა გამხნევებისა და შექვების ნიშნად... მოდი და ნუ მო-
ატანიებთ ერთ ვალონ მკავე იტალიურ ღვინოს და შემთვრალი არ
მიეცემი მომავლის საამურ ოცნებებს!

საქმეები გამოკეთდა; მეგობრებს ახლა უფრო ხელგაშლილად
უხვდებოდა, ბესის დამხმარედ მეორე ხელზე მოსამსახურე დაიჭი-
რავა, რადგან იგი ჯერ კიდევ ვერ გამოჯანმრთელებულიყო და მუ-
შაობა უძძიმდა. ახლა სახლში ლამაზი ქალებიც მოდიოდნენ; შემოქ-
მედების მწვერვალების წარმატებითი იერიშის შემდეგ ჯეკი უკვე
აღარ გაუბროდა ამდაგვარ სიამოვნებას. მის ქორწინებას მართლაც
აკლდა ვნებითი აღზნება. ეს რომ ასეც არ ყოფილიყო, სულ ერ-
თია, ჯეკს ვერ ვუსაყვედურებთ, რადგან ერთად ცხოვრების ოც-
დათექვსმეტი თვის განმავლობაში თვრამეტი თვე ბესი ბავშვებს
ელოდებოდა და მშობიარობის შემდეგ, თითოეულზე, სულ მცირე,
ექვსი თვე მაინც ეჭიმობდა. ამის ატანა ძნელი იყო მჩქეფარე ტემ-
პერამენტის მქონე ადამიანისათვის, რომელიც ქალის სიახლოვეს
მიჩვეული იყო ჯერ კიდევ იმ სამახსოვრო დღეებიდან, რომლე-
ბიც მან მემისთან გაატარა „რეზლ-დელის“ გემბანზე; არც ის სამი
დღე-ღამე წაშლილა მისი მეხსიერებიდან, რომელიც ჩიკაგოში მიმა-
ვალმა მატარებლის თანამგზავრთან გაატარა. მისთვის უკვე აღარ

არსებობდა ვალდებულებანი, რომელნიც თავის შეკავებისაკენ მო-
უწოდებდა, თუმცა სამი წელიც არ გასულიყო მას შემდეგ, რაც
წერდა:

„ჩემს დიდ გულს ბევრის მოთმენა შეუძლია; უთავბოლო ხეტი-
ალის ნაცვლად თავს აღვირს ამოვდებ; ამით უფრო ავმალღლები
და უნაკლო ადამიანი შევიქნები“.

„თქვენთვის ცნობილია ჩემი მორალური პრინციპები, — წერდა
იგი მოგვიანებით. — იმ პერიოდის ვითარებაც ცნობილია. იცით,
რომ მე სინდისის ქენჯნას არ განვიციდიდი იმის გამო, რომ ხელიდან
არ ვუშვებდი სიამოვნების მიღების შესაძლებლობას“. იგი რომ მარ-
თლაც ხელიდან არ უშვებდა ასეთ შემთხვევას, ეს ექვს არ იწვევს,
მაგრამ ასეთ ფიზიკურ კავშირს იგი სიყვარულს არ უკავშირებდა. ეს
მხოლოდ გრძნობადი აქტი იყო, რომელიც ორივე მხარეს სიამოვნე-
ბას ანიჭებდა და, მაშასადამე, ჭეკის აზრით, — ის ხომ გედონისტი
იყო — ასეთი საქციელი იმდენად უფრო სათნოა, რამდენადაც მეტი
უწყინარი სიამოვნების მოტანა შეუძლია. „ღიან, მე ვყაჩაღობდი,
დავძრწოდი, ვუთვალთვალვებდი მსხვერპლს, მაგრამ ეს მსხვერპლი
არასოდეს არ ჩამიგდია ხელში მოტყუებით. წარმატების მიღწე-
ვის მიზნით არასდროს არ მითქვამს „მიყვარხარ“, თუმცა
ხშირად ამის თქმა სავსებით საკმარისი იქნებოდა. ქალების მიმართ
უაღრესად პატიოსანი ვიყავი, არასდროს არ ვიბოხვდი იმაზე მეტს,
რისი ანაზღაურებაც მე თვითონ არ შემიძლო. ან ვყიდულობდი ან
ვიღებდი იმას, რასაც საკლთარი ნება-სურვილით მაძლევდნენ, სამა-
გიეროდ, საზღაურს სინდისიერად ვუბრუნებდი; არასდროს მითქ-
ვამს ტყუილი იმ მიზნით, რომ საწადელისათვის მიმეღწია, ანდა
მიმეღო ის, რასაც სხვა გზით ვერ მივალწვევდი“. ჭეკი თავის გამარ-
თლებას ცდილობს: „მამაკაცს შეუძლია სიყვარულის გარეშეც აპ-
ყვეს თავის გულისთქმას, იგი ასეა შექმნილი. დედა-ბუნება დაჟი-
ნებით მოუწოდებს მას შთამომავლობის გაგრძელებისაკენ და მა-
მაკაციც მის მოთხოვნას იმიტომ კი არ ემორჩილება, რომ იგი ცოდ-
ვილია თავისი ახირებულობის შედეგად, არამედ იმიტომ, რომ მას
მძიმე ტვირთად აწევს კისერზე ბუნების ეს კანონი“.

მაკმილანისათვის შედგენილ ნაწარმოებთა სავარაუდო სიაში
ჭეკს არ შეუტანია „წინაპართა ძახილი“, რადგან მაშინ აზრადაც არ

მოსვლია, რომ ამ ნაწარმოებს დაწერდა. ახლა ბრეტს გაუგზავნა ხელნაწერი. პასუხი 5 მარტს მიიღო. ბრეტს სახელწოდება არ მოსწონდა. „რაც შეეხება თვით ნაწარმოებს, ის მე ძალიან, ძალიან მომწონს. თუმცა, მართალი ვითხრათ, ეს ნაწარმოები იმდენად კარგია და დამაჯერებელი, რომ მეშინია, ვაითუ ვერ დაიმსახუროს ნამდვილი სიყვარული სენტიმენტალური საზოგადოებისა, რომელიც ადრთოვანებით იტაცებს სეტონ-თომპსონს“. შემდეგ ბრეტი ურჩევდა არა ხელშეკრულების დადებას, რომელიც საავტორო ანარიცხებს ითვალისწინებდა, — ეს გამოიწვევდა გამოცემის დაგვიანებას, — არამედ წიგნის გაყიდვას, რათა იგი დაუყოვნებლივ დაებეჭდათ. „ამ წიგნთან დაკავშირებით მე მინდა ერთი ექსპერიმენტი ჩავატარო: მიმზიდველად გავაფორმო და თანაც დიდი თანხები დაეხარჯო მისთვის გზის გასაკაფავად. ეს ხელს შეუწყობს თქვენი წიგნების სწრაფად გაყიდვას, თანაც არა მხოლოდ უკვე გამოცემულებს, არამედ იმათაც, რომელნიც მომავალში გამოიცემა. ჩემს მიზანს სრულიადაც არ შეადგენს თქვენი შეხედულების შეცვლა. საბოლოო გადაწყვეტილება მთლიანად თქვენზეა დამოკიდებული. თუ თქვენ არ გაწყობთ, რომ ფული ახლავე მიიღოთ, ჩვენ წიგნს გამოვცემთ ხელშეკრულებით გათვალისწინებულ ვადაში“.

„სატერძეი ივნიგ პოსტიდან“ მიღებული ორი ათასი დოლარი უკვე დახარჯული იყო. ასორმოცდაათი დოლარი, რომელსაც მაკმილანის კომპანია აგზავნიდა ყოველთვიურად, არ ჰყოფნიდა ექვსი სულისაგან შემდგარ ოჯახს, ძიძა ქენისა და ორი მოსამსახურის ჩაუთვლელად. არც ერთი წიგნიდან საავტორო ჰონორარი ათას დოლარზე მეტი არ მიუღია, ორზე ხომ ლაპარაკიც ზედმეტი იყო. იქნება თუ არა ეს წიგნი გამონაკლისი? საეჭვოა. ასეც რომ იქნეს, ფულს, სულ ცოტა, ორი წელიწადი უნდა ელოდოს. ამ დრომდე ის უკვე შემოეჭმევა ყოველთვიური ავანსის სახით. ბრეტის წინადადება კი ნიშნავდა ორი ათასის ნაღდად, ახლავე, ხელზე მიღებას და... ჭამაც ხომ ქონებაზე ჰკიდია... მით უმეტეს, თუ უკვე ფიქრობ მეტად სასიამოვნო შესახედაობის პატარა გემის „სპრეის“ („ზღვის ქაფი“) ყიდვას. პირდაპირ გულს გაუხარდება მისი შეხედვა! ჩვემა ბრეტის წინადადება მიიღო და „წინაპართა ძახილზე“ ყველა უფლება მას მიჰყიდა.

„სპრეი“ იალქნიანი კარქაბი იყო, რომელსაც ხალვათი კაიუტუ ჰქონდა ორი ადამიანისათვის და სადაც საკმლის დამზადებაც შეიძლებოდა. ჯეკმა ის მხოლოდ იმიტომ კი არ შეიძინა, რომ ზღვაზე ცხოვრება მოენატრა, არა; მას უკვე ჩაფიქრებული ჰქონდა, რომანი დაეწერა ზღვის შესახებ და ვიდრე წერას შეუდგებოდა, უნდოდა ერთხელ კიდეც ეგრძნო ფეხქვეშ გემბანი. აი, უკვე ცხრა წელი შესრულდა, რაც „სოფი საზერლენდიდან“ ფეხი გადმოდგა და მთელი აღჯანმულობა ეხანით დაფარულიყო. „ეს იქნება თითქმის სიტყვა-სიტყვით გადმოცემული ამბავი იმ შვიდთვიანი ნაოსნობის შესახებ, რომელშიც მეც ვიღებდი მონაწილეობას, როგორც მატროსი. რაც უფრო ხშირად ვუფიქრდები ახლა იმას, რა გადამდამ იმ რეისის დროს, მით უფრო საოცრად მეჩვენება ყველაფერი ეს“. „თქვენს ზღვის მოთხრობაზე, — სწერდა ბრეტი, — მე დიდ იმედებს ვამყარებ. ზღვის შესახებ, საერთოდ, ცოტას წერენ და რაც არის, ისიც არაფრად ვარგა; ასე რომ, ახლა კარგ მოთხრობას ზღვის შესახებ უთუოდ უჩვეულო წარმატება მოეღოს“.

ბრეტის ამ წაქეზებით აღფრთოვანებულმა ჯეკმა მოიმარაგა სურსათ-სანოვაგე და საბნები, „სპრეი“ ყურეში გამოიყვანა და ერთი კვირა წყალზე, სრუტეებისა და მდინარის დაქაობებულ ტოტებზე გაატარა ისე, როგორც მაშინ, როცა ჯერ კიდევ თავზეხელაღებული ხამანწყებზე მეკობრე, ხოლო შემდეგ სათევზაო ინსპექციის მებადრაგე იყო. გავიდა ერთი კვირა, ჯერ კიდევ გრძნობდა ნესტოებში ზღვის მარილიან ქარს, ხოლო დაკოყრებულ ხელებში საიალქნე ბაგირს, როცა შინ დაბრუნდა. საწერ მაგიდას მიუჯდა და „ზღვის მგლის“ პირველი თავის წერას შეუდგა. თუ ხშირად აწყვეტინებდნენ მუშაობას, ანდა მეტისმეტად ბევრი მეგობარი იყრიდა თავს, იგი მოიმარაგებდა საკმელს და მარტოდმარტო შესტურავდა ყურეში თავისი „სპრეით“. სანათურის სახურავზე წამომჭდარი ყოველ დილას ათას ხუთას სიტყვას წერდა. აღრე გაზაფხული იდგა, მზე სხეულს უთბობდა, ხოლო „ზღვის მგელზე“ ფიქრი — გულს. შემდეგ გაშლილი იალქნებით სეირნობდა, იხვებზე ნადირობდა მდინარე საკრამენტოზე ან თევზს იჭერდა ვახშმისათვის. ზოგჯერ შაბათსა და კვირათობით კარქაპზე მიჰყავდა ბესი გოგონებთან ერთად, ელიზა დაჟითურთ და მეგობრების მთელი გროვა.

ეს იყო სიხარულითა და მუშაობით აღსავსე პერიოდი. ვილშირის სოციალისტური ჟურნალი ყოველ ნომერში განაგრძობდა „ჭურღმულის ადამიანების“ ბეჭდვას. ამ ნაწარმოებით ჯეკი ამერიკელი სოციალისტების პირველ რიგში ჩადგა. ჟურნალ „ამხანაგისათვის“ დაწერა სტატია „როგორ გავხდი სოციალისტი“, „საერთაშორისო სოციალისტური მიმოხილვისათვის“ კი — მთელი რიგი კრიტიკული სტატიებისა. „ჭურღმულის ადამიანებისათვის“ ვილშირმა ცოტა მაინც გადაუხადა ჯეკს, მაგრამ, საერთოდ, სოციალისტური გაზეთებისათვის იგი ყოველთვის უფასოდ წერდა! ადგილობრივი სოციალისტებისათვის ორი მოხსენება მოამზადა — „კლასთა ბრძოლა“ და „შტრეიკბრეხერი“. ორივე სოციალისტურ პრესაში გამოქვეყნდა. ქვეყნის ყოველი კუთხიდან მას უკვე სწერდნენ პარტიული თანამოძმეები. წერილები ყოველთვის იწყებოდა სიტყვებით: „ძვირფასო ამხანაგო“ და მთავრდებოდა — „მარად თქვენი, რევოლუციის სახელით“. ყოველ წერილს ჯეკი თვითონ პასუხობდა და მათ იწყებდა სიტყვებით „ძვირფასო ამხანაგო“ და ამთავრებდა — „მარად თქვენი, რევოლუციის სახელით“.

სახელის მოხვეჭასთან ერთად ჯეკის სახლი პიედმონტში სანფრანცისკოს ყურეს რაიონის მცხოვრებთა სულიერი ცხოვრების ცენტრი ხდებოდა. კვირაში ას კაცზე ნაკლები როდი აღებდა მის სადარბაზო კარებს, რათა მასპინძლის სტუმართმოყვარეობით ესარგებლა. ორი ხელზე მოსამსახურე ჰყავდათ, ბავშვებს ძიძა-ჩენი უვლიდა, მაგრამ საქმეს მაინც ვერ აუდიოლდნენ. გამუდმებით მუშაობასა და სტუმრების უწყვეტ ნაკადს ბესი უკვე ვეღარ იტანდა. ერთხელ, „ოთხშაბათის ღია კარების“ დღეს, ბესიმ განგებ ნაკლები საჭმელი დაამზადა, ვიდრე საჭირო იყო უამრავი სტუმრის გამოსაკვებად. ბესის არც იმ ქალების სტუმრობა სიამოვნებდა, რომელნიც გარს ეხვეოდნენ ჯეკს, მის ჯეკს, რომელსაც სახეზე მუდამ მხიარული, ტკბილი ღიმილი დასთამაშებდა, და რომელმაც გადამღები სიცილი იცოდა. ბესი ექვიანობამ შეიპყრო. ჯეკს ახლა წამდა-უწუმ ეპატიებოდნენ სხვადასხვა ოფიციალურ ცერემონიებზე; მას სურდა, რომ ასეთი შემთხვევებისათვის ცოლს ახალ-ახალი, ლამაზი კაბები შეეძინა; ბესი კი უარზე იყო. ელიზა შეიტყუებდა ხოლმე ბესის მაღაზიებში, რათა ეჩვენებინა, თუ როგორ უხდებოდა ხავერ-

დის გრძელი კაბა და ხავერდისავე პატარა ქუდი ფრთით. ამოდ: ბესი ჯიუტად მუდამ ბლუზას, მატროსის კაბასა და მატროსისავე ქუდს ატარებდა. ასეთი უბრალო ჩაცმულობით გამოცხადდა იგი სან-ფრანცისკოს ბოჰემის ფეშენებელურ კლუბში ჯეკის საპატივცემულოდ გამართულ წვეულზე. ჯეკი ამას მწვავედ განიცდიდა! იგი აღტაცებული იყო ცოლის ტანადობით და უნდოდა იგი კარგად ჩაცმული ენახათ. თავის ჯიუტობას ბესი, ერთი მხრით, იმით ამართლებდა, თითქოს თავს ბრწყინვალე წრის შესაფერისად ვერ გრძნობდა, მეორე მხრივ, იმით, რომ მის დაღუპულ საქმროს, ფრედ ჯეკობსს, როგორც ეტყობა, მის ტანზე სწორედ ბლუზები და მატროსის კაბები მოსწონდა.

ამ უმნიშვნელო უთანხმოებების მიუხედავად, ჯეკსა და ბესის შორის კარგი დამოკიდებულება არსებობდა. ჯეკი მხოლოდ იმაზე წუხდა, რომ ბესი ცოტას კითხულობდა და არ შეეძლო მასთან ერთად ახალ წიგნებზე ემსჯელა. როცა ამ თემაზე ჩამოუგდო ლაპარაკი, ბესიმ უპასუხა, რომ მას ბავშვი დილის ექვს საათზე აღვიძებს. და ამ წუთიდან დაწყებული საღამოს ათ საათამდე ერთიმეორეს მოსდექს გაუთავებელი საქმეები. ჯეკმა თანაგრძნობით მოუთათუნა ცოლს ხელზე. პო, მან ყველაფერი იცის. აი, როცა ბავშვები წამოიზარდებიან, მას წიგნებისათვის უფრო მეტი დრო ექნება. ოცდათხუთმეტი წლის შემდეგ იხსენებდნენ, რომ გარეგნულად ბესი არ იყო ჯეკის შესაფერისი: ჯეკს ანცი ბიჭის შეხედულება ჰქონდა, მას კი დარბაისელი ჟებრალო დედაკაცისა. მიუხედავად ამისა, ყველა იმ აზრისა იყო, რომ ცოლ-ქმარი შეხმატებილებულად ცხოვრობდნენ. ამასვე ადასტურებს ელიზა ლონდონ-შეპარდი, რომელიც იმ ხანებში მათთან ხშირად დადიოდა. ჯეკის ჩანაწერების მიხედვით, იგი ცოლში მხოლოდ ერთ ნაკლს ხედავდა — ფანტაზიის, წარმოსახვის შეზღუდულობას. „მისი საერთო განვითარების დონე ვიწრო. ჩარჩოებით იყო შემოფარგლული“. ამასთან, ცოლის პაცივისცემასთან ერთად, იმასაც აღიარებდა, რომ მან თავიდანვე იცოდა ბესის. ამ ნაკლის შესახებ, და რომ ბესის ემოციური სიღინჯე, პროზაულობა მას უკიდურესობამდე ესაჭიროებოდა და იზიდავდა კიდევ. კლავდისლი ჯონსს, რომელმაც ჯეკს ცოლის შერთვის დროს განუცხადა: „მოლოცვებს თქვენი ქორწინების ათი წლისთავისათვის შემოვიწა-“

ზავო“, 1903 წლის მარტში ჯეკმა მისწერა: „სწორედ დროულია, ჩემი აზრით, რომ გადმოგვცეთ თქვენი დაგვიანებული მილოცვა. აი, უკვე მესამე წელია, რაც ცოლი შევირთე, ორი ბავშვი მყავს და ვფიქრობ, რომ ოჯახური ცხოვრება ჩინებული რამ ყოფილა. ასე რომ, ნულა აგვიანებთ! ან არა და ჩამოდით, ჯერ მოგვიანახლეთ, ბავშვებს დახედეთ და შემდეგ მოგვილოცეთ“.

„ზღვის მგლის“ საქმე ჩინებულად მიიწვედა წინ და ავტორისათვის იმაზე მეტი სიხარული მოჰქონდა, ვიდრე „წინაპართა ძახილს“. თავისუფალ საათებში ჯეკი შესანიშნავ მოთხრობებს წერდა ალასკაზე, ისეთებს, როგორცაა „ათასი ღუფინი“, „ჩრდილოეთის ოქროსმადიებლები“ და ათობით სხვას. „სპრეის“ გარდა, ჯეკმა ცხენი და ეტლიც შეიძინა, რათა თავისი ოჯახის წევრები და მეგობრები გაესეირნებინა ახლომახლო მიდამოებში. დათბა და მას დიდ სიამოვნებას ჰგვრიდა სადმე, გორაკზე პიკნიკის მოწყობა, თამაშობათა წამოწყება, აუზში ცურაობა, კოცონზე ხორკის შეწვა. აპრილის ბოლო რიცხვებში ჯეკი ეტლიდან გადმოვარდა და ხელის დიდი თითი დაუშავდა. „ისეთი შეგრძნება მაქვს, თითქოს გული თითის წვერზე მიცემდეს“ — ჩიოდა იგი; მაგრამ ამ უბედურმა შემთხვევამ ხელი ვერ შეუშალა „ზღვის მგელზე“ მუშაობაში — იგი წინანდებურად დღეში ათას სიტყვას წერდა. მთავარი გმირის პირველსახედ გამოიყენა კაპიტანი ალექს მაკლინი, რომლის განსაკუთრებული საგმირო საქმეების შესახებ ბევრი რამ გაეგონა ჯერ კიდევ „სოფი საზერლენდზე“ ყოფნისას. მანმარტობასა და მყუდროებას ჯეკი „სპრეისზე“ პოულობდა; ერთხელ, მოულოდნელმა შტორმმა იალქანი ნაკუწ-ნაკუწად უქცია და დიდი გაჭირვებით დაბრუნდა შესართავში.

იენისში ანონიმურად გამოაქვეყნეს „კემპტონისა და უეისის მიმოწერა“. პრესა მას კეთილად განწყობილი შეხვდა. „არაჩვეულებრივია.. საზრიანია... ალალმართალია... ფართო მკითხველთა აუდიტორია უზრუნველყოფილია... თანამედროვეობის ცნობისმოყვარე სულითაა გამსჭვალული... ჭკუის კარგი მასწავლებელია... ახალი მიმართულებაა რომანის ჟანრში... ჰკვიანურია, მძაფრი... ფილოსოფია ორიგინალურია“. სან-ფრანცისკოს ჟურნალმა „არგონავტმა“ თანმიმდევრული დასკვნის საშუალებით დაადგინა ერთ-ერთი ავტორის ვინაობა. ეს ამბავი ისე სწრაფად გავრცელდა, რომ მეორე

: გამოცემის წინ მაკმილანმა ჯექს ნებართვა სთხოვა ავტორების ვინაობა გამოემჟღავნებინა. „მიმოწერა“ მაინცდამაინც ჩქარა არ სალდებოდა: საშუალო მკითხველისათვის მას აკლდა შინაარსისა და მოქმედების მთლიანობა, ტემპის სიჩქარე. მიუხედავად ამისა, ჯექსა და ანამ (იგი ახლა ნიუ-იორკში ცხოვრობდა) ერთმანეთს ბარათები მისწერეს, რომლებითაც ერთმანეთს ულოცავდნენ მნიშვნელოვანი სამუშაოს სასურველად დამთავრებას.

იენისის ბოლოს ბესიმ გადაწყვიტა ზაფხულის პერიოდში ბავშვები ქალაქგარეთ გაეყვანა. სონომის ოლქის „მთვარის ხეობაში“, სახელდობრ, დაბა გლენ-ელენში, ბესიმ დაიქირავა პატარა სახლი, რომელიც მისის ნინეტა ეიმსს აეშენებინა. ჯექი პიედმონტში დარჩა, რადგან ახლა სერიოზულად მუშაობდა „ზღვის მგელზე“ და, ამას გარდა, არ უნდოდა „სპრეით“ სეირნობისათვის თავის დანებება. ერთხელ, თვის ბოლო რიცხვებში, ჯექი ჯორჯ სტერლინგთან და სხვა მეგობრებთან ერთად თავისი ეტლით მისეირნობდა. გზა ბორცვიანი იყო. ერთ-ერთი მათგანის გადაღახვის დროს ეტლი გზას ასცდა და ხრამში გადავარდა; ამ მარცხის დროს ჯექს ძლიერ დაუზიანდა ფეხი. მის მოსავლელად ხშირად მოდიოდა ჩარმიან კიტრეჯი. ივლისის დასაწყისში, როგორც კი ფეხზე დადგომა შეძლო, ჯექი თავისიანებთან წავიდა გლენ-ელენში. იქვე, მაჰილასთან, ჩამოვიდა მისს კიტრეჯიც.

„ტრანსკონტინენტური ყოველთვიური“ გაკოტრდა: როსკო ეიმსი და ედუარდ პეინი უმუშევრად დარჩნენ. მისის ეიმსმა და ედუარდ პეინმა პატარა მდინარის პირას ააშენეს დიდი, მაგრამ საკმაოდ მოუწესრიგებელი სახლი, რომელსაც „უეიკ რობინი“ უწოდეს. გაკრეჭილმა მღვდელმა, პეინმა, მორეზისაგან შეკრა მაგიდები და სკამები და სახლის პირდაპირ დადგა, რათა იქ კემზარტი რწმენის აღორძინებისადმი მიძღვნილი ფილოსოფიური დისპუტები გაემართა. ამ წამოწყებიდან ფულის მოგების მიზნით, მისის ეიმსმა გააშენა აგარაკები, დადგა კარები და დაიწყო მათი ცოლ-შვილიან ხალხზე გაქირავება.

გლენ-ელენში ჩამოსულ ჯექს თავისი ოჯახი კარგად მოწყობილი დაუხვდა ქერელის ტილოს-სახურავიან სახლში, რომელიც მოლენისფრო-წითელი მანსანტიტებისა და მარწყვის ხეებით დაფარულ

წარაფში იდგა. მოაგარაკენი კომუნად ცხოვრობდნენ, საჭმელს მდინარის ნაპირთან მდგარ საერთო სამზარეულოში ამზადებდნენ და გრძელ მაგიდაზე მიირთმევდნენ. ჭეკმა რამდენიმე დოლარი დახარჯა, რათა სუფთა და ცივი მდინარის წყალი ქვიშიან პლაჟთან დაეგუბებინათ. მთელი საზოგადოება აქ იყრიდა თავს საბანაოდ და მზეზე გასაშავებლად. ნასადილევს ჭეკიც აქ ისვენებდა, თამაშობდა წვრილფეხობასთან და თან ცურვას ასწავლიდა. დილდილობით საღმე სიგრილეში, მდინარის პირას განცალკევდებოდა და გადახერხილი მუხის ჭირკზე ჩამოძვარი, ათას სიტყვას წერდა. ივლისის ერთ საღამოს, საბნებში მოხერხებულად გახვეული გლენ-ელენის მთელი მოსახლეობა, პატარა ბავშვების ჩათვლით, „ზღვის მგლის“ პირველი ნაწილის მოსასმენად შეიკრიბა. ჭეკმა ხელნაწერი დააწყო სწორედ იმ მუხის ჭირკზე, სადაც ჩვეულებრივად წერდა; ორივე მხარეზე თითო სანთელი დაამაგრა და კითხვას შეუდგა. მის ფეხთან, პირდაპირ, მიწაზე, მეზობლები ჩამოსხდნენ. განთიადის პირველმა სხივებმა უკვე შეაფერადა ცა სონომის მთის თავზე, როცა ჭეკმა უკანასკნელი გვერდი ჩაიკითხა. დამსწრენი, რომელთაც 1903 წლის ივლისის ბოლოს შესაძლებლობა ჰქონდათ გლენ-ელენში ნაკადულის ნაპირთან ჩამომსხდართ მოესმინათ, როგორ კითხულობდა ჭეკ ლონდონი „ზღვის მგელს“, იმ საღამოს დღემდე იხსენებენ, როგორც მათი ცხოვრების ერთ-ერთ ყველაზე ღირსშესანიშნავ და მშვენიერ შემთხვევას.

და, აი, სწორედ მაშინ, იმ რაღაც რამდენიმე საათის განმავლობაში, მოხდა აფეთქება, რომელმაც ლონდონების ოჯახის არსებობას წერტილი დაუსვა. თუმცა უმჯობესია ამის შესახებ თვით ბესის სიტყვები მოვიყვანოთ.

„ერთხელ ივნისის ბოლოს, საუზმის შემდეგ, მე და ჭეკი მუსაიფში გართულნი ნაკადულის ნაპირზე დავრჩით. მას სურდა რამდენიმე ხნით ოკლენდიდან წასულიყო, რადგან ხშირად ხელს უშლიდნენ მუშაობაში. მითხრა, სამხრეთ კალიფორნიის უდაბნოში რანჩოს შექმნას ვაპირებო და წინააღმდეგი ხომ არ იქნები, რომ იქ დაესახლდეთო. სრულიადაც არა, ვუპასუხე მე, მხოლოდ საჭიროა თადარიგი ბავშვებისათვის ხელსაყრელი პირობების შესაქმნელად (ბესი პირველ რიგში დედა იყო, ხოლო შემდეგ — ცო-

ლი). ჭეკი დამპირდა, რომ ყველაფერს მოაგვარებდა, და გადასახლება შემოდგომისათვის დაეთქვით.

ორ საათზე ბავშვები წაიყვანნ დასაძინებლად. მისს კიტრეჯი დიდი ხანია გველოდებოდა მახლობლად. ის და ჭეკი მუსაიფ-მუსაიფით ეიმსის სახლთან გაბმული დიდი ჰამაკისაკენ წავიდნენ. მე ამისათვის არავითარი ყურადღება არ მიმიქცევია, ბავშვები დავაწვინე და დალაგება დავიწყე. ჭეკი და კიტრეჯი ოთხი საათის განმავლობაში ძსხდნენ ჰამაკში და საუბრობდნენ.

ექვს საათზე ჭეკი ჩვენთან შემოვიდა და თქვა:

— ბესი, უნდა დაგტოვო.

მე ვერ გავიგე, რაზე მელაპარაკებოდა და ვკითხე:

— რა, პიედმონტში აპირებ დაბრუნებას?

— არა, — მიპასუხა ჭეკმა, — სამუდამოდ მივდივარ... უნდა იგაგშორდე.

გაოგნებული ლოგინის ნაპირზე დავეშვრ და დიდხანს შევცქეროდი მას, ვიდრე, როგორც იქნა, არ ამოვილულულდე:

— ღმერთო ჩემო, რა გემართება, ჭეკ? სულ ახლახან არ იყო, სამხრეთ კალიფორნიის შესახებ რომ მელაპარაკებოდო...

ჭეკი ჭიუტად იმეორებდა, რომ თავს მანებებს, მე კი ისევ ვიმეორებდი:

— ვერაფერი გამიგია... რა მოხდა?

მაგრამ მისგან მეტის გაგება შეუძლებელი გახდა“.

ვერაფინ, და მით უმეტეს ბესი, ვერ მიმხვდარიყო, რომ ჭეკის ცხოვრებაში არაფერი „მომხდარა“, გარდა ჩარმიან კიტრეჯისა. ბესის შეეძლო ბევრ სხვა ქალთან ექვეიანა ქმარი, მაგრამ ჩარმიანთან აზრადაც არ მოსვლია. მისს კიტრეჯი ხუთი წლით, შეიძლება, ექვსითაც უფროსი იყო ჭეკზე; ლამაზი ქალის სახელი არ ჰქონდა გავარდნილი და პიედმონტში, სადაც მას ყველა იცნობდა, გესლიანი მითქმა-მოთქმის საგანიც კი იყო. მას ხშირად ხედავდნენ იქ, სადაც ჭეკი იყო, მაგრამ ბესი ამას ჭერ კიდევ პიედმონტიდან შეეჩვივა. ერთი შეხედვით, ჭეკი მას გლენ-ელენში სხვებზე უფრო ხშირადაც არ ხედებოდა; უფრო მეტიც, ჭეკს ცოლის თანდასწრებით არა ერთხელ უხსენებია იგი მეტად არასახარბიელოდ. ბესიმ იცოდა, რომ ჭეკს კიტრეჯი მაინცდამაინც არ მოსწონდა.

აი, რასა სწერდა მისს კიტრეჯი ჭეკს ივნისში, ამ ამბამდე ერთი თვით ადრე:

„ოჰ, შენ მშვენიერი, ყველაზე მშვენიერი ხარ! მე ვხედავდი, როგორ გიხალგაზრდავდებოდა სახე, როცა გეხებოდი. რა ხდება ამქვეყნად? სადაა ჩემი ადგილი? ალბათ არსად. თუ ეს არსად — მამაკაცის გულია“.

ჭეკი მაშინვე პასუხობს:

„სუროსავით შემოხვევია შენს ტანს ჩემი ხელები; ვკოცნი შენს ღია, ალალმართალ ტუჩებს, რომელსაც ვიცნობ და რომელნიც მიყვარს. შენ რომ მორცხვად, გაუბედავად დაგეჭირა თავი, შენი ხასიათის საწინააღმდეგოდ თავი პრანჭია უკარებად მოგეჩვენებინა, თუნდაც ერთი, ერთი წუთით რომ გაგეთამაშნა მოჩვენებითი მორცხვობა, ღმერთმანი, შენდამი, მგონი, სიძულვილით განვიმსჭვალეოდი. „ჩემო ძვირფასო, ჩემო ძვირფასო სიყვარულო“ — ვწევარ ძილგამკრთალი და ისევ და ისევ ამ სიტყვებს ვიმეორებ“.

7. ივლისს ჩარმიან კიტრეჯი ჭეკს წერს:


„ერთი რამ მაშინებს: ვშიშობ, ვერასოდეს შევძლებთ ვალიაროთ, რა ვართ ერთმანეთისათვის. ეს გრძნობა განუზომლად დიდია, ხოლო ადამიანს მის გამოსახატავად მეტად მცირე საშუალებანი გააჩნია“. რამდენიმე დღის შემდეგ იგი ჭეკს სან-ფრანცისკოდან უგზავნის წერილს, რომელიც თავის კანტორაში დაბეჭდა მანქანაზე:

„შენ პოეტი ხარ და თანაც ასეთი ლამაზი. დამიჯერე, ჩემო კარგო, ჩემო ძვირფასო, რომ ჩემს სიცოცხლეში არაფერი ყოფილა ჩემთვის ასეთი სასიხარულო, არაფრისაგან არ განმიცდია ასეთი ღრმა და ნამდვილი სიხარული. რა სასიხარულოა, როცა გწამს, რომ ის, ვინც შენთვის ყველაზე ძვირფასია, შენში არ მოტყუვდა!“

გლენ-ელენში მშვიდად ეძინათ ბავშვებს ჭერელის ტილოს სახურავიან აგარაკში, ხოლო ურთიერთსაწინააღმდეგო გრძნობებით შეპყრობილი მათი მამა, თავის ცხოვრებაში ყველაზე უფრო სატანჯველ დამეს განიცდიდა, ჭეკი, პირველ ყოვლისა, რბილი ხასიათის კეთილი ჯდამიანი იყო. ყველაფერი გულთან ახლოს მიჰქონდა, ჩინებულად იცოდა, რა იყო წყენა და ამიტომ ყოველთვის ერიდებოდა სხვის წყენას. უდიდეს სიამოვნებას მაშინ განიცდიდა, როცა ადამიანს

უხმარებოდა, უნაწილებდა იმას, რაც გააჩნდა. ნუთუ იგი ისეთი მძაფრი და დაუტყობელი გრძნობითაა შეპყრობილი, რომ ამის გავლენით სტოვებს ცოლ-შვილს ისევე, როგორც სიყმაწვილეში ჯონ ლონდონსა და ფლორას ტოვებდა? იგი ხომ ნაზი სულის პატრონია, სოციალისტი, დარწმუნებული, რომ საუკეთესო ადამიანებს სამაგიერო უნდა მიეზღოს, ადამიანი, რომელიც კაცობრიობისადმი თანაგრძნობითაა გამსჭვალული და ყოველგვარი ჩილდოს გარეშე ილტვის ხალხისათვის უკეთესი ხვედრის მისაღწევად! ამრიგად, მისი სინდისი, მისი სოციალური და მორალური შეხედულებანი აღგვივლია პირისაგან მიწისა და მისი ადგილი დაიკავა უცნაურმა, მაგრამ ამ სოციალისტური შეხედულებების განუყრელმა თანამგზავრმა — ნიკშეანურმა იდეალმა. ეს ის ნიკშეანური ზეადამიანი ხომ არ არის, რომელიც ჯეკს ჩასძახის: „შენ შეძლებ გამოსტაცო ცხოვრებას ყველაფერი, რასაც კი მოისურვებ; არა ღირს თავი შეიწუხო იმით, თუ რას გრძნობს უსახო ბრბო, ანდა შონების მორალით — სამწუხაროდ, ბესიც ხომ მათ რიცხვს ეკუთვნის!“

დილით ჯეკი დაბრუნდა პიედმონტში, წამოიღო თავისი ბარგი-ბარხანა სახლიდან, რომელზედაც ისეთი სიამაყით წერდა ხოლმე შეგობრებს, და ფრენკ ეზერტონისაგან ოთახი დაიქირავა. რამდენიმე დღეც და გაზეთის ფურცლები აჭრელდა ცნობებით გაყრის შესახებ. რეპორტიორებთან ლაპარაკზე ჯეკმა უარი განაცხადა და უკეთესი მიზეზის უქონლობის გამო მათ ყველაფერი „კემპტონისა და უეისის მიმოწერას“ დააბრალებს. ჯეკი ხომ წერდა იქ, რომ „სიყვარულის გრძნობა გონებაზე არაა დამყარებული“, განცვიფრებული ბესისთვის კი ეს მტკიცება საკმარისი საბაბი გახდაო გაყრისათვის.



VII

ჯეკისა და ჩარმიან კიტრეჯის ურთიერთობა თავიდანვე მაღალი სტილით ხასიათდება. დროთა განმავლობაში მაღალფარდოვანი ურთიერთთალიარება სულ უფრო იზრდებოდა. 1 სექტემბერს ჩარმიანი მას სწერდა: „შენ ჩემი ხარ, ჩემი საკუთრება, გაღმერთებ ბრმად, გაგიჟებით, მგზნებარედ. ასეთი სიყვარულისათვის ძალა არ შესწევს არც ერთ ქალიშვილს“. მეორე დღეს განაგრძობდა: „ოჰ, ჩემო ძვირფასო, ჩემო ვაჟკაცო! შენ, მთელი შენი სხეული ისე მიყვარს, როგორც არასდროს არავინ და მომავალშიც სხვას ასე ველარ შევიყვარებ“. ორი დღის შემდეგ: „ო, ჩემო ძვირფასო სიყვარულო, ჩემო ვაჟკაცო; ჭეშმარიტად შენა ხარ ჩემი გულის ნამდვილი მეუღლე და ისე ძლიერ მიყვარხარ!“ შემდეგი წერილი: „იფიქრე ჩემზე ნაზად, სიყვარულით, გაგიჟებით; იოცნებე ჩემზე, როგორც მეტად ძვირფას მეგობარზე, საცოლზე, ცოლზე. შენი სახე, ხმა, ტუჩები, შენი ნაზი და მბრძანებლური ხელები — თვით შენ საკუთრივ — ჩემი ხარ, ჩემო სიტკბოება; შენზე ოცნებით ვიცხოვრებ, ვიღრე ისევ არ შეეხვდებით. ო, ჯეკ, ჩემო ძვირფასო!“

ჯეკს არ სურდა ჩამორჩენოდა არც გრძნობათა გამჟღავნებაში და

არც სტილის შერჩევასი. იგი პასუხობს: „შენ ვერც კი წარმოიდგენ, რა ხარ ჩემთვის. ამის გამოთქმა, შენი არ იყო. შეუძლიბღლია. რა-ღაც წარმოუდგენლად მალეღვებს შენთან შეხვედრის, შენი ხიღვის, შენი შეხების პირველი წუთები. ვკითხუღობ შენს წერიღებს და ასე მგონია, შენც ჩემთან ხარ, ჩემთან, ხორცშესხმულად და ჩავცქერი შენს თაღლისღერ თვაღებს. დიახ, ჩემო სუღლისღგმავ, ჭალისადმი ჩემი სიყვარული შენით დაიწყო და შენითვე დამთავრღება“.

სკანდაღის შიშით, რომელსაც აუციღლებღლად გამოიწვეღდა გაყ-რის ნამღვიღი მიზეზის გამომღქღავნება, შეყვარებულღები მალულად ხეღდებოღდნენ ერთმანეთს კვირამი ერთხელ ან ორჯერ. იმ დღეებში კი, როცა შეხვეღდრა არ შეიღძღვებოღდა, დაუსრულებღლად უგზავნიღ-დნენ ერთმანეთს წერიღებს. ეს წერიღები, რომელთაც მისს კიტრე-ჯი ყოველდღიურად წერღა თავის კანტორამი სან-ღვრანცისკოში, ხუთთაღმადღე სიტყვას შეიღცავღდა. ორი უახლოესი წღის განმავ-ღლობამი ჭეკისადმი გაგზავნიღი წერიღების დასტა საკმარისი იქნე-ღოღდა ნახეღვარი დუღეინი საშუალო ტანის რომანსათღვის. ისინი და-წერიღია უცნაურად და კეღლუცად, მგრძნობიარედ და ნაირღფეროვ-ნად; მაღვრამ ამ მრავალსიტყვაობის ქვეშ იგრძნობა ეშმაკი და ჭკვი-ანი ჭალი... წერიღებში მათი სიყვარული წარმოსახულია ყვეღა დროის უღდიღეს სიყვარულად. მან ყოველთვის იცოღდა, — ეუბნება ჭეკს მისს კიტრეჯი, — რომ ბეღი რაღაც არაჩვეუღლებრიღვს უმზადე-ღდა. „ო, ძვირღვასო ჭეკ, ჩემო ძვირღვასო, ჩემო სიყვარულო, ჩემო სათაყვანებღლო კერპო, შენ არ იცი, როგორ მიყვარხარ“. ასე მეორღდებოღდა მანამ, ვიდრე ჭეკმა არ ირწმუნა, რომ იგი უყვარო თსე. როგორც არავინ ჰყვარებიათ ქვეყნის გაჩენიღდან. დარწმუნე-ბული ჭეკი ასე პასუხობს: „ჩემღდამი შენი სიყვარული ისე დიღია, რომ ეჭვი მეპარება — შევღძღვებ კი ოღდესმე მეც ასეთივე ძალით შე-გიყვარო?“ წერიღი წერიღს მოსღდეღდა, თანაც ტონის მიმცემი ჩარ-შიანი იყო, ჭეკი კი თითქმის მექანიკურად აიტაცებღდა ხოღმე ამ გა-მოწვევას. ლიტერატორი ხომ მათ შორის ჭეკია, მამ როგორ შეიღ-ღება, რომ თვითონ უღფრო ნაკღებ მაღალღფარღოვნად, ნაკღებ გრძნობიერად, ნაკღებ გულღიად წეროს, ვიდრე ჩარშიანმა?

„არა, არა, ჩემო სიყვარულო, — წერს ჭეკი, — ჩვენი სიყვარული

რაღაც მცირედ, უმნიშვნელოდ როდი მეჩვენება. მე მზად ვარ შენ-
თვის ვიცოცხლო, ანდა თავი შემოვწირო — ეს კი თავისთავად ამტ-
კიცებს, რომ ჩვენი სიყვარული ჩემთვის სიცოცხლესა და სიკვდილ-
ზე უფრო მნიშვნელოვანია. შენ იცი, რომ ქალთაგან შენ ჩემთვის ერ-
თადერთი ხარ; რომ შენზე გამუდმებული დარდი თვით სასტიკ შიმ-
შილზედაც საშინელია; რომ სურვილი იმაზე უფრო მძვინვარედ-
მღრღნის, ვიდრე დიდების ან სიმდიდრის წყურვილი მაწამებდა.
ყველაფერი, ყველაფერი ამტკიცებს — და ამტკიცებს უცრობ-
ლად, რაოდენ დიდია ჩვენი სიყვარული“.

ყოველდღიურად მის თვალწინ გაირბენდა ხოლმე მისს კიტრეჯის-
ათასობით სიტყვა და ჰიპნოტიზირებული ჯეკი რომელიმე, მესამე-
ხარისხოვანი მარია კორელის ტონით იწყებდა წერას. ჩარმიანის
ლიტერატურული მანერის გავლენით ჯეკი პასუხობდა მეცხრამეტე
საუკუნისათვის დამახასიათებელი ისეთივე დვლარკნილ-საზეიმო
ალიარებით, სწორედ ისეთივე სტილში, რომელსაც მან ჯერ კი-
დეც თავის შემოქმედების გარიჟრაჟზე ომი გამოუტყადა; სასი-
ყვარულო სტილის იმ ბრტყელ-ბრტყელი სიტყვებით, რომლისაგან
განთავისუფლება ვერა და ვერ შეძლო მთელი სიცოცხლის მანძილ-
ზე და რომელმაც ბევრი მისი წიგნი გააფუჭა. ჯეკი, რომელიც „კეპ-
პტონსა და უეისის მიმოწერაში“ სენტიმენტალური, პოეტური სიყ-
ვარულის წინააღმდეგ გამოვიდა და იცავდა თეორიას, რომელიც
ამტკიცებდა — სიყვარული ბიოლოგიური მოთხოვნილებააო, ახლა
უეკრივ გარდაიქმნა „გონდაკარგულ შეყვარებულად, რომელიც
მზადაა კოცნაში მოკვდეს“. რას იტყოდა ანა სტრუნსკაია, ჯეკის-
ზურგს უკან მდგარს რომ წაეკითხა ის სტრიქონები; სადაც მან ასე
მკვეთრად შეიცვალა თავისი პოზიცია. რა სიამოვნებით, და თანაც
ირონიული დიმილით აჩვენებდა მას შედარებისათვის თავისსავე
სტრიქონებს: „თუ არა ეროტიული ლიტერატურა, ადამიანი, უეკ-
ველად, მისთვის დამახასიათებელი მანერით სიყვარულს ვერ შეს-
ძლებდა“.

1903 წლის 10 ნოემბერს სტოკტონიდან მიწერილ წერილში გუ-
ლისნადების ალიარების სიუხვემ უკვე აპოთეოზს მიაღწია: „იცოდე,
ჩემო ტკბილო სიყვარულო, ვერც კი წარმომედგინა, რარიგ დიდი-
იყო შენი სიყვარული, ვიდრე საკუთარი ნებითა და ბოლომდე არ

დამნებელი; ვიდრე შენ, შენმა სიყვარულმა, მთელმა შენმა არსებამ, როგორც იქნა, არ აღმოსთქვა — „ჰო“. შენი მიმზიდველი სხეულით დაადასტურე ყველაფერი ის, რაც ჩემს მიმართ სულითა და გულით აღიარე. და, აი, მაშინ, მხოლოდ მაშინ მივხვდი ყველაფერს ბოლომდე. მე შევიგნე — უკვე ვიცი, რომ შენ ბოლომდე და მთლიანად ჩემი ხარ. თუ მთელი შენი სიყვარულის მიუხედავად, მაინც არ დამნებდებოდი, შენი ქალური სიდიადე ჩემს წინაშე ასეთი სისრულით ვერ გადაიშლებოდა; ასე უსაზღვრო არ იქნებოდა ჩემი სიყვარული, ჩემი თაყვანისცემა შენდამი. გადაათვალიერე ჩემი წერილები და მჯერა-დარწმუნდები, რომ ჰეშმარიტმა სიყვარულმა მას შემდეგ შემიპყრო, როცა შენ მეფუერი სიუხვით დამასახუქრე. სწორედ მას შემდეგ, რაც შენ შემომწირე ყველაზე მთავარი რამ, ჩემს წერილებში გამოჩნდა სიტყვები, რომ მე შენი „მონა“ ვარ, რომ მზადა ვარ შენთვის მოვკვდე, და გადაჭარბებული ტრფიანების გამომსახველი მრავალი სხვა მომხიბვლელი სიტყვა. მაგრამ ეს გადაჭარბება როდია, ძვირფასო, არც სენტიმენტალური გონებაჩლუნგის მაღალფარდოვან სისულელეთა ჩმახვა. როცა ვამბობ, შენი მონა ვარ-მეთქი, ამას ვადასტურებ კიდევ, როგორც საღად მოაზროვნე ადამიანი და ეს საბოლოოდ იმას ნიშნავს, რომ მენამდვილად და საბოლოოდ შევიშალე“.

1890 წელს, ცხრამეტი წლის ჩარმთან კიტრეჯი, როგორც თვითონ ამბობს, „წითელლოყება გოგონა იყო, ბევრის აზრით, ლამაზი და კარგი ხასიათის მქონე. გარდა იმ შემთხვევებისა, როცა მას ეჭვიანობა სძლევდა“. 1903 წელს კი, ოცდათორმეტი წლის ასაკში, მას უკვე ლამაზად აღარ თვლიდნენ: თხელი ტუჩები, წვრილი თვალები, და მოღუნებული ქუთუთოები ჰქონდა, მაგრამ თავი გამომწვევი სითამამით ეჭირა. იგი ბევრ რამეში ჰგავდა ფრონა უელსს, ჯეკის მიერ შექმნილ მეოცე საუკუნის ქალს. იმდროინდელი კარგად აღზრდილი ქალიშვილისათვის მიღებული არ იყო მუშაობა, მაგრამ მშობლები გარდაცვალებს შემდეგ იგი იძულებული შეიქნა თვითონ ეზრუნა თავის თავზე და კიდევაც მიაღწია იმას, რომ პირველხარისხოვან მდივნად ითვლებოდა, თუმცა თავში „მცირე ხელფასს, ოცდაათ დოლარს იღებდა“. ბევრს კითხულობდა, მისთვის უცხო იყო შაბლონური შეხედულებანი. როცა 1900 წელს

ჯეი მას პირველად შეხვდა, ჩარმიანს უკვე დაწყებული ჰქონდა თავის ბიბლიოთეკაში იმ ყველაზე გაბედული თანამედროვე რომანების შეყრება, რომელიც აკრძალული იყო. ნამდვილად უყვარდა მუსიკა და სასიამოვნოდაც მღეროდა; მას იმდენი დისციპლინა და ნებისყოფა გააჩნდა, რომ კვირაში ექვსი დღის მუშაობის შემდეგ კიდევ როიალზე დაკვრაში ვარჯიშობდა და ჩინებული პიანისტიც გახდა.

მომაჯადოებელი, ჟღერადი, მდიდარი ტემბრისა და, ამასთანავე, სმენის დამატკობელი ხმა ჰქონდა; უყვარდა სიცილი და მაშინაც კი იცინოდა, როცა მისი თანამოსაუბრენი ამის საბაბს ვერ ხედავდნენ; ლაპარაკით ხომ ვერა და ვერ დაღლიდი! შეუსვენებლად, ზედისხედ შეეძლო ოთხი-შვიდი საათის განმავლობაში ელაპარაკნა. სიტყვების უღვეველ მარაგს ფლობდა და შეეძლო ცხოვრების ყოველი შემთხვევისათვის საჭირო სიტყვები და გამოთქმები გამოენახა. ჰკვირანური ბაასის ხელის შეწყობაც იცოდა და შენიშვნების დროულად მიწოდებაც; იშვიათი გამბედაობის მქონე ჩარმიანი, ხშირად დააქვნიებდა ცხენს გორაკებზე და ეს მაშინ, როცა მხოლოდ ზოგიერთი ქალი თუ გაბედავდა ცხენზე შეჯდომას, ხოლო თუ გაბედავდა, ისიც იმიტომ, რომ ქალს ინგლისურ უნაგირზე შემომჯდარს გაესეირნა სპეციალურად ამ მიზნისათვის განკუთვნილ გზებზე „ოქროს კარიბჭის“ პარკში. სულ დახელოვნების ცდაში იყო ეს პატივმოყვარე ქალი, რათა ინტელექტუალურ სფეროში წარმატებისათვის მიეღწია და საზოგადოებაში თავი გამოეჩინა: ამ მიზნით დააგროვა ფული ევროპაში სამოგზაუროდ; შეეძლო ფაიფურის ლანგრების მოხატვაც — ერთი სიტყვით: გულზე ხელდაკრეფილი არ იჯდა და ყოველწლიურად წარმატებას აღწევდა, ამა თუ იმ დარგში.

მაგრამ ყველაფერში, რაც კი სიყვარულს შეეხებოდა, იგი მეცხრამეტე საუკუნის სრულყოფილი პროდუქტი იყო. ბრტყელ-ბრტყელი, მაღალფარდოვანი ფრაზები, გიჟმაჟი კეკლუცობა, ახირებული და უცნაური ჩაჩი — მოკლედ ყველაფერში ფრონა უელსის სრულიად საპირისპირო იყო. მისსა კიტრეჯის დღიურში ასახულია ამ ქალის ბუნების მრავალფეროვანი და რთული მხარეები, მათ შორის გულის ამაჩუყებლად სენტიმენტალური დამოკიდებულება სიყვარულისადმი. ყოველი შამაკატი, თუნდაც შემთხვევითი ნაცნობი იყოს

იგი, მისი წარმოდგენით, დაუყოვნებლივ პოტენციურ შეყვარებულად გარდაიქმნებოდა; მას ან ალტაცებით შესცქერიან, ან ვნებით თვალს ვერ აცილებენ. რაც შეეხება მისივე სქესის წარმომადგენლებს, მათ ძნელად იტანდა. სჯეროდა, რომ მისი დანახვისთანავე ყოველ ქალს მისადმი ექვიანობის გრძნობა იპყრობდა; თავის მხრივ, ყოველი ქალიც მასში ექვს იწვევდა. ცდილობდა მამაკაცთა წრეში თავი ისე დაეჭირა, რომ მულამ ყურადღების ცენტრში ყოფილიყო. შთაგონებულად და საქმის ცოდნით წარმოსახავდა ქალს, რომელშიც რაღაც საბედისწეროა. ნაცნობებისა და მეგობრების შეფასებით, იქ, სადაც საქმე მამაკაცს შეეხებოდა, მისთვის კერძო საკუთრების წესები უკვე აღარ არსებობდა. ახალგაზრდა ცოლები და საცოლეები შიშითა და უნდობლობით შესცქეროდნენ მას, რადგან იცოდნენ, როგორ ცდილობდა იგი ქმრის შოვნას.

მის ცხოვრებაში სწრაფად გაიელვებდნენ ხოლმე მამაკაცები და სწრაფადვე ქრებოდნენ. საოცარია, რატომ ვერ ახერხებდა ასეთი მიმზიდველი გარეგნობის ქალი გათხოვებას. ეს მდგომარეობა თვით მისს კიტრეჯისთვისაც გაუგებარი იყო. ნერვიულობდა მამიდაც — მისის ნინეტა ეიმსი — და ყოველი ახალი მამაკაცის გამოჩენისთანავე გამოიკითხავდა, რა აზრისა იყო იგი დაქორწინების შესახებ; წლები გადის, სხვა ქალიშვილები თხოვდებიან, მის ძმისწულს კი საშველი არ ადგება, რაშია საქმე?

ევროპიდან დაბრუნების შემდეგ მისი კიტრეჯი ლონდონების ხშირი სტუმარი გახდა პიედმონტში და ჯექმაც, თავისი ერთ-ერთი ყველაზე მძაფრი სულიერი განწყობით გატაცებულმა, თავისი ცხოვრების ახალი ფურცელი გადაშალა. „უნდა გამოგიტყდეს იმაში, რაც შენ უკვე იცი ჩვენი გაცნობის პირველი დღიდანვე. როცა პირველად გამოგელაპარაკე, მიხდოდა ჩემი საყვარელი გამხდარიყავი. შაგრამ შენ ისეთი გულლია, ისეთი პატიოსანი და, რაც მთავარია, ისეთი თამამი იყავი! შენ რომ სხვაგვარი რამ გამოგემქლავნებინა ან მიმოხვრაში, ან საქციელში, ანდა ფრაზაში, ალბათ, შევეცდებოდი დამემორჩილებინე ჩემი ნება-სურვილისადმი. მახსოვნს, ერთხელ ჩვენ ერთად ვისხედით ეტლში და მე შემოგთავაზე: „იქნებ სათივესაკენ გაგვეხვია?“ შენ კი ღიმილით თვალი თვალში გამიყარე. დაცინვისა და გაპარანჭვის გარეშე; ამ გამოხედვაში არ ჩანდა

არც აღშფოთება, არც შიში და არც გაკვირება! პირიქით, გულკეთილად, სათნოდ შემომხედე და უბრალოდ მითხარი: „დღეს არა“.

ბესისაგან წამოსვლის ორი თვის შემდეგ ჯეკი წერს: „ზოგჯერ ვფიქრობ, რატომ მიყვარხარ? შენი სხეულის სილამაზისათვის თუ კუკუსათვის? ვაღიარებ, რომ არა მხოლოდ ამიტომ, არამედ იმ შინაგანი ცეცხლისათვის, რომელიც გასხივოსნებს, ალამაზებს ყველაფერს, რასაც კი ჩაიცვამ; გმატებს მგზნებარებასა და სილატეს, რომელიც გულისხმიერსა და ამაყს გხდის; ამაყს საკუთარი თავითა და შენი სხეულით და რომელიც შენსავე სხეულს უნებურად. შენგან დამოუკიდებლად, აიძულებს თავისით იამაყოს“.

ექვს გარეშეა. რომ ახლო დამოკიდებულება ჯეკსა და მისს კიტრეჯს შორის დაიწყო ივნისში, როცა ჯეკი პიედმონტში მარტონ-ნარტო დარჩა მთელ სახლში. ბესისთან ერთად სამხრეთ კალიფორნიაში გადასახლებისა და მისთვის საყვარელი სან-ფრანცისკოს ყურეს თავის დანებება იმ მდგომარეობიდან გამოსვლის ცდა იყო, რომელშიც იგი აღმოჩნდა. ეტყობა, მისს კიტრეჯს ოთხი საათი დასჭირდა იმისთვის, რომ ბოლოს და ბოლოს ჯეკი თავის ნებაზე დაეყოლიებინა.

„ჯოანი ანდა ბესი ბიჭი რომ ყოფილიყო, — შენიშნა ჯეკის ერთ-ერთმა ყველაზე უახლოესმა მეგობარმა, — ვერავითარი ძალა ვერ შეძლებდა ოჯახიდან მის ჩამოშორებას“.

ჩარმიან კიტრეჯს გულწრფელად სჯეროდა, რომ ბესი ჯეკის შესაფერისი არ იყო: ცოლი, როგორც მას ესაჭიროება, შეიძლება იყოს მხოლოდ იგი; ცოლი, რომელიც ოჯახზე მზრუნველობით ხელფებს კი არ შეიბორკავს, არამედ მასთან ერთად იმოგზაურებს, შეიძლება თავდადება და შემართება. როგორც ეტყობა, მამიდა ნინეტის ხელშეწყობით, რომელიც თავიდანვე იფარავდა შეყვარებულთ, სწორედ ჩარმიანი იყო ის ფარული ძალა, რომელმაც დაანგრია ლონდონების ოჯახი. საერთოდ, ჯეკის სუსტი მხარის მოძებნა ადვილი საქმე იყო. მაგალითისათვის გავიხსენოთ, როგორ თავდავიწყებთ გაიტაცა იგი სულიერმა სიყვარულმა ანა სტრუნსკაიასადმი, ფიზიკურმა — ჩოკაგოს მატარებელში უცნობი ქალისადმი. ისიც არაა გამორიცხული, ჯეკს რომ ისეთი, სპეციფიკურ თავისებურებათა მქონე ქალი არ გადაყროდა, როგორც მისს კიტრეჯი იყო, შეიძ-

ლება იგი ბესისთან დარჩენილიყო. მაშინ ოჯახი — ე. წ. შტაბი შეიქმნებოდა, ხოლო მოგზაურობა და სათავგადასავლო შემთხვევების ძებნას იგი მარტო შეუდგებოდა. მაგრამ ისიც ადვილი შესაძლებელია, რომ თუ მას მისს კიტრეჯი ვერ დაეპატრონებოდა, იგისხვას, მეხუთეს, მეათეს გადაყროდა... ამის შესახებ თვითონაც ხშირად ლაპარაკობს თავის მოთხრობებში: ამ ქვეყანაზე ერთი ძალი მეორესა სქაშს, ხოლო იმათ, ვინც ჩამორჩება — მგელი. ბესის არ ძალუძს ქმრის შენარჩუნება? რა ვუყოთ! მის კიტრეჯს ეს არ შეეხება, მას უფლება აქვს იბრძოლოს თავისი ბედნიერებისათვის; უფლება აქვს მოიტაცოს ის, რაც მას სურს. დიახ; ჯეკის საქციელი გულს ატკენს სამ, ყველაზე საყვარელ არსებას, რომელთაგან ორის ამქვეყნად მოვლინების მიზეზი თვითონვეა. სამაგიეროდ ისინი, რომლებიც ბესის უყვარს, დედის მიზეზით არ დაიტანჯებიან.

ექვი რომ გაექარწყლებინა, მისს კიტრეჯი ხშირად მიდიოდა: ბესის სანახავად, რომელიც მას საიდუმლოდ უზიარებდა ოჯახურ ჭირ-ვარამს. 1903 წლის 12 სექტემბერს იგი ჯეკს სწერს: „გუშინ საღამოს ბესისთან ვიყავი. ჩინებულად მიმიღო, ისე ჩინებულად, რომ თავი უხერხულად ვიგრძენი. მთხოვა — გვესტუმრე, როცა მოვეხერხებო. იმდენად თავაზიანი, იმდენად მხიარული იყო, რომ მომეჩვენა — მთელი ეს განხეთქილება, ეს გასაჭირი სიზმარი ხომ არ არის-მეთქი. ზოგჯერ, როცა გავიფიქრებ, რაც მოხდა, თავს ვსაყვედურებ, რომ საზიზღარი ადამიანი ვარ; მართალია, ასეთ შემთხვევებში გონება მომეშველება ხოლმე. მაგრამ, მაინც — ოჰ!!!“ ხუთი დღის შემდეგ ისევ განაგრძობს: „მე თითქმის უარყავი ის აზრი, თითქოს ბესი ჩემზე სერიოზულად ექვიანობს, თუმცა მისგან არაფერი გამაგვირვებდა! მას გონება ჯერ არ დაუკარგავს, მე კი ცრუ ადამიანს ვერ ვურიგდები“. იგი ისე მოხერხებულად თამაშობდა თავის როლს, რომ 2 ოქტომბერს ჯეკს უკვე შეეძლო მისთვის შეეტყობინებინა: „რაც შეეხება ჩვენი ურთიერთობის საკითხს, ამ მხრივ ყველაფერი რიგზეა. გუშინ საღამოს ბესი მელაპარაკებოდა, რომ უშენოდ ვერც წარმოუდგენია, როგორ უნდა გაძლოს. ერთი სიტყვით, ცამდე აპყავდი“.

მართალია, ბესის თავზარი დასცა ამ ამბავმა, მაგრამ სიამაყე და თავმოყვარეობა ბრძოლის, აყალმაყალის ატეხის ნებას არ აძ-

ლევდა. მისთვის სავსებით უცხო იყო ის ზრახვები, რითაც მისი ქმარი ხელმძღვანელობდა. უდრტვინველად იტანდა ყველაფერს, მაგრამ ის აოცებდა, რამ შეცვალა ადამიანი, რომელიც ასე დაუინებით სთხოვდა ცოლად გაჰყოლოდა, თავისი გაიტანა და ბავშვები გააჩენინა, რომელიც არა მარტო მისი შრომით სარგებლობდა თავის საქმიანობაში, არამედ, ერთად ცხოვრების პირველ ხანებში, მისი ფულითაც, შეხმატებილებულად ცხოვრობდნენ სამი წლის მანძილზე. განა რა მოხდა ისეთი, რომ ასე მოულოდნელად, ყოველგვარი გაფრთხილების გარეშე მიატოვა?

გაქირვებამ იგი ფლორა ლონდონთან დაამეგობრა. ბესიმ და ფლორამ სამი წლის განმავლობაში მოთმინებიდან გამოიყვანეს ჯეკი ჩხუბითა და დავიდარაბით, მაგრამ ჯონი მილერისადმი სიყვარულმა ფლორას აგრძნობინა, რა იყო დედობრივი სიყვარული. ახლა იგი ამხედრდა შვილის წინააღმდეგ, რომელმაც ოჯახს თავი დაანება. დედის ასეთმა საქციელმა გული დაწყვიტა ჯეკს და ამან კიდევ უფრო აუბნია თავგზა. მას დევნილობის მანია აეკვიატა; ჩიოდა, თითქოს ყველა მის წინააღმდეგ იყო ამხედრებული, თითქოს ყველას პირი ჰქონდა შეკრული, რათა იგი „მისი საყვარელი ქალისთვის“ ჩამოეშორებინათ. 22 სექტემბერს იგი „სპრეის“ გემბანიდან სწერდა მისს კიტრეჯს: „ყველა ადამიანური კანონის თანახმად მე არ შემეძლო შენთვის გვერდი ამევლო წყვილადსა და სიბნელეში. შენ ჩემი იყავი, ჩემი და მთელ ქვეყანაზე არავის არ ჰქონდა ჩვენი განშორების უფლება. ამის მიუხედავად, მე მაინც ჩამომაშორეს, სამარცხვინოდ ჩამომაშორეს ქალს, რომელიც სიცოცხლეზე მეტად მიყვარს“.

ჯეკმა იმდენად დაკარგა ნათლად აზროვნების უნარი, რომ, კრიტიკის მიერ „წინაპართა ძახილის“ ბრწყინვალე შეფასების მიუხედავად, რომელსაც ერთხმად უწოდებდნენ „ამერიკული ლიტერატურის კლასიკურ განძს“. თავს ძალა ვერ დაატანა მუშაობას შედგომოდა. ერთადერთი საშუალება, რომლითაც შეიძლებოდა თავი დაეღწია მის ირგვლივ შექმნილი ამღვრეული ატმოსფეროსათვის, იმაში მდგომარეობდა, რომ იქაურობას გასცლოდა; წინააღმდეგ შემთხვევაში, მისი აზრით, იგი „ზღვის მგელს“ საერთოდ ვერ დაამთევრებდა. როცა კაპიტალურად შეკეთების შემდეგ „სპრეი“ დაბრუნდა, ჯეკმა გზის ფული გადაუგზავნა სამხრეთ კალიფორნიაში

მცხოვრებ კლაუდსლი ჯონსს, რომელმაც თითქმის არაფერი იცოდა მეგობრის უსიამოვნების შესახებ და ორივენი მდინარე საკრამენტოს შესართავისაკენ გაემგზავრნენ; დალაობით წიგნებზე მუშაობდნენ, სადილობის შემდეგ — ცურაობდნენ, იხვებზე ნადირობდნენ, თევზაობდნენ. ქალების გარემოცვაში ცხოვრების შემდეგ, რომლის დროსაც მრავალ სირთულეს წააწყდა (და რომელნიც მისივე მიზეზით აღმოცენდებოდნენ ხოლმე), მამაკაცთა წრე ჯეკს მკურნალად მოველინა. „რაც უფრო მეტხანს ვარ კლაუდსლისთან, მით უფრო მსიამოვნებს მასთან ყოფნა. იგი პატიოსანია და ერთგული, ახალგაზრდა და გაუხრწნელი, იცის გემზე დისციპლინის მნიშვნელობა და კარგი მზარეულია. ყოველივე ამასთან ერთად, სასიამოვნო და გულკეთილი ამხანაგია“.

სწორედ რომ ვაქცაყურად მოიშორა მან გულიდან ყველაფერი აღმამფოთებელი. ყოველ დილას წერდა ათას სიტყვას „ზღვის მგლისათვის“. ერთადერთი საზრუნავი, რომელიც, ყველაფრის მიუხედავად, მაინც იჩენდა ხოლმე თავს, იყო ფინანსური სიძნელეები: 14 სექტემბრისათვის იგი ისევ უსახსროდ დარჩა. „ბესი გიმტიციებს, რომ მე უკაპიკოდ დავრჩი, — წერს იგი მისს კიტრეჯს, — მართლაც უკვე ვგრძნობ, რომ შორს არა ვარ ამგვარი მდგომარეობისაგან. სილატაკისაგან სულ რაღაც ასიოდე დოლარი მაშორებს და ამ დროს მოულოდნელად მოაქვთ ექიმის ანგარიში ას თხუთმეტ დოლარზე“. „ზღვის მგელზე“ მუშაობა გვერდზე გადადო და ხელი მიჰყო მოთხრობების წერას „ახალგაზრდობის თანამგზავრისთვის“, რათა ერთი თვის განმავლობაში დღიურ სამუშაოზე გადასვლით ცოტათი მინც გამოესწორებინა მდგომარეობა.

რამდენიმე დღეში ერთხელ შეივლიდა ხოლმე რომელიმე პატარა ქალაქის — სტოქტონის, ანტიოქის ან ვალიეხოს ფოსტაში კორესპონდენციისათვის. ერთხელ ბესისაგან წერილი მიიღო — ჯოანიტიფით გამხდარიყო ავად. ჯეკი მაშინვე ქალიშვილისაკენ გაექანა. იმის შიშით, ბავშვს რამე არ გაუჭირდესო, იგი თითქმის არ სცილდებოდა მის ლოგინს. როცა ექიმმა უთხრა, გოგონა სანთელივით დნებაო, ჯეკმა ეს ცოდვების სამაგიერო სასჯელად მიიღო და ფიცი დასდო, თუ მისი გოგონა გადარჩებოდა, უარს იტყოდა თავის დიდ სიყვარულზე და ოჯახს დაუბრუნდებოდა. გაზეთებში გა-

მოჩნდა ცნობა: ავადმყოფ გოგონას ლოგინთან მეუღლენი შერიგდნენო.

მაგრამ აი, ჯოანის გამოჩანმრთელება დაეტყო და ჯეკიც ისე მოიქცა, როგორც მეზღვაური ჩაძირული გემიდან, რომელიც მუხლზე ეცემა თავის დანჯღრეულ ტივზე და ღმერთს ევედრება: „ღმერთო მოწყალეო, მისხენ მე, რათა ვიქნე მართლმორწმუნე კუბოს ფიცრამდე... თუმცა კმარა, ნულა შეწუხდები. გგონი იალქანი მოჩანს“. როცა ჯოანი ფეხზე წამოდგა, იგი ისევ „სპრეიზე“ დაბრუნდა.

აწმყოში არეულ-დარეულობა სუფევდა, სამაგიეროდ, წარსულში კარგად იმუშავა და შრომაც დაუფასდა. „წინაპართა ძახილმა“ პოპულარობა მოიპოვა; ყველასათვის გასაგები ენით დაწერილს ყველა კლასისა და ასაკის მკითხველი ყიდულობდა. ნოემბრისათვის იგი უკვე მესამე იყო „ბესტსელერთა“ სიაში „ავბედითი საგუშაგოსა“ და „მომავალი სამეფოს მწყემსი ქალის“ შემდეგ; უკან ჩამოიტოვა საზოგადოების ისეთი საყვარელი ნაწარმოებები, როგორცაა „მისის ვიგის კომბოსტოს მინდვრიდან“, „რებეკა სანიბრუკის ფერმიდან“ და „როგორც ყველი ერბოში“.

ნოემბერში გამოვიდა „ჯურღმულის ადამიანები“, რომელმაც თითქმის ერთობლივი მოწონება დაიმსახურა. კრიტიკოსები აღნიშნავენ, როგორც სოციოლოგიური დოკუმენტი, ამ წიგნს ბადალი არ მოეპოვებაო; ჯეკ ლონდონს „ჯურღმულის ადამიანების“ გარდა რომ არაფერი შეექმნა, იგი მაინც დაიმსახურებდაო აღიარებას, როგორც ამ წიგნის ავტორი. ავტორი აიძულებს კუდაბზიკა და თვითდაჭერებულ საზოგადოებას ჩაუფიქრდეს — ნამდვილად საუკეთესოდ გამოიყენა თუ არა მან თავისი შესაძლებლობანი?

ბუნებრივი იქნებოდა, თუ ვივარაუდებდით, რომ ინგლისში ლონდონს ჩათვლიდნენ ცრუმოსახელედ, რომელიც სხვის სფეროში შეიქცა. ინგლისის პრესამ იგი მართლაც დაადანაშაულა იმაში, რომ იგი დაუფიქრებლად ჩეხავს ყველაფერს, მაგრამ იმავე დროს აღიარა, რომ ჯეკ ლონდონის გარდა ვერავინ შეძლო შეეღწია ლონდონის ჯურღმულების ყოველ კუნჭულში.

„ზღვის მგლის“ პირველი ნაწილი ჯეკმა ბრეტს გაუგზავნა; ნაწარმოებმა მასზე ისეთი დიდი შთაბეჭდილება მოახდინა, რომ ხელნაწერს აღფრთოვანებული რეკომენდაცია დაურთო და იგი უკუჩინა „საუკუნეს“ რედაქტორს გაუგზავნა.

როცა ეს ამბავი ჟეკმა შეიტყო, მან გაოცებით გადაიქნია თავი: „საუკუნე“ ცნობილი იყო; როგორც დინჯი, კონსერვატული ჟურნალი, ნაეარაუდვეი დარბაისელ, დაოჯახებულ მკითხველთათვის. ჟეკი არც ფიქრობდა. რომ ეს ჟურნალი დაიწყებდა ისეთი ზახვილი, აშკარა-რეალისტური ნაწარმოების ბეჭდვას, როგორიც „ზღვის მგელი“ იყო. იგი შეცდა. რედაქტორმა ჟეკს ოთხი ათასი დოლარი. შესთავაზა რომანის ნაწილ-ნაწილ დაბეჭდვის უფლები-სათვის, მხოლოდ იმ პირობით, თუ დამუშავების პერიოდში მყოფ მეორე ნაწილს შეამცირებდა და უკაცრიელ კუნძულზე დარჩენილი მთავარი გმირები (ქალი და მამაკაცი), საპატრიო ჟურნალის ხელის-მომწერთა თვალსაზრისით, საძრახისას არაფერს ჩაიდენდნენ.

ოთხი ათასი! ისიც მხოლოდ ჟურნალისათვის! ოთხი ათასი ხომ მან „წინაპართა ძახილის“ გამოცემაზე სრული უფლების მიცემისათვის მიიღო. ჟეკმა იალქნები აუშვა და სრული სისწრაფით გასწია მდინარის შესართავისაკენ. ნავი ნაპირს მიაყენა და „საუკუნის“ რედაქტორს დეპეშა გაუგზავნა, რომ თანახმაა შეამცირონ რამდენიც სურთ, რაც შეეხება დანარჩენს, „საგვებით დარწმუნებული ვარ, რომ წიგნის მეორე ნაწილი არ შეცაბუნებს მოკრძალებულ ამერიკელ ქალებს“. ხელშეკრულება დაიდო. ჟეკი ახალი ენერჯით შეუდგა მუშაობას და ოცდაათი დღის დაძაბული მუშაობის შემდეგ წიგნი დაამთავრა. ჟურნალზე არც ქალაღი და არც მკვერმეტყვე-ლება არ დაიშურა და აქამდე გაუგონარი მასშტაბის ფართო რეკლამით მთელ ქვეყანას აცნობა, რომ მისტერ ჟეკ ლონდონს, მოთხრობა „წინაპართა ძახილის“ ავტორს, სურვილი აქვს ჟურნალ „საუკუნის“ ფურცლებზე გამოაქვეყნოს თავისი ახალი ნაწარმოები „ზღვის მგელი“.

რამდენიმე თვის შემდეგ იგი ოთხი ათასი დოლარის პატრონი შეიქნება, მანამდე კი გროშიც არა აქვს და ისიც მაშინ, როცა შობამდე ერთი კვირალა დარჩა. ბანკში ზუსტად ოცი დოლარი და ორი ცენტი ჰქონდა, საშობაო საჩუქრები კი ჟერ კიდევ არ შეეძინა. „იმის გათვალისწინებით, თუ როგორ საღდება „წინაპართა ძახილი“, ხომ არ ფიქრობს ბრეტი, საშობაო საჩუქრის სახით, ჩემს დაჯილდოებას? სწორედ რომ დროული იქნებოდა“. „წინაპართა ძახილს“ ერთმანეთს ხელიდან სტაცებდნენ, მაგრამ ბრეტმა ფული არ გამო-

გზავნა. არ შეიძლება ითქვას, რომ ეს სიძუნწის გამოვლინება ყოფილიყო. წლების მანძილზე იგი ყოველთვის ხელგაშლილი იყო ზოგჯერ მეტად დიდი მოთხოვნების მქონე თავისი ლიტერატურული „ვარსკვლავის“ მიმართ. მაგრამ ამჯერად ყველაფერი წინასწარ იყო შეთანხმებული ჯექთან. ბრეტს კარგად ესმოდა, რომ საჩუქრის გაგზავნა ხელშეკრულებიან პირობების დარღვევა იქნებოდა, ეს კი თავისთავად შესაძლებელს ხდიდა მომავალშიც ასეთი შემთხვევების გამეორებას. თუ ჯექი „წინაპართა ძახილის“ გამოცემის უფლებას დაიტოვებდა, მისი ჰონორარი ამ რამდენიმე წლის განმავლობაში თითქმის ასი ათას დოლარს შიდალწევდა, მაგრამ იმ პირობით, თუ ბრეტი იმდენივე თანხას გაიღებდა, რამდენიც ახლა დახარჯა წიგნისათვის გზის გასაკაფავად. ჯექს თითზე საკბენი არაფერი ჰქონდა, როცა ყველა უფლება ბრეტს გადასცა. მან დიდძალი ფული დახარჯა, რათა ავტორისათვის სახელი მოეხვეჭა. ჯექიც ყველაფერ ამას ანგარიშს უწევდა, რადგან კარგად ესმოდა, რას ნიშნავდა მისთვის რეკლამა.

ახალი 1904 წლის წინა დღეებში ცნობილი გახდა ომის აუცილებლობა რუსეთსა და იაპონიას შორის. როგორც სოციალისტი, ჯექი ყოველგვარი ომის წინააღმდეგი იყო, რადგანაც ომში სხვადასხვა ქვეყნის მშრომელი ხალხი იხოცება, იმისთვის, რომ დაიკვან კაპიტალისტთა ინტერესები. მაგრამ, რაკი ომი მაინც დაიწყო, მას სურს ბრძოლის ველზე იყოს და ყველაფერი საკუთარი თვლით ნახოს. თავის დროზე ჯექი გაეცნო ტაქტიკასა და სამხედრო ტექნიკას; მას აინტერესებდა, თუ რა საფრთხეს უქმნიდა ომის თანამედროვე მეთოდები ცივილიზაციას. ამას გარდა, საჭირო იყო გარკვეულიყო ყვითელი საშიშროების შესახებ არსებულ მრავალ თეორიაში. ბოლოს, იგი გრძნობდა, რომ თუ სამხედრო კორესპონდენტის რეპუტაციას დაიშაახურებდა, ყველა შემთხვევაში შეეძლებოდა ფულის მოვნა. მის წინ კვლავ გამოიკვეთა სათავგადასავლო ბილიკი — ბილიკი, რომლითაც შეეძლებოდა გასცლოდა ქორწინებითა და სატრფიალო გატაცებებით გამოწვეულ გართულებებს.

ჟურნალებმა და გაზეთებმა კორესპონდენტების გაგზავნა დაიწყეს იაპონიაში. ჯექს ხუთმა სინდიკატმა მიმართა წინადადებით; იგი იმას დათანხმდა, რომელიც მეტ ფულს ჰპირდებოდა — ჰერს-

ტის კონცერს. იანვრის პირველ რიცხვებში ჯეკი - ეკზამინერის“ რედაქციაში გამოცხადდა და სურათი გადაიღო შენობის სახურავზე. მუშის მუქი ფერის ტანსაცმელში, დაბალყელიან ფეხსაცმელში, დიდი ხნის გაუკრეკავი, იგი ისე გამოიყურებოდა, თითქოს ეს-ესაა ახლა დაემთავრებინოს თავისი ცვლა ბელმონტის ორთქლის სამრეცხაოში. სურათებიდან ჩანს, რომ ბესისთან განშორების შემდეგ, ამ ექვსი თვის განმავლობაში, განვლილ დღეებაა და უსიამოვნებებს. ამაოდ როდი ჩაველო... ბავშვური გამომეტყველება ზრუნვითა და მღელვარებით აღსავსე გამომეტყველებით შეცვლოდა.

ჯეკმა ისე მოაწესრიგა საქმე, რომ მისთვის განკუთვნილი ყოველთვიური ჩეკი მაკმილანს ბესისათვის გადაეგზავნა. ამასთანავე, ელიზას სთხოვა, საქიროების შემთხვევაში მისს კიტრჯს დახმარებოდა. ეს იყო პირველი ნიშანი, რითაც ელიზა მიხვდა, რაც ხდებოდა. ჯონ სტერლინგს „ზღვის მგლის“ რედაქტირება მიანდო, ვიდრე მაკმილანი წიგნს სტამბაში გაგზავნიდა. 1904 წლის 7 იანვარს, ხუთი დღით ადრე ოცდარვა წლის შესრულებამდე, ჯეკ ლონდონი ბორნით გადავიდა უმბარკალეროში და გემ „ციმბირით“ იოკოჰამასაკენ გაემგზავრა.

„ციმბირზე“ თავი მოეყარა გაზეთების მხიარულ კორესპონდენტთა კომპანიას, რომელმაც თავის თავს მაშინვე შეტსახელად „ბორა“ უწოდა. ჰონოლულუდან გასვლის პირველ დღეს გემბანზე სპორტული თამაშობანი წამოიწყეს. ჯეკი მრგვალ ჯონს გადაახტა, დაეცა და მარცხენა ფეხის იოგები დაეკიმა. მარჯვენა ფეხი ჯერ კიდევ მაშინ დაიზიანა, როცა „კეთილშობილ მაწანწალად“ ყოფნისას ჩქარი ნატარებლიდან ჩამოვარდა; ამიტომ ამ უქანასკნელმა უბედურმა შემთხვევამ სავსებით გამოიყვანა მწყობრიდან. „სამოცდახუთი საათის განმავლობაში ოფელში ვიწურებოდი ზურგზე მწოლარე. გუშინ ერთმა კუზიანმა ინგლისელმა კორესპონდენტმა გემბანზე გამომათრია“. თავისი გაჩენას უბედურ დღეზე წუხილი გვიანლა იყო; კაბინა „ბორელებით“ გაივსო, რომელნიც ჯეკს უხეად უმასპინძლებოდნენ სხვადასხვა ომებისა და შესრულებულ დავალებათა შესახებ.

როცა იოკოჰამაში ჩავიდნენ, მან ყოველ დახლთან, სადაც კი ადრე ჩვიდმეტი წლის ყმაწვილს „სოფისაზერლუნდის“ განუყრელ სა-

მეულთან — დიდ ვიქტორთან და აკსელთან — დალევა უხდებოდა, თითო ჭიქა გადაჰკრა. შემდეგ მატარებელში ჩაჯდა და ტოკიოსაკენ გაემგზავრა, სადაც იმყოფებოდნენ მსოფლიოს ყოველი კუთხიდან ჩამოსული კორესპონდენტები. ისინი ელოდნენ, როდის დართავდა მათ ნებას იაპონიის მთავრობა მოქმედ არმიამში წასვლაზე. ოფიციალურად ომი ჯერ არ იყო გამოცხადებული და იაპონელი მხელები შეკითხვებზე, ორჭოფულად პასუხობდნენ. სამაგიეროდ, კორესპონდენტებს ართობდნენ ექსკურსიებით ღირსშესანიშნავ ადგილებში, ბრწყინვალე ბანკეტებითა და ყურადღების მომდუნებელი სხვა გასართობებით.

ჯეკი იმისთვის კი არ იყო ჩამოსული იაპონიაში, რომ ბანკეტებზე ევლო. ორი დღე მოთმინებით უგდო ყური დახვეწილ, ზრდილობიან, მიხვეულ-მოხვეულ ლაპარაკს, მერე კი ველარ მოითმინა, გაიკითხ-გამოიკითხა და გამოარკვია ისეთი რამ, რაც სხვა კორესპონდენტებს აზრადაც არ მოუვიდოდათ. სახელდობრ ის, რომ იაპონიის მთავრობას განზრახული ჰქონდა კორესპონდენტები ფრონტის ხაზისათვის არ გაეკარებინა. ამრიგად გაარკვია, რომ თუ სურდა გაზეთისათვის ომის ამბები მიეწოდებინა, ფრონტისაკენ გზა თვითონ უნდა გაეკაფა. „ბორელების“ გაუფრთხილებლად ჯეკი ტოკიოდან მატარებლით გაიპარა კობესა და ნაგასაკისაკენ; იმედი ჰქონდა, რომ იქიდან გემით ჩავიდოდა კორეის ქალაქ ჩემულპომდე, საიდანაც ფრონტზე გზავნიდნენ იაპონიის ნაწილებს.

რამდენიმე დღე უნაყოფო გამოკითხვაში გაატარა სანაპიროზე, ვიდრე არ გაიგო, რომ ჩემულპოსკენ გემი 1 თებერვალს გადიოდა. შეიძინა ბილეთი და უკვე ოცნებობდა, რომ მოქმედ არმიასთან ერთად გადაივიდა კორეას, მაშინ როცა სხვა კორესპონდენტებს ტოკიოში ართობდნენ ბრწყინვალე სადილებით. თავისუფალი დრო ჰქონდა და ჯეკმა ქუჩებში დაიწყო ხეტიალი, უნდოდა ნახშირისა და ბამბის ბაზრების მტვირთავი ყულებისათვის სურათი გადაეღო. თთი წუთიც არ იყო გასული, რომ იგი უკვე ათვალერებდა კორეისა და იაპონიის სამხედრო სატუსალოთაგან ერთ-ერთის საკანს, რომელმაც მას სინანულით მოაგონა ერის ოლქის შედარებით წყნარი დაბის გამასწორებელი სატუსალოს დერეფნის ზედამხედველი. ამ დროს იგი იაპონიის ხელისუფლების წარმომადგენლებმა დააპატიმ-

რეს, როგორც რუსეთის ჯამუში! რვა საათის განმავლობაში ცემა-ტყეპით დაკითხვის შემდეგ, მეორე დღეს სხვა, უფრო დიდ, ციხეში განაახლეს დაკითხვა. ბოლოს, როგორც იქნა, გამოუშვეს, მაგრამ... გემი უკვე წასულიყო.

გაიგო თუ არა, რომ ჯარისკაცებს ბანაკებიდან გვიან ღამითაც კი იძახებდნენ, ჭეკი გამწარებით დარბოდა სანაპიროზე, ეგებ კიდევ გამოჩნდეს ჩემულბოსკენ მიმავალი რომელიმე გემიო. ბოლოს, როგორც იქნა, მთებერვალს „კოგო მარუზე“ აღმოჩნდა ადგილი, მაგრამ სწორედ გასვლის წინ გემს კონფისკაცია გაუკეთა მთავრობამ. იმით გაცოფებული, რომ ფრონტზე დროულად ვერ მივა და კორესპონდენციას ვეღარ მოამზადებს პირველი შეტაკების შესახებ, ჭეკი თავალებით გაექანა კატერით პატარა გემისაკენ — იგი ჩემულბოს გზაზე მდებარე პორტ პუსანში მიდიოდა; ჭეკა ისეთ აურზაურში მოუხდა ჩაჯდომა, რომ ერთ-ერთი ჩემოდანი ზღვაში გადაუვარდა და მშვიდობით! გემი ადგილობრივი მიმოსვლისათვის იყო განკუთვნილი და მასზე ევროპული საქმლის ნამცეცეც არ მოიპოვებოდა, ღამეც ღია გემბანზე უნდა გაეთიათ, თოვლჭყაპში, ზუსტად ისე, როგორც რკინიგზის მახლობლად მდებარე მაწანწალათა „ჯუნგლებში“, სადაც უსაბნოდ, სიცივისაგან აძაგძაგებულებს უნდა გაეთიათ მთელი ღამე.

პუსანში ჭეკი მეორე გემზე გადაჯდა, მაგრამ, როგორც კი მოკპხოს მიაღწიეს, გემს ხელისუფლება დაეპატრონა და მგზავრები უბოდიშოდ ნაპირზე გადასხეს. სიჩქარე, რომლითაც იაპონელებს ჯარისკაცები გადაჰყავდათ კორეაში, თვალნათლივ მოწმობდა, რომ, დღეს თუ არა ხვალ, ომი გამოცხადებოდა. ჭეკი კი აქ უნდა მჯდარიყო, ჩემულბოდან ასეული მილის დაშორებით. დარწმუნებული, იყო, რომ გემი აღარ იქნებოდა. მას კი გასამრჯელოს იმიტომ უხდიან, რომ ომის შესახებ კორესპონდენციები გადაგზავნოს, მაშასადამე, რადაც არ უნდა დაუჯდეს, უნდა გაგზავნოს. მაგრამ როგორ მიაღწიოს ფრონტამდე? როგორ? ამ დროს მის არსებაში გაიდვიდა მარშალ უელმანის შვილისშვილმა, იმ მარშალ უელმანისა, რომელიც ბავშვობისას თავისივე შეკრული ტივით დაბრუნდა შინ, კლივლენდში, პუტ-ინ-ბეის ყურეში მდებარე კუნძულიდან. ყველაფერი ცხადია, უნდა დაიჭირავოს ადგილობრივი ღია ჯონკა, გადაცუროს ყვითელი ზღვა შემდეგ კი კორეის ნაპირების დაყოლებით ჩემულბომდე მიაღწევს!

თერმომეტრი თოთხმეტ გრადუსს უჩვენებდა ნულს ქვემოთ. არა-
უშავს, კლონდაიკში სამოციის გადატანაც უხდებოდა. ქარი, რომე-
ლიც ყვითელ ზღვაზე ლმუოდა, ლინდერმანის ტბისაზე უფრო საშიში
როდი იყო. განსაკვიფრებლად გაბედული, თავზებელაღებული
მოქმედება იყო, თუმცა არა იმაზე უფრო თავზებელაღებული და გა-
ბედული, თორმეტი წლისა რომ დაცურავდა სან-ფრანცისკოს ყურე-
ში მძვინვარე სამხრეთ-დასავლეთის ქარის დროს ძირგახვრეტილი,
დანჯღრეული ნავით. ეს გზა ნაკლებ ძნელი და საშიში კი არ იყო
იმ გზებზე, რომლებითაც ვიკინგები სარგებლობდნენ ღია ნავით
ატლანტის ოკეანის გადაცურვის დროს. მით უკეთესი! ჩეკმა სწრაფ-
მავალი ჯონკა შეიძინა, დამხმარედ სამი მამაცი კორეელი დაიჭირავა
და ჩემულბოსაქენ გასუკრა.

„მეტისმეტად გიუფრი წამოწყებაა, მაგრამ რარიგ ზორბაა! ეჰ, ნე-
ტა ახლა ჩემთვის შეშოგახედათ! მე კაპიტანი ვარ, ჩემი ეკიპაჟი
სამი კორეელისაგან შედგება, რომელთაც ინგლისურის ინჩიბინჩი
არ გაეგებათ. შელამებამდე კუნსანში ჩავედით, მაგრამ ანძის გა-
რეშე, საჭის სამართიე მწყობრიდან გამოვიდა. კოკისპირულად
წვიმს, ხოლო ქარი ძვლებამდე ატანს. უნდა გენახათ, როგორ მე-
ფერებოდნენ, — ხუთი იაპონელი ქალიშვილი მეხმარებოდა ტანისა-
შოსის გახდაში; აბაზანის შემდეგ დასაძინებლად წამიყვანეს და
თანაც ერთმანეთს ესიტყვებოდნენ ჩემი ლამაზი თეთრი კანის შესა-
ხებ“.

კვლავ ზღვაში! ექვსი დღე-ღამე გამყინავ სიცივეში; შტორში გა-
შმაგებით აქეთ-იქით ისვრის პაწაწინა გემს; ყოველ წუთს მოსა-
ლოდნელია დაღუპვა. მხოლოდ მაყალთან თუ შეძლებდა კაცი გათ-
ბობას, მაგრამ მაყალის ბოლი საწამლავის უფრო მეტ ღოზას შე-
იცავდა, ვიდრე ცივი ნაციონალური საქმელები, რომლებითაც, ნებ-
სით თუ უნებლიეთ, მაინც უხდებოდა საზრდოობა. ფეხის არც ერ-
თი კოჭი ჯერ კიდევ მორჩენილი არ ჰქონდა და ჯონკა, ასე ვთქვათ,
ნახევრად ხეიბარს მიჰყავდა. თუ რა მდგომარეობაში იყო, როცა ჩემ-
ულბოს მიღწია, ამის შესახებ ნათელ წარმოდგენას გვაძლევს ერთი
ინგლისელი ფოტოგრაფი, რომელიც იქ უკანასკნელი გემით ჩა-
სულიყო:

„როცა ლონდონი ჩემულობაში გამოჩნდა, იგი ვერ ვიცანი. ყურები, თითები და ფეხები მოყინული ჰქონდა. დავარდნილ ადამიანს ჰგავდა. მაგრამ მისთვის ეს არაფერს ნიშნავდა: სამაგიეროდ, ფრონტს მიაღწია. უნდა ვაღიარო, რომ ყველა იმ მამაკაცს შორის, რომელთაც ჩემს სიცოცხლეში შევხვედრივარ, ჯეკ ლონდონი ყველაზე უფრო თავზეხელაღებულია. ვაჟკაცობაში იგი არ ჩამოუვარდება თავისი რომანების არც ერთ გმირს“.

ჯეკმა შეიძინა ცხენები, ისწავლა ცხენოსნობა; ხელზე მოსამსახურეები და „მაპუ“ (მეჭინიბე) დაიქირავა და გზას გაუდგა. კორეის გასწვრივ, ჩრდილოეთისაკენ, რუსეთის ჯარის განლაგებისაკენ. გზები ყინულითა და ტალახით იყო დაფარული. ყოველდღე, საღამომდე, უნდა გადაესწრო იაპონელი ჯარისკაცებისათვის, და სოფელში პირველი შესულიყო, თორემ ღამის გასათევ ადგილს ვერ იშოვიდა.

ჩამდენიმე კვირის განმავლობაში, ფორსირებული მარშის შემდეგ, რომლის დროსაც ჯეკი წარმოუდგენელ გაჭირვებებს განიცდიდა, როგორც იქნა, ფხენიანს მიაღწიეს. ჩრდილოეთისაკენ ასე ღრმად ჯერ არც ერთ სამხედრო კორესპონდენტს არ მიეღწია. აქ ჯეკი ერთი კვირა საპყრობილეში ჰყავდათ. კორესპონდენტებმა, რომელნიც ჯერ კიდევ მხიარულად ატარებდნენ დროს ტოკიოში, საჩივრით მიმართეს იაპონიის მთავრობას, გაზეთების ბრაზმორეული გამოცემლები დორბლებსა ჰყრიდნენ და დეპეშას დეპეშაზე აგზავნიდნენ შეკითხვებით: რით აიხსნება ის, რომ ჯეკ ლონდონი აგზავნის კორესპონდენტებს კორეის შესახებ, ისინი კი სდუმან. ჯეკი ფრონტიდან ათი მილის დაშორებით უკან, სეულში, დააბრუნეს და, ტოკიოდან მიღებული ბრძანების თანახმად, სამხედრო სატელეგრაფოში ჩასვეს ნებართვის გარეშე არმიასთან მგზავრობისათვის.

სხვა სახელმწიფოებისადმი მეგობრული განწყობილების დასამტკიცებლად იაპონიის მთავრობამ გადაწყვიტა ფართო ჟესტი გაეკეთებინა. „ჩვენ, ე. ი. იმ თოთხმეტ კორესპონდენტს, რომლებმაც წინააღმდეგობა გაუწვიეთ აქ, ტოკიოში დაყოვნებაზე, ნება დაგვართეს არმიას გავყოლოდით. ეს კუკის კომპანიის მიერ ტუროსტებისათვის ორგანიზებულ ექსკურსიას ჰგავს. გიდეების მოვალეობას

ზედამხედველი ოფიცრები ასრულებდნენ. ვხედავთ მხოლოდ იმას-
რის დანახვის ნებასაც მოგვცემენ, ესე იგი, თითქმის არაფერს.
სწორედ ამაში მდგომარეობს თანმხლები ოფიცრების მოვალეობა.
ასე მაგალითად: ერთხელ ვიიუს კედლებიდან თვალს ვადევნებდით-
ბრძოლას მდინარე იალუზე, მაგრამ აი, გაანადგურეს იაპონელთა-
ერთი ასეული — გაიცა ბრძანება და ჩვენ უკან, ბანაკში, დაგვაბრუ-
ნეს“.

გაზაფხულის დადგომასთან ერთად კორესპონდენტებს ნება-
დართეს მდინარე იალუს მეორე ნაპირზე გადასულიყვნენ. ეკლე-
სიასთან, პატარა წარაფში, ჯარისკაცებმა თითოეულისათვის პატა-
რა კოხტა სახლი ააგეს. ჭეკი ცურაობდა, თამაშობდა ბრიჯს, ბანაკს კი-
მხოლოდ ერთნახევარი მილით შეეძლო დაშორებოდა... იაპონელე-
ბი იმ დროს რუსების სანგრებს ბომბებს უშენდნენ.

ძნელია მუშაობა, როცა მოწინავე ხაზიდან ორმოცი მილის და-
შორებით ტყვესაფით იმყოფები, მაგრამ ჭეკი ყველასფერა აკეთებ-
და, რაც კი შეეძლო. იაპონიის არმია საფუძვლიანად შეაფასა:
„ცოცხალი ძალის შემადგენლობა და იაპონიის არმიის აღკავშულო-
ბა საყოველთაო აღტაცებას იწვევს“; ანალიზი გაუკეთა ამა ფუ იმ¹
მხარის მანევრირებისა და ომის წარმოების ტაქტიკას. გამოაღვა ფო-
ტოგრაფიის გაკვეთილებიც, რომელსაც ბესი უტარებდა. მისი სუ-
რათები — არმია მარშის დროს, სანგრების მომზადება, არმია-
ბანაკად, დაქრილების მოვლა, — პირველები მიიღეს ამერიკაში.
ცხრამეტი კორესპონდენციისა და ასობით ფოტოსურათის გაგზავნის-
შემდეგ, ჭეკს სან-ფრანცისკოში დაბრუნებამდე უნდა ეცადა, რათა-
გაეგო, მიიღო თუ არა ისინი „ექზამინერმა“.

„აღმაშფოთებელია! არასდროს აღარ წავალ იმ ომში, რომელ-
საც აზიელები აწარმოებენ. ზომაზე მეტ უსიამოვნებას გადაეყრე-
ბი. არც ერთ ომში კორესპონდენტებს ასე არ ეპყრობიან“. ივნისში-
მზად იყო შინ დაბრუნებულყო; დროის უნაყოფო დაკარგვას
აზრი აღარ ჰქონდა: „მეტად მალიზიანებს. ის უმწეო მდგომარეობა,
რომელშიც ვიმყოფები. არავითარი შესაძლებლობა არ არის ვიმუ-
შაო ისე, როგორც მინდა. მხოლოდ ის მანუგეშებს, რომ დეტა-
ლურად გავეცანი აზიის გეოგრაფიას და ადგილობრივ მცხოვრებ-
თა თავისებურებებს“.

უკან დაბრუნების სურვილმა კიდევ უფრო მეტად მას შემდეგ შეიპყრო, როცა კინაღამ სამხედრო სასამართლოში არ ამოჰყო თავი. ერთხელ მისი „მაჰუ“ არმიის შტაბში გამოცხადდა ცხენებისათვის ფურკაჟის მისაღებად, მაგრამ ერთი კორეელის მიზეზით, ყველაფერი სრულად ვერ მიიღო, რაც ერგებოდა. ჭეჭს ამ კორეელზე ისედაც დიდი ხანია ეჭვი ჰქონდა აღებული და ახლა ბრალი დასდო ქურდობაში. ამის საპასუხოდ კორეელმა დანა მოუქნია, მაგრამ ჭეჭმა ერთი შემოკვრით იგი მიწაზე დაანარცხა. ჭეჭს უბრძანეს სასწრაფოდ გამოცხადებულყო გენერალ ფუჯისთან, რომელიც მას მკაცრი სასჯელით დაემუქრა. ცნობამ, ჭეჭ ლონდონს გასამართლება მოეღისო, ტოკიომდე მიადწია, სადაც იმყოფებოდა რიჩარდ ჰარდინგ დევისი და განცხრომაში ატარებდა დროს. დევისმა ელვის სისწრაფით უდებეშა პრეზიდენტ რუზველტს, რომელმაც თავის მხრივ იაპონიას მკაცრი პროტესტი განუცხადა. გენერალმა ფუჯიმ განკარგულება მიიღო ტუსადი გაენთავისუფლებინა. ჭეჭი დაბრუნდა ტოკიოში, სადაც კორესპონდენტები, უკვე ოთხი თვე იყო, არმიის თანხლების ოფიციალურ ნებართვას ელოდებოდნენ. დევისმა იოკოჰამამდე მიაცილა ჭეჭი და აღუთქვა, ერთი გასროლაც რომ გავიგონო, მაშინვე სამშობლოში დავბრუნდებიო. ამდენი ხანი აქ უსაქმოდ გაატარო და ერთი გასროლის ხმაც ვერ გაიგონო — ეს უკვე მეტისმეტია.

„ერთადერთი იმის იმედითა დამრჩენია, რომ რეპუტაცია სხვა ომში, თეთრკანიანთა არმიაში აღვიდგინო“, — წუწუნებდა ჭეჭი. სიმართლე რომ ითქვას, იგი სულ ტყუილად სწუხდა: თავისი მოგზაურობიდან მან მეტი კორესპონდენციის გამოგზავნა შეძლო, ვიდრე სხვა რომელიმემ; სენსაციური მასალები იშოვა, განსაკუთრებით ფოტოგრაფიული. გაზეთის რედაქციაში სავსებით კმაყოფილი იყვნენ მისი მუშაობით.

აღმოსავლეთისაკენ ეს „თავშესაქცევი გასეირნება“ დიდმნიშვნელოვანი იყო იმითაც, რომ გაზეთის კონცერნმა მისი სტატიებში თვალში მოსახვედრი სათაურებით აღჭურვა. ამას დაემატა „წინაპართა ძახილს“ წარმატებაც და ჟურნალ „საუკუნის“ მიერ „ზღვის მგლისადმი“ მიძღვნილი ეფექტური რეკლამა... ერთი სიტყვით, სან-ფრანცისკოში მისი დაბრუნებისას იგი უკვე ყველაზე ცნობილი მწერალი იყო ამერიკაში.

ჩვენი დარწმუნებული იყო, რომ ემბარკადეროსთან გემიდან გადმოსულს ხელგამოწვლილი შეეგებებოდა მისს კიტრეჯი. ამის ნაცვლად ხელგამოწვდილი დაუხვდა სასამართლოს მოხელე, რომელსაც ბესის განცხადების ასლი ეჭირა განქორწინების შესახებ. „ეკზამინერიდან“ სამხედრო კორესპონდენტობისათვის კუთვნილ პონორარზე ყადაღა დაედოთ ბესისავე მოთხოვნით. ჩვენი შეწუხდა; ეს მისთვის მეტისმეტად დიდი თავზარი იყო. განაგრძო კითხვა, მაგრამ საკუთარ თვალებს არ დაუჭერა; გული გადაუტრიალდა: ოჯახური განხეთქილების მიზეზად ბესი ანა სტრუნსკაიას ასახელებდა!

ბესიმ განქორწინება მოიწადინა; ჩვეის სურვილიც ხომ ეს იყო, მაგრამ ანა სტრუნსკაიას ამ საქმეში ჩათრევა, ანასი, რომელიც უკვე ორი წელიწადია, რაც არ უნახავს!.. როცა ჩვენი გონს მოეგო, შევებით ამოისუნთქა: თურმე ბესი ანას სერიოზულ შეცოდებაში კი არ სდებდა ბრალს, არამედ მხოლოდ იმას ამტკიცებდა, რომ „კემპტონისა და უეისის მიმოწერაზე“ მათი ერთდროული მუშაობა შეიქმნა ცოლისადმი ჩვეის გულგრილობის მიზეზი.

მისს კიტრეჯი არ დახვედრია. მის ნაცვლად ელიზა შეეგება დასტა წერილებით. „ერთი მათგანი აიოვას შტატის ქალაქ ნიუტონიდან იყო; მისს კიტრეჯი თურმე იქ ცხოვრობდა ნათესავებთან. „ვშიშობ გული გაგიტყდება; როცა გაიგებ, რომ კალიფორნიაში არა ვარ, — წაიკითხა ჩემმა. — ყოველთვის, როცა კი თავში გამიელვებს, რა შეიძლება მოხდეს ამ თვეში, სულ უფრო და უფრო მიპყრობს შიში. სამარცხვინო გამჟღავნება, საშინელება, ჩემთვის ძვირფასი ადამიანების აფორიაქება! ასე იმიტომ კი არ გწერ, რომ შენდამი გრძნობა გამინელდა, ჩემო ძვირფასო. პირიქით, მას შემდეგ რაც ჩვენ ერთმანეთი შეგვიყვარდა, შენზე ისე გაგიყებულნი, როგორც ამ წუთში ვარ, ჯერ არ ვყოფილვარ. მაგრამ სხვებისა და ჩემთვისაც სჯობს კეთილგონიერება შევინარჩუნო“.

ჩვენი გაბოროტებული, აღშფოთებული და განაწყენებული იყო. პიედმონტში ბესისთან მისვლისთანავე გოგონებს ჩაეკონა და თანაც გაიფიქრა „შტორმსა და სიცივეში ეყო ვაჟკაცობა ღია ჯონკით ყვითელ ზღვას შებმოდა, მაშ ახლა რატომ არ უნდა მოიკრიბოს ძალღონე და არ დაიკვას ცოლისადმი ერთგულება, მისადმი მოვალეობა, თუნდაც მაშინ, როცა სხვებ შეიყვარა?“

მეორე დილით მთელ ამერიკას მოედო ცნობა, რომ ბესი ლონდონი ქმარს ეყრება, რადგან ჯექმა თურმე იგი ანა სტრუნსკაიაზე გასცვალაო. სან-ფრანცისკოს გაზეთებიც ასეთი მყვირალა სათაურებით გამოვიდნენ. ამიერიდან მთელი მისი ცხოვრება, თვით უმნიშვნელო და იღუმალი წვრილმანებიც კი, გაზეთების ნადავლი გახდა. რეპორტიორების მიერ გამოუვალ მდგომარეობაში ჩაყენებულმა ჯექმა წამოიძახა: „მე მხოლოდ ერთი წვრილმანი მალეღვებს: აქ დასახლებულა ანა სტრუნსკაია, იგი კი ისეთი ადამიანია, რომელსაც შეუძლია ყველაფერი გულთან მეტად ახლოს მიიტანოს“.

„მე განცვიფრებული ვარ, — განუცხადა რეპორტიორებს მისს სტრუნსკაიამ. — უკანასკნელი ორი წლის განმავლობაში მისტერ ლონდონს სულ ორჯერ თუ შევხვდი, რადგან ხან ევროპაში ვცხოვრობდი და ხან — ნიუ-იორკში. ლონდონებთან სტუმრად ვიყავი ორი წლის წინ და მაშინ სიტყვაც არავის დაუძრავს, ცოლ-ქმარი ლონდონები ერთმანეთს ვერ ეგუებინაო“. როცა 1937 წელს ბესის შეეკითხნენ—რატომ დაასახელე სასამართლოში ანა სტრუნსკაიაო, მან უპასუხა, რომ ნანობს თავისი შეცდომის გამო. „ვიცი, რომ ჯექი თავს არ დამანებებდა, სხვა რომ არ შეეყარებოდა და ვერ წარმომედგინა, ვინ უნდა ყოფილიყო იგი, თუ არა ანა სტრუნსკაია“.

ჯექს დიდხანს არ დასჭირდა ცოლთან იმის მტკიცება, რომ მათ განხეთქილებასთან ანას არავითარი კავშირი არა აქვს. რაკი ამაში დარწმუნდა, ბესიმ მოითხოვა, რომ სტრუნსკაია სასამართლო პროცესზე არ ეხსენებინათ. ჯექმა აუხსნა მას, თუ, მისი ვეჭილის რჩევით, ბესი მოითხოვს ქმრის ყოველგვარ შემოსავალს დაედოს ყადაღა, მაშინ თანხის უდიდეს ნაწილს იურისტები წაიღებენ, ბავშვებს კი თითქმის აღარაფერი დარჩებათ. მთლად გაჭაღარაგებულმა, დარდიანმა, საშინლად შეურაცხყოფილმა ბესიმ ჯექს ჰკითხა, შეუძლია თუ არა პიედმონტში აუშენოს სახლი; მაშინ იგი უფრო დამშვიდებული იქნება, რადგან ბავშვებს საიმედო თავშესაფარი ექნებათ. ჯექმა აღუთქვა სახლის აშენება. მაშინ ბესიმ მოხსნა ყადაღა, საჩივრის ფორმულირებაც შესცვალა და განქორწინების მოტივად მხოლოდ ის დაასახელა, რომ იგი ქმარმა მიატოვა. „მთელი ჩემი სიმტკიცის გამოჩენა დამჭირდა, რომ ბავშვების გამო გადაწყვეტილება არ შემეცვალა. უკანასკნელი ორი დღე ჩემთვის იმ-

დენად მტანჯველი აღმოჩნდა, რომ თითქმის მზად ვიყავი, თავი შეემეწირა გოგონებისათვის“.

ამის ნაცვლად მან ბესის შეატყობინა, რომ ის „სხვა“ ჩარმიანა კიტრეჯია. ბესი მძიმე დუმილით შეხვდა ამ ამბავს და ისღა უთხრა, მისს კიტრეჯის დანახვაც კი აღარ მსურსო.

ივლისში ჯეკი გლენ-ელენში წავიდა, ნინეტა ეიმსისაგან პატარა სახლი დაიქირავა და მისს კიტრეჯის დაბრუნებას დაელოდა. შიილო თუ არა წერილი, რომლითაც ჩარმიანი სამგზავრო ფულის გამოგზავნას სთხოვდა, ჯეკმა ოთხმოცი დოლარის ჩეკი გაუგზავნა. საპასუხო წერილში ჩარმიანი მაინც ატყობინებდა, რომ სკანდალისა ეშინოდა. ბოლოს ჯეკი გაცხარდა: „ეს საძაგლობაა. ვილაცა პატიოსნად არ იქცევა. ედუარდსა და ნინეტასაც ველაპარაკე; ორივე დაწმუნებულია, რომ ბესისაგან საშიში არაფერია. ჩემი ჩეკით ედუარდმა ფული მიიღო და გადმოგიგზავნა“... შემდეგ ამას მოსდევს აღშფოთებული ტონით დაწერილი ათი გვერდი, რომელიც გამსკვეალულია „ღრმა სიძულვილით“ ნინეტა ეიმსისა და ედუარდ პეინისადმი. ეს იყო სიძულვილით გამოწვეული პირველი აფეთქება. ამას მეორე, მესამე და კიდევ ბევრი მოჰყვა და თითოეულმა მძიმე კვალი დატოვა ჯეკის არსებაში.

ერთადერთი, რაც მას ახარებდა ზატხულის ამ ცხელ დღეებში, ეს „სპრეით“ შორ მანძილზე გასეირნება იყო. „ეი, ჯეკ, როგორაა საქმეები კორეაში?“ — დანახვისთანავე შესძახოდნენ მას ყმაწვილები. ჯეკმა დაიბარა მანიუნგი, რომელიც ერთჯერად ემსახურებოდა კორეაში. როცა ბიჭი ჩამოვიდა, ჯეკმა მეთექვსმეტე ქუჩისა და ბროდვეის კუთხეში დაიქირავა ხალვათი ბინა, წესიერების გულისათვის ფლორა იქ ჩაასახლა და თვითონაც მასთან გადავიდა. იმიტბედნიერს, რომ შვილში აღარავინ შეეცილებოდა, ფლორას დაავიწყდა, როგორ ეჩხუბებოდა ჯეკს, როცა მან ბესის თავი დაანება. ფლორამ ახალ ბინაში მოიკალათა, როგორც მომხიბლავმა დიასახლისმა, ხოლო მანიუნგი სისუფთავეს იცავდა და „პატრონისათვის“ საჭმელ-სასმელს ამზადებდა.

ჯეკის სიცოცხლეში ეს ერთ-ერთი ყველაზე უფრო უსიხარულო და უსარგებლო პერიოდი იყო. იგი უბედურად გრძნობდა თავს, ბავშვებიც დაკარგა და დიდი უსიამოვნებაც მიაყენა ბესისა და ანასს.

გაპირვების დროს აღარც ჩარმიანი ამოუდგა მხარში. კორეაში მუშაობისაგან სასიკეთო არაფერი გამოვიდა, ამოდ ჩაუარა ჯანმრთელობისა და დროის დაკარგვამ. გონების დაძაბვას შედეგი არ მოჰქონდა, წარმოსახვაც თითქოს გამოეფიტაო. არც დიდი იდეებთ გააჩნდა და არც შინაგანი წვის ძალა, რაც ასე აუცილებელია რაიმე ღირსშესანიშნავის ჩასათქმურებლად და განსახორციელებლად. „უკვე უაზროდ დავებეტები ამ ქვეყანაზე, უსიამოვნებას ვაყენებ ყველას, ვისაც კი ვიცნობ, — სასოწარკვეთილი სწერდა იგი ანა სტრუნსკაიას. — უკვე ის აღარა ვარ, რაც ვიყავი. ჩვენი შეხვედრის გარიჟრაჟზე მატერიალისტი ვიყავი, მაგრამ ოპტიმიზმი ალამაზებდა ჩემს ცხოვრებას; ახლა კი სწორედ ეს აღარ გამაჩნია“.

მოკლე მოთხრობების მეოთხე კრებული, რომელიც მაკმილანმა 1904 წლის აპრილში გამოსცა სახელწოდებით „ადამიანისადმი რწმენა“, ისე სწრაფად გაიყიდა, რომ საჭირო შეიქნა მისი ხელახლა გამოშვება ჯერ იენისში და, ახლა კიდევ აგვისტოში; მაგრამ ავტორი ამანაც ვერ წაახალისა. იგი დაეთანხმა ჟურნალ „ნაციას“ კრიტიკოსს, რომელმაც სინანული გამოთქვა, რომ ასეთ შესაძლებლობათა მქონე ადამიანი მთელ თავის დროს ყინულოვან ჩრდილოეთში ატარებსო. იგი გონებრივად და ფიზიკურად გამოიფიტა, გონება და სხეული აღარ ემორჩილებოდა. ყოველივე ამას თან დაერთო გრიპი... გრიპის შემდეგ კანის ნერვიული ქავილი აუტყდა, რაც ნაშღვეილი ტანჯვა იყო. ვახდა, მოეშვა, ნერვები მოეშალა, ჩაიკეტა — არა მარტო იმიტომ, რომ უქეიფოდ იყო, უგუნებობის გამოც.

აგვისტოში ჯეკმა ათას ექვსას დოლარად პიედმონტში მიწის ნაკვეთი შეიძინა. ბესისაგან შეიტყო, როგორი სახლი სურდა, მოიწვინა არქიტექტორი და თვალყურს ადევნებდა მუშაობის მიმდინარეობას. კორეიდან დაბრუნების შემდეგ „საუკუნემ“ და „ეკზამინერმა“ მის სახელზე ბანკში ოთხი ათასი დოლარი გადაარიცხეს. მთელი ეს ფული და აგრეთვე მიწის ნაკვეთის დაგირავებით აღებული მნიშვნელოვანი თანხა სახლის მშენებლობას დასჭირდა; ჯეკი ისევ მშრალზე დარჩა. შეუძლებელი იყო, რომ მისი რკინისებური დისციპლინა გულგატეხილობის შემოტევას ჩაეხშო. იგი მუშაობას დაეწაფა. ვიდრე კორეაში იყო, ათობით წიგნს მოესწრო გამოსვლა, საჭირო იყო მათი წაკითხვა! სტატიებს ამზადებდა გაზეთებისა და

ჟურნალებისათვის, მოხსენებებს ახლომახლო არსებულ ყველა სოციალისტური ორგანიზაციისათვის, სიტყვებს კლუბებისა და ეკლესიებისათვის (უსასყიდლოდ), რათა გაეთვითცნობიერებინა ხალხი და ამით რევოლუცია დაეჩქარებინა. ამავე დროს შეუდგა მოთხრობის წერას მოკრივეთა ცხოვრებიდან სათაურით „თამაში“. დაიწყო თავისი პირველი პიესა („ქალის უგულვებელყოფა“), რომელსაც საფუძვლად დაუდო ერთ-ერთი თავისი მოთხრობა ალასკის შესახებ. საჩაროდ კითხულობდა ნაწყვეტებს რომანიდან — „ჯურღმულის ადამიანები“ და „კლასთა ბრძოლა“. ნერვიული ქაილი შეუწყდა და ძველებურად დაიწყო ოთხშაბათობით თავისი მეგობრების მიღება, მათთან ერთად ცურაობდა პიედმონტის აუზში და მონაწილეობდა პიკნიკებში. გამმაგებით მუშაობდა და ერთობოდა, რათა არ ეფიქრა თავის მძიმე სულიერ განწყობაზე. მაგრამ ყარგად კი მუშაობდა? ამაზე თავს აღარ იტყუებდა: „უწინდებურად გულმოდგინედ ვმუშაობ „თამაშზე“. ვფიქრობ — კარგი არაფერი გამომივა, მაგრამ მუშაობა ჩემთვის მაინც სასარგებლოა. „ქალის უგულვებელყოფა“, ღმერთმა უწყის, რა გამოვა, თუმცა უფრო დიდ რამეზე მაინც ვერ ვაუბედავ ჟერჯერობით მუშაობას“.

მისი ერთადერთი საყრდენი ბრეტი იყო. წინასწარი გაყიდვით ოქტომბრის დასაწყისისათვის „ზღვის მგლის“ ოცი ათასი ეგზემპლარი უკვე გაყიდული იყო და ამის საფუძველზე ბრეტმა ის თანხა, რომელსაც ყოველთვიურად უგზავნიდა ჯეკს, ორას ორმოცდაათ დოლარამდე გადაიღა. იგი გამუდმებით არწმუნებდა ჯეკს, რომ ეს მართლაც შესანიშნავი ნაწარმოებია, ხოლო ნოემბრის დასაწყისში შესანიშნავი ამბავი აცნობა: ბაზარზე წიგნის გამოსვლამდე „ზღვის მგელი“ წიგნის მალაზიებს ორმოცი ათასზე მეტი შეესყიდათ. ეს ლონდონის მეათე წიგნი იყო, რომელიც ამ ოთხი წლის განმავლობაში გამოიცა. დეკემბერში ბრეტმა სამი ათასი დოლარის ჩეკი გამოუგზავნა, რომელიც, ჯეკის აზრით, აუცილებელი იყო დამზღვევი კომპანიისაგან აღებული სესხის და ჰხვადანსხვა კრედიტორებისა და ნაცნობთა ვალების დასაფარავად.

მოწმენდილ ცაზე მეხის გაეარდნას ჰგავდა „ზღვის მგლის“ გასასყიდად გამოსვლა. თვალის დახამხამებაში იგი ყველაზე მოდური

წიგნი გახდა ახალ წიგნებს შორის; ყველგან მხოლოდ მასზე ლაპარაკობდნენ: ზოგნი აქებდნენ, სხვები აძაგებდნენ. ბევრი მკითხველი განაწყენებული იყო, კიდევ უფრო მეტიც, შეურაცხყოფილი ავტორის პოზიციით. სხვები გაბედულად გამოდიოდნენ მის დასაცავად. რაც შეეხება კრიტიკოსებს, ზოგი მათგანი მას ულმობელ, უხეშ, ერთი სიტყვით, უხამს ნაწარმოებად იხსენიებდა. მაგრამ მეორე — უმეტესი ნაწილი — ერთხმად ამტკიცებდა, რომ ეს ნაწარმოები „იშვიათი და თვითმყოფი ტალანტის გამოვლენაა და თანამედროვე მხატვრული ლიტერატურა უფრო მაღალ დონეზე აპყავს“. „ზღვის მგლით“ დაიწყო ახალი, უმნიშვნელოვანესი ხანა ამერიკულ ლიტერატურაში; ეს მარტო მძლავრ რეალისტურ ელერადობას ანდა ფიგურათა და სიტუაციების სიმრავლეს კი არ მიეწერება, რაც მისთვის აქამდე უცნობი იყო. იგი ახალ ტონს აძლევს თანამედროვე რომანს და მას უფრო მეტ სიფაქიზეს, სირთულესა და სერიოზულობას მატებს. კიდევ რამ აიძულა ამერიკელები განეცადათ ეს მღელვარებით აღსავსე მოლოდინი, სადაც სიკვდილის საშიშროება ისე საშინლად და თანაც მომხიბვლელად გამოიყურებოდა, როგორც ეს მგელ ლარსენსა და ხემფრი ვან ვეიდენს შორის ორთაბრძოლაშია გემ „მოჩვენების“ გემბანზე — სულიერ და მატერიალურ საწყისებს შორის ამ ორთაბრძოლაში? კიდევ სად შეიძლება მკითხველები წააწყდნენ ჩეთ მომწიფებულ ფილოსოფიას, რომელიც მათ თვალწინ გადაუშლის რაღაც ისეთ წარმტაცს, რისთვისაც ეღიწება ბრძოლა? რევოლუცია, რომელიც მეცნიერებმა — მეცხრამეტე საუკუნის კლასიკოსებმა — მოახდინეს, ჭეკმა საფუძვლად დაუდო დრამატულად გაშლილ მოვლენებს; პოპულარულად და საინტერესოდ ჩამოაყალიბა მისი იდეები და ის გასაგები გახდა უამრავი ადამიანისათვის, რომელთაც ჯერ არასოდეს სმენოდათ, რა იყო ევოლუცია, ბიოლოგია ან მეცნიერული მატერიალიზმი. მისი რომანის ფურცლებზე უხილავად მიაბიჯებენ მთავარი გმირები — დარვინი, სპენსერი, ნიცშე. თავის საყვარელ მასწავლებელთა შეხედულებების მხატვრული ნაწარმოების ფორმით გადმოცემასთან ერთად, მწერალი ორი მოსაზრების ცხარე ბრძოლას გვიხატავს აზარტულად, სწორედ ისე, როგორც უფრო მოგვიანებით, ლონდონს თავის შესანიშნავ რომანში „მთვარის ხე-

ობაში" აქვს აღწერილი ვიზელ-პარკში მომხდარი ირლანდიელ ქვის-მთელეთა ცემა-ტყევა.

ბოლოს ჯერ კომანში შეჰყავს ახალი პერსონაჟი — ქალი — და ამით ზიანს აყენებს ნაწარმოებს, რომელიც, მიუხედავად ამისა, ბოლომდე რჩება, როგორც მწერალ-რომანისტის ოსტატობის თითქმის უმწიკვლო ნიმუში. როცა ლიტერატურულმა კრიტიკოსებმა გმირი ქალი არაბუნებრივად, ცხოვრებაში არარსებულად აღიარეს, ჯეკი აღშფოთდა: „მე შემეყვარდა ქალი და მისი პორტრეტი წიგნში ავსახე, კრიტიკოსები კი მარწმუნებენ, თითქოს ცხოვრებაში ასეთები არ არსებობენო“. მან წიგნში არამცთუ მისს კიტრეჯის სახე შეიტანა, არამედ იქ, სადაც მის შესახებ წერს, გამოიყენა ის ისტერიულ-აღვზნებული სტილიც, რომელიც ჩარმიანის წერილებზე პასუხის გაცემის დროს შეითვისა. იქ, სადაც ლაპარაკია მოდ ბრუსტერზე და მის სიყვარულზე ხემფრი ვან ვეიდენისადმი, „ზღვის მგელი“ მეცხრამეტე საუკუნის ლიტერატურისათვის დამახასიათებელი პრანკვა-გრეხის სტილის პირწავარდნილი ნიმუშია; რაც შეეხება დანარჩენ ნაწილს, ის ყველა იმ საუკეთესოს წინაშორბედია, რომელიც მეოცე საუკუნის ლიტერატურას ახასიათებს.

გამოსვლიდან რამდენიმე კვირის შემდეგ „ზღვის მგელი“ მეხუთე იყო „ბესტსელერების“ სიაში ისეთ მოტკბო ნაწარმოებთა შემდეგ, როგორიც იყო: კ. ჩ. გერსტონის „ბერიკები“, ჰოლა კეინის „გზააბნეული შვილი“, ფ. მარიონ კროფორდის „ვინ გაბედავს კანონის დარღვევას“ და ჯორჯ ბარი მაკაჩინის „ბევერლი გრაუსტარკიდან“. სამი კვირის შემდეგ კი ის პირველი იყო სიაში — ყველა დანარჩენი მეტად შორს ჩამოიტოვა. როგორც იქნა, მეოცე საუკუნემ ჩამოიშორა თავის წინამორბედთა ბორკილები. „ზღვის მგელი“ დღესაც ისევე აღელვებს მკითხველებს და იგი ისეთივე დიდი მოვლენაა მათ ცხოვრებაში, როგორც 1904 წლის ნოემბერში იყო. დრო გადის, ის კი არ ძველდება. ბევრ კრიტიკოსს ის ჯეკ ლონდონის ყველაზე ძლიერ ნაწარმოებად მიაჩნია. მკითხველი, ხელახლა გადაკითხვისას, ისევ და ისევ იხიბლება ამ ნაწარმოებით.

მისს კიტრეჯი აიოვადან დაბრუნდა და ოკლენდში რამდენიმე მალული, მაგრამ თავბრუდამხვევი, შეხვედრის შემდეგ, ნინეტა ეიმსთან გაემგზავრა გლენ-ელენში. ასეთ მგზნებარე შეხვედ-

ჩემს შემდეგში უკვე იშვიათად ახერხებდნენ; ჯეკმა რამდენიმე აღ-
ფრთოვანებული წერილი გაუგზავნა, მაგრამ ბევრი მათგანი და-
უღვერად იყო დაწერილი. ისინი მხოლოდ ახალი ამბებზე აღნუსხ-
ვასლა შეიცავდა. ჯეკი უკვე აღარ იყო გაგიჟებული შეყვარებული,
რომელიც მზადაა სული კოცნაში განუტევეს. მისი გონება ისევ
ახალმა ზღუდეებმა მიიპყრო. მოვლენათა ამ ახალი მიმართულების
შესახებ მისს კიტრეჯი ვვატყობინებს: „ვიცი, რომ ამ რამდენიმე
კვირის განმავლობაში შენი გონება და ინტერესები სხვამ მიიპყრო.
არსებითად, ჩემო ძვირფასო ვაუკაცო, შენ ხომ მხოლოდ და მხო-
ლოდ ბიჭუნა ხარ, რომლის გამოცნობა სავსებით ადვილია. მაგრამ
იმ შეძრწუნებამ, რომელიც გადავიტანე იმ საღამოს, როცა შენ
ქალაქში მოხსენებას აკეთებდი შტრეიკბრეხერებზე, მაიძულა მე-
ტად გულდასმით ჩავთვიქრებულიყავი. მე მოწმე ვიყავი, თუ რო-
გორ ეძებდი მოხსენების შემდეგ მას თვალით დამსწრეთა შორის;
ვხედავდი, როგორ დაუქნიე ხელი; როგორ შეცბუნდა იგი მისთვის
დამახასიათებელი მანერით და უკან დაიხია ყოყმანით. შენი სიგარე-
ტის შეუქზე დავინახე, როგორ მიუახლოვდით ერთმანეთს. ჩემთ-
ვის ცხადი გახდა, რომ თქვენ წინა საღამოსაც ერთად იქნებოდით. აქ
საქმე მხოლოდ იმაში კი არაა, რომ შენ ჩემი ერთგული არა ხარ,—გა-
ნუყოფელი ერთგულება შენთვის უჩვეულოა და, საერთოდ, იშვია-
თად თუ შეხედები ერთგულ მამაკაცს. მე უკვე დიდი ხანია ვვარა-
უდობდი ასეთი ღალატის შესაძლებლობას და ასე თუ ისე რამდე-
ნადმე შევეურიგდი მას. ამ ბოლო დროს შენ მეტად ბედნიერად
გრძნობ თავს, მე კი ვიცი, რომ შენი მხიარული განწყობილება
ჩემი დამსახურება არაა. მაშასადამე, ამაში ვილაცას მიუძღვის
წილი და რაკი ასეა...“

...1905 წელი. ჯეკ ლონდონის სახელით აპრელდა გაზეთების სა-
თაურები: რაც არ უნდა გაეკეთებინა მას, პრესას ყველაფერი
აღელვებდა. ახალი წელი მან მშვიდად და წყნარად დაიწყო — იყო
ლოს-ანჯელოსში, სადაც ადგილობრივი სოციალისტებისათვის ლექ-
ციების წასაკითხად მიიწვიეს. „სასიამოვნოა მისტერ ლონდონის
შეხედვა, — წერდა ვინმე იულიან ჰოტორნი ლოს-ანჯელოსის
„ეჯამინერში“. — იგი უბრალო და გულუბრყვილოა, როგორც ბან-
ჯგვლიანი დათვი—გრიზლი. ჯანმრთელი, სიცოცხლით აღსავსე არა-

ჩვეულებრივი ბუნება განსაკუთრებულად ნათელი და გამჭვირავი გონების საფუძველია; გულთბილია და გულშემატყვიარი, საკუთარი, დამოუკიდებელი შეხედულებები აქვს, რომელთაც გაბედულად გადმოსცემს“. ვერც კი მოასწრო ოკლენდში დაბრუნება, რომ ლიბერალურად განწყობილმა კალიფორნიის უნივერსიტეტის რექტორმა სტუდენტებისათვის ლექციის წაკითხვა შესთავაზა; ეს დიდი პატივისცემა იყო იმ ადამიანისათვის, რომელიც შვიდი წლის წინათ იძულებული იყო უნივერსიტეტისათვის თავი დაენებებინა და ორთქლის სამრეცხაოში დაეწყო მუშაობა. ჯექმა ახალგაზრდა მსმენელებს თავისი ერთ-ერთი ყველაზე მგზნებარე სიტყვით მიმართა. უდიდესი რევოლუცია, რომელიც კი სამყარომ იცის, ამბობდა იგი, მათ თვალწინ ხდება და თუ დროულად არ გამოფხიზლდებიან, ის მოულოდნელად წამოადგებათ თავზე. ლექციის დამთავრების შემდეგ ჯექმა ინგლისური ენისა და ლიტერატურის პროფესორს შესჩივლა, რომ სტუდენტებს მანანის ფაფით ჰკვებავენ. „ამაში ვერ დაგეთანხმებით, მისტერ ლონდონ, — შეეპასუხა ის, — რევოლუციური ლიტერატურის ჩვენს ახალ სიაში შეტანილია „წინაპართა ძახილის“ ერთი თავი“. ირგვლივ მდგომმა პროფესორებმა და მასწავლებლებმა გაიცინეს, ჯექი კი გაწითლდა, რაღაც ჩაიდუღუნა იმის შესახებ, რომ უკვე მოუსწრიათ მის ნაწარმოებთა სავალდებულოდ შემოღება და ხმა ჩაიკმინდა. მეორე დღეს რექტორი საყვედურებით აავსეს, რატომ დართო ჯექ ლონდონს ნება, ექადაგა რევოლუციის შესახებ. „ჩვენ აქ მოვიწვიეთ ადამიანი და არა მისი ლექციის საგანი, — აუშფოთებლად უპასუხა რექტორმა, — ლონდონმა დაიმსახურა ჩვენს წინაშე გამოსვლის უფლება“.

შემდეგ ჯექმა წინადადება მიიღო ლექცია წაეკითხა ქალაქ სტოქტონის საქმოსანთა კლუბში. სწორედ ამ ლექციით მან ისეთი აურზაური გამოიწვია, რომ თავისი გამბედაობითა და წინდაუხედაობით არ ჩამოუვარდებოდა ყვითელ ზღვაში. უძლიერესი შტორმის დროს, ანდა „ჯურღმულის ადამიანების“ შესაქმნელად ლონდონის ჯურღმულებში მოწყობილ „ლაშქრობას“. სტოქტონის გახეთი, თუმცა რამდენადმე მიკერძოებით, მაგრამ დაწვრილებითსა და მეტად ცხოველ ანგარიშს გვაწვდის ამ შემთხვევის შესახებ. იგი ჭკუას არიგებდა ბიზნესმენებს, როგორც დანაშაულის ჩამდენ მოწაფე-

ებს. მე მსურს ვიცოდე, — ეკითხებოდა იგი, — თითოეულმა თქვენ-
განმა იცის თუ არა რამე იმის შესახებ, სახელდობრ რა შეადგენს
სოციალიზმის საგანს. ჭეკმა განუცხადა, რომ მათ ცოტა წაუყითხავთ
და უფრო ნაკლები უნახავთ. იგი მუშტებს ურტყამდა მაგიდაზე და
პაპიროსის კვამლს ბოლქვებად უშვებდა. ყოველივე ამან იმდენად
შეაშფოთა და საქციელი წაუხდინა მის მსმენელებს, რომ ისინი გა-
ოგნებისაგან ადგილზევე გაშემდნენ.

მაგრამ ისინი დიდხანს არ ყოფილან ჩუმად. სიტყვის დასას-
რულს ჭეკმა თავზარი დასცა სტოქტონის საქმოსნებს; მან განაცხა-
და, რომ რუსი სოციალისტები, რომელნიც მონაწილეობას იღებდ-
ნენ 1905 წლის რევოლუციაში და რომლებმაც ბოლო მოუდეს მეფის
ზოგიერთ მოხელეს, მისი ძმები არიან. მსმენელები გააფთრებუ-
ლი ყვირილით წამოცვივდნენ ადგილებიდან. მეორე დილით მთელ
ქვეყანაში გაჰყვიროდა გაზეთების სათაურები: „ჭეკ ლონდონი თა-
ვის ძმებს უწოდებს მკვლელებს რუსეთიდან!“ რა ამბავი დატრიალ-
და! მოითხოვდნენ. რომ ჭეკს უარეყო თავისი სიტყვები. ბობოქ-
რობდნენ გაზეთების მოწინავე წერილები. „იგი ანარქისტია! — გაი-
ძახოდა ერთი, — უნდა დააპატიმრონ და გაასამართლონ, როგორც
სახელმწიფო მოღალატე!“ მაგრამ ჭეკი უდრეკი აღმოჩნდა. რუსი რე-
ვოლუციონერები მისი ძმებია და არვის არ შესწევს ძალა გადაათქმე-
ვინოს ეს აზრი.

საზოგადოება დიდხანს და დაუინებით ცდილობდა მისგან თავი-
სებური ლიტერატურული საკვირველება შეექმნა: ერთადერთი და
თავისებური გენია კალიფორნიიდან. „ხოლო სოციალიზმით, — ამ-
ბობდნენ საზოგადოების მესვეურნი, — იგი მხოლოდ ერთობა. რამ-
დენადმე ფიცხი და თავშეუყავებელია? მერე რა — სამაგიეროდ,
ორიგინალურია. სოციალისტური თეორიები მხოლოდ ეჩინიანობით
მოსდის, ეს მალე გაუვლის“. ამიერიდან მისთვის ყველა კარი
ყრუდ დაიკეტა, თითქოს ისევ მაწანწალა ყოფილიყოს „დიდი გზი-
დან“. მას უკვე აღარ ეპატიებოდნენ, როგორც თვითონ ამბობდა,
„საამო საღამოს ჩაიზე“, ანდა დიდ წვეულებებზე, სადაც მეტისმე-
ტად თავდაპერილ, გახამებულ პერანგიანთა შორის იგი ცხადდებოდა
გაუხამებელ თეთრ პერანგში და აფრიალებული ჰალსტუხით. ბოლოს
და ბოლოს საზოგადოებამ დაასკვნა, რომ იგი არ ხუმრობდა, როცა

ისე ლამაზად ლაპარაკობდა სასადილო მაგიდასთან მათზე, როგორც ხავსმოდებულ კლასსა და პარაზიტულ ხორცმეტეებზე.

სკანდალი ჯერ კიდევ არ მინელეპულიყო, რომ ჯექმა ხელახლა წარმოთქვა სიტყვა. მან ახსენა, რომ უილიამ ლოიდ-ჰარისონმა 1856 წელს დაგმო მონობა და განაცხადა: „ეშმაქსაც კი წაუღია კონსტიტუცია!“ უფრო გვიან იგივე გაიმეორა გენერალმა შერმან ბელამ, როცა იგი ანგარიშს უსწორებდა გაფიცულებს. მეორე დღით ჯექი ისევ გახდა იმ დღის გმირი. „ეშმაქსაც კი წაუღია კონსტიტუცია“, — ამბობს ჯექ ლონდონი“, — გაჰყვიროდნენ ასობით გაზეთები კალიფორნიიდან ნიუ-იორკამდე. ჯექმა ყოველგვარი ზომები მიიღო, რათა განემარტა, რომ იგი არაა ამ სიტყვების ავტორი, მაგრამ გაზეთებს რაში ენადვლებათ გახმაურებული სტატია ზიანს მიაყენებს ვინმეს თუ არა!

ბრმა ფანატიკოსების მიერ ადამიანის გაბიაბრეების ნებართვასთან ერთად; ბეკდვის თავისუფლება უფრო ჰქვიან ადამიანებსაც აძლევდა შესაძლებლობას თავისი აზრი გამოეთქვა. რადიკალობისაგან შორს მყოფ სან-ფრანცისკოს „ბიულეტენში“ ჯექმა წაიკითხა: „მგზნებარე გულახდილობა და სიძულვილი ბოროტებისადმი, აი, რა ღვივის ახალგაზრდა ჯექ ლონდონის რევოლუციურ გულში, — ეს კი ისევ იგივე „ბოსტონის ჩაის სმის!“ სულისკვეთებაა. საბოლოოდ ეს სულისკვეთება რესპუბლიკას შეუნარჩუნებს რაც კი საუკეთესო გააჩნია, ვინაიდან იგი ეწინააღმდეგება ერთხელ და სამუდამოდ დადგენილ მონური მორჩილების უაზრო სულისკვეთებას; გონებრივი სიბადრუკე და ეგოიზმი — აი, რას ემყარება მონური ქედმოხრილობა“.

რამდენიმე დღის შემდეგ იმ საშუალო სკოლის სადისკუსიო კლუბმა ოკლენდში, რომელშიც ჯექი სწავლობდა, ლექციის წაკითხვა სთხოვა. ამის გაგებისთანავე სკოლის დირექტორმა უარი განაცხადა კლუბისათვის სკოლის შენობის დათმობაზე. გაზეთებმა ეს

1. „ბოსტონის ჩაის სმა“ — ერთ-ერთი ეპიზოდია, რომელიც წინ უძღოდა ამერიკელი ხალხის ომს ინგლისელებთან დამოუკიდებლობისათვის. 1773 წელს ამერიკის ქალაქ ბოსტონის მოქალაქეები თავს დაესხნენ ჩაით დატვირთულ ინგლისურ გემს და, სავადასახადო უღლისადმი პროტესტის ნიშნად, ზღვაში გადაყარეს მისი მთელი ჩამოტანილი საქონელი.

შემთხვევაც თითზე დაიხვიეს და კალიფორნიამ ისევ დაიწყო განსჯა, ვინაა მართალი და ვინ მტყუანი. „შესაძლოა თვით სოციალიზმს აქვს ყველა ის ნაკლი, რომელსაც მას მიაწერენ, — გესლიანად განაცხადა სან-ფრანცისკოს გაზეთმა „პოსტმა“, — მაგრამ სოციალიზმის პროპაგანდის საუკეთესო საშუალება სწორედ მისი პროპაგანდის აკრძალვაა“.

ფართო აღიარებას, რაც მისი მეოხებით მიიღო სოციალიზმმა ამერიკაში, ჯეკი ალტაცებაში მოჰყავდა. ამას გარდა, ეს უფასო რეკლამაა, რაშიაც, ვინ იცის, რამდენი ათასი უნდა გადაეხადა, თუკი მას თვითონ შეუქვეთდა. გაიზარდა მოთხოვნა მის წიგნებზე, ყველგან იყიდებოდა „ზღვის მგელი“, „წინაპართა ძახილი“ და „ჯუ-რღმულის ადამიანები“. ყველგან კითხულობდნენ და ყველა მსჯელობდა მათ შესახებ. შეგეძლოთ არ დათანხმებოდით მის იდეებს დემოკრატიის ეკონომიურ საფუძველზე დამყარების შესახებ, შეკამათებოდით მეთოდებზე, რომელთა მეშვეობითაც ჯეკს რევოლუციური იდეები შეჰქონდა ამერიკულ ლიტერატურაში, მაგრამ უკვე შეუძლებელი იყო იმ ფაქტის უარყოფა, რომ იგი ამერიკის ახალგაზრდა წამყვანი მწერალი იყო. ხოლო მტრები, პირიქით, ეხმარებოდნენ მას ამის მიღწევაში.

გამწვაებულ აურზაურის დროს, რომელიც ჯეკ ლონდონის სოციალისტური შეხედულებების გარშემო გაიმართა, მაკმილანმა მისი „კლასთა ბრძოლა“ გამოუშვა. წიგნმა ისეთი ინტერესი გამოიწვია, რომ ივნისსა, ოქტომბერსა და ნოემბერში საჭირო შეიქნა მისი ხელახლა გამოცემა. განსაცვიფრებელი მიღწევაა, თუ გავითვალისწინებთ, რომ ეს რევოლუციური ნარკვევების კრებული გამოვიდა იმ ქვეყანაში, სადაც დაუნდობლად უარყოფდნენ თვით ისეთი მოვლენის არსებობის ფაქტს, როგორც კლასთა შორის ბრძოლა; სადაც სოციალიზმს დასცილობდნენ, სტულდათ იგი, ურჩხულად, ჯველშეპად გამოსახავდნენ, რომელიც საკუთარ შვილებს ნთქავს. მწერლის ხმა მოგვაგონებდა ხმას მლადებლისას უდაბნოსა შინა, მაგრამ თანდათანობით სულ უფრო მეტი ადამიანი უთმობდა გულისყურს ამ ხმათა ბგერებს; განსაკუთრებით ეს ითქმოდა ახალ თაობაზე, რომელსაც ის-ის იყო გადაელახა ამერიკის პირველმოსახლეთა შეხედულებების ვიწრო ჩარჩოები და დაეწყო იმის შეჯამება, თუ რა უჯდებოდა ხალხს მძიმე მრეწველობის მიღწევები.

ამ თაობისათვის ჯერ ლონდონი უდიდესი ადამიანი იყო; ეს ხალხი მგზნებარე რწმენით ისწრაფვოდა მისი წიგნებისაკენ. ამერიკაში ახლაც ყველგან შეხედვები ადამიანებს, რომელნიც სიამაყით გიამბობენ, რომ ისინი ჯერ ლონდონმა გახადა სოციალისტად. მისი ბრალი სულაც არ არის, რომ მათი სოციალისტური შეხედულებანი ყოველთვის ხანგრძლივი არ აღმოჩნდებოდა ხოლმე!

მარტში ჯექმა ისევ მისცა თანხმობა ოკლენდის მერის თანამდებობაზე სოციალისტური პარტიიდან მისი კანდიდატურის წამოყენების შესახებ და 981 ხმა მიიღო, ე. ი. ზუსტად ოთხჯერ მეტი, ვიდრე 1901 წელს. აპრილში მანოუნგთან ერთად იგი გლენ-ელენში გაემგზავრა, სადაც, უეცრად რობინის მახლობლად, ნინეტა ეიმსისაგან პატარა სახლი დაიქირავა კვირაში ექვს დოლარად. მისის ეიმსმა ხმა დააგდო: ჯექი დედასთან „ოკლენდში მომხდარ უსიამოვნებათა გამო“ დაბრუნდაო. გულუბრყვილო მეზობელი-ფერმერები ვერაფერს ვერ ხვდებოდნენ.

სონომის ოლქში მშვენიერი გაზაფხული იდგა. ჯექს ისევ დაუბრუნდა კარგი განწყობილება და სულიერი სიმხნევე; ზამთრის სევედა დავიწყებას მიეცა. „შაჟმა კატამ“ მისგან ერთი მოთხრობა შეიძინა და ჯექმა მიღებული სამასი დოლარიდან ორას ორმოცდაათი ცხენში მისცა, რომელზედაც დაუღალავმა მისს კიტრეჯმა ოცდაათი მილი — მთელი გზა ბერკლიდან გლენ-ელენამდე — ქენებით გაიარა. სექციებითა და ფიჭვებით დაფარულ ტყის ფერდობზე გავლით ისინი ცხენებით სონომის მთაზე ადიოდნენ და მოღვივნისფრო-წითელი მანსანიტისა და მარწყვის ხეებს შუა მდებარე ბილიკებზე სეირნობდნენ. სუფთა ჰაერი დამათრობელ არომატს აფრქვევდა, ხოლო როცა სავესე მთვარე ამოდითა, ხეობას მოთეთრო მნათი ბურუსი გადაეკვროდა ხოლმე, „ახლა კი ვიცი, რატომ უწოდებენ ინდიელები ამ ადგილს „მთვარის ხეობას“, — შენიშნა ჯექმა.

შემოქმედებითი ძალის ხელახალი სრული გაფურჩქვნის პერიოდში მან „თეთრი ეშვის“ სახელწოდებით დაწერა მოთხრობა, რომელიც „წინაპართა ძახილით“ დაწყებული თემის გაგრძელებას წარმოადგენს. იმის მაგივრად, რომ პირველყოფილი ინსტინქტის ხმას დამორჩილებოდა და ცივილიზებულ სამყაროს გაცლოდა, თეთრი ეშვი მიყრუებულ, მივარდნილ ადგილმდებარეობას ტოვებს, რათა

ადამიანთან იცხოვროს. რა ვუყოთ, თუ ეს წიგნი „წინაპართა ძახილის“ დონემდე ვერ აღის. ის მაინც გულში ჩამწვდომი ლამაზი მოთხრობაა და ადამიანში იმ სასიხარულო მღელვარებას იწვევს, რომელსაც იგი პირველხარისხოვანი ნაწარმოების წაკითხვის დროს განიცდის ხოლმე. ყოველ კვირა ჯეკი მთელი გვერდის მასალას ამზადებდა ლიტერატურის კრიტიკული მიმოხილვის შესახებ ჰერსტის კონცერნისათვის. წიგნის—„პროფკავშირის დელეგატის“ განხილვისას იგი ზოგად მონახაზებში გვაცნობს პროფესიული კავშირების თანამედროვე ბრძოლას დამქვირავებლებთან; მეორე წიგნის დადებითი მხარეების აღნიშვნასთან ერთად, სამარცხვინო ბოძზე აკრავს შრომის პატაგონურ სისტემას; ამ წიგნს ეწოდება „გრძელი დღე“ და მოგვითხრობს იმაზე, თუ რა გაჭირვებას განიცდის ნიუ-იორკში ფაბრიკის მღშა ქალი. ეპტონ სინკლერმა და ჯ. ჯ. ფელპს-სტოკსმა აღმოსავლეთში დააარსეს სტუდენტთა სოციალისტური საზოგადოება და აღმასრულებელი კომიტეტის პირველსავე სხდომაზე მის პრეზიდენტად ჯეკ ლონდონი აირჩიეს. მაკმილანის გამომცემლობამ გამოაქვეყნა ჯეკის მოთხრობა მოკრივეების შესახებ „თამაში“; კრიტიკოსებმა იგი დაგმეს, როგორც უმნიშვნელო და საექვო შინაარსის ნაწარმოები. ჯეკი იძულებული შეიქნა მათთვის გაზეთებიდან ამონაჭრები გაეგზავნა იმის დასამტკიცებლად, რომ ძლიერი დარტყმის შედეგად ხალიჩაზე დაცემულ მოკრივეს მართლაც შეიძლება კეფა დაემსხვრეს.

ზაფხულის სიცხეები ახლოვდებოდა. ჯეკმა ახლაც რამდენიმე დოლარი გადაიხადა და რუ დააგუბებინა, სადაც მეზობლებიც მოდიოდნენ საბანაოდ. ჯეკი დილაობით მუშაობდა, ნასადილევს ცურაობდა და სტკებებოდა ცხოვრებით... თუ არ ჩავთვლით იმას, რომ თავისი ქალიშვილები ენატრებოდა. ერთხელ შუადღის პაპანაქების შემდეგ ჯეკი გორაკებს შორის ცხენით სეირნობითა და ფერდობიდან მონადენი საღბის სურნელებით დამტკბარი, შემთხვევით ჰილზის რანჩოს წააწყდა. ას ოცდაათი აკრის სიდიდის ნაკვეთი ხეობიდან სონომის მთამდე გაჭიმულიყო. „აქ არის უზარმაზარი სექვოიები, რომელთაგან ზოგიერთი ათი ათასი წლისაა. უამრავია ნაძვი, მუხა, ფოთლოვანი და მარადმწვანე ხეები. ბლომად იზრდება მანსანიტები და ხემარწყვები. ბევრია ღრმა ხეობები, რუები და წყაროებიც.

ესა ყველაზე ლამაზი და ხელუხლები ას ოცდაათი აკრი სიდიდის ფართობი, როგორც კი საერთოდ შეიძლება ამერიკაში მოიძებნოს“.

რანჩო მაშინვე უზომოდ შეუყვარდა ჯეკს და იქვე გადაწყვიტა, იგი აუცილებლად მისი საკუთრება გახდებოდა. ამ აზრის განმტკიცებაში მეტად შეუწყობ ხელი მისს კიტრეჯმაც; მხოლოდ ჯეკის ქალაქიდან გაყვანით, სხვა ქალებთან ჩამოშორებით შეეძლო ჩარმინას თავიდან აეცილებინა მისი დაკარგვის შესაძლებლობა, რაც კინალამ არ მოხდა ამ რამდენიმე თვის წინ. ჯეკი ცხენით გაემგზავრა სოფელ გლენ-ელენში. იქ შეიტყო, რომ ნაკვეთი იყიდება და იგი შვიდი ათას დოლარადაა შეფასებული. ბავშვივით აფორიაქებული ჯეკი საღამოს ხუთ საათზე უკვე ჰილებთან იყო ნასყიდობის გაფორმების სურვილით შეპყრობილი.

— გავიგე, რომ ჩოვეტისთვის შვიდი ათასად დაგიფასებიათ. ნამდვილია? — შეეკითხა იგი მისტერ ჰილს.

— დიახ, — უპასუხა მან. — ათი წლის წინათ სწორედ ამდენი ღირებოდა.

— ვყიდულობ! — წამოიძახა ჯეკმა.

— რატომ ჩქარობთ? ჯობია ახლა შინ მიბრძანდეთ და ორ-სამ დღეს იფიქროთ.

ჯეკის წასვლის შემდეგ მისტერ ჰილმა თავისი მოსაზრებანი ცოლს გაუზიარა. ჩოვეტს მან შვიდი ათასი იმიტომ სთხოვა, რომ იმას რანჩოს წყალსატევების ექსპლოატაცია ჰქონდა განზრახული. ჯეკი კი მიწის დამუშავებას ფიქრობს, ამიტომ ხუთი ათასზე მეტს ვერ გამოართმევს. ჯეკს იმ დამეს თვალი არ მოუხუტავს, სულ იმის ფიქრში იყო, როგორ მოაწყობდა თავის მშვენიერ რანჩოს. ძლიერ აფორიაქებული მეორე დღესვე ჰილთან მიიჭრა.

— ახლა ფასზე მოვილაპარაკოთ... — ის იყო დაიწყო ჰილმა, რომ სიბრანისაგან მთლად გაწითლებული ჯეკი სკამიდან წამოხტა და დაიქექა:

— ჩემთან ეს არ გაგივათ! ასეთ ოინებს მე არ მოვითმენ! უფლება არა გაქვთ ფასი ასწიოთ! აქ ყველა მხოლოდ ჩემს მოტყუებაზე ფიქრობს. ხომ შეაფასეთ შვიდი ათასად — მაშასადამე, მორჩა და გათავდა, ვყიდულობ!

სიტყვათა ამ მღელვარე ნაკადში ჰილმა ერთი სიტყვის ჩართვაც ვერ მოახერხა. მან მოიცადა, ვიდრე მყიდველი დამშვიდდებოდა. და შემდეგ წყნარად წარმოთქვა:

— კეთილი, მისტერ ლონდონ, ინებეთ.

ღავიდა წლები. ჯეკი ძლიერ დაღმეგობრდა ჰილების ოჯახს. მხოლოდ მაშინ მოუყვა მისტერ ჰილი, თუ როგორ მოიტყუა ჯეკმა თავი ორიათას დოლარში. ჯეკმა გულიანად იცინა: ასე მომიხდება, ვერ ვისწავლე საკუთარი ჩვევების დაოკება.

იმ საღამოს ჯეკი და მისი კიტრეჯი გეგმებს აწყობდნენ. რან-ჩოში მდგარი ძველი ფარდული შეიძლებოდა საჭინიბოდ და მოჯამაგირის საცხოვრებლად გამოეყენებინათ. შემოდგომისთვის, ვიდრე ჯეკი მთელ ამერიკას შემოივლის სალექციო ტურნეთი, მოჯამაგირე ტერიტორიას მოასუფთავენს, საკვებად ვარგის ბალახსა და სიმინდს დათესავენ, ააშენებს საღორეებსა და საქათმეებს — ერთი სიტყვით, ყველაფერს მოაგვარებს იმ დღისათვის, როცა ბესი განჭორწინების საბუთს მიიღებს და შესაძლებელი იქნება ხელახლა დაჭორწინება.

რანჩოს საყიდლად საჭირო შვიდი ათასის სათხოვნელად ჯეკმა ბრეტს მიმართა. „იმ კაცისათვის, — უპასუხა მან, — რომელსაც ამქვეყნად განსაზღვრული როლის შესრულება უხდება, საექვოა რაიმე აზრი ჰქონდეს ქვეყნის რომელიმე კუთხეში უძრავი ქონების შექმნით თავის შებოქვას, როგორი ლამაზი და პროდუქტიულიც არ უნდა იყოს ის მამული“.

ჯეკმა კიდევ ერთხელ მისწერა: „მე შეგნებულად ვიყიდე ისეთი მიწა, რომლისგან ვერაფერს მივიღებ. მოგებასა ან დანაკარგზე საზრუნავი არ მექნება, ხოლო ოცი წლის შემდეგ ეს ნაკვეთი ას ოც ათასი დოლარი ეღირება. გადავწყვიტე — ერთხელ და სამუდამოდ მტკიცედ მოვიდგა ფეხი“.

ბრეტი დანებდა ჯეკის ჰირვეულ მოთხოვნას და შვიდი ათასი დოლარი გადაუგზავნა „ზღვის მგლის“ საავტორო ანარიცხების ანგარიშში. ჰილის რანჩო გახარებული ჯეკის საკუთრებაში გადავიდა. მაშინვე დაიქირავა მოჯამაგირე, იყიდა ცხენები, კაცი, მეწველი ძროხა, გუთანა, მაზიდა, ფურგონი, ეტლი, ცხენის აღკაზმულობა, ქათმები, ინდაურები, გოჭები...

ბოლოს, როცა ფულის თავშეუკავებელი ხარჯვის ვაქხანალია დამთავრდა, ჯერ ერთი დოლარიც არ აღმოაჩნდა; ახლო მომავალშიც არაფერი ჰქონდა მისაღები. „ყველაფერი ამის ყიდვა მოულოდნელი იყო და მთლად გამაჩანაგა. ამასთანავე დღე-დღეზე ველი შემადრწუნებელ ცნობას ბესისაგან, რომ ესაჭიროება ასი დოლარი ცხენისა და ეტლის შესაძენად. მთელი თანხა, რომლის მიღებაც მაკმილანისაგან შემეძლო, მიწის საფასურის გადახდას დაჭირდა. რაც დამრჩა, ფარდულის აგებასაც არ ეყოფა, სახლისას — მით უმეტეს. ვწერ მოთხრობებს, რათა საჩქაროდ ვიშოვნო ფული“.

4 ოქტომბრისათვის მაკმილანთან კრედიტი იმდენად გაიზარდა, რომ შემდგომი ავანსიათვის უკვე განსაზღვრული პროცენტის გადახდა მოსთხოვეს. ბანკში მის ანგარიშზე 207 დოლარი და 83 ცენტი იყო; ამავე დროს, გადაუდებელი ხარჯები მოელოდა: ბესისათვის — 75 დოლარი, დედას — 55, სასოფლო-სამეურნეო ინვენტარისთვის — 57, გლენ-ელენში აგარაკის ქირა — 24, მალაზიის ანგარიშების გასანაღდებლად — 50. „ჩიკაგოში წასასვლელად მე და მანიუნგის გზის ფული გვჭირდება; ერთი დღის შემდეგ ჩარმიანი გამოგვყვება, მაშასადამე, იმასაც სახარჯო უნდა. დედას სურს ის თანხა გავუდიდო, რომელსაც ყოველთვიურად ვაძლევ. ამასვე მოითხოვს ბესი. ეს-ეს არის ჯონ მილერის ავადმყოფი დედას საავადმყოფოს ანგარიშების გასანაღდებლად 100 დოლარი გადავიხადე. საბრალო ჯონ კინგის ყალბი ბრალდებით ორმოცდაათი წლით პატიმრობის მისჯას უპირებენ და აპელაციის პუბლიკაციისათვის 100 დოლარს შევპირდი; კიდევ ერთი ანგარიში დარჩა 45 დოლარზე, თუ მეტი არა, თივის საწნეხი მანქანისათვის; ამათ გარდა, ნოემბერში დამზღვევ კომპანიას უნდა გადაუხადო 700 თუ 800 დოლარი. აღრიგად, როგორც ხედავთ, არა მარტო შლამზე ჯავიჩიყე, არამედ იალქნებიც უსიცოცხლოდ დაეშენენ“.

მთელი თავისი სიცოცხლის მანძილზე ჯექმა მილიონზე ბევრად მეტი მიიღო მწერლობით, მაგრამ თითქმის არასდროს ყოფილა საკუთარი ფულის ბატონ-პატრონი, ყოველ შემთხვევაში, იმ მომენტში მაინც; როცა მათ ხელზე იღებდა. იგი ჯერ დახარჯავდა, მერე კი თავს იმტვრევდა, სად ეშოვნა საჭირო თანხა. როგორც ემილ ჯენსენმა კლონდაიკში თქვა, იგი წინასწარ არასდროს განსჯიდა — ღირდა

აუ არა რისკის გაწევა. რასაკვირველია, უკეთესი იყო არ დაეხარჯა, ვიდრე ფულს არ იშოვნიდა, ალარც ვალი ექნებოდა და ალარც დარდი. მაგრამ, როგორც ჩანს, ეს მას თავში არ მოსდიოდა. „ფულის ხარჯვის ჩვეულება — ო, ღმერთო, შემინდე! მე მუდამ მისი მსხვერპლი ვიქნები“.

დადგა ოქტომბერი და ჯეკი მანიუნგის თანხლებით სალექციო ტურნეში გაემგზავრა. მასთან რომ უფრო ახლოს ყოფილიყო, მისს კიტრეჯი ნიუტონში, მამიდასთან დაბრუნდა. ტურნეს, რომლის დროსაც დასავლეთისა და აღმოსავლეთის დიდ ქალაქთა უმეტესობა უნდა მოეწლო, პრესაში ფართო რეკლამას უკეთებდნენ. ჯეკი სწრაფად ხდებოდა თავისი დროის ერთ-ერთ ყველაზე რომანტიულ ფიგურად. სოციალიზმისა და მეცნიერული ევოლუციის, ამერიკულ ლიტერატურაში ახალი და ჯანსაღი რეალიზმის მაცნე და სი-ახალგაზრდავის, გამბედაობის განსახიერება იყო. ქალთა კლუბების წევრებს მოსწონდათ მისი ვაჟკაცური გარეგნობა, პაპიროსის გაბოლები მანერა, ის მგზნებარე ჯულწრფელობა, რომლითაც იგი ლაპარაკობდა სოციალურ რეფორმაზე, მომხიბვლელი ღიმილი და გადამღები სიცილი. იგი დღეში ასობით დოლარს იღებდა, ყოველ ქალაქში პოპულობდა საინტერესო და ჭკვიან ხალხს და პრესის მეგობრულ განწყობილებას იმსახურებდა. „ჯეკ ლონდონი განსაკუთრებული მიმზიდველობის ძალის პატრონია. მისი ფაყოყოჩება რომ შესაძლებელი ყოფილიყო, ამას უთუოდ ჩაიდენდნენ მისი თაყვანისმცემლები, ქალებიცა და მამაკაცებიც, რომლებიც მუდამ გარს ახვევიან. მას თეატრის ახალგაზრდა კერპის ბედი ეწვია. მაგრამ, საბედნიეროდ, პატივმოყვარეობა არ ახასიათებს“.

და, აი, '18 ნოემბერს, შაბათს, ჯეკს მიუვიდა ცნობა, რომ სასამართლოს საბოლოო გადაწყვეტილებით ბესიმ მიიღო თანხმობა განქორწინებაზე. მან სასწრაფოდ ნიუტონიდან დეპეშით ჩიკაგოში გამოიძახა მისს კიტრეჯი, სადაც უნდა დაქორწინებულიყვნენ. ჩარმიანი მეორე დღესვე, საღამოს ხუთ საათზე ჩამოვიდა, მაგრამ ჯეკს საქორწინო ლიცენზია არ ჰქონია, ხოლო დაწესებულება, საიდანაც იგი უნდა მიეღო, ცხადია, დაკეტილი იყო. ჯეკი თავქუდმოგლეჯილი დაჰქროდა ეტლით ჩიკაგოს ქუჩებში, რათა რომელიმე გავლენი-

ანი მეგობარი წაეყვანა მოწმედ. პირველი ვიზიტი უშედეგოდ დამთავრდა; ასევე მეორეც, მესამე მეგობარი კი, რომელიც ქალაქში ერთ თანამდებობის პირს იცნობდა, პირდაპირ გაშლილი სუფრიდან ააყენა. კიდევ დიდხანს იხეტიალეს ეტლით და ბოლოს, როგორც იქნა. მოხელის ბინას მიაღწიეს. მოხელე თანახმაა ყველაფერი გააკეთოს ჯერ ლონდონის დასახმარებლად, მაგრამ რა საჭიროა ასეთი სისწრაფე? რატომ არ შეიძლება დავიცადოთ დილამდე, როცა ლიცენზიის ბიურო იაიღება და შესაძლებელი იქნება ყველაფერი პარტივად და ადვილად ფაკეტდეს? დაცდაზე ჯერ უარი განაცხადა; მან თავისი არგუმენტაციის მთელი ძალა მოიშველია და, როგორც იქნა, დაიხოლია მოხელე მათთან ერთად ეტლით წასულსაც ქალაქის სამხრეთ ნაწილში; იქ ლოგინიდან წამოაყენეს ნამძინარევი კლერკი, რომელიც საქორწინო ლიცენზიებს განაგებდა. საგონებელში ჩაყარნილი კლერკი იძულებული გახდა დაჰყოლოდა დაგვიანებით მოსული სტუმრის მტკიცე გადაწყვეტილებას. სასწრაფოდ ჩაიცივა და მთელი კომპანიის თანხლებით ქალაქის თვითმმართველობაში გაჰყვა; გააღო თავისი განყოფილების კარები და საქორწინო ლიცენზია შეავსო. რამდენიმეჯერ ამოო ცდის შემდეგ, როგორც იქნა, მოძებნეს მომრიგებელი მოსამართლე, ვინმე გრანტი, და მან თავის საოჯახო ბიბლიოთეკაში შეასრულა ჯერ ლონდონისა და ჩარმიან კიტრების ქორწინების რიტუალი.

მეორე დღით, 1905 წლის 20 ნოემბერს, როცა მისი დაქორწინების „უხამსი სიჩქარე“ ცნობილი გახდა, ამერიკული პრესა შეცბუნდა. ბესისთან განქორწინების მიზეზად აქამდე იმ შინაგან უთანხმოებას მიიჩნევდნენ, რომლის გამო განშორება ორივე მხარისათვის სასურველი იქნებოდა. მაგრამ მეორედ დაქორწინების ციებ-ცხელებიანმა მოუთმენლობამ აშკარა გახადა, რომ ჯერჯერობა ოჯახი სხვა ქალის მიზეზით დაანგრია; ამრიგად, მთელ ისტორიას არასასურველი ელფერი დაედო. თუ გასულ შაბათამდე პრესა მისადმი შეგობრულად იყო განწყობილი, ორშაბათიდან მის წინააღმდეგ უკვე არა მარტო გულისწყრომა და აღშფოთება გამოავლინა, არამედ დაცინვაც. სამშაბათს, დღით, გაზეთები იუწყებოდნენ: „ჯერ ლონდონის ქორწინება უკანონოა“, ვინაიდან ილინოისის შტატის განქორწინების ახალ კანონებში, რომლებშიც ჯერ კიდევ სრულ

არევ-დარევას ჰქონდა ადგილი, კანონიერად ითვლება მხოლოდ ის ქორწინება, რომელიც გაფორმებულია განქორწინების წესახებ სასამართლოს საბოლოო გადაწყვეტილებით გამოტანიდან ერთი წლის შემდეგ. რეპორტიორების მიერ თავმოებზრებული ჭეკი გრძნობდა, რომ ხელახლა იწყებოდა მისი დევნა. იგი აენთო და გაცხარებულმა წამოიძახა: „თუ საჭიროა, დაუყოვნებლივ გავიმეორებ ქორწინების მთელ ცერემონიას ამერიკის ყოველ შტატში!“ ვინ მოთვლის, რამდენმა ენამახვილმა მიუძღვნა გესლიანი სტატია ამ ამბავს — ეს რა დაქორწინების ტრფიალი ყოფილა მისტერ ლონდონიო!

საკმარისი იყო წინდახედულობა გამოეჩინა, რამდენიმე თვე დავეცა და ქორწინება კალიფორნიაში დაბრუნებამდე გადაედო, რომ აიცილებდა ამ აურზაურს. ყველაფერი ჯვრისწერის შესახებ მოკლედ ცნობით დაძთავრდებოდა. მაგრამ არა, მაინცდამაინც თავი მიუშვირა ყოველი მხრიდან წამოსულ სეტყვას. კათედრებიდან წარმოთქვამდნენ ქადაგებებს მის საწინაღმდეგოდ; პიტსბურგისა და დერბის საჯარო ბიბლიოთეკებიდან მისი წიგნები ამოიღეს და სხვა ქალაქებსაც მოუწოდეს მათთვის მიებაძათ. ქალთა კლუბებმა მითითება მიიღეს გაეუქმებინათ მისი ლექციების ჩატარება. უცნაურია, აღნიშნავდა ბევრი გაზეთი, რომ ადამიანები, რომელნიც თავის შინაურ საქმეებს სათანადოდ ვერ აგვარებენ, პრეტენზიას აცხადებენ მთელ ეაცობრიობას ასწავლონ. რატომ იყო საიდუმლოებით მოცული მისტერ ლონდონის მეორე ქორწინება და რატომ გაფორმდა იგი ასეთი სიჩქარით? — კითხულობდნენ სტატიათა ავტორები. კიცხავდნენ მისს კიტრეჯსაც იმის გამო, რომ მან დაანგრია ჭეკისა და ბესის ოჯახური ცხოვრება.

ამერიკელ სოციალისტებსაც ძვირად დაუჯდათ თავისი ლიდერის საქციელი. კაპიტალისტურმა პრესამ არ დააყოვნა მის ხელში ჩაგარდნილი იარაღის გამოყენება. „ესეც თქვენი სოციალისტი! ბედის ანაბარა ტოვებს ცოლსა და შვილებს... ცხადყოფს უზუნებობას... სოციალიზმი ანარქიზმია, იგი დაანგრევს ჩვენს ცივილიზაციას, ქაოსს გამოიწვევს...“ შეგობარმა სოციალისტებმა სცადეს პროტესტი განეცხადებინათ: „არ შეიძლება ჩირქი მოვცხოთ სოციალიზმს მხოლოდ ლონდონის არასწორი საქციელის გამო. ამდაგვარ საქციელს

„სოციალიზმი კაპიტალიზმზე ნაკლები სიმკაცრით როდი ჰკიცხავს!“
„ამაოდ! თუ ლიდერი დაარღვევს მორალის განსაზღვრულ ნორმებს,
მამსადადამე, ამით სოციალიზმის საქმესაც ზიანი მოუვა.“

როცა მეგობრებმა ჩემს უსაყვედურეს, შენი მიზეზით, სულ მცირე, ხუთი წლით მაინც დაყოვნდება სოციალისტური რევოლუცია ამერიკაშიო, მან ღიმილით უპასუხა: „პირიქით. მე მგონია, რომ, სულ მცირე, ხუთი წუთით მაინც შევძელი რევოლუციის დაჩქარება“.

რამ აიძულა იგი ასეთი სიჩქარით, ყველას თვალწინ გაეთამაშნა ეს დაგვიანებული ცერემონია და თეატრალურ სანახაობასავით საქვეყნოდ გამოეტანა თავისი ახალი ქორწინება? ნაწილობრივ ეს იყო რომანტიული ეესტი, რომელიც მისს კიტრეჯისათვის ჩაიდინა, ნაწილობრივ — დაუდევარი, მოუფიქრებელი საქციელი, ადამიანური აღტყინება, რომელიც საშუალებას არ გაძლევს შეჩერდე და მოიფიქრო: რას იტყვის ხალხი? ნაწილობრივ ეს სქელკანიანი ირლანდიელის ნამდვილი ყოყოჩობა იყო, რომელიც აინუნშიაც არ აგდებს, მოეწონება თუ არა ვინმეს მისი საქციელი. ბოლოს, მან მაშინვე შეირთო მეორე ქალი, რათა დაეწყნარებინა სინიდისი იმ ბოროტებისათვის, რაც ბესისა და, მისი სახით, საერთოდ ყველა ცოლს მიაყენა.


რამდენიმე კვირა იგრძელდებოდა თავდასხმები გაზეთების ფურცლებიდან და ეკლესიების კათედრებიდან. ბევრმა მისი ნაწარმოებები უკვე ნაკლები სერიოზულობით მიიღო და, ამ თვალსაზრისით, გახმაურებულმა სახელმა და დიდებამ მას ზიანი მიაყენა; სამაგიეროდ, გაიზარდა მკითხველთა რიცხვი. სჯირო იყო საბოლოო, გადამწყვეტი დარტყმა და კამათს ბოლო მოეღებოდა. ეს კი ქალთა მოღურმა კლუბმა „ევერილამ“ შესძლო. ღია სხდომაზე ქალებმა ორი რეზოლუცია მიიღეს:

1. მოწონებულ იქნას სახელმძღვანელოებით უფასოდ სარგებლობა სახელმწიფო სკოლებში;

2. დაგზობილ იქნას:

ა) უნივერსიტეტებში ფეხბურთელთა გუნდების შექმნის პრაქტიკა და

ბ) ჯეკ ლონდონი.



VIII

სალექციო ტურნეს მარშრუტმა ჯეკი, როგორც იქნა, 1906 წლის იანვარში ნიუ-იორკამდე მიიყვანა. იქ მას შეხვდა პილიგრიმების ეკლესიის მღვდელი და ნიუ-ჰეივენელი სოციალისტების მეთაური დოქტორი ალექსანდრე ირვინი. ეს ლამაზი მამაკაცი წარმოშობით ირლანდიელი იყო, ხოლო რწმენით — იდეალისტი. დოქტორი ირვინი ნიუ-იორკში იმ მიზნით ჩამოვიდა, რომ ჯეკი დაერწმუნებინა, ლექცია წაეკითხა იელის უნივერსიტეტში. ჯეკი დათანხმდა; ასეთი შემთხვევის ხელიდან გაშვება არ შეიძლებოდა: მეტად მაცდუნებელი შესაძლებლობაა ჯეროვნად ესაუბრო იელის სამი ათას სტუდენტს სოციალიზმზე. დოქტორი ირვინი პირველივე მატარებლით ნიუ-ჰეივენში დაბრუნდა და იელის სადისკუსიო კლუბს წინადადებით მიმართა ეკისრა ლექციის ორგანიზება. კლუბის წევრები შიშით დათანხმდნენ დაეთმოთ ჯეკ ლონდონისათვის მეორე დღეს აუდიტორია, მაგრამ იმ პირობით, თუ მისი გამოსვლა თაყიდან ბოლომდე ზომიერების ფარგლებს არ გასცდებოდა.

აღფრთოვანებული დოქტორი ირვინი იმ საღამოსვე მივიდა.

მხატვარ-სოციალისტ დელფანტთან, რომელმაც ათი აფიშა დაამზადა. მშვენიერი შესახედაობის ჯეკი აფიშაზე გამოსახული იყო სვიტერით. სურათის ქვემოთ, ცეცხლის დიდი ალის ფონზე ლექციის თემა — „რევოლუცია“ იყო დაწერილი. ვიდრე გათენდებოდა, დელფანტმა და დოქტორმა ირვინმა უნივერსიტეტის ტერიტორია შემოიარეს და ხეებზე გააკრეს აფიშები. ახლადგამოღვიძებულ იელის უნივერსიტეტს ელდა ეცა ამ თვალსაჩინო განცხადებების დანახვაზე. სამეცნიერო საბჭოს ერთ-ერთმა წევრმა დაუყოვნებლივ გამოიძახა სადისკუსიო კლუბის თავმჯდომარე და განუცხადა, რომ ლექცია უნდა მოიხსნას, წინააღმდეგ შემთხვევაში იგი მიაღწევს ვულსი ჰოლის დარბაზში ლექციის ჩატარების აკრძალვას. იელის უნივერსიტეტში ვერავინ ვერ იქადაგებს რევოლუციაზე! კლუბის წევრები თითქმის დაეთანხმნენ მას, მაგრამ დოქტორმა ირვინმა დაჟინებით მოითხოვა, უნივერსიტეტის უფრო ახალგაზრდა მასწავლებლებს მოლაპარაკებოდნენ — ეგებ მათ დაეჭირათ მხარი და დაეძლიათ რეაქციონერები. პროფესორი უილიამ ლიონ ფელსი პირველთაგანი აღმოჩნდა, რომელმაც კლუბის თავმჯდომარის მიერ სჯიმის ვითარების გაცნობის შემდეგ იკითხა: „განა იელის უნივერსიტეტი მონასტერია?“.

საყვედური ისე მოხდენილად და ამასთან ისე თავაზიანად იყო თქმული, რომ ოპოზიცია იძულებული გახდა ხმა ჩაეკმიდა. საღამოს რვა საათზე სამმა ათასმა სტუდენტმა და სამასმა მასწავლებელმა — უნივერსიტეტის თითქმის მთელმა შემადგენლობამ აავსო ვულსი ჰოლი. ჯეკი სცენაზე გამოვიდა. მას გულთბილად შეხვდნენ და ყურადღებითაც უსმენდნენ. მომხსენებელი აღნიშნავდა, რომ მსოფლიოს ყველა ქვეყნიდან „შვიდი მილიონი ადამიანი უკანასკნელ ძალ-ღონეს არ იშურებს მთელ სამყაროში დოვლათის დაგროვებისათვის ძლევა მოსილი შეტევისა და არსებული წეს-წყობილების სრული განადგურებისათვის ბრძოლაში. რევოლუციის დროის ქვეშ ერთმანეთის მხარდამხარ მდგარი ეს ადამიანები თავის თავს ამხანაგს უწოდებენ. აი, კაცობრიობის უსაზღვრო ძლიერება; აი, ხელისუფლება და ძალა. მხურვალე გატაცება ამოქმედებს რევოლუციონერებს; მათ წმინდათა-წმინდად მიაჩნიათ კაცობრიობის ინტერესები, მაგრამ განსაკუთრებულ თავაზიანობას არ იჩენენ ლეშის ბატო-

ნობისადმი“. ჭეკი მთელი საათის განმავლობაში ეკონომიკური სკალბელით აშიშვლებდა კაპიტალისტური სისტემის წყლულებს და თავისი გამოსვლა დაამთავრა მოწოდებით: „კაპიტალისტების კლასის ძალაუფლებამ კრახი განიცადა, მაშასადამე, მათ ხელიდან უნდა გამოგლიჯოთ მართვა-გამგებლობის სადავეები. მუშათა კლასის შვიდი მილიონი წარმომადგენელი აცხადებს, რომ მთელ ძალ-ღონეს მოახმარს მუშათა დანარჩენი ნაწილის გადმობრუნებასა და ძალაუფლების ხელში ჩაგდებას. რევოლუციკ აქვე ხდება, აი, ამ წუთში. აბა, სცადეთ და შეაჩერეთ იგი!“

დოქტორ ირვინის თქმით, „მსმენელებს თმები ყალყზე დაუდგათ“. სტუდენტებს შორის ორი ათეულიც არ იქნებოდა, რომელიც თუნდაც მის რომელიმე სიტყვას გაიზიარებდა, მაგრამ როცა ჭეკმა დაამთავრა, ოვაციის ჰეჰა-ქუხილი ატყდა. იელის უნივერსიტეტმა დიდსულოვნად უარი განაცხადა ჰოლის მარგებლობისათვის ფულის მიღებაზე და მთელი შემოსავალი — ოცდახუთ-ოცდახუთი ცენტი თითოეულისაგან — სრულიად მოულოდნელად ნიუ-ჰეივენის სოციალისტურ ორგანიზაციას დაარჩა.

ლექციის შემდეგ ჭეკი და დოქტორი. ირვინი, უნივერსიტეტის ათი რჩეული ორატორის თანხლებით, პატარა რესტორან ოულდ-ნორში წავიდნენ, რათა თითო ტოლჩა ლუდით ყელი ჩაესველებინათ და საფუძვლიანად მოელაპარაკნათ. ჭეკს მარტო უხედებოდა ყველასთან გამკლავება. ამ გაცხარებული და არეულ-დარეული კამათის მსვლელობის დროს ჭეკი ცდილობდა დაემტკიცებინა, რომ კერძო საკუთრების საძირკველს წარმოადგენს ან ქურდობა, ან ძალმომრეობა; დამსწრეები ერთხმად ადასტურებენ, რომ, მართალია, ჭეკმა ერთიც ვერ მიიმხრო, მაგრამ თავისი პოზიციები მაინც არ დასთმოო. დილის ოთხ საათზე, როცა დოქტორ ირვინს ჭეკი თავისი სახლისაკენ მიჰყავდა, შეამჩნიეს მუშათა ჯგუფი, რომელიც ჭეკს ელოდებოდა ლექციისათვის მადლობის სათქმელად. დილის რვა საათზე კი კარზე მოადგა იელის „ახალი ამბების“ წითური და ულახათო შესახედაობის რეპორტიორი, რომელსაც უნდოდა უშუალოდ ჭეკ ლონდონისაგან მიეღო ინტერვიუ — ეს ხელს შეუწყობდა გაზეთის რედაქციაში მისი მდგომარეობის გაუმჯობესებას. რეპორტიორი გვარად სინკლერ ლუისი იყო.

ლექციებით ორი კვირის მოგზაურობის შემდეგ, 10 იანვარს
 ჯექმა ისევ ნიუ-იორკს მიაშურა. აქ იგი მოხსენებით უნდა გამოსუ-
 ლიყო „მოახლოებული კრიზისის შესახებ“ სტრუდენტთა სოციალის-
 ტური საზოგადოების პირველ დია სხდომაზე, რომელმაც იგი პრე-
 ზიდენტად აირჩია. ზოგის აზრით, გრანდ სენტრალ პალასში თავ-
 მოყრილი ხალხის რიცხვი ოთხი ათასს შეადგენდა, ხოლო სხვები-
 სა — ათი ათასს, მაგრამ ერთი რამ უდავოა: აქ იყო ატლანტის სა-
 ნაპიროელი ყველა სოციალისტი, რომელსაც კი ბედმა გაუღიმა და
 ნიუ-იორკამდე ბილეთის ფული იშოვა. მოხსენების გამმართავი
 ორგანიზაციის სახელწოდების მიუხედავად, დარბაზში შეკრებილ
 ათასობით მუშას შორის ალბათ, უნივერსიტეტის ასიოდე სტუდენ-
 ტიც არ იქნებოდა. მატარებელი, რომლითაც, ფლორიდაში გამარ-
 თული ლექციის შემდეგ, ჯექი ჩრდილოეთში ბრუნდებოდა, იგვი-
 ანებდა, მაგრამ საზოგადოება მოწყენას არ გრძნობდა — მათ წინა-
 შე გამოვიდა ეპტონ სინკლერი — სტუდენტთა სოციალისტური
 საზოგადოების მარგანიზებელი ძალა, მისი სული და გული. იგი
 დღე-დღეზე ელოდებოდა თავისი წიგნის გამოსვლას, სახელწოდებით
 „ჯუნგლი“, რომელიც ჩიკაგოს სასაკლაოებს შეეხებოდა. ეპტონი
 მუშებს ეუბნებოდა, რომ მათ შეუძლიათ დაეხმარონ ამერიკაში
 ეკონომიური დემოკრატიის დამყარების საქმეში. ათ საათზე გა-
 მოჩნდა ჯექი თავისი აწეწილი თმებით; მას ეცვა შავი შევიოტის კოს-
 ტუმი; თეთრი ფლანელის პერანგი თეთრი ყელსახვევით და ლაქის
 დაღრეცილი ფეხსაცმელი. მისი დანახვისთანავე მთელი ეს ხალხი
 ფეხზე წამოხტა და ისეთი აღფრთოვანებული შეხვედრა მოუწყო,
 რომ ჯექს მთელი სიცოცხლის მანძილზე არ დავიწყნია. მათი კოლო-
 სი იყო იუჯინ ვ. დებსი, მებრძოლი წინამძღოლი, მათი ახალგაზრდა
 წინასწარმეტყველი კი — ჯექ ლონდონი. ეპტონ სინკლერი მოგვითხ-
 რობს: ჯექ ლონდონმა ერთი წამითაც ვერ შეძლო სიჩუმის დამყა-
 რება, რათა მისთვის მოესმინათო. შეკრებილნი წითელ დროშებს
 აფრიალებდნენ და მთელი ხუთი წუთის განმავლობაში მგზნებარედ
 უკრავდნენ ტაშს. როცა ორატორმა იწინასწარმეტყველა, 2000
 წლისათვის დამხობილი იქნება კაპიტალისტური საზოგადოებო, აუ-
 დიტორია გამშაგებულმა აღტაცებამ მოიცვა — მერე რა, თუ ვერც.
 ერთი მათგანი ვერ მოესწრება საშინელი სამსჯავროს დღეს!

ჯეი ნიუ-იორკში ერთი კვირა დარჩა. ეს ქალაქი მასზე ყოველთვის უცნაურად მოქმედებდა: ფიზიკურად აღაგზნებდა, ფსიქიურად კი აძაბუნებდა. იგი დოქტორ ირვინს უუბნებოდა, ყოველთვის, როცა ნიუ-იორკში ვიშვოფები, ისეთი გრძნობა მიპყრობს, მინდა ყელი გამოვიღადრო. სტუდენტთა სოციალისტური საზოგადოების მიერ მოწყობილი ლექციის მეორე დღეს იგი საუზმეზე შეხვდა ეპტონ სინკლერს, რათა ერთად შეემუშაებინათ საზოგადოების მუშაობის გეგმა. მაგარი სასამელები აკრძალვის მგზნებარე მომხრე — სინკლერი — იგონებს, რომ მათ შეხვედრამდე ჯერ უკვე მოესწრო დაღევა; აღზნებული თვალეი მოუსვენრად უბრწყინავდა; საუზმის დროსაც გამუდმებით სვამდა. ჯერ კიდევ ნიუ-იორკში ჩასვლამდე ჯემა ქება-დიდებით აღსავსე რეცენზია მიუძღვნა „ჯუნგლებს“, რომლითაც დიდებისაკენ გზა გაუხსნა ამ „ნაგვის მქექავს“¹ და მის კლასიკურ ნაწარმოებს.

3 თებერვალს, ქალაქ სან-პოლში ლექციის ჩატარების დროს, ჯეი ავად გახდა. ტუჩების ირგვლივ მუწუკები გამოაყარა გაცივების შედეგად; დარჩენილი ლექციეი მოხსნა და გლენ-ელენში დაბრუნდა. აქ კომპანიონებისაგან — ნინეტა ეიმსისა და ჯდუარდ პეინისაგან — იქირავა უეიკ რობინის ნაწილი. სწორედ აქ ჩაისახა იმ თავგადასავლის გეგმა, რომელთან შედარებით ქარწყლდება მისი მჩქეფარე ცხოვრების ყველა თავგადასავალი.

ჯერ კიდევ გასულ ზაფხულში, როცა გლენ-ელენის ნაპირზე მზის აბაზანებს იღებდა, იგი ხანდახან დამსვენებლებს უკითხავდა ხოლმე ნაწყვეტებს კაპიტან ჯომუა სლოკამის ნაწარმოებიდან „მარტოდმართო სამყაროს ირგვლივ იალქნიანი გემით“. კაპიტან სლოკამის გემის სიგრძე ოცდაჩვიდმეტი ფუტი იყო; ჯემა ხუმრობით შენიშნა, რომ არ შეუშინდება, მაგალითად, ორმოცი ფუტის სიგრძის პატარა გემით სამყაროს ირგვლივ მოგზაურობას. ახლა იგი კვლავ უეიკ რობინშია. თავი მოაბეზრა ქალაქებმა, ხალხის გროვამ, მლიქვნელობამ. მას კარგად ესმოდა, რომ ყოველი მხრიდან მიზანში ჰყავ-

¹ „ნაგვის მქექავები“ გწოდება ლიტერატორთა ჯგუფს, რომლის წევრები XX საუკუნის დასაწყისში დაუზოგავად ამხილებდნენ ამერიკული საზოგადოების მანკიერ მხარეებს.

დათ ამოღებული და რომ მტრულად ეპყრობოდნენ მეორედ დაქორწინებისა და სხვა მრავალი მიზეზის გამო.

და; აი, მან ისევ წამოიწყო ლაპარაკი სამყაროს, ირგვლივ მოგზაურობაზე. უკვე დიდი ხანია განზრახული, ჰქონდა სწორედ ასეთი ექსპედიციის მოწყობა სამხრეთის ზღვებისაკენ. ეს, მისი ერთ-ერთი სანუკვარი. სურვილი! სტივენსონისა და მელვილის რომანტიკულმა მოთხრობებმა ჩაუნერგეს. მას მხარი დაუჭირა ჩარმიანმაც, რომელიც თავგადასავლების ტრფიალი იყო. მხარი დაუჭირეს ნინეტა ეიმსმა და ედუარდ პეინმაც. იმ იმედით, რომ კაპიტნად როსკო ეიმსი იქნებოდა.

„რანჩოში სახლი იყო ასაშენებელი, ხეხილის ბაღისათვის გამოყოფილ ნაკვეთსა და სავენახეში ნერგები უნდა ჩამეყარა, აქა-იქ ცოცხალი ღობეც მქონდა შემოსავლები. ბევრი სხვა საქმეც იყო მოსაგვარებელი. გამგზავრებას დაახლოებით ხუთი წლის შემდეგ ვფიქრობდით, მაგრამ ცდუნება ძლიერი აღმოჩნდა. რატომ ახლავე არ უნდა წავიდეთ? დაე, ბაღი, ვენახი და ცოცხალი ღობე წამოიზარდოს, ვიდრე ჩვენ აქ არ ვიქნებით. ბოლოს და ბოლოს, ხომ არ ვახალგაზრდავდები“. ჯეკი, რომელიც ყოველთვის სწრაფად იღებდა გადაწყვეტილებას, ახლაც ადვილად აპყვა აღტყინებას, მაგრამ ის კი არ განსაზღვრა. რამდენი დაუჯდებოდა ყოველივე ეს. მტკიცედ გადაწყვიტა — სლოკამის მსგავსად პატარა გემით შემოეგლო დედამიწის ირგვლივ.

უეიკ რობინში დაბრუნებიდან ათი დღის შემდეგ, ჯეკმა აღმოსავლეთის ექვსი წამყვანი ჟურნალის რედაქტორს დაუგზავნა წერილები წინადადებით—წილში შემოსულიყვენ და მისი წამოწყებისათვის საჭირო თანხა გაეღოთ... გემის სიგრძე იქნება ორმოცდახუთი ფუტი. უფრო ნაკლებიც შეიძლება, მაგრამ ამ შემთხვევაში აბაზანები ვეღარ ჩაეტევა. მოგზაურობა ოქტომბერში დაიწყება. დანიშნულების პირველი პორტი ჰავაი იქნება. იქიდან წყნარი ოკეანის სამხრეთის მიმართულებით სამოასაკენ გავემართებით, მოვივლით ახალი ზელანდიის, ავსტრალიისა და ახალი გვინეის ნაპირებს; გვერდს ავუვლით ფილიპინებს და იაპონიისაკენ გავემართებით. კორეა და ჩინეთიც ხომ იქვეა, შემდგომ კი — ინდოეთი, წითელი, ხმელთაშუა და შავი ზღვები; აქედან ატლანტის ოკეანით ნიუ-იორკისაკენ გავს-

წევთ და ჰორნის კონცხის შემოვლით სან-ფრანცისკოში დაგბრუნდებით. ზამთარში სანკტ-პეტერბურგში შევივლი და, შესაძლოა, შავი ზღვიდან ღუნაის ავყვე ვენამდე. მოვინახულებ ნილოსისა და სენის სათავეებს. რატომ არ უნდა შევიარო პარიზში, არ ჩავუშვა ლუზა ლათინურ კვარტალში და გემის ცხვირი არ მივმართო პარიზის ღვთისმშობლის ტაძრისაკენ, ხოლო კიჩო — საცხედრისაკენ? აჩქარებას არ ვაპირებ; ჩემი ვარაუდით მოგზაურობას შვიდ წელზე უფრო ადრე ვერ დავამთავრებ“.

სან-ფრანცისკოს ყურეში შეიძლებოდა ხელსაყრელ ფასებში საიმედო საზღვაო გემის შერჩევა, მაგრამ ჯეკმა უარყო ეს აზრი: საკუთარის გარდა, იგი სხვა გემით არ წავა სამოგზაუროდ. სან-ფრანცისკოში ცოტა როდი იყვნენ გემის არქიტექტორები, თავის საქმის კარგი მცოდნენი. მაგრამ ჯეკისათვის ვარგისი იქნება მხოლოდ ისეთი გემი; რომელიც მის აზროვნებაში წარმოისახება. ყურეში დახელოვნებული გემთმშენებლებიც იყვნენ და ნავსაშენებიც მოიძებნებოდა, მაგრამ იგი მხოლოდ იმ გემის პატრონი გახდება, რომელსაც თვითონ ააგებს.

მან გადაწყვიტა აეგო გემი, რომელიც გვერდს აუვლიდა გემთმშენებლობის ტრადიციებს. მთელი მისი ცხოვრებაც ხომ ამ საერთო ნორმიდან გადახრას წარმოადგენდა? მას აეკვიტა „კეჩის“ აგების აზრი, რომელიც რაღაც საშუალო იქნებოდა კარჭაპსა და სანდალს შორის და, ამავე დროს, ორივეს ღირსების შემცველიც. თანაც ჯეკი გულახდილად აღიარებდა, რომ არამცთუ არასდროს უმოგზაურია კეჩით, თვალითაც არ უნახავს იგი. ასე რომ, ყველაფერი ეს ჯერჯერობით თეორიის მეტი არაფერი იყო. იგი გემთმშენებლობის წვრილმანებში ჩაეფლო და ისეთ პრობლემებზეც კი იმტვრევდა თავს, როგორცაა, ვთქვათ, რომელი უკეთესი იქნება: ორი, სამი თუ ოთხტაქტიანი ძრავა, ნაპერწკლისა თუ წყვეტილი ანთები; რომელი კონსტრუქციის ბრავშილი უფრო სრულყოფილია და რით დაქიმოს ტაკელაჟი — ტალრეპებით თუ დამქიმი საკეტებით. ახალს იგი ჩქარა ითვისებდა და თანაც ყოველთვის სწორედ დედაარსს. ახლაც ასე იყო: რამდენიმე კვირაში ბევრი რამ შეითვისა თანამედროვე გემთმშენებლობის დარგში.

წინათ, თავისი ცხოვრების საუკეთესო დღეებში, როსკო ეიმსი

მომცრო გემებს მართავდა სან-ფრანცისკოს ყურეში. ამ გამოცდილების გამო აიყვანა ჯეკმა იგი სამუშაოდ, თვეში სამოცი დოლარი დაუნიშნა და დაავალა: სან-ფრანცისკოში წაეღო პროექტები და ხელმძღვანელობა გაეწია „სნარკის“ აგებისათვის. ჯეკმა გადაწყვიტა კარკაპისათვის „სნარკზე ნადირობიდან“ ამოღებული ფანტასტიკური ცხოველის სახელწოდება — „სნარკი“ ეწოდებინა. ყველა დაინტერესებული პიროვნებისათვის მეტად ხელსაყრელი იყო სპექმის ამდაგვარი წამოწყება, ხოლო ხანშიშესულ, ჰირვეულ როსკოს დიდი ხნის შემდეგ პირველად ეძლეოდა გასამრჯელოს მიღების შესაძლებლობა. უურნალმა „კოსმოპოლიტმა“ წინადადება მისცა გემისათვის მისი სახელწოდება მიეკუთვნებინა. თუ უურნალი გემის აგების ხარჯებს გაიღებს, — უპასუხა ჯეკმა, — იგი თანახმაა გემს, არამცთუ, „კოსმოპოლიტენ მეგეზინი“ უწოდოს, არამედ გზადაგზა ხელმოწერაც შეაგროვოს ამ უურნალზე. მან გამოიანგარიშა, რომ „სნარკის“ აგებას შვიდი ათასი დოლარი დასჭირდებოდა და აქედან გამომდინარე ასეთი მითითება მისცა როსკოს: „ფული არ დაზოგოთ. დაე, „სნარკზე“ ყველაფერი საუკეთესო იყოს. გარეთა მოპირკეთებაზე ნუ სწუხხართ — ფიჭვიც გამოდგება. კონსტრუქციისათვის ფული არ დაიშუროთ. ყურადღება მიაქციეთ, რომ „სნარკი“ ყველა გემზე უფრო გამძლე და მტკიცე იყოს. ამაზე ფულს ნუ დაზოგავთ. მე წერას შევუდგები და იმდენ ფულს ვიშოვნო, რამდენიც საჭირო იქნება“.

ჯეკმა როსკო გაისტუმრა ნახაზებითა და ჩეკის წიგნაკით, თვითონ კი სერიოზულ ჩანაფიქრს ჩაუჯდა. აი, უკვე ოთხი თვეა, რაც შემოქმედებითი სამუშაოსათვის ხელი არ უხლია. ინგლისიდან კატალოგით გამოწერილ მრავალ წიგნს შორის სტენლი ვატერლოოს „ებას ისტორიაც“ იყო. „ებას ისტორია“ პირველ ცდას წარმოადგენდა ლიტერატურაში, აესახათ იმ დროის ცხოვრება, როცა ადამიანი ცხოველი უფრო იყო, ვიდრე ადამიანი. ამ წიგნის შექმნას ვატერლოომ ათი წლის მეცნიერული და ლიტერატურული შრომა მოანდომა, რის შედეგად ნაწარმოები თუმცა მეცნიერული, მაგრამ მოსაწყენი გამოვიდა. ჯეკმა მასში დაინახა მექანიზმი, რომლის საშუალებით შეიძლებოდა სული ჩაედგა დარვინის ევოლუციის თეორიისათვის. იგი გამოიყენებს კიდევ ამ შესაძლებლობას. ბევრ რა-

შეში ვატერლოოს წიგნზე დაყრდნობით მან იმავე დღეს მოხაზა ზოგადი გეგმა, მეორე დღით კი წერას შეუდგა. ნაწარმოებს უწოდა „ადამამდე“. ესაა იმის მაგალითი, თუ რა მოხდენილად ურჩევდა ჯეკი სახელწოდებებს თავის თხზულებებს. უბრალო ხერხის გამოყენებით — თანამედროვე ბიჭუნას ღამით ესიზმრება, რომ იგი ისტორიამდელ ხანაში ცხოვრობს — ავტორი მეტად მოხერხებულად უპირისპირებს ერთმანეთს ამ ორ პერიოდს. ეს ნაწარმოები ისე გულთბილად და ბუნებრივად დაწერილი, რომ მკითხველს სჯერა, დიახ, სწორედ ასე ცხოვრობდა ადამიანი მას შემდეგ, რაც მაიმუნის მდგომარეობიდან ისტორიული ნაბიჯი გადადგა წინ. „ჩინებული მოთხრობა გამოვა, საუცხოოდ იქნება გადმოცემული პირველყოფილი ცხოვრება“, — ხარობდა ჯეკი.

მოთხრობა „ადამამდე“ იმ შავბნელ პერიოდში იყო ჩაფიქრებული, როცა რელიგიის ორგანიზებული ძალები ევოლუციის თეორიას ებრძოდნენ და იგი ეშმაკის ჩაგონებით მკრეხელების მონაჩმხად იყო გამოცხადებული, ე. ი. მანამდე, ვიდრე ქეშმარიტი მეცნიერების მიღწევები საფუძვლიანად შეანგრევდნენ დოგმატიკის ციხე-სიმაგრეთა კედლებს. მოთხრობა დარვინისა და უოლესის პოპულარიზაციის გაბედულ ცდას წარმოადგენდა და მიზნად ისახავდა მათი შრომები ხელმისაწვდომი გაეხადა ფართო მასებისათვის, ხალხს შესაძლებლობა ჰქონოდა უკეთ გარკვეულიყო თავის წარსულში. ჯეკი თხრობის განუმეორებელი ოსტატი იყო და ეს ნაწარმოები პირველყოფილი ადამიანების შესახებ თავისი მომხიბვლელობით არ ჩამოუვარდებოდა ალასკაზე დაწერილ არც ერთ მის მოთხრობას. „ადამამდე“ არ შეიძლება მივაკუთვნოთ უმაღლესი კლასის ლიტერატურულ ნაწარმოებთა ჯგუფს: აქ თავი იჩინა იმ სიჩქარემ, რომლითაც იგი ქალაქებში იქნა გადატანილი, მაგრამ მის წაკითხვას, დიდი სიამოვნების განცდასთან ერთად, ცოტა სარგებლობა როდი მოაქვს, განსაკუთრებით ახალგაზრდობისათვის, რომელიც ეს-ესაა იწყებს მომწიფებას.

როსკომ შეისყიდა მასალები, მოაგროვა მუშები, გემთსაშენ დოკში დაიჭირავა სადგომი და ჯეკს აცნობა, რომ გემის ხერხემლის ჩაყრა მოხდება 1906 წლის 18 აპრილს. წინა დღით ჯეკი განუწყვეტლივ ლაპარაკობდა მომავალ ნაოსნობაზე, იგონებდა,

„ბავშვობაში მეღვილის „ტაიპის“ კითხვის დროს მთელ საათებს ვატარებდი ოცნებაში. სწორედ მაშინ გადავწყვიტე, როცა წამოვიზრდები და ძალ-ღონეს მოვიკრებ, რაღაც არ უნდა დამიჯდეს, ტაიპაზე ვიმოგზაურებ-მეთქი“. გათენებამდე დიდი ხნით ადრე ჯეკს მოეჩვენა, თითქოს მისი საწოლის ქვეშ იატაკი ირყეოდა და გამოელვინა. ცხადი იყო, სიზმარში ტაიპის ველი ნახა და მღელვარებისაგან თვითონვე აწრიალდა ლოგინში. მოაღწია თუ არა განთიადმა, შეკაზმა თავისი უომო ბანა. სონომის მთის მწვერვალთან რომ მივიდა, დაინახა სან-ფრანცისკო ცეცხლის აღში იყო ვახვეული. მაშინვე ჭენებ-ჭენებით უკანვე დაბრუნდა უეიკ რობინში, ჭენებიზე გაექანა ოკლენდისაკენ, რათა მატარებლისათვის მიესწრო, შემდეგ ბორნით გადავიდა სან-ფრანცისკოში, სადაც ფოტოსურათები გადაიღო და დაუყოვნებლივ, დებეშით გაგზავნა კორესპონდენცია „კოლიერსისათვის“.

მიწისძვრისა და ხანძრის შედეგად სან-ფრანცისკოში მომხდარ უამრავ დიდ ტრაგედიას შორის ერთი პატარა ტრაგედიაც მოხდა: იახტა „სნარკის“ საფუძვლის ჩაყრა არ შედგა. დაიწვა მასალები, რომელთა საფასური უკვე გადახდილი იყო; არსად არ იშოვებოდა მუშახელი; დანგრეული იყო რკინეულის დამამზადებელი ქარხანა, შეუძლებელი შეიქნა ნიუ-იორკიდან გამოწერილი მოწყობილობების ქალაქში შემოტანა. უახლოეს კვირებში სამუშაოთა დაწყებაზე ფიქრიც ზედმეტი იყო. იქვე დატოვა როსკო, რათა მას რაც შეიძლება მალე მოეგვარებინა „სნარკის“ მშენებლობის დაწყება, თვითონ კი გლენ-ელენში დაბრუნდა და მოთხრობების წერას შეუდგა. ამ დროს დაწერა მან თავისი საუკეთესო მოთხრობები: „სიცოცხლის სიყვარული“¹, „თეთრი ადამიანის გზა“, „თქმულება კიშზე“, „მოულოდნელი“, „მშიშარა“, „ნეგორი“. ჯეკი დაეკვდა, რომ „სნარკის“ აგება უფრო მეტი დაუჯდებოდა, ვიდრე თავდაპირველად ვარაუდობდა.

ივნისში, როგორც იქნა, შედგა ხერხემლის ჩაყრა. ჯეკმა კი საბოლოოდ მიაგნო იმ რომანის დედააზრს, რომლის დაწერის იდეა

¹ მოთხრობა „სიცოცხლის სიყვარული“ გაცილებით ადრეა დაწერილი. 1905 წელს კი გამოქვეყნდა.

დიდი ხანია მოსვენებას არ აძლევდა, რომანისა, რომელიც მიემდგინებოდა ადამიანთა საზოგადოების ეკონომიურ ცხოვრებას. „დავიწყე სოციალისტური რომანი და თავითფებებამდე ჩავეფლე მასში! ვფიქრობ დავარქვა „რკინის ქუსლი“. არაუშავს-რა სათაურია, არა? შენ სად შეგწევს ძალა ასეთი რამისათვის, საბრალო, ბეჩავო კაპიტალისტო! ეპ, ოდესმე მაინც შეძლებს პროლეტართა კლასი წესრიგი დაამყაროს თავის სახლში!“ მძლავრი წარმოსახვა, რომელმაც სულ რაღაც ორი თვის წინ საშუალება გამონახა მოეთხრო ათეული ათასი წლის წინანდელ ამბებზე, ახლა ახალ ხერხს ქმნის — როგორ გადაიტანოს „რკინის ქუსლი“ მომავალში — შეიდასი წლის შემდგომ: ნაპოვნია ერნესტ ევერგარდის მანუსკრიპტი, რომელიც დამალეს მას შემდეგ, რაც ოლიგარქიამ სისხლში ჩაახრჩო ხალხთა მეორე აჯანყება. აი, რას წერდა „რკინის ქუსლის“ წინასიტყვაობაში ანატოლ ფრანსი, რომელმაც ჯეკ ლონდონს ამერიკელი კარლ მარქსი უწოდა: „ჯეკ ლონდონი დაჯილდოებულია სახელდობრ იმ ტალანტით, რომლისათვის ხელმისაწვდომია უბრალო მომავლადეთათვის დაფარული მოვლენები; ტალანტი, რომელიც მომავლის განსპერეტის განსაკუთრებული ნიჭითაა დაჯილდოებული“.

„რკინის ქუსლით“ ჯეკ ლონდონმა ერთხელ კიდევ დაამტკიცა; რომ იდეები უფრო მძლავრ აღელვებებს იწვევს, ვიდრე ფაბულა, რომ სწორედ ისინი ამოძრავებენ სამყაროს. იგი დავალებული იყო თავისი მასწავლებლებისაგან და ახლა უბრუნებდა მათ იმას, რითაც ვალდებული იყო: „ზღვის მგლისა“ და „აღამამდეს“ გამო — სპენსერს, დარვინს, ჰეკსლის; „რკინის ქუსლის“ გამო — კარლ მარქსს, მისი მოძღვრების პოპულარიზაციით დრამატული ნაწარმოების ფორმაში, სადაც ფართო მასებისათვის გასაგებდ ხდიდა სოციალისტურ და რევოლუციურ იდეებს. კარლ მარქსი კმაყოფილი დარჩებოდა „რკინის ქუსლით“.

ამ ნაწარმოებზე მუშაობისას ჯეკმა მიმართა იმ ვეებერთელა კატალოგებსა და კარტოთეკებს, რომელთაც გულმოდგინედ ავსებდა რაპდენიმე წლის განმავლობაში. აქედან ამოკრიფა მან საკმაო ფაქტური მასალა, რათა რომანი აქდერებულყო როგორც ერთ-ერთი უმკაცრესი საბრალდებულო აქტი, რაც კი ოდესმე წარუდგინათ კაპიტალისტებისათვის. ამერიკელებს ეკონომიკა მშრალ, მო-

საწყენ, გულისგამაწყალებელ საგნად მიაჩნდათ. უფრო მეტიც — ყოველგვარი მსჯელობა პრინციპებზე, რომლებიც საფუძვლად ედო კერძო საკუთრებისა და დოვლათის განაწილების სისტემას, ისევე მკაცრად იყო აკრძალული, როგორც ევოლუციისადმი მიძღვნილი დისკუსია. მრეწველები და ბანკირები საქმეებს იმავე უფლებით განაგებდნენ, რომელიც რესპუბლიკურ რევოლუციამდე მეფეთა წმინდათა-წმინდა უფლების სახელწოდებით იყო ცნობილი. „იმაზეც მაღლიერი იყავით,—ეუბნებოდნენ ისინი მუშებს,—ჩვენი სიბრძნისა და გულკეთილობის წყალობით, უზრუნველყოფილი რომ ხართ სამუშაოთი და პურით“. ეკლესია მეწარმეთა მხოლოდ ყურმოჭრილი მონა იყო, პატრონის ნაწყალობევით გასუქებული. მაგალითისათვის შეიძლება მოვიყვანოთ თუნდაც ის შემთხვევა, რომელსაც ჯეკი თვითონ წააწყდა ჩიკაგოში სალექციო ტურნეს დროს. ქალაქში მხოლოდ ორი მღვდელი აღმოჩნდა, თავს რომ ლიბერალად აღიარებდნენ და იმათაც კი უარი განაცხადეს ყოფილი გუბერნატორის ჯონ პ. ალტგელდის პანაშვილის გადახდაზე იმ მიზეზით, რომ მან ერთ დროს შეიბრალა ის ადამიანები, რომელთაც უსამართლოდ დასდეს მსჯავრი ჰეიმარკეტის აჯანყებაში მონაწილეობისათვის¹. ეკლესიას არ ჩამორჩებოდა ეგრეთ წოდებული უმაღლესი განათლებაც: უნივერსიტეტებში ასწავლიდნენ მხოლოდ იმას, რის ნებასაც მჭიდროდ გატენილი ჯიბე იძლეოდა.

ყველაფერი ეს, საბუთებით დადასტურებული, ჯეკმა შეიტანა თავის თხზულებაში — ერთ-ერთ ყველაზე უფრო საშიშ და ბრწყინვალე ნაწარმოებში, რომელიც კი ოდესმე შეუქმნია ადამიანს. თუ ლიტერატურის დარგისათვის „რკინის ქუსლი“ არც იხე დიდი შენაძენია, სამაგიეროდ, იგი უდიდესი განძია ეკონომიური რევოლუციის საქმეში. ამ ნაწარმოებში ჯეკმა არამცთუ იწინასწარმეტყვე-

¹ 1886 წლის 4 მაისს ჰეიმარკეტის მოედანზე, ჩიკაგოში, მუშათა მიტინგზე პროვოკატორმა ყუმბარა ისროლა. პოლიციამ სროლა ასტენა, ბევრი მუშა დახოცეს და ბევრიც დაჭრეს. საზოგადოებრივი პროვოკაცია ხელისუფლებამ იმისათვის გამოიყენა, რომ ანგარიში გაეწვინებინა მუშათა ლიდერებთან. მიუხედავად იმისა, რომ დაპატიმრებულთა მიმართ ბრალდების დამტკიცება ვერ შეძლეს, შვიდ მათგანს სიკვდილით დასჯა მიუსაჯეს, დანარჩენებს კი პატიმრობა სხვადასხვა ვადით.

ლა ახლანდელი ფაშიზმი, არამედ დაწვრილებით აღწერა ის მეთოდებიც, რომელთაც მიმართავს იგი ყოველგვარი წინააღმდეგობის ჩასახშობად და არსებული კულტურის აღსაგველად პირისაგან მიწისა. „რკინის ქუსლს“ დღესაც ისე კითხულობ, თითქოს იგი გუშინ იყოს დაწერილი; ამდაგვარივე წარმატებით შეიძლებოდა მოგვლენოდა იგი ათი წლის შემდეგაც. თანამედროვე ლიტერატურაში ვერ მოძებნი უფრო მომხიბვლელ თავს, როგორცაა ის ნაწილი, სადაც ერნესტ ევერგარდი ორთაბრძოლაში ებმება ფილომატების კლუბის წევრებთან—წყნარი ოკეანის სანაპიროს ამ უძლევაძოისი-ღეს ოლიგარქებთან. თავის გამოსვლაში ევერგარდი აშიშვლებს მოგების სისტემის უნაყოფო და მტაცებლურ არსს და წინააწარმეტყველებს მრეწველობის მუშათა ხელში გადასვლას. ძნელად თუ მოიძებნება უფრო წინასწარმეტყველური სიტყვები, ვიდრე ის, რომლითაც ოლიგარქების ლიდერი პასუხობს ევერგარდს: „აბა, სცადეთ და წაეპოტინეთ თქვენი ნაქები, მძლავრი ხელებით ჩვენს სასახლეებს, ჩვენს დიდებულ ფუფუნებას. — მაშინ გიჩვენებთ, რა არის ძალა. ყუმბარებისა და კარტიჩის ქეჩა-ქუხილში, ტყვიამფრქვევთა ბათქაბუთქში დაიჭეკებს ჩვენი ხმა. თქვენს მეამბოხეებს ნაცარტუტად ვაქცევთ ჩვენი ქუსლებით. გავისეირნებთ თქვენს სხეულებზე. აქ ბატონები ჩვენა ვართ: სამყარო ჩვენია და ჩვენადვე დარჩება. რაც შეეხება იმათ, ვინც შრომობს, — მათი ადგილი ლაფშია. ასე იყო საუკუნეების განმავლობაში და ასევე დარჩება; ვიდრე ძალაუფლება მე და ჩემისთანებს ეკუთვნის — თქვენ ლაფში იხედებით“.

ორმოცდახუთი ფუტის სიგრძის კეჩით შეიღწლიანი მოგზაურობა სამყაროს ირგვლივ? „რკინის ქუსლი“ ისეთი გაქანების მოვლენაა, რომელთან შედარებით „სნარკით“ განზრახული მოგზაურობა სან-ფრანცისკოს ყურეს ბორნით გადაცურვას თუ შეიძლება შევადაროთ. ამ წიგნის წერის პროცესში ჯეკისათვის ცხადი იყო, რომ შეიძლებულ ხელისუფალთა უღმობველ გულისწყრომას დაიმსახურებდა; წერდა და კარგად ესმოდა, რომ ზიანი მოუვიდოდა მის კარიერას, რომ „რკინის ქუსლს“ შეუძლია ავნოს წინანდელ ნაწარმოებებს და დაღუპოს ისინიც, რომელნიც ჯერ არ დაუწერია. იგი წერდა იმის სრული შეგნებით, რომ შესაძლოა მაკმილანი იძულებული გახდეს

უარი განაცხადოს მის გამოქვეყნებაზე, რომ ვერც ერთი ყურნა-
 ლი ვერ გაბედავს მის ნაწილ-ნაწილად დაბეჭდვას და, რომ შეიძ-
 ლება მასზე გაწეული შრომის გასამრჯელოდ იმდენიც ვერ მიიღოს,
 რამდენიც საკმელ-სასმელში დაიხარჯა, როცა წერდა. ეს იყო
 დიდი გაბედულება, განსაკუთრებით, თუ გავითვალისწინებთ მის
 ფინანსურ მდგომარეობას „სნარკის“ აგებასთან დაკავშირებით.
 თავისსავე ბრძანებიდან გადაუხვევლად: „ნუ დაზოგავთ სახსრებს,
 რათა იახტა ამტანი და გამძლე იყოს“;—ჯეკმა გემბანისათვის შეუქ-
 ვეთა ყველაზე უფრო ძვირად ღირებული პიუჩეტსაუნდის ფიტრე-
 ბი, რომ შემოფიტრულს ჟონვა არ დაეწყო; ნავი ოთხ ჰერმეტულ
 ნაკვეთურად გაჰყო: სადაც არ უნდა დაეწყო გემს ჟონვა, წყალს
 შეიძლებოდა მხოლოდ ერთ ნაკვეთურში შეედწია. ნიუ-იორკში კა-
 ცი გაგზავნა სამოცდაათცხენისძალიანი ძვირფასი ძრავას ჩამოსატა-
 ნად; შეიძინა ჩინებული ბრაშპილი და ღუზის ასაწეველ სპეციალუ-
 რი გადამცემი შეუქვეთა. მოაწყო ზღაპრული სააბაზანო ოთახი —
 სპეციალური, გონებამახვილურად ჩაფიქრებული მოწყობილობებით,
 ტუმბოებით, ბერკეტებითა და სარქველებით ზღვის წყლისათვის;
 შეიძინა ნიჩბიანი კარჭაპი, შემდეგ კი პატარა ძრავა. „სნარკის“
 ცხვირი ისე ააგო, რომ მას ვერც ერთი ტალღა ვერ გადაუვლიდა.
 მართალია, ეს მეტად ძვირი დაუჯდა, მაგრამ, სამაგიეროდ, ასეთი
 ლამაზი ცხვირი მას არც ერთ გემზე არ ენახა. ინტერვიუს მისაღე-
 ბად გამოგზავნილი რეპორტიორები წერდნენ, საკმარისია ნაოსნო-
 ბაზე ჩამოაჯდოთ ლაპარაკი, რომ იგი მაშინვე ბავშვად იქცევაო;
 ახალი სათამაშო იშოვა და მისი თამაშით სურს გული ბოლომდე
 იჯეროსო.

შუა ზაფხულში ჯეკმა აღმოაჩინა, რომ „სნარკზე“ უკვე ათი
 ათასი დოლარი დახარჯა, გემი კი სანახევროდაც არ იყო აგებული-
 ამ ათი ათასმა უკანასკნელ დოლარამდე შთანთქა ყველაფერი, რაც
 კი გააჩნდა: საავტორო ანარიცხები და მაკმილანისა და ინგლისური
 გამომცემლობებისაგან მიღებული ავანსებიც; ოთხასი დოლარი, რო-
 მელიც მაკ-კლურისაგან მიიღო მოთხრობისათვის „სიცოცხლის
 სიყვარული“, ჰონორარი იმ მოთხრობებისათვის, რომელნიც „ადა-
 მამდეს“ დასრულების შემდეგ დაწერა. ამას გარდა, იგი არჩენდა
 ფლორას, ჯონი მილერს და ძიძა ჯენის, რომელნიც ფლორასათვის

აგებულ სახლში ცხოვრობდნენ; ბესისა და ქალიშვილებს, რომელნიც ბესისათვის აგებულ სახლში იმყოფებოდნენ; ჩარმიანს, როსკო ეიმსს, ნაწილობრივ, ნინეტა ეიმსსა და ედუარდ პეინს უეიკ როზინში; ამას გარდა, რანჩოში მღვშაობდა ათისტავეი მუშებით, რომელნიც რგავდნენ, ასუფთავებდნენ, იძენდნენ ინვენტარსა და მასალებს.

გამომცემლები, რომელთაც ჯეკმა თებერვალში მღელვარებით აღსავსე წერილები დაუგზავნა, გულცივად შეხედნენ მის თხოვნას „სნარკით“ ნაოსნობის შესახებ კორესპონდენციების ანგარიშში ავანსის მიცემაზე. ფულის შოვნა, ყველას უზრუნველყოფა სიიხ მიხედვით — კმაყოფაზე მყოფი თოთხმეტი ნათესავისა და რანჩოში მომუშავე მუშების — და ამასთანავე ჯამაგირის გაცემა იმ მუშებისათვის, რომელნიც „სნარკზე“ მუშაობდნენ! ფულის შოვნის მთელი ეს პროცესი ცნობილი გახდა, როგორც „ლონდონის ყოველთვიური სასწაული“. საღი ფონება კარნახობდა: თავი დაანებე „სნარკს“, ყოველ შემთხვევაში, დროებით მაინც, შენ ხომ არ ძალგიძს ანგარიშების განაღდება. ანდა, თუ მაინც და მაინც გინდა კვლავაც გადაყარო ფული „სნარკში“, ხელი აიღე „რკინის ქუსლზე“. კომპრომისი? აჰა, ეს მას არ სჩვევია. დილდილობით ქალღმრთელზე იღვრებოდა „რკინის ქუსლის“ მგზნებარებით აღსავსე ატრიქონები — ათასი სიტყვა ყოველ დილით. ხოლო დღის მეორე ნახევარში, კვირაობითა და დღესასწაულის დღეებში წერდა მოთხრობებს, სტატიებს, ნარკვევებს — რაგინდარას, ოღონდ კი ეშოვა ასეულები, რომელთაც ნთქავდა „სნარკი“. ჟურნალმა „კოსმოპოლიტმა“ შეიძინა სტატიების მთელი სერია იმ დღეების შესახებ, როცა იგი მაწანწალად დახეტიალობდა „გზებზე“. მანვე დამატებით ათასი დოლარი გამოგზავნა იმ სტატიის ანგარიშში, რომელიც ჯეკს უნდა დაეწერა მანამდე, ვიდრე „სნარკი“ გაემგზავრებოდა: ეტყობა, „კოსმოპოლიტს“ მეტად ეეჭვებოდა, შეძლებდა თუ არა ორმოცდახუთფუტიანი იახტა ოდესმე მიეღწია თუნდაც უახლოეს ნავსადგურამდე.

1 ოქტომბრისათვის — ეს იყო ზღვაზე გასვლის ნავარაუდები თარიღი — „სნარკმა“ უკვე შთანთქა თხუთმეტი ათასი დოლარი და ჯერ მხოლოდ სანახევროდ იყო დამთავრებული. ჯეკმა „სნარკის“

აგებაში ჩაყარა ის ორი ათასი დოლარიც, რომელიც მიიღო ჟურნალისაგან „ყველასათვის“ მოთხრობის „აღამამდე“-ს ნაწილ-ნაწილად გამოცემაში; ორი ათასი, რომელიც „კოსმოპოლიტმა“ გამოგზავნა; ორი—„ქალთა საოჯახო თანამგზავრისაგან“ მიღებული ავანსი სტატიისათვის ადგილობრივ მცხოვრებთა საოჯახო ყოფის შესახებ და კიდევ ორიც—რიგი მოთხრობებისათვის ალასკაზე. მიუხედავად ამისა, ცხადი გახდა, რომ თუ განზრახული აქვს განაგრძოს სამუშაოები კეჩუე, საჭირო იქნება სესხის აღება ფლორასათვის ნაყიდი სახლის დაგირავებით. ამავე დროს, როგორც იქნა, თვითონვე მიხვდა, რომ ტრაგიკული შეცდომა დაუშვა როსკო ეიმსის დაქირავებით. ეიმსი ჰირვეული და უნიჭო ორგანიზატორი იყო, ვერ შეძლო ხელქვეითებისაგან მოეთხოვა სიბეჭითე და ისინიც ხან მუშაობდნენ, ხან არა; ყბედი და ახირებული სამმაგ ფასებში ყიდულობდა აღკაზმულობას; იძენდა მასალებს, რომელნიც საჭირო არ იყო, ჩეკებს ისეთი აღკაზმულობის შესაძენად არიგებდა, რომელთა გაკეთებასაც არავინ ფიქრობდა. თავისი თავისადმი დაუცხრომლად მომთხოვნი ჭეკი, რომელიც ძირფესვიანად სწავლობდა ცოდნის ყოველ დარგს, კვლევა-ძიებათა ყოველ სფეროს, ვიდრე მასზე წერას დაიწყებდა, არც კი ფიქრობდა, რომ ასეთივე მოთხოვნის წაყენება იყო საჭირო მასთან მომუშავე ადამიანებისადმი, და სასურველს სინამდვილედ იღებდა.

მდგომარეობა კიდევ იმით გართულდა, რომ „კოსმოპოლიტმა“, რომლისგანაც ძლივძლივობით ამოქაჩა ავანსი—ათასი დოლარი, ახლა მთელი გვერდი ააჭრელა განცხადებებით, რომ იგი ჭეკა ლონდონს „სნარკით“ დედამიწის ირგვლივ სამოგზაუროდ ერთადერთი მიზნით აგზავნის — წეროს მოთხრობები ჟურნალისათვის. „ყველასგან“ სამმაგად ითხოვენ, ყველაფერს აწეულ ფასებში მახვევენ თავზე, უარს მეუბნებიან წინასწარ შეთანხმებულ ფასზე და ყველაფერი ეს იმ მოსაზრებით ზღებდა, თითქოს მე საკუთარ ფულს კი არ ვზარჯავ, არამედ მდიდარი ჟურნალისას“.

ჟურნალის ცრუ განცხადებებმა ჭეკს ორმაგი ზიანი მიაყენა: მათ სხვაგვარად წარმოადგინეს მოგზაურობა, ასე რომ, ჭეკი ახლა გამოიყურებოდა, როგორც ჟურნალის დაქირავებული რიგითი თანამშრომელი და არა თავგადასავლების მაძებარი. „კოსმო-

პოლიტი“ ამასაც არ დაჯერდა და დაამახინჯა პირველი სტატია „სნარკის“ შესახებ. ჭეკი გრძნობდა, რომ პატიოსნად არ ექცეოდნენ. ასეთ შემთხვევებში ის მუდამ ჩინებულ ფორმაში იყო — „კომპოპოლიტის“ რედაქციას მრისხანე წერილით მიმართა: „თქვენ მე საზიზღრად მექცევით. ჩემს პრაქტიკაში ესაა პირველი კონფლიქტი უურნალთან და, ვიმედოვნებ, უკანასკნელიც; მაგრამ ვინაიდან ის აღმოცენდა, დათმობაზე წასვლას არ ვაპირებ: ან ერთად ვიმუშაოთ, ან — არა. სინდისქვეშ რომ გითხრათ, მე ურთიერთობის გაწყვეტას ვარჩევდი, რაკი თქვენ არ შეგიძლიათ სინდისიერად და პამართლიანად მომექცეთ და ეს საკუთარ თავსვე დააბრალეთ. მე შებრალებას არა გთხოვთ, მაგრამ ნურც ჩემგან ელით დანდობას. თქვენ გსურთ იცოდეთ, როდის გამოვგზავნი მორიგ სტატიას? სანამ რაღაც-რაღაცეებს არ გამოვარკვევ, ამას ვერ გაიგებთ. საშინელი სამსჯავროს დღე უფრო მალე მოვა, ვიდრე მეორე სტატია. ზოთხრობის ქარგას მე ვთხზავ; მისი დაქუცმაცების უფლება არა გაქვთ. და, სიერთოდ, ეშმაკსაც კი წაუღიხართ, ვინა ხართ თქვენ? რა უფლებების ძალით მიეცით თავს ნება, შეასწოროთ ჩემი ნამუშევარი? როგორც ეტყობა, გადაწყვიტეთ, ვითომც ჩემს ნაწარმოებებში იმისთვის ვაქსოვდე გულს, მწერალ-პროფესიონალის გაწვრთნილ გულს, რომ იგი დასაფლეთად გადასცეთ გაზეთების მეპატრონეთა გეძოვნების საამებლად: კატეგორიულად და გადაჭრით ვამბობ უარს ვისთანაც არ უნდა იყოს, ვითანამშრომლო თქვენს დაწესებულებაში!“

უზომო ხარჯებზე უფრო საწყენი ის იყო, რომ დაწყებულ საქმეს ბოლო აღარ ეღებოდა. „სნარკის“ ჩაბარება 1 ნოემბრისათვის იყო დათქმული, მერე—15-სათვის, ხოლო შემდეგ—1 დეკემბრისათვის.

უკიდურესობამდე მიყვანილი ჭეკი ოკლენდში გადასახლდა, რომა კო შინ დააბრუნა ნავიგაციის საქმის შესასწავლად, გემის დასამთავრებელი სამუშაოების ხელმძღვანელობა კი თავის თავზე აიღო. მან თოთხმეტი მუშა მოიწვია, რომელთაც თავბრუდამხვევი სიდიდის ჯამაგირი დაუნიშნა და, თანაც, საქმის დაჩქარებისათვის, პრემიასაც შეპირდა — თითო დოლარს დღეში. ამის განსახორციელებლად საჭირო შეიქნა ჰილისის რანჩოს დაგირავება. კოლოსალური ხარ-

ჯების მიუხედავად, 15 დეკემბერს იგი მიხვდა, რომ „სნარკის“ დამთავრებას ისევ და რაღაც დიდი დრო სჭირდებოდა. ისევ გადაინაცვლა გამგზავრების თარიღმა.

გაზეთებმა პატარა სატირული ლექსებით დაცინვები დაიწყეს ზოზინა ხელოსან მისტერ ლონდონის მისამართით. მთლად არეულს იმით, რომ „კოსმოპოლიტმა“ ჭკუაში აჯობა, როცა პირველმა დაბეჭდა სტატია „სნარკის“ შესახებ, ახლა „ქალთა საოჯახო თანამგზავრმაც“ მოსთხოვა ადგილობრივ მცხოვრებთა ყოფის შესახებ სტატიის წარმოდგენა მანამდე, ვიდრე ჯეკი ჯერ კიდევ აქ, სან-ფრანცისკოში იმყოფებოდა. მეგობრები სანაძლეოს დებდნენ მისი გამგზავრების თარიღის შესახებ.

პირველი სანაძლეო მოიგო ათისთავმა ჰილის რანჩოდან და „სნარკში“ დაბანდებულ ოცი ათას დოლარზე ამ თანხის დამატებაც მოუხდა. ეს მოხდა 1907 წლის 1 იანვარს. „ამის შემდეგ სანაძლეოები გრიგალისებური ცეცხლით დამატყდა თავზე. მეგობრები მძარცველი უაჩილებივით შემომერტყნენ. საკმარისი იყო თარიღი დამესახელებინა, რომ მაშინვე საწინააღმდეგო სანაძლეოს მთავაზობდნენ. მეც ვენიძლავებოდი, ვკამათობდი გაუთავებლად და თან ყველას ვუხდიდი“.

„სნარკით“ მოგზაურობის შესახებ გაზეთებმა და ჟურნალებმა ისეთი აურზაური ასტეხეს, რომ ჯეკს ჭვეყნის ყოველი მხრიდან ათასობით წერილი მოსდიოდა თხოვნით, თან წაეყვანა სამოგზაუროდ. მათგან ოთხმოცდაათი პროცენტი მზად იყო ყოველგვარი სამუშაოს შესასრულებლად; ოთხმოცდაცხრამეტი პროცენტი გასამრჯელოსაც არ ითხოვდა. „უამრავი ექიმი — სახმელეთო და საზღვაო — თანახმა იყო უხელფასოდ ემუშავა. ვინ გნებავთ, რომ აქ არ ყოფილიყო! რეპორტიორები, კბილის ექიმები, კამერდინერები, მზარეულები, მხატვარ-ილუსტრატორები, მდივნები, ინჟინერ-მშენებლები, მექანიკოსები, ელექტრიკოსები, სამსახურიდან ფადამდგარი საზღვაო კაპიტნები, სკოლის მასწავლებელი ქალები, სტუდენტები, ფერმერები, დიასახლისები, მატროსები და გემსართავების ოსტატები“. ჯეკმა მხოლოდ ერთი თხოვნის მიმართ ვერ შეიკავა თავი. ეს იყო შვიდგვერდიანი წერილი, რომელიც გამოუგზავნა გამოუცდელმა ყმაწვილმა, ვინმე მარტინ ჯონ-

სონმა, კანზას-ტოპიკის შტატის დედაქალაქიდან. „მზარეულობათუ შეგიძლიათ?“ — უდებეშა ჯეკმა. „ოღონდაც გამომცადეთ“, — უპასუხა მარტინ ჯონსონმა და ტოპიკის ბერძნული სასაბილოს სამზარეულოსაკენ მოუტრცხლა სამუშაოს საშოვნელად. იანვარში აფრიკის მომავალი მკვლევარი უკვე ოკლენდში იყო „სნარკზე“ სამოგზაუროდ გამზადებული. მხოლოდ „სნარკი“ ჯერ კიდევ არ იყო მზად. ვინაიდან ჯეკი ყოველთვის თვლიდა, რომ მის მუშაებს უთუოდ კარგი გასამრჯელო უნდა ჰქონოდათ, სიას კიდევ ერთი მიემატა — მარტინ ჯონსონის ჯამაგირი.

მართალია, ჯეკი დარწმუნდა, რომ როსკო არაფერში არ ვარგოდა, მაგრამ იგი მაინც არ დაითხოვა. მრავალრიცხოვანი შესაძლებლობიდან არც ერთით არ ისარგებლა, რათა იახტის კაპიტნად საქმის მცოდნე ოსტატი აეყვანა; თითოეულ მათგანთან ხომ შეეწლო შეთანხმებულიყო იმავე ას დოლარზე. თვეში, რომლის დანიშვნასაც აპირებდა როსკო ეიმისათვის. არ იცუვანა არც ერთი პირველი კლასის მეზღვაური, რომელნიც თანახმა იყვნენ თუნდაც უხელფასოდ ემუშავათ „სნარკზე“. ამის ნაცვლად ერთადერთ მემანქანედ და მატროსად დაიქირავა სტანფორდის უნივერსიტეტის სტუდენტი, ახოვანი და ხათრიანი ყმაწვილი ჰერბერტ სტოლცი. ეკიპაჟის შემადგენლობამ ასეთი სახე მიიღო: ჯეკი, ჩარმიანი, როსკო ეიში, მარტინ ჯონსონი, ჰერბერტ სტოლცი და იაპონელი იუნგა ტოჩიგი; ჯეკის ფარდა, არც ერთმა მათგანმა არ იცოდა აფრების აწევა ანდა ლუზის აშვება.

„რკინის ქუსლის“ დამთავრების შემდეგ, ჯეკმა პირველი ორი თავი წაიკითხა რიოსკინის კლუბში. ოკლენდის ერთმა გაზეთმა ამის შესახებ აღნიშნა, რომ იგი ყოველთვის ოკლენდს იყენებს თავისი სოციალისტური იდეების საცდელ ქვად, რადგან იცის—თუ ეს იდეები აქ გავიდა, შერე ყველგან გავა. შემდეგ ჯეკმა ხელნაწერი ბრეტს გაუგზავნა. ბრეტმა იწინასწარმეტყველა, რომ ამ ნაწარმოებს გაზეთებში ან ღუმლით აუვლიან გვერდს, ან თავს დაესხმიან ავტორსა და გამომცემელს. ამავე დროს აღიარებს, რომ ნაწარმოები კარგია და თანახმაა შედეგების გაუთვალისწინებლად დაბეჭდოს. ეს დიდი გაბედვა იყო. ოღონდ იგი სთხოვდა ჯეკს, ამოეღო სქოლიოში ჩამოტანილი შენიშვნა, რომლის გამო, როგორც ბრეტი თვლიდა, ორი-

ვეს ციხეში აზოაყოფინებდნენ თავს სასამართლოს შეურაცხყოფისათვის. ამაზე ჯეკმა უპასუხა: „თუკი მე ბრალს დამდებენ სასამართლოს უპატივეცემულობაში, სულითა და გულით მოხარული ვიქნები, ექვსი თვე ჩავჯდე ციხეში. ამ ხნის განმავლობაში შეიძლება ორიოდ ნაწარმოების დაწერა და კითხვითაც გულის მოჭერება“.

ღიახ, მას მართლაც მნიშვნელოვანი საფუძველი ჰქონდა მონატრებოდა. საპყრობილის მშვიდი და მყუდრო ცხოვრება. „სნარკმა“ იგი ნამდვილ სიგიჟემდე მიიყვანა. თებერვალში, ერთი წლის თავზე მას შემდეგ, რაც გამომცემლობათა რედაქტორებს ენთუზიზმით აღსავსე წერილები დაუგზავნა, „სნარკი“ აგების სტადიაში დიდ ხნის ყოფნის გამო, უფრო ჩქარა ინგროვდა, ვიდრე შეკეთებას ასწრებდნენ. იახტა ფარსად, ლონდონისეულ ახირებულებად გადაიქცა. გაზეთები აშკარად დასცინოდნენ. გემს არავინ სერიოზულ საქმედ არ თვლიდა, მით უმეტეს მისი მშენებლები. „სნარკის“ დასათვალისწინებლად მრავლად მოდიოდნენ ძველი, გამოცდილი მეზღვაურები, საზღვაო საქმის ოსტატები, რომლებიც თავის ქნევით სტოვებდნენ მას და ყოველგვარ უბედურებას უწინასწარმეტყველებდნენ. მეზღვაურები ამბობდნენ, „სნარკი“ ცუდადაა დაგეგმილი, კიდევ უფრო ცუდად აღკაზმული და ღია ზღვაში ჩაიძირებაო. სანაძლეოს სდებდნენ, იგი ვერასდროს ვერ მიაღწევს ჰავაიმდე. კორეელმა ბიჭმა მანიუნგმა, რომელიც სამი წელი კეთილსინდისიერად ემსახურა თავის „პატრონს“, აიძულა ჯეკი მისთვის ანგარიში გაესწორებინა; განგებ მიმართა ჯეკს სულელური კითხვით: „ღმერთს ყავა მივართვა?“ იგი დარწმუნებული იყო, რომ, სულერთია, ჰავაიზე მაინც ვერ მოხვდებოდა. იახტის ირგვლივ დღე და ღამე თავს იყრიდნენ ცნობისმოყვარეები, იკრიჭებოდნენ უსაქმოდ მოხეტიალენა...

დარწმუნებულმა, რომ „მდგომარეობა ხელს არ უწყობს“, რომ სან-ფრანცისკოში იახტის მშენებლობას ვერასოდეს ვერ დაამთავრებს, ჯეკმა გადაწყვიტა მისი ჰონოლულუში გადაყვანა იმ სახით, როგორც იყო, და მშენებლობის იქ დამთავრება. ვერც კი მოასწრო ამ გადაწყვეტილების მიღება, რომ „სნარკმა“ ყოველი დაიწყო. ამის ლიკვიდაციას რამდენიმე დღე დასჭირდა. ბოლოს, როცა შესაძლებელი გახდა მისი ძელებზე შეყენება წყალში ჩასაშვებად, გზაში

ორ კარქაპს შუა გაიჩხირა და გვერდები მნიშვნელოვნად დაუზიანდა. მუშებმა იგი ძელებამდე შინც მოიყვანეს და შეუდგენ წყალში ჩაშვებას, მაგრამ ძელები გაიშალა, „სნარკი“ კიჩოზე გადაწვა და ზღართან მოადინა შლამიან ტალახში. ორთქლის ორი ბუქსირი მთელი კვირის განმავლობაში ყოველდღე, დილისა და საღამოს მოქცევათა ხელშეწყობით, ეწეოდა და ექაჩებოდა „სნარკს“, რათა იგი შლამიდან ამოეთრიათ. როცა ჭექმა მისაშველებლად ბრაშპილი აამუშავა, სპეციალურად დამზადებული გადამცემები ნამსხვრევებად იქცა, ბარაბნები—ნაცარტუტად, ხოლო ბრაშპილი სამუდამოდ გამოვიდა მწყობრიდან. სასოწარკვეთილმა ჭექმა ჩართო ნაქები სამოცდაათცხენისძალიანი მოტორი, რომელმაც გახეთქა ნიუ-იორკიდან ჩამოტანილი თუჯის დგანი, ყალყზე დადგა, დაამსხვრია ყველა ჰანკი და სამაგრი და, უკვე ყოვლად უსარგებლო, გვერდზე გადაწვა.

ამ დროისათვის გემის აგებაზე უკვე დახარჯული იყო ოცდანუთი ათასი დოლარი. უახლოესი მეგობრები ცდილობდნენ ჭეკისათვის ჩაეგონებინათ, რომ იგი დამარცხდა, რომ უმჯობესია მიატოვოს „სნარკი“ იქვე, სადაც დგას, და უარი თქვას ნაოსნობაზე. მას არწმუნებდნენ, რომ ზღვაში ამდაგვარი გემით გასვლა, რასაკვირველია, თუ ჭეკი საერთოდ შეძლებდა მასზე გამგზავრებას, იგივე თვითმკვლელობა იყო. პასუხად ჭექმა შესძახა: „მე უკან ვერ დავიხევ!“

ყოველდღე ბორგავდა დაუდევარი მუშების, დაწუნებული მასალისა და მომწოდებელთა გამო, რომელნიც დაჟინებით გულს უწყალებდნენ ანგარიშებით; გაზეთების გამო, რომლებიც მოურიდებლად დასცინოდნენ. ახლა რომ თავი დამარცხებულად ელიარებინა, საქვეყნოდ დაცინვის საგანი გახდებოდა. ასეთ შერცხვენას კი ვერასოდეს გადაიტანს! იგი სიტყვის კაცია. დაე, ეს იყოს უკანასკნელი, რაც მას დარჩენია გასაკეთებელი, მაგრამ გემს შინც წაიყვანს ჰავაის კუნძულებისაკენ. უმჯობესია გმირის სიკვდილით დაიდუპოს წყნარი ოკეანის ღრმა წყლებში, ვიდრე ითმინოს დაცინვები ვაჭრებისა და მუშებისაგან, რომლებმაც იგი გაჰყვლიფეს; გაზეთებისაგან, რომლებმაც იგი დაცინვის საგნად გადააქციეს; უსაქმურ მეგობართა ბრბოსაგან, რომელიც მას ღიმილით გიჟს უწოდებდა და რომელთა გავლენით ხალხი ნიძლავს დებდა — ჭეკი ვერასოდეს იხილავსო ჰონოლულუს, და ამ დროს კამათის მსურველნიც კი არ

ჩანდნენ! „ილაჯგაწყვეტილებმა, ოფლად დაღვრილებმა, ჩამოვითრი-
ეთ „სნარკი“ დამახინჯებული ძელებიდან და ოკლენდის ქალაქის ნავ-
მისადგომში დავაყენეთ. შინიდან საზიდრებით მოვზიდეთ აღჭურვი-
ლობა: წიგნები, საბნები, პირადი ბარგი. ამათთან ერთად გემბანზე
უწესრიგო ნაკადად მოედინებოდა: შეშა [დ. ნახშირი, მტკნარი წყალი
და ავზები, ბოსტნეული, სანოვავე, საპოხი ზეთი, მეშველი კანჯო და
მოტორიანი ნავი, ყველა ჩვენი მეგობარი, ეკიპაჟის მეგო-
ბრებისა და ზოგიერთი მათი მეგობრის ჩაუთვლელად. ამათ გარდა,
იყვნენ რეპორტიორებიც და ფოტოგრაფებიც, უცნობებიც და გულ-
შემატკივრებიც. ყველაფერი ეს ნახშირის მტკრის ღრუბლებში იყო
გახვეული“.

როგორც იქნა, ხანგრძლივი, მძიმე და გულისგამაწყალელებელი
შრომა დამთავრდა და გამგზავრება დაინიშნა 1907 წლის 2 აპრილს,
შაბათს. შაბათ დილით ჯეკი ჩეკის წიგნაკით, ავტოკალმითა და საშ-
რობით ხელში გემბანზე ავიდა. ხელზე ჰქონდა თითქმის ორი ათა-
სი დოლარი — ყველაფერი, რისი გამორთმევაც შესძლო ავანსის
სახით მაკმილანისა და ჟურნალებისაგან, და საბოლოო ანგარიშის
გასასწორებლად ლოდინი დაუწყო ას თხუთმეტი მომწოდებელი ფი-
რმის წარმომადგენლებს, მათ ხომ — ეს უკვე ცხადი იყო — ასე დი-
დი ხნით დააგვიანეს იგი. მაგრამ ფულის მისაღებად მოსულ მომწო-
დებელთა ნაცვლად, „სნარკზე“ გამოცხადდა სასამართლოს აღმას-
რულებელი და ანძაზე მიაკრა უწყება. იგი იუწყებოდა, იახტა
ჩამოერთმევა, თუ ჯეკი ვალს არ გადაუხდის ვინმე სელარსს, რომ-
ლისაც ორას ოცდათორმეტი დოლარი ემართა. „სნარკი“ დაპატიმ-
რებული იქნა, ჯეკს მისი ადგილიდან დაძვრის უფლება არ ჰქონდა.
იგი გიჟივით დარბოდა ქალაქში, ცდილობდა ეპოვა თავისი კრედი-
ტორები, შერიფი, მერი, ყველაფერზე მზად იყო, ოღონდ კი თავი
დაედღწია შექმნილი მდგომარეობიდან. ამოოდ: კვირა დღე იყო და
ყველანი ქალაქიდან გასულიყვნენ.

ორშაბათ დილით იგი ისევ „სნარკის“ ბაქანზე იჯდა და სიბრა-
ზისაგან დაბრმავებული, გაცოფებული, რომ მთელი მისი გეგმები
ინგრეოდა, მარჯვნივ და მარცხნივ ურიგებდა კრედიტორებს ბანკ-
ნოტებს, ოქროსა და ჩეკებს. იმის თავიც აღარ ჰქონდა, შეემოწ-
მებინა, სწორად იყო თუ არა შედგენილი ანგარიშები, დარწმუნ-

ნებულისყო, კიდევ აქვს თუ არა ვალი, ხომ არ გადაიხადა იგი უკვე ამა თუ იმ ანგარიშით. ყველაფრის შეჯამების შემდეგ გამოარკვია, რომ „სნარკი“, რომლის მძლავრი ძრავა ბორტზე იყო მიბმული, როგორც ბალასტი, ძალური გადაცემა გამოყვანილი იყო მწყობრიდან, მეშველ კანჯოში წყალი შედიოდა, ხოლო მოტორიანი ნავი ადგილიდან არ იძვროდა, — სწორედ ეს, საღებავაქერცლილი „სნარკი“ ოცდაათი ათასი დოლარი დაუჯდა.

გადარცულმა, გამასხარავებულმა, გამოტირებულმა, ამხანაგებისაგან ბედის ანაბარად მიტოვებულმა, როგორც უიმედო იდიოტ-რომანტიკოსმა, ჯეკმა ანძაზე აღმართა კალიფორნიის ფეხბურთის გუნდის სვიტერი, ჯიმი ჰოპერის საკუთრება, და ღუზა ხელით ამოსწია. ხოლო შემდეგ შტურმანთან, მართვა რომ არ შეეძლო, მემანქანესთან, რომელსაც მანქანების არაფერი არ გაეგებოდა და მზარეულთან, რომელმაც არც ერთი კერძის გაკეთება არ იცოდა, ერთად „სნარკი“ ძლივძლივობით დაეშვა ქვევით, შეაართავის გააწვრივ, გადასტურა ყურე და „ოქროს კარიბჭის“ სრუტას გავლით წყნარ ოკეანეში გავიდა.

ჯეკი არ იყო პრაქტიკული კაცი — აი, მისი წარუმატებლობის თავი და ბოლო, მაგრამ ყოველივე ეს ასე ძვირად არ დაუჯდებოდა, თუ არა ფარემომცველთა გაიძვერობა და სიხარბე. წინა ბიძისები, რომელთაგან თითოეული შეიდნახევარი დოლარი დაუჯდა, და რომელნიც მუხისაგან უნდა ყოფილიყო გაკეთებული, ახლოდან დათვალიერების დროს ნაძვისა აღმოჩნდა; მათი მაქსიმალური ფასი მხოლოდ ორნახევარ დოლარს შეადგენდა. პიუჯეტ-საუნდიდან ჩამოტანილი განსაკუთრებული ფიცრები დაიშალა და გემბანმა ისე ძლიერ დაიწყო ყონვა, რომ წყალმა გაავსო ბუნკერები, სამანქანო განყოფილებაში გააფუჭა ინსტრუმენტები და დალუპა სურსათის მთელი მარაგი კამბუზში. უონავდა „სნარკის“ ბორტებიდან და ფსკერშიც, შემდეგ ყონვა დაიწყო ერთ-ერთი ძვირადღირებული ჰერმეტიკული ნაკვეთურიდან მეორეში. მათ შორის იქაც კი, სადაც საწვავი ინახებოდა. ლითონის ნაწილები ხელში იშლებოდა, განსაკუთრებით ისინი, რომლებიც ტაკელაჟსა და რანპოუტს მოხმარდა. მომაჯადოებელ სააბაზანო ოთახში პირველ დღეებშივე მწყობრიდან გამოვიდა მახვილგონივრული ონკანები, კნობები და ბერკეტები.

სანოვანის შემოწმებისას ჯეკი დარწმუნდა, რომ ფორთოხლები მო-
ყინულიყო, ვაშლი და კომბოსტო, რომელიც ნაოსნობის უფრო ად-
რეული თარიღისათვის იყო მოტანილი, ლპებოდა და, მეტი გზა არ
იყო, უნდა გადაეყარათ. სტაფილოზე ვილაყას ნაეთი გადასხმოდა,
ჭარხალი ხეხავით მაგარი აღმოჩნდა, სახამებელ საწვავს ცეცხლი-
არ ეკიდებოდა, კარტოფილის დამპალი ტომრებიდან ნახშირი ცვი-
ვოდა და წყალს იგი შპიგატიდან ზღვაში გაჰქონდა.

ნაოსნობის დაწყებიდან რამდენიმე დღე გავიდა, ვიდრე ჯეკმა
აღმოაჩინა, რომ მთელი ამ თვეების განმავლობაში როსკო ეიმსს
ნავიგაციისა ვერაფერი ვერ შეესწავლა, თუმცა ფულს ყოველთვის
წესიერად იღებდა; რომ მას არ შეეძლო გემის მდგომარეობის გან-
საზღვრა; რომ საცერივით დაცხრილული „სნარკი“ ბედის ანაბარა
აღმოჩნდა სადღაც წყნარ ოკეანეში. ჯეკმა ამოქექა ნავიგაციის წი-
გნები, გულდასმით შეისწავლა ისინი, შემდეგ ჩაკრული ნახაზები
ამოიხაზა და სექტანტი მზის სიმაღლე განსაზღვრა. „ასტრონომები-
სა და მათემატიკოსების წყალობით, გემის მართვა მზის, მთვარისა და
ვარსკვლავების ორიენტაციით ბავშვური გართობაა. ერთხელ მთე-
ლი დღე ვიქეი კუბრიკში და ცალი თვალით გემი მიმყავდა კურსზე,
მეორეთი ლოგარითმებს ჩავკირკიტებდი. ორი დღის განმავლო-
ბაში ზედიზედ ორ-ორი საათი ვსწავლობდი გემის მართვას და, გან-
საკუთრებით, ზენიტში მზის სიმაღლის გაზომვის პროცესს. შემ-
დეგ ავიღე სექტანტი, გამოვთვალე ცდომილება და გავზომე მზის
სიმაღლე. თუ ვამაყობ? მერედა როგორ! სასწაულებს ვახდენდი.
ყურს ვუგდებდი ვარსკვლავების საუბარს და ისინი მეხმარებოდნენ-
ზღვის გზასავალზე“.

ბობოქარ წყლებში შევიდნენ. ზღვის ავადმყოფობის მწვავე
შეტევამ ლოგინს მიაკრა მარტინ ჯონსონი და იუნგა ტოჩიგი. ჯეკი
ახლა სხვა მოვალეობასთან ერთად იძულებული იყო მუხლებამდე
წყალში მდგარიყო კამბუზში და ამაოდ ცდილიყო რაიმე ცხელი საქ-
მლის შეთითხნას. ჩარმიანი კი, არა მარტო თავის ჯერს მორიგეობდა
საქესთან, არამედ ორჯერ ოთხსაათიანი მორიგეობაც ჩაატარა და
გემი აღებულ კურსით წაიყვანა შავ აქაფებულ ტალღებში, მაშინ,
როცა ხუთ მამაკაცს მშვიდად ეძინა. როსკო კი, რომელმაც გემი გან-
საკუთრებულად კალორიული კონსერვებით დატვირთა და რომლე-

შიც ასობით დოლარი დაუჯდა — რასაკვირველია, არა საკუთარი — იჯდა თავის კაიუტაში და ამ კალორიებს ნთქავდა. ჭკეის შეკითხვაზე, რატომ არ შეიძლება, რომ გემბანი გარეცხოს და, საერთოდ, შეეცადოს დაიცვას სისუფთავე. როსკომ განაცხადა, არ შემიძლია მუშაობა, რადგან ვიტანჯებით... კუქის შეკრულობით.

სწორედ აქ, ჭუჭყში, განსაცდელში, არეულობაში, როდესაც მთელი სამყარო ფეხქვეშ ენჯრეოდა, ამ სიტყვების სრული მნიშვნელობით, წინა სანათურის სახურავზე ჩამომჯდარი ჭკეი შეუღდა, შეიძლება ითქვას, თავისი საუკეთესო რომანის, ამერიკული ლიტერატურის ერთ-ერთი უდიდესი ნაწარმოების „მარტინ იდენის“ წერას. თავდაპირველ ხელნაწერ ვარიანტში ძალიან მცირე შესწორებებია, რაც მოწმობს, როგორ რკინისებურ დისციპლინას უწესებდა იგი თავის თავს; რა გულსყურით ეძლეოდა იგი მუშაობას. ერთი კვირის შემდეგ მზემ გამოანათა, მარტინ ჯონსონი და ტოჩიგი ჩამოცოცდნენ საწოლებიდან. კაპიტნისა და მისი ბრძანებულის გარეშე დარჩენილი ჰერბერტ სტოლცი კი რაც შეეძლო თვითონ აკეთებდა ყველაფერს, რათა გემი ქარის მიმართულებით წარემართა. ჭკეი ყოველ დილას წერდა ათას სიტყვას და ჯიუტად აგრძელებდა ავტობიოგრაფიულ მოთხრობას იმის შესახებ, თუ როგორ იბრძოდა განათლებაში ხარვეზების შესავსებად, როგორ გადაიქცა სამი მოკლე წლის განმავლობაში გაუთლელი მატროსიდან კულტურულ ადამიანად და ცნობილ მწერლად. წიგნის მთავარი გმირებია თვითონ, მეიბლ ეპლგარტი მთელი თავისი ოჯახით და ჯორჯ სტერლინგი პოეტ ბრისენდენის სახით. რუფ მორზეს სახე — ასე უწოდა მწერალმა გმირ ქალს — დაწერილია დამაჭერებლად, რადგან მისი პირველსახე რეალური, ცოცხალი ადამიანი იყო. ეს ერთადერთი ქალია, რომელიც მუშათა წრეს არ ეკუთვნის და რომელიც ჭკეი ლონდონმა ზუნებრივად და დამაჭერებლად წარმოსახა. „მარტინ იდენი“ მხურვალე, მკაცრი, მეტად ცხოვრებისეული რომანია, იგი გვანცვიფრებს თავისი წინასწარმეტყველური სიძლიერით. პოეტი ბრისენდენი უმტკიცებს მარტინ იდენს, რომ საჭიროა ცხოვრება დაუკავშიროს სოციალიზმს, წინააღმდეგ შემთხვევაში, წარმატების მიღწევისას დაკარგავს ყოველივეს, რაც ადამიანს ცხოვრებასთან აკავშირებს. მარტინი უარყოფს სოციალისტურ რწმენას, ამის შემ-

დეგ კი, დიდებით გულმოჭერებული, გადაწყვეტს თავი მოიკლას და ზღვაში ვარდება.

წიგნის გამოსვლიდან ორი წლის შემდეგ ქალთა კლუბმა სან-ხოსეში მოიწვია ლიტერატურული მიმომხილველი მაირა მაქლეი და სთხოვა განეხილა „მარტინ იდენი“. გამოსვლის დროს მისი მაქლეიმ გამანადგურებლად გააკრიტიკა გმირი ქალი სიმბდალისა და სისუსტესათვის; იმისათვის, რომ დაამსხვრია, როგორც მარტინ იდენის, ისე საკუთარი ცხოვრება. საიდან უნდა სცოდნოდა მას, რომ პირველ რიგში მჭდომი ნაზი, ჩამომჰყნარო შინაბერა, რომელიც მომაკვდინებელი სევდით შეცქეროდა მას, მეიბლ ეპლგარტი იყო.

ოცდაშვიდი დღის ნაოსნობის შემდეგ გამოჩნდა ხმელეთი. ამ ხნის განმავლობაში, სხვათა შორის, გამოიკვია, რომ „სნარკის“ შესანიშნავი ცხვირი, რომელშიც ჯექმა ამდენი სიყვარული და ფული ჩააქსოვა, არათუ გამოუსადეგარი, საშიშიც კი იყო: შტორნიან ამინდში იგი ხელს უშლიდა გემს დრეიფტზე დამდგარიყო. ჯეკი შეწუხდა, რომ შეცდრმა დაუშვა საშტურმანო საქმეში. მისი ვარაუდით უახლოეს ხმელეთამდე კიდევ ასი მილი იყო. მალე გამოიკვია, რომ ეს იყო ხალეაკალას მწვერვალი, რომელიც ზღვის დონიდან ათი ათასი ფუტის სიმაღლეზეა აღმართული — მართლაც ასი მილის დაშორებდა. ჯეკი, რომელიც ყოველთვის თავისი ფიზიკური მიღწევებით უფრო ამყობდა, ვიდრე სულიერით. სიხარულით მეშვიდე ცაზე ავიდა — ასეთი აღმატრენა ჯექს მას შემდეგ არ განუცდია, რაც იაპონიის ნაპირებთან ტაიფუნის დროს „სოფი საზერლენდის“ შტურვალს ეჭიდებოდა.

მეორე დღით ადრე დრეიფით შემოუარეს „ალმასის თავის“ კონცხს და თვალწინ, როგორც ხელის გულზე, გადაეშალათ კუნძული ჰონოლულუ. „სნარკის“ შესახვედრად გამოვიდა ჰავაის იახტკლუბის კატერი, რომელმაც მოუტანა გაზეთები დეპეშებით შეერთებული შტატებიდან — „სნარკი“ ჩაიძირაო. იახტკლუბის უფროსმა გულთბილად მიულოცა მათ ჰავაის კუნძულებზე ჩამოსვლა, გაუძღვა პირლ-პარბორისაკენ, შინ მიიპატიჟა ცხელი აბაზანის მისადებად და ტაროს ფეხსევიდან დაყენებული ადგილობრივი კოკტილის, „პოის“ გასასიჩქად. ჯექის მეგობარმა ტომ ჰორბონმა მათ ჰილოს კუნძულზე დაუთმო კოტეჯი. ყოველ დღით ჯექს ჩიტე-

ბის გალობა აღვიძებდა. ორი ნაბიჯი და იგი უკვე ფირუზისფერ ლაგუნაში ბანაობდა. შემდეგ საუზმობდა ხეების ქვეშ გაშლილ სუფრაზე, რომელზედაც დახვავებული იყო ალისფერი ბალბები და პრიალა მარჯნისფერი წიწაკები — ამაზე ტოჩიგი ზრუნავდა. საუზმის შემდეგ ლურჯი კიბონოთი შემოსილი ჯეკი სამუშაოდ მოლზე მოიკალათებდა იმპროვიზებულ საწერ მაგიდასთან. ნარკვევში „მიუწვდომელი და შემზარავი“ იგი დეტალურად ჰყვება იმაზე, როგორ გაუჭირდა „სნარკის“ აგება და წყალში ჩაშვება; ნარკვევში „თავგადასაველების წყურვილი“ — იმ ათასობით წერილზე, რომელთა ავტორებს სურვილი ჰქონდათ მონაწილეობა მიეღოთ ამ თამამ ჩანაფიქრში; ნარკვევში „ბრმადმეაული ოკეანეში“ — თუ როგორ დაიკარგა „სნარკი“ იმის გამო, რომ როსკომ არ იცოდა გემის მართვა და როგორ შეისწავლა ჯეკმა შტურმანის საქმე. იგი უკედლურეს გაჭირვებას განიცდიდა უსახსრობით. ნარკვევები საინტერესო გამოვიდა და ეურნალები მათ სიამოვნებით იღებდნენ. დაწერა „კოცონი“ — ტრაგიკული მოთხრობა ალასკასადმი მიძღვნილი სერციდან.

პირველ თორმეტ დღეს, რომელიც „სნარკმა“ პირლ-პარბორში დაჰყო, ჯეკი იახტაზე არ გამოჩენილა. მეცამეტე დღეს, მიუახლოვდა თუ არა „სნარკს“ ნავით, დარწმუნდა, რომ გემბანი ერთხელაც არ მოერწყოთ შლანგით და იგი, გადაუხურავ აღკაზმულობასთან ერთად, ზმებოდა და იშლებოდა ტროპიკული მზის ქვეშ. მან ანგარიში გაუსწორა როსკო იემსსა და პერბერტ სტოლცს და ისინი კალიფორნიაში დააბრუნა. ამერიკულმა გაზეთებმა მაშინვე აუწყეს მკითხველებს, „სნარკზე“ ჩხუბი და განხეთქილება სუფევსო. ნინეტა ეიმსის განაწყენების რილით. რასაც როსკოს მხილება გამოიწვევდა, ჯეკს არავითარი ზომები არ მიუღია თავის დასაცავად და სამგზავრო ფული გადაუგზავნა იუჯინ ფენელონს, ჯორჯ სტერლინგის მეგობარს, რათა მას შემანქანედ ემუშავა „სნარკზე“. ფენელონმა, როგორც გაზეთები აღნიშნავდნენ, „მთელი თავიანი ცოდნა ზღვის შესახებ ცირკთან ერთად მოგზაურობის დროს შეიძინა, სადაც იგი მძლეოსნად გამოდიოდა, აგრეთვე მაშინ, როცა მღვდლის ხარისხის მოსაპოვებლად ემზადებოდა“. ჰავაის კუნძულებზე ჩამოსვლისთანავე ფენელონი რამდენიმე თვე ცდილობდა „სნარკის“ წესრიგში

მოყვანას, მაგრამ შემდეგ კარმელში გაბრუნდა, ორჩხომელი კი იმაზე უარეს მდგომარეობაში დატოვა, ვიდრე იგი ოდესმე იყო.

ჰავაი განა მარტო თვით იყო „მშვენიერი, ალერსიანი მხარე, ადამიანებიც მშვენიერები აღმოჩნდნენ“. ყურნალების „ვარსკვლავისა“ და „წყნარი ოკეანის კომივოიაჟორის“ რედაქტორებმა წვეულება გამართეს ახლადჩამოსულთა პატივსაცემად. ისინი მიიწვიეს პრინც კალამანაოლესა და მისი უდიდებულესობა დედოფალ ლილიუკანანის მიერ გამართულ მიღებაზე, განუწყვეტლივ ართობდნენ და აცნობდნენ კუნძულის დიდებულ სილამაზეს. თვითეულ დღეს ერთიმეორეზე მრავალფეროვანი, ახალი თავგადასავალი მოჰქონდა: ჯეკი პრინც კალამანაოლესთან ერთად თევზაობდა მამხალების შუქზე, ესწრებოდა ადგილობრივ „ლუაუებს“ — კენესის დღესასწაულებს, ბანაობდა მთვარის ნათელ და თბილ შუქზე, ცხოვრობდა რანჩო ჰალეაქალაში კუნძულ მაღიზე. რანჩოს მმართველ ლუის ფონ ტემპსკის იგი დაჰყავდა ცხენების რემის გადარეკვისა და მოზარდულების ხედნის და დაღვის საყურებლად. მასთან ერთად ცხენით იმოგზაურა უჩვეულოდ ლამაზი და საშიში ბილიკებიტა და უფსკრულზე გადებული ქერელის მოქანავე ხიდებით რვა ათასი ფუტის სიმაღლეზე მდებარე ჰალეაქალას კრატერის სანახავად, რომლის მწვერვალიდან მოჩანდა ყველა კუნძული და ზღვა. ეს გასეირნება აისახა ნარკვევში „მზის სავანე“.

ერთი კვირა გაატარა მან მოლოკაიზე, სადაც ჩარმიანთან ერთად ცხოვრობდა კეთროვანთა შორის, როგორც თანასწორი; მათთან ერთად მხარდამხარ იხდნენ ორივენი მონადირეთა კლუბში, იდგნენ ტირში, ისროდნენ თოფებიდან, რომელთაც ჯერ კიდევ შეენახა კეთროვანთა ხელების სითბო, ესწრებოდნენ მათ მიერ გამართულ დოღებს. კუნძულს ავბედითი სახელო ჰქონდა გავარდნილი და კეთროვნები ევდრებოდნენ ჯეკს, დაეწერა სიმაართლე და ეუწყებინა ქვეყნისათვის, რომ ისინი კარგად და ბედნიერად ცხოვრობენ. პილოში დაბრუნებისთანავე ჯეკმა შეასრულა დაპირება და ნარკვევში — „კეთროვნების კოლონიაში“ — გულთბილად აღწერა ამ ტრაგიკულ და მშვენიერ კუნძულზე ყოფნის ამბავი.

წყლის თხილამურების სპეციალისტმა ალექსანდრე ჰიუმ ფორდმა ასწავლა, როგორ უნდა გაპყოლოდა ტალღებს ფიცარზე მდგომი მოქცევის დროს. ჯეკს მზეზე ისე დაეწვა ნაზი კანი, რომ მთე-

ლი ორი კვირა ვერ მოიშუშა. მიუხედავად ამისა, მაინც დაწერა სტატია „ღმერთებისა და გმირების სპორტი“, რომელმაც მნიშვნელოვნად შეუწყო ხელი სპორტის ამ სახეობის განვითარებას ამერიკაში. მან შეიყვარა ამ კუნძულების აუჩქარებელი, სილამაზით აღსავსე ცხოვრება; მღუაობაც ეწყობოდა: სწრაფად იწერებოდა „მარტინ იდენი“, სხვაზე რომ არაფერი ითქვას.

როდესაც „კოსმოპოლიტში“ დაბეჭდილი მოთხრობების სერი — „გზა“ მზად იყო ცალკე წიგნად გამოსაცემად, ბრეტმა ჯეკს მოსწერა: უარს ხომ არ იტყვის ჯეკი ამ წიგნზე, თუ იგი, ბრეტი, შეძლებს დაამტკიცოს, რომ წიგნის გამოცემით ავტორი წააგებს მკითხველთა თვალში? „როგორც სხვა ჩემს ნაწარმოებებში, — პასუხობდა ჯეკი, — ისე „გზაშიც“ მე სიმართლის ერთგული ვრჩები. იმის მიხედვით, თუ როგორი სიძლიერით გამოსტყვიოდა ჩემი ნაწარმოებებიდან ჩემი ხასიათი, იწყებოდა ყოველგვარი ჰეჟა-ჰუხილი — ათვალისწინება, მტრული გამოხდომები, საყოველთაო გაკიცხვა; ყოველივე ეს გადავიტანე. ყოველთვის მტკიცედ ვიცავდი იმ აზრს, რომ ლიტერატორის მთავარი ღირსება გულწრფელობაა. თუ მართალი არა ვარ და ქვეყანა შეძლებს დამარწმუნოს ამაში, მე ვიტყვი: „მშვიდობით, ამაყო სამყაროვ!“ გადავბარგდები რანჩოში და დავიწყებ კარტოფილის დარგვასა და ქათმების მოშენებას, რათა კუჭი ცარიელი არ მქონდეს. არასოდეს ყურად არ მიღია რჩევა — მემოქმედა. წინდახედულად — სწორედ ამაშია ჩემი წარმატების საიდუმლოება“.

ერთ ღონივრულ რჩევას მაინც მოეკიდა გულისყურით — რჩევას, რომელმაც სიცოცხლე შეუნარჩუნა, კერძოდ: ოქტომბრის შუა რიცხვებში, კუნძულ ჰილოდან მარკიზის კუნძულებზე მგზავრობისას, მას გემბანზე ჰყავდა ნამდვილი საზღვაო კაპიტანი ფორმალურობის სრული დაცვით შეესებულ ქალაქლებითა და პოლანდიელი მატროსი. კაპიტანი უორენი ვადაზე ადრე გაათავისუფლეს ორიგონის საკატორლო საპყრობილედან, სადაც იგი სასჯელს იხდიდა მკვლელობაში ბრალდების გამო; მატროსი ჰერმანი თავის დროზე მამისეულ კეჩს დაატარებდა პოლანდიის ნაპირებთან. ჯეკს რომ წინდახედულობა გამოეჩინა და გამოცდილი მეზღვაურები აეყვანა ჯერ კიდევ „სნარკის“ აგების ანდა ჰავაიზე გამგზავრების წინ, იგი

ოცი ათას დოლარსაც შეინარჩუნებდა და ჯანმრთელ ნერვებსაც-
ეკიპაეის თავდაპირველი შემადგენლობიდან თავგადასავლების ერ-
თადერთი, ნამდვილად ღირსეული მაძიებელი აღმოჩნდა ორი მეტ-
რის სიმალის ლამაზი მამაკაცი მარტინ ჯონსონი, რომელიც „სნარ-
კის“ ძვირფასი შენაძენი გახდა მას შემდეგ, რაც კოკის თანამდებო-
ბიდან მემანქანედ იქნა გადაყვანილი. ორი წლის მოგზაურობის
მანძილზე ჩარმიანმაც დაუმტკიცა ჯეკს თავისი ღირსებები, იგი ყვე-
ლაფერზე მზად იყო; მის სიამამაცეს ბოლო არ უჩანდა; გაჰირვების
ღროს მხნედ, მტკიცედ იდგა საშიშროების წინაშე — როგორც საი-
მედო თანამგზავრი-მამაკაცი. რაც არ უნდა განეზრახა ჯეკს — ერთი
კვირის გატარება მოლოკაის კეთროვნებს შორის, სოლომონის კუნ-
ძულებზე ადამიანთა თავებზე სანადიროდ მიმავალ მონადირეთა რი-
გების შევსება, ცხენით გადასვლა ქერელის ხიდებზე, ღრმა ტროპი-
კულ ხეობაში ჩასვლა, წყნარი ოკეანის გადაკვეთა ისეთ ადგილას, სა-
დაც ვერც ერთ ილქნიან გემს ვერ გაუბედავს ცხვირის გამოჩენა —
იგი ყოველთვის ინარჩუნებდა ვაჟკაცობასა და საზრიანობას, თვით
თავბრუნდამხვევე შემთხვევებშიც კი არ ჰკარგავდა სჯლის სიმტკიცეს
და ამხანაგობას უწყევდა მხიარულების დროსაც. თუ ჯეკი საერთოდ
ეძებდა თანამგზავრ ქალს, რომელიც შეძლებდა მის მხარდამხარ-
ველო ხეტიალის დროს, მან იგი ჰპოვა ჩარმიანის სახით.

ჰილოდან გამგზავრების რამდენიმე დღის შემდეგ ჯეკმა გადაშა-
ლა წყნარი ოკეანის სამხრეთ წყლებში იალქნიანი გემების ტარების-
ინსტრუქცია და წაიკითხა: ისტორიაში რეგისტრირებული არაა
არც ერთი შემთხვევა, რომ იალქნიანი გემი ჰავაის კუნძულებიდან
მარკიზის კუნძულებამდე მისულიყო. უფრო მეტიც, ეკვატორული
დინებისა და სამხრეთ-აღმოსავლეთის პასატების განლაგების გამო,
მარკიზის კუნძულებამდე მიღწევა შეუძლებლად ითვლებოდა. „შე-
უძლებელმა როდი შეაშინა „სნარკი“, — იხსენებს ჯეკი. სავსებით
შეუდრეკლად განაგრძო მან გზა და მაინც მიაღწია მარკიზის კუნ-
ძულებს; ეს ჰემარიტად სასწაული იყო გემთმომოსვლასა და საილ-
ქნო ხელოვნებაში. ალბათ, იგი სიკვდილს მხოლოდ იმიტომ გადა-
ურჩა, რომ ბედისწერას გადაეწყვიტა: ადამიანში, რომელსაც ჯეკ
ლონდონის სახელით იცნობენ, იმალება თხზულებები, რომლებიც
მანამდე უნდა დაიწეროს, ვიდრე შესაძლებელი გახდება მისთვის.
სიცოცხლის მოსპობა.

ისინი როგორღაც უნებლიეთ შეიჭრნენ პასატებსა და ეკვატორულ წყნარ წყლებს შორის და „სნარკი“ რამდენიმე დღე-ღამე უმოძრაოდ იდგა. ქარი სცემდა, წვიმა ურტყამდა, ტალღები ზედ ევლებოდა, არა ერთხელ დაატყდათ თავს ისეთი გრივალი, რომ იფიქრებდი, პატარა, დახვრეტილი „სნარკი“ ასანთივით დაიფშენებო. სამოცი დღის განმავლობაში თვალი არ მოუტრავთ არც იალქნისათვის და არც გემის კვამლისათვის. ტალღებმა ბორტიდან გადალექა მტკნარი წყლით სავსე კასრების ნახევარზე მეტი და წყურვილისაგან დაიღუპებოდნენ, თუ არა ბედნიერი შემთხვევა, რომელმაც წვიმა მოუვლინა. ჭკისთვის არ არსებობდა უფრო დიდი სიამოვნება, ვიდრე თვალზექუნდას თამაში სიკვდილთან. იგი ტკებობდა, როგორც ბიჭუნა; „სნარკი“ რუკაზე შეუტანულ წყლებში დაჰყავდა, ნადირობდა დელფინებზე, ზვიგენებზე, ზღვის კულებზე; იწვა სანათურის სახურავზე, სუნთქავდა მარილიანი ჰაერით და გრძობდა, როგორ აღერსიანად არწევდა ოკეანე; მუშაობდა „მარტინ იდენზე“ — ყოველდღე ათას სიტყვას წერდა, თხზავდა წარმტაც ნარკვევებს — „წყნარი ოკეანის გავლით“. თბილ დღეებში გემბანზე იჯდა და ჩარმიანს, კაპიტან ჯორენს, მარტინ ჯონსონს, ჰერმანს, მხიარულ იაპონელ იუნგას ნაკატას, რომელმაც ტოჩიგი შეცვალა, და კოკ უოდს უკითხავდა ნაწყვეტებს სტივენსონის თხზულებიდან მარკიზის კუნძულებისა და ტაიტის შესახებ. კონრადის „ტაიფუნიდან“ და „სიქაბუჯიდან“, მელვილის „თეთრი ქურთუკიდან“, „ტაიპიდან“ და „მობი დიკიდან“. „სნარკთან“ დაკავშირებული განვლილი უსიამოვნებანი დააეწყდათ — აფრიანმა გემმა ხორცი შეასხა ცამეტი წლის რომანტიკოსის ოცნებას, რომელიც ნთქავდა ყველა სათავგადასავლო მოთხრობას, რასაც კი პოულობდა მისთვის მისს. კულბრიტი ოკლენდის საჯარო ბიბლიოთეკაში.

ორთვიანი ნაოსნობის შემდეგ „სნარკი“ მიაღწა მარკიზის ერთ-ერთ კუნძულს — ნუკა-ხივას. „ჩრდილო-დასავლეთიდან პასატი“ ჰქროდა, ჩვენ კი ჭიუტად მივყვებოდით ჩვენს გზას სამხრეთ-დასავლეთისაკენ. ასე გაგრძელდა ათ დღეს. 6 დეკემბრის დილის 5 საათზე გამოჩნდა მიწა — სწორედ იქ. სადაც მოგლოდნენ; ე. ი. პირდაპირ ცხვირწინ. ქარის მხრიდან ჩავუარეთ უა-ხუკას, ნუკა-ხივის სამხრეთის მხარის გასწვრივ და ღამით, უკუნეთ სიბნელეში, მძაფრი

ქარი რომ გვიტევდა, შევალწიეთ ტაიოგაეს ვიწრო ყურეში და ჩავუშვით ღუზა. ღუზის ჯაჭვის ქლარუნს კლდეებიდან ბანს აძლევდა გარეული ცხვრების ბლავილი, ხოლო ჰაერი, რომლითაც ჩვენ ვსუნთქავდით, ყვავილების არომატით იყო გაჟღენთილი“.

ნუკა-ხივაში წილად ხვდათ ბედნიერება, დაქვირავებინათ ოთახები ჩსწორედ იმ კლუბში, სადაც მარკიზებზე ყოფნის დროს ხშირად ატარებდა სადამოებს რობერტ ლუის სტივენსონი — ჯეკისათვის ეს სინარულია და კმაყოფილების ახალი წყარო იყო. მეორე დღესვე, როგორც კი ცხენებზე შესხდომა შესძლეს, „სნარკის“ მთელი ეკიპაჟი „ტაიპიში“ აღწერილ ჰაპაას არაჩვეულებრივ ხეობაში გაემგზავრა. მეღვილის სიტყვებით, ჰაპაა დასახლებული ყოფილა მეომარი და ძლიერი ტომით, რომელიც ნაყოფიერ ტროპიკულ ბაღებში ცხოვრობდა. მაგრამ იმედი გაუტრუვედათ: იმ დროისათვის, როცა ჯეკმა შეძლო თვითონ ემოგზაურა ცხენით ჰაპაას ხეობაში, იგი უჟაცრიელ, სევდის აღმძვრელ ტროპიკულ, მივარდნილ ადგილად გადაქცეულიყო. მარკიზელთა ნაწილი, რომელიც „აბეზარი თეთრი კაცის“ მიერ კუნძულზე შემოტანილ გამანადგურებელ ეპიდემიას გადაურჩა, სწრაფი ჭლექისაგან იხოცებოდა თავიანთ უბადრუკ ქონებში. ამ დიდებულნი რაპის მოსპობას ჯეკმა მიუძღვნა ნაღვლიანი ნარკვევი, რომელსაც მეღვილის პატრონსაცემად „ტაიპი“ უწოდა. „სამუდამოდ გაქრა ძალა და სილამაზე და ტაიპის ხეობა გადაიქცა ურთ მუჟა ბედკრულთა თავშესაფრად. ისინი იტანჯებიან კეთრით, სპილოს ავადმყოფობითა და ჭლექით. გაჰქრა სიცოცხლე ამ მშვენიერ ბაღში“.

თორმეტი თვალწარმტაცი დღე გაატარა ჯეკმა მარკიზებზე — ნადირობდა გარეულ თხებზე, მონაწილეობდა ადგილობრივთა დღესასწაულებში, ცეკვებსა და ნადიმებში. მეცამეტე დღეს კი ღუზა ამოიღო და ტუამოტუს კუნძულების ჩავლით ტაიტისაკენ გაემართა, სადაც მას ფოსტა ელოდა. აქ მან გაიგო, რომ „სნარკზე“ თურმე კვლავ ჩაუქნევიათ ხელი — მას დაღუპულად სთვლიდნენ; რომ სანფრანცისკოს მეზღვაურები იხსენებდნენ თავიანთ წინასწარმეტყველურ სიტყვებს: „გემი ცუდადაა დაგეგმილი. კიდევ უფრო ცუდად მოწყობილი“. ბევრი გაზეთი გულწრფელ წუხილს გამოთქვამდა ნიქიერი ახალგაზრდა მწერლის დაღუპვის გამო. სხვები ჯეკს ბრალს

სდებდნენ, განზრახ არ იძლევა ცნობებს თავის შესახებ, რათა შეშფოთება გამოიწვიოს თავისი პერსონის გამოო“. ერთ მოწინავე სტატიაში იგი ამხილეს კიდევ იმის გამო, თითქოს იშოვა მოხერხებული აგენტი, რომელმაც მისთვის იაფფასიანი რეკლამა მოიგონა, რაც თითქოსდა ერთიორად უნაზღაურებდა იახტის ღირებულებას.

მხოლოდ რვა თვის წამოსული იყო სახლიდან, მაგრამ ახლა, მრავალრიცხოვან ყუთებში დაგროვილი ფოსტის გადასინჯვისას, ჯეკისთვის აშკარა გახდა, პატრონი თუ არ არის, საქმეებში ძალიან მალე იწყება უწესრიგობა. საესებით დარწმუნებულმა, ჯეკი წყნარი ოკეანის ფსკერზე განისვენებსო, ოკლენდის ბანკმა ფლორას გირაოდან სახლის გამოსყიდვის უფლება ჩამოართვა. ჯერ კიდევ პილოში გაცემული მთელი რიგი ჩეკები — რეასი დოლარის ოდენობით — უკან დააბრუნეს ოკლენდის სხვა ბანკის წარწერით „მიმდინარე ანგარიში ამოწურულია“, რამაც პრესაში ძალიან დიდი ხმაური გამოიწვია.

გლენ-ელენის დატოვებისას ჯეკმა თავისი უფლებები ნინეტა ეიმსს გადასცა, რომელსაც უნდა ეწარმოებინა მისი საქმეები. როგორც რწმუნებულ პირს. ეიმსმა გასამრჩელო თვითონვე დაინიშნა — თვეში 10 დოლარი. ახლა იგი 20-მდე გაზარდა და, გარდა ამისა, ჯეკს თვეში ორმოც დოლარს ახდევინებდა ცარიელი ოთახებისათვის. ანგარიშების გაცნობის შედეგად ჯეკმა შეატყო, რომ ხინეტა ეიმსმა ათასი დოლარი დახარჯა ბელელზე მინაშენის აგებაზე. რათა რანჩოში დაესახლებინა ათისთავი ცოლითურთ; დეკემბერში ათას ოთხასი დოლარი დაიხარჯა ფლორას, ჯონი მილერის, ძიძა ჯენის, ბესისა და მისი ქალიშვილების შენახვაზე, მუშების გააასტუმრებლად, რანჩოს ინვენტარისა და სხვა საჭიროებისათვის; დამზღვევი კომპანიების გადასახადზე და უეიკ რობინის მოვლა-პატრონობაზე. მეორე ანგარიში, საერთო თანხით ათას დოლარზე, წარმოადგენდა „სნარკის“ ალკურვილობის სიას სამ გვერდზე — დაწყებული ათასი გალონი ბენზინიდან და დამთავრებული ასი შეკვრა სპეციალური ეგვიპტური სიგარეტით ჯეკისათვის და კონფეტის ღუჭინობით კოლოფებით. აურაცხელი ხარჯები იყო, რომ არაფერი ვთქვათ იმ ათას დოლარზე, რომელიც ყოველთვისად იხარჯებოდა „სნარკის“ ეკიპაჟსა და მომსახურებაზე. დეკემბერში მაკმილანმა

გაყიდულ ნაწარმოებთა საავტორო ანგარიშები გადაუხადა ხუთიათას ხუთასი დოლარის ოდენობით. ნიუ-იორკელმა აგენტმა რეინოლდ-სმა, რომელიც ზოგჯერ დახმარებას უწევდა მას, მოთხრობა „კო-კონი“ მიჰყიდა ჟურნალ „საუკუნეს“ სამასორმოცდაათ დოლარად; წინეტა ეიმსმა ნარკვევი „კეთროვანთა კოლონია“ მოათავსა „ქალის საოჯახო თანამგზავრში“, ხოლო „როგორ მივაგენით გზას“ და „მი-უწვდომელი და საოცარი“ — „პარპერულ ყოველკვირეულში“; ფუ-ლი მიიღო ინგლისური ჟურნალებისა და გამომცემლებისაგან, სკან-დინავიელ, გერმანელ, ფრანგ და იტალიელ გამომცემლებისაგან. ყოველივე ამის მიუხედავად შეიტყო, რომ იმჟამად, 1908 წლის პირ-ველ კვირას, მას ხელზე მხოლოდ და მხოლოდ სამოცდაექვსი დო-ლარი ჰქონდა. უახლოეს მომავალში კი ფულის მიღების არავითარი იმედი.

ჯერ კიდევ 1907 წლის 28 მაისს, ჰონოლულუში ჩასვლისთანა-ვე, პირველი, რაც მან თქვა, იყო: „მე გავკოტრდი და ალბათ, იძუ-ლებული ვიქნები აქ შევჩერდე მანამდე, ვიდრე ფულს არ ვიშოვი“. ამის შემდეგ დაწერა რამდენიმე საგზაო ნარკვევი და მოთხრობა ჰა-ვაის კუნძულებზე, რომელნიც ჟურნალებს სამასიდან ხუთას დოლა-რამდე დაუჯდათ თითოეული. სულ რაღაც ოთხნახევარი წელი გა-ვიდა გახმაურებული „წინაპართა ძახილის“ გამოქვეყნების შემდეგ, მან კი ამ ხნის განმავლობაში იმდენი გამოიმუშავა, რომ შესძლო და-ეხარჯა ორმოცი ათასი „სნარკზე“, თერთმეტი — რანჩოზე, ათი — ბესის სახლზე, რვა — ფლორას სახლზე და კიდევ, დაახლოებით ოცდათხუთმეტი ათასი, ყველანაირ მუქთახორასა და სარჩინად აკიდებულზე, რომელთა რიცხვი განუწყვეტლივ იზრდებოდა. ამჟა-მად ნაოსნობა ყოველთვიურად ათასი დოლარი უჯდება, და, აი, ინე-ბეთ, სამოცდაექვსი დოლარის ამარა ზის ტაიტიში!

ტაიტიდან სან-ფრანცისკოში მიდიოდა გემი „მარიპოზა“. ჯეკმა გადაწყვიტა სახლში ამ გემით გამგზავრებულიყო, რათა საქმეები მოეწესრიგებინა. საიდან იშოვა ორი ბილეთის ფული — თავისა და ჩარმიანიათვის — გამოცანად რჩება. „სნარკი“ კაპიტან უორე-ნისა და ეკიპაჟის მზრუნველობის ქვეშ დატოვა და კალიფორნიაში დაბრუნდა. ჯეკის მრავალრიცხოვანი ნათესავები, რომელნიც მღე-ლვარებით ელოდებოდნენ „მარიპოზას“ იმ იმედით, რომ ფოსტა მი-

ედოთ და დარწმუნებულ იყვნენ, ჭეკი ცოცხალი და უვნებელიაო, მოულოდნელობისაგან გაშეშდნენ, როცა შეიტყვეს, რომ იგი უკვე სან-ფრანცისკოში იყო. გაზეთების არაჩვეულებრივად მყვირალა საათურებმა ყველას აცნობეს მისი დაბრუნება. ერთი რეპორტიორი წერდა: „სიტყვებით — „სახიდან მოუშორებელი ღიმილი“ — ნახევრადაც კი ვერ გამოვთქვამთ იმას, თუ როგორი ღიმილი აქვს ლონდონს. ეს არის რაღაც გულუხვი, გულითადი, გაშლილი, როგორც ზღვის სივრცე — შეხედავ და გული ხარბს“. ბევრი საყვედურობდა ჭეკს, რომ მან მოგზაურობა ბოლომდე არ მიიყვანა. ზოლო როცა ჭეკმა განაცხადა, მომავალ კვირას „მარიპოზას“ უკანვე მიეყვები და „სნარკზე“ ვბრუნდებიო, ზოგიერთმა მისმა ნაცნობმა ეს ხუმრობად მიიღო და სიცილი დაიწყო, სხვები კი ცდილობდნენ შეეცვლევინებინათ მისთვის ეს გადაწყვეტილება. მან ხომ უკვე უჩვენა ყველას, რისი გაკეთებაც შეუძლია. მორჩა! რა საჭიროა ბედთან თამაში? განა უფრო გონივრული არაა სახლში დარჩენა? ეტყობა, მათ არ დაიჯერეს, როცა ჭეკმა რეპორტიორებს განუცხადა, „სნარკზე“ გატარებული დღეები ერთ-ერთი ყველაზე ბედნიერი დღეები იყო ჩემს ცხოვრებაში.

მან დაუყოვნებლივ უდებეშა მაკმილანს და სთხოვა გამოეგზავნა ავანსი თითქმის დამთავრებული „მარტინ იდენისათვის“. ამ ფულით გირაოდან დაიხსნა ფლორას სახლი და ბანკს გადაუხადა ჰილის რანჩოს განუწყვეტლივ მზარდი პროცენტები; შეუთანხმდა „პარპერის ყოველკვირეულს“ ნარკვევების სერიის გამოშვებაზე „სნარკის“ შესახებ. ამით შესაძლებლობა მიეცა გადაეხადა ყველაზე სასწრაფო ვალები და ჩეკები მიეცა: ფლორასათვის თებერვლის ჩეკი ორმოცდათორმეტ დოლარზე, ბესისათვის — სამოცდათხუთმეტზე, ჰიდა ჯენისათვის — თხუთმეტზე. „ქალის საოჯახო თანამგზავრის“ დამატების გადასინჯვისას იგი მიხვდა, რატომაც ახდევინებდნენ ყველაფერში სამმაგად ჰავაისა და ტაიტის კუნძულებზე. მას შემდეგ, რაც „კოსმოპოლიტმა“ გაავრცელა არაკი, თითქოს იგი აგზავნიდა ჭეკ ლონდონს ქვეყნის გარშემო სამოგზაუროდ, ჭეკმა დაარღვია მასთან ხელშეკრულება და შეუთანხმდა „ქალის თანამგზავრს“. მაგრამ, ვაი, რომ ცდუნება მეტად დიდი იყო, და „თანამგზავრსაც“ არ ეყო ძალა უარი ეთქვა გემრიელ ლუქმაზე. მან „კოსმოპოლიტის“ მაგალითს მიბაძა — ანალოგიური ყალბი ამბავი შეთხზა.

1907 წელი ჯეიკის ოთხი წიგნის გამოსვლით აღინიშნა. ესე იგი ერთით მეტი — 1902 წლის პარეკორდო რიცხვზე. იგი სულ ოცდათერთმეტი წლისა იყო, მაგრამ უკვე მოესწრო ოცი წიგნის გამოშვება. თავისი გონების საგანძურს იგი ისევე უხვად ანიავებდა, როგორც იმავე გონებით შექმნილ ქონებას.

„ადამამდე“, ევოლუციის თეორიის მხატვრული განახიერება, მოთხრობა პირველყოფილი ადამიანის შესახებ, ამერიკაში ახლაც წინანდებურად სიამოვნებით იკითხება; „გზა“, რომელსაც გამოქვეყნებისას თითქმის არც კი მიაქციეს ყურადღება, ამჟამად აღიარებულია ერთ-ერთ ლიტერატურულ წყაროდ, რომელიც ალალმართლად ასახავს ამერიკელ მაწანწალათა ცხოვრებას. წიგნში „სიცოცხლის სიყვარული“ — შედის ლონდონის რამდენიმე ყველაზე ოსტატურად დამუშავებული მოთხრობა ალასკის შესახებ. ყველაფერი ეს ფულის გულისათვის დაწერა, რაც მას „სნარკის“ ასაგებად სჭირდებოდა. ამ ნაწარმოებთა სრულყოფის მაღალი დონე მოწმობს, რომ ზოგი ადამიანი, რომელიც მხოლოდ ლიტერატურის გულისათვის წერს, არც ცხადად და არც სიზმრად არ ფიქრობს ისეთ სიბინძურეზე, როგორიც ფულია, მაინც არარაობას ქმნის, მაშინ როდესაც სხვები ფულის გულისათვის წერენ და მაინც კეშმარიტ ლიტერატურას ქმნიან. აქ განმსაზღვრელი ფაქტორია ტალანტი და არა ის, თუ როგორ მოიხმარს ადამიანი ამ ტალანტისაგან მიღებულ გასამრჩელოს. ჯეკ ლონდონისათვის დამახასიათებელი იყო სიმართლის სიყვარული, სიმამაცე — თამამად თქმა იმისა, რასაც გრძნობდა და ფიქრობდა; იგი მრავალმხრივ განვითარებული ადამიანი იყო. ეს სულიერი სიმდიდრე, ეს მთლიანობა ერწყმოდა მთხრობელის თანდაყოლილ ნიჭს, რომელიც მომწიფდა გონიერული და დაუცხრომელი მუშაობის შედეგად. იმ გარემოებამ, რომ უფულობას განიცდიდა, ვერ აიძულა იგი ან ნაკლები მოთხოვნები წაეყენებინა თავისი თავისათვის ანდა კომპრომისზე წასულიყო იქ, სადაც საქმე ხელოვნებას ეხებოდა; იგი ყოველთვის დარწმუნებული იყო, რომ კარგი სამუშაო კარგი გასამრჩელოს ღირსია.

ბრეტის წინასწარმეტყველება „რკინის ქუსლის“ ბედის შესახებ გამართლდა — გაზეთების უმრავლესობას არც კი აღუნიშნავს წიგნის გამოსვლა. სხებმა, თანაც სულ ცოტამ, განაცხადეს, მართლ-

მსაჯულების მარჯვენამ ავტორი მკაცრად უნდა დასაჯოსო. თითქმის შეუმჩნეველმა წიგნმა, რომელმაც კარგი შეფასება ვერ მიიღო, ვერც აღიარება პპოვა. მას თითქმის არაფერი ყიდულობდა, გარდა ერთი მუჟა ამერიკელი მარქსისტებისა. ათი წლის შემდეგ კი ეს წიგნი მსოფლიოში ცნობილი გახდა, როგორც ერთ-ერთი უდიდესი კლასიკური ნაწარმოები რევოლუციის შესახებ. რაც შეეხება რუსებს, ამის შემდეგ ჯეკ ლონდონი მათი ღმერთი გახდა. რარიგ ბოროტად არ უნდა დასხმოდა თავს „რკინის ქუსლს“ კაპიტალისტური პრესა, უფრო გაბოროტებული იყო სოციალისტური პრესა, რომელიც ერთი წლის წინ ლანძღავდა ჯეკს იმის გამო, რომ იგი ანგარიშს არ უწევდა უამრავ საქმეს სამშობლოში და მიემგზავრებოდა თავისი ბრწყინვალე იახტით. ახლა მას ბრალს სდებდნენ იმაში, რომ უღალატა თავის საქმეს, რომ სისხლისღვრის მოწოდებით ხალხში ნტრულ დამოკიდებულებას იწვევს სოციალიზმისადმი; თავის წინააღმდეგ იმხედრებს პარტიის წევრებსაც კი, რომელნიც მშვიდობიანად არიან განწყობილნი და სურთ, რომ სოციალიზმი ნელ-ნელა მკვიდრდებოდეს ცხოვრებაში განათლებისა და საკანონმდებლო ორგანოების საშუალებით, კენჭისყრის გზით და არა ბარიკადებზე. სიკვდილის საფასურად. დიახ, აპრილში კაპიტალისტური და სოციალისტური ბეჭდვითი სიტყვა ერთხმად მიიჩნევდა მას საფრთხედ¹ საზოგადოებისათვის, მაგრამ საძი თვის შემდეგ სოციალისტებმა არათუ აპატიეს მას, არამედ შესთავაზეს კიდევ ამერიკის შეერთებული შტატების პრეზიდენტის პოსტზე წამოეყენებინა თავისი კანდიდატურა სოციალისტური პარტიიდან.

თავისი სიტყვის ერთგული ჯეკ ლონდონი ჩარმიანთან ერთად დაბრუნდა „მარიპოზაზე“, რათა გაეგრძელებინა შვილწლიანი მოგზაურობა დედამიწის გარშემო. 9 აპრილს იგი ტაიტიდან გავიდა „სნარკით“ და კურსი აიღო ბორა-ბორასკენ—პოლინეზიის ამ მარგალიტისაკენ. ბორა-ბორაზე იგი ადგილობრივ მეთევზეებთან ერ-

¹ „რკინის ქუსლს“ უარყოფითად გამოეხმაურნენ სოციალისტების ოპორტუნისტულად განწყობილი ხელმძღვანელები. ამერიკული სოციალისტური მოძრაობის რევოლუციურმა ბირთვმა კი მაღალი შეფასება მისცა რომანს. წიგნი დადებითად შეაფასეს აგრეთვე იუჯინ დებსმა და ბილ ჰეიუდმა.

თად ქვით ხოცავდა თევზებს; რაიატეაზე ცხოვრობდა მკვიდრ პოლინეზიელებს შორის, რომელნიც ცივილიზებულ ქვეყნებში არნახული გულუხვობით უმასპინძლებოდნენ ჯეკს საჩუქრებითა და სანოვაგით. პავო-პავოში იგი ადგილობრივმა მეფემ მიიღო თავის რეზიდენციაში.

როცა სუფასაკენ, ფიჯის კუნძულებისაკენ, განაგრძობდა გზას, „სნარკი“ შეროდის ზოლში მოხვდა და რამდენიმე დღით ასცდა კურსს ქრონომეტრის დაზიანების გამო. იენისში მიაღწიეს ფიჯის კუნძულების დედაქალაქს სუვასს. აქ კი კაპიტანმა უორენმა მიატოვა „სნარკი“. რომელიც უკიდურესად საჭიროებდა შეკეთებას, ნაპირზე გაღაგილა და უკან აღარ დაბრუნებულა. ჯერ კიდევ მაისში კაპიტანი ნეიჯრო ავღლამ, რომელიც ორჯერ სიმშაგეში გადაიზარდა. რაღა გაეწყობოლა, ჯეკმა ბარგი გაუგზავნა და ამის შემდეგ თვითონ უმკლავებოდა კაპიტნის მოვალეობას. მოგზაურობდა სოლომონის კუნძულებზე, ცხოვრობდა ქოქოსის პალმის დაბურულ პლანტაციებში, „აშქარა, აღმაშფოთებელ ველურობის საზღვარზე—მეორე ასეთ ადგილს ვერ მოძებნი დედამიწაზე“, მალაიტაზე, სადაც ველურის ხელით არა ერთი თეთრი ადამიანის თავი დაგორებულა მხრებიდან, ჯეკი მეგობრებთან ერთად გემ „მინოტატი“ გაემგზავრა ბუშმენების შესაგროვებლად პლანტაციებზე კატორღული მუშაობისათვის. ერთხელ მას საფარიდან თავს დაესხნენ კაციკამიები, რომელთაც სურდათ გაეძარცვათ და ჩაეძირათ გემი, ხოლო ეკიპაჟის თეთრკანიანი წევრებისაგან მოეწყოთ „კაიკაი“, ე. ი. მოეკრათ თავები, სხეულს კი თავიანთი სურვილისამებრ გასწორებოდნენ. გემი ისედაც კინალამ წყალქვეშა კლდეს დაეჯახა, აქ კი ყვირილით შეუტიეს შავკანიანთა ურდოებმა, რომლებიც მოწამლულ ისრებს ისროდნენ. „როცა „მინოტა“ პირველად დაეჯახა წყალქვეშა კლდეს, გარშემო არც ერთი კანოე არ ჩანდა, მაგრამ მოულოდნელად, ბორათა მსგავსად, რომლებიც წრისებურად გარს ერტყმიან ნადავლს, არავინ უწყის საიდან გამოჩნდნენ კანოები. თოფებით შეიარაღებულმა ეკიპაჟმა, რომელიც სიკვდილით დაემუქრა მოახლოების შემთხვევაში, ასი ფუტის მანძილზე შეაჩერა ადგილობრივი მცხოვრებლები. შავები, საზარელნი, მჭიდროდ დაწყობილნი, ისინი ნიჩბებით აჩერებდნენ თავიანთ კა-

წილებს და სახიფათო ხაზიდან, რომელსაც მოქცევის ტალღები ეხეთქებოდა, უკან არ იხევდნენ. ეს მართლაც რომ შესაფერი თავგადასავალი იყო იმისათვის, ვისაც ახალგაზრდობაში „რეზლ-დელ-ზე“ არასოდეს ჩამოუწევია აფრა, ვისაც ოთხჯერ გაუჩივრებია ტრანსკონტინენტური ექსპრესი, ნაკვით გადაუტურავს „თეთრი ცხენის“ ჭორომები და ადგილობრივი ჯონკათი გადაულახავს უცხოელი ზღვა! „აი, მესმის ასეთი ცხოვრება!“—შესძახა მან.

ჩვენი დაწვრილებით ჩანაწერებს აწარმოებდა, იღვანდა ლოტო-სურათებს, ყოველ კუნძულზე თავისი კოლექციისათვის ეძებდა ადგილობრივთა კანოებს, ნიჩბებს, ნიჭარებს, ხის მოჩუქურთმებულ ნივთებს, შუბებს, ჩიბუხებს, ფინჯნებს, კილოფებს, ვანსკულს, ტაპას ქსოვილებს, მარჯნებსა და ადგილობრივთა საკაჟულეს, ყველაფერმა ამან გლენ-ელენში დაბრუნების შემდეგ მთელი მუზეუმი შეადგინა. სადაც არ უნდა ყოფილიყო—ფიჯიზე, მარკიზებზე თუ სამოაზე, ათიოდე თეთრკანიანი თუკი შეგროვდებოდა, იგი მოსენებდას კითხულობდა რევოლუციაზე.

გარშემო მძვინვარებდა კეთრი, სპილოს ავადმყოფობა, მალარია, მკრეჭელი სირსველი, გარი-გარი (კანის ავადმყოფობა, რომელიც საშინელ ქავილს იწვევს,) სოლომონის ავადმყოფობა, ანუ ფრამბეზია, კანის წყლულები და ასობით სხვა ტროპიკული დაავადება. „სნარკი“ მცურავ ლაზარეთად გადაიქცა. საკმარისი იყო ეკიპაჟიდან ვინმე შემთხვევით წაბორძიებულიყო გემბანზე და ჩალურჯებოდა რაიმე ადგილი, საკმარისი იყო ნაპირზე ნავის ათრევის ან ჯუნგლებში გზის გაკაფვისას ფეხი გაეფხაჰნათ, რომ მთელ ტანს ედებოდა კანის ავადმყოფობა, თანაც ზოგიერთი წყლული ვერცხლის დოლარის ოდენა იყო. სოლომონის კუნძულებზე მთელი ეკიპაჟი მალარიით გახდა ავად. ზოგჯერ ერთდროულად ხუთს ჰქონდა შეტევა და მეექვსეს ისღა რჩებოდა, რომ თვითონ წაეყვანა „სნარკი“ ყოველგვარ ამინდში. ჩვეს ისე ხშირად ჰქონდა შეტევები, რომ (ქინაქინის მიღებით) იმდენსავე დროს ატარებდა ლოგინში, რამდენსაც ფეხზე. ფიჯისაკენ მგზავრობისას მან ორჯერ მოიფხანა ქინქლუბისაგან დაკბენილი ადგილი და მთელი სხეული წყლულებითა და გამონაყარით დაეფარა. მაგრამ თვით ეს უსიამოვნებებიც მას მხოლოდ ახარებდა, რომანტიულ ფერებში ეხარებოდა სიძინელები,

რომლებიც შეეფერებოდა შორეული ქვეყნების მკვლევარს; უში-
შარ და უდრეკ თეთრ ადამიანს, მსოფლიო რომ დაიპყრო. მას
მოსწონდა, როცა თავის თავს თვითნასწავლ ექიმს უწოდებდა: იგი
იღებდა კბილებს, სულემით სწამლობდა ჩარმიანისა და მარტინ ჯონ-
სონის ღია წყლულებს, კოკ უოდს ძალით ასმევდა ქინაქინას—კოკი
ტროპიკული მალარიით დაავადდა და აღმოსავლური ფატალიზმით
ემზადებოდა სიკვდილისათვის.

იმ დღეების გარდა, როცა ჯეკს მალარია ჩააწვენდა ხოლმე, იგი
მკაცრად იცავდა ერთხელ და სამუდამოდ გამომუშავებულ წესრიგს:
ყოველ დღით—ათასი სიტყვა. ჩარმიანიც ისეთივე თავგამოდებით
ასრულებდა მოვალეობას, როგორც ჯეკი: მანქანაზე ბეჭდავდა მის
ხელნაწერებს და მისივე კარნახით ადგენდა პასუხებს უამრავ წე-
რილზე.

„თავგადასავალი“ ერთადერთი რომანია, რომელიც ჯეკმა მრავა-
ლი თვის დაძაბული შრომის შედეგად დაწერა სამხრეთის ზღვებზე.
მოგზაურობის შესახებ. მოქმედება ვითარდება ქოქოსის ხის ერთ-
ერთ პლანტაციაში, სადაც იგი ცხოვრობდა სოლომონის კუნძულებ-
ზე ყოფნის დროს. კრიტიკოსებისაგან თავდაცვისას, რომლებმაც
უკმაყოფილება გამოთქვეს ამ „აღმაშფოთებელი, აშკარა ვილუ-
რობის“ გამო, ჯეკმა განაცხადა, რომ ასახავს მხოლოდ იმას, რაც სა-
კუთარი თვალებით ნახა. სამწუხაროდ, უტყუარობა ყველაფერი
როდია, რაც მოეთხოვება ცოცხალ, დამაჯერებელ ლიტერატუ-
რულ ნაწარმოებს. „თავგადასავალი“ საინტერესო ნაწარმოებია
ისეთი მკითხველისათვის, რომელიც ისწრაფვის მოსცილდეს სინამ-
დვილეს, მაგრამ ასეთივე ნაწარმოების დაწერას შესძლებდა ათო-
ბით მისი თანამედროვე. რომანი სერიებად გამოვიდა ჟურნალ
„პოპულარულში“—ამ გამომცემლობის ხელისმომწერი, სამწუხა-
როდ, ვერ დაიკვებნიდნენ ფაქიზ ლიტერატურულ გემოვნებას—შემ-
დეგ ცალკე წიგნად გამოვიდა და ყველაფერი ამით დასრულდა.

„სნარკზე“ მოგზაურობაში“ შეგროვილი ნარკვევები ეს არის
მხატვრულად და თამამად დაწერილი საგზაო შენიშვნები, შედგენი-
ლი თბილი, გულითადი, მეგობრული მანერით, რაც ასე შეუც-
დომლად ასახავს ჯეკ ლონდონის ბუნებას. მაგრამ არავის—და,
პირველყოვლისა, თვით ჯეკსაც—აზრად არ მოუვიდოდა მათთვის.

ნამდვილი ლიტერატურული ღირსებები მიეწერა. „სნარკის“ გემ-
ბანზე ყოფნისას, და შემდგომაც ჭეკმა შექმნა ოცდაათი მოთხრობა,
რომლებიც სამხრეთის ზღვებზე ცხოვრებას მიეძღვნა. ზოგიერთი
შათგანი მართლაც კარგია (ისეთები, როგორიცაა: „მაპუის სახ-
ლი“, „კერპთაყვანისმცემელი“, „კეთროვანი კულაუ“ „ჩუნ-ა-ჩუნი“
და „ატუ იხ, ატუ!“). მკითხველი თითქოს მოშორებით ზის და გა-
კვირვებულად შესცქერის ადგილობრივ ინტერმეცოს მსგავს იშვიათ
სანახაობას. მოთხრობები „აბეზარ თეთრ ადამიანზე“, რომელიც
აშინაურებს შავ ველურებს და მთელი მსოფლიოს ბატონ-პატრონი
ხდება, წარმტაცი ეგზოტიკითაა გაყვანილი, მაგრამ მათში თითქ-
მის არაფერია ისეთი, რაც საყოველთაო ინტერესს გამოიწვევდა.
ძნელია შეერწყა გმირს, იცხოვრო, იბრძოლო და მოკვდე მასთან
ერთად, როგორც ეს მაშინ ხდება. როცა კითხულობ ალასკის გმი-
რების, ლონდონის თანამემამულეების — ამერიკელების შესახებ.
რაც შეეხება მოგზაურობას სამხრეთის ზღვებზე, ვის სჭირდება იგი
თვით ჭეკის გარდა? სოციალისტები აკრიტიკებდნენ ჭეკ ლონდონს
იმის გამო, რომ იგი მიემგზავრებოდა მაშინ, როცა სამშობლოში
ასე ბევრი საქმე იყო. ისინი მართალი იყვნენ უფრო ღრმა გაგებით:
ლონდონის ყველაზე უბრალო ნაწარმოებები, რომელნიც მან თავის
ხალსს, მის ჩვეულებებს, მის ბედს მიუძღვნა, ქმნიან ამერიკულ
ლიტერატურას, ჩვენთან რჩებიან არა მარტო მოგონებების გასა-
ცოცხლებლად, არამედ იმისათვისაც, რომ თვალთახედვის არეს გა-
ფართოებით გააღრმავონ სიყვარული ბექვლეთი სიტყვისაღმი.

„სნარკზე“ მოგზაურობა მრავალგზის ანახლავდა, თუ ვილა-
პარაკებთ თავგადასავალზე. მაგრამ საკითხავია, შეიტანა თუ არა
მან წვლილი ლიტერატურის საგანძურში? საეჭვოა. თუმცა ჭეკს
ეს მაინცდამაინც დიდად არ აწუხებდა. „მე ყოველთვის იმის მომხ-
რე ვარ, რომ ჩემთვის მონიჭებული სიცოცხლის რაღაც პატარა ნა-
წილიც კი უფრო ძალა დავაყენო, ვიდრე ხელოვნება, ანდა რაი-
მე სხვა მოვლენა, რომელიც ჩემი არსების გარეშეა“, — უყვარდა
თქმა ჭეკს.

მუშაობაში მკაცრი დისციპლინის დაცვასთან ერთად, იგი ძალ-
ღონეს არ იშურებდა, რათა თავისი საქმეებიც წესრიგში ჰქონოდა.
მან განიზრახა უეიკ რობინის მახლობლად აეშენებინა პატარა სახ-

ლები, რათა დაბრუნების შემდეგ მეგობრები იქ მიეღო. ამ მიზნით მისის ეიმსს მისწერა ცხრაგვერდიანი წერილი, რომელიც ინსტრუქციებსა და სამშენებლო ღარგის მრავალ ტექნიკურ ცნობას შეიცავდა. სადღაც შორს, ათასი მილის დაშორებით, სოლომონის კუნძულებზე მყოფი ჯეკი ისეთ დეტალებზე ფიქრობდა, როგორიც იყო მაგალითად: რა მხარეზე უნდა იღებოდეს თითოეული კარი, სად იქნება მოთავსებული ტუალეტი და სად პირსაბანი. იგი თანაშემწეებს ნათელ, ლოგიკურ, ამომწურავ წერილებს უგზავნიდა, მაგრამ რაც უფრო მეტ მითითებას აძლევდა, მით უფრო იწეწებოდა საქმეები. ჯეკი ჯერ კიდევ ვერ მიმხვდარიყო, რომ ვისაც წლიურად ოციდან ოცდაათათას დოლარამდე შემოსავალი აქვს, დიდ საქმეებსაც აწარმოებს და, მაშასადამე, ახლო უნდა იყოს „ფაბრიკასთან“. ხდებოდა ხოლმე, რომ მისი ნიუ-იორკელი რწმუნებული მოთხრობას აძლევდა რომელიმე ინგლისურ ჟურნალს, ამ დროს კი ნინეტა ეიმსი ამავე მოთხრობას ამერიკულ ჟურნალში ათავსებდა. იყო შემთხვევებიც, როცა ჯეკი დახარჯავდა ამერიკული ჟურნალიდან აღებულ ჰონორარს და უცებ ეს უკანასკნელი მრისხანედ ითხოვდა ფულის დაბრუნებას: იგი მოატყუეს, რადგან ჩამოართვეს ამ ნაწარმოების ინგლისში გამოქვეყნების უფლება. ამერიკელი და ინგლისელი გამომცემლები კინკლაობდნენ, ერთმანეთს ეცილებოდნენ კოლონიებში ჯეკის წიგნების გავრცელების უფლებას, — ეს კი საბოლოოდ საქმეს ამუხრუჭებდა. გამომცემლები, რომლებიც ადრე უარს არ ეტყოდნენ მისი მოთხრობებისა და ნარკვევების შექმნაზე, თუ შესაძლებლობა ექნებოდათ სწრაფად მოგვარებინათ ზოგიერთი დეტალი, ახლა ხელნაწერებს უკან აბრუნებდნენ, რადგან სოლომონის კუნძულებზე მყოფ ავტორთან მოლაპარაკებაზე ძალიან დიდი დრო იხარჯებოდა. წიგნის ბაზარზე მის ნაწარმოებებზე ფასმა აიწია. ისეთი ჟურნალები, როგორიც იყო „კოსმოპოლიტი“ ანდა „კოლიერსი“, ხელნაწერში ხუთასიდან ექვსას დოლარამდე უხდიდნენ. მაგრამ ახლა, როცა გამომცემლები აღარ ყიდულობდნენ მის ნაწარმოებებს, ნინეტა ეიმსმა ქუჩის მოვაჭრესავით დაიწყო მისი მოთხრობებისა და სტატიების ჩამოტარება გასაყიდად. „აბა, ვის გინდათ ჯეკ ლონდონი? რამდენს იძლევით მოთხრობაში?“ — და რამდენიც არ უნდა შეეძლიათ, ჰყიდდა. გამომ-

ცემლებმა სწრაფად აიღეს აღლო, რომ პანიკის ნიშნად, ჯეკ ლონდონის ხელნაწერები ბაზარზე, გამოქჷონდათ და, საერთოდ, თავი შეიკავეს მათი შეძენისგან. წიგნის ბაზარი აივსო მისი. ნაწარმოებებით, შემოსავლის ყოველი წყარო უეცრად დაშრა.

განსაცვიფრებელ დოკუმენტს წარმოადგენს ამ პერიოდში ნინეტა ეიმსის მიერ ჯეკისათვის გაგზავნილი მძვინვარებით აღსავე წერილები, რომლებიც ასობით გვერდს შეიცავს და საბეჭდ მანქანაზეა დაბეჭდილი. მათ ერთი შეხედვისთანავე ემჩნევათ ნათესაური მსგავსება იმ ასობით ნაბეჭდ გვერდთან, რომელთაც ხუთი წლის წინ ჯეკს უგზავნიდა ნინეტას ძმისწული. მალაღფარდოვან, ფერადოვან, საქარინით უხვად შეზავებულ, მუდმივი სიყვარულის, ერთგულებისა და თავგანწირვისათვის მზადყოფნის მტკიცებით აღსავე ამ წერილში იგრძნობა ფოლადისებური თითების სასიკვდილო მუხრუჭები. თავის უეიკ რობინს ნინეტა ეიმსმა კიდევ ერთი ფრთა მიაშენა, ხოლო როცა ჯეკი ისევ დასახლდა გლენ-ელენში, იგი ქირას ახდევინებდა ჯეკს იმ ოთახებში, რომლებიც ჯეკისავე სახსრებით იყო აშენებული. მან ხელმეორედ გაიდიდა ხელფასი—ამჯერად ოცდაათ დოლარამდე თვეში, თანაც ამის შესახებ ჯეკს ადრინდელი რიცხვით აცნობა და თან შეეკითხა, აპირებს თუ არა იგი საერთოდ უხადოს თუნდაც საარსებო მინიმუმი? ასეთი გამოხდომებით გატანჯულმა ჯეკმა პროტესტი განაცხადა: „მე ყოველთვის ვამაყობდი იმით, რომ მას შემდეგ, რაც პირველი დოლარი გამიჩნდა, სინდის-ნამუსით ვუხდიდი ყველას, ვისაც თუნდაც პატარა სამსახური გაუწევია ჩემთვის“.

ნინეტა ეიმსი თვიდან-თვემდე წუწუნებდა თავის ხელმოკლეობაზე, რომ იგი გაჭირვებას განიცდის, რომ შესაძლებლობა არა აქვს დაუბრუნოს ჯეკს „სნარკის“ გამგზავრების წინ ნასესხები ვალი. ბოლოს და ბოლოს ჯეკმა მისწერა: „ოკლენდის ბანკი ჩემს ანაბრებზე პროცენტებს არ მაძლევს. აუცილებლობის შემთხვევაში, გამოიყენეთ იგი, გეთაყვა“. ჩეკის წიგნაკები ნათლად მეტყველებს, რომ მისის ეიმსმა იგი სიტყვაში ჩაიჭირა: აქ ასობით ჩეკია ვაცემული სანატორიუმებზე, ექიმებსა და აფთიაქებზე; ჩეკები მორთულობაზე, ავეჯსა და უეიკ რობინის რემონტზე; ანგარიშები მეზაყულებისა და გასტრონომებისგან პროდუქტების ისე დიდ რაოდენობაზე,

რომელიც საკმარისი იქნებოდა სოლიდური სასტუმროს მცხოვრებთა გამოსაკვებად.

ყოველივე ეს ან ისე ხდებოდა, რომ ჯეკმა არ იცოდა ამის შესახებ, ანდა უკიდურეს შემთხვევაში, მათზე, ასე თუ ისე, მისი ნებართვა მაინც არსებობდა. მაგრამ რაც ჯეკმა არ იცოდა, იყო ის, რომ პილის რანჩოზე დახარჯული ყოველი ოცდახუთი ცენტი მას ოთხმაგად უჯდებოდა. მანვე გადაიხადა ახალი ბელისათვის ქვის მასიური კორპუსის აშენების საფასური, ხოლო ხუთი წლის შემდეგ, როცა გლენ-ელენში მიწისძვრა მოხდა და კედლები გაიბზარა, იგი დარწმუნდა, რომ ამ კედლებს არ შეიძლება ღრუ ვუწოდოთ მხოლოდ იმიტომ, რომ მუშები ჭამის შემდეგ შუაქედლისში კონსერვის ქილებსა და სხვა ნარჩენებს ყრიდნენ. შემდეგ ამოტივტივდა ათისთავის სახლში სააბაზანო ოთახის მოწყობილობასთან დაკავშირებული ისტორია: ჯეკმა სრულად გადაიხადა ახლის საფასური, მაგრამ როცა მოწყობილობა გლენ-ელენის სადგურზე გადმოტვირთეს, იგი ყოვლად გამოუსადეგარი ძველმანი აღმოჩნდა. ყველაზე საწყენი მაინც ის იყო, რომ მისის ეიმსმა შეწყვიტა ყოველთვიური ანგარიშების გადმოგზავნა. შეწუხებული ჯეკი მას მითითებებს სწერს პენრინიდან, როგორ გაართვას თავი ათობით საქმეებთან დაკავშირებულ გართულებებს, და უჩივის, რომ მან მხოლოდ თებერვლისა და მაისის ანგარიში გამოგზავნა, თუმცა 1908 წელს ერთი თვეც არ იყო ისეთი, მისის ეიმსს მისთვის რომ არ მიეწერა.

მთელ ამ არეულ-დარეულობაში ნინეტა ეიმსმა ერთი ისეთი კარგი საქმიანი ოპერაცია ჩაატარა, რომ ჯეკმა ყველაფერი აპატია. მან „წყნარი ოკეანის ყოველთვიურს“ ზღაპრულ ფასად — შვიდი ათას დოლარად გადასცა რომან „მარტინ იდენის“ ნაწილ-ნაწილად გამოშვების უფლება. ამან არათუ ყველა ვალი დაფარა, არამედ ჯეკს რამდენიმე ათასიც დარჩა სახარჯოდ.

სომონის ხეობაში პილის რანჩოს ესაზღვრებოდა კოლერის რეასი აკრი ფართობის ვენახი და ლამოტის ას ათი აკრი ფართობის რანჩო. თვეების განმავლობაში ნინეტა ეიმსი დაჟინებით ახსენებდა ჯეკს, ვენახი ოცდაათი ათას დოლარად — თითქმის მუქთად — იყიდებო. ასევე დაჟინებით უმეორებდა, რომ ათი ათასად შეიძლება ლამოტის რანჩოს შესყიდვაო. ჯეკისათვის არავითარი აზრი არ ჰქონ-

და ამ რანჩოს შეძენას—მას უკვე ჰქონდა ას ათი აკრი მიწის შესანიშნავი ნაკვეთი, რომელზედაც ჯერ ერთი ღამეც არ გაეტარებინა. ხუთი წელი კიდევ აპირებდა მსოფლიოს გარშემო გემით მოგზაურობის გაგრძელებას. „მარტინ ადენში“ ახლახან მიღებულმა შვიდი ათასმა დოლარმა კი იგი მოსალოდნელ განადგურებას გადაარჩინა. მაგრამ გაახსენდა მთავორიანი, სექციებში ჩაფლული ლამოტის რანჩო, გაახსენდა ბედნიერი საათები, როცა ცხენით ეშვებოდა ამ ხეობაში, ანდა მალა მიუყვებოდა ვენახსა და მარწყვის ხეებს შორის დაკლავნილ ბილიკებს... საპასუხო ფოსტით ნინეტა ეიმსმა განკარგულება მიიღო შეესყიდა ლამოტის რანჩო. დაახლოებით სამი ათასი მან ერთბაშად შეიტანა, დანარჩენის საფასურად მიწა დააგირავა. სოლომონის კუნძულებს შორის თავისი კეჩით მოცურავე ჯეკი, რომელიც უახლოეს ხანებში აპირებდა სწევოდა იაპონიას, ინდოეთს, სუეცის არხს, და რომელმაც არ იცოდა, მოახერხებდა თუ არა თავისი ახლად დამთავრებული მოთხრობის სადმე მოთავსებას, ანდა ხვალინდელი ანგარიშის განადგობას, ახლა ორას ორმოცი აკრი უმშვენიერესი მიწის მფლობელი გახდა კალიფორნიის მთისწინეთში.

1908 წლის სექტემბერში თვითნასწავლი ექიმის როლის შესრულება მას უკვე არავითარ სიამოვნებას აღარ ანიჭებდა: ხელები დაუსივდა. მხოლოდ დიდი ტკივილის ფასად ახერხებდა თითების მოხრას. შემდეგ ხელებიდან ტყავი გადასძვრა—ჯერ ერთი ფენა, შემდეგ მეორე, მეოთხე, მეექვსე... ტანჯვა-წამება ერთი წუთითაც არ წყდებოდა. ექიმებს ვერ გაეგოთ, რას წარმოადგენდა ეს უცნაური დაავადება. ამას დაერთო საერთო ნერვიული აშლილობა; ზოგჯერ ისე უმწეო ხდებოდა, გემბანზეც ვერ ახერხებდა მოძრაობას იმის შიშით, რომ მტკივნეული ხელების წაწევა დასჭირებოდა რაიმეზე. ნერვიულმა აშლილობამ სულიერ მდგომარეობაზეც იმოქმედა: გაუხსენა დევნის მანიამ—თითქოსდა მის წინააღმდეგ რალაც ჭანიზრახეს, ყველამ პირი შეკრა, რათა ხელი შეუშალონ მას ქვეყნის გარშემო მოგზაურობის დასრულებაში.

გაჭირვებებმა და საშიშროებებმა ჯეკი ვერ შეაშინა; ხარჯებმა და დაცინვებმა მხოლოდ უფრო განამტკიცა მისი გამბედაობა, მაგრამ ავადმყოფობამ იგი ბოლოსდაბოლოს სავსებით მოტეხა. ძალ-

ღონეგამოღებული მოელაპარაკა ერთ სამსახურიდან გადამდგარ კაპიტანს, რომ იგი უპატრონებდა „სნარკს“, თვითონ კი სიღნეშიში მიმავალ გემ „ნაკომბაზე“ ბილეთები შეუქვეთა თავისთვის, ჩარმიანის, მარტინ ჯონსონისა და ნაკატასათვის.

გამგზავრების წინა დამეს იგი მარტო ავიდა „სნარკზე“. საჯსუ მთვარე დანათოდა იმ გემის გემბანს, რომლის შექმნის იდეა მისგონებაში ჩაისახა, და რომელიც მისი ხელმძღვანელობით დავაუკაცდა: აქ მისთვის ძვირფასი იყო ყოველი წვრილმანი, მას უყვარდა „სნარკი“—მისი ნაკლოვანებანი და სუსტი მხარეებიც კი. ისინიც ხომ მისი ხელების ნაყოფია. კეჩმა გაამართლა მასში დაბანდებული ყოველი დოლარი, მასზე დახარჯული ენერჯის ყოველი წვეთი, ყველა შეურაცხყოფა და დაცინვა, რომლებიც ჯეკმა გადაიტანა დროდადრო „სნარკი“ თვითნებობდა, დახეტიალობდა, სადაც მოესურვებოდა; ზოგჯერ ვერ უმკლავდებოდა თავის მოვალეობებს. მიუხედავად ამისა, იგი მაინც პირნათლად მოემსახურა პატრონს, მორჩილად და უვნებლად გადაატარა იგი ოკეანეთა ათასობით მილის სივრცეზე, აჩუქა მას მდიდარი ეგზოტიკური შთაბეჭდილებები, რომლებსაც იგი გაიხსენებს მორბუბლულ, ნაღვლიან დღეებში. ერთად, შეუდრეკლად შეჰყურებდნენ ისინი სიკვდილს თვალებში, ერთად ებრძოდნენ შტორმებს, მედგრად იდგნენ წვიმასა და ქართან ქიდილში; უძრავად იწვნენ ეკვატორულ უქარო ზოლში; თებობდნენ კაშკაშა, მცხუნვარე მზეზე და შეჰხაროდნენ ზღვის მარილიან ჰაერს. „სნარკი“ კარგი მეგობარი იყო. ჯეკმა გამოთხოვებისას მტკივნეული ხელით მიუალერსა მის მოაჯირებს, მოწყობილობას, ანძებს და გულწრფელი სენტიმენტალური ცრემლები გადმოსცვივდა, როცა გაიფიქრა, რომ მეგობრებს სწორედ ასე ემშვიდობებიან.

ზღვაზე ოცი მძიმე, მტანჯველი დღის გატარების შემდეგ იგი სიღნეის საავადმყოფოში დაწვა. ხუთი კვირა გაკრული იყო საავადმყოფოს თეთრ სარეცელზე. ავსტრალიელი სპეციალისტებო ჩიხში მოექცნენ: მედიცინის ისტორიამ დღემდე არ იცოდა ასეთი დაავადება. „მე ბავშვით უძლური ვარ. ხელები მისკდება ხოლმე და ჩვეულებრივზე ორჯერ უფრო მსხვილი ხდება; ამასთანავე მათგან ერთდროულად შვიდი ფენა კანი მძვრება. დღე-ღამის განმავლობაში ფეხის ფრჩხილები ისეთივე სისქისა ხდება, რაც სიგრძე აქვთ“...

დარწმუნებულმა, რომ საავადმყოფოში ვერ უშველიდნენ, ჰეკ-მა სიღნეში ყოფნის მომდევნო ხუთი თვე ჯერ სასტუმროებში გაატარა, შემდეგ კი ბინა დაიქირავა იმ იმედით, რომ რაიმე სამკურნალო საშუალება „სნარკზე“ დაბრუნებას შეაძლებინებდა. წერა მას არ შეეძლო—აბა, როგორ! იგი ისეთ ტკივილებს განიცდიდა, რომ კითხვასაც ძლივს ახერხებდა. ბერნისისა და ჯონსონის სპორტული ბრძოლის რეპორტაჟი—აი, ერთადერთი, რისი გაკეთებაც მაინც შესძლო ავსტრალიაში. ღიმილი, რომელზედაც სულ რაღაც ერთი წლის წინ წერდნენ, „არ სცილდება მის სახესო“, უკვალოდ გაჰქრა: ახლა იგი იყო უბრალო ახალგაზრდა კაცი, გაუგებარი სნეულებით გულდამძიმებული და თავგზააბნეული.

1909 წლის მაისის დასაწყისში ნათელი გახდა, რომ თუ ჯეკ ლონდონი შინ არ გაემგზავრებოდა, მისი ძვლები ისევე გარდუვალად დარჩებოდა ტროპიკებში, როგორც, ვთქვათ, მაშინ, ახალპერბიდის ბუშმენებს თავი რომ მოეჭრათ და „კაი-კაი“ მოეწყოთ. მან შტურმანი და მარტინ ჯონსონი სოლომონის კუნძულზე გაგზავნა, რათა მათ „სნარკი“ სიღნეში მოეყვანათ. „სნარკი“ მე საეაქროგემის ლოთი კაპიტნისამარა დავტოვე და იმ დროისათვის, როცა კეჩი სიღნეში მოიყვანეს, მასზე ძალიან ცოტა რამ იყო დარჩენილი. აქამდე ვმარჩიელობ და ვერ მივმხვდარვარ, რა მოუვიდა ჩემს ავტომატურ შაშხანებს, გემის მოწყობილობებს, სანადირო თოფებს, ორ ფოტოაპარატს და სამი ათას ფრანგულ ფრანკს“. ჯეკმა „სნარკიდან“ გადმოიტანა თავისი პირადი ნივთები და გემი აუქციონიდან გაიყიდა სამი ათას დოლარად. ბედმა დასცინაო, რომ იტყვიან, სწორედ ისე მოხდა: იგი ერგო პიროვნებებს, რომლებიც, სოლომონის კუნძულების მცხოვრებთაგან მუშებს აგროვებდნენ პლანტაციებზე კატორღული სამუშაოსათვის. ასეთი დასასრული ეწვია მსოფლიოში ერთ-ერთი წამყვანი სოციალისტის მიერ აგებულ გემს.

1909 წლის 23 ივლისს, ორ წელიწადზე მეტი ხნის მოგზაურობის შემდეგ, მან სან-ფრანცისკოს ნავსადგურში კორესპონდენტებს ასე განუცხადა: „საშინლად დავიღალე და სახლში დაებრუნდი, რათა კარგად დავისვენო.“ მას მძიმე ტვირთად აწვა აურაცხელი ვალები, ჯანმრთელობა მეტად შერყეული ჰქონდა, ამერიკული გა-

“ზეთები მისდამი ან მტრულად იყვნენ განწყობილნი, ანდა გულგრილად. ჟურნალების რედაქტორებმა უკანასკნელი წლის განმავლობაში ჯეკ ლონდონისაგან ძალიან მცირე ნამდვილი ნაწარმოები მიიღეს და ფიქრობდნენ, იგი საბოლოოდ გამოიფიტაო. მკითხველებსაც კი მობეზრდათ მისი უკანასკნელი ნაწარმოებები. სრულიად სამართლიანად სდებდნენ ბრალს ავტორს იმაში, რომ სამი გმირიდან მოთხრობის დასასრულს ოთხი კვდებოდა. ეს იმას წააგავდა, ჯეკს რომ უხეირო მართვის შედეგად გემი მარჯნის ტროპიკულ ბრაგებზე დაესვა და იგი იქ დიდ ტალღას ნელა, ნაწილ-ნაწილად დაუმსხვრია.



IX

სიდნიიდან აქეთობას გზაში ჯეკს უკეთესობა დაეტყო. ნელა მოცურავდნენ სამხრეთ ამერიკისა და პანამის არხის გავლით. შინ დაბრუნებულს ზომიერმა კალიფორნიულმა ჰავამ მალი აღუდგინა ნორმალური მდგომარეობა. ერთხელ, შემთხვევით წააწყდა წიგნს სახელწოდებით „ტროპიკული განათების მოქმედება თეთრებზე“, საიდანაც შეიტყო, რომ მის უცნაურ დაავადებაში არაფერია ავის მომასწავებელი—თურმე მისი კანი ტროპიკული მზის ულტრაიისფერი სხივების ზემოქმედების შედეგად იშლებოდა. ჯეკი დამშვიდდა და ამ ფსიქოლოგიურმა გარდატეხამ განაპირობა მისი სავსებით გამოჯანმრთელება. აგვისტოში იგი უკვე მდინარეში ცურაობდა, რომელზეც ისევ მოაწყო საგუბარი და უოშო ბანაზე შემჯდარი დადიოდა ჰილისა და ლამოტის რანჩოში, სუნთქავდა სალბის ცხელსა და სამკურნალო ჰაერს, ფიკვისა და სიცხით გაღატრუსული მშობლიური მიწის სურნელს.

სტუმრებისათვის სახლების შენება, რომელთა შესახებ მისი ეიმსს სწერდა სოლომონის კუნძულებიდან, აღარავის მოსვლია ფიქ-

რად. ამიტომ ჭეკი ისევ უეიკ რობინში დაბინავდა, სახელდობრ ამ მინაშენში, რომელიც მისი არყოფნის დროს ააგეს. იგი ისეთი ადამიანი როდი იყო, ძველი წყენა გაეხსენებინა ვინმესათვის! პატივისცემით გაისტუმრა ნინეტა ეიმსი, უყიდა ჩვიდმეტი აკრი ფართობის მამული „თევზის რანჩოს“ სახელწოდებით, რათა ძროხის მოსაძოვებელი ადგილი ჰქონოდა, ხოლო როცა როსკო ეიმსს გასცილდა და ელჟარდ პეინს გაჰყვა ცოლად, საქორწინო ტუალეტი და ხუთასი დოლარი აჩუქა.

ჭეკს უვლიდა და საქმელს უმზადებდა საზრიანი ნაკატა, მის მყუდროებას ჩარმიანი იცავდა, თვითონ კი სერიოზულად ჩაუჭდა მუშაობას.

უპირველეს ყოვლისა, რადაც არ უნდა დაჯდომოდა, საქმეები უნდა მოეყვანა წესრიგში: მან უკან დაიბრუნა ბაზარზე გასული თავისი ყველა ხელნაწერი და გამომცემლებს შეატყობინა, რომ დიდი ხნით ჩამოვიდა შინ, ჩამოიტანა ჩინებული მასალა და ამიერიდან ყოველგვარ გაუგებრობას ბოლო მოეღება. სამი თვის განმავლობაში ჟურნალებში არც ერთი სტრიქონი არ გამოჩენილა მისი ხელმოწერით—საუკუნის დასაწყისში გამოცემულ „ჩრდილოეთის ოდისეას“ შემდეგ ამერიკელი მკითხველები პირველად დარჩნენ ჭეკ ლონდონის გარეშე. ეს თვეები მან გმირულ შრომას შესწირა: ყოველდღე თორმეტი საათის დაძაბული მუშაობა, კვირაში შვიდი სამუშაო დღე—აი, განრიგი, რომელსაც დაუმორჩილა თავისი თავი ჭერ კიდევ მოწაფეობის დროიდან. ჭეკმა იცოდა, რომ მკითხველის განწყობის დაბრუნება უფრო ძნელია, ვიდრე მისი მოპოვება. გამომცემლებისა და კრიტიკოსების აზრით, იგი უკვე გამოიფიტა, დასცალა ყველა თავისი ვაზნა და ხალხს თავი მოაბეზრა. კეთილი! ჭეკმა იცოდა, რომ მხოლოდ ოდნავ შეახო ხელი მშვენიერი, ამაღელვებელი ამბების მარაგს, რომელთა გაცნობაც მხოლოდ მას ხვდა წილად.

გამოვიდა „მარტინ იდენი“ და თუმცა ეს ნაწარმოები უკეთესი შილების ღირსი იყო, ვიდრე ლონდონის ყველა დანარჩენი ნაწარმოები, მაგრამ არამეგობრულად განწყობილი კრიტიკოსები მას ან აგინებდნენ, ანდა აგდებულად იხსენიებდნენ. ბრეტმა პრესის შეფასებაში რეკლამისათვის ვერც ერთი საქებარი სტრიქონი ვერ

აღმოაჩინა. ჯეკი ჩიოდა, რომ კრიტიკოსებმა ვერ გაიგეს, რომ რეცენზენტები ბრალს სდებენ, თითქოს ჩამოშორდა სოციალიზმს და მაცდუნებლად ხატავს ინდივიდუალიზმს, მაშინ როცა სინამდვილეში მისი ნაწარმოებები აშიშვლებს ნიციშესეული ზეკაცის ფილოსოფიას. ებტონ სინკლერისადმი გაგზავნილ „მარტინ იდენის“ ეგზემპლარზე მან წააწერა: „მარტინ იდენის“ შექმნის ერთ-ერთი ძირითადი იდეა იყო ინდივიდუალიზმის დაგმობა. ალბათ, ვერ დაეძლიე სამუშაო, რადგან სწორედ ეს იდეა ვერ შენიშნა ვერც ერთმა რეცენზენტმა.“ არა, მან დასძლია სამუშაო. უბრალოდ, ჯეკმა დაწერა ადამიანის ცხოვრების ისეთი მიმზიდველი ისტორია, რომ სადღაც გზაში დაჰკარგა თავისი საწინააღმდეგო ფილოსოფიური შეხედულებები. მას რომ სცოდნოდა, „მარტინ იდენი“ ამერიკელ მწერალთა მთელი თაობის შთაგონების წყარო გახდებოდა, რომ ოცდაათი წლის შემდეგ ეს ნაწარმოები უდიდეს ამერიკულ რომანად იქნებოდა აღიარებული, ასე გულნატკენი აღარ იქნებოდა ამ ცივზე უფრო ცივი შეხვედრით.

რაც უფრო მეტ ვალს იღებდა ჯეკი, მით უფრო უკეთესად მუშაობდა; რაც უფრო მეტი უპირატესობა იყო მოწინააღმდეგის მხარეზე, მით უფრო მეტი აღგზნებით ებმებოდა ბრძოლაში. იგი შეუდგა თამამად ჩაფიქრებული რომანის „დრო-არ-იცდის“ წერას, რომელიც მიძღვნილია კლონდაიკისა და სან-ფრანცისკოსადმი; ოთხი საუკეთესო მოთხრობა დაწერა სამხრეთის ზღვების შესახებ; ხალხურ დიალექტზე შექმნა ორი ამაღელვებელი ამბავი — „სამუფლი“ და „ზღვის ფერმერი“, რომლებშიც მოქმედება ირლანდიის სანაპიროზე ვითარდება. მრისხანება ყოველთვის იყო მისი ერთ-ერთი ყველაზე მძლავრი მამოძრავებელი ძალა. იგი სიგიჟემდე იყო მისული: კინალამ თავი არ შესწირა მოგზაურობას, კრიტიკოსებმა კი გამოაცხადეს, ჯეკ ლონდონი გამოწურული ლიმონიაო — მოდი და ნუ გაბრაზდები! ოცი ტომის გამოცემის შემდეგ ყოვლისმშთანთქმელი შემოქმედებითი აღფრთოვანება რამდენადმე მიწნელდა და ახლა იგი თავის ყოველდღიურ ნორმას მდგომარეობის გავლენით ასრულებდა. უკანასკნელი შვიდი წლის განმავლობაში ეს უღელი უცვლელად ისე მიძიმე რჩებოდა, რომ უნებლიეთ ექვდება: შეიძლება ჯეკი განგებ არ იხდიდა ვალებს, რადგან ეს ხელს უწყობ-

და მუშაობაში. „მე, თანმიმდევრულად ყოველდღე ვუმატებ ჩემს რომანს ათას სიტყვას, და ამ გრაფიკის შეცვლევინება მხოლოდ საშინელ სამსჯავროზე მიმხმობ საყვირის ხმას თუ შეუძლია“.

ჩვეი ისე კეთილსინდისიერად და ნაყოფიერად მუშაობდა, რომ ნოემბრისათვის დაამთავრა თავისი სალკეთესო მოთხრობა მოკრივეებზე — „ხორცის ნაჭერი“ — და იგი უღრნალ ასატერდეი ივინგ პოსტს“ მისცა შეიდას ორმოცდაათ დოლარად, თანაც ხელშეკრულება დაუდო, რომ მომავალ წელს წარუდგენდა კიდევ თორმეტ მოთხრობას. დაამთავრა თუ არა „დრო-არ-იცდის“, ნიუ-იორკის უღრნალ „ჭერალდს“ შეიდი ათასად გადასცა მისი სერიული გამოცემის უფლება. რომანის ხელახლა გამოცემაზე განსაკუთრებული უფლების მიღებისთანავე, „ჭერალდმა“ იგი იმდენჯერ გაყიდა, რამდენმა გაზეთმაც სურვილი გამოთქვა მის შექენაზე. ამასთანავე მან დაიწყო ჩვე ლონდონისა და მისი რომანისადმი მიძღვნილი მხურვალე წამახალისებელი სტატიების ბეჭდვა, ხოლო ასობით იგაზეთი, რომლებიც სერიული გამოცემის უფლებას ყიდულობდნენ, იბეჭდავდა ამ სტატიებს. ბეჭდვითი სიტყვის ამ კეთილმოსურნე კომპანიამ განეიტრალა ის დაცინვანი და შეურაცხყოფანი, რომელთაც ჩვეი უკანასკნელ დროს ისმენდა.

„დრო-არ-იცდის“ ერთ რიგში უდგას ამერიკული რომანის ისეთ მნიშვნელოვან წარმომადგენლებს, როგორცაა „წინაპართა ძახილი“, „ზღვის მგელი“, „რკინის ქუსლი“, „მარტინ იდენი“, „ჯონ ქერის მარცვალი“, „მთვარის ხეობა“ და „ვარსკვლავთა შორის მოხეტიალე“. რომანის პირველი მეასედი, სადაც ლაპარაკია ალასკის იმდროინდელ ისტორიაზე, ვიდრე კლონდაიკში ოქროს აღმოაჩენდნენ, და იმის შესახებ, თუ როგორ მისდევდა დრო-არ-იცდის ფოსტის სერკული სიტყვიდან დაიოში, — ყველაზე მომხიბვლელია იმათ შორის, რაც კი ყინულოვან ჩრდილოეთზე ოდესმე დაწერილა. გლენელენის სილამაზის აღწერა — რომანის უკანასკნელი მესამედი — ნათლად მოწმობს, თუ როგორი თავგამოდებით უყვარდა ავტორს ბუნება და ისიც, თავის მხრივ, წინ უშლიდა თავის სიმშვენიერეს, თავის ნაზ მომხიბვლელობას. მაგრამ ლონდონის ქეშმარიტი დამსასურება იმაში მდგომარეობს, თუ რა დიდი ოსტატობით აქვს მას ჩაქსოვილი თავისი სოციალისტური შეხედულებები რომანის „დრო-

არ-იციდის“ შუა ნაწილში, რომელიც თითქოსდა ფაბულური, თავ-
გადასაველური ნაწარმოების სახით არის დაწერილი. ფილოსოფია
ხდება მოქმედების განუყოფელი ნაწილი, იგი იპყრობს მკითხველს;
თვითონაც ვერ ხვდება, ისე ითვისებს მკითხველი მას, როგორც
თხრობის მსვლელობით გამოწვეულ რაღაც ბუნებრივსა და აუცილე-
ბელს. მკაცრად უსწორდება ყაჩაღებს — ქალაქ სან-ფრანცისკოს
ბიზნესმენებს, და მერე ნიცშესებურად მოაზროვნე ეს ქერათმიანი
გაიძვერა, მეკობრე დრო-არ-იციდის ასე მსჯელობს: „თაობიდან თაო-
ბამდე სიმდიდრის წყაროდ რჩება შრომა. იქნება ეს ერთი ტომარა
კარტოფილი, რომელიც თუ შვიდადგილიანი ავტომანქანა, ყველაფერი
შრომამ შექმნა და არა სხვა რამემ“. ყალთაბანდობა უკვე შემდეგ
იწყება—როცა საქმე გაყოფაზე მიდის. ასე ათასობით ადამიანი თავს
იმტვრევდა იმაზე, რა ფანდი ეხმარა, რომ მუშებმა და მათ მიერ
შექმნილ სიმდიდრეს შუა აღმოჩენილიყო. ასეთ გაიძვერებს ბიზ-
ნესმენებს უწოდებენ. იმ ლუკმის სიდიდე, რომელსაც ეს გაიძვე-
რა მიიტაცებს, სამართლიანობის კანონებით კი არ განისაზღვრება,
არამედ მუშტის ძალით და უსინდისობის ხარისხით. იქ ყოველთვის
მოქმედებენ პრინციპით: „მიდი ბოლომდე, ვიდრე არ გასკდება“.

ჯერ კიდევ მთვლემარე ამერიკისათვის 1910 წელს ამის თქმა აშ-
კარა მკრეხელობა იყო—ნამდვილი პროლეტარული მწერლის სიტყ-
ვები: და იმის გამო, რომ მწერლის ეს შეხედულება ზერელე კი არაა,
არამედ თითქოს ორგანულად გრწყმის გმირის დაკვირვებებსა და
დასკვნებს, ეს ნაწარმოები არ ჰკარგავს თავის პოლიტიკურ მიმარ-
თულებას და, იმავე დროს, ხელოვნების ქმნილებასაც წარმოადგენს.
როცა „რკინის ქუსლი“ გამოვიდა, ჯეკს უსაყვედურეს, საშუალო
დონის პროპაგანდის გულისათვის პირველხარისხოვანი რომანისტი
დალუპეო. ჯეკი მაშინ მათ პასუხობდა: მას შეუძლია პროპაგანდა და
ხელოვნება ისე მჭიდროდ შეაკავშიროს, რომ მკითხველი ვერც მიხ-
ვდება, სად გადის მათ შორის ზღვარი. რომანში „დრო-არ-იციდის“
მან წარმატებით გაართვა თავი ამ ძნელ ამოცანას. მილიონობით
მკითხველი გატაცებით აღევნებდა თვალს „დრო-არ-იციდის“ მთავარ-
ი მოქმედი პირის საგმირო საქმეებს. ასე დაიბრუნა ჯეკ ლონდონმა,
როგორც სოციალისტი, ისე ბურჟუაზიული მკითხველის განწყობა.

ამგვარად, დადასტურდა, რომ ჯეკს შემოქმედებითი ძალის ერთი

წვეთიც არ დაუკარგავს! ამავე დროს ჩარმიანმა განუცხადა, რომ ბავშვს ელოდებოდა — აი, მოვლენა, რომელიც ღირს ზარბაზნების სალუტით აღნიშნო! ჭეკმა ხელი მოჰკიდა თავისი ცხოვრების კიდევ ერთი უდიდესი ოცნების განხორციელებას. მან დაიწყო სახლის მშენებლობა, სადაც თავისი სიცოცხლის დასასრულამდე ფიქრობდა ცხოვრებას. სახლის ასაშენებლად მან განსაკვიფრებელი ნაკვეთი შეარჩია პილის რანჩოს ერთ-ერთ კანიონში, რომელიც გარშემორტყმული იყო სექვოიებით, ვენახით; შავი ქლიავის ბაღებითა და მანსანტის ტყეებით. ახალ სახლში საკმაო ადგილი იქნებოდა იმ ოთხი ათასი ტომისათვის, რომელნიც მან შეაგროვა თავის ბიბლიოთეკაში, თეთრი მუყაოს უამრავი კოლოფისათვის, რომლებშიც იგი აწყობდა ოფიციალურ ანგარიშებს, სოციალისტურ ბროშურებს, გაზეთებიდან ამონაჭრებს, შენიშვნებს ნაციონალური დიალექტების, სახელებისა და ზნე-ჩვეულებების შესახებ, ლექსებისათვის, რომელთაც ძველებურად წითელყდიან საქადალდეებში აკერებდა. აქვე დაეტევა საქმიანი და პირადი კორესპონდენციით თავამდე გატენილი ფოლადის საარქივო კალათები და შავი ვიწრო ყუთების მთელი რიგი—ოცდაათ-ოცდაათი სიმაღლეში—სადაც ინახავდა თავის განძეულობას, სუვენირებს გზისა და ალასკის დროიდან. სუვენირებს, რომელნიც კორეიდან და სამხრეთის ზღეებიდან ჩამოიტანა; ასობით სახლმარო სათამაშოებს, თავსამტკრევეებს, წყლის პისტოლეტებს, ლითონის მონეტებს, რაღაც განსაკუთრებული ბანქოების დასტებს; შეეძლება კომფორტი შეუქმნას სტუმრებს, ყოველ ოთახში იქნება ელექტროგანათება და წყალსადენი; გრილ ნახევარსარდაფში მოეწყობა უზარმაზარი დასასვენებელი ოთახი მხოლოდ და მხოლოდ მამაკაცებისათვის. იქ შესაძლებელი იქნება სერიოზული ლაპარაკი პოლიტიკაზე, ანეკდოტების მოყოლა, წრის, პოკერის, ბალიარდის თამაში, ხმაური და პაემულობა, რამდენიც მოესურვებათ. იქნება მუსიკის მშვენიერი ოთახი, სადაც დაკვრით შეიქცევენ თავს ჩარმიანი და მისი მრავალრიცხოვანი მეგობარი-მუსიკოსები; უზარმაზარი სასადილო, სადაც სუფრასთან თავის მოყრა შეეძლება ორმოცდაათ კაცს, რათა დასტებენ ჩინებულად დამზადებული საჭმელებითა და სასიამოვნო საუბრით; სახლის პატრონის სექვიოით მოპირკეთებულ საძილე ოთახში საკმაო ფართობი იქ-

ნება მოხერხებულად ჩაფიქრებული ღამის მაგიდისათვის, რომელზედაც მოთავსდება ნაკატას მიერ ღამისათვის მომზადებული ყველა ატრიბუტი — ახლა მასზე ისეთი სივიწროვეა, რომ ჩაცივებული სასმელი მუდამ წიგნზე ეღვრება. ბოლოს და ბოლოს მას ექნება მოხერხებული სამუშაო ოთახი დიქტოფონით და გამოცდილი მდივნისათვის სპეციალურად გამოყოფილი ფართობით.

ჯეკი აცხადებდა, რომ იშენებს „საგვარეულო ციხე-დარბაზს“. ალასკელი ინდიელები თეთრკანიან დამპყრობს „მგელს“ ეძახდნენ. ამ სიტყვამ დაიპყრო ჯეკის წარმოსახვა — მან ხომ მანამდეც თავი მძლეთამძლედ — მგლად წარმოიდგინა. თავისი ნაწარმოებისათვის სახელწოდებათა შერჩევის დროსაც სარგებლობდა ამ სიტყვით: „მგლის შვილი“, „ზღვის მგელი“, ჯორჯ სტერლინგისათვის გაგზავნილ წერილებსაც ასე აწერდა — „მგელი“, ახლა კი „მგლის სახლს“ აშენებდა — თეთრკანიანთა დიდი ბელადის სახლს. მას მთელი არსებით, სულითა და გულით სჯეროდა, რომ ჩარმიანი ვაჟს აჩუქებდა, რომელიც გახდებოდა ლონდონთა დინასტიის მამამთავარი და სამუდამოდ დამკვიდრდებოდა „მგლის სახლში.“

მტკიცედ გადაწყვიტა, სახლი უთუოდ ყველაზე ლამაზი და ორიგინალური ნაგებობა ყოფილიყო მთელს ამერიკაში; ამის მისაღწევად მზად იყო ყოველგვარი ხარჯი გაეწია. სახლი მასიური წითელი ქვისაგან უნდა აშენებულიყო, რომლითაც უჩვეულოდ მდიდარი იყო „მთვარის ხეობა“; ხის კონტრუქციები დამზადდა სექსონისაგან, რომელთა წლოვანება ათობით ათასი წლით განისაზღვრებოდა. სან-ფრანცისკოდან მოიწვია არქიტექტორები და ბევრი ბედნიერი საათი გაატარა მათთან ერთად ფიქრებში ნახაზებზე, ოთახების განლაგების დაზუსტებაზე, ექსტერიერის ისეთნაირად დაპროექტებაზე, რომ შენობა ორგანულად შეხამებოდა გორაკებს. სანტა-როზაში მან მოძებნა დახელოვნებული კალატოზი — იტალიელი ფორნი და ისეთი სახლის აგება უბრძანა, რომელიც საუკუნეებს გაუძლებდა: ქვის ყოველი დიუმი უნდა გაირეცხოს წყლით და გაიფხიკოს ფოლადის ჭაგრისით; კედლები მტკიცედ უნდა იდგნენ — ამისათვის საჭიროა მეტი ცემენტი და ნაკლები კირი და, რომ ერთ-ერთი მუშა გამუდმებით უნდა ასველებდეს კედლებს, მაშინ ისინი მეტად ჩქარა არ გამაგრდება და არ დაიფშენება. სართულებ-

შორისი გადახურვა ორმაგი უნდა იყოს, აქა-იქ — სამმაგიც; შიგნითა ტიხრები მთლიანი მორებისა იქნება, ამასთანავე, მეტი სიმტკიცისათვის, გარეთა მორები დგარებს ქანჭიკებით მიემაგრება; სახურავის ღარები, აგრეთვე წყალსადენის ყველა მილი, უნდა გაკეთდეს სპილენძისაგან.

როგორც თავგამოდებული ინდივიდუალისტი, იგი აპირებდა საკუთრად აეშენებინა უგრანდიოზულესი სასახლე ამერიკაში. როგორც სოციალისტს, განზრახვა ჰქონდა მშენებლები უზრუნველყო კარგი სამუშაოთი და ოცდასამი ოთახიდან მეტი ნაწილი სტუმრებისათვის დაეთმო. საქმის დასაჩქარებლად, ფორნის განკარგულება მიეცა მშენებლობაზე ოცდაათი კაცი აეყვანა.

1910 წლის გაზაფხულზე ჯეკმა მეტად გონივრული ნაბიჯი გადადგა — თავისთან მუდმივ საცხოვრებლად მოიწვია ელიზა ლონდონ-შეპარდი და მას გადასცა გამგებლობაში მთელი რანჩო. მისი შებარდი უკვე ორმოცდასამი წლისა იყო. ცოტა მწუხარება და სულიერი ტკივილები როდი გადაიტანა მან მას შემდეგ, რაც მამისეული რანჩო დატოვა ლივერმორში. ეს შეუხედავი, თავმდაბალი, პატიოსანი, მოხერხებული დ პრაქტიკული ქალი ძველებურად საყვარელი იყო. ქმარს რომ პატენტების ბიუროს საქმეების წარმოებაში წაშველებოდა, საკუთარი სურვილით იურისტი გახდა. ეს უბრალო, ჭკვიანი და უპრეტენზიო ქალი ყველას სიმპათიით სარგებლობდა; წლების განმავლობაში ჯეკის ერთგული მეგობარი იყო და ისევე ნაზად უყვარდა იგი, როგორც საკუთარი ვაჟი ირვინგი.

ვერც კი მოასწრო ელიზამ ხელთ აელო მმართველობის სადავეები, რომ მაშინვე გართულდა მისი მოვალეობები: ჯეკმა იყიდა კოლერის ის ვენახები, რომელზედაც ისე ხშირად სწერდა ნინეტა ეიმსი ჯერ კიდევ „სნარკზე“ მოგზაურობისას. ეს რვაასი აკრი ფართობის ნაკვეთი აერთიანებდა ჰილის, ლამოტისა და სათევზაო რანჩოებს. ვენახები ოცდაათი ათასი დოლარი დაუჯდა, მაგრამ იმ დროს მის განკარგულებაში ამ თანხის მხოლოდ ნაწილი იყო, რადგან უკვე დაწყებული ჰქონდა „მგლის სახლის“ მშენებლობა, და ისიც ხარჯთაღრიცხვის მიხედვით, ასევე ოცდაათი ათასი უნდა დამჯდარიყო. რამ აიძულა ჯეკი შეეძინა ეს რვაასი აკრი მიწა მაშინ, როცა გადახდის საშუალება არ ჰქონდა, როცა მას ისედაც ბევრი ჰქონდა შესა-

ნიშნავი მიწები: იცხოვრე, დაამუშავე, დატკბი. ისე, უბრალოდ, შეიძლება იაფი მოეჩვენა და იმიტომ: რაღაც ოცდაათ ათასს გადაიხდიდა და ასეთი მშვენიერი ადგილი მისი ვახდებოდა. მისი ორი რანჩო გაერთიანდებოდა, საითკენაც არ უნდა გაეხედა, ყველგან სრულუფლებიანი პატრონი იქნებოდა... თუმცა ჯეკი ყოველთვის ამბობდა, რომ ძნელია ასეთი საქციელის ახსნაო. „მომწონს“, — მორჩა და გათავდა. „ფილოსოფია მთელი თვე საფუძვლიანად და მღსაწყენად ჩასჩინებებს ინდივიდუუმს, თუ რა უნდა გააკეთოს მან, ინდივიდუუმში კი, გერც კი მოასწრებ თვალის დახამხამებას, რომ გეტყვის: „მე კი ასე მომწონს“, — და ფილოსოფიაც, თითქოს მიწამ ჩაყლაპაო, გაქრება. „მე მომწონს“ — აი, რა აიძულებს ლოთს სმას, ხოლო მრავალტანჯულს — ძაძის ტარებას. აი, რა აიძულებს ერთს—ცდებოს დიდება, მეორემ — ოქრო, მესამემ — სიყვარული, მეოთხემ—ღმერთი“. ჯეკს ვენახები მოეწონა და შეიძინა კიდევ.

1910 წლის ივლისში ისევ გაფრინდა აღმოსავლეთისკენ გულ-შემზარავი წერილები თხოვნით, გადმოეგზავნათ ფული. „მწვავედ განვიცდი უფულობას იმის გამო, რომ ათი ათასი დოლარი უნდა გადავიხადო შეძენილ ნაკვეთში. ვითხოვე შეწყალება და გადახდის ვადა 26 ივნისამდე გადამიდეს; მაგრამ თუ ამ დროისათვისაც ვერ შევძელი ფულის შეტანა — მარტო მიწა კი არ იყარგება, არამედ ზეც“.

ბავშვის მომლოდინე ჩარმიანი ოკლენდში გაემგზავრა. ჯეკმა მუშების მთელი ჯარი დააყენა ახალი საცხენოსნო ბილიკის გასაწმენდად. ბილიკი მის სამფლობელოს აერთიანებდა და ნაკვეთს რკალავდა სწორედ იმ ადგილას, სადაც „მგლის სახლი“ შენდებოდა: მან გადაწყვიტა ცოლისათვის სიურპრიზი მოემზადებინა იმ დღისათვის, როცა ის რანჩოში ვაჟით დაბრუნდებოდა, — იმაში, რომ ამჯერად ვაჟი შეეძინებოდა, უკვე ექვი არ ეპარებოდა. რა სასიამოვნო იყო მთელი საათობით, განუწყვეტლივი ფიქრი იმ საზეიმო წუთზე, როცა ბიჭს პონიზე შესვამდა და მემკვიდრის გვერდიგვერდ, ცხენით შემოივლიდა თერთმეტი ასეული, აკრის ფართობის ნაკვეთს — ვაჟიშვილის მომავალ სამფლობელოს.

19 ივნისს ჩარმიანს ქალიშვილი შეეძინა. ბავშვმა სულ სამი დღე

იცოცხლა. გოგონა ელიზამ დაასაფლავა. გაუქარვებელ მწუხარებაში მყოფი ჯეკი ერთი შექცრა გაზეთებით ილლიის ქვეშ, ლუღბანაში შევიდა, რომელიც მეშვიდესა და ვებსტერ-სტრიტის ქუჩების კუთხეში მდებარეობდა, იმ ზღვისპირა სამიჯიტნოების ახლოს, სადაც ძველად უყვარდა შესვლა. სამიჯიტნოს მეპატრონე მალდონიმ ექვი აიღო, რომ იგი მის დაწესებულებაში რეკლამის გასაკრავად გამოცხადდა და დაუწყო ჩხუბი, რაშიც მისი ოთხი დამქაშიც ჩაერთა. მაგრად ნაცემმა ჯეკმა როგორც იქნა თავი დაიძვრინა. იგი დაჯინებით მოითხოვდა მალდონის დაპატიმრებას, მაგრამ მოსამართლემ უარი განაცხადა საქმის გარჩევაზე, გაღეშილთა მუშტი-კრივის სასამართლოსთან არავითარი კავშირი არა აქვსო. საპოლიციო უბნიდან „გაღეშილთა მუშტი-კრივის“ ამბავი დაიტაცეს რეპორტიორებმა თავიანთი გაზეთებისათვის, სადაც გაორკეცებული გატაცებით ასხამდნენ ლაფს ჯეკს — აი, დახეთ, გაიღეშე მაშინ, როცა ცოლი საავადმყოფოშია, ხოლო ბავშვი ეს-ესაა გარდაიცვალა. ვილაც კეთილისმსურველებმა აუხსნეს ჯეკს, რატომ არ გაუწია მოსამართლემ მფარველობა: ის მიწის ნაკვეთი, სადაც ლუღბანაა მოთავსებული, მოსამართლის საკუთრებააო. ჯეკმა მას მრისხანებით აღსავსე წერილი მისწერა, რომლის ასლებიც გაზეთების სინდიკატებს დაეგზავნა. წერილში აღწერილი ჰქონდა საქმის ვითარება და ბოლოს ნათქვამი იყო: „ოდესმე, სადმე, როგორმე მე თქვენ სამაგიეროს გადაგიხდით და ისიც ისე, რომ ბოლომდე იგემებთ ჯანონის მძიმე სასჯელს“. შემდეგ მან განცხადებები მოათავსა ყველა ადგილობრივ გაზეთში თხოვნით — აცნობონ ყველაფერი, რაც გამოააშკარავებს მოსამართლის, მიწის იმ ნაკვეთის მფლობელის უკანონო საქმიანობას, სადაც მალდონის ცუდი რეპუტაციის მქონე საწარმო ჰყვავისო. მას აინტერესებდა ყველა სფერო — პოლიტიკური, იურიდიული, თუ საზოგადოებრივი რომლითაც კი შეძლებდა მოსამართლის შერცხვენას. ცრუ ბრალდება მთვრალების ცემა-ტყევაში მისი მონაწილეობის შესახებ, აშკარა საზიზღრობა იყო, მაგრამ მოსამართლის წინააღმდეგ ამერიკის ყველა გაზეთში დაბეჭდილი წერილის წაკითხვისას მკითხველნი კომიკური სასოწარკვეთილებით გადააქნევდნენ ხოლმე თავს. რჩებოდა შურისძიების მხოლოდ ერთადერთი, სამყაროსავით ძველი ხერხი: ამ ის-

ტორიის შესახებ ჭეკმა დაწერა მოთხრობა, რომელსაც უწოდა „ეჭვიანობის სარგებლიანობა“. მასში მიწასთან გაასწორა მოსამართლე-შემდეგ კი მოთხრობა გაზეთ „პოსტს“ მიჰყიდა შვიდასორმოცდაათ დოლარად.

რამდენიმე დღის შემდეგ გასიებული და ჩაწითლებული თვალით გაემგზავრა რენოში, სადაც ათი დღე დაჰყო. ნოუ-იორკის „პერალდისათვის“ წერდა კორესპონდენციებს სპორტულ ბანაკებში ვარჯიშების მიმდინარეობის, ჯონსონსა და ჯეფრისის შორის მატჩის შესახებ. მას უყვარდა მოკრივეთა ასპარეზობისათვის თვალყურის დევნება; ათმა დღემ, რომელიც ბანაკებში გაატარა სხვა კორესპონდენტებთან ერთად, რომელთა შორის ამ საქმეში მისი აღრიზილი მეგობრებიც იყვნენ, შეუმსუბუქა ბავშვის დაკარგვით გამოწვეული მწარე გრძნობა. მას აეკვიატა წინათგრძნობა, ისე მოკვდებოდა, რომ ვაჟიშვილს ვერ ეღივებდა, და ეს რწმენა მასში სიცარიელისა და უნაყოფობის შეგრძნებას აღვივებდა — მასში, რომელმაც ჭვეყნიერებას უკვე ოცდაათხი წიგნი მისცა.

ოკლენდში დაბრუნებულმა ახლად აღებულმა ფულთ პატარა იალქნიანი გემი შეიძინა. — ეს უკვე მეოთხე იყო მის ცხოვრებაში. გემს ერქვა „რომერი“, რაც „მოხეტიალეს“ ნიშნავს; ჭეკი ფიქრობდა ამ გემით სან-ფრანცისკოს ყურესთვის ირგვლივ შემოევილო. ძლივს მოასწრო ჩარმიანმა გამომქობინება, რომ მათ არდადეგები მოაწყვეს წყალზე: მუშაობდნენ, სეირნობდნენ, ვახშმისათვის თევზს იჭერდნენ. როცა იგი გლენ-ელენში დაბრუნდა, მეზობლებმა, სამხრეთის ზღვების რომანტიკული ამბების მოსმენის იმედით ჭეკი ადგილობრივ კლუბში, ჩოვიტ პოლში მიიწვიეს. სცენიდან ლაპარაკზე ჭეკმა უარი განაცხადა; მაშინ თავმჯდომარემ მეზობლად მდებარე საბაყლოდან საპნის ყუთი მოიტანა; ორატორი შედგა მასზე და მთელი აუდიტორიისათვის დასანახი გახდა. გლენ-ელენის ფერმერებმა ერთი სიტყვაც ვერ გაიგონეს ტაიტიზე, ფიჯიზე, სამოაზე, თავგადასავალთა შესახებ... არა! ჭეკ ლონდონმა მთელი დრო იმისათვის გამოიყენა, რომ დაემტკიცებინა იუჯინ ვ. დებსის თეორია: „იქ, სადაც ლაპარაკია კლასობრივ ბრძოლაზე, არ არის და არც შეიძლება იყოს კარგი კაპიტალისტი ან ცუდი მუშა — ყოველი კაპიტალისტი — შენი მტერია, ყოველი მუშა კი — ამხანაგი“.

ზატხულის თვეები გადიოდა; პატარა ქალიშვილის დაკარგვით გამოწვეული გულისტკივილი შუშდებოდა. ოკლენდის ისტორიასთან დაკავშირებული უსიამოვნებებიც ქარწყლდებოდა. ყველაზე დიდი სიამოვნება ჭეკისათვის ახლა ის იყო, რომ დაუსტვენდა თავის საყვარელ „წაბლისფერ მგელს“, შეაჭდებოდა უოშო ბანას და მინდვრების გავლით, „მგლის სახლისაკენ“ გასწევდა, რათა ენახა, რა გაკეთდა დღის განმავლობაში, გამოლაპარაკებოდა ფორნის, მუშებს. განა სასიამოვნო არ არის შენიშნო, რომ მუშებიც, როცა ისინი გრძნობენ, რომ მათ ხელს უწყობენ ხელოვნების დიდი ნაწარმოების შექმნაში, სახლისადმი ისეთივე სიყვარულით იმსჭვალებიან, როგორც თვითონ! მუშები რანჩოში კარვებში ცხოვრობდნენ. მუშაობის დამთავრების შემდეგ ისინი ზოგჯერ მაღალ გორაკზე აღიოდნენ, თან არ ივიწყებდნენ ერთი ღოქი ღვინისა და აკორდეონის წაღებას; იქ, თბილსა და თითქოს ახლოს მდებარე ვარსკვლავების ქვეშ, ისინი მღეროდნენ სენტიმენტალურ იტალიურ სიმღერებს. კარგ ამინდში, საღამოობით ჭეკიც ხშირად უერთდებოდა მათ, რათა ერთად ემღერათ, გადაეკრა ერთი ჭიქა მთავე წითელი ღვინო და განეხილა დღის განმავლობაში მშენებლობაზე წამოჭრილი საკითხები.

„ჭეკი საუკეთესო ადამიანი იყო, — ჰყვება ფორნი. — მე არ შევხვედრივარ მასზე უფრო ადამიანურ კაცს. ყველასადმი კეთილს ვერასდროს ნახავდი ღიმილის გარეშე. ნამდვილი დემოკრატი იყო, კეთილშობილი ადამიანი, ჯენტლმენი; უყვარდა ოჯახი, უყვარდა მუშა კაცი. ოთხი წლის სამსახურის მანძილზე მე მისგან ცუდი სიტყვა არ გამიგონია!“ როცა მუშები დასაძინებლად შეემზადებოდნენ, ჭეკი თითოეულ მათგანს ხელს ჩამოართმევდა, ტკბილ ძილს უსურვებდა და შინისაკენ გაემართებოდა ქლიავის ბაღის გავლით, ნაყოფისა და ფოთლების არომატით დამტკბარი. იქვე, გვერდით, მისი წაბლისფერი მგელი მირბოდა.

ჭეკი ჩარმიანის უსახლერო ერთგული იყო. ფურგონით, რომელშიც ოთხი ოჩანი ცხენი იყო შებმული, ჭეკმა მასთან და ნაკატასთან ერთად მოიარა ჩრდილოეთ კალიფორნიის, ორეგონისა და ვაშინგტონის ყველაზე მივარდნილი ადგილები. ჩარმიანი უწინდებურად მუდამ მზად იყო ყოველგვარი თავგადასავლისათვის, მასთან ერთად

დაჰუნებდა ცხენს, ყვინთავდა, იალქნების ქვეშ ცურაობდა, უმღეროდა ჭეკს, მისთვის უკრავდა როიალზე, ბეჭდავდა მის ხელნაწერებს საწერ მანქანაზე, წერილებსაც წერდა კარნახით. იმავე დროს ჭეკი მეგობრულად იყო განწყობილი ბესისადმი: თვეში რამდენჯერმე მიდიოდა პიედმონტში ბავშვების სანახავად, თამაშობდა მათთან. დაჰყავდა ისინი ცირკსა და თეატრში. „მისტერ ლონდონი, — განუცხადა ბესიმ რეპორტიორებს, — ყველაფერს აკეთებს თავისი ქალიშვილებისათვის, რაც კი შესაძლებელია, და გულწრფელად უყვარს ისინი. ოკლენდში ყოფნისას ხშირად ნახულობს; საათობით ლაპარაკობენ და თამაშობენ ხოლმე ერთად. ბავშვებსაც უყვართ მამა. ან რატომ არ უნდა უყვარდეთ? რაც შეეხება მე, უკვე აღარ განვიცდი არც სიმწარეს და არც განაწყენებას. მას ვერც კი წარმოუდგენია, რარიგ ბევრს ნიშნავს ჩემთვის ის, რომ იგი ბავშვებს ასე ეპყრობა“. ბესი მადერსს ყოველთვის ახასიათებდა ტრაგიკული კეთილშობილებად.

როგორღა იყო ფლორა? რაც უფრო ეპარებოდა მოხუცებულობა, ფლორა ლონდონის ახირებულობაც ძლიერდებოდა იმ შორეულ დღეებთან შედარებით, როცა იგი ქმრის საქმეებში ერეოდა. ჭეკმა მას უყვიდა სახლი, მასთანვე ჩაასახლა ძიძა ჯენი, რათა დედისათვის მოეგლო და ყოველთვიურად, დანიშნულ დროს, უგზავნიდა ორმოცდათხუთმეტი დოლარის ჩეკს, მაგრამ, მიუხედავად ამისა, ფლორა დადიოდა ოკლენდში მეზობლებთან და ჩიოდა, თითქოს ჭეკ ლონდონი მას არ ეხმარება, რომ ცხოვრება უჭირს. რას იზამ, საჭიროა რამე მოიფიქროს. იგი გახსნის ფურნეს — მეზობლები ხომ უარს არ იტყვიან მისგან შინაური პურის შექმნაზე? მეზობლები გულითა და სულით წუხდნენ. ღმერთო ჩემო, როგორ შეიძლება ასე უსულგულოდ მოექცე მოხუც დედას! ესეც შენი მდიდარი და სახელგანთქმული შვილი! რასაკვირველია, ისინი ყოველდღე სიხარულით იყიდიან მისგან თითო შინაურ პურს. ძალიან კარგი! ფლორამ შეიძინა ღუმელი და შეუდგა საქმეს. მალე ეს ამბავი მთელ ოკლენდს მოედო და პატარა ქალაქი შეძრწუნდა. ჭეკი თავს იმტვრევდა, როგორ შეენელებინა დედის საქმიანობა; მან დედას მისწერა მოთმინებითა და სინაზით აღსავსე წერილი, რომლის წაკითხვისას არ შეიძლება არ შეგეცოდოთ ავტორი:

„ძვირფასო დედა! მე მხოლოდ რამდენიმე ციფრი და მოსაზრება-მსურს მოგიყვანო შენი ფურნის შესახებ. ყველაზე სარფიან თვეს შენ სულთა მოგება მიიღე შვიდი დოლარი და ორმოცდაათი ცენტი. ღუმელი ღირს ოცდაექვსი დოლარი. თუ სამი თვის განმავლობაში მთელი შენი შემოსავალი — შვიდ-შვიდ-ნახევარი დოლარი — ღუმელის ვალის გადასახდელად დაიხარჯება, სამ თვეს ტყუილ-უბრალოდ მოგიწევს მუშაობა. იმავე დროს, ვინაიდან სახლში ვერაფრის გაკეთებას ვეღარ შეძლებ, ვინმე უნდა დაიქირაო. ეს კი დაგიჯდება არანაკლებ იმ შვიდნახევარი დოლარისა, რაც პურის ცხობას შემოაქვს...“ იგი ძალიან კარგად იცნობდა დედას, რომ მის გრძნობებზე ემოქმედნა, აეხსნა, რომ სახელს უტეხს მას. გადათქმევიანება შეიძლებოდა, როგორც მას უყვარდა თქმა, მხოლოდ და მხოლოდ მისი „საქმიანი ალღოს“ დარწმუნებით.

წერილმა გაჭრა: ფლორამ თავი დაანება პურის ცხობას. მაგრამ რას მოახმაროს თავისი უღვევი ენერჯია? უცებ მოისაზრა: ბროდვენიზე გახსნის გაზეთების ფარდულს. ჭეკმა ძლივს მოასწრო ჩარევა, რათა აღეკვეთა ეს ახალი წამოწყება. მალე ჩანჩოში სიარულს ნოუზშირეს კრედიტორებმა ფლორას ნავაჭრის ანგარიშებით — რისთვის სჭირდებოდა მას ყველაფერი ეს? მათ შორის განსაკუთრებით გამოირჩეოდა... ბრილიანტები, ექვსასი დოლარის ღირებულების. ჭეკი ბოლომდე ალერსიანი იყო დედისადმი, უგზავნიდა მას ყოველ ახალ წიგნს გულისამაჩუყებელი წარწერით, ერთხელაც არ წამოცდენია საყვედური, რა ზიანს აყენებს იგი თავისი ახირებული გამოხდომებით. მაგრამ მას მაინც არ ასვენებდა შიში: ვინ იცის, კიდევ რა ახალი ფუჭი „პროექტები“ მოუვა ფლორას თავში, რას ფარავს მისი იდემალებით მოცული უჯიათი მზერა ფოლადის ჩარჩოიანი სათვალეების ვიწრო შუშებიდან? თანდათან ჭეკს დაეუფლა საშინელი ეჭვი, რომ დედამისი არასოდეს არ იყო მთლად ნორმალური. იმავე დროს კი — რა უცნაურად ეხამება ერთმანეთს ადამიანთა თვისებები — ჯონი მილერის მენსიერებაში ფლორა დარჩა ქალთა შორის საუკეთესო, ნაზ, მოყვარულ, სავსებით ჯანსაღად მოაზროვნე დედად და მეგობრად; ხოლო ისინი, ვისაც მუსიკას ასწავლიდა, იგონებენ, ფლორა სასიამოვნო, მიმზიდველი მოხუცი მანდილოსანი იყო.

ნებისმიერ მოთხრობაში გაზეთი „პოსტი“ ჯეკს ახლა შეიდასორ-
მოცდაათ დოლარს უხდიდა, „კოლიერსი“ — ათასს სთავაზობდა,
„ჰერალდი“ — შეიდასორმოცდაათს საშობაო პატარა მოთხრობაში;
უურნალ „კოსმოპოლიტთან“ ხელშეკრულება დასდო მოთხრობების
სერიაზე, სმოკა ბელიუზე, როგორც მან თავის გმირს უწოდა; ყო-
ველ მოთხრობაში — შეიდასორმოცდაათი დოლარი. მაკმილანმა
გამოსცა „დაკარგული სახე“, მოკლე მოთხრობების კრებული, „რე-
ვოლუცია“, ნარკვევების კრებული; და „დრო-არ-იცდის“. „დაკარ-
გულმა სახემ“ დამსახურებულად გამოიწვია გულთბილი გამოხმა-
ურება; ეს იყო მეტად მარჯვედ დაწერილი იუმორისტული მოთხრო-
ბა ალასკის შესახებ; მასთან ერთად: „ნდობა“, „ის ადგილი“, „სად
წავიდა მარკუს ო'ბრაიენი“ და ისეთი მგზნებარე და დრამატული
ნაწარმოებები, როგორცაა „ოქროს სხივი“ და „კოცონი“. ოსტა-
ტობის ასეთი მწვერვალებისათვის მას არ მიუღწევია თავისი მოკლე
მოთხრობების პირველი კრებულების — „მგლის შეილისა“ და
„მისი მამების ღმერთის“ გამოსვლის დროიდან. „რევოლუცია“,
რომელიც სხვადასხვაგვარი და ხარისხით არათანაბარი ნარკვევების
კრებულს წარმოადგენს, გულგრილად მიიღეს, სამაგიეროდ, რა-
ოდენ სასიამოვნო იყო ის მიღება, რაც „დრო-არ-იცდის“ ხვდა წი-
ლად — თუმცა ეს მოსალოდნელიც იყო.

ძალის, ენერჯიის, გულისხმიერებისა და ბოლოს, ტალანტის
შეხამებით ჯეკმა შეძლო ის, რისი ძალაც მხოლოდ ტიტანებს შეს-
წევთ: უფსკრულის სიღრმიდან, რომლის ფსკერზე დარჩენილს
მხოლოდ სიკვდილი და განადგურება ელოდა, იგი ისეთ სიმალღებზე
ავიდა, და ისიც ერთ წელზე ნაკლებ დროში, რომლისთვისაც მანამ-
დე ვერც ერთ ამერიკელ მწერალს ვერ მიეღწია.

უიეკ რობინში დროებითი მდგმურების უფლებით ცხოვრება.
შეუძლებელი ხდებოდა. აშკარა იყო, რომ „მგლის სახლის“ დამთავ-
რებამდე ორი წელი მაინც გაივლიდა, და, აი, 1911 წლის ივნისში,
ჯეკმა გადადგა ნაბიჯი, რომელთანაც დაკავშირებული აღმოჩნდა
მისი ცხოვრების ყველაზე ბედნიერი და ნაყოფიერი წლები — შეი-
ძინა კოლერის ვენახების ცენტრში მდებარე მიწის ნაკვეთი, რომელ-
ზედაც იდგა ცარიელი მარანი, მიტოვებული სახლი და რამდენიმე
დამხმარე ნაგებობა. ჯეკმა განკარგულება გასცა, რომ კალატო-

ზებს სახლისათვის დიდი ტევადობის სასადილო მიეშენებინათ ვე-
უბერთელა ბუხრით და ფართო აივნით დასასვენებლად; შემდეგ გა-
აფართოვა სამზარეულო, შეაკეთა დასაძინებელი ოთახები და აივ-
ანები, რომლებიც ასევე დასაძინებელი ოთახების დანიშნულებას
ასრულებდა. ერთი ოთახი სამუშაოდ გამოიყენა: კედლებზე მოაწ-
ყო თაროები წიგნების, ქაღალდებისა და კარტოთეკის მუყაოს კო-
ლოფებისთვის. დახურული პატარა აივანი, სადაც თვითონ ეძინა,
გადაკუთრებდა მყუდრო ტროპიკულ ბაღს, რომელიც სახლის წინ
იყო გაშენებული; უკანა აივანი კი — გაშლილ ეზოს, მის უკან
იდგა დიდი ბელელი. ამ უკანასკნელისაგან ცხრა პატარა მოხერხებუ-
ლი ოთახი გააკეთებინა სტუმრებისათვის. ნაკატამ, რომელიც
მთავარი განმგებელი გახდა, კიდევ ორი იაპონელი დამხმარე მუშაკი
აიყვანა: ერთი — მზარეულად, მეორე კი — დამლაგებლად.

სახლი რანჩოში იმთავითვე ბედნიერი მონაპოვარი აღმოჩნდა:
აქ ყველა უბრალოდ, თავისუფლად გრძნობდა თავს და შეეძლო ისე
ემხიარულა, როგორც მოესურვებოდა. ჭერ კიდევ უეიკ რობინში
ყველა აგარაკი და კარავი სავსე იყო ჭეკის მეგობრებითა და ახლობ-
ლებით — ერთი საწოლიც არ იყო თავისუფალი. აქ იყვნენ ჯორჯ
სტერლინგიც, კლაუდსლი ჯონსიც და ჯემს ჰოპერიც, სოციალისტი
ამხანაგები, ანარქისტები, კორესპონდენტები, მატროსები, მაწან-
წალები და კიდევ ვიღაც-ვიღაცეები, რომელნიც არც ერთ კატეგო-
რიას არ ეკუთვნოდნენ. ახლა, როცა ხელსაყრელი პირობები შეიქ-
მნა, ჭეკი სტუმრად იწვევდა მთელ ქვეყანას. ყოველი დღე „ოთხშა-
ბათის ღია კარების“ დღე გახდა. ვინც არ უნდა ჩამოსულიყო და-
სავლეთში — მსახიობი. ლიტერატორი თუ ფილოსოფოსი, იგი უსა-
თუოდ, ორი დღით მაინც შეივლიდა „ბიუტი რანჩოში“ — „სილამაზის
რანჩოში“ — როგორც ჭეკმა უწოდა თავის კარმიდამოს. ყოველ იმ
ათობით ათას წერილზე, რომლებსაც იგი რანჩოდან აგზავნიდა, და
რომელთა მნიშვნელოვანი ნაწილი ეგზავნებოდა იმათ, ვინც მას
ეჩხუბებოდა, მტრობდა და შეუტაცხყოფას აყენებდა — იგი
არ ივიწყებდა წაეწერა: „ალაყაფის კარების რაზები ადვილად იღე-
ბა გარედან, ხოლო საბნები და საქმელი ყოველთვის იშოვება მე-
გობრებისათვის „სილამაზის რანჩოში“. გვესტუმრეთ და იცხოვრეთ,
რამდენ ხანსაც გენებოთ“. დაპატიყების მიღების მსურველი იმდე-

ნად ბევრი იყო, რომ ჭეკი იძულებული გახდა, სპეციალური პროსპექტივით კი დაებეჭდა მითითებით, როგორ ჩასულიყვნენ გლენ-ელენში სან-ფრანცისკოსა და ოკლენდიდან. იშვიათად მომხდარა, რომ ყველაფრის დამტვევ — „რეზინის“ — სასადილო მაგიდასთან ათზე ნაკლებ სტუმარს მოეყაროს თავი, ხშირად თუ მეტი არა, ოცი მაინც იყო ხოლმე. მაგალითად, ერთხელ სასადილო მაგიდასთან შეიყარნენ ჰაიარ დაიალი — ინგლისელთა წინააღმდეგ მიმართული ინდოელთა დიალისტური მოძრაობის დამაარსებელი, ერთი ამერიკელი მწერალ-რომანისტი, სტანფორდის უნივერსიტეტის მათემატიკის პროფესორი, მეზობელი ფერმერი, ინჟინერი ლუთერ ბერბანკი, მატროსი, რომელიც ახლად იყო დაბრუნებული პენანგის კუნძულებიდან, პრინცესა ულა ჰამფრი, მსახიობი, რომელიც სულთნის პარამხანაში იყო ნამყოფი, სამი მაწანწალა და ერთი სულელი, რომელიც სახლის აშენებას აპირებდა სან-ფრანცისკოდან ნიუ-იორკამდე! როგორც არ უნდა ყოფილიყო სტუმრების საზოგადოებრივი მდგომარეობა, ყველას ერთნაირად განაცვიფრებდა აქ შეკრებილი საზოგადოება. მასპინძლის ზოგიერთი მეგობარი — ბრწყინვალე, მაგრამ უსაქმური ადამიანები, რომლებიც თვეობით არ სცილდებოდნენ რანჩოს, აბაზანას ზედმეტი ფუფუნების საგნად სთვლიდნენ და ისეთი „სურნელება“ ასდიოდათ, რომ მათ სპეციალური სახლი აუშენეს ტყეში. ჭამით ყველანი მაინც ერთად ჭამდნენ დიდ მაგიდაზე, ქვის სასადილოში. ათასობით ადამიანი იმყოფებოდა ჭეკთან სტუმრად ამ ხუთი წლის განმავლობაში: ევროპელი პოლიტიკური მოღვაწეები და ფილოსოფოსები, მღვდლები, კატორღელები, დიდი ბიზნესის მაგნატები, ინჟინრები და დიასახლისები. მას მოსწყინდა მოგზაურობანი ქვეყანაზე — დაე, ახლა ქვეყნიერება თვითონ გამოცხადდეს მასთან. როცა სადგურ გლენ-ელენს მატარებელი მოადგებოდა, არ ყოფილა შემთხვევა, რომ მას ფურგონი არ დახვედროდა. მას სტუმრები „სილამაზის რანჩოში“ უნდა მიეყვანა დაკლავნილი ყამირი გზების გავლით, რომელიც წინათ ტონობით ყურძნის გადატანას ემსახურებოდა.

ჭეკმა აღარ იცოდა, სიხარულისაგან რა ექნა: ამ მამულის, ამ საზოგადოების კეთილგანწყობილ მეთაურად ყოფნა, იმის ხილვა, რომ მეგობრებსა და ნაცნობებს მოსწონთ შენი მასპინძლობა, ცხე-

ნებით სეირნობა მის გორაკებზე, მის საწოლებზე ძილი, — ყველაფერი ეს მისთვის უმაღლესი ნეტარება იყო. მაგრამ ყველაფერზე მეტად უყვარდა გამოკითხვა, თავის თავად რას წარმოდგენდნენ მისი სტუმრები, მოსინჯვა, „თუ რა უყრიათ მათ თავში“; ხასიათის ნირი, აზრები და მსჯელობანი, ადამიანთა სუსტი მხარეები, სიტყვის კოლორიტი, ვილაციის ცხოვრების ამბავი — აი, ქვაკუთხედი მისი ვარაუდების შესამოწმებლად. სტუმრებს კი, როგორც ამას უამრავი შეფასება ცხადყოფს, ანცვიფრებდა და აღაფრთოვანებდა მისი ნათელი გონება და სწრაფი აზროვნება, ღრმა და მრავალმხრივი ცოდნა, და, რაც მთავარია, ის სისწრაფე, რომლითაც ჯეკი იგებდა და ითვისებდა მაგიდასთან თავმოყრილი სტუმრების, მეცნიერების სხვადასხვა დარგის — ტექნიკის და ხელოვნების — საქვეყნოდ ცნობილ სპეციალისტთა სიბრძნეს. რაც არ უნდა უმნიშვნელო ყოფილიყო სტუმრების მოტანილი ცნობები — სულ ერთია, იმ მომენტი-სათვის, როცა მნახველი რანჩოდან წასასვლელად დაიწყებდა მზადებას, ისინიც კი უკვე მასპინძლის საკუთრებას შეადგენდა. ჯეკი ყოველთვის ისეთ თემებზე ლაპარაკობდა, რომელიც თვითონ მას კი არა, მის თანამოსაუბრეს აინტერესებდა, ოსტატურად სვამდა კითხვებს, ცხარედ კამათობდა, ეჭვის ქვეშ აყენებდა ძირითად ცნებებსაც და ამასთანავე კორექტივი შეჭქონდა, აზუსტებდა საკუთარ შთაბეჭდილებებს, ცნობებს, წარმოდგენებს, მსჯელობათა მეთოდებს. სამეცნიერო დისკუსტებზე მას არა ერთხელ გაუკრავს მოწინააღმდეგე ორივე ბეჭებზე თავისსავე სპეციალობაში. იგი ტკბებოდა ამგვარი გონებრივი შეჯიბრებით. „მე მზად ვარ ყოველგვარი თვალსაზრისი მივიღო“, — იყო მისი საყვარელი დევიზი.

მას მაძიებელი გონება გააჩნდა, ნამდვილი მეცნიერის ცნობის-მოყვარეობა; ჯეკმა თავი მოუყარა სოციალიზმის შესახებ წიგნების, ბროშურების, მოხსენებების, საგაზეთო და საკურნალო სტატიების ერთ-ერთ საუკეთესო კოლექციას ამერიკაში, მისი საშუალო თანხის თაროები ქერამდე იყო გატენილი წიგნებით, რომელთაც იგი გამუდმებით იწერდა ნიუ-იორკიდან, ინგლისიდან. „რაც შემეხება მე, ჩემთვის წიგნები არასოდეს არ იქნება საკმაო, არასოდეს მომეჩვენება, თითქოს ისინი ბევრ ადგილს იკავებენ. შეიძლება ყველა ვერც კი წავიკითხო, მაგრამ ჩემთან ხომ იქნებიან და ვინ იცის,

რომელი უცნობი ნაპირი მიხილავს ცოდნის ზღვაში მოგზაურობის დროს“. სხვადასხვა დარგის სახელმძღვანელო მეცნიერები ამტკიცებენ, რომ ისეთი მდიდარი ინტელექტი, როგორიც ჯეკ ლონდონს ჰქონდა, მათ არ შეხვედრიათ; მათი ერთსულოვნება ამ პუნქტში — უდიდესი პატივისცემის ხარკია ადამიანისადმი, რომელსაც ცამეტი წლის ასაკში მღშად მოუხდა მღშობა კონსერვის ქარხანაში, რადგან მეტისმეტი სიღარიბის გამო სკოლაში სწავლა არ შეეძლო.

ალექსანდრე ირვინი გაღმოგვეცემს, რომ ჯეკი თითქმის ჩურჩულით, ჩუმად, ყურთასმენის დამტკბობი, ქალივით ნაზი ხმით ლაპარაკობდა. იგი მუდამ ზრდილობიანი და თავაზიანი იყო, მაშინაც კი, როცა ფარისევლობასა და სისულელეს გადაეყრებოდა, — ასეც ხდებოდა ხოლმე. სხვანაირად არც შეიძლება ყოფილიყო — რანჩოში ხომ უამრავ, სავსებით უცნობ ხალხს პატივებდნენ. მოდიოდნენ ისეთი მამაკაცები და ქალებიც, რომელთა მრწამსი მას ეზიზღებოდა და რომელნიც ცივილიზაციის მტრებად მიაჩნდა. ეს ადამიანები იძინებდნენ, იკვებებოდნენ მის სახლში, სხდებოდნენ მის ცხენებზე და რაოდენ დიდ ხანსაც არ უნდა დარჩენილიყვნენ სტუმრად, ვერასოდეს მიხვდებოდნენ, როგორ იყო ჯეკი მათდამი განწყობილი. მის სახლში ღამე გაუთევიათ სხვადასხვა სკოლისა და მიმართულების წარმომადგენლებს, სხვადასხვა სულიერი და მატერიალური დონის, შთამომავლობის მქონე ადამიანებს... და ყველაფერი ეს იმისათვის, რომ ჯეკ ლონდონს შესაძლებლობა ჰქონოდა თავის ნაწარმოებებში აღებეჭდა მათი სულიერი სიმდიდრე და მრავალფეროვნება. იგი სტუმრებისაგან იღებდა ყველაფერს, რისი შეთავაზებაც კი მათ შეეძლოთ: სიბრძნესა და უვითობას, ვაჟკაცობასა და სისუსტეს, სულმდაბლობას, მხიარულ სილაღეს. მოწინააღმდეგის უფრო ხმა-მალალი დაყვირებით ან ძალით დამორჩილება ეცადა? არასოდეს! მას კამათის არსი აინტერესებდა და არა მისი შედეგი.

ყველა ერთხმად ლაპარაკობს მისი მძლავრი ნატურის უცილობელ მომხიბვლელობაზე. ქალაქ ნიუპის მცხოვრები ჯანეტ უინშიპი, რომლის მშობლები ლონდონის მეგობრები იყვნენ, იხსენებს, როგორი მოწყენა სუფევდა ხოლმე ოთახში შეკრებილ რომელიღაც კომპანიაში; სავარძელში გადაწოლილები სდუმდნენ — საუბრის-

თვის თავი ვერ მოებათ. შემოვიდოდა ჭეკი — და ოთახში თითქოს ელექტრომუხტი შემოიჭრაო. ყველანი ერთბაშად მთელი არსებით გამოცოცხლდებოდნენ. იგი უზღვავე ენერგიას ფლობდა, მაგრამ ეს ჭერ კიდევ ყველაფერი არ იყო. ჭეკი მგზნებარე, მღელვარე, ბრწყინვალეებით მოსილი, სიცოცხლით იყო აღსავსე და ყოველ შემხვედრს სიხარულის ბედნიერ შეგრძნებას, კმაყოფილებას უნერგავდა. ყველაფერი, რასაც ჭეკის მრავალრიცხოვანი მეგობრები ლაპარაკობენ ამის შესახებ, ირვინმა მოკლე წინადადებაში შეაჯამა: „ჭეკ ლონდონი — ესაა კოლოსი ცხოვრების სარბიელზე“.

ვიდრე ჭეკი დასაძინებლად დაწვებოდა, ჩვეულებრივად თერთმეტ საათზე ნაკატა საღამურ მაგიდაზე დააწყობდა ქაღალდს, ფანქარს. ანაბეჭდებს შესასწორებლად, იმ წიგნებსა და ბროშურებს, რომელთაც იგი ამ მომენტში კითხულობდა; დამწყები მწერლების ხელნაწერებს რედაქციისა და შეფასებისათვის, მსუბუქ საუზმეს — ჩაკენეტ რამეს და ძილიც გაგიკრთება, ერთ კოლოფ სიგარეტს და ერთ დოქს ყინულში ჩაცივებული რომელიმე სასმელით: ჭეკი ხანდახან მოსვამდა ხოლმე, რათა პირი არ გაშრობოდა გამუდმებით თუთუნის წვევისაგან. ხმაურა სიჩუმეში დიდხანს, დიდხანს ენთო ლამფა და ტერასაზე მარტოდმარტო დარჩენილი ადამიანი მუშაობდა — კითხულობდა, აკეთებდა შენიშვნებს, ეწეოდა, სვამდა ყინულოვან სასმელს, ფიქრობდა ბეჭდვით სიტყვაზე, სიმართლესა და სიცრუეზე, ადამიანთა შორის სამართლიანობასა და სიმკაცრეზე... ასე გრძელდებოდა, ვიდრე დალლა არ მიეპარებოდა და პატარა ნამცეცივით თვალს აღზნებულ ქუთუთოებში არ ჩაეტმასნებოდა. არა მხოლოდ ცოდნის სიყვარულით, არამედ იმის შიშითაც შეგულიანებული, რომ უკვე ჩასახული, საქვეყნოდ აღიარებული რაიმე ახალი და მნიშვნელოვანი არ გამოჩენილა — იგი გამუდმებით აქეზებდა თავის თავს — „შეიცნობდე!“ მის საღამურ მაგიდაზე მოუცილებლად იდო პოლ დე შეიუს ხელუხლებელი ორტომეული. ამ მწერლის „მოგზაურობანი აფრიკაში“ იყო პირველი სათავგადასავლო წიგნი, რომელიც ხელში მოხვდა რვა წლის ბიჭუნას ლივერპორის რანჩოში. პოლ დე შეიუს ორტომეული, სახელწოდებით „ვიკინგების საუკუნე“, საღამური მაგიდიდან ფაქქრა მხოლოდ ჭეკის გარდაცვალების შემდეგ.

დაახლოებით ღამის პირველ საათზე, წიგნის იმ გვერდზე, სადაც შეწყვეტდა კითხვას, ჭეკი ჩადებდა ასანთის ღერს. გადაადგილებდა ისრებს სამუშაო ოთახის კარებზე ჩამოკიდებულ მუყაოს ციფერბლატზე, რათა ნაკატას სცოდნოდა, რომელ საათზე გაელვძიებინა პატრონი. იშვიათად, რომ ხუთ საათზე მეტი ძილის უფლება მიეცა თავისათვის; ციფერბლატზე ნაჩვენები ვალვძიების ყველაზე გვიანი დრო ექვსი საათი იყო. როგორც წესი, ზუსტად ხუთ საათზე ნაკატას შემოჰქონდა დილის ყავა. ჭეკი ლოგინშივე ასწორებდა ჩარმიანის მიერ წინა დღით გადაბეჭდილ ხელნაწერს, კითხულობდა მისი დაკვეთით გადმოგზავნილ ოფიციალურ მოხსენებებსა და ტექნიკურ სტატიებს, კორექტურას უკეთებდა გამომცემლების მიერ გამოგზავნილ ახალ ანაბეჭდებს, ადგენდა მიმდინარე მუშაობის გეგმასა და მომავალი მოთხრობების მონახაზებს. რვა საათზე უკვე მაგიდას უჭდა და წერდა მორიგი ნაწარმოების თავდაპირველი ვარიანტის ათას სიტყვას, თანაც ზოგჯერ თვალს გადაავლებდა კნობით კედელზე მიმაგრებულ ოთხტაეპიან ლექსს:

აედგები დღით — ჩაუუჭლები მაშინვე საქმეს,
 ღმერთო, ოღონდაც მუდამ ასე ხალსით ვენთო...
 და თუკი ერთხელ ამ ქვეყნიდან მეც უნდა გავქრე, —
 შემადლებინე — იმქვეყნადაც ვიშრომო, ღმერთო.

თერთმეტი საათისათვის დღის ნორმა. უკვე შესრულებული ჰქონდა და ხელეზწაკაპიწებული ეფლობოდა უზღვავე რაოდენობის საქმიანსა და პირადი კორესპონდენციების გროვაში. ახლა ჭეკი წელიწადში სამუშაოდ ათიათას წერილს იღებდა და ყოველ მათგანს გულდასმით, დაკვირვებულად პასუხობდა. არც ისე იშვიათი იყო, როცა დღეში ას წერილს „ნთქავდა“ — და იმავე დღეს კარნახობდა ასივე წერილის პასუხს.

სტუმრებმა იცოდნენ, რომ დილის საათები მუშაობისათვის იყო განკუთვნილი და ამ დროს სიჩუმეს იცავდნენ. ზუსტად პირველ საათზე, რვასაათიანი სამუშაო დღის დამთავრების შემდეგ, ჭეკი „გამოძვრებოდა“ უკანა აივანზე, აბურძენილი, გაღვლილი თეთრი პერანგით, შუბლზე ირიბად ჩამოფხატული მწვანე წინააფრიანი ქუდი, კბილებში პაპიროსითა და ბლუჯა ქალაღლებით ხელში. „გა-

მარჯობათ, მოქალაქენო!“ — შესძახებდა იგი ნათელი ღიმილით და მაშინვე ყველაფერს აღავსებდა თავისი მიმზიდველი სითბოთი, თავისი კეთილი, წმინდა, ბავშვური მომხიბვლელობით, უღვევი სასიცოცხლო ძალითა და გადამდები გულთბობით. მისი გამოჩენა იმის ნიშანი იყო, რომ მთელი დღის განმავლობაში გართობა არ შეწყდებოდა.

იწყებოდა საუზმე, რომელიც შეიძლებოდა ორ საათსაც გაგრძელებულიყო, თუ საინტერესო მუსიკით გაიბმებოდა ანდა მეგობრული ხუმრობისათვის თავშესაქცევი ობიექტი ჩაუვარდებოდათ ხელში. შემდეგ სახლსა და ბელეს შუა მდებარე ეზოში გამოჰყავდათ ცხენები, რომლებზედაც კომპანია სხდებოდა და ჭკვთან ერთად მიემგზავრებოდა სონომის მთის მწვერვალისაკენ, იქიდან კი მთის თხემის ჯაჭვის გასწვრივ, საიდანაც სან-ფრანცისკოს ყურეს სანახაობა იშლებოდა. თუ მზიანი დღე იყო, კვალკადა, მასპინძლის მეთაურობით, ქენებით მიჰქროდა ტბისაკენ, რომელიც მორწყვის მიზნით იყო შექმნილი. ადრე ის გუბე იყო და წყაროებით ივსებოდა, ჯერ კიდევ კი აქ ქვის კაშხალი ააშენა. იქ მისვლისას ახლად მოკრილი მორებისაგან შეკრულ სატურაოში გადაიცვამდნენ საბანაო კოსტუმებს, ცურაობდნენ, სეირნობდნენ საბრძოლო კანოებით, რომლებიც სამხრეთის ზღვებიდან იყო ჩამოტანილი, გემთმისადგომებში მზეზე ირუჭებოდნენ, თამაშობდნენ ართურმას, აწყობდნენ ცხენოსანთა ტურნირებს, ბოქსსა და ინდურ ჭიდაობას, გადააბრუნებდნენ ხოლმე იმ სტუმრების ნაგებს, რომლებიც ქალაქური ტანისამოსით სეირნობდნენ ტბაზე. შეზინდებისას ჭკვი რაზმს ტყე-ტყე გაუძღვებოდა, სადაც სექვოია, ნაძვი და მარწყვის ხეები იზრდებოდა; ბილიკი, რომელსაც რაზმი მიჰყვებოდა, „მგლის სახლის“ ახლოს გადიოდა. აქ სტუმრები ჩამოქვეითდებოდნენ. ჭკვი დაატარებდა მათ შენობის ხარიხებს შორის, უყვებოდა, თუ რა ლამაზი იქნება მისი „მგლის სახლი“, თანაც სიამაყით ყურადღებას მიაქცევინებდა ხოლმე ქვის უნაკლო წყობაზე და უხსნიდა, რომ სახლს ხანძრისაგან დაზღვევა არ დასჭირდება: მიღები აზბესტით ექნება დაფარული, ხის კონსტრუქციები — ცეცხლგამძლე საღებავით, კედლები ქვისაა, ხოლო სახურავი — კრამიტის. ასეთი სახლისათვის ცეცხლი საშიში არაა.

რანჩოში დაბრუნებისას ტანისამოსს გამოიცვლიდნენ, ეცნობოდნენ ახლად ჩამოსულებს, მაძღრისად სადილობდნენ და იწყებდნენ პოლიტიკურ და ფილოსოფიურ საკითხებზე კამათს. ჭეკის საყვარელი თავშესაქცევი იყო ბანქო და მალე ყველანი „წითელ ძაღლს“ ანდა „პედროს“ თამაშს შეუდგებოდნენ—ოცდახუთ-ოცდახუთი ცენტით თითოეულ „ცხვირზე“. ჭეკი წინანდებურად იგონებდა სხვადასხვა სახის, ერთიმეორეზე უკეთეს, სახუმარობებს. როცა რანჩოში ემა გოულდმანის მსგავსი რომელიმე ანარქისტი ჩამოდიოდა, იგი სასადილო მოწყობილობაზე დასდებდა წიგნს, რომლის ყდაზე დიდი ასოებით იყო დაბეჭდილი სახელწოდება „ხმამაღალი ხმაური“. საკმარისი იყო წიგნის გადაშლა, რომ ანარქისტს იგი მოულოდნელად ხელში უფეთქებდობდა: მასში ტკაცუნა იყო ჩამალული. ანარქისტი შიშისაგან შეშდებოდა, ჭეკი კი იხელთებდა მომენტს და ხსნიდა: „აი, ხედავთ, თქვენ ძალით ვერასდროს ვერ დაიმორჩილებთ ქვეყნიერებას, შემთხვევაც რომ მოგეცეთ—ვერას გახდებით!“ გვერდგახვერტილი ჭიქა შემონახული იყო მოკრძალებული და უბრალო სტუმრისათვის, რომელსაც იმდენად აღელვებდა დიდი ლონდონის გვერდით მაგიდასთან ჯდომა, რომ მღელვარებისაგან სუნთქვისაც კი ეშინოდა, ჭამაზე ხომ ფიქრიც ზედმეტი იყო.

ნორვეგიელი მოქანდაკე და მეზღვაური ფინ ფროლიხი, რომელიც ჭეკის მიერ აღზევებული იყო „სასახლის მოქანდაკისა და ხუმარის“ ხარისხზე და რომელიც დაჯილდოებული იყო გამაყრუებელი, არაადამიანური, ჭეჭა-ჭუხილის მსგავსი ხარხარის უნარით, მოგვითხრობს: „ჩამოვედი რანჩოში და რას ვხედავ: ყველა ბავშვივით ანცობს, ერთმანეთს დასცინიან, ყველაზე მხიარულ თამაშობებს იგონებენ. როცა ჭეკს გააპამპულეებდნენ, იგი ყველაზე ხმამაღლა იცინოდა“. დიდი მოწონებით სარგებლობდა ასეთი თავშესაქცევი: ერთ-ერთს ზურგით მიაყენებდნენ სასადილოს კარებთან; ვითომ და სიმაღლეს უზომავდნენ, ამ დროს კი კარს უკან დამალული ხის ჩაქლჩის დასცხებდა სწორედ იმ ადგილას, სადაც საბრალოს თავი ჰქონდა მიდებული. ყველაზე მეტ სიცილს მაინც მეორე ოინი იწვევდა: იმ ოთახის იატაკს, სადაც სტუმარს ეძინა, ნახვერტებს გაუყეთებდნენ, მათში თოქს გაატარებდნენ და საწოლის ფეხებს მოაბამდნენ. როცა სტუმარი დაიძინებდა, ონავრები დაეჭაჩებოდნენ

თოქს და რაც ძალი და ღონე ჰქონდათ არწევდნენ ლოგინს, სტუმარი კი ღამისპერანგისამარა ტყვიასავით გავარდებოდა გარეთ ყვირილით: „მიშველეთ! მიწისძვრაა!“ მორიგ ხუმრობაში, სახელწოდებით „ტლამ-სდექ“, ახალმოსულ სტუმარს გაშლილი ფეხებით დასვამდნენ მიწაზე და დაიწყებდნენ მის წინ წყლის დასხმას, მას კი ხელებით ტალახი უნდა მოეზილა და კაშხალი აეშენებინა, რათა წყალი შეეჩერებინა. როცა წყალი საკმარისად მოგროვდებოდა და მშენებლის საქმიანობა ვააფთრებულ სახეს იღებდა, რათა წყალს კაშხალი არ გაენერგია, მას ფეხზე სტაცებდნენ ხელს, ექაჩებოდნენ წინ და იგი თავისივე ხელით გამზადებულ ტლაპოში იწყებდა ფართხალს. „ჩეკი? იგი ხომ დიდი ბავშვია, — ამბობს კერი ბერლინჰეიმი, მეზობელი სონომის ხეობიდან. — რაც არ უნდა ეკეთებინა, დასვენება იქნებოდა ეს, თუ მხიარულება, მთელი გულმოდგინებით აკეთებდა, ხუმრობისა და სიცილისათვის იგი მზად იყო ძლიერ შორს შეეტოპა“. სტუმრებმა როგორღაც გაიგეს, რომ ჯეკს სოლომონის კუნძულებზე უმი თევზი ექამა. მაშინ ჯეკმა წინადადება შემოიტანა, ეყარათ ენჭი და ვისაც ყველაზე პატარა ბანქო ერგებოდა დასტიდან, ცოცხლად გადაეყლაპა... ვთქვათ, თუნდაც ოქროს თევზი აკვარიუმიდან, რომელიც მაგიდის შუა ადგილას იდგა. ყველა დათანხმდა ბანქოს დასტა გადაქრეს და ყველაზე პატარა ბანქო ერგო სტუმარს, რომელიც დაქორწინებას აპირებდა. სასიძომ აკვარიუმიდან კუდით ამოიყვანა პატარა თევზი და მართლაც გადაეყლაპა, რამაც საერთო სიცილი და ტაშისცემა გამოიწვია, პატარაძალმა კი დაიყვირა, ამიერიდან აღარასოდეს ვაკოცებო მას.

რანჩო თითქოსდა მხიარულებისათვის იყო შექმნილი. ამიტომაც ჯეკს იგი გაორკეცებით უყვარდა. მისი განუყრელი მეგობარი იყო ჯორჯ სტერლინგი: ინდიელის მკვეთრად გამოკვეთილი სახე, დაქანებული შუბლი, რომელიც წარბებიდან მახვილი კუთხით უკან მიემართებოდა და საგულდაგულოდ იყო დაფარული ჩამოყრილი ქოჩრით. ეს იყო ბრწყინვალე სახე — მახინჯი და იმავე დროს, მშვენიერი: ნერვიული; ალღოიანი, გულღია გამომეტყველების. ტკივილი, მწუხარება—ყველაფერ ამას იგი ცხოვრებაში განსაკუთრებული სიმწვავეთ აღიქვამდა. მის პოეზიაში მრავალი ბრწყინვალე სტრიქონია ბიბლიური მოტივებით შეზავებული. კეთილხმოვანი, მაგრამ

უშინაარსო ფრაზებით გადატეხილი ზოგჯერ იგი მაღალფარდოვნად ჟღერს. სტერლინგს ცოლად ჰყავდა ლამაზი ქალი, დიდებული, ტანადი, ძლიერ ჩამოჰყავდა ბესი მადერს. ჯორჯი ჭიანჭველასაც კი არ დაადგამდა ფეხს, ისეთი რბილი ხასიათისა იყო ბუნებით, მაგრამ, მიუხედავად ამისა, დამწვინებული სინდისით ერთობოდა სხვა ქალებთანაც; თუმცა იცოდა, რომ ამით თავის ცოლს, კერის, ტანჯვას აყენებდა. ჯეკისაგან განსხვავებით, იგი მდიდარი ბიძის მფარველობით სარგებლობდა და ცხოვრების პროლეტარულ საფუძველზე მეტად ბუნდოვანი წარმოდგენა ჰქონდა. ღვინისა და ქალების მოყვარული ეს შეუღარებელი დონ-ჟუანი, თითქმის დამთავრებული ნიმუში იყო გადაშენების გზაზე მდგარი ბოჰემისა.

ამბობენ, „წითელი ძაღლის“ ან „პედროს“ პარტიის წაგებისას ჯორჯ სტერლინგი: კომპენსაციის სახით, ერთ სირჩა სპირტულს გადაჰკრავდაო ჯეკის მარაგიდან, ხოლო ჯეკი, წაგების შემთხვევაში, ჩვეულებისამებრ ხელნაწერს მორიგ სიტყვას მიაწერდა, რათა აენახლაურებიანა დაკარგული ოცდახუთი ცენტი. სასადილოში იღდა ბუფეტი, რომელშიც ჩამწკრივებული იყო ბოთლების გრძელი რიგი და სტუმრებს ნება ეძლეოდათ ესვათ, რამდენიც მოესურვებოდათ. კვირა ისე გავიდოდა. რომ ჯეკი ბუფეტს არ გაეკარებოდა, თვით ტრადიციული კოქტილის გადასაკვრელადაც კი სადილის წინ. ტოკიოში, „სნარკზე“ მოგზაურობის დროს, და რენოშიც ხანდახან, იგი სვამდა ძმაკაც კორესპონდენტებთან ერთად; რანჩოში კი წვეთს არ იკარებდა პირში, თუ არ ჩავთვლით განსაკუთრებულ შემთხვევებს. როცა, დასვენების დროს, თავს ნებას აძლევდა ერთი ჭიქა გაღაეკრა კომპანიის ხათრით.

გლენ-ელენი იმ ხანებში სასპორტო დაბად გადაიქცა მთავარი. ქუჩის ორსავე მხარეს ღვინის სავაჭროები და სამიკიტნოები იყო ჩამწკრივებული. როცა ჯეკს მოუნდებოდა დროებით გაცლოდა ოჯახს, საქმეებისა და მოვალეობების მძიმე უღელს, მეგობრებს, რომლებითაც მუდამ სავსე იყო სახლი, იგი შეაბამდა ეტლში ცხენს, საკისრულებზე ჩამოჰკიდებდა სპეციალურ ზანზალაკებს და მთელი წინსწრაფით მიჰქროდა დაკლაკნილი ყამირი გზით ქვევით, დაბაში. ზანზალაკების ხმაზე სიცხისაგან გათანგული გლენ-ელენი გამოცოცხლდებოდა. „ჯეკ ლონდონი ჩამოსულა მთიდან!“ — დაიყვირებდა

ვინმე და ეს ამბავი მყისვე მთელ სოფელს მოედებოდა. მხიარული, მომღიმარი ხალხი ქუჩაში გამოეფინებოდა; აღფრთოვანებული მებუფეტეები ისწრაფვოდნენ ამოეღოთ ბოთლები, ხოლო ჭიქები და სირჩები სარკესავით გაეკრიალებინათ. როცა ჭეკი მთავარ ქუჩაზე მიჰქროდა, თითოეული უყვიროდა: „გამარჯობა, ჭეკ!“ ჭეკიც დაინახავდა თუ არა ნაცნობს, ასწრებდა მიეძახებინა: „სალამი, ბილ!“ — და სომბრეროც დაექნია. ცხენებს პირველსავე საბმურზე მიაბამდა, უახლოეს სამიკიტნოში შევიდოდა და იქ, ისევე, როგორც მატროსობის დროს, „მთელ რაზმს თავს მოუყრიდა დახლთან“. მისი თანდასწრებით ვერავინ გაბედავდა ფულის გადახდაზე ხმის ამოღებას. შეკრებილნი რაიმე ბოროტი განზრახვოს გარეშე აჯავრებდნენ ჭეკს, სიცილით იხოცებოდნენ, როცა მის თავგადასავლებს ისმენდნენ, თავის აზრს გამოთქვამდნენ უკანასკნელი ნაწარმოების შესახებ, ჰყვებოდნენ ახალთახალ ანეკდოტებს, განსაკუთრებით ებრაულს — ჭეკს ასეთები უფრო უყვარდა. კიდევ რამდენიმე წუთი, კიდევ ერთი ჭიქა — და იგი უკვე მორიგ სამიკიტნოში გადადიოდა, სადაც უცდოდნენ იქაური მუღმივი მუშტრები, რათა მისალმებოდნენ, ბეჭებზე ხელი შემოეკრათ და დანახარჯს კვლავ მხოლოდ ჭეკი იხდიდა; აქაც გაისმოდა გამაყრუებელი მამაკაცური ხარხარი, სუფევდა იგივე მეგობრული სულისკვეთება. დაბაში, ალბათ, ათი-თხუთმეტი საქეიფო ადგილი მაინც იქნებოდა და საღამომდე ჭეკი თითოეულ მათგანში ასწრებდა შესვლას, კვარტი ვისკის დაღევას და, სულ ცოტა, ას კაცთან ფახუმრებას. შემდეგ უბრუნდებოდა ეტლს, ახსნიდა ცხენებს, გლენ-ელენის მცხოვრებთა ყვირილში: „მომავალ შეხვედრამდე, ჭეკ! ხშირად გვინახულე!“ — დასძრავდა ეტლს და აჰყვებოდა გრძელ ყამირ გზას, რომლის ახლოს, ერთი გორაკიდან მეორემდე, გაჭიმულიყო მისი ბაღები და ვენახები. გლენ-ელენში იხსენებენ, რომ ეს იყო ყველაზე სასიხარულო დღეები წელიწადში, როცა ზევით, გორაკებში ყურს მოჰკრავდნენ ზანზალაკების ნაცნობ ხმას და გზაზე ოთხ ცეცხლოვან ტაიჭზე ამხედრებული ჭეკ ლონდონი გამოჩინდებოდა კოვბოურ ქედში, პეპელა ჰალსტუხსა და თეთრ ხალათში გამოწყობილი, უშფოთველი ღიმილითა და თითოეულისათვის მეგობრული საღმით.

კვირაში ერთხელ, ნასადილევს, ჭეკი შეაბამდა ხოლმე წყვილ

ყველაზე მარდ ცხენს და უდიდესი სიჩქარით მიჰქროდა სანტა-როზაში, ოლქის მთავარ ქალაქში, ლუდისა და ღვინის წარმოების ცენტრში. აქაური ძველი მაცხოვრებელნი კარგად სვამდნენ, მაგრამ პოლიტიკაში ისეთი რეაქციული შეხედულებებისა იყვნენ, რომ ჯეკს, თავისი სოციალისტური რწმენით, გზაბნეულ ცხვრად კი არა, უბრალოდ, ჭკუაზე შემლილად სთვლიდნენ. ზანზალაკების ქღარუნით ჩაიქროლებდა მთავარ ქუჩაზე, შეჩერდებოდა აირა პაილის კანტორასთან — „უძრავი ქონების გასაყიდ სააგენტოსთან“ — და დაუძახებდა: „პეი, პაილ, წავედით!“ — და ორთავენი გაემართებოდნენ სასტუმრო ოვერტონის ბარში. აქ ჯეკი დახლთან თავის ადგილს დაიკავებდა — სულ განაპირას, დარბაზისაკენ ზურგით — და კვარტ შოტლანდიურ ვისკის მოითხოვდა. იგი სვამდა მაღალი ჭიქიდან, რომელშიც თორმეტი უნცია ჩადიოდა; პაილისათვისაც ყოველთვის თვითონ დაასხამდა პირველ ორ ჭიქას, ჩის შემდეგ პაილს შეეძლო იმდენი დაეღია, რამდენსაც მოისურვებდა, ანდა სრულებით არ დაეღია.

როცა ვიღაცამ პაილს ჯეკ ლონდონის პარტნიორი უწოდა დაღვეის დარგში, მან წამოიძახა:

„— აბა, მე სად შემიძლია პრეტენზია განვაცხადო ასეთ წოდებაზე! ანდა ვის შესწევს მაგის უნარი! ჯეკი სავსებით განსაკუთრებული რამ იყო. მართალს გეუბნებით, რაღაც ძარღვიანი. მე რომ ერთ ჭიქას დავლევდი, იგი — ოთხს, ხოლო ზოგჯერ ხუთსაც. კიდევ საოცარი იცით რა იყო? დახლთან გამართული საუბრის ორმოცდაათი პროცენტი — როგორ ფიქრობთ, რას ეხებოდა? — სოციალიზმს. იგი სწორედ ამისათვის ჩამოდიოდა სანტა-როზაში — აქაურზე უკეთეს მოკამათეებს ხომ ვერსად ნახავთ! აქ იგი არ უყვარდათ, რადგან ჯეკი არ არჩევდა, ვინ იყო მის წინ — მოსამართლე, ბიზნესმენი თუ სავაჭრო პალატის დირექტორი; ყველას ეუბნებოდა — კაპიტალისტური სისტემა უკვე დაღბაო. უკვე რამდენი წელი იყო, რაც იგი სანტა-როზაში დადიოდა, მაგრამ ერთხელაც არ გამიგონია, რომ ვინმე დასთანხმებოდა. როცა რაიმე ხრიკიან კითხვას დაუსვამდი ახალ, სოციალისტურ სახელმწიფოზე, იგი ერთ წამს დაფიქრდებოდა, მერე თავს გადააქნევდა და იტყოდა: „მორცა, ერთი კიდევ გადავკრათ. და მერე ერთბაშად ყველაფერი ნათელი გახდება“. ყლუ-

პი — და საქმეც გაკეთებული იყო: იწყებოდა ლაპარაკი იმაზე, თუ რა იათად მიეცემოდა საქონელი მომხმარებელს, როცა იგი სარგებლობისთვის იქნებოდა დამზადებული და არა გამორჩენისთვის“.

როცა პაილი მასთან არ იყო, ჯეკი შედიოდა ოვერტონის ბარში, სწრაფად მიმოავლებდა თვალს დარბაზს, მივიდოდა თავის კუთხეში, ერთ-ორს გადაჰკრავდა, შემდეგ კი ვინმეს. მოიხმობდა და იწყებდა საუბარს.

— მაშასადამე, აი, იმ პუნქტის შესახებ, რომელზედაც თქვენ ამ დღეებში ლაპარაკობდით, — წამოიწყებდა იგი, — თითქოს სოციალისტებში კერძო ინიციატივას სპობდეს. მე ამაზე ვიფიქრე და რაღაც ახალი იდეები დამებდა...

მეგობრები, რომელთაც მასთან ერთად უხდებოდათ სმა, იხსენებენ, რომ საკამათო თემები სულ სხვადასხვა იყო: ომი, სიღარიბე, როგორც ბოროტმოქმედების წყარო, ბიოლოგია, შრომის ორგანიზაცია, ფრეიდის ფსიქოანალიზი, კორუპცია სასამართლო წარმოების სისტემაში, ლიტერატურა, მოგზაურობა და მომავალი სოციალისტური საზოგადოება. ექვს საათზე მორიგ კომპანიონთან ამთავრებდა ერთი ბოთლი შოტლანდიურის. გამოცლას, ჩაჯდებოდა, ეტლში და შინ მიდიოდა. საერთოდ ცხენებს ჩინებულად ეპყრობოდა, მაგრამ დაღვევის შემდეგ მათი ჭენება უყვარდა. ბილ პილი; რომელიც მას ჯერ ოვერტონის ბარის დახლთან, შემდეგ კი სხვა ბარებშიც ემსახურებოდა, ამბობს:

— ჯეკს შეეძლო მეტი სპირტული დაეღია, ვიდრე რომელიმე სხვას, მაგრამ ეს მას არაფრად არ მიაჩნდა. ყოველთვის წესიერად და ღირსეულად ეჭირა თავი. როცა დაწესებულებიდან წასვლის დრო მოაღწევდა, იგი მიდიოდა, როგორც ჯენტლმენი. თუ გრძნობდა, რომ საქმოდ დაღია, — მაშასადამე, კმარა. იგი ჰირვეული ან ღვარძლიანი არასდროს არ მინახავს — ყოველთვის კეთილად იყო განწყობილი და ამავე დროს, გულლია. არასოდეს არ ჩაეჩრებოდა კამათში, თუ ისეთი ვინმე არ შეხვდებოდა, რომელსაც ნამდვილად შეეძლო კამათი; მაგრამ თვით მას ვინ შეედრებოდა! ვისთვის არ გინდოდა, რომ არ ეჯობნა.

პაილიც ამბობს, რომ არასოდეს არ უნახავს ჯეკი მთვრალი — მას ჰეშმარიტად ვისკის დაღვევის ირლანდიური ნიჭი ჰქონდა. იგი

სევამდა, რათა გაექარწყლებინა დაღლა და ნერვიული დაძაბულობა, ამოედგა ენა, „ხრახნები“ გაეპოხა თავში, გული გადაეყოლებინა, შესვენება მოეწყო.

სწორედ სმის დროს წამოიჭრა იმ თხზულების ჩანაფიქრი, რომელმაც ყველაზე მეტი დიდება — კარგიცა და ცუდიც — მოუტანა, ვიდრე რომელიმე სხვამ. „ჯონ ქერის მარცვალი“ ავტობიოგრაფიული მოთხრობაა; ის, რაც იქაა ნათქვამი მისი ლოთობის შესახებ, — სიმართლეა, მაგრამ, როგორც ეს უმრავლეს ავტობიოგრაფიულ ნაწარმოებს ემართება, „მთელი უბედურება იმაშია, რომ „ჯონ ქერის მარცვალში“ მთელი სიმართლე ბოლომდე არაა ნათქვამი, მთელი სიმართლის თქმა ვერ გაგებდე“. არაფერია ნათქვამი იმის შესახებ, რომ ცხოვრებაში არის ხოლმე პერიოდები, როცა იგი სულით ეცემა; ანდა გულგატეხილობის შემოტევის დროს ფიქრობს იმაზე, რომ იგი უკანონოდ დაბადებულია, რაც გულს უმძიმებს, ჭკუასა და გონებას უწამლავს. თუმცა კარგ განწყობილებაზე ყოფნისას ადვილად შეუძლია დაუმტკიცოს თავს, რომ ეს უმნიშვნელო რამეა, ჩაიქნიოს ხელი და დაივიწყოს. უფრო ხშირად იგი იმიტომ უფრო სევამდა, რომ ჩაეხშო მოუშორებელი ვარამი, რომელსაც ასე ღრმად იგადგა ფესვები მის გულში და სულს უხუთავდა. უდიდესი გულმოდგინეობით უმაღავდა ყველას დებრესიის პერიოდულ შემოტევებს. ასეთი შემოტევები იშვიათად ემართებოდა — სულ დიდი, ხუთ-ექვსჯერ წელიწადში — და ვერ ასწრებდნენ ჯეკი მანი-აკურ-დებრესიულ ავადმყოფად გადაექციათ, როგორც არის ხოლმე ხშირად ხელოვნების ადამიანი, მხატვარი. მიუხედავად ამისა, როცა ეს შეტევები მოუვლიდა, შეეძლო შეზიზღებოდა თავისი მუშაობა, სოციალიზმი, რანჩო, მეგობრები, თავისი მექანიკური ფილოსოფია და ჩინებულად დაეცვა ადამიანის უფლება თვითმკვლელობის შესახებ. ასეთ წუთებში თავისი ჭაპანი მეტისმეტად მძიმედ ეჩვენებოდა და იფიცებოდა. ამ ტვირთით ერთ ნაბიჯსაც აღარ გადავდგამო წინ; ბევრს სევამდა, ხდებოდა უხეში, არაგულისხმიერი, გულქვა, შარბანი. მაგრამ ხშირად შეტევა იმავე დღეს გაუვლიდა ხოლმე.

„ჯონ ქერის მარცვლის“ ლიტერატურული ღირსება იმით კი არ განისაზღვრება, თუ რამდენად ზუსტად ასახავს იგი სინამდვილეს. მას კითხულობ, როგორც ახალ, უბრალოდ, ალალმართლად

და გულის ამარყუებლად დაწერილ რომანს. შესანიშნავია „თეთრი ლოდიკისადმი“ მიძღვნილი გვერდები; მთელი წიგნი კი კლასიკური ნაწარმოებია ლოთობის შესახებ. მასში რომ თუნდაც ყველაფერი მოგონილი ყოფილიყო, იგი მაინც დარჩებოდა პირველხარისხოვანი, დამაჯერებელი მხატვრული პროზის ნიმუშად. იგი ჭერ ჟურნალ „სატერდეი პოსტში“ დაიბეჭდა, შემდეგ ცალკე წიგნად გამოვიდა და მილიონობით ადამიანმა წაიკითხა. მღვდლები ჩაებლაუჭნენ მას, რადგან შიგ მორალური რჩევა-დარიგება იპოვეს სიმთვრალის მავნებლობის შესახებ; მასზე უფლებას აცხადებდნენ სიფხიზლის კავშირები, სპირტიანი სასმელების აკრძალვის მომხრეთა ორგანიზაციები, მსმელთა დაწესებულების მოსაპოვისათვის მებრძოლთა ლიგები. „ქერის მარცვლისაგან“ ისინი ადგენდნენ პამფლეტებს, ბეჭდავდნენ და ათასობით ეგზემპლარს ავრცელებდნენ. „ჯონ ქერის მარცვალმა“ ღვინის მრეწველობის მესვეურთა წინააღმდეგ გააერთიანა ისეთი ორგანიზაციები, რომელთაც ამქვეყნად სხვა ვერაფერი აიძულებდა ხელიხელჩაიდებულად ემოქმედათ: ესენი იყვნენ პედაგოგები, პოლიტიკოსები, ჟურნალისტები, მეცნიერები. მოთხრობა ფილმდაც გადაიღეს და ღვინის ქარხნის პატრონები დიდძალ თანხას იძლეოდნენ, ოღონდ იგი აეკრძალათ. ისეთი დიდი აურზაური და მღელვარება ატყდა, რომ ასეულ ათასობით ადამიანი, რომელთაც მას შემდეგ, რაც სკოლის კედლებს გასცდნენ, წიგნი ხელში არ აეღოთ, ხარბად დაეწაფნენ „ჯონ ქერის მარცვალს“. ჭეკმა მასში გამოხატა თავისი გამარჯვება ალკოჰოლზე, მაგრამ ხალხმა, რომელიც მიჩვეულია წიგნიდან ის ამოიკითხოს, რაც მას მოსწონს, გადაწყვიტა — ავტორი ხელიდან წასული ლოთიყო.

სიფხიზლის მომხრეთა მოძრაობის მძლავრი აფეთქების გამოწვევით „ჯონ ქერის მარცვალი“ ერთ-ერთი გადამწყვეტი ფაქტორი შეიქნა სპირტის სასმელების აკრძალვის შესახებ კანონის გამოცემის საქმეში, რაც შეერთებულ შტატებში მიღებულ იქნა 1919 წელს. წარმოიდგინეთ, ადამიანი, რომელიც ხშირად სვამს, რათა ჩაახშოს დაუცხრომელი ტკივილის გრძნობა, რასაც უკანონოდ დაბადების გაფიქრება იწვევს; რომელიც, ცოტა სასიამოვნო წუთს როდი ატარებს ბოთლთან საყვარელი მეგობრების წრეში მხიარულ სიცილ-ხარხარში; რომელსაც არც კი უფიქრია სმისათვის თავი დაენებე-

ზინა, — აი, ამ ადამიანმა დააჩქარა აკრძალვის ამ შევბნელები ეპოქის მოსვლა. ეს იყო ბედის მწარე დაცინვა, რომელიც ისედაც არ ინდობდა ამ ადამიანს.

დრო გადიოდა; ჭეკი აკვირდებოდა, როგორ ხნავენ და თესავენ გაზაფხულზე მის მინდვრებს, როგორ მწვანდება ისინი ზაფხულის დადგომასთან ერთად, მერე ყვითლდება, გრძელი, გვალვიანი შემოდგომის მცხუნვარე მზის ქვეშ მოწითალო-მიხაკისფერი ხდება, ხედავდა, როგორ ასველებდა მათ ზამთრის წვიმები. იგი ამაყობდა თავისი მუშაობით, ამაყობდა ახლად გაწმენდილი, განახლებული მიწით, თავისი უამრავი მეგობრით. ცხოვრებაში ყველაფერი კარგად მიდიოდა და მის სახეს არ სცილდებოდა ნაცნობი ღიმილი. „არასდროს არ მინახავს, ვინმეს ასეთი ენითაუწერელი მომხიბვლელობა ჰქონოდა, — ჰყვება ფინი ფროლიხი. — რომელიმე მქადაგებელს რომ შესძლებოდა საკუთარი პიროვნების მიმართ ამდგვარი სიყვარულის შთაგონება, იგი რელიგიის მორწმუნედ გახდიდა მთელ მსოფლიოს. ლაპარაკის დროს ჭეკი შეუღარებლად კარგი იყო: დიდი, მეტყველი თვალები და არანაკლებ მეტყველი, ნერვიული ტუჩები ჰქონდა, სიტყვები კი თითქოს მორაკრაკებდნენ. რაღაც განსაკუთრებული იყო მასში, გონება წუთში სამოცი მილის სისწრაფით მუშაობდა და მისი დაწვევა შეუძლებელი იყო. რაზედაც არ უნდა ყოფილიყო ლაპარაკი, ტუჩების კუთხეები ზევით აეწეოდა, სიტყვებში იუმორი გამოკრთებოდა და, გინდოდა თუ არ გინდოდა, უნდა გეცინა ქანცის გაწყვეტამდე“.

იგი ბედნიერი იყო, ყველას უყვარდა და სამუშაოც შეიდამილიანი ნაბიჯებით მიიწევდა წინ.

ჰილის ჩანჩოს შეძენიდან რამდენიმე დღის შემდეგ ჭეკი კლაუდსლი ჯონსს სწერდა: „მეურნეობის გაჩაღებას არ ვაპირებ; ჩანჩოში მხოლოდ ერთი გაწმენდილი ნაკვეთია და ისიც ალბათ საძოვრისათვის დამჭირდება“. მაგრამ გამოირკვა, რომ მიწათმოქმედებისა და მესაქონლეობისადმი ინტერესი დღეობით კი არა, საათობით ეზრდებოდა; ყოველი გაუმჯობესება მეურნეობის ახალი დარგებისათვის იწვევდა. გამოიწერა სოფლის მეურნეობის ჟურნალ-გა-

ზეთები, რჩევა-დარიგებისა და ინფორმაციისათვის მიმართა კალიფორნიის უნივერსიტეტის სასოფლო-სამეურნეო განყოფილებას და შტატის სასოფლო-სამეურნეო დეპარტამენტს.

თანდათან აღმოაჩინა, რომ ეს დიდად საინტერესო საქმიანობა ძალიან იტაცებდა.

უცხო მხარეებში თავგადასავლების ძებნით დაღლილმა ჯექმა მათი ძებნა საკუთარ სახლში დაიწყო. იგი ფერმერობამ გაიტაცა. ჩვეული აღზნებით მოეკიდა ახალ საქმიანობას და იმდენი რამის გაგება მოასწრო, რომ სულ მალე იგრძნო, მისდა შეუმჩნევლად, ავტორიტეტული სპეციალისტი ხდებოდა.

რაც უფრო მეტად ეცნობოდა კალიფორნიის სოფლის მეურნეობას, მით უფრო რწმუნდებოდა, რომ საქმე ცუდად იყო, რომ აქ მთელი სიცხადით გამოსჭვიოდა ეკონომიური სისტემის ნაკლოვანებანი; ყველაფერი ალაღებდზე. კეთდებოდა, არარაციონალურად, სახსრების უთავბოლოდ განიავებით; ყველაფერი ძირითად, მეცნიერულად დასაბუთებულ გარდაქმნას მოითხოვდა. მას აქვს მიწა, აქვს სახსრები, აქვს ცოდნა და გამბედაობაც შესწევს; თუ ყველაფერ ამას ერთად შეაკავშირებს. დალუპვისაგან იხსნის კალიფორნიის სოფლის მეურნეობას. თავისი საგნის თანდათანობით შესწავლისა და მისი სულ უფრო ღრმად დაუფლების შედეგად, ჯექს ნათელი წარმოდგენა შეექმნა იმის შესახებ, თუ როგორი უნდა იყოს სანიმუშო ფერმა — ისეთი, როგორის გაშენებასაც ოდესღაც ფიქრობდა მისი შამინაცვალი ჯონ ლონდონი ჯერ ალამედაში, შემდეგ კი — ლივერმორში. ეს სანიმუშო ფერმა, რომელსაც იგი მომავალში გააშენებს, მთელ ქვეყანას უჩვენებს გზას სოფლის მეურნეობის უმაღლესი ტიპისაკენ, შესაძლებლობას მისცემს ფერმერებს მიწისა და პირუტყვისაგან მიიღონ უფრო მაღალი ხარისხის პროდუქცია.

ჯექი მიხვდა, რომ კოლერისა და ლამოტის რანჩოები გამოფიტული იყო, აღარაფრად ვარგოდა იმიტომ, რომ მათი წინანდელი მესაკუთრეები ორმოცი წელი ამუშავებდნენ მიწას სასუქის შეუტანლად და ანეულის გარეშე. ოლქში საქონელი გადაგვარდა. საჯიშედ პატარა ტანის, უჯიშო ხარებს იძენდნენ. ასეთივე იყვნენ ცხენები, ღორები და თხები. კალიფორნიის ნოყიერი გორაკები ცდებოდა. „საჭიროა შემუშავდეს მეცნიერული მეთოდები ფერდობების ნაყო-

ფისმომცემ ფართობებად გადასაქცევად“. ჭეკი ასე მსჯელობდა: თუ იგი გამოფიტულ მიწას ძალებს აღუდგენს, აალორძინებს პირუტყვის მაღალ ჯიშინობას, ერთხელ და სამუდამოდ უკუაგდებს მეზობელ-ფერმერების გამანადგურებელ, მტაცებლურ მეთოდებს, რომელნიც ზედიზედ კოტრდებოდნენ; თუკი იგი მიზნად დაისახავს მხოლოდ უმაღლესი ხარისხის პროდუქციის მიღებას, შესძლებს იხსნას სოფლის მეურნეობა კალიფორნიის მის კუთვნილ რაიონში მაინც. ამ ამოცანას მოახმარა ჭეკმა თავისი ენერჯია, ნიჭი და სახსრები. ყველა გეგმას ელიზასთან ერთად აღგენდა, შემდეგ კი უკვე ელიზა იძლეოდა საჭირო განკარგულებებს და სამუშაოებსაც იგი მეთვალყურეობდა.

„ამ მომენტში მე ექვსი განადგურებული რაჩნოს პატრონი ვარ, რომლებიც ერთ სამფლობელოშია გაერთიანებული. ეს ექვსი განადგურებული რაჩნოს სიმბოლურად გამოხატავს, სულ მცირე, თვრამეტჯერ გაკოტრებას; სხვანაირად რომ ვთქვათ, მოძველებული მოსაზრების მქონე არა ნაკლებ თვრამეტმა ფერმერმა დაჰკარგა თავისი ფულიცა და მიწაც; თვრამეტი გული დაიმსხვრა. მე გამოწვევა მივიღე: საკუთარი ჭკუით, სასოფლო-სამეურნეო მეცნიერების უმაღლესი მიღწევების გამოყენებით მივალწიო წარმატებას იქ, სადაც დამარცხება განიცადა ამ თვრამეტმა. პირობას ვდებ, რომ შევძლებ, პირობას ვდებ მთელი ჩემი ვაჟკაცობით, ქონებით, წიგნებით — ყველაფრით, რაც კი გამაჩნია“.

გაწმენდილ მინდვრებში დათესა ცერცვი და კანადური ბარდა და სამ წელიწადს ზედიზედ გადახნა ჭირნახული, რათა ნიადაგი გაემდიდრებინა. მისი სახლის პირდაპირ მდებარე გორაკების კალთები დაუშუშავებელი იყო; ჭეკმა მუშები დაიჭირავა და დაავალა გაეწმინდათ და ნაკვეთები ტერასებად გაეკეთებინათ — როგორც მას კორეაში ენახა. ოცდაორი კაცი მუშაობდა ვენახებში, სხლავდნენ და ვაზებს გვერდითა ყლორტებს აცლიდნენ. ჭეკმა ელიზას განუცხადა — ვენახი მასზე გაწეულ ხარჯებს აანაზღაურებსო. შემდეგ შეკაზმა უოშო ბანა და ჭენებით გაემართა გლენ-ელენისკენ, სადაც ხმა უნდა მიეცა დაბაში სპირტიანი სასმელების აკრძალვისათვის, რადგან მიაჩნდა, სამიკიტნოები საშიშროებას წარმოადგენდნენ მუშათა ოჯახებისათვის. დარწმუნებულმა, რომ რამდენიმე წლის შემ-

დეგ ღვინით ვაჭრობას აკრძალავენ საერთო-სახელმწიფოებრივი მას-შტაბით (თანაც გაიგო, რომ ვენახების ნიადაგი მეტად გამოფიტული და გამოუსადეგარი იყო კარგი მოსავლის მისაღებად), ჯემა ბრძანა, ამოეთხარათ ვაზები შვიდასი აკრის ფართობის ნაკვეთზე, გაენოყიერებინათ მიწა და დაერგოთ ევკალიპტის ხეები. სოფლის მეურნეობის შესწავლისას იმ დასკვნამდე მივიდა, რომ მომავალში დიდი მოთხოვნა იქნებოდა ევკალიპტზე. იგი იძლევა ეგრეთ წოდებულ „ჩერქეზულ კაკალს“ და თანაც ამ ხის მაგარი მერქანი მოსაპირკეთებლად და სამშენებლო დეტალების დასამზადებლად იხმარება.

პირველ წელს ათი ათასი ხე დარგო, მეორე წელს — ოცი ათასი. შემდეგ კიდევ... — ვიდრე მის მიწაზე ევკალიპტების რაოდენობამ ას ორმოც ათას ძირს არ მიაღწია; მათ დარგვაზე ორმოცდაექვსი ათას რეასს სამოცდაორი დოლარი დაიხარჯა. „მე ახლა დავრგავ მათ, და ამით ყველაფერი გათავდება, ოცი წლის შემდეგ კი, ყოველგვარი გარჯის გარეშე, ეს მთელი განძი იქნება“. მისი ვარაუდით, კაპიტალი ბანკზე არა ნაკლებ საიმედოდ იქნებოდა შენახული და ამასთან ოცდაათ პროცენტ მოგებასაც მოუტანდა.

დანარჩენ მინდვრებზე იგი რგავდა ჭარხალს, სტაფილოს, თესავდა შვრიას, ხორბალს, ქერს, სამყურასა და იონჯას — ერთი სიტყვით, ყველაფერს, რაც მისი აზრით პირველხარისხოვან რანჰოში უნდა იქნას გაშენებული. ყველაფერ ამის მოსაყვანად ელიზამ კალიფორნიის უნივერსიტეტში გაიარა დაუსწრებელი სწავლების კურსი. როცა ლუთერ ბერბანკმა სანტა-როზადან, თავისი საცდელი ბაღებიდან, რამდენიმე ცალი ახალი, უეკლო კაკტუსი ჩამოიტანა, ჯემა, რომელიც მუდამ მზად იყო ყოველივე ახლის გამოსაცდელად, მთელ მინდორზე დარგო ისინი საქონლის გამოსაკვებად.

ჯიშინი ცხენების გამოსაყვანად ორი ათას ხუთას დოლარად შეიძინა პრემირებული შირული ულაყი, შემდეგ კი ოთხი შირული ფაშატი — თითო შვიდას-შვიდას დოლარად. ეგონა, რომ ისევ დადგებოდა დიდი საფორნე ცხენების ხანა და სან-ფრანცისკოს მეფორნეებისაგან შეისყიდა ყველა ფაშატი, რომელთაც ქვაფენილზე ფეხი მოეტეხათ. როცა მინდვრების გასაწმენდად და დასახნავად ახალი საფორნე ცხენები დასჭირდა, ისინი ვერსად იშოვა და მათ შესაძენად სამხრეთ კალიფორნიაში გაემგზავრა. თუ საჭირო ჯიშის ძრო-

ხებსა და ხბორებს ვერსად გამოძებნიდა, აცხადებდა სასოფლო-სამეურნეო უურნალებში, მიდიოდა მეცხოველეობის გამოფენაზე საკრამენტოში და იძენდა პრემირებულ პირუტყვს: პრემირებულ მოკლერქიან სანაშენო ხარს—რვაას დოლარად, რვა საუკეთესო ხბოს—თითოს სამასორმოცდაათ დოლარად; დადიოდა ბაზრობაზეც, შეიძინა მშვენიერი ჯიშის გოკები და ანგორული თხის მთელი ჯოგი — ოთხმოცდახუთი სული. განზრახული ჰქონდა მეზობლებისათვის ნაკლებ ფასებში მიეყიდა თავისი პირუტყვის ნაწილი, რათა გაეუმჯობესებინა ადგილობრივი პირუტყვის ჯიში, მაგრამ ჯერ საჭირო იყო საკუთარი ჯოგის სულადობის გადიდება და მეცნიერული მეთოდებით მათი ჯიშის გაუმჯობესება. ამას გარდა, ფიქრობდა ძროხისა და ღორის ზორცის დახარისხებას (ისე, როგორც ამას მამინაცვალი აკეთებდა ზოსტნეულის მიმართ), რათა სან-ფრანცისკოს სასტუმროებისათვის მხოლოდ რჩეული ზორცი მიეწოდებინა. იგი აშენებდა ახალ საჯინიბლებს, საძროხეებს, საღორეებს; გლენ-ელენში შეიძინა და რანჩოში გადმოიტანა მთელი სამკედლო თავისი მოწყობილობებით. მუშები-სათვის, რომელთა რიცხვი სულ უფრო მატულობდა, აშენებდა კოტეჯებსა და პატარა სახლებს, სადაც ცოლშვილიანები და მარტოხელები სახლდებოდნენ.

წერდა სტატიებს სოფლის მეურნეობის ახალი მეთოდებით წარმართვის შესახებ, აკეთებდა შენიშვნებს ახალი რომანისათვის — უკან, მიწისკენ მობრუნების შესახებ, პასუხობდა სასოფლო-სამეურნეო საზოგადოებებისა და საცდელ ფერმათა მრავალრიცხოვან წერილებზე, ინტერვიუს აძლევდა გაზეთების ცნობისმოყვარე რეპორტიორებს თავისი ახალი საქმიანობის შესახებ. საქონლის შესყიდვის ერთმა ექსპედიციამ იგი ლოს-ანჯელოსში მიიყვანა, სადაც ჯეკმა თავის მეგობარ ფელიქს პიანოსთან დაბინავებისას მეგაზეთეებს შემდეგი განუცხადა: „შევუდექი იმის გამოკვლევას, თუ რატომაა, რომ ჩვენთან, კალიფორნიაში, რაღაც ორმოც-ორმოცდაათ წელში მიწა გამოიფიტა, მაშინ როცა ჩინეთში ნიადაგი ათასი წლობით მუშავდება და იგი დღემდე მაინც ნაყოფიერია. გადავწყვიტე, სრულებით არაფერი არ მოვიწიო რანჩოდან. მომყავდა ბალახეული, რომლითაც საქონელს ვკვებავდი, ამ ადგილებში პირველმა გამოვიყენე ნიადაგში სასუქის შემტანი მანქანა; დავაყენე ხალხი, გავაკაფეინე ბუჩქნარი და ახალი ფართობი სახნავად ვაქციე.“

ქვეყანაში სავალალო მდგომარეობაა, და, აი, რატომ: ათი წლის განმავლობაში მშვიერთა რაოდენობა შეერთებულ შტატებში თექვსმეტი მილიონით გაიზარდა. ეს ნიშნავს, რომ სოფლის მეურნეობა, სწორად წარმართვის შემთხვევაში, ისეთი წამოწყებაა, რომელიც უთუოდ მოიტანს შემოსავალს. ამ ათი წლის განმავლობაში ღორების, ცხვრების, სარძევე და სახორცე ძროხების სულადობა ფაქტიურად იმის გამო შემცირდა, რომ მსხვილი რანჩოები წვრილ ფერმებად დაქუცმაცდა. მეურნე, რომელიც ჯიშთან პირუტყვს აწენებს, უფრთხილდება და აახლებს ნიადაგს, უქველად მიაღწევს წარმატებას“.

ათას ასი აკრი მიწის დამუშავებით მან შესძლო მიეცა ხალხისათვის სამუშაო და, მაშასადამე, თავის რჩენის საშუალებაც. ჯეკმა განკარგულება გასცა, ვინც არ უნდა მოსულიყო რანჩოში სამუშაოს სათხოვნად, ელიზას არავითარ შემთხვევაში უარი არ ეთქვა. დაე, კაცმა სამი-ოთხი დღე წაიმუშაოს, ისიც ხომ ფულია! დაე, ამ წნის განმავლობაში სამი-ოთხჯერ მაინც ჰკამოს დღეში მაძღრისად. თუ ვინმესთვის სამუშაო არ აღმოჩნდებოდა, ელიზას რამე უნდა მოეფიქრებინა: ფერდობების ქვებისაგან გაწმენდა ან მინდვრებს შორის ღობეების გაკეთება. „მგლის სახლის“ მშენებლობის ხელმძღვანელი ფორნი გაფრთხილებული იყო: „ფორნი, არასოდეს არ გაუშვა ვინმე, ვიდრე იგი სამ-ოთხ დღეს არ წაიმუშავებს, ხოლო თუ კარგი მუშა გამოდგება, მუდმივ სამუშაოზე დატოვებ“.

სან-კვენტინისა და ფოლსომის ტუსაღები, რომელთაც ვადაზე ადრე ანთავისუფლებდნენ, თუ მათთვის სამუშაო აღმოჩნდებოდა, ჯეკს სთხოვდნენ, მიეღო ისინი რანჩოში სამუშაოდ. ჯეკი ყოველთვის ატყობინებდა სატუსაღოების ხელმძღვანელებს, რომ მზადაა განთავისუფლებულს მისცეს სამუშაო; უარს ეუბნებოდა მხოლოდ იმ შემთხვევაში, თუ არც ერთი თავისუფალი ლოგინი, არც ერთი თავისუფალი კუთხე აღარ იყო მუშებისათვის განკუთვნილ სახლებში. ერთმა ასეთმა მთხოვნელმა უარის მიღების შემდეგ მოსწერა: „ნუ გეშინია, მე საოჯახო საქმის გაკეთებაც შემიძლია. რატომ უნდა ვიქურდო — მე ხომ მხოლოდ კაცისმკვლეელი ვარ!“ ჩვეულებრივად რანჩოში ათი ნატუსაღარი მაინც ცხოვრობდა და მუშაობდა.

იმ დროისათვის, როცა ჯეკის საქმიანობამ სოფლის მეურნეობის

დარგში უმაღლეს წერტილს მიაღწია (ეს კი 1913 წელს მოხდა), მის საგადასახადო ღწყისში აღნიშნული იყო რაღაც თავბრუდამხვევი ოდენობის თანხა: სამი ათასი დოლარი თვეში. ორმოცდაცამეტი კაცი მუშაობდა რანჩოში, ოცდათხუთმეტი—„მგლის სახლის“ მშენებლობაზე, სხვანაირად რომ ვთქვათ, მისი წყალობით ასამდე მუშა იკვებებოდა ცოლ-შვილით — მაშასადამე, საშუალოდ, ხუთასი სული მაინც. ხელფასის დარიგების დღეს იგი უოშო ბანათი შემოუვლიდა მინდვრებსა და გორაკებს და მუშებს. ხელფასს სარტყელზე ჩამოკიდებული კლონდაიკის დღეებიდან შემორჩენილი, ოქროს ქვიშისათვის განკუთვნილი ქისიდან ურიგებდა ოქროს მონეტებით. იმის შეგნება, რომ იგი ხალხს სამუშაოს აძლევს, ჯეკს ნაკლებ სიამოვნებას როდი ჰკვრიდა, ვიდრე ფერმერობა, ანდა რწმენა, რომ იგი კალიფორნიის სოფლის მეურნეობის მხსნელია.

მთელი ოლქის ფერმერები მას მასხრად იგდებდნენ იმის გამო, რომ სამი მოსავალი გადახნა, რომ სანიმუშო რანჩოს აშენებდა; დასცინოდნენ მუშებს, რომელთაც „რეასაათიან სოციალისტებს“ უწოდებდნენ. ჯეკს ახლაც ისევე დასცინოდნენ, როგორც უწინ, „სნარკის“ აგებისას. იგი ჯერ კიდევ მაშინ ჩიოდა: „აღამიანმა გამოხანა ფულის შოვნისა და ხარჯვის სუფთა, სასარგებლო ხერხი, თითოეული კი, ვისაც არ ეზარება, მზადაა ამისთვის სული ამომხადოს. დოლი ანდა გოგოები თუ გამიტაცებდა მიუზიკ-პოლიდან, მაშინ სხვა საქმეა, უფრო გულდამშვიდებით მომეპყრობოდნენ“. იმათ, ვინც აფრთხილებდა და ურჩევდა, ასეთი დიდი თანხა ექსპერიმენტებში არ დაებანდებინა, იგი პასუხობდა: „მე მუშებს კი არ ვცანცლავ ფულს, არამედ თვითონ ვმოულობ პატიოსნად და მინდა იმაზე დავხარჯო, რომ ხალხს სამუშაო ჰქონდეს, რომ კალიფორნიაში აღვადგინო მიწათმოქმედება. რატომ არ უნდა მოვიხმარო საკუთარი ფული ისე, როგორც მესიამოვნება?“

სიამოვნებას კი იგი ბლომად ღებულობდა. ყოველი ახალი სტუმარი სარძევე ფერმაში მიჰყავდა და სიამაყით უჩვენებდა თითოეული ძროხის წველადობის მაჩვენებლებს, მის მინდვრებზე მოწეულ ნოყიერ იონჯასა და სიმინდს, რანჩოში გამოყვანილი საქონლის, თიკნებისა და კრავების გაუმჯობესებულ ჯიშებს. როცა მისმა ერთ-ერთმა პირუტყვმა გამოფენაზე უმაღლესი ჯილდო მიიღო, მის სიხარულს

საზღვარი არ ჰქონდა. ჩარმიანთან და ნაკატასთან ერთად „რომე-
ჩით“ სანაოსნოდ ანდა ოთხცხენა ეტლით მგზავრობისას ჯეკი რჩე-
ვისა და დარიგების წერილებს უგზავნიდა ელიზას; იგი კი, თავის
მხრივ, დაწერილებით აცნობებდა, თუ რა კეთდებოდა რანჩოში.
„თვალყური აღევნე, რომ გამორეკვის ღროს ღორებს დამატებითი
საკვები მისცენ; როგორ მოხდა, რომ ქერის ყანა დაიტბორა? ძრავა
და სარწყავი შლანგი მზისაგან ხომ დაცულია? გოჭებს ქოლგრა აქვ-
თო — ეს მეტად სამწუხაროა! უბრძანე, რომ ოცბაგიანი საძროხეს
საძირკველი შეაკეთონ; ახლა სწორედ ღროა, რომ სამუშაოზე დაკა-
ვებულ ცხენებს და კვიცს ნავროტთან ერთად დამატებითი საკვები
მისცენ. როცა ხეხილის ბაღის გვერდით ქვის ზღუდის შენებას და-
იწყებენ, უთუოდ შეამოწმე, რომ დიდი ქვები მოზიდონ, — დაე, ლა-
მაზი კედელი იყოს“. ყველაფერი ყველაზე დიდი, ყველაზე საუკე-
თესო უნდოდა ყოფილიყო: „მგლის სახლი“, ქვის ზღუდე, იონჯა და
სიმინდი, შირული ცხენები, ძროხები, ღორები, თხები... ძალა და
ენერჯია მასში აღვიძებდა საკუთარი უპირატესობის შეგნებას, უნერ-
გავდა აკვიატებულ აზრს იმის შესახებ, რომ იგი მეფე უნდა იყოს
ადამიანთა შორის (დაე, უკანასკნელნი პირველნი გახდნენ, ნაძირა-
ლა კი — მეფე). არანაკლებ აკვიატებული ჰქონდა აზრი იმის შესა-
ხებ, რომ იგი მესიაა, რომელიც მოწოდებულია დაღუპვისა და და-
ცემისაგან იხსნას ამერიკული ლიტერატურა და ეკონომიკა, ახლა
კი ამას სოფლის მეურნეობაც დაემატა.

ლიტერატურული საქმიანობით ჯეკის შემოსავალი წელიწადში
სამოცდათხუთმეტი ათას დოლარს შეადგენდა, ხარჯავდა კი ასი
ათასს. ყველაფერი, რასაც კი ფლობდა, თვით საკუთარი მომავლის
გამოუკლებლად — დაგირავებული და გადაგირავებული იყო. ყოვე-
ლი თვის პირველ რიცხვში ჯეკი და ელიზა გვერდიგვერდ-ისხდნენ
კანტორკულასთან სასადილო ოთახის კუთხეში და კანტორის წიგნებ-
ში თავჩაქინდრულები გულისგამაწვრილებლად ანგარიშობდნენ,
როგორ მოეგვარებინათ საქმე, რათა ყველა ვალი დაეფარათ. როცა
გრთხელ ასე უფულოდ დარჩნენ, ელიზა იძულებული გახდა სახლი,
რომელიც ოკლენდში ჰქონდა, დაეგირავებინა და აღებული ხუთასი
დოლარით პირუტყვისათვის საკვები შეეძინა. წერილები, რომელ-
თაც ჯეკი აღმოსავლეთისაკენ გზავნიდა, აღსავსე იყო გოდებით:

„ფული!“ „გთხოვთ გამომიგზავნოთ 2000 დოლარი, რაც თქვენგან შერგება მოთხრობებისათვის, რადგან კალიფორნიაში სილოსის პირველ კოშკს ვაშენებ...“ „თქვენ კიდევ უნდა მომცეთ 5000 დოლარი წიგნის პუბლიკაციის ანგარიშში; უნდა ავაშენო ახალი საძროხე...“, „საჩქაროდ მჭირდება 1200 დოლარი ქვის სამსხვრევის შესაძენად...“, „დაუყოვნებლივ გამომიგზავნეთ 1500 დოლარი; რანჩოში კერამიკული სადრენაჟე სისტემა უნდა მოვაწყო, რათა ნიადაგის ზედა, ნოყიერი ფენა არ ჩამოირეცხოს...“, „თუ ჩვენ წინასწარ ხელშეკრულებას დავდებთ ამ სერიის მოთხრობებზე, ამით შესაძლებლობას მომცემთ ხელსაყრელ ფასებში — 4500 დოლარად — შევიძინო ოთხასი აკრი ფართობის ფრუნდის რანჩო, რომელიც ჩემს რანჩოს აკრავს“. ჯეკის წყალობით აღმოსავლეთის გამომცემლებმა ფართო განათლება მიიღეს ყველაფერში, რაც კი მეცნიერულ მიწათმოქმედებასა და მესაქონლეობას შეეხებოდა, და მაინც ისინი ზოგჯერ გააფთრებამდე მიდიოდნენ. „მისტერ ლონდონ, სრულიად არაფრის გაკეთება არ შეგვიძლია, თუნდაც მართლაც გესაჭიროებოდეთ გოჭების კიდევ ერთი პარტია“, ანდა: „რატომღაც არა გვგონია, რომ ჩვენს მოვალეობაში შედიოდეს თქვენი მინდვრების გაწმენდა“. ერთმა გამბედაობაც კი მოიკრიბა და განუცხადა, რომ „ცუდი არაფერია იმაში, თუ მწერალი ფერმას ფლობს, მაგრამ იმ პირობით, რომ იგი ფერმერობას არ მოიწადინებს“. იწყებოდა გაკვიანურებანი, განაწყენებანი, კინკლაობანი, სეტყვასავით ცვიოდა მღელვარებით აღსავსე, ხოლო ზოგჯერ გულმოსული დეპრესიები, მაგრამ იგი მაინც უცვლელად მოითხოვდა ფულს; ათასი ათასს მოსდევდა — და სიმინდის შესანახად ერთ სასილოსე კოშკს კი არ აშენებდა, არამედ ორს, აგებდა საძროხეს, ყიდულობდა ქვისსამსხვრევს, გაჰყავდა სადრენაჟო და სარწყავი მიწები. შეისყიდა ფრუნდის რანჩო და ახლა, საბოლოო ჯამში, მისმა სამფლობელომ ათას ხუთასი აკრი შეადგინა. „მგლის სახლი“ კრამიტით იყო გადახურული, რომელიც ორი ათას ხუთასი დოლარი დაუჯდა, ხოლო თვით სახლის ფასმა, რომელიც, სხვათა შორის, სამი წლის განმავლობაში შენდებოდა და ჯერ კიდევ ბევრი რამ იყო გასაკეთებელი, სამოცდაათი ათასს მიაღწია. რამდენადაც მიღე მოდიოდა ფული, იმდენად ჩქარა ეცლებოდა ხელიდან იგი ელიზას და ისიც ხშირად მისი სურვილის საწინააღმდეგოდ. ბევრია ფული?

მაშასადამე, შეიძლება მეტი მუშების დაჭირავება, მეტი მინდვრების გაწმენდა, ახალი პირუტყვის შექენა, ახალი სადრენაჟე და სარწყავი სისტემის გაყვანა. არ ყოფილა თვე, რომ მას ოცდახუთათას დოლარზე ნაკლები ვალი ჰქონოდა; ხშირად კი დავალიანება ორმოცდაათ ათასამდე აღწევდა.

იმის გარდა, რომ ამიერიდან მას ეკისრებოდა პასუხისმგებლობა მუშების დაქმნაყოფილებაზე, ჯეკი განაგრძობდა რჩეულ, მაგრამ თანდათანობით მზარდ ნათესავთა (და მათ ნათესავთა), მეგობრების (და მათი მეგობრების), სტუმრების, ღარიბების, რომელთაც ეხმარებოდა, ყოველგვარი ჯურის მუქთახორებისა და მუქთამჰამელების უზრუნველყოფას. ხელგაშლილობა და სულგრძელობა მისთვის ისეთივე ბუნებრივი მოთხოვნილება იყო, როგორც ჰაერი, რომლითაც სუნთქავდა. ამერიკაში უკანასკნელმა მაწანწალამაც კი იცოდა. რომ მისი ყოფილი მეგობრებიდან ყველაზე უფრო ცნობილთან შეიძლება დამშვიდებით ჰამო, დალიო და ღამეც გაათიო. ასე რომ, მათი უმრავლესობის მარშრუტში „სილამაზის რანჩო“ შედიოდა. ჯიმ ტალი, რომელმაც, ჯეკის მსგავსად, მწერალრომანისტის სახელი მოიხვეჭა „გზაზე“ ყოფნის შემდეგ, ჰყვება, თუ როგორ ჩაუდო ერთხელ, საღამოს, ლოს-ანჯელოსში ჯეკმა გამოწვდილ ხელში ხუთი დოლარი ვიღაც ლოთს, რომელმაც ღამის გასათევი ფული სთხოვა. შემდეგ იგონებს, რომ ჯეკი მასთან ერთად სამიკიტნო „ლასტ ჩანსში“ საესე ბოთლიდან დაისხამდა ხოლმე ერთ სირჩა ვისკის, დახლზე ხუთ დოლარს დასდებდა და იტყოდა: „გამიგონე, ჯონი, გადაეცი ბიჭებს, რომ იყო ჯეკ ლონდონი; დაე, დალიონ, მე ვპატიებ“.

პატიმრები უგზავნიდნენ ხელით დაწულ აღვირებს, რომლებიც მას, რასაკვირველია, სრულებით არ სჭირდებოდა. სანაცვლოდ, ოც-ოც დოლარს უგზავნიდა თითოში — როგორ უნდა უთხრა უარი ტუსაღს, რომელიც ცდილობს ცოტა ფული იშოვოს?

თითქმის ყველა მეგობარი ართმევდა სესხად ფულს — და ისიც არა ერთხელ, არამედ სისტემატურად. უკან არც ერთი დოლარი არ მიუღია. ათობით კაცისაგან ღებულობდა წერილებს თხოვნით, ფული გაეგზავნა; დიდი უმრავლესობის ამ თხოვნას იგი აკმაყოფილებდა. რომელიღაც სრულიად უცნობი მწერლები თხოვდნენ სუბ-

სიდის მიცემას, ვიდრე ისინი თავის რომანებს არ დაამთავრებდნენ; ჯეკი ყოველთვის უგზავნიდა მათ ჩეკებს. როცა სოციალისტურ და მუშათა გაზეთებს ფინანსურად უჭირდათ (რასაც ისინი თითქმის განუწყვეტლივ განიცდიდნენ), იგი უფასოდ უგზავნიდა თავის ნაკვევებსა და მოთხრობებს, თანაც იწერდა ამ გაზეთებს თავისთვისა და მეგობრებისათვის. როცა სოციალისტურ ან პროფკავშირულ მოღვაწეებს აპატიმრებდნენ, იგი ფულს აგზავნიდა მათთვის ვეჭილის დასაქირავებლად. როცა სახსრების უკმარობის მიზეზით გაფიცვებს ჩავარდნა ემუქრებოდა, უფასო სასადილოები იხსნებოდა მისი ფულით. როცა ჯეკმა შემთხვევით გაიგონა, რომ ავსტრალიაში ცხოვრობს ქალი, რომელსაც ორივე ვაჟიწვილი მსოფლიო ომში დაელუბა, მან ყოველგვარი თხოვნის გარეშე, ყოველთვის უგზავნიდა ფულის გზავნა — ორმოცდაათი დოლარი — და ამას აკეთებდა თვით სიკვდილამდე. როცა ნიუ-იორკის შტატის მთებიდან ვიღაც მოხუცმა ქალმა მოსწერა, სიღარიბისაგან ვიტანჯებიო, ხოლო ჯეკს იმ დროს ანგარიშზე ერთი დოლარიც არ ჰქონდა, გულშემზარავი წერილებით სული ამოხადა ბრეტს, თხოვდა — ფული გადაეგზავნა ბედკრული ქალისათვის მომავალი ჰონორარის ანგარიშში. როცა სან-ფრანცისკოში საოპერო სტუდიის გახსნა განიზრახეს, მან ვალდებულება იკისრა, სტუდიის საჭიროებისათვის ყოველთვის უგზავნიდა განსაზღვრული თანხა გაეღო. როცა უცნობმა სოციალისტმა ამხანაგმა ორიგონიდან მოსწერა, მომყავს ორსული ცოლი და ოთხი ბავშვი რანჩოში დასატოვებლად, ვიდრე ჭლექზე ვიმკურნალეო, ჯეკმა პასუხად უღებეშა: დასაბინავებელი ადგილი არა მაქვს, არამც თუ კოტეჯი, ერთი თავისუფალი საწოლიც კიო. მაგრამ ამასობაში ოჯახი უკვე გამოემგზავრა ორიგონიდან. როცა ისინი რანჩოში გამოცხადდნენ, ჯეკს დეპეშის შესახებ კრინტიც არ დაუძრავს, ისე გამოძებნა მათთვის კოტეჯი, ჰყვებავდა მთელ ოჯახს, მზარუნველობდა, მოაწესრიგა სათანადო დახმარების საკითხი, როცა მეხუთე ბავშვი უნდა მოვლენილიყო ამქვეყნად, ხოლო, ექვსი თვის შემდეგ, არიზონიდან დაბრუნებულ ოჯახის მამაც ცოლი და ბავშვები სრულად და უვნებლად ჩააბარა.

ჯეკი ათასობით წერილს იღებდა მოძვე სოციალისტებისაგან, რომელთაც რანჩოში ჩამოსვლა და დასახლება უნდოდათ.

„მხოლოდ ერთი აკრი მიწა, რამდენიმე ქათამი და, კმაყოფილი ვიქნები“.

„ხომ არ შეგეძლებათ დამითმობთ ორიოდე აკრი მიწა და ძროხა? სულ ესა, რაც ჩემს ოჯახს ესაჭიროება“.

ჯეკმა ელიზას უბრძანა, მეტი ხალხი აღარ აეყვანა; მაგრამ აი, რანჩოში შემოეხეტა ვილაც მუშა ცოლითა და შვილებით. რადგან ყური მოეკრა, აქ ყოველთვის იშოვებო სამუშაო, — და ჯეკმა იგი თვითონვე დაიჭირავა. ელიზა, რომელიც მთელ ბუღალტერიას განაგებდა, ამბობს, შემოსავლის ნახევარს ჯეკი სხვებს აძლევდაო. თუ იმასაც დაეუმატებთ, რომ იგი ისეთ სამუშაოსაც კი ანაზღაურებდა, რომელიც სრულიად არ ესაჭიროებოდა, ეს ციფრი მისი შემოსავლის თითქმის ორ მესამედს მიაღწევს. მის ხარჯზე შეეძლო ეცხოვრა ყველას, ვისაც შესაფერი ამბების მარაგი აღმოაჩნდებოდა, მაგრამ, სულ ცოტა, ფულის ნახევარს მაინც იგი მანამდე არიგებდა, ვიდრე სთხოვდნენ. მხოლოდ ერთხელ თქვა უარი დახმარებაზე: მოკრივე ბობ ფიცსიმონსის ცოლმა დეპეშა გამოუგზავნა თხოვნით, საჩქაროდ გადაეგზავნა მისთვის ასი დოლარი, მაგრამ რისთვის — ეს არ განუმარტა. ჯეკი თვითონაც თავს იმტკრევედა იმაზე ფიქრით, სად ეშოვა სამი ათასი დოლარი დამზღვევი კამპანიის ვალის დასაფარავად და საგირავნოს პროცენტების გადასახდელად. ამიტომ უდებეშა, ერთი გროშიც არა მაქვსო. ორი დღის შემდეგ კი, როცა ჯეკმა გაზეთებში წაიკითხა — მისის ფიცსიმონსს ოპერაცია გაუკეთეს საოლქო საავადმყოფოს ღარიბთა კლინიკაშიო, მან თავის თავს არ აპატია; ამიერიდან თუ ფულისათვის მიმართავდნენ, თვითონაც რომ არ ჰქონოდა, მიდიოდა და საჭირო თანხას სხვისგან სესხებოდა.

თავის თავზე იგი ცოტას ხარჯავდა, უბრალო საქმლით იკვებებოდა და უბრალოდაც იცვამდა. სამაგიეროდ, მეგობრებზე, სტუმრების მიღებაზე მთელ ქონებას ხარჯავდა, თვითონ სტუმრად იშვიათად დადიოდა. თუ ვინმესთან სადილად უნდა წასულიყო, ჯეკს შინ შექამდა ნახევარ გირვანქამდე შნიცელს, რადგან სხვისი გაკეთებული საქმელი არ უყვარდა. იგი მეტისმეტად პუნქტუალური იყო ყველაფერში, რაც ფულს შეეხებოდა. მის მაგიდასთან ბანქოს თამაშისას არც ერთ სტუმარს უფლება არ ჰქონდა მეორისათვის ვა-

ლის ხელწერილი მიეცა. იგი თვითონ უხდიდა იმას, ვინც იგებდა, ხელწერილს კი ჩამოართმევდა და სიგარეტის კოლოფში ინახავდა. ერთხელ, როგორღაც, მის სამუშაო ოთახთან ჩავლილმა ფლორისმა დაინახა, რომ ფანჯრიდან ფანტელეზად ცვიოდა თეთრი ქაღალდების ნაკუწები. რამდენიმე მათგანი აიღო და მიხვდა: ჭეკმა ეს-ესაა დახია ხელწერილების კიდევ ერთი შეკვრა.

მისი ცხოვრება გვიხატავს ნამდვილი კალიფორნიელის სურათს — კაცობრიობის მოღვმის უჩვეულო ნიმუშს, თავისი შტატის მიწის განუყოფელ ნაწილს, მეორეს ასეთს ვერსად იპოვი. კალიფორნიის მკვიდრთა უმრავლესობის მსგავსად, იგიც, მართალია, ზომიერ ფორმებში, მაგრამ მაინც იყო განდიდების მანიით შეპყრობილი; თუ მეგობართა საზოგადოებაში და მასთან ერთად მომუშავე ამხანაგების წრეში თავის მიღწევებს ნამდვილად თავმდაბლად და უბრალოდ ეკიდებოდა, სამაგიეროდ, მარტო რომ დარჩებოდა, უკიდურესად თვითდაჯერებული ხდებოდა. მოთხრობების, ნარკვევებისა და რომანების ასობით შავ ჩანაწერში წამდაუწუმ გხვდებოდა მინაწერები: „სახელგანთქმული მოთხრობა“, „უძლიერესი რომანი“, „შემადრწუნებელი იდეა“ „გასაოცრად კარგი მასალა“, „კოლოსალური მოთხრობა“. როგორც ბევრი ნამდვილი კალიფორნიელი, იგიც ბრგე ადამიანი იყო, გულითადი მოპყრობაში, ჯანსაღი ფიზიოლოგიური მიდრეკილებით; თაყვანს სცემდა სხეულის სილამაზეს, ძალას, სიმარჯვეს, რაც თავის მხრივ აიძულებდა ხელოვნებითა და კულტურით მოხიბლულიყო. ბავშვივით ეწაფებოდა გართობასა და მხიარულებას, მაგრამ ყველაზე მეტად სიცილი უყვარდა და ისიც არა ჩუმად, მორიდებულად, არამედ გაშმაგებით, მთელი ხმით. მოურიდებელი ადამიანი იყო და — როგორც მიღებულია კალიფორნიის მცხოვრებთა შორის — ეჯავრებოდა მეტისმეტი თავდაჭერილობა ხასიათსა და შეხედულებებში, ვერ იტანდა წინასწარ აკვიატებულ და ცრუ შეხედულებებს, დამკვიდრებულ ტრადიციებს, სიამოვნებითა და თავგამოდებით ეწეოდა ბრძოლას მათ წინააღმდეგ. როგორც კალიფორნიის წინანდელ მაცხოვრებლებს — ესპანელებს — მასაც სახლი თავშესაფრად გაეხადა, რომელიც ერთნაირად იყო ღია, როგორც წარჩინებულების, ისე მღაბიოების, მდიდრებისა და ღარიბებისათვის. ვიდრე სტუმარი შიმშილსა და წყურვილს არ მოიკლავდა

და ღამეს არ გაათევდა, ისე არ გაუშვებდნენ. ნეტარების მწვერვალზე ჯეკი მაშინ იყო, როცა მის მაგიდას ასე, ოციოდე კაცი მაინც მოუსხდებოდა. თავისი ესპანელი წინამორბედის მსგავსად, ვერ იტანდა ვიწროობას, უყვარდა ხალვათობა, უნდოდა იმდენი ადგილ-მამულის მფლობელი ყოფილიყო, ერთ დღეს რომ ვერ შემოუვლიდა.

კალიფორნიის აღმომჩენ ოქროსმაძიებელთა შთამომავალს ფული ამიტომაც ეზიზღებოდა, რომ მას ასე ადვილად და ბევრს შოულობდა. დაუნანებლად ფლანგავდა, რათა ქვეყანას დაენახა, რა უმნიშვნელო გავლენა აქვს მასზე ფულს. დიახ, მას არ ენანებოდა არც მიწა, არც თავისი ქისა, არც მეგობრობა და არც გონების საგანძღრი. იგი ნამდვილი კალიფორნიელი იყო და უნდოდა ყველაფერი მთელი სისრულით გაეკეთებინა: მუშაობის დროს—მუშაობა, შემოქმედების დროს—შემოქმედება; გამარჯვება, გართობა, ხუმრობა, სიცილიცა და სიყვარულიც მთელი გატაცებით შეეძლო. დამოუკიდებელი და თვითნება, ძნელად თუ მოექცეოდა ვისიმე გავლენის ქვეშ, მაგრამ განწყობილებებს ადვილად აპყვებოდა ხოლმე; მერყევი იყო, ზოგჯერ ჯორივით ჯიუტი, შფოთიანობა და წინასწარგანზრახული სიმკაცრე სჩვეოდა. როგორც კალიფორნიის ერთგულ შვილს, ეზიზღებოდა სულიერი და ფიზიკური სიმხდალე; თვითონ გამოირჩეოდა იშვიათი გამბედაობით. „ჩაქიდება და სიმტკიცე დათვისა ჰქონდა, — ამბობს აირა ბაილი. — რისი საშიშროებაც არ უნდა ჰქონოდა, უკან არ დაიხვედა!“ როგორც ნამდვილი კალიფორნიელი, იგი თავს პიონერად, ნოვატორად, უმაღლესი ცივილიზაციის შემქმნელად სთვლიდა. ირგვლივ ისეთი სიძლიერე, ისეთი დოვლათიანობა, ისეთი ხალვათობა სუფევდა, რომ მას უსაზღვროდ სწამდა: რაც კი საუკეთესოა სამყაროში, ყველაფერი კალიფორნიის მიწაზე იბადება.

ლალი, მღიღარი ბუნების წიაღში მცხოვრები, იგი თვითონაც სტიქიასავით თავისუფალი იყო; ადვილად იტაცებდა ახალი იდეები, გეგმები, სიყვარულის ან მრისხანების ალი. გარშემო დიადი სიმშვენიერე სუფევდა — აი, ამიტომაც აფასებდა იგი ადამიანისა და ბუნების სილამაზეს. მოუთმენელს, შმაგს, გრძნობამორეულს თავდავიწყებამდე უყვარდა თავის გამოჩენა, სხვების განცვიფრება, გაზვიადება; პირველყოფილი უხეში შეგრძნებები წინანდებლურად იტაცებდა, მაგრამ მასზე გავლენა მოახდინა რომანტიულმა სიმშვენიერე-

მაც, მშობლიური ადგილების დოვლათიანობამ: მისი მჩქეფარე ძალა ერწყმოდა სილამაზისა და ტანჯვის თითქმის ქალურ აღქმას. პირდაპირი, გულმართალი, ხშირად ქოთქოთა, რამდენადმე უხეში, იგი არასდროს ექვის თვალით არ შესცქეროდა თავის თანამომძმეებს, ადამიანებს და სწამდა თითოეული მათგანის პატიოსნება, ვიდრე საწინააღმდეგოში არ დარწმუნდებოდა. აი, რატომ იყო იგი ზოგჯერ მეტად მიმნდობი, გულუბრყვილო, აი, რატომ იყო ადვილი მისი გათამაშება. თავისი უშიშრობით, ამტანობით, სიცოცხლისუნარიანობით იგი მოგაგონებდათ დიდ რუხ დათეს — ემბლემას, რომელიც ამერიკის დროშაზე იყო გამოხატული. თავისი შეხედულებისა და სიყვარულის ერთგული, ხელგაშლილი და დიდსულოვანი, რომელსაც მხოლოდ მაშინ შეუძლია გულისწყრომა განიცადოს, როცა სილარიბეს ან უსამართლობას გადაეყრება, იგი ნამდვილი კერპთაყვანისმცემელი, პანთეისტი იყო, რომელიც, როგორც ღვთაებას, თავიანთ სცემდა სილამაზესა და ბუნების სტიქიურ ძალებს; გამოუსწორებელი ოპტიმისტი, რომელსაც სწამდა პროგრესი, მზად იყო სიცოცხლე შეეწირა დედამიწაზე ადამიანთა გონივრული საზოგადოების შექმნისათვის.

1913 წლის გაზაფხულისათვის ჯეკი მსოფლიოში ყველაზე ცნობილი მწერალი იყო. მას ყველაზე მეტს უხდინდნენ ნაწარმოებებში და ამ დროისათვის დიდების იმ საფეხურამდე ავიდა, რომელიც საუკუნის გარიჟრაჟზე კიპლინგს ეჭირა. მისი მოთხრობები და რომანები ითარგმნებოდა რუსულ, ფრანგულ, პოლანდიურ, დანიურ, პოლონურ, ესპანურ, იტალიურ და ძველებრაულ ენებზე. მისი ფოტოსურათები ისე დიდი რაოდენობით გამოდიოდა, რომ მილიონობით ადამიანისათვის ნაცნობი და ძვირფასი შეიქნა ეს ახალგაზრდა, ლამაზი და მკაფიოდ ჩამონაკეთული სახე.

მსოფლიოს ყველაზე მივარდნილ ადგილებამდეც კი აღწევდა ზღაპრები ჯეკ ლონდონის შესახებ. მის ყოველ სიტყვას, ყოველ ნაბიჯს მაშინვე აიტაცებდნენ და იმეორებდნენ გაზეთები, ხოლო როცა გასამეორებელი არაფერი იყო — მერე რა, თუ მეგაზეთები თვითონვე შექმნიდნენ ახალთახალ მასალებს. „მახსენდება, ერთსა და

იმავე დღეს ჩემზე სამი ცნობა გამოქვეყნდა. პირველში ამტკიცებდნენ, რომ ქალაქ პორტლენდში (ორეგონის შტატი) წამეჩხუბა ცოლი, თავისი ბარგიბარხანა ჩემოდანში ჩააწყო და გემით სან-ფრანცისკოში გაემგზავრა დედასთან. მეორე ნომერი სიცრუე იმაში მდგომარეობდა, თითქოს ქალაქ ევრიკაში (კალიფორნიის შტატი) ჩხუბი ავტეხე. ლუდხანაში და ვიღაც მილიონერმა ტყის მრეწველმა მცემა. მესამე მონაჭორი ღალატობდა, რომ მთის ერთ კურორტზე (ამჟერად ვაშინგტონის შტატში) ნიძლავში ასი დოლარი მოვიგე ტბაში ისეთი განსაკუთრებული სახესხვაობის კალმახის დაჭერისათვის, რომლის დაჭერა სავსებით შეუძლებლად ითვლება. უნდა აღინიშნოს, რომ იმ დღეს, რომელზედაც აქ ლაპარაკია, მე ცოლთან ერთად ვიმყოფებოდი ნაკრძალი ტყეების მივარდნილ ადგილას, ორეგონის სამხრეთ-დასავლეთით, სარკინიგზო, საავტომობილო, სატელეფონო და სატელეგრაფო ხაზებიდან დაშორებით“.

ასეთ ყალბ ცნობებზე იგი არასდროს არ პასუხობდა, მათგან არც თავს იცავდა, თუმცა ისინი ზოგჯერ მეტად მწვავედ კბენდნენ და აღიზიანებდნენ. „იციოთ თუ არა თქვენ, რომ, როცა რომელიღაც სტუდენტი-ქალი ახეტიალდა გორაკზე ბერკლის ახლოს და მას თავს დაესხა მაწანწალა, გაზეთებმა განაცხადეს: ექვს გარეშეა, იგი სხვა ვინ იქნებოდა, თუ არა ჯეკ ლონდონი!“ იგი ერთხელაც არ მიუწვევიათ სან-ფრანცისკოს მბეჭდავთა კლუბში, ხოლო როცა კლუბის წევრებს შენობის აგება დასჭირდათ და დაუფიქრებლად სთხოვეს ჯეკს ამ საქმისათვის ორი ათასი დოლარი შეეწირა — ეს იყო ერთადერთი შემთხვევა, როცა უარის თქმამ ჯეკს სიამოვნება მოჰგვარა.

მაგრამ ამ ცრუ და, უფრო მეტად, ცილისმწამებლურ მონაჭორებზე ბევრად უარესი იყო სტატიები და ბროშურები, რომლებიც მისი სახელით ქვეყნდებოდა. ყველაზე მეტი უსიამოვნება მიაყენა მას ნაბეჭდმა ფურცელმა სახელწოდებით „იდეალური მებრძოლი“: „ყმწავილო! კარგ ჯარისკაცად გახდომა ყველაზე უმდაბლესი მიზანია, რომელიც კი შეგიძლია ცხოვრებაში აირჩიო. კარგი ჯარისკაცი არასოდეს არ ცდილობს გაარკვიოს, რა არის კარგი და რა ცუდი. თუ მას უბრძანებენ ესროლოს თანამოქალაქეებს, მეგობრებს, მეზობლებს, იგი უყოყმანოდ დამორჩილდება. თუ უბრძანებენ, ესროლოს ქუჩაში პურის მოთხოვნით გამოსულ ბრბოს, იგი

უარს არ იტყვის. ხედავს, როგორ იღებება ალისფრად მოხუცთა ჭადარა თავეები, როგორ გადმოსჩქეფს ქალის მკერდიდან სისხლი, რომელსაც თან მიაქვს მისი სიცოცხლე, მაგრამ იგი არც სინდისის ქენჯნას განიცდის და არც შებრალებას. კარგი ჯარისკაცი სიკვდილის ბრმა, გულქვა, უსულგულო მანქანაა!“

ეს, შეტად ოსტატურად შეთხზული სტატია შინაარსითა და სტილით გასაოცრად ჰგავდა იმას, რასაც ჭეკი წერდა. შეერთებული შტატების არმიის ოფიცერთა შორის აურზაური ატყდა: ეს ხომ პირადი შემადგენლობის შეურაცხყოფაა. კონგრესში საჩივრები შეიტანეს. ფოსტის სამინისტრომ გადაწყვიტა სისხლის სამართლის პასუხისგებაში გადაეცა იგი ფურცლის ფოსტით გავრცელებისათვის. ჭეკის აღშფოთებულმა უარყოფამ ბოლო მოუღო სასამართლოს დევნას, მაგრამ მას სიკვდილამდე მოსვენებას არ აძლევდნენ „ამ სამხედრო ჭორისათვის“.

მთელს ამერიკაში, ვინ იცის, სად არ ჩნდებოდნენ მისი ორეულეები განთქმული სომბრეროთი, პეპელა-ჰალსტუხითა და მისნაირივე პალტოთი; რასაკვირველია, სწორედ ისინი შეიქნენ არა ერთი და ორი საგაზეთო ჭორის წყარო. ორეულეები მისი სახელით აკეთებდნენ მოხსენებებს, ჰყიდდნენ ვითომდა მის დაწერილ ხელნაწერებს, იბრძოდნენ მექსიკელ რევოლუციონერთა რიგებში დიასის წინააღმდეგ, ჭეკის ნაცვლად ხელს აწერდნენ ყალბ ჩეკებზე და ბოლოს, ტემპერამენტიანი, ცოტა არ იყოს უხეში და პრიმიტიული ჭეკ ლონდონის სახელით სატრფიალო ქსელსაც კი აბამდნენ. განუწყვეტლავ მოდიოდა წერილები ადამიანებისაგან, რომელნიც მას ხედებოდნენ იქ, სადაც ჭეკი არასოდეს ყოფილა. ყველაფერი ეს სასაცილოდ გამოიყურებოდა, ვიდრე სან-ფრანცისკოში. არ გამოცხადდა მისი ორეული და არშიყოფა არ დაუწყო მანდილოსანს, რომელსაც ბეიბი ერქვა. მანდილოსანი გლენ-ელენში აგზავნიდა ღია ბარათებს (უკონვერტოდ) შეკითხვით: „განა უკვე აღარ გიყვარვარ?“ და ხელს აწერდა: „შენი შეყვარებული“. ჭეკის საეჭვო წარმოშობა იმასაც კი იწვევდა, რომ ვიღაც, სავსებით უცხო ადამიანები აცხადებდნენ, თითქოს ჭეკ ლონდონი მათი შვილი, ძმა, ბიძა ანდა ბიძაშვილი იყო. ერთი ასეთი ვერსია წარმოიშვა ქალაქ ოსვიგოში (ნიუ-იორკის შტატი). ერთი ადგილობრივი ოჯახი აღიარებდა, რომ ჭეკ ლონდონი

სინამდვილეში ჰარი სენდსია, რომელიც თოთხმეტი წლისა გაიქცა ოჯახიდან. გაზეთებმა ერთად მოათავსეს ჰარი სენდსისა და ჯეკის სურათები, რათა მკითხველები დარწმუნებულნიყვნენ მათ მსგავსებაში.

დადებითი შეფასებები და კეთილი სურვილებით აღსავსე კრიტიკული სტატიები ერთმანეთს ენაცვლებოდა თავდასხმებში მის ლიტერატურულ მოღვაწეობაზე. ჯეკს ბრალს სდებდნენ ალასკის დამახინჯებულად წარმოსახვაში, ამ მხარის ცხოვრების უცოდინარობაში. ფრედ თომპსონი, რომელმაც ჯეკთან ერთად ტვირთიანად იმოგზაურა იუკონზე, ხოლო შემდეგ ოცი წელიწადი იცხოვრა ალასკაში, დასცინოდა ამ ვითომდა მცოდნეებს. იგი იგონებდა, თუ რა მოუთმენლად ელოდნენ ალასკის ძველი მაცხოვრებლები ჯეკის ახალ მოთხრობებს კლონდაიკის შესახებ, რადგან იცოდნენ, სიმართლე დაუმახინჯებლად სწორედ იქ იქნებოდა აღწერილი.

მას ისე ხშირად სწამებდნენ პლაგიატობას, რომ დღეც არ გაივლიდა რაიმე დავის გარეშე. ჯერ კიდევ 1902 წელს ბრალად დასდეს ფრანკ ნორისის მოთხრობის სიუჟეტის მოპარვა. შემდეგ გამოიკვია, რომ თურმე ანალოგიურ თემაზე კიდევ სხვა მოთხრობა ყოფილა გამოქვეყნებული, რომელიც მესამე პიროვნებას ეკუთვნოდა. აღმოჩნდა, რომ სამივე მწერალი სიეტლში მომხდარმა რაღაც ერთმა და იგივე ამბავმა ააღელვი. როცა მოთხრობა „ადამამდე“ გამოვიდა, სტენლი ვატერლომ (რომლის „ებას ისტორია“ დაედო საფუძვლად ამ ნაწარმოებს) საერთაშორისო მასშტაბის სკანდალი ატეხა. ჯეკმა აღიარა, რომ იგი დიდადა დავალებული ვატერლომისაგან, მაგრამ დაბეჭდვით განაცხადა, რომ პირველყოფილი ადამიანი არა კერძო, არამედ საზოგადოებრივი საკუთრებაა; ფრენკ ჰარისმა, ხან მწერალმა და ხან რედაქტორმა მდგომარეობის გათვალისწინებით, სახელი იმით მოიხვეჭა, რომ „რკინის ქუსლიდან“ ამოღებული ერთი ნაწყვეტის გვერდით მოათავსა თავისი ერთ-ერთი სტატია, საიდანაც ჯეკმა ვითომც ისარგებლა ლონდონის ეპისკოპოსის მიერ წარმოთქმული სიტყვით. თურმე ჯეკ ლონდონი ლიტერატურის ქურდია! აურზაურის დასაშოშმინებლად ჯეკს სათქმელად ესლა დარჩენოდა: „მე პლაგიატი კი არა, გულუბრყვილო ვარ: მეგონა, ჰარისს ციტირებული ჰქონდა ნამდვილი ისტორიული დოკუმენტი“.

გასავლისათვის მხარი რომ აება, დაეფარა რანჩოს შენახვითა და „მგლის“ სახლის“ მშენებლობით გამოწვეული უამრავი ხარჯები, ჯეკი იძულებული იყო განუწყვეტლივ ეწერა ბაზრისათვის გამოსადეგი მოთხოვნები. თუ იგი შეჩერებას გაბედავდა სულის მოსათქმელად, უამრავი ვალისა და ვალდებულების გროვა წამოიქცეოდა და თავისი სიმძიმით მასაც გასრესდა. ყველაზე უკეთ საღებოდა ნაწარმოებები ალასკის შესახებ, და იგიც წვითა და დაგვითაცხოვდა მათ ერთიმეორის მიყოლებით, თან დასძენდა: „მინც ვერ ვალწევ თავს კლონდაიკს“. მიუხედავად იმისა, რომ მყიდველთა გემოვნების მიხედვით უნდა ეწერა, მისა გახსნილი გონების, მჩქეფარე და მდიდარი წარმოსახვის წყალობით, ალასკაზე დაწერილი ბევრი მოთხოვნა კარგი გამოდიოდა. ასეთებია „მაკ-კეის შთამომავალი“ და „აბეზარი თეთრი კაცი“ კრებულში „სამხრეთის ზღვების ზღაპრები“, „სიამაყის ტაძარი“ და „შერიფი კონა“ — კრებულში „სიამაყის ტაძარი“. ფულისათვის დაწერილი იყო მოთხოვნები მხოლოდ სმოკ ბელიუსზე¹. ამბები, რომელთაც მისი კალამი წარმოსახავდა, იქმნებოდა მის გონებაში. ისინი მბრძანებლურად ითხოვდნენ გამოშუქურებას — უფულობა მხოლოდ უშუალო საბაბი იყო, რომელიც აიძულებდა მაშინვე, დაუყოვნებლივ ეწერა. თუ ადრინდელ „ხალტურას“ არ ჩავთვლით, „სმოკ ბელიუს“ სერია პირველი, ნაკლები ლიტერატურული ღირებულების მქონე ნამუშევარი იყო. მას ლიტერატურული ღირსება აკლდა: წმინდა წყლის დღიური სამუშაოს ნორმა; ანდა ცემენტი, მორები და სპილენძი სახლის ასაშენებლად. ამ საქონლის სანაცვლოდ იგი პატიოსნად აწვდიდა კარგ მასალას: „სმოკ ბელიუს“ შესახებ ცამეტი მოთხოვნის დაწერა სასიამოვნო შრომა არ იყო, მაგრამ რაკი ხელი მოგვიდეს, შევეცადე, რაც კი შემეძლო, საუკეთესო შემექმნა, ყოველგვარი შეღავათის გარეშე!“

ოსტატობის დონემ მის მოთხოვნებში დაცემა იწყო—ნაწილობრივ იმიტომ, რომ იგი დაიღალა მცირე ფორმის ვიწრო ჩარჩოებისა-

¹ ჯეკ ლონდონი მძიმედ განიცდიდა გამოცემელთა ზეგავლენას. ამ წლებში იგი აღიარებს, რომ ეზიზღება სამწერლო პროფესია. „არჩევის შესაძლებლობა რომ მქონოდა,—წერს იგი წერილში,—არასდროს ხელს არ მოვიკიდებდი კალამს, ერთი გამონაკლისის გარდა—დამეწერა სოციალისტური სტატიები და ბურჟუაზიულად სამყაროსთვის მეთქვა, რა საშინლად მეჭაჟებდა იგი“.

გან, რაც გაქანების საშუალებას არ აძლევდა. მას სურდა მხოლოდ რომანები ეწერა. ამ პერიოდში შექმნილი ორი რომანი „ჯონ ქერის მარცვალი“ და „მთვარის ხეობა“ მის საუკეთესო ნაწარმოებთა რიცხვში შევიდა, უფრო მეტიც, ისინი ღირსია გვერდში ამოუდგინენ ამერიკული რომანის ყველაზე სრულყოფილ ნიმუშებს. თუ მესამე ნაწილს არ ჩავთვლით, სადაც სოფლის მეურნეობის შესახებაა ლაპარაკი (შეიძლება მისი ცალკე წიგნად გამოყოფა), „მთვარის ხეობა“ შეიცავს ყველაზე ღრმა აზრებს, ბრწყინვალე, საუკეთესო სტრიქონებს, რაც კი ჭეკ ლონდონის ჭკუასა და გონებას შეუქმნია. არაჩვეულებრივი დამაჭერებლობითაა მოცემული საუთაოზე მომუშავე ქალის საქსონისა და დამტარებელ ბილის სახეები; ამერიკულირლანდიური ფოლკლორის ნამდვილი ნიმუშია „კალატოზთა კლუბების“ სეირნობის დროს ატეხილი ჩხუბის აღწერები ვიზელპარკში, სადაც ჭეკი ბავშვობისას, კვირა საღამოობით, რესტორნებში იატაკს ჰგვიდა ხოლმე; რკინიგზელთა გაფიცვის დროს დატრიალებული დრამის აღწერა მეოთხედი საუკუნის გასვლის შემდეგაც სავაფიცო მოძრაობისადმი მიძღვნილი ნაწარმოების საუკეთესო ნიმუშად რჩება.

ზოგჯერ დიდი გაჭირვებით უხდებოდა ჟურნალისათვის შესათვარი. სიუჟეტის შერჩევა. მაინცდამაინც ასეთ დაძაბულ მომენტში მოვიდა წერილი სინკლერ ლუისისაგან, სწორედ იმ წითური ახმახისაგან, რომელიც ოდესღაც ინტერვიუს ითხოვდა „იელის ახალი ამბებისათვის“, ახლა კი ცდილობდა მწერალი გამხდარიყო. ლუისი რამდენიმე სიუჟეტის მონახაზს სთავაზობდა... თითოეულს შეიძინახევარ დოლარად. იქნებ გამოგადგეთ! ჭეკმა ისინი გადასინჯა, შეარჩია „საშინელების ბაღი“ და კიდევ ერთი სიუჟეტი და ლუისს თხუთმეტი დოლარის ჩეკი გადაუგზავნა. ელვის სისწრაფით მოვიდა პასუხი: ლუისი მადლობას უთვლიდა და თანაც ატყობინებდა, რომ ამ მომენტში ზემოაღნიშნული თხუთმეტი დოლარი შეადგენდა პალტოდ წოდებულ დეტალს, რომლის დანიშნულებაა თავისი მფლობელი. დაიფაროს ნიუ-იორკის ცივი ქარებისაგან.

შემდგომში, ყრუთა სწავლების ხელშემწყობი ამერიკული ასოციაციის ორგანოში, „ვოლტა რევიუში“ მუშაობისას, ლუისმა გამოგზავნა სიუჟეტური მონახაზების ახალი პარტია—სულ ოცდაერ-

თი, რომელიც, როგორც თვითონ აღნიშნავდა, „შედგენილია ნამდვილად საქმიან ზედნადებ საქონელზე, რომელიც გეგზავნებათ ქვენიორე ხელისმომწერის მეშვეობით ამა და ამ დღეს ფასების აღნიშვნით თითოეულზე“. ხელს აწერდა: „სინკლერ ლუისი, ანუ პელი, იგივე წითური“. თანდართულ წერილში იგი იმედს გამოთქვამდა, რომ ჭეკი ფართოდ გამოიყენებდა ამ სიუჟეტებს და ეს, ბოლოს და ბოლოს, შესაძლებლობას მისცემს ლუისს, მოიშოროს კაბალა და დაუბრუნდეს თავისუფალ შემოქმედებას. თუ მას რაღაც მაინც გამოუვიდა, ამტკიცებდა ლუისი, ეს მხოლოდ ძილის წყალობითაა, ხოლო ძილი იმდენად იაფი გასართობია და, ამავე დროს, ჰკუთის სასწავლებელი, რომ არღირს მისი ტყუილუბრალოდ განიყვება. ჭეკმა მისგან იყიდა იდეა სახელწოდებით „ილუზიათა სახელი“ ზედნადებში აღნიშნული შეფასებით—ორნახევარ დოლარად; შეიძინა „მრუში მამა“, „ჯონ ავერის დანაშაული“, „ახანა-განმარტებები“, „რეკომენდაციები“, „შიშისა და საყვედურის გარეშე“, „ქალი, რომელმაც სული მამაკაცს ჩააბარა“ — ხუთ-ხუთ დოლარად; „მოკრივე ფრაკში“, „ჯანსაღი აზრის საპყრობილე“ — შეიდნახევარ-შეიდნახევარ დოლარად, „ბატონი ცინცინატუსი“ — ათ დოლარად და ლუისს ორმოცდათორმეტი დოლარი და ორმოცდაათი ცენტის ჩეკი გაუგზავნა. როგორ დახარჯა ლუისმა ეს ფული, ცნობილი არაა, მაგრამ მან სიამაყით აცნობა ჭეკს, რომ მისი „წითელი რუკა“ — სოციალისტის პარტიული ბილეთი — ახლა სრულ წესრიგში იმყოფება. ლუისის იდეები საფუძვლად დაედო მოთხრობას „როცა მთელი სამყარო ახალგაზრდა იყო“, რომელიც დაიბეჭდა „პოსტში“ და „მძინვარე მხეცი“, რომელიც ნაწილ-ნაწილად დაიბეჭდა ჟურნალ „პოპულარულში“. როცა მან ლუისს მისწერა, რომ ცხოვრებაში პირველად გრძნობს ზიზღს მუშაობისადმი და არ იცის, რა უყოს ლუისისეულ „მკვლევლობათა ბიუროს“, სინკლერ ლუისში გაიღვიძა პროფესიონალურმა სიამაყემ და სრულიად უსასყიდლოდ გამოუგზავნა ჭეკს კონსპექტი, საიდანაც ცხადი ხდებოდა, თუ როგორ უნდა გადაკეთებულყოფა ფაბულა.

ჭეკის ნატურის სიმდიდრე და კეთილშობილება განსაკუთრებით გლინდებოდა დამწყები მწერლების მიმართ, რომლებიც ყოველი მხრიდან შემოჭროდნენ და ისე დიდი რაოდენობით უგზავნიდნენ

ხელნაწერებს, რომ თვალი უბნელდებოდა, თითქოს მოზღვავებულ კალიას მზე დაუჩრდილავსო. დღე ისე არ გავიდოდა, რომ რომელიმე იმედის მომცემ ავტორს მისთვის მანუსკრიპტი არ გამოეგზავნა თხოვნით—თავისი აზრი გამოეთქვა, შეესწორებინა, დახმარებოდა გამოქვეყნებაში. ამ მანუსკრიპტებს, დაწყებული ერთგვერდიანი ლექსებიდან და დამთავრებული რვაასგვერდიანი რომანითა და ტრაქტატებით, იგი უდიდესი ყურადღებით კითხულობდა და შემდეგ ავტორს უგზავნიდა ვრცელ კრიტიკულ განხილვას, რომელიც თავისთავად წლების მანძილზე შემუშავებული ლიტერატურული ტექნიკის განსახიერებას წარმოადგენდა. ამ უცნობ ადამიანებს იგი აძლევდა ყველაფერ საუკეთესოს, რაც კი გააჩნდა, დროისა და ენერჯიის დაუზოგველად. თუ ნაწარმოებს ღირსად მიიჩნევდა, ცდილობდა ჟურნალში დაებეჭდა, ანდა რომელიმე გამომცემლობისათვის მიეყიდა; თუ სუსტად ჩათვლიდა, ავტორს პირდაპირ ეუბნებოდა თავის აზრს. გულწრფელი კრიტიკისათვის იგი ხშირად მძაფრი ბრალდებების მსხვერპლი ხდებოდა, მაგრამ მიუხედავად იმისა, რომ დაბეჭითებით იცოდა, პასუხის გაცემის შემთხვევაში მისთვის ლანძღვის უკიდურესს სიტყვებსაც არ დაიშურებდნენ, იგი ავტორს მაინც უთითებდა, რაში მდგომარეობდა ნაკლი და როგორ შეიძლებოდა მისი გამოსწორება. ერთმა ავტორმა, რომელმაც დაწუნებულ ხელნაწერთან ერთად მკაცრი შეფასებაც მიიღო, განსაკუთრებულად უკიდურესი ლანძღვით მიმართა მას. ჭეკმა მხოლოდ სამი საათი დაიტოვა ძილისათვის, რომელიც მის დაღლილ ტვინს მეტად ესაჭიროებოდა, და თითქმის მთელი ღამე მოანდომა ბრწყინვალე და მოთმინებით აღსავსე შვიდგვერდიან წერილს (ესე იგი, ერთი მოთბრობის სიდიდისას, რომელშიც მას ხუთას დოლარს მისცემდნენ). იგი ყოველმხრივ არიგებდა ადრესატს — ესწავლა კრიტიკის ისე მიღება, რომ იგი შემდგომ გამოეყენებინა თავის მუშაობაში.

გაჯავრება შეეძლო მხოლოდ ერთი კატეგორიის მწერლებზე— იმათზე, რომელთაც უნდოდათ ჭეკს მათთვის წარმატების ყველაზე იოლი გზა ეჩვენებინა. ასეთებს ჭეკი ეუბნებოდა: „ადამიანი, რომელიც ოცნებობს ოსტატობის დაუფლებაზე და იმავე დროს მიაჩნია, რომ მისი ტალანტი ვიღაც სხვამ უნდა დახვეწოს, განწირული ადამიანია: მხოლოდ რაღაც საშუალო—აი, მისი ხვედრი. თუ

შენ გსურს ღირსეულად შეასრულო ამოცანა, თვითონ უნდა იღვეოდე დახელოვნებისათვის. გაბედულად შეუდექი საქმეს! შუბლით შეამტკრიე კარები! მტკიცედ მიჰყევი დინებას, არ დანებდე! ნუ წუწუნებ. ნურც მე და ნურც სხვას ნუ შეეკითხები, ზოგორ მოგვწონს ის, რაც შენ გააკეთე; ნუ იტყვი, რომ შენი ნაწარმოები სხვისაზე უარესი არაა. აკეთე ისინი ასევე უკეთესად და მაშინ შენ აღარც დრო გექნება და არც ხალისი შეადარო ისინი სხვის სამუშაო დონის ნაწარმოებს“.

ჯეკის ქალღმერთებს შორის ინახება იმ დროის თითქმის ყველა გამოჩენილი მწერლის წერილები. სადაც ისინი უზიარებენ თავიანთ გასაკვირს, არასასიამოვნო ამბებს, შიშს. თვითონაც უზიარებდა მათ თანაგრძნობას, სიყვარულს, ამხნევებდა კიდეც, უნერგავდა სიმტკიცეს, რწმენას თავისი თავისადმი, ლიტერატურისა და სიმყაროსადმი, რომლის ჩაწვდომასაც ცდილობდნენ. როცა გამომცემლობაში, საზოგადოებრივი თვალსაზრისით, ღირსშესანიშნავი წიგნი გამოჩნდებოდა ხოლმე, ერთ ეგზემპლარს მას უგზავნიდნენ; ჯეკიც კეთილსინდისიერად კითხულობდა მას და აგზავნიდა დადებითი შეფასების დეპეშას, რაც საჭირო იყო წიგნისთვის გზის გასაკაფად.

საქმიან ურთიერთობაში ჯეკი არა ნაკლებ პატიოსანი და დიდსულოვანი იყო რედაქტორებისა და გამომცემლების მიმართ. მას ყოველთვის უყვარდა „ფართო გაქანების თამაშის წამოწყება“ და მუდამ საწყენად რჩებოდა, როცა მეორე მხარე, ბიზნესის ხალხი, თამაშში „წვრილმანდებოდა“. ჯეკი რბილი, დამყოლი და ზრდილობიანი მანამდე იყო, ვიდრე არ მიხვდებოდა, რომ მას ატყუებენ, ან მის სამუშაოს აფუჭებენ; მაშინ კი გააფთრებული დათვის მძვინვარებით თავს ესხმოდა მას, ვინც აწყენინებდა.

1910 წლიდან მოყოლებული, როცა გამოქვეყნდა რომანი „დრო-არ-იცდის“, ჯეკმა მაკმილანს გაუგზავნა პიესა „ქურდობა“, ნარკვევების კრებული სამხრეთის ზღვების შესახებ სახელწოდებით „მოგზაურობა „სნარკზე“ და მოკლე მოთხრობების ოთხი ტომი. არც ერთ ამ ნაწარმოებს არ ჰქონია დიდი წარმატება. ბრეტმაც აცნობა, რომ მოკლე მოთხრობები არ საღდებოდა: „ბაზარი გაავსო ათობით იაფფასიანმა ჟურნალმა, რომლებშიც მოთავსებულია სავსებით ასე-

ტანი მიბაძეები იმ მოთხრობებისა, რომლებითაც ჭეკმა სახელი გაითქვა. ბრეტს უკვე აღარ შეეძლო ეგზავნა მისთვის ავანსი, რომელიც უმეტეს შემთხვევაში ხუთი ათასსა და უფრო მეტსაც შეადგენდა. ამრიგად, 1912 წელს, ათი წლის განმავლობაში წარმატებით თანამშრომლობის შემდეგ, ჭეკი დაშორდა ბრეტსა და მაკმილანის კომპანიას და კონტრაქტი დადო „საუკუნესთან“ („სენჩური კომპანისთან“). ახალმა გამომცემლობამ გამოუშვა სერია „სმოკ ბელიუ“, კრებული „ღამეში დაბადებული“ და მოთხრობა „მძინვარე მხეცი“, მაგრამ უარი თქვა სამი თვის განმავლობაში — „ჯონ ჭერის მარცვალზე“ მუშაობის პერიოდში — თვეში ათასი დოლარით დაფინანსებაზე. სამი წლის მანძილზე „ჯონ ჭერის მარცვალი“ პირველი ნაწარმოები იყო, რომელიც ავტორს ბრწყინვალე წარმატებას უქადდა, და ჭეკი, რომელსაც მაინც და მაინც არ მოსწონდა ურთიერთობა „საუკუნესთან“, და რომელმაც თავის გამომცემლებს ცეცხლის მფრქვეველი დეპეშების მთელი ჯერი მიაყენა, ცდილობდა კონტრაქტისაგან განთავისუფლებულიყო და ისევ მაკმილანს დაბრუნებოდა.

„ყველა გამომცემელი იმ აზრისაა, რომ თქვენ შეგიძლიათ „ჭერის მარცვალი“ სხვა კომპანიას გადასცეთ. ერთადერთი, რასაც თქვენთვის ხელის შეშლა შეუძლია, — ესაა დიდი მოგების მიღების სურვილი. თქვენ მზადა ხართ ერთ მუქა ვერცხლში გაპყილოთ თქვენი კომპანიის კარგი სახელიცა და საკუთარი თავიც. მაშ ასე, კეთილი ინებეთ და დაიმახსოვრეთ, რომ მე წამგლეჯი არა ვარ და „ჭერის მარცვლის“ მილიონობით მკითხველი უახლოეს დღეებში თქვენს შესახებაც წაიკითხავს რაღაც-რაღაცეებს. გავარდება მეხი და მაშინ არა ერთი და ორი დღე მოგიხდებათ პატიების თხოვნა და მუხლის მოყრა მთელი ქვეყნის წინაშე; ხოლო როცა თქვენ უკვე მტვრად იქცევით, ამ ქუხილის გამოძახილი მიაღწევს იმათ ყურამდე, რომელნიც ჭერ კიდევ არ დაბადებულან და თქვენ კუბოში გადატრიალდებით. აბა, ჰე! მითხარით, გსურთ ანგარებიანი ადამიანის სახელი დაგრაჩეთ?.. მე ისეთი არაადამიანური სიძნელეები გადამიტანია ზურგით, როგორც თქვენ, ძვირფასო მეგობრებო, არც დაგსიზმრებიათ; ისეთი მოთმინება გამოვიმუშავე, როგორზედაც თქვენ

წარმოდგენაც არა გაქვთ. პირად კეთილდღეობას, ფინანსურ გამორჩენას მე ისეთი უღარდელი ზიზლით ვეკიდები, რომელსაც, ვეკვობ, ჩაწედეს თქვენი უბადრუკი გონება. სამაგიეროდ, საკმარისია საარქეში ჩემს თავს შევხედო, რომ ყოველთვის კმაყოფილი დავრჩე იმით, რასაც იქ ვნახავ — არა იმას, რასაც თქვენ, კეთილნობატონებო; თვალს შევაველებ წიგნის თაროებს, იქ ჩემი წიგნები ჩამწკრივებულა — ის ოცდაათობმეტი, რომლებიც უკვე დაბეჭდილია. მთელ ამ რიგზე მხოლოდ ერთი უშნო წიგნია: თქვენ მიერ ახლახან გამოცემული „მძვინვარე მხეცი“. ძველი ამბავია: ორი ოთხზე ზომის გამომცემელი მზადაა გამოსცეს ავტორის შრომა სიდიდით რვა ათზე. წინანდებურად პასუხს ველი 1913 წლის 10 მაისის გრძელ დეპეშაზე. ამ დღეების განმავლობაში თქვენ შესაძლებლობა გქონდათ ოჯახურ წრეში დამტკბარიყავით საკვირაო სადილით, მოგენახულებინათ ცოლი და ბავშვები, გამოგეჩინათ გულკეთილობა და ადამიანის სახეც კი მიგელოთ. მაშ გადაწყვიტეთ, დაგლახვროთ ეშმაკმა! ჩემდამიც გამოიჩინეთ გულკეთილობა და ადამიანობა, დამანებეთ თავი! თქვენ ხომ იცით, რომ ახალ გამომცემელს ვერაფერს მივაწვდი „ქერის მარცვლის“ გარდა, ესაა მთელი ჩემი აქტივი. უარი თქვით რამდენიმე დოლარის მოგებაზე და შესაძლებლობა მომეცით, ისე წავიდე, რომ უკანასკნელი ტყავი არ გამაძროთ“. „საუკუნემ“ არ უპასუხა. კიდევ ერთი უკანასკნელი სასოწარკვეთილი დეპეშა: „გულისწყრომა — ეს შემიძლია გავიგო, მაგრამ გაბუტვა, ბრიყვი სახედრის მსგავსი ჩიუტობა — ეს ისეთი პრიმიტიულობაა, რომ ვერ გამიგია, ადამიანებს, რომელთაც თავი თანამედროვედ და სავსებით ცივილიზებულად მოაქვთ, როგორ შეუძლიათ ამგვარად მოიქცნენ“.

საქმე იმით დამთავრდა, რომ „საუკუნემ“ მინც არ ისურვა უარის თქმა „ქერის მარცვალზე“. „ცხოვრებაში მეტად ხშირად ვყოფილვარ ხოლმე ბეჭებზე გაკრული, რათა წყენა ან მტრობა დაშემალა მხოლოდ იმიტომ, რომ ნცემეს“, — მისწერა ჯეკმა გამომცემლებს, რომლებთანაც მხოლოდ სინდისით თანამშრომლობდა. მიუხედავად ამისა, „ჯონ ქერის მარცვლის“ გამოქვეყნების შემდეგ, იგი ისევ მაკმილანს დაუბრუნდა და ამიერიდან აღარ უცდია რისკის გაწევა და მისი ღალატი. იგი ბრეტს გამოუტყდა, რომ თვი-

თონაც არ იდგა თავის სიმაღლეზე, როცა „საუკუნესთან“ კონტრაქტის გაუქმებას ცდილობდა.

1913 წლის ზაფხულში იგი ჩარმიანთან ერთად კარმელში გაემგზავრა სტერლინგებთან და მათთან რამდენიმე ბედნიერი კვირა გაატარა. ცურაობდნენ მოქცევის ტალღებში, მზის აბაზანებს იღებდნენ ქვიშაზე წამოწოლილნი, აგროვებდნენ მოლუსკ-აბელონებს, კოცონზე სწვავდნენ მათ და პირს იტკბარუნებდნენ, თანაც ახალ-ახალ ოთხტაეპიან ლექსებს. ამატებდნენ სახუმარო პოემას აბელონების შესახებ. რა სასაცილოდაც არ უნდა მოგეჩვენოთ, სხვებზე უკეთ დამახსოვრდათ სტერლინგის ლექსი:

ვისაც გსურთ ვახშმად შემწვარი მწყერი, —
ღე, მოგიმართოთ უფალმა ხელი;
მე კი ღმერთსა ვთხოვ, რომ მქონდეს ფული,
და ვახშმად თუგინდ—გამხმარი პური.

შინ, „სილამაზის რანჩოში“, დილის სიგრილეში ჭეკი განაგრძობდა მუშაობას რიგ ჩაფიქრებულ დიდ რომანებზე. ასე დაიწერა „ამბოხება „ელსინორაზე“, რომელიც „ზღვის ყაჩაღების“ სახელწოდებით ნაწილ-ნაწილ დაიბეჭდა ჟურნალ „კოსმოპოლიტში“. ნაწარმოების ის ნაწილი, სადაც სიუჟეტის ხაზი იშლება, განსაკუთრებით, რაც ზღვას ეხება, ჩინებულადაა ვაკეთებული: ტყუილად კი არ ეძახდნენ ჭეკს ამერიკელ კონრადს; მეორე ნაწილი, სადაც მთავარი გმირი კი არ მოქმედებს, არამედ მსჯელობს, სუსტია და თხზულებას ისე ამახინჯებს, რომ „ამბოხებას „ელსინორაზე“ სწრაფი და დამსახურებული სიკვდილი ეწვია.

დღის მეორე ნახევარში ჭეკი ცხენით შემოივლიდა ხოლმე, ნოყიერ ჭალებს, სადაც, მზის მცხუნვარე სხივების ქვეშ, ნაყოფი მწიფდებოდა და ბოიზ სპრინგზის აუზში მეგობრებთან ბანაობით ამთავრებდა დღეს. უკან დაბრუნებისას ყველა ბარში შეივლიდა თითო სირჩის გადასაკრავად. ახალი ანექდოტის მოსასმენად და გასამხიარულებლად. უკვე ბინდდებოდა ხოლმე, როცა იგი „მგლის სახლს“ უახლოვდებოდა ფორნისა და მუშებთან გამოსალაპარაკებლად. სახლი თითქმის მზად იყო და 1913 წლის აგვისტოსათვის ჭეკს მის მშენებლობაზე უკვე ოთხმოცი ათასი დოლარი ჰქონდა დახარჯული. გა-

ზეთები მას შეუბრალებლად აკრიტიკებდნენ—სოციალისტურ პრინციპებს გადაუხვია და თავისთვის ციხე-დარბაზს იშენებსო; გაჯავრებულ სოციალისტებს მიაჩნდათ, რომ ჯეკმა მათ უღალატა. პაილი ამბობს, რომ როცა ჯეკს საყვედურობდნენ მისი სახლის ბრწყინვალეების გამო, იგი იბნეოდაო. რეპორტიორებს კი ერთსა და იგივეს უმტკიცებდა: რაოდენ დიდიც არ უნდა იყოს „მგლის სახლი“, ჯეკი კაპიტალისტი არაა; იგი მან თავისი ხელფასით ააგო. როცა „მგლის სახლს“ ყველანი ციხე-დარბაზს უწოდებდნენ, იგი უარყოფდა და ამბობდა, რომ მეფური სექციები და წითელი ქვა მისი საკუთრებაა, ხოლო თუ სახლი იუსტინიანეს ან ცეზარის სასახლეს ჰგავს, ეს ბედნიერი შემთხვევეთობაა, რაშიც მას ერთი დოლარიც არ დაუხარჯავს. როცა ჰარისონ ფიშერმა განაცხადა, ეს უღამაზესი სახლიაო ამერიკაში, ჯეკი უკვე საბოლოოდ დარწმუნდა, რომ „მგლის სახლზე“ დახარჯულმა ფულმა და ძალ-ღონემ თავისი ანაზღაურა.

ბოლოს, როგორც იქნა, დადგა 18 აგვისტო—სახლის დაღაგების დღე. ელექტრიკოსებმა დაასრულეს გაყვანილობა, ღურგლებმა და წყალსადენის ოსტატებმაც დაამთავრეს სამუშაო. ფორნის მუშები ოთახიდან ოთახში დადიოდნენ და სკიპიდრით გაქლენთილ ჩვრებს აგროვებდნენ, რომლითაც ისინი შენობის ხის ნაწილებს წმენდნენ. მეორე დილით ჯეკსა და ჩარმიანს მუშათა ბრიგადა დაეხმარებოდა ახალ სახლში გადასვლაში. იმ საღამოს ფორნი თერთმეტ საათამდე მუშაობდა ძველ სახლში ჯეკთან ერთად და შემდეგ „მგლის სახლის“ ჩავლით თავისი სახლისკენ წაწანწალდა. ღამის ორი ჰაათი იქნებოდა, როცა იგი მეზობელი ფერმერის ყვირილმა გააღვიძა:

— ფორნი, იწვის! „მგლის სახლი“ იწვის!

როცა ფორნიმ ხეობას მოაღწია, მთელი სახლი უკვე ცეცხლის ალში იყო გახვეული.

რამდენიმე წუთის შემდეგ აქოშინებულმა, თმააშლილმა ჯეკმაც მოიბრინა. იმ ბორცვზე, სადაც მდებარეობდა ხოლმე და იტალიელ მუშებთან ერთად ლეინოს სვამდა, იგი გაქვავდა. მის თვალწინ ღრიალით ბობოქრობდა ჯოჯოხეთური ცეცხლი. ერთდროულად იწვოდა სახლის ყველა ნაწილი; აგვისტოს შუა რიცხვები იყო, წყალი არსად მოიძეოდა. ჯეკს მეტი აღარათფერი დარჩენოდა, გარდა იმისა,

რომ აცრემლებული სახით მდგარიყო და ეცქირა, როგორ ინგრეოდა მისი ცხოვრების კიდევ ერთი საწუკვარი ოცნება.

იწვოდა ხის ყველა კონსტრუქცია, რაფებსაც კი რაღაც უცნაური მოლურჯო ალი მოსდებოდა. სახლის ირგვლივ, რკალისებურად, დარგული იყო სექვოიები, ხოლო მათ მიღმა, ჭეკის საძინებელი ოთახის მოსაპირკეთებლად, შტაბელებად იყო დაწყობილი სექვოიის ფიცრები. სახლის ირგვლივ მდგარ სექვოიებს ცეცხლი არ წაჰკიდებია, ფიცრები კი, რომლებიც მათ უკან ეწყო, იწვოდა. ცეცხლის გაჩენაში ბევრზე იყვნენ დაეკეებულნი. ანონიმურ წერილებში, რომლებიც ჭეკის სახელზე მოდიოდა, ასახელებდნენ შეპარდსაც, რომელსაც ელიზა ეყრებოდა,—იგი სწორედ იმ დღეს წაუჩხუბა ჭეკს. „მგლის სახლის“ ახლოს ვილაცას ენახა მუშა, რომელიც ჭეკმა რანჩოდან გააგდო იმიტომ, რომ ცოლს სცემა; ზოგიერთები ფიქრობდნენ, რომ ცეცხლი მან გააჩინა. ასახელებდნენ ათისთავს—ფიცხსა და არასასიამოვნო კაცს. ვინ იცის, ვისღა არ სდებდნენ ბრალს: ფორნისაც, შურიან სოციალისტებსაც და რითიმე განაწყენებულ მაწანწალებსაც. ფორნის აზრით, ხანძარი თვითაალების შედეგად გაჩნდა—შეიძლება ალი გაუჩნდა სკიპიდრით გაელენთილ ჩვრებს, რომლებითაც ხის ნაწილებს სწმენდნენ. შესაძლოა, მაგრამ, მაშინ გაუგებარია, რატომ ერთბაშად წაეკიდა ცეცხლი მთელ სახლს. ხანძარი რომ ერთ რომელიმე ოთახში გაჩენილიყო, ქვის კედლები ხელს შეუშლიდა მის გავრცელებას. შეიძლებოდა ყველა ოთახს ცეცხლი ელექტროგაყვანილობის უვარგისობით მოსდებოდა, თუკი დენი იქნებოდა ჩართული... მაგრამ, სახლის ირგვლივ, სექვოიების რკალს იქით, შტაბელებთან ხომ მავთულები არ გადიოდა.


ჭეკი დარწმუნებული იყო, რომ სახლს ვილაცამ გაუჩინა ცეცხლი—თუ ადამიანმა არა, მაშინ ბედისწერამ, რომელსაც არ სურდა, ჭეკი თავისი შრომის ნაყოფით დამტკბარიყო; ბედისწერამ, რომელიც თვლიდა, რომ სოციალისტს არ შეეშენის სასახლეში ცხოვრება. ამ გრძელი და მწარე ღამის განმავლობაში ჭეკმა მხოლოდ ორჯერ ამოიდგა ენა. როცა ხანძარი მთლად მოედო. სახლს, მან ჩაიჩურჩულა:

— მე მერჩია ვყოფილიყავი ის, ვისაც სახლი დაუწვეს, ვიდრე ის, ვინც დაწვა.

განთიადისას, როცა სახლისაგან მხოლოდ ქვის გარეთა კარკასი დარჩა, და რომელიც ისე მტკიცედ იყო ნაგები, რომ საუკუნეებს გაუძლებდა, მან მშვიდად წარმოთქვა:

— ფორნი, ხვალ ხელახლა დავიწყებ შენებას.

„მგლის სახლი“ ხელახლა მან ველარ ააშენა. იმ ღამით მის გულში რაღაც ჩაიფერფლა და სამუდამოდ დაიღუპა.



I

ოთხი დღე იწვა ჯეკი ლოგინში დახურულ ვერანდაზე, რომელიც ტროპიკულ ბაღს გადაჰყურებდა. მას ერთბაშად მოერია ყველა ავადმყოფობა, რაც ოდესმე გადაეტანა „გზისა“ და კლონდაიკის დღეებიდან დაწყებული და დამთავრებული კორეითა და სოლომონის კუნძულებით. იმის გაფიქრებაზე, რომ ხანძრის გაჩენაში ბრალი მიუძღოდა ერთ-ერთ იმათგანს, რომელიც მან შეიკედლა და შეიტკბო. ჯეკი ზიზლის მწვავე გრძნობას განიცდიდა. მას მხოლოდ „მგლის სახლის“ გამაჩანაგებელმა განადგურებამ კი არ დასცა თავზარი; იგი გულდამძიმებული იყო იმით, რომ ჰკარგავდა ადამიანებისადმი სიყვარულსა და ნდობას, და ეს აწუხებდა გამუდმებით. უეცრად მისთვის ბევრი რამ გახდა ნათელი, რასაც წინათ ვერც ამჩნევდა ან ამჩნევდა, მაგრამ ყურადღებას არ აქცევდა. „მგლის სახლის“ ხანძარი მას სიმბოლურად ეჩვენებოდა: სწორედ ასევე დაიღუპება ყველაფერი ის, რის გაკეთებასაც იგი ცდილობდა სოციალიზმისა და ლიტერატურისათვის. ამ დღეებში ის შესამჩნევად დაბერდა.

როგორც კი წამოდგა ლოგინიდან, პირველ ყოვლისა, „მგლის

სახლისკენ“ გაემგზავრა უოშო ბანათი მინდვრის ბილიკის გავლით და დიდხანს, დაკვირვებით ნაღვლიანად შესცქეროდა წითელი ქვისაგან ნაგებ დიდებულ ჩონჩხს, რომელსაც სონომის ლურჯი ციხაყენ აეზიდა თავისი გაშიშვლებული კოშკები. ამიერიდან ხანძრის ნარჩენებს „ნანგრევები“ ეწოდა. ჯეკს შეეძლო თავი გაკოტრებულად გამოეცხადებინა, მაგრამ ამის ნაცვლად მან მოიჯარადრეებს სრულად გაუსწორა ანგარიში: წმინდა ზარალმა სამოცდაათი ათასი დოლარი შეადგინა. სმოკ ბელიუს მოთხრობებზე დახარჯული დრო და ენერჯიაც წყალში გადაყრილი აღმოჩნდა. ყოველივე ეს მას კვლავ და კვლავ აფიქრებინებდა, სადღაც იქ, ფერფლის ქვეშ, ხომ არ იმალება მორალი, რომელიც მან უნდა შეითვისოს? ცნობილია, რომ ამ დროს მისი ვალი ასი ათას დოლარს აღწევდა, მაგრამ ეს უზარმაზარი თანხა როდი უმძიმებდა გულს, არა, ტვინს უხვრეტდა იმაზე ფიქრი, თუ რამდენი ათასი სიტყვის დაწერა მოუწევს, ვიდრე ამ თანხას აანაზღაურებს.

ჯეკმა კვლავ განუმეორა ფორნისა და ელიზას, რომ „მგლის სახლს“ ხელახლა ააშენებს; ფორნის უბრძანა ნანგრევები ნაგვისაგან გაეწმინდა, ხოლო ელიზას — განკარგულება გაეცა სექვიოის ახალი პარტია მოექრათ გასაშრობად. მაგრამ დარწმუნებული იყო, რომ ყველაფერი ამაოა... სახლს ისევ გადაუწვავდნენ, ეს იქნება და ეს, როცა „კოსმოპოლიტმა“, ზარალით გამოწვეული თანაგრძნობის ნიშნად, ყოველთვიური ორი ათასის ჩეკი ვადაზე აღრე გამოუგზავნა, ჯეკმა ნივთებით გადატვირთულ თავის კაბინეტს მინაშენი გაუკეთა შტოებგაშლილი მუხის ჩრდილქვეშ და იქ გადაიტანა საწერი ნივთები, სახურავიანი მაგიდა-ბიურო გორგოლაქებზე, ქაღალდებითა და წერილებით გატენილი მავთულის კალათები, ფოლადის რეგისტრატორები შეგროვილი მასალებით და მუყაოს კოლოფ-კარტოთეკები ასობით მოთხრობისათვის განკუთვნილი შენიშვნებით.

იგი ჩვეულებრივ კალაპოტში ჩადგა; ყველაფერი ისე იყო, როგორც ძველად, და მაინც ყველაფერი სხვანაირად ეჩვენებოდა. რანჩოს შემოვლისას ამჩნევდა, რომ მუშები სამუშაოს თავს არიდებენ, ცდილობენ რაც შეიძლება მეტი წაგლიჯონ, გაკეთებით კი ნაკლები გააკეთონ. თანდათანობით, აქა-იქ გამოკითხვის შედეგად, იგი მიხვდა, რომ მუშებს რანჩო მდიდრის ახირებად მიაჩ-

ნდათ და მას სერიოზულ საქმედ არ თვლიდნენ ისევე, როგორც თავის დროზე ნავსადგურის მუშები—„სნარკს“. ეს მარტო მუშებს როდი ეხებოდა. ერთხელ, როცა ჯეკი სამკედლოსთან ჩამოხტა უოშო ბანადან და ახლადდაქედელი ცხენი დაათვალიერა, შეამჩნია, რომ მკედელს ნალის ზორგების მიზნით, ჩლიქი ერთნახევარ სანტიმეტრზე მოეხერხა. გადაათვალიერა წარმოდგენილი ანგარიშები და როცა ისინი მეტისმეტად გაბერილად მოეჩვენა, ქალაქში გაემგზავრა, რათა მდელქნეებთან გაერკვია, რაში იყო საქმე. მას უთხრეს, რომ ათისთავი ქრთამს ითხოვდა ოცი პროცენტის ოდენობით თითოეული დოლარიდან და ისინიც იძულებული გახდნენ ეს თანხა ანგარიშებისათვის მიემატებინათ.

1900 წელს ჯეკი ანა სტრუნსკაიას სწერდა: „მართალია, ვეიცხავ; მეგობართა ნაკლს, მაგრამ ეს განა იმას ნიშნავს, რომ ისინი არ უნდა მიყვარდეს?“ სიყვარული, მოთმინება და სულგრძელობა—აი, ის სამი წყარო, რომელიც მის ბუნებას ასაზრდოებდა. მაგრამ, ვაი, რომ ახლა ეს წყაროები სულ უფრო ხშირად იშუქრებოდნენ დაშრობით! ერთხელ, როგორღაც, მან ოკლენდში მცხოვრებ ერთ თავის მეგობარს, ერნსტს, სთხოვა—რამდენიმე საჯაგავი ცხენი ეყიდა მისთვის. მომსახურებისათვის ერნსტმა საკომისიო აიღო და, ამას გარდა, ანგარიშში ჩაუერთო თავისი ხარჯებიც, შემდეგ კი რანჩოში გაუგზავნა დაწესებულზე ნაკლები წონის ორი ცხენი და დამატებით კიდევ ორი დაავადებული ჯაგლაგიც. როცა ჯეკმა მისწერა, რომ ასეთი ცხენები მას არ გამოადგებოდა, ერნსტმა გაჯაგრებულნი, ნაწყენი წერილით უბასუხა.

„შენ დადიხარ და წუწუნებ, რომ შეუტრაცხოფთა მოგაყენეს; მაგრამ ახლა მე მკითხე რა ღღეში ვარ?—წერდა მას ჯეკი.—წარმოიდგინეთ, თურმე სულ გავთავხედდი: გავბედე მეთქვა, რომ წყვილი მუშა ცხენი იწონის არა ათასხუთას გირვანქას, როგორც შენ ამბობდი, არამედ ათას სამას ორმოცდაათს, ხოლო მეორე წყვილი—ეს ძველი მძორი—მხოლოდ წიწილების საკვებად თუ გამოდგება. მორჩა! შენ უკვე აფეთქდი, რაც შეგიძლია გაპყვირი, რომ ყალბაბანდი გიწოდეს. არავინ იცის, რაში გადაპყარე ჩემი ფული, ახლა კი მეუბნები: „წადი, იშოვე!“ თურმე გაწყენინეს—წარმოგიდგენიათ! მაგრამ თუ დაფიქრდი, რამდენ დოლარში მომატყუე? რაღა

შემრჩა ხელში? ყველაფერი, რაც ცხენების შესაძენად შემეძლო გამომეყო, უკვე აღარა მაქვს, ხოლო რანჩოს დასამუშავებლად ცხენები არ მყოფნის“.

ჩერ კიდევ 1904 წელს, გაიგო თუ არა, რომ მისი მეგობარი, გაზეთის მუშაკი ნოული უმუშევარია, ჩეკმა მას გადასცა უფლება სცენისა ან ეკრანისათვის გადაეკეთებინა „ზღვის მგელი“. ნოულს ინსცენირებისათვის უნდა მიეღო საავტორო ანარიცხების ორი მესამედი. ამის ნაცვლად მან დრამატიზაციის უფლება ვიღაც სხვას მიჰყიდა, ხოლო ამოგებული თანხა—სამი ათას ხუთასი დოლარი—თვითონ დაიტოვა: ახლა, „ზღვის მგლის“ ეკრანიზაციაზე რომ ხელშეკრულება დაედო ჰობარტ ბოს-უორტთან, ჩეკს ამ უფლების გამოსასყიდლად გამოემკვებლობისაგან უნდა გამოეთხოვა ეს თანხა. ამასობაში ნოული ისევ გამოცხადდა და შეეცადა დაეთანხმებინა ჩეკი, რათა მას ფული დაეხანდებინა „მილეგრად კომპანის“ წამოწყებაში, რომლის დაარსებასაც იგი აპირებდა იმ მიზნით, რომ გაუმჯობესებული ხერხით დამზადებული ლითოგრაფიული ნაწარმისათვის გასაღების ბაზარი შეექმნა. ჩეკმა გადაწყვიტა, არც სიმკაცრე გამოეჩინა და არც ცინიკი გამხდარიყო. განკარგულება გასცა, რომ ბრეტს ათასი დოლარი მიეცა ნოულისათვის. როცა კომპანიას კიდევ დასჭირდა სახსრები, მან ოთხი ათასად დააგირავა ფლორას სახლი. „მე ყოველთვის გულახდილი ვარ და მთლიანად ვენდობი მეგობრებს“,—სწერდა იგი ნოულს. ჩეკის კუთვნილი აქციები არარეალური აღმოჩნდა, კომპანია გაკოტრდა.

ერთხელ ჩარმიანმა სასწრაფოდ სამასი დოლარი მოსთხოვა. ჩეკმა ვალის დაბრუნება სთხოვა ასობით კაცსა და ქალს, რომელთა დავალიანება, ერთად აღებული, ორმოცდაათი ათას დოლარს აღემატებოდა და რომელნიც ფიცსა სდებდნენ, ვალს სრულად, უკანასკნელ ცენტამდე, დაგიბრუნებთო. მან მხოლოდ ორმოცდაათი დოლარი შეაგროვა. თავის სიცოცხლეში პირველად დაეკვდა: ხომ არ დასცინიან მას მეგობრები? იქნებ მათ იგი დიდი ხანია ჩერჩეტ, ქარაფშუტა ირლანდიელად გამოაცხადეს, რომელიც მთვრალი მატროსივით ფანტავს ფულს? დაუსრულებლად ერთიდაიგივე მეორდებოდა: იგი სულ არიგებდა და არიგებდა, სხვები კი სულ ართმევდნენ და ართმევდნენ. აღრე გულგატეხილობა თავისთავად

მოუვლიდა ხოლმე, მაგრამ მალე უქარწყლდებოდა. ახლა ფიქრები სულ უფრო მძიმე და მწარე ხდებოდა.

აი, უკვე რამდენიმე წელია ბესის არწმუნებდა, გოგონები ჩამოეყვანა გლენ-ელენში საზაფხულო არდადეგებზე, რათა მათაც შეჰყვარებოდათ „სილამაზის რანჩო“. ბესიმ მხოლოდ ერთხელ მიიღო მიწვევა და პიკნიკზე ჩამოვიდა ჯოანის, ბესისა და ნაცნობების თანხლებით. ვერც კი მოასწრეს მოლზე საუზმის გაშლა, რომ მათ ცხენით ჩაუქროლა უოკეის წითელ კეპსა და მამაკაცის წითელ პერანგში გამოწყობილმა ჩარშიანმა—მტკრის თხელმა ფენამ დაფარა სანოვაგე. ჭკვი ყველა წმინდანს ფიციულობდა, რომ თუ ბესი ნებას მისცემდა მისთვისაც რანჩოში კოტეჯი აეშენებინა, ჩარშიანს ახლოსაც არ გააკარებდა. ბესიმ უარი უთხრა. ჩარშიანის მიზეზით ქმარი დაჰკარგა და ეშინოდა ახლა ქალიშვილებიც არ დაეკარგა. მან უპასუხა, რომ, მისი აზრით, მეორე მისის ლონდონი, მორალის თვალსაზრისით, შეუფერებელი მაგალითის მაჩვენებელია მოზარდი გოგონებისათვის.

ასევე უშედეგოდ დამთავრდა ჯეკის ცდა, თუნდაც ერთი ტკბილი სიტყვა ან თანაგრძნობის ექსტი დაემსახურებინა ჯოანისაგან, რომელსაც უკვე ცამეტი წელი შეუსრულდა. მას კი იმედი ჰქონდა, ჯოანი საკმაოდ მომწიფებულია იმისათვის, რომ მისი თანამებრძოლი და მეგობარი გახდეს. 24 აგვისტოს, ოთხი დღის შემდეგ, რაც „მგლის სახლი“ დაიწვა, იგი წერილს სწერს თავის ქალიშვილს და ემუდარება, გაიხსენოს, რომ იგი მინი მამაა, რომ იგი აჰმევედა და აჰმევედა მას, მისცა საცხოვრებელი ადგილი და თავშესაფარი, უყვარდა მისი პირველი ამოსუნთქვიდანვე. „შენ კი როგორ მექტევი?—ეკითხება იგი.—ნუთუ მე მართლა ისეთი სულელი ვარ, რომელიც უხვად გასცემს და სამაგიეროდ კი არაფერს იღებს? გიგზავნი წერილებს, დებეშებს, შენგან კი ერთი სიტყვაც არ ჩანს. მაშასადამე, არ გსურს ჩემი შეწყნარება? მე მხოლოდ უფასო სადილის ტალონი ვარ და მეტი არაფერი? გიყვარვარ კია საერთოდ? წარმოვადგენ თუ არა რაიმეს შენთვის? ავადა ვარ—შენ სდუმხარ. სანლი დამელუპა, შენ მაშინაც არ გაიმეტე ჩემთვის ერთი სანუგეშო სიტყვა. არა, სამყარო იმათ როდი ეკუთვნის, ვინც სდუმს. თავისთავად დუმილი სიცრუეა, თუ კი მისი დახმარებით სიყვარულს სიცი-

ლის საგნად აქცევენ, ხოლო მამას — უფასო სადილის ტალონად. ნუთუ არ ფიქრობ, რომ უკვე დროა, შენგან რაიმე გავიგონო? იქნებ ელოდები, რომ სამუდამოდ დამეკარგოს შენგან თუნდაც ერთი სიტყვის მოსმენის სურვილი?“

იყო კიდევ ერთი ყველაზე სასტიკი აღმოჩენა, რომელიც ჭეჭმა თავისი გამოფხიზლების პერიოდში შეამჩნია. მან უღმობელი სიცხადით დაინახა, რომ ჩარმიანი ორმოცდასამი წლის ასაკშიც ბავშვი იყო და თავს ირთობდა რაღაც უმნიშვნელო ბავშვური გასართობებით. მეზობლები იგონებენ, როგორ ჰყვებოდა ჩარმიანი „გაუთავებელ ამბებს, ბავშვურად ჩმახავდა სისულელეებს თავის ძვირფას სამკაულებზე, ანტიკურ მორთულობებზე, ქუდებზე და სხვა წვრილმანებზე. მას სურდა სამუდამოდ შერჩენოდა ქალური სინაზე, მუდამ მომხიბვლელი და მომაჯადოებელი ყოფილიყო“. ჭეჭი იტანჯებოდა, როცა ამჩნევდა, როგორ ცდილობდნენ სტუმრები დაემაღლათ დაბნეულობა, შეცბუნებულნი იყვნენ მისი არაბუნებრივი მანერებით, კეკლუტობითა და მონდომებით — ნორჩი, თვალწარმტაცი ქალიშვილი წარმოესახა, როგორადაც მუდამ მოჰქონდა თავი; რომ ისინი განცვიფრებული იყვნენ ჩარმიანის უცნაური, ძვირფასი სამკაულებით, მკვეთრი წითელი ფერის საკარნავალო კოსტუმებით, მაქმანშემოვლებული ჩაჩებით, როგორსაც ჭეჭი კიდევ მეცხრამეტე საუკუნეში ატარებდნენ. მისი დედინაცვლის ქალიშვილი იხსენებს, რომ ბავშვობაში ჩარმიანს ჩვეულებად ჰქონდა კუთხიდან თავი გამოეყო, სახე დაემანჭა ან ეოხუნჯა და გაქცეულიყო, რათა უკან დასდევნებოდნენ. იგი ახლაც თითქოს კუთხიდან გამოიყურებოდა, ოხუნჯობდა და მოელოდა, რომ გამოედევნებოდნენ. ერთ საღამოს ჭეჭი და ელიზა სასადილოში კანტორკულასთან იხსდნენ და თავს იმტკრევდნენ, როგორ გადაეხადათ ვალები. ამ დროს ოთახში შემოიჭრა ხავერდის ქსოვილის ნაჭერში უცნაურად გახვეული ჩარმიანი და პრანჭვა-გრეხით გაიარა ოთახში: „აბა, შემომხედე, მეგობარო, ხომ საუცხოვო გამოვა? ეს-ესაა... ორი ნაჭერი ვიყიდე“. იგი წავიდა და ოთახში ხანგრძლივი, ნაღვლიანი დუმილი ჩამოვარდა. შემდეგ ჭეჭი ელიზას მიუბრუნდა და უთხრა:

— ეს ჩენი ბავშვია და ჩენც ყოველთვის უნდა ვიზრუნოთ მასზე.

მას რომ შესძლებოდა, ისევ წასულიყო სამსრეთის ზღვებზე სამოგზაუროდ, მოეწყო მოგზაურობა ოთხცხენა ეტლით, ან თავგადასავალთა ძებნას გაეტაცა, ჩარმიანი ძველებურად იდეალური ამხანაგი იქნებოდა. მაგრამ ახლა ჯეკი სახლში ცხოვრობდა, იგი დაიღალა, თანაც გულგატეხილობა შეეპარა. მას ესაჭიროებოდა ჭკუადამჯდარი ქალი, „რომელიც ორივე ფეხით მტკიცედ იდგებოდა მის გვერდით“ მოწიფულ ადამიანთა სამყაროში; ქალი, რომელიც გაიზიარებდა მის ფართო სარეცელს და რომელსაც იგი, ღამით შიშისაგან გამოლოვიძებული, შეძლებდა ხელით შეხებოდა.

მეგობრებით, ნათესავეებითა და დასავლეთის ქვეყნებში მიმოფანტული ათასობით თაყვანისმცემლით გარშემორტყმული ჯეკი აუწერელ სიმარტოვეს განიცდიდა. მთელი ძალ-ღონით, როგორც ეს შესწევს იმას, ვისი დღეებიც უკვე დათვლილია, სტანჯავდა მას თავისი სისხლისა და ხორცის—ვაჟის უყოლობა, ვაჟისა, რომელზეც შეიძლებოდა დანდობა, რომლის მძლავრი მხარი იქნებოდა მისი საყრდენი მოხუცებულობის წლებში, ვაჟი, რომელსაც გადასცემდა თავის სახელს და რომელიც მისი საქმეების გამგრძობი იქნებოდა.

„მგლის სახლი“ დაიწვა, ზაფხულის ხანგრძლივმა გვალვამ გაანადგურა მოსავალი, მაგრამ მაინც სწორედ 1913 წელი აღმოჩნდა მისთვის ყველაზე ნაყოფიერი; ჯეკის შემოქმედებამ ამ წელს ზენიტსაც¹ მიაღწია: ჟურნალებში გამოქვეყნდა მისი ოთხი რომანი, მათ შორის—„ალისფერი შავი ჭირი“, რომელიც მოგვითხრობს; თუ როგორ დაუბრუნდა კაცობრიობა პირველყოფილ ცხოვრებას, როცა შავმა ჭირმა პირისაგან მიწისა აღგავა თანამედროვე ცივილიზაცია. ცალკე გამოცემებად გამოვიდა: ჯერ ერთი, კრებული „ლა-

¹ შეფასებები, რომელსაც ი. სტოუნე აძლევს ჯეკ ლონდონის ცალკეულ ნაწარმოებებს, ხშირად მეტად სუბიექტურია. ამ შემთხვევაში იგი ცდება, როცა ლონდონის შემოქმედებითი ნიჭის გაფურჩქვნის წლად 1913 წელს ასახელებს. სტოუნის მიერ ჩამოთვლილი ზოგიერთი ნაწარმოები ლონდონს უფრო ადრე აქვს დაწერილი: კერძოდ, მოთხრობები „მექსიკელი“ და „ღამით დაბადებული“ პირველად 1911 წელს გამოქვეყნდა, „მკვლელობა“ — 1910 წელს, მოთხრობა „მძვინვარე მხეცი“ — 1911 წელს და ა. შ.

მით დაბადებული“—ისეთი ძლიერი მოთხოვნებით, როგორცაა „მექსიკელი“, „მკვლელობა“ და „როცა ახალგაზრდა იყო“, მეორეც—მოთხოვნები მოკრივეებზე—„მძვინვარე მხეცი“, რომელიც სინკლერ ლუისის ერთ-ერთ სიუჟეტზეა აგებული; და მესამე —სულ რაღაც სამოც დღეში ერთიმეორეს მიყოლებით გამოვიდა საყოველთაოდ ცნობილი ორი რომანი: „ჯონ ქერის მარცვალი“ და „მთვარის ხეობა“. ეს სარეკორდო ჩამოთვლა ნათელყოფს, თუ რატომ სთვლიდნენ გამომცემლობათა სამყაროში ჯეკ ლონდონს ბუნების სტიქიურ მოვლენად და არა ჩვეულებრივ ადამიანად.

ბედს, რომელმაც ამდენი გამანადგურებელი დარტყმა მიაყენა, თურმე ჯერ კიდევ შესძლებია გაენებივრებინა იგი და მოპყრობოდა ისე, როგორც თავის რჩეულს. წლის ბოლოს, როცა ჯეკმა დაამთავრა მომქანცველი „ამბოხება ელსინორაზე“ და იგრძნო, რომ ახალი იდეა სჭირდებოდა, სან-კვენტინოს საპყრობილედან გაანთავისუფლეს მისი მეგობარი ედ მორელი. ხუთი წლის განმარტოებულ პატიმრობის შემდეგ მორელს გახადეს პატიმრის დამაწყნარებელი ქურთუკი, გამოუშვეს კარცერიდან და საპყრობილეს მთავარ მამასახლისად დანიშნეს. ჯეკი მრავალი წლის განმავლობაში ცდილობდა, მოეხერხებინა, რომ მორელისათვის ეპატიებინათ დანაშაული და ბოლოს, როცა თავისი გაიტანა, უდებეშა: „გილოცავთ; გთხოვთ მეწვიოთ“. მორელს იგი პირველად ოკლენდის რესტორან „სედლ როკში“ შეხვდა და ეს ნაცნობობა, ისე როგორც სხვა მრავალი, რომლებიც მიმოწერის დროს აღმოცენდა, მალე მტკიცე მეგობრობაში გადაიზარდა. მორელი დიდხანს რჩებოდა ხოლმე „სილამაზის რანჩოში“, სადაც ჯეკი ღრმა ინტერესით უსმენდა მის თხრობას: ტყუილად კი არ აინტერესებდა მთელი კრიმინოლოგია და პენოლოგია, ბოროტმოქმედება და დასჯის სისტემა.

მალე მან მუშაობა დაიწყო თავისი მერვე და უკანასკნელი დიდი რომანის—„ვარსკვლავთა შორის მოხეტიალეს“—შექმნაზე. შეუძლებელია ჟრუჟანტელი არ მოგვეგვაროს იმ სტრიქონებმა, რომლებიც ეძღვნება დამაწყნარებელ ვიწრო ტილოს ქურთუკების ტყვეობაში დატანჯულ პატიმრებს; გულთბილად მოგვითხრობს ავტორი, როგორ იბადება მეგობრობა ციხის სულისშემხუთველ საკნებში. მისი თამამი ფანტაზია პატიმრებთან ერთად მიფრინავს წინ, დროის

სივრცეში. ამ ნაწარმოების კითხვისას გრძნობ, რომ მოხდება რაღაც საშინელი და ირინდები მღელვარებით აღსავსე მოლოდინში; „ვარსკვლავთა შორის მოხეტიალე“ გამსჭვალულია ადამიანისადმი ღრმა თანაგრძნობით. ის ფაქიზ ლირიულ, მუსიკალურ ტონებშია დაწერილი. ეს არის ჭეშმარიტად შესანიშნავი ლიტერატურული ნაწარმოები.

მუშაობამ ჭეკს შეება მოუტანა და სიხარულის ისეთ წყაროდ ექცა, რომ სულიერმა და ფიზიკურმა ავადმყოფობებმა მეორე პლანზე გადაინაცვლა. როგორც ერთ დროს, პიედმონტში, ახლაც მას სიამოვნებას ჰგვრინდა, როცა ნაწარმოების დამთავრებულ თავს სტუმრებს წაუკითხავდა. ერთ ყმაწვილს, რომელმაც დახმარებისთვის მიმართა, ჭეკმა უპასუხა: „ჩერ თქვესმეტის, ხოლო შემდეგ ოცი წლის ასაკში მეც გადავიტანე გულგატეხილობის პერიოდი; ოცდახუთის და ოცდაათი წლისას, როგორც ხდება ხოლმე, ყველაფერი მოყირჭებული მქონდა, ყველაფერზე გულგრილი ვიყავი, ძალ-ღონე გამოლულმა არ ვიცოდი, სად გავქცეოდი მოწყენას. და, აი, ინებეთ. ვცხოვრობ არხეინად, ვსუქდები და როცა არ მძინავს, ერთადერთი რასაც ვაკეთებ, ისაა, რომ ვიცინი“: აი, რას გვიამბობს მორელი ამ პერიოდის შესახებ: „რაც არ უნდა ეთქვა, რაც არ უნდა გაეკეთებინა, თქვენ ყოველთვის გხიბლავდათ მისი გულკეთილობა. მას შეეძლო რაიმე საწყენი ეთქვა, გულმოსულს თავხედური რამ წამოეროშა, მაგრამ ეს არავის სწყინდა, იმიტომ რომ ბოროტი გულით არ იყო ნათქვამი. დიახ. იგი იშვიათი მომხიბვლელობის პატრონი იყო, ასეთები ცოტანი არიან!“

ადამიანი, რომელიც დიდხანია სამწერლო ასპარეზზე გამოვიდა, რომელმაც კარგი კარიერა შეიქმნა, ძალაუნებურად იძულებული ხდება დიდი დრო დაუთმოს საქმეების მოწესრიგებას, თავისი ინტერესების დაცვას. ჭეკმა ყველა თავისი ნაწარმოების ეკრანიზაციის უფლება გადასცა მსახიობ ჰობარტ ბოსუორტს, იმ პირობით, რომ შემოსავლის განსაზღვრულ ნაწილს თვითონ მიიღებდა. ვერც კი მოასწრო ბოსუორტმა მუშაობა დაეწყო, რომ სხვა კინოკომპანიებში თვითნებურად გაინაწილეს ლონდონის ნაწარმოებები: დაიწყეს მათი ეკრანიზაცია და ისიც ისეთი თავგამოდებით, რომ თუ ქუჩის ერთ მხარეზე უჩვენებდნენ „ზღვის მგლის“ ერთ ვარიანტს,

მოპირდაპირე კინოთეატრში მეორე ვარიანტი გადიოდა. საავტორო უფლებებში სრული არეულ-დარეულობა სუფევდა; უფრო მეტიც — სასამართლოს გადაწყვეტილება ავტორის სასარგებლოდ არ გამოქ-
ქონდა: თურმე, როცა მწერალი ჟურნალს გადასცემს მასალას სე-
რიული გამოცემისათვის, უკანასკნელი ავტომატურად იღებს ყველა
უფლებას ამ მასალაზე. ჯეკისათვის ცნობილი გახდა, რომ ყოველ
მის ნაწარმოებზე, რომელიც პირველად ჟურნალში გამოქვეყნდება,
მეტი უფლება აქვს ჟურნალს, ვიდრე მას, ავტორს. რაც შეეხება
კინომეკობრეებს, ისინი ჟურნალისაგან სულ მუქთად იძენდნენ სა-
ავტორო უფლებებს.

არტურ ტრეინთან და სულ ახლასან დაარსებულ მწერალთა ლი-
გასთან ერთად, ჯეკმა ბრძოლა დაიწყო საავტორო უფლების კანო-
ნის გადასინჯვისათვის, რათა ავტორს, რომელიც ნაწარმოებს მიჰ-
ყიდდა ჟურნალს, დარჩენოდა უფლება ამ ნაწარმოებზე. ამ „იური-
დიულ ბრძოლას“, რომელიც რამდენიმე წელს გაგრძელდა, ჯეკმა
მთელი თავისი ძალა, ენერგია, ფულადი სახსრები შეაღია; იყო
ნიუ-იორკში და ჰოლივუდში, იყვანდა ვეჟილებს, გამოდიოდა სა-
სამართლოში, ადგენდა ასობით მგზნებარე წერილსა და ღებუშას.
ახალი ნაწარმოებების შესაქმნელად საჭირო დრო ამ გრძელსა და
ძნელ ბრძოლებს მოახმარა. მაგრამ არა უშავს! იგი ეხმარებოდა
ამერიკელ მწერალთა მომავალ თაობას, რათა მათი შრომის ნაყო-
ფი მათვე რგებოდათ და სხვას არავის.

მექსიკაში რევოლუცია მიმდინარეობდა ვილისა და კარანსას ხელ-
მძღვანელობით. 1914 წლის მაისში („ვარსკვლავთა შორის მოხეტა-
ლის“ დამთავრებიდან რამდენიმე ხნის შემდეგ) ამერიკის შეერ-
თებული შტატების მთავრობამ გადაწყვიტა სახაზო გემი გაეგზავნა
ჯარისკაცებით და აეღო ნავსადგური ვერა-კრუსი. მას შემდეგ, რაც
ჯეკს ხელი შეუშალეს სამხედრო კორესპონდენტად ემუშავნა რუ-
სეთ-იაპონიის ომის ფრონტზე, იგი მოუთმენლად ელოდა იმ დღეს,
როცა შესძლებდა თავი გამოეჩინა ამ საქმეში. როგორც კი შესთა-
ვაზეს მექსიკაში გამგზავრებულყო „კოლიერსის“ კორესპონდენ-
ტად (ათას ასი დოლარი კვირაში, სამგზავრო ხარჯების ანაზღაუ-
რებით), იგი ოცდამათხ საათში გაემგზავრა პალვესტონში, ხოლო
იქიდან გემით ჩავიდა ვერა-კრუსში.

მაგრამ მან ახლაც ვერ შესძლო სამხედრო კორესპონდენტი-გამხ-
დარიყო—ამჯერად. იმ მიზეზით, რომ ომი არ დაიწყო. შეერთებუ-
ლი შტატების გეგმაში არ შედიოდა მექსიკის დაპყრობა და მისი
პროტექტორატად გადაქცევა; მათ ვერა-კრუსში აჩვენეს თავისი ია-
რალის ძალა და ამით დაკმაყოფილდნენ. ჭეკი კვლავ ადგენდა ვაჟკა-
ცურ სტატიებს: „ომის სისხლიანი საქმე“ და „მექსიკური არმია“;
წერდა იმის შესახებ, თუ როგორ ამყარებდა შეერთებული შტატების
არმია სისუფთავესა და წესრიგს ვერა-კრუსის კლოაკაში, იმაზე,
თუ როგორ დაესხნენ თავს რევოლუციონერები უცხოელ ნავთის
მრეწველებს ტემპიკოში. თითქმის ორი თვე გაატარა ახალი სამ-
ხედრო ამბების ძიებაში; ამის სანაცვლოდ კი წილად ხვდა მძვინვარე
დიზენტერია და მოგონება იმის შესახებ, როგორ დაუტარიელა
ჯიბები საფრანგეთისა და ესპანეთის კორესპონდენტებსა და დიპ-
ლომატიურ წარმომადგენლებს ერთხელ კამათლის თამაშის დროს. აი,
ყველაფერი ის, რაც მან მექსიკიდან წამოიღო, თუ არ ჩავთვლით
მასალებს მოკლე მოთხრობათა სერიისათვის ამ ქვეყნის შესახებ.
ჭეკი ამ აზრმა გაიტაცა და როცა „კოსმოპოლიტის“ რედაქტორიც
დაინტერესდა, იგი გეგმებისა და შენიშვნების შედგენას შეუდგა.

დიზენტერიით გატანჯული, ფერმკრთალი და დასუსტებული ჭე-
კი გლენ-ელენში დაბრუნდა. რაც შეიძლება ჩქარი გამოჩანმრთე-
ლების მიზნით, იგი რამდენიმე კვირით „რომერიტ“ სანაოსნოდ გა-
ემგზავრა სან-ფრანცისკოს ყურეში. გამოჩანმრთელება მეტად
მტკივნეულად და დიდხანსაც გაგრძელდა. „კოსმოპოლიტის“ რე-
დაქტორმა დაასკვნა, ამერიკელ მკითხველს ყელში ამოუვიდა მექსი-
კაო და გადაიფიქრა მოთხრობათა სერიის ბეჭდვა. წინათ, როცა ჭეკ-
ში მებრძოლი სული ღვიოდა, იგი მაინც დაწერდა მექსიკურ
მოთხრობებს და კიდევ აიძულებდა ჟურნალებს მადლობა ეთქვათ
მისთვის ამ შრომისათვის. ახლა კი, მაშინვე თავი დაანება მასალას
და ხელნაწერისათვის ერთი სიტყვაც აღარ დაუმატებია. შესაძლოა
ამით მთელმა მსოფლიომ და თვით ჭეკამაც დაკარგა შესანიშნავი ნა-
წარმოებები, მით უმეტეს, თუ ნავარაუდები მოთხრობები ისეთივე
იქნებოდა, როგორიც „მექსიკელია“¹ — ესაა ერთადერთი მოთხრობა,
რომელიც მან მაინც დაწერა.

¹ მოთხრობა „მექსიკელი“ მექსიკაში წასვლამდე სამი წლით ადრე, 1911 წელს
დაიწერა.

ჩვეის ჯანმრთელობა სულ უფრო და უფრო უარესდებოდა; როგორც კლაუდსლი ჯონსი ლაპარაკობს, გახშირდა „სულიერი დეპრესიის პერიოდები, როცა იგი თითქმის სრულიად ჰკარგავდა ნებისყოფას.“ სულიერი განწყობის ციკლი სწრაფად ეცვლებოდა. სულ უფრო და უფრო უძნელდებოდა ყოველდღე ათასი სიტყვის წერა... მიუხედავად ამისა, 1914 წლის შემოდგომაზე მან თავის გამომცემელს შეატყობინა, რომ მუშაობა დაიწყოს ახალ რომანზე, და რომ ეს იქნება რალფ გრანდიოზული, ყველაზე შესანიშნავი, რაც მას აქამდე შეუქმნია. გარემოებანი, რომლებშიც ვითარდება მოქმედება, ისეთი არაჩვეულებრივია, რომ „... მსოფლიო ლიტერატურის ისტორიაში მსგავსი რამ არ მოიპოვება. რომანის გეგმის გადათვალისწინების შედეგად შემიძლია დაგარწმუნოთ, რომ ეს სწორედ ის არის, რისკენაც ვისრწაფვოდი მას შემდეგ, რაც წერა დავიწყე. ეს იქნება რალფ ახალი, ყველა იმათგან განსხვავებული, რაც კი აქამდე შემიქმნია.“

იყო თუ არა ეს რწმენა გულწრფელი? ხომ არ ცდილობდა იგი თავის შეფუცხუნებას, რათა გადაელახა დაღლილობა და სასოწარკვეთა, უფრო საკუთარი თავი დაეინტერესებინა სამუშაოთი, ვიდრე რედაქტორი? ასე იყო თუ ისე, იგი შეუდგა რომანის „დიდი სახლის პატარა დიასახლისის“ წერას, რომლის არსში ჩაქსოვილია მიწისადმი ადამიანის დაბრუნების აზრი. სოფლის მეურნეობის შესახებ ჩაფიქრებული ნაწარმოები, რომელსაც საფუძვლად უდევს სანიმუშო ფერმის შექმნისა და კალიფორნიაში ფერმერობის აღორძინების იდეა, თანდათანობით გადაიზარდა „სასიყვარულო სამკუთხედის“ სახელწოდებით ცნობილი ლიტერატურის თანრიგში; ნაწარმოები აღსავსეა მეცხრამეტე საუკუნის მწერალთათვის დამახასიათებელი ფერადი სენტიმენტალური გაზვიადებით. ესაა ყალბი, ნაწვალეები, მაღალფარდოვანი ნაწარმოები; მკითხველი განცვიფრებულია, ვერ გაუგია, როგორ შეიძლება ეს გაზვიადებული აზრები ჯეკ ლონდონს ეკუთვნოდეს. განა სულ რამდენიმე თვის წინ არ დაამთავრა „ვარსკვლავთა შორის მოხეტიალე“, შექმნა ისეთი პირველხარისხოვანი მოთხრობები, როგორიცაა „ჩაწერილია კეუსუსტთა თავშესაფარში“, სადაც მოქმედება მიმდინარეობს ჰილის რანჩოსთან მდებარე ფსიქიატრიულ საავადმყოფოში, ანდა „საზღვარს მიღმა“, ძლიერი და დამაჯერებელი მოთხრობა პროლეტარიატის შესახებ.

საკუთარ თავში რწმენა, დისციპლინა, ყურადღების დაძაბვა, შემოქმედებითი აღმაფრენა—ყველაფერი ეს ძველებურად ემორჩილებოდა; მაგრამ, ბოლოს და ბოლოს, ჭკე ლონდონის ტვინს, ამ მძლავრ მექანიზმს, რომელმაც თოთხმეტი წლის განმავლობაში ორმოცდაერთი ნაწარმოები შექმნა, დაღლა, ალღოს შესუსტება დაეტყო.

ჯოანის მიერ წინა წელს მიყენებული შეურაცხყოფის მიუხედავად, ჭკემა ერთხელ კიდევ სცადა საბოლოოდ ქალიშვილების თავის მხარეზე გადაყვანა. როცა საშუალო სკოლის მეორე საფეხურზე ახლად გადასულმა ჯოანმა მას თავისი ნაწარმოები—პიესა გამოუგზავნა, ჭკემა ისე გაიხარა, თუნდაც თვითონ დაეწეროს რაღაც არაჩვეულებრივი. „საშინლად მომეწონა! პირდაპირ არა მჭერა: ნუთუ ასეთი დიდი ქალიშვილი მყავს? ნუთუ მას შეუძლია ასეთი პიესის დაწერა!“ იგი დიდხანს უზიარებდა ყველას, როგორც საქმიან, ისე პირად წერილებში, რომ მისი ქალიშვილი უკვე მეორე საფეხურის მოსწავლეა.

ჭკემა კარგად მოიფიქრა მოქმედების გეგმა, თავმდაბლად გამოცხადდა პიედმონტში და ბესის გააცნო თავისი წინადადება. თუ იგი ბავშვებს ნებას მისცემს მოვიდნენ მასთან რანჩოში, რათა ხელახლა გაეცნონ მამას, შეიყვარონ რანჩო, მასთან ერთად მოიარონ ყველა მისი ბილიკი, ჭკეი შეცვლის ანდერძს, რომლის თანახმადაც, მისი სიკვდილის შემდეგ ყველაფერი ჩარმიანს რჩება, და ქონებას ბავშვებს დაუტოვებს. რანჩოს განცალკევებულ ნაკვეთზე აუშენებს ბესის სახლს, რათა მას შეეძლოს ბავშვებთან ყოფნა. მას ყოველთვის ექნება შესაძლებლობა ბავშვებთან მოვიდეს და დარწმუნდეს, რომ ჩარმიანი მისგან მოშორებითაა. იგი ყველაფერს გააკეთებს, რასაც კი ბესი მოითხოვს, ყველაფერს, ოღონდ დათანხმდეს და ბავშვები დაუბრუნოს. ბესიმ არ დათმო.

მაშინ, რამდენიმე დღის შემდეგ, მან უშუალოდ ჯოანს მიმართა. „დაფიქრდი, ჯოან. შენს ასაკში იოლი არაა პასუხი გასცე მსგავს წინადადებას. ისიც არაა გამორიცხული, რომ იმის გააზრებისას, რაც მე კვირა საღამოს გითხარი, შესაძლოა არასწორი გადაწყვეტილება მიიღო—დარჩე პატარა სამყაროს პატარა მკვიდრად. შენ ამ შეცდომას დაუშვებ, თუ დაუჭერებ დედას—

შიწის უმნიშვნელო ნაკლებზე არსებული პატარა ქალაქის პატარა არსებას. მან შენი მომავალი სხვა ქალისადმი ექვიანობას შესწირა. მე გადავღმლი დიდ სამყაროს, იმ აწმყოს, რისთვისაც ცხოვრობენ, შეიცნობენ. ფიქრობენ და საქმიანობენ დიდი ადამიანები“.

ამას მიჰყვა შემოფოთებული, მუდარით აღსავსე წერილების მთელი წყება. ჯოანი დიდხანს სდუმდა. ბოლოს დაუთმო მის დაქინებულ თხოვნას და ერთგვერდიანი წერილი გამოუგზავნა. იგი სავსებით კმაყოფილია თავისი ცხოვრებისა და არავითარი სურვილი არა აქვს მისი შეცვლისა. იგი მუდამ დედასთან იქნება; ამავე დროს, აღაშფოთებს მამის გამონათქვამები ბესის მიმართ; მას კარგი დედა ჰყავს და ჯოანსაც უყვარს იგი. დასასრულ, დაბეჭითებით სთხოვდა, ნუ აიძულებდა ეწერა ასეთი საშინელი წერილები; დაე, ეს იყოს უკანასკნელი. გამოსამშვიდობებელი წერილი; ყველაფერი გათავდა.

ჩარმიანი შეეცადა ჩამოეცილებინა ჯეკისათვის „მოხეტიალე ფილოსოფოსთა“ საზოგადოება, რომელიც ყოველთვის მთლიანად თავის კმაყოფაზე ჰყავდა რანჩოში. მისი პასუხი გულის სიღრმიდან აწოხეთქილი გმინვა იყო: „ერთი საათის საუბარი სტრონ ჰამილტონთან ბევრად უფრო დიდი სიამოვნებაა, ვიდრე ის, რაც მე მომანიჭეს ვაიმუშებმა. ღმერთო ჩემო, ის ხომ მინაზლაუტებს ყველაფერს, რასაც მასზე ვხარჯავ! ხოლო მუშები? არასოდეს! დაიხსომე, ვეთაყვა, რომ რანჩო ჩემი თავსატეხია. სხვადასხვა ტიპების გამო, რომელნიც ჩემთან მუშაობდნენ, იმაზე ათასჯერ მეტი დავკარგე; რაც ლოგინი ან საქმლის ნამცეცები ღირს, რომელთაც ჩემს მანქანაზე ვხარჯავ. ეს უმნიშვნელო გროშებია, მაგრამ იგი სუფთა გულიდან მოდის, მე კი გულში არცთუ ისე ბევრი ნაზი გრძნობა დამრჩენია ახლობლებისადმი. მიბრძანებ, ისიც აღმოვიფხვრა?“

ჩარმიანი დაღვრემილი, გულმოსული დადიოდა, ყველაფერში ერეოდა. ყველას მბრძანებლობდა, იძლეოდა განკარგულებას, რომელი ხე მოეჭრათ და რომელი არა, მუშაობაში ხელს უშლიდა; აცხადებდა, რომ იტანჯება უძილობით, მთელი ღამეები არ სძინავს და მოითხოვდა, რომ მუშებს, რომელნიც რანჩოში შვიდ საათზე ცხადდებოდნენ, არ გაებედათ და ცხრა საათზე ადრე სახლს

არ მიახლოვებოდნენ, რათა არ გაეღვიძებინათ. იგი. როცა ჭეკი შე-
ეცადა შთაეგონებინა მისთვის, რომ იგი ამით მუშაობას აფერხებს,
მან აიღო თავისი ლოგინი და ბელელში გადასახლდა. მეტი გზა არ
იყო, ჭეკმა მუშებს უბრძანა სახლს არ გაჰკარებოდნენ, თუნდაც
ამის გამო უსაქმოდ დარჩენილიყვნენ. ასე გრძელდებოდა მანამდე,
ვიდრე ერთხელ, დილის შვიდ საათზე მინდვრის შემოვლისას, თევის
ზვინზე არ წააწყდა ჩარმიანს ერთ ახალგაზრდა სტუმართან. ისინი
მზის ამოსვლით ტკბებოდნენ.

ოდესღაც იგი ბესის კიცხავდა, რომ იგი არაა თავაზიანი დია-
სახლისი, არ იცვამს როგორც წესია და მეტისმეტად ეჭვიანია.
ბედმა უმტყუნა და იგივე თვისებები აღმოაჩინა ჩარმიანშიც. იგი
არც ცდილობდა დიასახლისის მოვალეობა ეკისრა, სახლში წეს-
რიგი დაეცვა. ყველაფერს იაპონელი მსახურები აკეთებდნენ, იგი
კი სტუმარი იყო საკუთარ სახლში. როცა სტუმრები მოვიდოდნენ,
განკუთვნილ ოთახში მათ ან ჭეკი მიაცილებდა, ანდა ნაკატა. ერთი
სტუმარი ქალი იხსენებს, როგორ უხერხულ მდგომარეობაში ვარ-
დებოდა ჭეკი იმის გამო, რომ ჩარმიანი არასდროს არ იწუხებდა
თავს ახალმოსულებზე ზრუნვით: ქალებისათვის ტუალეტის ჩვენე-
ბაც კი ჭეკის მოვალეობას შეაღგენდა. იმ დროს, როცა ბესი გან-
საკუთრებულ ყურადღებას არ აქცევდა ქალებს, — იმათ გარდა, რო-
მელნიც ჭეკს კისერზე ეკიდებოდნენ, — ჩარმიანი განურჩევლად ეჭვი-
ანობდა ყველაზე. ჭეკს იშვიათად ეძლეოდა უფლება, სადაც არ
უნდა ყოფილიყო, გამოჩენილიყო ჩარმიანის გარეშე, ხოლო რო-
დესაც ერთად მიდიოდნენ სადმე, ჩარმიანი წამოიწყებდა თამაშს,
რომელსაც დამსწრე ქალებმა „გამთიშველობანა“ უწოდეს: ჭეკს
უფლება ჰქონდა სხვა ქალთან ელაპარაკა არა უმეტეს ორი წუთისა,
თუნდაც ეს ლაპარაკი მომავალ არჩევნებზე ყოფილიყო. ამ ვადის
გასვლის შემდეგ ჩარმიანი მუსაიფს აწყვეტილებდა ვრცელი მონო-
ლოგიით.

ერთხელ, ჭეკისთვის ლოს-ანჯელოსში გასაგზავნ დებემას მისმა
მდივანმა, ჭეკ ბირნსმა, მიაწერა, რომ ერთ მის მეგობარ ქალს.
(რომლის ოჯახის ყველა წევრს ჭეკი დიდი ხანია იცნობდა და უყვარდა
კიდევ) სურდა მისი ნახვა. ჩარმიანმა ბირნსს უბრძანა. ეს ადგილი
ამოეშალა და უთხრა, რომ იგი მალე თვითონვე გაუგზავნის ჭეკს

დებეშას და ყოველივეს აცნობებს. არავითარი დებეშა მას არ გაუგზავნია. იგი მზად იყო წელი მოეწყვიტა ჯაფით, ოღონდ კი ჭეკს მდივნად ქალი არ აეყვანა. „არავის არ შემოვუშვებ,—აპბობდა რგი,—ამ საქმის ხელიდან გაშვება არ შეიძლება“. და მხოლოდ მაშინ, როცა ჯონი მილერის დედა გარდაიცვალა და ჯონის მამინაცვალად—ჭეკ ბირნსი—უმუშევრად დარჩა, ჭეკმა უფლება მიიღო აეყვანა იგი მუდმივ მდივნად, რომელიც მას მეტისმეტად ესაჭიროებოდა.

ნიო-იორკიდან ჩარმიანს დებეშა გამოუგზავნეს, რომლითაც ატყობინებდნენ: „ჭეკი მთელ დროს ატარებს ქალთან, რომელიც ორმოცდამერვე ქუჩაზე ცხოვრობს ვან კორტლენდტის სასტუმროში. ემი“. ჭეკი, რომელიც დაჩაგრულად, უბედურად გრძნობდა თავს, ბორგავდა, ეძებდა კავშირს ქალებთან. მრავალი წლის წინათ იგი ჩარმიანს სწერდა: „ნება მიბოძეთ გიამბოთ პატარა ეპიზოდი, საიდანაც თქვენთვის ნათელი გახდება, თუ რა ძლიერია ჩემში ხორციელი საწყისები“. მაგრამ ამგვარი განურჩევლობა, როგორც ეტყობა, უფრო ოჯახური უთანხმოებით იყო გამოწვეული, ვიდრე თანდაყოლილი გარყვნილებით. ხომ იყო ბესის ერთგული, ვიდრე რაღაცამ ხელი არ შეუშალა მათ ფიზიკურ სიახლოვეს და არ დაანგრია მათი ოჯახური ცხოვრება. ჭეკი ცხრა წელი იყო ჩარმიანის ერთგული, ვიდრე მათი სულიერი კავშირი არ დაირღვა. მაშინ ყველაფერი თავიდან დაიწყო.

იგი უწინაც სვამდა: ზოგჯერ—მელანქოლიის მორიგი შეტევის დასაძლევად, ხშირად კი—კომპანიის ხათრით, გართობის მიზნით. ახლაც ბევრს სვამდა, მაგრამ არა იმისათვის, რომ სიამოვნება, ეგრძნო, არამედ ტკივილების ჩასახშობად. უწინ რანჩოში იშვიათად თუ სვამდა, ახლა კი წამდაუწუმ! კვირაში არა ერთხელ, არამედ სამჯერ ან ოთხჯერ, სადილის შემდეგ, შეაბამდა ცხენებს და სანტა-როზაში მიემგზავრებოდა. აირა პაილი იგონებს, რომ ჭეკი უკვე უბრალოდ, გართობის მიზნით კი აღარ კამათობდა, არამედ ბრაზობდა, დახლზე მუშტებს ურტყამდა, აღარ ფარავდა, თუ რარბე ეზიზღება ხალხი, რომელიც მსჯელობის დროს უფრო პირადი ანგარებით ხელმძღვანელობს, ვიდრე ლოგიკით. თუ არ ჩავთვლით იმ აღვირახსნილ ღრეობებს, რომელთაც ახალგაზრდობაში ეწეოდა ხამანწყებზე მეყობრეობის დროს, ჭეკს შეეძლო სმა, მაგ-

რამ შეეძლო სულაც არ გაჰყარებოდა სპირტულს. სულ რაღაც ერთი წლის წინ, როცა იგი გემ „დირიგოთი“ ჰორნის კონცხის შემოვლით აღმოსავლეთიდან ბრუნდებოდა, სადაც საქმეზე იყო წასული, ჯექმა, გარდა ათასობით წიგნისა და ბროშურისა, რომელთა შესწავლასაც აპირებდა, ბალტიმორიდან ორმოცი გალონი ვისკიც წამოიღო. „სიეტლს რომ მივადგებით, ან ეს ათასი წიგნი იქნება წაყითხული ან ეს ორმოცი გალონი გაჰქრება“. გემიდან გადმოსვლისას ჯექს ის ათასი წიგნი წაყითხული ჰქონდა, ვისკისათვის კი ხელი არ ეხლო. ყველაფერი შეიცვალა: ახლა მისთვის ვისკი აუცილებელი გახდა დროის მოსაკლავად. ავადმყოფობა აიძულებდა ესეა; ლოთობა ავადმყოფობას ამძაფრებდა. ვისკისაქენ მას იზიდავდა დაღლილობა და სულიერი დაცემულობა. მაგრამ ვისკი ღლიდა და დაღვეის შემდეგ კიდევ უფრო ეცემოდა სულიერად. წავიდა ახალგაზრდობა. მასთან ერთად ჯანმრთელობა, ნათელი აზრები, სიახლე, ბედნიერება, მუშაობით კი ისევე ძველებურად მთელი ძალღონით მუშაობდა—და ერთი კვარტი შოტლანდიური ვისკის (ყოველდღიური ულუფა) შემდეგ ფეხზე ვეღარ დგებოდა. ხალხს წინათაც ნანახი ჰქონდა, როგორ სვამდა ჯექი; ახლა ისინი ხედავდნენ, როგორ თვრებოდა იგი.

სულ უფრო ჰკარგავდა რწმენას მეგობრების მიმართ, მათ მიმართ, ვისთანაც საქმის დაქერა უხდებოდა. ორმა მეგობარმა, როცა რანჩოში დამზადებული ყურძნის წვენი გასინჯეს, ჯექს შესთავაზეს გამსალბებელი კომპანიის ჩამოყალიბება. ისინი მისცემენ კაპიტალს, ჯექი კი — თავის სახელსა და ყურძენს. თვალის დახამხამებაც ვერ მოასწრო, რომ სასამართლოში დაიბარეს: ერთგულმა მეგობრებმა საქმე აღძრეს, რათა ოცდათერთმეტი ათასი დოლარი გამოეცანცლათ მისთვის. მას შემდეგ, რაც ჯექმა სამნახევარი ათასი დახარჯა „ზღვის მგლის“ დრამატიზაციის უფლების გამოსასყიდლად და თავისი საუკეთესო ნაწარმოებები კინოკომპანიებს გადასცა, პროდიუსერებმა აცნობეს, რომ შემოსავალი არ არის და მას არაფერი არ ერგება. ვიღაცამ მიჰყიდა მას არიზონის ოქროს საბადოში მონაწილეობის ნახევარი წილი—ჯექმა არც კი გამოიძია, სად იმყოფებოდა ეს საბადო. ოკლენდის ახლად შექმნილი გამსესხებელი და საგირავნო კამპანია „ფიდელიტის“ აქციების ერთი შეკვრის შე-

ქენის შემდეგ მან ორი წლის განმავლობაში თავი ვეღარ დააღწია სასამართლოებს. „ბირჟის ავანტიურას, სათამაშო თეთრ სათვალავს მაგიდაზე, ლატარიის ბილეთს“ მისთვის ყოველთვის უბედურება მოჰქონდა.

მაგრამ ყველაზე დიდი უსიამოვნება მიაყენეს ნინეტა და ელუარდ პეინებმა, რომელთაც იგი უკანასკნელ დღემდე ეხმარებოდა მატერიალურად. ამ წყვილმა წყლის ამღვრევა დაიწყო; ისინი მეზობლებს აგულიანებდნენ, ხელი მოეწერათ თხოვნაზე, რათა ჯეკისათვის აეკრძალათ მეორე წყალსაცავით სარგებლობა, რომელიც მის ერთ-ერთ გორაკზე მდებარეობდა, იქ. სადაც კაშხალი ააგო ზამთრის წვიმების ტენის შესახარჩუნებლად. საბუთად ის მოსაზრება მოჰყავდათ, რომ ამით დაპატარავდებოდა მათ ახლო ჩამომდინარე ნაკადული. სხვა მეზობლებს განსაკუთრებული შიში არ გამოუმყლავნებიათ, რომ შეიძლებოდა წყალი მოკლებოდათ. მაგრამ სხვაგვარად ფიქრობდნენ ნინეტა და ელუარდი; მათ საქმე ბოლომდე მიიყვანეს და სასამართლოს დადგენილება თავის სასარგებლოდ გამოიტანეს. ჯეკის ყურამდე მიაღწია, რომ ზოგიერთი მეგობარი, რომელიც სისტემატურად სთხოვდა მას ფულს, ზურგს უკან ლაპარაკობდა: „ჯეკი ისე იოლად შოულობს ფულს, რომ სულელი იქნება, ვინც არ დაეხმარება მას დახარჯვაში“. ჯორჯ სტერლინგიც კი, რომელსაც ჯეკმა, გაკოტრების გამო, ის იყო ასიდოლარი გადაუგზავნა გამოუსადეგარი სიუჟეტისათვის, კიცხავდა — იგი „პერსტის ოქროს ხათრით“ წერსო. წინა წლებში ფულის შოვნა ადვილი, სახალისო საქმე იყო. სიხარბეს, სიზარმაცეს, ორპირობას — ყველაფერ ამას წარსულში ხუმრობით ურიგდებოდა, როგორც ადამიანი, რომელმაც ადამიანებზე ყველაზე ცუდი რამ გაიგო და აღარაფერი უკვირს. მაგრამ ახლა, როცა სულ უფრო და უფრო ერეოდა სევდა და ავადმყოფობა, არ შეეძლო გულის ტკივილის გარეშე ეცქირა. რა ბოროტად უხდიდნენ საშაგიეროს სიკეთისა და ხელგაშლილობისათვის. დღეების განმავლობაში აწვალებდა თავის მოქანცულ გონებას იმაზე ფიქრით, რით დახმარებოდა იმათ, ვინც სამაგიეროს ბოროტებით უზღავდა.

დადგა 1915 წლის ღრუბლიანი, ცივი ზამთრის თვეები და თებერვალში ჯეკი ჩარმიანთან ერთად ჰავაის კუნძულებზე გაემგზავრა,

რათა ზამთრის დანარჩენი პერიოდი იქ გაეტარებინათ. იქ, მზის თბი-
ლი სხივების ქვეშ, ყოველდღე ცურაობისა და ცხენით სეირნობისა
შედეგად ისე გამოძობინდა, რომ შეეძლო ახალ რომანზე — „ჯერი-
კუნძულელზე“ — დაეწყო მუშაობა. ეს იყო უკანასკნელი აფეთქება,
ყველაფერი, რაც ლონდონისეული მგზნებარე სულსკვეთებიდან
დარჩა „წინასწარ მინდა დაგარწმუნოთ, რომ ჯერი — თავისებუ-
რად ერთადერთი რამაა, რაღაც ახალი, განსხვავებული ყოველივე
იმისაგან, რაც დღემდე შეუქმნიათ ბელეტრისტიკაში—და არა.
მხოლოდ რუბრიკით—„ლიტერატურა ძალღის შესახებ“, არამედ
საერთოდ მხატვრულ ლიტერატურაში. მე შევქმნი ახალ, ცოცხალ,
ბრწყინვალე ნაწარმოებს, ძალღის ბუნების სურათს, რომელიც
მოეწონებათ ფსიქოლოგებს და გაახარებს იმათ, ვისაც ძალღები-
უყვარს“. „ჯერი-კუნძულელი“ მართლაც რომ წარმტაცი ისტორიაა.
ძალღის თავგადასავალზე (ამბავი ახალკებრიდის კუნძულეებზე
ხდება). თავისუფალ კომონოში მაგიდასთან მჯდომი ღია აივანზე,
რომელიც პალმებით გარშემორტყმულ ლაგუნას გადაჰყურებდა,
ჯეკი ფიქრებით ალასკის თოვლიან დაბლობებში დაჰქროდა „წინა-
პართა ძახილის“ გმირთან, ბექთან, რომელმაც იგი პირდაპირი გზით-
დიდებამდე მიიყვანა. სასიამოვნოა ძალღებზე ფიქრი და წერა;
მათ შეუძლიათ ერთგულების ბოლომდე შენარჩუნება!

ზაფხულისათვის მან დაამთავრა „ჯერი-კუნძულელი“ და გლენ-
ელენში დაბრუნდა. ბოქემის ხეივანში, პატარა მდინარე რაშნ რი-
ვერის ნაპირზე გამართეს ბოქემის კლუბის მხიარული დღესასწაული;
ჯეკი იქ შეხვდა ბევრ ნაცნობ მხატვარს; იცავდა სოციალისტურ
პრინციპებს, ეკამათებოდა ბოროტებისადმი სრული მორჩილების
მომხრეებს, ბანაობდა მდინარეში და ბევრს სვამდა. დღესასწაულის
შემდეგ მან რანჩოში მოიყვანა სტერლინგი, მარტინესი და კიდევ
რამდენიმე მეგობარი; ღრეობა გრძელდებოდა. მისმა ავადმყოფო-
ბამ მწვავე ხასიათი მიიღო, მაგრამ მას არ სურდა, დროებით მაინც;
ვიდრე გამოჯანმრთელდებოდა, თავი დაენებებინა ვისკისათვის. ამ
დროს იგი მხოლოდ კინორომან „სამთა გულზე“ მუშაობდა—ამ
თავშესაქცევ აბდაუბდაში „კოსმოპოლიტმა“ ოცდახუთი ათასი შეს-
თავაზა. სერიოზული, თავსამტვრევი სამუშაოს თავიდან აცილე-
ბის შესაძლებლობით გაახარებული ჯეკი ყოველდღე საათნახევარში
„აცხობდა“ თავის ათას სიტყვას.

იგი ზოგჯერ ახლაც არ იყო სიცილ-სარხარის წინააღმდეგი, მაგრამ ეს ნაძალადევი მხიარულება იყო. „წინანდებურად აღარ აწყობდა მხიარულ თამაშობებსა და თავშესაქცევებს, — იგონებს ფინ ფროლინი, — არ იბრძოდა, აღარ უნდოდა ბორცვებზე ცხენით სეირნობა. თვალები ჩაეფერვლა, გაჰქრა წინანდელი ელვარება. ახლა იგი საუბარში ებმებოდა არა იმიტომ, რომ რამე ახალი გაეგო, გონებრივი ორთაბრძოლით დამტკბარიყო. მას უნდოდა კამათში ყველასათვის ეჯობნა, ღიზიანდებოდა, ჩხუბობდა. როცა ეპტონ სინკლერმა რანჩოში სტუმრად ჩასვლა დააპირა, ჯორჯ სტერლინგმა არ ურჩია: ჯეკი გამოიცვალა—სხვანაირი გახდაო.

ერთადერთი, რაც მას ჯერ კიდევ სიმშვიდესა და სიხარულს ანიჭებდა, ეს იყო რანჩო. იგი ზიზლით განიმსჭვალა ყველას მიმართ, ვინც მასთან მუშაობდა, მაგრამ მიწის სიყვარული არასოდეს დაუკარგავს. „მე იმ კატეგორიის ფერმერებს ვეკუთვნი, რომელთაც ქვეყანაზე არსებული ყველა წიგნი გადაუქექავთ ეკონომიურ ფასეულობათა ძიებაში, მაგრამ ბოლოს მაინც დაბრუნებიან მიწას—ყოველგვარი ეკონომიკის წყაროსა და საფუძველს“. იგი განაგრძობდა ახალი მინდვრების დამუშავებას, ახალი კულტურების გამოყვანას, სარწყავი სისტემის გაფართოებასა და გავრძელებას, ქვის შენობათა აგებას ცხოველებისათვის. სან-კვენტინის საპყრობილეში მყოფ ჯო კინგს, რომელსაც ექვსი წლის წინათ ფული მისცა აპელაციის გამოსაქვეყნებლად და რომლის შეწყალებისათვისაც ჯერ კიდევ არ აკლებდა გარჯას, ჯეკი სწერდა: „ეს-ეს არის დავამთავრე ისეთი საღორის აგება, რომელიც ალტაცებაში მოიყვანს ყველას, ვინც ჩვენთან, შტატებში დაინტერესებულია ღორის ხორცის წარმოებით. ასეთი საღორე არ ყოფილა და არც არის. მისი აგება სამი ათასი დოლარი დამიჯდა, სამაგიეროდ, მხოლოდ მოვლაში იგი თორმეტ პროცენტს დამიზოგავს. ჩემს რანჩოში ყველა ღორს პასპორტი აქვს — სხვა ჯურისას არ ვაჭაჭანებ. განზრახული მაქვს უანლოეს მომავალში ავაშენო სასაკლაო და რეფრიჟერატორი“.

იგი არაფერს არ აზვიადებდა, როცა ჰყვებოდა გოჭების სასახლეზე — მალე ასე შეარქვეს ამ საღორეს. ღორის თითოეული ოჯახისათვის ცალკე „სავანე“ იყო გამოყოფილი, როგორც შიგნით, ისე გარეთაც, ზოლო თითოეულ მათგანს წყალსადენის ორ-

·ორი ონკანი ჰქონდა. ფორნიმ შენობა წრის სახით ააგო, ცენტრში ქვის კოშკი იყო საკვების შესანახად. ეს საღორე კი არა, ხელოვნების ნაწარმოები იყო, უნაკლო არქიტექტურული ნაგებობა.

ჯეკი ფორნისთან ერთად მრგვალი ბოსლის აგებასაც გეგმავდა, ისეთსავე საფუძვლიანსა და ეკონომიურს, როგორც გოჭების სასახლე იყო. „გთხოვთ დაიმანსოვროთ,—სწერს იგი „კოსმოპოლიტიკის“ რედაქტორს,—რომ რაჩო ჩემი თვალისჩინია. მე შედეგებისათვის ვიღვწვი და მივალწევ კიდეც მათ, ისინი კი ოდესმე თავის ადგილს დაიკავენენ წიგნებში“.

ნელ-ნელა, მაგრამ სულ უფრო მკათიოდ აყალიბებდა იგი თავის ახალ იდეას სანიმუშო ფერმის შექმნის შესახებ, რომელიც წარმოიშვა, როგორც მისი გეგმის შემდგომი ეტაპი. მან განიზრახა დუქარსებინა სასოფლო თემი რჩეულთათვის. რაჩოდან დაითხოვს ცუდ მუშებს, დაიტოვებს მხოლოდ პატიოსან, სრულფასოვან და მიწის მოყვარულ ხალხს. თითოეულისათვის იგი ცალკე კოტეჯს ააშენებს; გახსნის უნივერსალურ სავაჭროს, სადაც საქონელი თვითღირებულებით გაიყიდება, და პატარა სკოლას მუშათა ბავშვებისათვის. ამ სანიმუშო თემში ჩარიცხულ ოჯახთა რიცხვი დამოკიდებული იქნება მხოლოდ იმაზე, თუ რამდენს გამოჰყვებავს მიწა. ..ჩემი ყველაზე სანუკვარი იმედია ის, რომ ასე ექვსი-შვიდი წლის შემდეგ რაჩოში „ჩემიანებთან ყოფნა“ შემეძლება“. იგი არც კი ფიქრობდა შემოსავალზე, არც იმაზე, რომ ამოეგო რაჩოში დაბანდებული მეოთხედი მილიონი; მას მხოლოდ „თავისიანებთან ყოფნა“ უნდოდა, შესაძლებლობა ჰქონოდა დახმარება აღმოეჩინა მიწის სიყვარულით გაერთიანებულ მუშათა ნამდვილი თემისათვის.

ეს გეგმები მალე, ერთიმეორის მიყოლებით ჩაიფუშა. მიუხედავად იმისა, რომ კალიფორნიის უნივერსიტეტის სასოფლო-სამეურნეო ფაკულტეტსაც კი მიმართა საღორის აგებაში რჩევა-დარიგებისათვის. გოჭების სასახლეში ქვის იატაკი დააგეს: ყველა მის წმინდა სისხლის მცხოვრებს ფილტვების ანთება დაემართა და დაიხოცა. ჯეკის იმედს, პრემირებულ მოკლერქიან ხარს, მომავალი წმინდა ჯიშის მამამთავარს. ბაგაზე ფეხი დაუცდა და კისერი მოი-

ტეხა. ანგორული ცხვრის ფარა ეპიდემიამ მოსპო. შირული ულაცი, რომელმაც გამოფენებზე მრავალჯერ მიიღო მაღალი ჯილდო და რომელიც ჯექს ადამიანივით უყვარდა, მკვდარი იპოვეს სადღაც მინდორში. საერთოდ, შირული ცხენების შესყიდვით შეცდომა დაუშვა; ამ ცხენებს ფეხებზე ხშირი ბალანი ეზრდებოდა, რის გამოც შეუძლებელია ზამთარში მათი სუფთად, სამუშაო მღვგომარობაში შენახვა. მათი საფასური წყალში გადაყრილი აღმოჩნდა. კიდევ ერთი შეცდომა იყო საჯაგავი ცხენების შეძენა; მათ ყოველი სამუშაოდან აძევებდნენ: გამოიგონეს უფრო მსუბუქი სასოფლო-სამეურნეო იარაღები, რომელთაც შესაბამისად უმკლავდებოდნენ შედარებით უფრო მსუბუქი წონის ცხენები; ამას გარდა, გამოჩნდა ტრაქტორებიც. მოულოდნელად გამოიჩნდა, რომ არავის არ ესაჭიროება ის ასორმოცი ათასი ეკალიპტის ხე, რომლებიც უნდა გაზრდილიყო, რათა ოცი წლის შემდეგ პატრონისათვის სიმდიდრე მოეტანათ: ჩერქეზული კაკლისადმი ინტერესი გაქრა, ხეები კი ჯერ კიდევ შეიძლებოდა შეშად გამოეყენებინათ.

მან წაგო. იცოდა, რომ საქმე წაგებული იყო, და მანაც არ უნდოდა, გამოტეხილიყო. ვინმეს რომ გაეხედა ეთქვა: „გამიგონე, ჯექს, რანჩო. შეცდომაა და თანაც ძვირად ღირებული შეცდომა. თავი დაანებე მას შენივე თავისათვის“,—იგი წამოიძახებდა: „არ შემიძლია უკან დახევა!“—ისევე, როგორც აღრე, როცა არწმუნებდნენ „სნარკისათვის“ თავი დაენებებინა.

საჭირო იყო ფულის შოვნა, რანჩოს შენახვა და ისიც ყოველდღიურად დიდი ვაი-ვაგლახით წერდა ათას სიტყვას. წერა! ეს პროცესი, რომელიც უწინ ისევე ესაჭიროებოდა, როგორც სიხალი, როგორც ჰაერი, ახლა სულს უწამლავდა. „აუცილებლობა—აი, რამაიძულებს ჯერ კიდევ ვწერო. აუცილებლობა. წინააღმდეგ შემთხვევაში, ერთ სტრიქონსაც არ დაეწერდი. ისე რომ...“

მხოლოდ თვითონ როდი გაუგრილდა გული თავისი მუშაობისადმი. გულგრილობას იჩენდნენ მისი ნაწარმოების სიმრავლით სულმეხუთული კრიტიკოსები და მკითხველები. „სამთა გულის“ დამთავრებისას იგი წერდა: „ეს საიუბილეო ნაწარმოებია. მისი დამთავრებით მე აღვნიშნავ ჩემი დაბადების ორმოცი წლისთავს,

ორმოცდამეათე წიგნის გამოსვლას და მეთექვსმეტე წლისთავს, რაც მე ეს თამაში დავიწყე“. რამდენიმე დღის შემდეგ კი ბუზღუნით აღნიშნა: „დიდი ხანია არც ერთი ბესტსელერი არ გამოჩენილა ჩემი სახელით. განა სხვები უკეთესად წერენ? შეიძლება მოვბეზრდი მკითხველებს?“ უკანასკნელი ნაწარმოები, რომელიც გულთბილად მიიღეს, „მთვარის ხეობა“ იყო. „ძლიერთა ძალას“ შეხვდნენ, როგორც რაღაც საშუალოს, როგორც ჭეკ ლონდონის კიდევ ერთ კრებულს და მეტი არაფერი. მაგრამ აქ ხომ თავმოყრილი იყო მისი საუკეთესო პროლეტარული შოთხრობები, მისი წინასწარმეტყველური ნაწარმოებები—იმის ბრწყინვალე ნიმუშები, თუ როგორი უმოკლესი გზით მიჰყავდა იგი მომავლისაკენ თამამ და თავისებურ ტალანტს. რომელიღაც მარტოხელა მიმომხილველი მეგობრულად გამოეხმაურა და ჭეკი, მისდამი მიმართვაში, წერს: „თქვენ ერთადერთი ადამიანი ხართ შეერთებულ შტატებში, ოდნავ მაინც რომ აფასებთ „ვარსკვლავთა შორის მოხეტიალეს“. დანარჩენმა კრიტიკოსებმა განაცხადეს, რომ ეს ჩემთვის მორიგი, ჩვეულებრივი ნაწარმოებია. იცით რა, მასში სიმამაცე, ვაჟკაცობა და სისხლი ბლომადაა, თანაც პირველყოფილი—ერთი სიტყვით, ქალებისათვის მძიმე წასაკითხია, მეტად სჭარბობს საშინელებანი; თუ რომელიმე გადაგვარებულს არ ჩავთვლით, მამაკაცებისათვისაც არ ღირს წაკითხვა. როგორიც ცხოვრებაა მთელი თავისი დაუნდობელი სიბოროტით—ისეთივეა ჩემი ნაწარმოებებიც. მაგრამ ცხოვრება, ჩემი აზრით, სავსეა არა ბოროტებით, არამედ სიძლიერთ და მეც ვცდილობ ასეთივე სიძლიერთ აღვასო ჩემი მოთხრობები“.

ჭეკს „კოსმოპოლიტთან“ დადებული ჰქონდა ხელშეკრულება, რომლითაც იგი ვალდებული იყო ხუთი წლის განმავლობაში ყოველწლიურად მისთვის ორი რომანი დაეწერა. ტიტანი, რომელიც თანდათან სუსტდებოდა, ისე საიმედოდ იყო შებოროკილი, რომ მისი მდივანი ბირსი ასე პასუხობს ერთი ლიტერატორის წინადადებას—ჭეკთან ერთად ემუშავნა ახალ იდეაზე: „მისი ნაწარმოებების ღირსება მთლიანად დამოკიდებულია გამომცემლებზე, რომლებისგანაც კიდევ რამდენიმე წლითაა შეზღუდული ხელშეკრულებით“. ოცდამეათე წლის ასაკში, საკუთარ მოსაზრებაზე დაყრდნობით, ჭეკმა გამაცოცხლებელი ნაკადი შეიტანა საკურნალო სამყაროში. ახლა

კი, აი, რას ურჩევს იგი დამწყებ მწერალს: „თუ თქვენ გსურთ ურ-
ნალებში ითანამშრომლოთ, სწერეთ ის, რაც მათ ესაჭიროებათ.
უურნალები საკუთარ თამაშს ეწევიან. თუ გსურთ მასში მონაწი-
ლეობა მიიღოთ—დაემორჩილეთ!“

ჩემს უკვე აღარ შეეძლო წელში გამართვა და ბრძოლაში ჩაბმა.
როცა ერთხელ კალიფორნიის პატარა ქალაქის სკოლის მასწავლე-
ბელმა სთხოვა, გამოქომაგებოდა ვერაგი პოლიტიკური წყობის წი-
ნააღმდეგ, ჩემმა აი, რა უპასუხა: „დიდი ხანი არაა, რაც ბრძოლა-
ში ჩავები იმისათვის, რომ პოლიტიკური საქმეები პატიოსნად
ეწარმოებინათ, რომ ყოველ მამაკაცსა და ყოველ ქალს სამართლი-
ანად მოპყრობოდნენ. როცა ვიხსენებ ბრძოლებში გატარებულ
წლებს, თავს როგორღაც ვეტერანად ვგრძნობ. არ შეიძლება ით-
ქვას, რომ მე ვარ ვეტერანი, რომელმაც დამარცხება განიცადა.
არა! მაგრამ გამოუცდელი ახალბედებისაგან განსხვავებით, არც იმას
მოველი, დღეს იერიში დავიწყო და ხვალვე, განთიადისას, აღებუ-
ლი იყოს მტრის ბანაკი. მე იმ ვეტერანთა რიცხვს ვეკუთვნი, რო-
მელნიც არ ელიან, რით დამთავრდება კამპანია და ველარ წინას-
წარმეტყველებენ იმას, როდის დამთავრდება იგი“. მეორე ნაგ-
ნობს; რომელსაც იმედი ჰქონდა, ჩემი მიემხრობოდა ერთობ-
ლივ შეტევას რელიგიის წინააღმდეგ, იგი სწერდა: „ბრძოლა რე-
ლიგიისათვის? ეს რაღაც შორეულ, პატარა, ბუნდოვან წამოწ-
ყებად მეჩვენება. ბრძოლა ჯერ კიდევ მიმდინარეობს, მაგრამ დე-
დამიწის სადღაც მიყრუებულ, უცნობ კუთხეში. ჩემი აზრით,
თქვენ ებრძვით მოწინააღმდეგეს, რომელმაც უიმისოდაც უკვე განი-
ცადა მორალური დამარცხება“. მერი ოსტინის ჩივილზე,
ჩემი საუკეთესო ნაწარმოებები გაუგებარი რჩებაო, დალილი ჩემი
პასუხობს: „ყოველივე საუკეთესომ, რაც კი ჩემმა გონე-
ბამ და გულმა შექმნა, მსოფლიო მკითხველისათვის ფაქტიურად შე-
უმჩნევლად ჩაიარა, ეს არც მაწუხებს. მე განვაგრძობ გზას იმითაც
კმაყოფილი, რომ მკითხველს ჩემს ნაწარმოებებში აღაფრთოვანებს
უბეში, სრულყოფილი ძალა და მისი მსგავსი სისულელები, რაც
სრულიად არაა დამახასიათებელი ჩემი მუშაობისათვის; თუ მარ-
ტობისათვის ხარ განწირული, მაშასადამე, იდექი კიდევ მარტო
რამდენადაც მახსოვს, ყოველ დროში წინასწარმეტყველთა და ნა-

ოელმპკვრეტელთა ხვედრი მარტოობა იყო—თუ არ ჩავთვლით იმ შემთხვევებს, როცა მათ კოცონზე სწვავენ ანდა ქვებით ჰქოლავდნენ“.

იგი თავის კაბინეტში შეიმალა იმ დათვის მსგავსად, რომელიც ბუნაგში შეძვრება ხოლმე ლოკვით ჭრილობის მოსაშუშებლად. გულმოსულ, გულისტივილით აღსავსე, იმედგაცრუებულ წერილებს ლებულობდა პატივისმცემლებისა და მიმდევრებისაგან: ხალხი ცეცხლში ყრიდა ჟურნალის იმ ნომრებს, რომელშიაც განოქვეყნდა „დიდი სახლის პატარა დიასახლისი“. „დაბრუნდით დედამიწაზე“,—ევედრებოდნენ ისინი. მწვავედ შეურაცხყოფილი ჭეკი გაშმაგებით იცავდა თავს: „ნება მომეცით, ერთხელ და სამუდამოდ გაუწყოთ, რომ მე მეტად ვამაყობ „პატარა დიასახლისით“.

მაგრამ იყო კიდევ ერთი რაღაც, რაც, ელიზას გარდა, არც ერთმა ცოცხალმა არსებამ არ იცოდა: მას სტანჯავდა შიში, რომ ჭკუაზე შეიშლებოდა. ტვინი მეტად გამოეფიტა იმისათვის, რომ ემუშავნა; ამავე დროს კი იძულებული იყო ყოველდღე ეწერა. მძიმე და აუტანელ დატვირთვას, ერთი დღეც იქნება, ტვინი ვეღარ გაუძლებდა—აი, რისა ეშინოდა. ამას ემატებოდა ფიქრი, რომ დედამისი მთლად ნორმალური არ იყო. ეს კიდევ უფრო აშინებდა. იგი კვლავ და კვლავ ევედრებოდა ელიზას: „თუ გონებას დაეკარგავ, აღმითქვი, რომ საავადმყოფოში არ გამგზავნი. აღმითქვი!“

ელიზამ ვერაფრით ვერ გააქარწყლა მისი შიში, მიუხედავად იმისა, რომ ყოველთვის დიდის ამბით ეფიცებოდა, რომ არასოდეს არ დაანებებდა თავს, არ გაგზავნიდა საავადმყოფოში და მასზე თვითონ იზრუნებდა.

ჭეკი კიდევ ებლაუქებოდა უკანასკნელ იმედს: მოენახა და შეეყვარებინა ნამდვილი, დარბაისელი ქალი, რომელიც მასაც შეიყვარებდა და, არა მხოლოდ შეიყვარებდა, არამედ ვაჟსაც აჩუქებდა. მან იცოდა, რომ ჩარმიანი ვერასოდეს ვერ მისცემდა მას ვაჟს, რომელიც მთელი სიცოცხლის მანძილზე ასე მგზნებარედ ენატრებოდა. ჭეკი წუხდა, რომ იგი, რომელმაც ათობით ადამიანი შექმნა თავის მრავალრიცხოვან ნაწარმოებთა ფურცლებზე, ისე მოკვდება, რომ ვაჟს ვერ ეღირსება. მან დაიფიცა, ასე თუ ისე, მას მაინც ეყოლება ვაჟი. იგი იპოვნის ქალს, რომელიც აჩუ-

ქებს ვაჟს და მოიყვანს მას აქ, რანჩოში. ჭეკმა იპოვა ასეთი ქალი, მხურვალედ შეიყვარა იგი, ქალმაც ასეთივე სიყვარულით უპასუხა—ამას მრავალი საბუთი ადასტურებს. მაგრამ ჭეკი მაინც ჩარმიანთან დარჩა—ვერ შეძლო მისი გულისტყენა: მასთან უწინდებურად აღერსიანი იყო, როგორც ბავშვთან, წინანდებურად უძღვნიდა თავის წიგნებს მგზნებარე წარწერებით. არა ერთი წელი იყო ჩარმიანი მისი ერთგული მეგობარი და ჭეკი ამისათვის სამუდამოდ მისი მადლობელი დარჩა.

ჩარმიანი ნერვიულობდა, გული ელეოდა მოუსვენრობისაგან, განუწყვეტლივ იტანებოდა უძილობით; მან იცოდა, რომ ჭეკი არ იყო მისი ერთგული, რომ ამჭერად შეიძლებოდა დაეკარგა იგი. ოკლენდში გაყრის ქორებიც გავრცელდა. ჭეკის გარდაცვალების მეორე დღეს ჩარმიანმა ყველას განუცხადა რანჩოში, რამდენიმე თვის განმავლობაში პირველად შევეძელი დაძინებაო.

ჭეკმა იცოდა, რომ იგი ჩიხში მოექცა. დარდებისა და გაჭირვებებისაგან— მერედა ვინ მოთვლის რამდენი იყო ისინი!—თავდაცვის მიზნით იგი განუწყვეტლივ სვამდა. მუშაობა... ახლა იგი რაღაც რეფლექსად ექცა: ოდესღაც მძლავრი ორგანიზმის მექანიკურ აქტად. 1915 წელს „დიდი სახლის პატარა დიასახლისის“ გარდა გამოვიდა მოთხრობა „ჰიპერბორული სასმელი“; მაგრამ ორივე ეს ნაწარმოები დაწერილი იყო ჯერ კიდევ ერთი წლის წინათ; 1914 წლის 1 დეკემბერს იგი წერდა: „გუშინ დავამთავრე ჩემი ბოლო რომანი „დიდი სახლის პატარა დიასახლისი“; ხვალიდან ხელს მოვიკიდებ მომდევნო რომანის გეგმას. რომელსაც ვფიქრობ ვუწოდო „უსახურავო ყუთი“. ეს თხზულება არ დაწერილა. „მკვლელების ბიურო“ შუა გზაზე მიატოვა: უიმედოა! 1916 წლის ივლისში ჩარმიანთან ერთად ჰავაიზე გაემგზავრა იმ იმედით, რომ მზე ისევ განკურნავდა ავადმყოფობისაგან.

ოდესღაც, თავისი გზის დასაწყისში, მან საზეიმო მოწოდება გადაისროლა: „სოციალიზმი—უდიდესია მათ შორის, რაც დედამიწაზე არსებობს“. ჯერ კიდევ ერთი თვის წინათ იგი წერილებს იწვეებდა მიმართვით „ძვირფასო ამხანაგო“ და ხელს აწერდა „მარად თქვენი, რევოლუციის სახელით“. სულ ახლახან დაწერა მგზნებარე წინასიტყვაობა ეპტონ სინკლერის ანთოლოგიისათვის „მოწოდებ-

ბა სამართლიანობისაკენ“, რომელიც დედამიწაზე გაბატონებული თვითნებობის, სიმკაცრის, ტანჯვის მკაცრ განაჩენს წარმოადგენს. მეგობართა ვერაგობამ და მუშათა არაკეთილსინდისიერებამ ვერ შეარყია მისი რწმენა სოციალისტური სახელმწიფოსადმი. ეკონომიური ფილოსოფია და სოციალიზმის ზოგადსაკაცობრიო ლოგიკა ახლა უფრო მტკიცედ სწამდა, ვიდრე ოდესმე. მაგრამ იგი გაააფთრა იმ კაცობრიობამ, რომელიც თავისი ბორკილების დამსხვრევის ნაცვლად მძინარე აპათით დაათრევდა მათ. გემზე თავის კაიუტაში მჯდომი წერდა:

„მე გამოვდივარ სოციალისტური პარტიიდან იმიტომ, რომ მან დაკარგა თავისი ცეცხლოვანი, მებრძოლი სული და ჩამოშორდა კლასობრივ ბრძოლას. მე ვიყავი ძველი, რევოლუციური, დაუოკებელი, მებრძოლი სოციალისტური მუშათა პარტიის წევრი. კლასობრივი ბრძოლის სულისკვეთებით აღზრდილს მჯერა: მუშათა კლასი ბრძოლით, დარაზმულობით, მტერთან შეურიგებლობით მიაღწევს თავისუფლებას. რამდენადაც უკანასკნელ წლებში შეერთებულ შტატებში სოციალისტური მოძრაობა მთლიანად განიშკვალა დაშოშმინებისა და შემთანხმებლობის სულისკვეთებით, ჩემი გონება ვერ ურიგდება შემდგომში ამ პარტიის რიგებში ყოფნას. აი, რატომ ვაცხადებ, რომ გამოვდივარ მისი რიგებიდან“.

მან ცოტა რამ როდი შესძინა სოციალიზმს და მისგანაც ბევრი მიიღო. იგი ფიქრობდა, პარტიას იმისათვის სტოვებდა, რათა კურსი მარცხნივ აეღო, მაგრამ ამას არაფერი შეუცვლია: მას შემდეგ, რაც თხუთმეტი წლის განმავლობაში სულითა და გულით ემსახურა პარტიას, მან თავისი წასვლით მას მძიმე დარტყმა მიაყენა, თავის თავს კი—სასიკვდილო. განა იგი არ იყო, „მარტინ ილენში“ ბრისენდენის პირით გმირს რომ აფრთხილებდა: „მტკიცედ დაუკავშირდი სოციალიზმს, თორემ როცა წარმატება მოვა, შენს სიცოცხლეს მიზანი აღარ ექნება“. განა ის არ პასუხობდა მისი ტალანტის ერთ-ერთ პატივისმცემელს 1912 წლის დეკემბერში:

„როგორც ეს უკვე ნათქვამია „ჯონ ჰერის მარცვალში“, მარტინ ილენი—ეს მე ვარ. მარტინ ილენი მოკვდა, რადგან იგი ინდივიდუალისტი იყო, მე კი ეკოცხლობ, რადგან სოციალისტი ვარ და ჩემთვის, მაშასადამე, დამახასიათებელია საზოგადოებრივი თვითშეგნება“.

ჰავაის კუნძულებზე ამჯერად დაჰკარგეს თავისი განმკურნავი ძალა: ჭეკს არც ფიზიკური და არც სულიერი უკეთესობა არ დაეტყო. იგი რაღაც-რაღაცებს წერდა. გამოქვეყნდა „მაიკლი, ჭერის ძმა“, რაღაც სუსტი ჰავაური მოთხრობები, დაიწყო მუშაობა რომანზე ჩერის, ევრაზიელი ქალიშვილის შესახებ, მაგრამ ვერ დაამთავრა. ცდილობდა ღვინოში ჩაეხშო დარდი და საკუთარ თავში დაურწმუნებლობა, სვამდა განუწყვეტლივ. ვერაფერმა ვერ უშველა. როცა გლენ-ელენში დაბრუნდა, მეგობრებმა ძლივს იცნეს: ელიზას გადმოცემით, ეს სულ სხვა ადამიანი იყო. გასუქებულიყო, კოჭები შესივებოდა, სახე შეშუპებული ჰქონდა, თვალები კი — ჩამქრალი. ყოველთვის ბავშვური შესახედაობის მქონე, ახლა კი მოწყენილი, ავადმყოფი, დათრგუნვილი ჭეკი თავის წლებთან შედარებით გაცილებით მეტი ხნისა ჩანდა. მეგობრებს ახლა იშვიათად იწვევდა რანჩოში, რათა სადილად იხვით გამასპინძლებოდა. სულიერი წონასწორობის დაკარგვის შედეგად უნებისყოფოდ მიჰყვებოდა დინებას. მას მთვრალს ხედავდნენ ხოლმე ოკლენდში, არ ერიდებოდა საზოგადოებრივ ადგილებში აყალმაყალსაც.

მოგზაურობიდან დაბრუნების შემდეგ მან მალე მოინახულა ბესი პიედმონტში. ყოფილი ცოლ-ქმარი ნაზად შეხვდა ერთმანეთს. როგორც იქნა, ჭეკმა ძლივს შეიგნო, რომ ბესის მკაცრად მოექცა, რომ ბავშვების დაკარგვაში თვითონ იყო დამნაშავე. მან ბესის შესთავაზა, გაგიორკეცებო ყოველთვიურ დახმარებას. ბესი დათანხმდა.

„თუ მე შენთვის ოდესმე საჭირო ვიქნები, — უთხრა ჭეკმა ყოფილ ცოლს, — იცოდე, მოვალ, რაგინდ შორს არ უნდა ვიმყოფებოდე“.
„მეექვება, რომ ოდესმე დამჭირდები, ჭეკ, მაგრამ თუ ეს მოხდა, შეგატყობინებ“, — უპასუხა ბესიმ.

ელიზას გარდა, ქვეყანაზე მხოლოდ ერთი ადამიანი იყო, რომელიც ჭეკს უყვარდა, რომელსაც ბოლომდე ენდობოდა: ნაკატა. „ექვსი თუ შვიდი წლის მანძილზე შენ ჩემთან იყავი ღლეცა და ღამეც. სადაც არ ვყოფილვარ ამქვეყნად, ჩემთან ერთად შენც განვლევ საფრთხე. ჩვენ ხშირად შევხვედრივართ ქარიშხალსა და სიკვდილს; ისინი ჩვენთვის ჩვეულებრივ მოვლენად იქცა. მახსენდება, რა კეთილშობილურად გეჭირა თავი ჩემს გვერდით ქარიშხლიან დღეებში. მახსენდება, როგორ მივლიდი ავადმყოფობის დროს,

მახსენდება მხიარულების საათებიც, როცა შენ ჩემთან ერთად იცინოდი და მე კი—შენთან ერთად“. კბილის ექიმის სპეციალობის შესასწავლად „პატრონისაგან“ ჰონოლულუში წასული ნაკატა პასუხობს: „თქვენ მომეცით მე ჰერი და საზრდო; მთელი ღამე ფეხზე გაათენეთ ჩემს გადასარჩენად, როცა მოვიწამლე. ძვირფას დროს კარგავდით, რათა ჩემთვის წერა-კითხვა გესწავლებინათ. სტუმრებსა და ნაცნობებს ჩემს თავს აცნობდით, როგორც თქვენს მეგობარს, როგორც შვილს. თქვენ ჩემთვის მართლაც მამა იყავით. თქვენმა დიდმა გულმა—აი, რამ შექმნა ეს, ჩემთვის უსაზღვროდ ძვირფასი ურთიერთობა“. ასე ჰპოვა ჯეკმა ნაკატაში, თავის იაპონელ მოსამსახურეში, ერთადერთი ვაჟიშვილი, ერთადერთი სიყვარული ვაჟისადმი, რომელიც წილად ხვდა ეგემნა.

— ჯეკ, შენ ყველაზე უფრო მარტოხელა ადამიანი ხარ ამქვეყნად. ის, რაზედაც გულის სიღრმეში ყოველთვის ოცნებობდი, არასოდეს არ გქონია, — უთხრა მას ერთხელ ელიზამ.

— ღმერთო ჩემო, მერედა შენ როგორ მიხვდი?

იგი ყოველთვის ამბობდა: „მინდა ცოტა ხანს ვიცოცხლო, მაგრამ მხიარულად“. მისი სურვილი იყო მერცხე საუკუნის ცის კამარაზე დამაბრმავებელ კომეტასავით ისე გაეფლვა, რომ მისი იდეების ანარეკლი შემორჩენოდა ყოველი ადამიანის გულს. კაშკაშა, მაღალი ალით წვა, დაფერფლვა, რათა სიკვდილს ანაზღეულად არ მიესწრო, ვიდრე უკანასკნელი აზრი, თუნდაც უმნიშვნელო წვრილმანი, ბოლომდე არაა მიყვანილი. იგი ყოველთვის ეთანხმებოდა ჯორჯ სტერლინგს: დიდხანს ნუ შეყოვნდები საკუთარი გვამის საზოგადოებაში; გააკეთე საქმე? მაშასადამე, სიცოცხლეც დასრულებულია—გამოემშვიდობე და წადი.

რჩებოდა თხზულებები, რომელთა დაწერის სურვილი ჯერ კიდევ ჰქონდა ჯეკს: რომანი „ქრისტე“, ავტობიოგრაფია სახელწოდებით „მეზღვარე უნაგირზე“, „შორეული შორეთები“ — მოთხრობა იმ დღეებზე, როცა ჩვენი პლანეტა გაცივებას დაიწყებს. ვიდრე ძალ-ღონე გააჩნდა, ეგონა ვერც ერთი თხზულება ვერ გამოსახავდა სრულად იმას, რისი თქმაც სურდა. მან ორმოცდაათი წიგნი დაწერა—და განა ამით ამოიწურა მთელი მისი უნარი? მაგრამ დაიღალა. როცა ახლო ჩაუვლიდა თავის კაბინეტში ჩამწკრივებულ

თეთრი მუყაოს კოლოფებს, იგი ისევ და ისევ არწმუნებდა თავის თავს, რომ ახალბედა კი არა, ვეტერანია. მან იცოდა, რომ მტრის ბანაკი აღებული არ იქნებოდა განთიადისას—არც დღეს, არც ასი წლის შემდეგ.

ჯეკმა თავისი ბრძოლა დაამთავრა, საქმე გააკეთა, სათქმელი თქვა და დასვენება დაიმსახურა. ბევრი შეცდომა დაუშვა, უთვალავი სისულელე ჩაიდინა, სამაგიეროდ, დიდ მიზნებს ემსახურებოდა და წვრილმანებს არასოდეს არ გამოსდევნიდა. დროა განზე გადგეს, ადგილი დაუთმოს ახალგაზრდობას, ვინც გზას იკაფავს მწვერვალებისაკენ. მის მიერ აღწერილი მოკრივეების მსგავსად, გზა უნდა დაუთმოს „ახალგაზრდობას—უშრეტსა და უძლეველს, რომელიც ყველაფერს მიაღწევს და არასოდეს არ მოკვდება“,—როგორც იგი ხშირად ამბობდა.

საკვირველია, ფიქრობდა ჯეკი, როგორ შეუძლია ადამიანს, თავისდა უნებურად, სახელი მოიხვეჭოს იმით, რაც მისთვის საცესებით უცხოა. მაგალითად, კრიტიკოსები ჰკიცხავენ, ზეშთაგონება გაკლიათ—მას, რომლის შრომები მთლიანად ფილოსოფიითა და კაცობრიობისადმი სიყვარულითაა გაქდნთილი. განა მის თხზულებებში არ უღერს ორი მოტივი: ერთი—გარეგანი, ზედაპირული, მეორე დრმა, ფარული, რომელსაც მხოლოდ ცოტანი თუ მიხვდებიან? ჯერ კიდევ იმ დროს, როცა იგი კორესპონდენტად იყო რუსეთ-იაპონიის ომში, როგორღაც მასთან სასტუმროში გამოცხადდა ადგილობრივი ხელისუფლების წარმომადგენელი და შეატყობინა, რომ ძირს, მოედანზე, მთელი მოსახლეობაა შეკრებილი მის სანახავად. ჯეკს ეს მეტად ეამა: წარმოდგინეთ—მისმა დიდებამ თვით შორეული კორეის მიყრუებულ ადგილამდეც კი მიაღწია! მაგრამ როცა იგი სპეციალურად მისთვის აღმართულ ტრიბუნაზე ავიდა, მოხელე შეეკითხა, ხომ არ დათანხმდება იგი, კეთილი ინებოს და... პირიდან ხელოვნური კბილები გამოიღოს? მთელი ნახევარი საათი იდგა ჯეკი ტრიბუნაზე და ბრბოს აპლოდისმენტების ქვეშ პირიდან იღებდა და ისევ ისვამდა ხელოვნურ კბილებს. სწორედ მაშინ გაუელვა პირველად აზრმა, რომ ადამიანი იშვიათად ხდება ცნობილი იმით, რისთვისაც იბრძვის და რისთვისაც კვდება.

ერთ ქალიშვილს, რომელმაც მას დახმარებისათვის მიმართა,

იგი სწერს: „ახლა უკვე, მოწიფულობის ასაკში, მე დარწმუნებული ვარ, რომ ჩიტი ბღღვნად ღირს. მეტად ბედნიერი ცხოვრება გავატარე. მე უფრო გამიმართლდა, ვიდრე ჩემი თაობის მილიონობით ადამიანს. რა ვუყვით, რომ ბევრი ვიტანჯე. სამაგიეროდ ბევრი ისეთიც განვიცადე, ვნახე და შევიგრძნე, რაც ჩვეულებრივი ადამიანისათვის მიუწვდომელია. დაიხ, ჩიტი უთუოდ ღირს ბღღვნად და, აი, ამის დადასტურებაც: ყველა მეგობარი ერთხმად ამტკიცებს, რომ მე ვსუქდები. განა ეს თავისთავად არ ცხადყოფს ჩემს სულიერ გამარჯვებას?“

მაგრამ აღმოჩნდა, რომ თვით ბრძოლის პროცესი გამარჯვებულზე ბევრად უფრო სასიამოვნოა: ბავშვობაში დედის წყალობით სილატაკის უფსკრულში გადაჩეხილმა, თვითონ, ვისიმე დახმარების გარეშე, გაიკათა გზა მწვერვალისაკენ.

ჯეკ ეგონა, რომ მასთან ერთად მთელი სამყაროც ბერდებოდა. „შეიძლება ითქვას, რომ თავგადასავალთა სამყაროსთან ყველაფერი გათავებულია. გაუფერულდა და პროზაული გახდა შვიდი ზღვის უჩვეულო-ლამაზი სანაოსნო ქალაქებიც კი“. იგი ჯერ კიდევ დიდი ხნის წინათ ამბობდა: „მე ვარ იდეალისტი, რომელსაც სწამს რეალური სინამდვილე. აი, რატომ ვცდილობ ყველა ჩემს ნაწარმოებში მისი ერთგული დავრჩე, ე. ი. ჩემს მკითხველებთან ერთად ამტკიცედ, ორივე ფეხებით ვიდგე მიწაზე; რა სიმაღლეზედაც არ უნდა დანავარდობდეს ჩემი ოცნებები, მათ საფუძველს რეალობა უნდა შეადგენდეს“. დიახ, იგი ოცნებობდა, და ეს იყო მაღალი ოცნებები. ახლა კი დაუბრუნდება სინამდვილეს და არც შეკრთება იმის დანახვაზე, რომ ოცნებასაც და ცხოვრებასაც ბოლო ეღება.

მაგრამ ვიდრე ეს დასასრული მოსულა, ჩაქრობის გზაზე დამდგარმა ჯეკ ლონდონის გონებამ უკანასკნელად იფეთქა ძველებური სიძლიერით. მან ორი შესანიშნავი მოთხრობა დაწერა—ერთი ალასკაზე: „როგორც არგონავტები ძველად“, მეორე — „გზაზე“: „პრინცესა“, რომელმაც იგი ისევ გადაისროლა ახალგაზრდობის მჩქეფარე, რომანტიულ დღეებსა და პირველ წარმატებებში.

მან ფორნის უბრძანა, დაეწყო ქვის მრგვალი შენობის აგება სარძევე ფერმისათვის; ზევით, რანჩოსაკენ მიმავალ გრძელ გზაზე დაიდრა ცემენტის ტომრებით დატვირთული საზიდრები. იგი კვლავ

გაგზავნის სან-ფრანცისკოში უმაღლესი ხარისხის რძეს, კარაქს, ყველს—„ჯეი ელის“—ჯეკ ლონდონის მარკის ყველაზე მაღალხარისხოვან საქონელს... ალბათ, მოხუცი ჯონ ლონდონი, ცოცხალი რომ იყოს, იამაყებდა ასეთი ვაჭით. ჯეი, ელიზასთან ერთად გაემგზავრა საკრამენტოში კალიფორნიის ბაზრობაზე. ყველაფერი, რაც განზრახულია, გაკეთდება რანჩოში, ეუბნებოდა იგი ელიზას. საქმის სამი მეოთხედი უკვე გაკეთებულია და მალე ისინი არავისაგან არ იქნებიან დამოკიდებული. მან ნიუ-იორკიდან და ინგლისიდან გამოიწერა წიგნები: „ნავსადგურ ლა რომელის ალყა“, „რასობრივი რღვევა“, „ბედნიერება ქორწინებაში“, დრაიზერის „გენიოსი“, სტენლის „კონგო“ და ნახევარი დუჟინი კიდევ სხვა—ბოტანიკასა და ევოლუციაზე, მაიმუნებსა და კალიფორნიის ფლორაზე, ნიუ-იორკის დამაარსებელ პოლანდიელებზე.

ჯეკმა განიზრახა მოგზაურობა აღმოსავლეთის ქვეყნებში, შეუკვთა კიდევ ბილეთები, მაგრამ შემდეგ უკანვე დააბრუნა. გადაწყვიტა მარტო ნიუ-იორკში წასულიყო, მაგრამ ნინეტა პეინმა სწორედ ამ დროს აღძრა მის წინაღმდეგ სასამართლოში საქმე წყალსაცავებზე და იძულებული შეიქნა, გლენ-ელენში დარჩენილიყო. თითქმის ყველა იმ აზრისა იყო, რომ მას უფლება ჰქონდა წყლით ესარგებლა. სასამართლო პროცესის უკანასკნელ დღეს იგი განუწყვეტლივ, ოთხი საათის განმავლობაში ჩვენებას აძლევდა და სასამართლოს დარბაზი დატოვა ფორნისთან ერთად, რომელიც ამბობს, ჯეკს იმ დღეს საშინელი ტკივილები ჰქონდაო: დაეწყო ურემია. რამდენიმე დღის შემდეგ საუზმეზე მოიწვია ყველა მეზობელი, რომელთა სახელითაც თხოვნა იქნა შეტანილი სასამართლოში; აი, სწოედ მაშინ, მეგობრულ საუბარში, ისინი არწმუნებდნენ მას, არასოდეს არ გვინდოდა სასამართლოს შენთვის წყალსაცავით სარგებლობა აღეკვეთათ.

სამშაბათს, 1916 წლის 21 ნოემბერს ჯეკმა მოათავა ყველა სამზადისი, რადგან მეორე დღეს ნიუ-იორკში მიდიოდა. საღამოს ცხრა საათამდე ტკბილად ესაუბრებოდა ელიზას. უთხრა, რომ შეივლიდა ჩიკაგოს პირუტყვის ბაზარში, შეარჩევდა შესაფერ ცხოველებს და გამოგზავნიდა რანჩოში, ხოლო ელიზა დათანხმდა წასულიყო ბაზრობაზე ორეგონის შტატის ქალაქ პენდლტონში, რათა ენახა,

ხომ არ შეიძლება იქ მოკლედფხებთან დეკეულებისა და მოზვრების შექენა. ჯეკმა მას დაავალა, ჯერ ერთი, მუშის თითოეული ოჯახის განკარგულებაში გამოეყო თითო აკრი მიწა და თითოეულ ნაკვეთზე აეგო სახლი; მეორე. შეერჩია ადგილი სათემო სკოლისათვის და მესამე, მიემართა სპეციალური სააგენტოსათვის, რათა გამოეგზავნათ კარგი მასწავლებელი ქალი. ამას გარდა, საჭირო იყო ნაკვეთის შერჩევა მაღაზიის ასაგებად. იგი ცდილობდა საქმე ისე დაეყენებინა, რომ ყოველივე აუცილებელი აქვე, რანჩოში ეწარმოებინათ, შეექმნათ ნატურალური მეურნეობა, ფქვილისა და შაქრის გარდა არაფერი არ შემოეზიდათ.

უკვე ძილის დრო იყო. გრძელი ჰოლის გავლით ელიზამ იგი კაბინეტის კარებამდე მიაცილა.

— სანამ დაბრუნდები, — უთხრა ელიზამ, — მე მაღაზიას ავაშენებ, საქონელსაც შეეზიდავ და სკოლასაც მოვაპირკეთებ. გამოვიწერ მასწავლებელ ქალს. კიდევ რა? ჰო, შემდეგ მე და შენ მიემართავთ მთავრობას—დაე, გაგვიხსნას აქ საფოსტო განყოფილება; მერე აღემართოთ დროშა და გვექნება ჩვენი საკუთარი პატარა ქალაქი, რომელსაც დავარქმევთ „დამოუკიდებლობას“, კარგი?

ჯეკმა მხრებზე დაადო ხელი, უხეშად მოუჭირა და სავსებით სერიოზულად უთხრა:

— კეთილი, მოხუცო,—და კაბინეტის გავლით აივანზე, თავის საძინებელ ოთახში გავიდა.

ელიზაც გაეშურა დასაძინებლად.

დილის შვიდ საათზე მასთან გიჟივით შევარდა იაპონელი მსახური სეკინე, რომელიც ნაკატას ცვლიდა.

— მისის, ჩქარა ბატონო უგრძნობლადაა, თითქოს მთვრალია ელიზა აივნისაკენ გაიქცა. ერთი შესხედვაც საკმარისი აღმოჩნდა, რათა დარწმუნებულიყვნენ, რომ ჯეკი უგრძნობლად იყო. იგი ტელეფონს ეცა და სონომადან, ექიმი აღენ თომპსონი გამოიძახა. ექიმის დასკვნით ჯეკი უკვე დიდი ხნის გულწასული იყო. იატაკზე ეგდო ორი ცარიელი შუშა მორფისა და ატროფინის ეტიკეტებით, ხოლო საღამურ მაგიდაზე იდო ბლოკნოტი, სავსე რიცხვებით, რომლითაც საწამლაგის სასიკვდილო დოზა გამოეანგარიშებინა. თომპსონმა ტელეფონით განკარგულება გასცა, რათა სონომას მეაფთი-

აქეს მორფით მოწამვლის საწინააღმდეგო შრატი მოემზადებინა და თავის ასისტენტს, ექიმ ჰეისს, სთხოვა, პრეპარატი რანჩოში მოეტანა. ექიმებმა ჯეკს კუჭი ამოურეცხეს, შეუშხაპუნეს აღმგზნები ნივთიერება, დაუზილეს კიდურები. ყველა ამ პროცედურის დროს მხოლოდ ერთხელ მოეჩვენათ, რომ იგი გონს მოდიოდა. ჯეკმა თვალები ოდნავ აახილა, ტუჩები ამოძრავა, რალაც „ჰელლოს“ მსგავსი წაილულულა და ისევ დაკარგა გრძნობა.

„მოწყალეების დის მოვალეობას,—ისხენებს ექიმი თომპსონი,—მწუხარებით გულდათუთქული ელიზა ასრულებდა. რაც შეეხება მისი ჩარმიან ლონდონს (რომელსაც ჯეკმა 1911 წელს მთელი თავისი ქონება უანდერძა), იმავე დღეს ჩემთან ლაპარაკში აღნიშნა, რომ, თუ ჯეკ ლონდონი მოკვდებოდა,—რაც მის ახლანდელ მდგომარეობაში საეცებით დასაშვები იყო—მისი სიკვდილი არათერს დაბრალდებოდა, გარდა ურემიული მოწამვლისა. მე შევეკამათე, რომ ჯეკის სიკვდილის მხოლოდ ამით ახსნა ძნელი იქნებოდა: ტელეფონით ლაპარაკი დილით შეიძლებოდა უნებურად მოესმინა ვისმე. გარდა ამისა, მეაფთიაქესაც ხომ შეეძლო ვინმესთვის ეთქვა, რომ შხამსაწინააღმდეგო პრეპარატი მოამზადა; ამრიგად, სიკვდილის მიზეზს მაინც მორფით მოწამვლაში დაუწყებენ ძებნას.“

სალამოს შვიდი საათისათვის ჯეკი გარდაიცვალა. მეორე დღეს მისი ნეშტი ოკლენდში გადაასვენეს, სადაც ფლორამ, ბესიმ და ქალიშვილებმა პანაშვიდი გადაუხადეს. მთელი მსოფლიო დასტიროდა მის სიკვდილს. ევროპის პრესაში ამ შემთხვევას უფრო მეტი ყურადღება დაეთმო, ვიდრე ავსტრიის იმპერატორის ფრანც იოსების სიკვდილს, რომელიც წინა დღეს გარდაცვლილიყო. ამერიკელთა მწუხარებას ძალიან კარგად ასახავს ლუთერ ბერბანკის შეუღლის საქციელი: იმ დროს მის სახლში დროს ატარებდა უნივერსიტეტის ქალაქში შეკრებილ ახალგაზრდათა კომპანია. გაზეთის გაშლისთანავე მისის ბერბანკმა შესძახა მათ: „შეწყვიტეთ სიცილი! ჯეკ ლონდონი გარდაიცვალა!“

ედვინ მარკემმა მას ოდესღაც უწოდა ახალგაზრდობის, შემართებისა და გმირობის ნაწილაკი დედამიწაზე. მისი წასვლით ჩაქრა სამყაროს კიდევ ერთი ჩირალდანი.

იგი კრემირებული იქნა ღამით, მისი ფერფლი კი ისევ „სილამა-

ზის რანჩოში“ ჩამოიტანეს. სულ რაღაც ორი კვირის წინ, ერთ დიდებულ გორაკზე ელიზასთან ერთად გავლისას, ჯეკმა ცხენი შეაჩერა და თქვა:

— ელიზა, როცა მოვკვდები, ჩემი ფერფლი ამ გორაკზე დამარხე.

ელიზამ გორაკის მწვერვალზე, რომელიც მცხუნვარე მზისაგან მარწყვისა და მანსანიტის ხეებით იყო დაცული, ორმო ამოთხარა, შიგ ჩაასვენა ურნა ჯეკის ფერფლით და საფლავს ცემენტი მოასხა. შემოდან უზარმაზარი წითელი ქვა დაადო. ჯეკი ამ ქვაზე ამბობდა ხოლმე: „ქვა, რომელიც მუშებს არ გამოადგათ“.

ბ ო ლ ო ს ი ტ ვ ა ო ზ ა

კალიფორნიის უნივერსიტეტის ბიბლიოთეკაში, ლოს-ანჯელოსში, ინახება ირვინგ სტოუნის სამუშაო ჩანაწერები: საუბრები ჩარმიანთან, ჯე. ლონდონის წერილების პირები (სტოუნის შენიშვნებით), ამონაწერები სხვადასხვა ხასიათის წყაროებიდან, ფოტოსურათები. მთელი ეს მასალა მოწმობს ბიოგრაფის მიერ გაწეულ დიდ მუშაობას.

თავისი წიგნისათვის სტოუნმა გამოიყენა როგორც ჯეკ ლონდონის მიმოწერა, ისე მეგობართა და ახლობელთა მემუარები. იგი ფურცლავდა იმდროინდელ გაზეთებს, ესაუბრებოდა მწერლის თანამედროვეებს, რომლებიც 30-იანი წლების ბოლოს, როცა ეს წიგნი იქმნებოდა, ჯერ კიდევ ცოცხალნი იყვნენ. ავტორი ისწრაფებოდა ისეთი წიგნი დაწერა ლონდონის შესახებ, რომელიც დამაჯერებელიც იქნებოდა და წარმტაცად საკითხავიც.

მან მიაღწია კიდევ ამას.

ცხადია, მხედველობაში უნდა მივიღოთ ის, რომ მიუხედავად წიგნის დოკუმენტური მასალით გაიმდირებისა, „მეზღაურე უნაგირზე“ მაინც მხატვრული ბიოგრაფიაა. აქედან გამომდინარე, იგი შეიცავს მხატვრული გააზრების ელემენტებსაც. საქმე მართო იმაში კი არ არის, რომ ავტორმა წარმოსახვის წყალობით შეავსო მწერლის ბიოგრაფიის უცნობი ადგილები და დაგვიხატა ამა თუ იმ მოვლენის სურათები, არამედ იმაშიც, რომ სტოუნმა ფართოდ გამოიყენა ჯეკ ლონდონის ზოგიერთი ნაწარმოები. ტყუილად როდი გვაფრთხილებს იგი წიგნის შესავალში, რომ „ესაა მოთხრობა ჯეკ ლონდონზე, გადმოცემული მისივე სიტყვებით...“

ლონდონის ბევრი მოთხრობა, რომანი და ნარკვევი ალაღვენს მისი ბიოგრაფიის ეპიზოდებს, მაგრამ სწორი არ იქნებოდა გავვეივიებინა ესა თუ ის გმირი ავტორთან, ანდა ასახული მოვლენები სინამდვილეში მომხდარად ჩაგვეთვალა. თვით ლონდონი არაერთხელ აფრთხილებდა გულბრყვილო მკითხველებს ამგვარი დასკვნებისაგან. მის ცხოვრებაში ბევრად სქარბობდა პროზა, მაგრამ იგი არ ყოფილა ისეთი ბრწყინვალე, როგორადაც ეს ირვინგ სტოუნმა წარმოგვიდგინა. ამ „ნაკლს“ დიდი სიამოვნებით ვაპატიებთ ავტორს, და ვაპატიებთ არა მხოლოდ ამბის წარმტაცად და მომხიბლავად ასახვის გამო, არამედ იმის გამოც, რომ მან შესძლო ჩასწვდომოდა შესანიშნავი ამერიკელი მწერლისა და ადამიანის ძირითად თვისებებს.

ამა თუ იმ პიროვნების ცხოვრების მხატვრული ასახვისას მნიშვნელო-

ვანია არა ესა თუ ის წერილმანი, არამედ წიგნის საერთო ტონი, წიგნის გმირის ავტორისეული შეფასება, მისი ხასიათის გაგება. ამ მხრივ, უნდა ითქვას, ირვინგ სტოუნმა მიზანს მიაღწია. მან სწორად გაიგო ჯეკ ლონდონის წარმატებებისა და წარუმატებლობის მიზეზები. ბიოგრაფის არგუმენტაციები ძლიერი და დამაჯერებელია.

ბევრად უფრო სუსტია ირვინგ სტოუნი ჯეკ ლონდონის ცხოვრებისეული ტრაგედიის ახსნისას. მისი აზრით; თითქოს ჯეკ ლონდონს არ გააჩნდა ფულის სწორად გამოყენების უნარი, რომ მას უამრავი ვალები უბიძგებდა შეეთხზა მხატვრულად ნაკლები ღირებულების მქონე ნაწარმოებები, რომ შემოქმედებითა დაძაბულობამ, რასაც შედეგად გადალდა მოჰყვა, გამოიწვია გულის ატრუება სამწერლო საქმიანობისადმი.

ლონდონის ცხოვრების ტრაგედიის ახსნისას სტოუნი არ გვიჩვენებს, თუ რა გავლენას ახდენდა ჯეკ ლონდონზე ამერიკული ტრადიციები, მისი გარემომცველი საზოგადოება; სწორედ მათ განსაზღვრეს მწერლის შემოქმედების შინაარსიც და თვით მისი ბედიც. და განა სწორედ ყველაფერმა ამან არ მიიყვანა საბოლოოდ ჯეკ ლონდონი სულიერ და შემოქმედებით კრიზისამდე?

არსებობს სამი სოციალური ფაქტორი, რომლებმაც სხვადასხვა დროს და სხვადასხვაგვარად გავლენა მოახდინა ჯეკ ლონდონზე და გადამწყვეტი როლი ითამაშა მისი ცხოვრების ამგვარად წარმართვაში. ესენია: სწრაფვა კაპიტალის დაგროვებისაკენ, რეაქციული ლიტერატურული ტრადიციები და რასისტული იდეოლოგია.

კაპიტალის დაგროვებისაკენ სწრაფვა იჭრება ამერიკული ცხოვრების ყველა სფეროში, სწამლავს ყველა ასაკის ადამიანებსა და ყველა კლასს, განსაზღვრავს მორალსა და გემოვნებებს, შეხედულებებსა და მიზნებს. თავის დროზე დოლარის ამ კულტს გმობდნენ დიდი ამერიკელები: უოლტ უიტმენი, მარკ ტვენი, თეოდორ ღრაიზერი; მის წინააღმდეგ იბრძოდნენ აშშ-ის უბრალო ადამიანები. მიუხედავად ამისა, დღემდე ეს კულტი მტკიცეაა ფუნდამენტული ამერიკულ საზოგადოებაში. ესაა პირველი, რაც უნდა გავითვალისწინოთ ჯეკ ლონდონის პირადი ტრაგედიის მიზეზის გარკვევისას.

შემდეგ, არ უნდა დავივიწყოთ, რომ ლონდონი მაშინ გამოვიდა ლიტერატურულ ასპარეზზე, როცა ჯერ კიდევ ძლიერი იყო ე. წ. „ნატიურ რეალისტთა“ ტრადიციები. ესენი იყვნენ ტკბილი რომანებისა და მოთხრობების ავტორები, რომლებიც გვერდს უვლიდნენ ამერიკული ყოფის უღმობელ სიმართლეს, მის სოციალურ კონფლიქტებს, მის წინააღმდეგობებსა და მანიერ მხარეებს.

ზოგიერთი მწერლის სწრაფვა—თავიანთ ნაწარმოებებში ცხოვრება ისეთად აესახათ, როგორც იგი სინამდვილეში იყო, მიემართათ იმ თემებისათვის, რომლებიც აღეკვებდა უბრალო ადამიანებს, გამოეყენებინათ მხატვრული ლიტერატურა სოციალური უსამართლობის წინააღმდეგ საბ-

რძოლველად — გამომცემლობისა და კრიტიკოსების სასტიკ პროტესტს აწყდებოდა.

მესამე მომენტი, რომელსაც არ შეიძლება გვერდი აუღიროთ ჯეკ ლონდონის შემოქმედებაში 1910 წლის შემდეგ მომხდარი გარდატეხის მიზეზის გარკვევისას, არის რასისტული იდეოლოგია.

ორი საუკუნის მიჯნაზე აშშ აგრესიულ იმპერიალისტურ სახელმწიფოდ გადაიქცა. ფართოდ ვრცელდება ანგლო-საქსების რასობრივი უპირატესობის თეორიები, წიგნები, რომლებიც შეიცავენ ქადაგებას დაპყრობებისაკენ, ქება-დიდებას ასხამს კოლონიზატორებს. ამგვარი ნაწარმოებების ავტორად სხვა მწერლებთან ერთად იმ პერიოდში გვევლინება აშშ-ის მომავალი პრეზიდენტი თეოდორ რუზველტი.

შოვინისტურმა და რასისტულმა პროპაგანდამ გავლენა მოახდინა თვით პროგრესულად მოაზროვნე ამერიკელთა მსოფლმხედველობაზეც.

ლონდონის ნაწარმოებები, რომლებშიც აისახა წინააღმდეგობანი სინამდვილესა და საზოგადოებრივ მოძრაობას შორის, თვით მწერლის სულში მიმდინარე ბრძოლა, არ არის ერთნაირად სრულფასოვანი თავისი მხატვრული და იდეური დონით.

საბჭოთა მკითხველს ჯეკ ლონდონის შემოქმედებაში უყვარს ძლიერი, ახლის მთქმელი, ადამიანისადმი რწმენით გამსჭვალული ნაწარმოებებმა. მისი რომანები: „მარტინ იდენი“, „ზღვის მგელი“, „თეთრი ეშვი“, „რკინის ქუსლი“, მოთხრობები: „წინაპართა ძახილი“, „სიცოცხლის სიყვარული“, „მექსიკელი“, ნოველები კრებულიდან „გზა“, სტატიები და ნარკვევები — ამერიკული და მსოფლიო ლიტერატურის შედევრებს წარმოადგენენ.

ჯეკ ლონდონი XX საუკუნის დასაწყისის ამერიკული სოციალისტური მოძრაობის ერთ-ერთი გამოჩენილი ფიგურა იყო, სოციალისტური იდეების მგზნებარე დამცველი და ერთგული. მაგრამ ცხრაასათიანი წლებიდან იგი ნელ-ნელა სცილდება აქტიურ საზოგადოებრივ საქმიანობას. ამას ხელი შეუწყო განხეთქილებამ სოციალისტურ პარტიაში: 1912 წელს წესდებამ დაუმარტეს დებულება, რომლის მიხედვითაც პარტია უარს ამბობდა ბრძოლის რევოლუციურ მეთოდებზე და თავისი რიგებიდან სდევნიდა კიდევ ამ მეთოდების დამცველებს. მართალია, ჯეკ ლონდონმა თანდათან გაწყვიტა კავშირი აშშ-ის სოციალისტურ და მუშათა მოძრაობასთან, მაგრამ თავისი რევოლუციური იდეალები მან ბოლომდე შეინარჩუნა. სიცოცხლის უკანასკნელ წუთებამდე ლონდონი მშრომელთა განთავისუფლების იდეის ერთგული დამცველი იყო. ამახ მოწმობს სიკვდილამდე ერთი წლით ადრე დაწერილი წინასიტყვაობა ანთოლოგიისათვის „სამართლიანობისაკენ მოწოდება“. მასში იგი ლაპარაკობს იმ ახალ კულტურის აშენების აუცილებლობაზე, რომელშიც აისახებოდა ადამიანის სიყვარული ადამიანისადმი. „ჩვენ უკვე ვიცი, — წერდა ჯეკი, — როგორ იქმნება ღმერთები. დადგა დრო, შევქმნათ სამყარო“.

ირვინგ სტოუნის წიგნი, რასაკვირველია, არ ამოსწურავს მთელ იმ დოკუმენტებსა და ფაქტებს, რომლებიც დაკავშირებულია დიდი და საინტერესო მწერლის ბიოგრაფიასთან. დასაინათ, რომ ავტორი არაფერს ამბობს ჭკე ლონდონის ურთიერთდამოკიდებულებაზე მისი დროის გამოჩენილ თანამედროვეებთან; თითქმის არაფერს ამბობს ძლიერ საინტერესო, მაგრამ, სამწუხაროდ, ჭერ კიდევ შეუსწავლელ პრობლემებზე—ლონდონის დაინტერესებაზე რუსული კულტურითა და რუსეთის რევოლუციური მოძრაობით. შესაძლოა ავტორმა არ იცოდა, რომ ჭკე ლონდონმა მხურვალედ დაუჭირა მხარი 1905 წლის რევოლუციის მონაწილეებს. როცა 1906 წლის გაზაფხულზე, პარტიის დავალებით, ამერიკაში მაქსიმ გორკი ჩავიდა, ლონდონი იმათ შორის იყო, ვინც მატერიალურად და მორალურად ეხმარებოდა რევოლუციურ რუსეთს.

ზემოაღნიშნულ და რიგ სხვა ნაყოფანებათა მიუხედავად, ირვინგ სტოუნის წიგნი უაღრესად საინტერესოა. პირველიდან უკანასკნელ გვერდამდე იგი გამსჭვალულია გულწრფელი სიყვარულით ამერიკელი ხალხის ამ სახელოვანი შეილისადმი.¹ სტოუნისავე სიტყვებით, ჭკე ლონდონი ბავშვობიდან მაგალითის მიმცემი ყოფილა მისთვის. ჭერ კიდევ ექვსი წლისა გაეცნო იგი გამოჩენილი მწერლის მოთხრობებს; მისმა წიგნებმა გადამწყვეტი როლი ითამაშეს სტოუნის აზროვნების ჩამოყალიბებაში; „მარტინ იდენმა“ შთააგონა მას სამწერლო მოღვაწეობის დაწყება. 15 წლიდან ოცნებობდა ირვინგ სტოუნი დაეწერა საყვარელი მწერლის ბიოგრაფია და დაწერა კიდევ 1938 წელს. აქედან მოყოლებული „მეზღვაური უნაგირზე“ რჩება ერთ-ერთ საუკეთესო წიგნად ჭკე ლონდონის ცხოვრებაზე.

¹ საინტერესოა აღინიშნოს, რომ თვით ავტორის ცხოვრებაში ბევრია საერთო ჭკე ლონდონის ცხოვრებასთან: დაიბადა იგი 1903 წელს, სან-ფრანცისკოში. ათი წლიდან ჰყიდა გაზეთებს, მუშაობდა ფერმაში, კონსერვის ქარხანაში, გამოიცვალა ბევრი სხვა პროფესია.